



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





12

2941 e 14

BIBLIOTHECA
CLASSICA LATINA
SIVE
COLLECTIO
AUCTORUM CLASSICORUM LATINORUM
CUM NOTIS ET INDICIBUS

On souscrit, à Paris,

Chez N. E. LEMAIRE, Éditeur, rue des Quatre Fils, n° 16, au Marais.
DEBURE frères, libraires du Roi, rue Serpente, n° 7.
TREUTTEL et WURTZ, libraires, rue de Bourbon, n° 17.
F. DIDOT, imprimeur du Roi et de l'Institut, rue Jacob, n° 24.
BOSSANGE père, libraire, rue de Richelieu, n° 60.
DONDEY-DUPRÉ, impr.-lib. rue de Richelieu, n° 47 bis.
BRUNOT-LABBE, libraire, quai des Augustins, n° 33.
JUL. RENOUARD, libraire, rue de Tournon, n° 6.
MONGIE aîné, libraire, boulevard Italien, n° 10.
H. VERDIÈRE, libraire, quai des Augustins, n° 25.
ARTHUS-BERTRAND, libraire, rue Hautefeuille, n° 23.

Et chez tous les libraires de France et des pays étrangers.

M. T. CICERONIS

QUÆ EXSTANT

OMNIA OPERA

CUM

DEPERDITORUM FRAGMENTIS

IN QUATUOR PARTES DIVISA

ITEM

INDICES QUINQUE

NOVI ET ABSOLUTISSIMI

EXCUDEBAT FIRMINUS DIDOT,
REGIS ET GALLICARUM ACADEMIARUM TYPOGRAPHEUS.

M. T. CICERONIS
PARS SECUNDA
SIVE
ORATIONES OMNES
AD OPTIMOS CODICES
ET EDITIONEM J. VICT. LECLERC
RECENSITÆ
CUM SELECTIS VETERUM AC RECENTIORUM NOTIS
CURANTE ET EMENDANTE
N. E. LEMAIRE

VOLUMEN QUINTUM



PARISIIS
COLLIGEBAT NICOLAUS ELIGIUS LEMAIRE
POETROS LATINÆ PROFESSOR

MDCCCXXIX



M. TULLII CICERONIS

ORATIO

PRO P. SEXTIO

V. Cic. pars secunda.

I

ARGUMENTUM.

Orationem hanc idem, qui Plancianam et Milonianam, fecit gratus ac memor redeuntis ab exsilio Ciceronis animus. Sextius, quum Metello et Lentulo consulibus tribunus plebis esset, omnem vim tribunatus sui ad id præcipue contulit, ut Ciceronem malo Clodii scelere exsulantem patriæ restitueret. Ac primo statim tempore postquam fuerat designatus, iter ad C. Cæsarem pro summi viri salute suscepit, in quo quamquam nihil profecit, non ideo deterritus, cum Milone præsertim ac Q. Fabricio tribunis pl. societatem de revocando Cicerone iniit. Octavo autem kalendas februarias, quum de Cicerone ante populum agendi tempus venisset, et Q. Fabricius rogationem esset laturus, impetus in eum fit armatorum; alter tribunus M. Cispus depellitur, cædes maxima in foro a Clodianis gladiatoribus ac mercenariis editur. P. Sextius interea quum Metello consuli et tunc temporis non omnino Ciceronis amico obnuntiaret, inermis atque imparatus gladiis et fustibus vulneratur, ac pro mortuo relinquitur. Quod autem Metellus consul cum populo agebat, quantum ex oratoris silentio judicare licet, rogatio erat aliqua Ciceronis saluti adversa, quam Tullius de industria tacuit, sane omnibus notam, ne in ejusdem commemorandis injuriis creber esset cum quo in gratiam redierat. Ceterum mox ædilis Clodius quum eos quos ferro non potuerat, judiciis jugulare quæreret, Milonem ipse accusavit; P. autem Sextii nomen M. Tullio Albinovano deferendum commisit, qui eum lege Lutatia de vi propter cædem, anno superiore viii kalend. febr. in foro factam, apud M. Æmilium Scaurum prætorem ann. Urb. 697 postulavit. Lex autem Lutatia, de qua plura in Legum Indice dicentur, lata erat ann. Urb. 675, Q. Lutatio Catulo et M. Æmilio coss. sanxeratque, ut festis quoque diebus, ludisque quibus judicia intermitteri solebant, de vi quæri posset.

Sextio præclarissimi viri tum patroni, tum advocati adfuerunt, in primis autem causam ejus susceperunt Q. Hortensius ac Cicero. At prior quidem dixit Hortensius, factisque facile demonstravit, nullum in reum scelus cadere; posterior vero in-

gressus Cicero, quum nihil jam ad disputationem accedere posset, et de ceteris criminibus alii respondissent, defensionem ita instituit, ut postquam de Sextii natura, moribus, incredibili in bonos amore, in malos odio dixisset, nihil quod ad reum aut rempublicam pertineret, prætermittere videretur. Omisso itaque jure, quod ad satietatem jam disputatum fuerat, de se ipso, quem in Sextiana causa omnino accusabat Clodius, plura præmisit, summa interdum cum libertate P. Sextii causam peroravit, ac præcipuum pietatis, eloquentiæ ac doloris certamen edidit.

In exordio primum queritur latrones Clodianos eo procedere audaciæ, ut in quos ipsi nefaria vi grassati sint, eos ultro de vi accusent, optimisque civibus per judices viros optimos periculum minentur, cap. 1. Deinde ostendit se, quamquam a Q. Hortensio causa P. Sextii jam perorata sit, nihilque ab eo prætermissum, quod aut pro republica conquerendum fuerit, aut pro reo disputandum, tamen ad dicendum aggredi, ne sua propugnatio ei potissimum defuisse videatur, per quem sit perfectum, ne ceteris civibus deesset (quod scil. in se reipubl. restituendo præclara Sextii opera exstisset). Sed quoniam ceteri defensores singulis criminibus satis responderint, Cicero se de omni statu P. Sextii, de genere vitæ, de natura, de moribus, de studio conservandæ salutis communis atque otii dicturum esse profitetur, cap. 2.

Itaque primum qualis ante quæsturam fuerit breviter ostendit, cap. 3. Deinde quæ ejus fuerint quæstoris in conjuratione Catilinaria merita exponit, cap. 4, 5; tandem prætermisssa ejus quæstura provinciali ad tribunatum accedit, significatque, quia ille tribunatus maxime causam reditus sui sustinuerit, quamvis jam satis de eo Hortensius dixerit, sibi de iisdem rebus, si non subtilius disputandum, at certe dolentius deplorandum esse, cap. 6.

Antequam vero de ipso Sextii tribunatu dicere incipit, totum superioris anni, h. e. ann. U. 695, quo exsulatum abierat, reipublicæ naufragium exponit. Commemorat igitur Clodii traductionem ad plebem, ejus tribunatum non suæ solum saluti, sed universæ reipublicæ infestum; consulum Pisonis et Gabinii Clodii immanitati faventium, in quos acerbissime invchitur, flagitia;

tum narrat omnium bonorum in salute sua conservanda studia, civium ex tota urbe, cunctaque Italia conventum, vestis mutationem a senatu luctus potius quam deprecationis causa factam; in quo vehementer castigat Gabinii perniciosam concionem, ejusque injuriam in L. Ælium Lamiam, quem ille propter benivolentiam in Ciceronem relegaverat. Tum perstringit edictum quo Piso et Gabinius consules senatum ad suum vestitum redire jusserant. In primis autem eos vituperat, quod leges ferri passi sint, ut lex Ælia (qua cautum erat, ut quoties cum populo ageretur, augures de cælo servarent, obnuntiare liceret, et intercedere magistratus possent) itemque lex Fufia (qua sancitum erat ne omnibus diebus fastis legem ferre liceret) ne valerent; eoque ut Clodii furoribus tribunitiis summa licentia concederetur, cap. 7-15.

Jam quamvis res essent ejusmodi, ut senatus pro ducibus proditores haberet, equester ordo a consulibus reus citaretur, Italix auctoritas repudiaretur, alii nominatim relegarentur (ut L. Lamia), alii metu ac periculo terrentur; arma essent in templis, armati in foro: tamen in tanto bonorum studio tantis malis Cicero (sic enim persuadere iis, qui audiebant, voluit), restitisset, nisi eum alii metus, aliæ curæ atque suspiciones movissent, ut fuga se dimicationi subtraheret. Non enim se veritum esse, si quod facile factu fuerit, et quod fieri debuerit, inimicos suos vi armisque superasset, ne quis aut vim vi pulsam reprehenderet, aut perditorum civium, vel potius domesticorum hostium mortem mœreret. Sed hoc potissimum esse commotum, quod sibi Pompeium, Crassum, Cæsarem Clodius inimicos esse diceret, hique taciturnitate sua vanam illam orationem in se improbe conjectam confirmare viderentur, cap. 16-18. Itaque si contra tribunum plebis privatus armis contendere voluisset, et si interfectus esset Clodius, dubium non fuisse, quin ille sanguis tribunitius consules ultores et defensores esset habiturus. Hanc vero alteram contentionem ejusmodi futuram fuisse, ut neque victus, neque victor rempublicam tenere posset. In prima contentione autem cum Clodio, si vi tribunitia victus in foro cum multis viris bonis concidisset, tamen sive improbi, sive boni victi essent, hanc contentionem cum multorum bonorum civium interitu fuisse conjunctam. Itaque se maluisse periculum, quod

omnibus impenderet, unum pro omnibus exsilio suo suscipere, quam cum summo eorum periculo depugnare. Ipsam autem mortem noluisse oppetere, non quod eam timeret, sed quia prævideret, si causam publicam sua mors peremisset, neminem umquam fore, qui auderet suscipere contra improbos cives reipublicæ salutem. Itaque se eam discessu suo servasse; cædem, vastitatem, incendia, rapinas a civibus et urbe repulisse; et unum bis rempublicam servasse, semel gloria conjurationis Catilinaris oppressæ, iterum ærumna exsiliis suscepta. Nunc se vivo ac restituto vivere secum simul exemplum fidei publicæ, exemplum reipubl. defendendæ, cap. 19-23. Jam persequitur reliquas pestes Gabinio et Pisone consulibus reipubl. illatas. Primum quod illo ipso die quo Cicero patriam sibi carissimam propter ipsius patriæ caritatem reliquerit, omnibus bonis luctuoso, provincias rogaverint, statimque se perculso ad suum sanguinem hauriendum et spirante etiam republica ad ejus spolia detrahenda advolaverint, cap. 24. Deinde perniciosas leges a Clodio tribuno consulibus non solum tacentibus, sed etiam approbantibus latas exagitat. Primum quod censoriam notionem de republica sustulerit; tulerat enim Clodius legem, ne quem censores in senatu legendo præterirent, neve quem ignominia afficerent, nisi qui apud eos accusatus et utriusque censoris sententia damnatus esset. Deinde quod collegia, i. e. hominum certas artes et opificia pariter exercentium conventicula vetera a senatu sublata restituerit, et multa alia ex omni fæce urbis ac servitio constituerit. Deinde quod populo frumentum, quod antea semissibus ac trientibus in singulos modios dabatur, gratis ei dari jusserit, qua lege prope quinta pars vectigalium ærario perierit; tum quod Gabinio potestatem fecerit provinciam Ciliciam cum Syria commutandi. Deinde quod legem Æliam et Fufiam sustulerit, quum tulisset, ne quis eo die de cælo servaret, quo cum populo agi posset. Deinde quod lege tribunitia Matris Magnæ sacerdotem Pessinuntium sacerdotio spoliaverit. Denique quod alia lege Cypri regi Ptolemæo regnum ademerit, bona ejus publicarit, Cyprumque in provinciæ formam redigi jusserit, idque negotium Catoni mandari. Cujus legis teste Dione, lib. XXXVIII, duas habuit causas, alteram, quod ille rex olim Clodio a piratis capto, pecuniam, qua se redimeret, negasset;

ARGUMENTUM.

7

alteram ut Catonem a republica removeret, cap. 25-29. Hæc omnia consules adjuvisse queritur, cap. 30.

Jam de reditu suo quid gestum sit enarrat; Pompeii studia, senatus decretum jam ann. Urb. 695, kalend. jun. referente L. Ninnio trib. pl. factum, promulgationem octo tribunorum designatorum exponit; deinde quid anno sequente actum sit, in primis de Sextii et Milonis contentionibus et periculis ob Ciceronis et reipublicæ salutem susceptis narrat, cap. 31-44.

Et quia in accusatione Albinovanus quæsierat, quænam esset illa natio optimatum, huic quæstioni sic respondet, ut dicat, populares vocari, qui quæ faciant, quæque dicant, multitudinini jucunda esse velint: qui autem ita se gerant, ut sua consilia optimo cuique probent, optimates haberi. Hos igitur ex omnibus ordinibus esse posse. Optimatibus autem propositum esse cum dignitate otium. Itaque eos tueri in republica religiones, auspicia, potestates magistratuum, senatus auctoritatem, leges, morem majorum, judicia, jurisdictionem, fidem, provincias, imperii laudem, rem militarem, ærarium. Olim fuissè tempora, in quibus multitudinis studium ab utilitate reipublicæ discrepuerit. Nunc jam nihil esse, quod populus a delectis principibusque dissentiat; non esse novarum rerum cupidum, et otio suo ac dignitate optimi cujusque et universæ reipublicæ gloria delectari. Itaque homines seditiosos ac turbulentos, qui nulla jam largitione populum romanum concitare possint, conductas habere conciones, h. e. homines egentes pretio ac mercede conducere, ut in concionibus præsto sint, et assensum hominibus turbulentis, qui se populares dicant, præbeant, cap. 44-49. Horum hominum mercede conductorum operæ si removeantur, existimat omnes idem de republica sensuros videri. Hoc populi judicium tribus maxime locis significari posse, concione, comitiis, ludorum (scenicorum) gladiatorumque (i. e. ludorum gladiatoriorum) consessu. Itaque tria ista sic exponit, ut exempla a benivolentia sibi absenti, quum de reditu suo ageretur, repetat. Itaque ad conciones Clodii neminem incorruptum, neminem integrum adiisse, ad Lentuli consulis concionem de se habitam concursum totius populi esse factum, cap. 50. Comitia quum alia sint legum ferendarum, alia magistratuum; in illis quum contra se lex lata esset neminem esse, qui se tulisse suf-

fragium confiteatur; quum autem de se ex SCto, comitiis centuriatis latum sit, neminem esse, qui non profiteatur se affuisse et suffragium de salute sua tulisse. Hoc loco in Gellium Clodianum acerbissime invehitur, cap. 51. In comitiis magistratum populum nuper satis ostendisse, se hominibus, qui se populares haberi velint, non favere. Fuisse collegium nuper tribunium (nempe ann. Urb. 694) in quo tres minime, vehementer duo populares haberentur. Ex illis duo Cn. Domitium et Q. Ancharium prætores esse factos; de C. Fannio magnam esse populi existimationem; ut quod ejus judicium in illius honoribus futurum sit nemini dubium esse possit. Atque eum præturam ann. Urb. 698 gessisse Pighius ad h. a. idoneis argumentis comprobavit. Ex duobus autem illis popularibus alterum, qui tamen se continuerit, tulerit nihil, senserit tantum in republ. aliud atque homines exspectarent, non tenuisse eum locum, in quem, nisi popularis esse voluisset, facillime pervenisset. Quis hic fuerit, quum eum Cicero non nominat, quæsitum est. Abramius putabat esse C. Alfium, qui in præturæ petitione repulsam tulerat. Verum iste non fuerat in collegio tribunio. Itaque assentior Pighio, qui (ad ann. 696) eum fuisse putat Q. Cæcilium Metellum Pium Scipionem. Alterum autem dicit in petenda ædilitate repulsam tulisse. Is est P. Vatinius, cap. 52, 53. Sequitur de significatione judicii et voluntatis populi romani in ludis, tum scenicis, tum gladiatoriiis. Ubi narrat de Clodio vel non audente se in ludis populo committere, vel vocibus et maledictis excepto; de signis benivolentiæ sibi absenti datis, de fabularum tragicarum locis, qui viderentur in Ciceronis tempus cadere, et de histrionibus illas pronuntiantibus summo populi plausu ornatis; denique de Attilio Serrano sibilis excepto. Ex quo intelligi demonstrat inter populum romanum et concionem conductam plurimum interesse, cap. 54-59.

Jam quod accusator negaverat reditum Ciceroni optandum fuisse per familias comparatas (h. e. servos) et homines armatos, demonstrat orator nullam se vim desiderasse; omnium potius ordinum in se revocando mirificum fuisse consensum, reditumque ipsum tam gloriosum, ut sibi verendum sit, ne quis se studio gloriæ putet idcirco exisse, ut ita rediret, cap. 60-63. Et quoniam Albinovanus quæsierat, quæ esset illa

«natio optimatum», arripit hoc nationis verbum, dicitque se cuius sit agnoscere, scilicet Vatinii, qui hanc optimatum nationem deleri et concidi cupiverit, qua occasione abutitur ad eum acerbissime perstringendum, cap. 64, 65. Deinde locum illum de optimatibus concludit, adolescentes ad veram laudem, virtutisque majorum imitationem excitando, simulque optimatum dignitatem exemplis ex Græcorum et Romanorum historia petitis illustrat, cap. 66-68.

In peroratione Sextium suæ salutis, iudicum auctoritatis non semel defensorem injuria de vi accusatum iudicibus commendat, eosque obtestatur, ut si se salvum esse velint, eos conservent, per quos se ipsum recuperarint, cap. 69.

Ceterum Sextium absolutum esse, eumque deinde prætorem fuisse ann. Urb. 700 constat.

Cuilibet autem hanc orationem perlegenti, illud fortasse suborietur, multo pluribus oratoris exsilium ac reditum, quam rei defensionem facunde describi; quod adeo nos dissimulare non quærimus, ut contra legentem meminisse velimus, omnino causam ab Hortensio jam fuisse peroratam, multa jam disputata quæ veritatis iudicibus fidem facerent; nihil nostro superesse, quam ut dolore, quæ præcipua ei dos fuit, audientes commoveret. Qua autem ratione melius id consummaret, quam si quæcumque perpessus erat mala ipse narraret, gratiasque publicas servatori Sextio et ageret et haberet? Se enim ipse cum reo defendebat, ipse a Clodio occulte per Sextium petebatur, a quo factioso homine ut Romani abhorrerent, necesse erat scelestæ ejus facinora non semel eis ostendere. Duo autem inde consequabatur, alterum ut reipublicæ ac sibi ipse satisfaceret, alterum ut sua pericula cum Romanis communicaret, et illos quemadmodum in calamitatum, ita in salutis societatem vocaret.

Atque illud etiam nobis plerumque Veterum orationes tractantibus fucum facit, quod *advocatos* (qui apud recentiores usus invaluit) audire nos putamus; quum contra gravissimi ac summæ auctoritatis viri, summis magistratibus defuncti ad defendendos reos consurgerent. Quibus sane pulchrum et æquum erat de se ipsis verba facere, quum publica civium causa vi-

culo eodem conjuncta hæreret, nec unius privati viri, verum civitatis totius annales evolvi viderentur. Poterat itaque de se loqui Cicero, quum exsilio ejus omnes boni viri in exsilium acti, silentio ejus omnino ad silentium redacta respublica esset; poterat reditum et reditus sui auctores summis laudibus prædicare, quum id demum sperandi bene de republica signum sublatum esset, et cum Cicerone libertatis species quædam et umbra redire videretur.

M. T. CICERONIS ORATIONES.

ORATIO PRO P. SEXTIO.

ORATIO SECUNDA ET TRICESIMA.

I. **SI** quis antea¹, iudices, mirabatur, quid esset, quod, pro tantis opibus² reipublicæ, tantaque dignitate imperii, nequaquam satis multi cives forti et magno animo invenirentur, qui auderent se et salutem suam in discrimen offerre pro statu civitatis, et pro communi libertate: ex hoc tempore³ miretur potius, si quem bonum et fortem⁴ civem viderit, quam si quem aut timidum, aut sibi potius, quam

1. *Si quis antea.* Proprium ac peculiare hoc Ciceronis est, ut, quas causas defendit, eas cum utilitate publica connexas esse demonstret. Quæ ratione et majorem audientibus facit expectationem, et ipse sibi ac famæ satisfacit, quum non tam privati, verum reipublicæ totius in uno capite periclitantis utilitates tueri videatur.

2. *Pro tantis opibus reipublicæ.* Quum tanta sit ornata potentia reipublica.

3. *Ex hoc tempore.* Multo enim

magis, quam antea, dominatur improbitas: quod ex eo patet, quia P. Sextius, T. Annins Milo, P. Lentulus, optime de rep. meriti, acerbissime vexantur: erant autem rei de vi uterque, Sextius et Milo. De Lentulo rogationem promulgaverat C. Cato tribunus pl. ut Ciliciæ, quam regebat, imperium ei abrogaretur: quæ colliguntur in orationis epilogo.

4. *Bonum et fortem.* Bonum, ut sentiat; fortem, ut audeat, quæ reip. ratio postulat.

reipublicæ consulentem. Nam, ut omittatis⁵ de uniuscujusque casu cogitando recordari, uno adspectu intueri potestis, eos, qui cum senatu, cum bonis omnibus, rempublicam afflictam excitarint, et latrocinio domestico liberarint, mœstos, sordidatos, reos, de capite, de fama, de civitate, de fortunis, de liberis dimicare⁶; eos autem, qui omnia divina et humana violarint, vexarint, perturbarint, everterint, non solum alacres lætosque volitare⁷, sed etiam voluntarios⁸ fortissimis atque optimis civibus periculum moliri, de se nihil timere. In quo quum multa sunt⁹ indigna, tum nihil minus est ferendum, quam quod jam non per latrones suos, non per homines egestate et scelere perditos, sed per vos nobis, per optimos viros optimis civibus periculum inferre conantur; et, quos lapidibus, quos ferro, quos facibus, quos vi, manu, copiis delere non potuerunt, hos vestra auctoritate¹⁰, vestra religione¹¹, vestris sententiis se oppressuros arbitrantur. Ego autem¹², judices, quia¹³, qua voce mihi in agendis gratiis, commemorandoque eorum, qui de me optime sunt meriti, beneficio, esse utendum putabam, ea nunc uti cogor in eorum periculis depellendis¹⁴: iis potissi-

5. *Ut omittatis.* Velim, quæ abierunt, omittatis: spectate, quæ adsunt.

6. *Dimicare.* Al. *dimicantes.* J. V. L.

7. *Volitare.* Verbum hoc securitatem quamdam, arrogantiam, impudentiamque conjunctam significat. Sic inf. « Quum illa conjuratio ex latebris atque ex tenebris erupisset, palamque armata volitaret ».

8. *Voluntarios.* Nulla ne minima quidem impulsus causa; quod gallice dicimus *de gaieté de cœur*.

9. *Sunt.* Male Ernest. mutavit in

sint, quum prior ea forma sit Ciceroni usitatio. Vid. Hensing. ad Off. III, 2.

10. *Vestra auctoritate.* Delecti enim ex tribus ordinibus judicabant.

11. *Vestra religione.* Quia jurati sententias ferebant.

12. *Ego autem.* Commemoratio hæc fraudatæ expectationis suæ efficax in primis est ad misericordiam concitandam.

13. *Abest quia.* J. V. L.

14. *Depellendis: iis potissimum.* Al. *depellendis. Iis p.* J. V. L.

mum vox hæc serviat, quorum opera et mihi, et vobis, et populo romano restituta est.

II. Et, quamquam a Q. Hortensio, clarissimo viro atque eloquentissimo, causa est P. Sextii perorata¹, nihilque ab eo prætermissum est, quod aut pro republica conquerendum fuit, aut pro reo disputandum; tamen aggrediar ad dicendum, ne mea propugnatio ei potissimum defuisse videatur, per quem est perfectum, ne ceteris civibus deesset. Atque ego sic statuo, iudices, a me in hac causa, atque hoc extremo dicendi loco², pietatis potius, quam defensionis; querelæ, quam eloquentiæ; doloris, quam ingenii partes esse susceptas. Itaque, si aut acrius egero, aut liberius, quam qui ante me dixerunt, peto a vobis, ut tantum orationi meæ concedatis, quantum et pio dolori, et justæ iracundiæ concedendum putetis. Neque enim officio conjunctior dolor ullius esse potest, quam hic meus, susceptus ex hominis, de me optime meriti, periculo; neque iracundia magis ulla laudanda, quam ea, quæ me inflammat eorum scelere, qui cum omnibus salutis meæ defensoribus bellum esse sibi gerendum judicaverunt.

Sed, quoniam singulis criminibus ceteri responderunt, dicam ego de omni statu P. Sextii, de genere vitæ, de natura, de moribus, de incredibili amore in bonos, de studio conservandæ salutis communis

II. 1. *Perorata.* Perfecte orata et acta diligenter. Sic pro Cœlio, c. 23: « Itaque illam partem causæ facile patior graviter et ornate a M. Crasso peroratam ».

2. *In hac causa, atque hoc extremo dicendi loco.* Quum plures eandem causam agerent, extremum sibi fere

concedi solitum a ceteris dicendi locum, ipse in Oratore testatur his verbis: « Quid ego de miserationibus loquar? quibus ego sum usus pluribus, quod, etiam si plures dicebamus per orationem, mihi tamen omnes relinquebant: in quo ut viderer excellere, non ingenio, sed dolore assequebar ».

atque otii; contendamque, si modo id consequi poterō, ut in hac confusa atque universa³ defensione, nihil a me, quod ad vestram quæstionem; nihil, quod ad reum; nihil, quod ad rempublicam pertineat, prætermisum esse videatur. Et quoniam in gravissimis temporibus civitatis, atque in ruinis eversæ atque afflictæ reipublicæ⁴ P. Sextii tribunatus est a fortuna ipsa⁵ collocatus; non aggrediar ad illa maxima atque amplissima⁶ prius, quam docuero, quibus initiis ac fundamentis hæ tantæ summis in rebus laudes excitatæ⁷ sint.

III. Parente P. Sextius natus est, iudices, homine, ut plerique meministis, et sapiente, et sancto, et severo: qui, quum tribunus plebis primus¹ inter

3. *Confusa atque universa.* In qua non de uno aut altero crimine agetur, sed de omni statu P. Sextii, de genere vitæ, de natura, etc. quæ ipsa tamen ita agemus, ut, quod ad vestram quæstionem pertinet (quæritis autem de vi, et vis in hoc iudicio iudicatur), quod item ad ipsum reum, hoc est, ad ea, quæ reo obijciuntur, crimina, quod etiam ad rempublicam, nihil prætermittamus.

4. *Gravissimis temporibus civitatis, atque in ruinis eversæ atque afflictæ reipublicæ.* Non est supervacaneum reipublicæ, quia dixerit civitatis: sed est amplificatio quædam: quia plus est in republica, quam in civitate: similiter ut quum dixit ruinis, quum dixisset jam gravissimis temporibus: plus enim aliquanto significant ruine, quam gravissima tempora: et est hoc Ciceroni ob eximiam ingenii ubertatem usitatum, maximeque frequens in orationibus ornamentum.

5. *A fortuna ipsa.* Amicissima reipublicæ quæ fecerit, ut, quo anno

maxime civitas consilio atque ope civium optimorum indigebat, is Sextio petendi tribunatus annus esset.

6. *Illā maxima atque amplissima.* Quæ gessit in tribunatu, pro salute Ciceronis, lege Clodia exsulantis, hoc est, ut ipse accipi vult, pro salute reipubl. Significat enim, sua causa remp. Sextio debere: quando quidem eam eversam atque afflictam tum fuisse dixit, quum a Clodio pulsus exsulare; erectam autem, quum rediisset.

7. *Excitatæ.* Quia dixerat, fundamentis, ideo subjungit, excitatæ, quod verbum ad ea, quæ ædificantur, solet accomodari, ut lib. II de Legibus: « Ne e lapide excitari plus, nec imponi, quam quod capiat laudem mortui incisam ».

III. 1. *Primus.* Honori tribuebatur primum inter collegas in adeptione magistratus locum obtinere. Unde orat. in toga cand. sic Antonium alloquitur: « Nescis me prætorem primum esse factum, te concessione competitorum et collatione collegarum, et meo ma-

homines nobilissimos temporibus optimis² factus esset, reliquis honoribus³ non tam uti voluit, quam dignus videri. Eo auctore duxit honestissimi et spectatissimi viri⁴, C. Albini⁵ filiam : ex qua hic est⁶ puer, et nupta jam filia. Duobus his gravissimæ⁷ antiquitatis viris sic probatus fuit, ut utrique eorum et carus maxime, et jucundus⁸ esset. Ademit⁹ Albino soceri nomen mors filiæ, sed caritatem illius necessitudinis et benivolentiam non ademit. Hodie sic hunc diligit, ut vos facillime potestis ex hac vel assiduitate¹⁰ ejus, vel sollicitudine et molestia judicare. Duxit uxorem, patre vivo¹¹, optimi et¹² calamitosissimi viri filiam, C. Scipionis¹³. Clara in hoc P. Sextii pietas exstitit, et omnibus grata, quod et Massiliam¹⁴ statim profectus est, ut socerum videre consolarique posset, fluctibus¹⁵ reipublicæ expulsum, in alienis terris jacentem,

xime beneficio e postremo in tertium locum esse subvectum ».

2. *Temporibus optimis.* Quibus virtuti, non ambitioni, ad honores aditus pateret.

3. *Reliquis honoribus.* Gesto tribu-natu, petebant ædilitatem, præturam, consulatum, censuram : quos honores pater Sextii non petiit.

4. *Honestissimi et spectatissimi viri.* Laudat et familiam et hominem : honestissimi, honestissimo loco nati : spectatissimi, sua virtute insignis.

5. *C. Albini.* Senatoris, cujus ex filia natus est L. hic Sextius. Ad Div. XIII, 8. Putat Garatonius legendum *Albini*, ita ut ex plebeia gente Albinia sit ortus.

6. *Hic est puer.* L. Sextius : ut ex eo, cujus proxime facta mentio est, epistola cognoscitur.

7. *Gravissimæ.* Male olim, *gravissimis.* J. V. L.

8. *Et carus maxime, et jucundus.* Carus, quia filius et gener : jucundus, quia bene moratus, et bono ingenio præditus.

9. *Ademit.* Propter novas Sextii nuptias, qui Scipionem socerum habere coepit.

10. *Assiduitate.* Quotidiana præsentia.

11. *Patre vivo.* Volente et auctore.

12. *Optimi et.* Grævius *optimi* at. J. V. L.

13. *C. Scipionis.* Quinara fuerit ille facile nemo expediverit. Putat Asiaticum esse Manutius ; illud unum constat, Massiliæ Sullanam proscriptionem, aut certe bellorum civilium procellam vitavisse.

14. *Massiliam.* Sic et Milo, qui P. Clodium interfecit, Massiliam in exilium abiit.

15. *Fluctibus.* Bellis civilibus : et proprie fluctibus, quia, sicut fluctibus

quem in majorum suorum vestigiis stare oportebat; et ad eum filiam ejus adduxit, ut illo insperato aspectu complexuque, si non omnem, at aliquam partem mœroris sui deponeret; et maximis officiis et illius ærumnam, quoad vixit, et filiæ solitudinem sustentavit. Possum multa dicere de liberalitate, de domesticis officiis¹⁶, de tribunatu militari, de provinciali in eo magistratu abstinentia¹⁷: sed mihi ante oculos obversatur reipublicæ dignitas, quæ me ad sese rapit, hæc minora relinquere hortatur.

. IV. Quæstor¹ hic C. Antonii, collegæ mei², judices, fuit sorte; sed societate consiliorum³, meus. Impedior nonnullius officii⁴, ut ego interpretor, religione, quo minus exponam, quam multa ad me detulerit, quanto ante providerit. Atque ego de Antonio nihil dico⁵, præter unum: numquam illum in

jactatur navis, sic bellis civilibus agitur, et quasi fluctuat respublica.

16. *Domesticis officiis.* Quæ contulit in suos: quæ prætermitto, non quia minima, sed quod illa, quæ impendit reip. multo pluris æstimanda.

17. *Abstinentia.* Quum ceteri militum præfecti provincias rapinis exhaurire consuessent: unde Scaptius ille in epistolis ad Atticum, VI, 1, 2, etc. qui plurimum molestiæ proconsuli Ciceroni attulit.

IV. 1. *Quæstor hic C. Antonii.* Gesto tribunatu militum, quæsturam petebant: isque primus in urbe gradus honoris erat.

2. *Collegæ mei.* In consulatu: quo gesto, in Macedoniam ivit proconsul.

3. *Societate consiliorum.* Quia cum Cicerone consule de republica, quæ ad patefaciendam et opprimendam Catilinæ conjurationem pertinebant, communicavit, et ad eum C. Antonii,

cujus erat quæstor, consilia detulit: ad quem lib. VII ad Div. ita scripsit: « Si falsa fuerunt, quæ tu ad me, ut ais, detulisti, quid ego tibi debeo? sin vera: tu es optimus testis, quid mihi populus romanus debeat ».

4. *Impedior nonnullis officiis.* Quia contra officium videar fecisse, si quæ Sextius ad me secreto detulit, ut potius reipublicæ saluti, quam consulis sui voluntati satisfaceret, ea nunc omnia commemorem.

5. *De Antonio nihil dico.* Occurrit suspitioni: nam quod intelligit, ex eo, quod dictum est, posse aliquem colligere, et existimare participem Catilinæ conjurationis Antonium fuisse, ingeniose facit, ut hanc suspicionem neque confirmet, ne hominem eum, quem in consulatu collegam habuerat, in exsilio satis misere viventem, suo testimonio condemnet; neque tollat, ne, quæ a Sextio de illius consiliis ad

illo summo timore ac periculo civitatis, neque communem metum omnium, neque propriam nonnullorum de ipso suspicionem, aut infitiando tollere, aut dissimulando sedare voluisse. In quo collega sustinendo⁶ atque moderando⁷, si meam in illum indulgentiam, conjunctam cum summa custodia reipublicæ, laudare vere solebatis: par prope laus P. Sextii esse debet, qui suum ita consulem observavit, ut et illi quæstor bonus⁸, et vobis omnibus optimus civis videretur.

Idem, quum illa conjuratio ex latebris atque ex tenebris erupisset, palamque armata volitaret, venit cum exercitu Capuam; quam urbem, propter plurimas belli opportunitates, ab illa impia et scelerata manu attentari suspicabamur: et inde M. Aulanum⁹, tribunum militum Antonii¹⁰, Capua præcipitem eiecit, hominem perditum, et non obscure Pisauri, et in aliis agri Gallici¹¹ partibus, in illa conjuratione versatum. Idemque C. Marcellum¹², quum is non solum Capuam venisset, verum etiam se, quasi armorum

se delata significat, ficta et inania videantur.

6. *In quo collega sustinendo.* Retinendo, ne longius progrediretur; ne conjuratorum in societatem sese totum daret; est enim hic, sustinere, pro retinere.

7. *Moderando.* Moderatus erat Cicero, quia Macedoniam illi decernendam curavit, ut, quum æris alieni causa sensisse cum Catilina putaretur, rursus lucri spe ad reip. studium sese converteret: quod et Plutarchus in Ciceronis vita notavit.

8. *Quæstor bonus.* Ita ut et quæstor religionem et patriæ debitam fidem adimpleret.

9. *Et inde M. Aulanum.* Mira in isto nomine librorum varietas, quum alii « M. Menulanum », alii « M. Aulianum », alii « M. Mevalcanum » habeant.

10. *Tribunum militum Antonii.* C. Antonii consulis, labe conjurationis infecti.

11. *Agri Gallici.* Galliæ Cisalpinæ, quæ ad Rubiconem amnem terminabatur.

12. *C. Marcellum.* Non enim, qui fuit M. Marcelli, viri clarissimi fratres, et consulatus est adeptus, de quo in oratione pro Marcello, et ep. ad Div. lib. X, sed enim, de quo mentio fit in oratione in Catilinam.

studio¹³, in maximam familiam conjecisset, exterminandum ex illa urbe curavit. Qua de causa et tum conventus¹⁴ ille Capuæ, qui, propter salutem illius urbis consulatu conservatam meo, me unum patronum¹⁵ adoptavit, huic apud me P. Sextio maximas gratias egit; et hoc tempore iidem homines, nomine commutato¹⁶, coloni, decurionesque¹⁷ fortissimi, atque optimi viri, beneficium P. Sextii testimonio declarant, periculumque decreto suo deprecantur. Recita, quæso, P. Sexti¹⁸, quid decreverint Capuæ decuriones; ut jam puerilis tua vox¹⁹ possit aliquid significare inimicis nostris, quidnam, quum se corroborarit, effectura esse videatur. **DECRETUM DECURIONUM.**

13. *Quasi armorum studio.* Quasi et ipse una cum iis in ludo gladiatorio exerceri vellet.

14. *Conventus.* Pluribus jam Verriarum orationum locis vidimus de conventu seu Romano in provinciis foro esse actum. Nihil autem aliud est h. l. quam multitudo aratorum, qui agrum populi rom. vectigalem exercebant, publicanorum, negotiatorum: colonis hic opponitur conventus, ut ab ea distinguatur: sic de Bell. Alex. cap. 56: « quos ex omnibus conventibus, coloniisque descriptos ».

15. *Patronum.* In ditione romana patronos sibi cives subjectæ urbes deligebant, quem quæque maxime probabat; sic Allobroges Fabiorum, Syracusani Marcellorum patrocinio utebantur, de Capua vero a se consule servata etiam in oratione meminit pro Milone.

16. *Nomine commutato.* Quia Cicero consule conventus Capuæ dicebatur: tunc enim erat prefectura, quod legimus in Velleio: quum autem hæc oratio est habita, coloni, decu-

rionesque dicebantur, post coloniam C. Cæsare consule, lata ab ipso lege missam. Velleius, Dio, Appianus, Plutarchus, ipse Cicero.

17. *Decurionesque.* Erant decuriones in colonia, quod senatus Romæ; duumviri autem id, quod consules: hos et in municipiis fuisse constat ex orat. pro Cluentio, et ep. 18, lib. VI, ad Div.

18. *P. Sexti.* Filius hic erat rei Sextii. Apparet huic loco mendum subesse, et « L. Sexti » legendum, quo nomine eundem appellat Cicero ad Div. XIII, 8.

19. *Puerilis tua vox.* Malunt multi cum Grævio *virilis*, quæ nobis contra sensum communem facere videtur; sic enim excitat adolescentem Cicero ut ei dicat: « age ad parentis depellendum periculum, attolle vocem infirmam adhuc et puerilem, ut est ætas infirma ac puerilis; ut jam intelligant inimici ex tua constantia quid postea, quum illam anni corroboraverint, sit ad hanc ulciscendam injuriam effectura ».

Non recito decretum officio aliquo expressum vicinitatis, aut clientelæ, aut hospitii publici, aut ambitionis, aut commendationis gratia: sed recito memoriam perfuncti periculi, prædicationem amplissimi beneficii, vicem officii præsentis, testimonium præteriti temporis. Atque illis temporibus iisdem, quum jam Capuam metu Sextius liberasset; urbem senatus atque omnes boni, deprehensis atque oppressis domesticis hostibus, me duce, ex periculis maximis extraxissent: ego literis eum Capua arcessivi cum illo exercitu, quem tum secum habebat. Quibus hic literis lectis ad urbem confestim incredibili celeritate advolavit. Atque, ut illius temporis atrocitatem ²⁰ recordari possitis, audite literas, et vestram memoriam ad timoris præteriti cogitationem excitate. **LITERÆ CICERONIS, CONSULIS.**

V. Hoc adventu P. Sextii, tribunorum plebis novorum¹, qui tum, extremis diebus consulatus mei, res eas, quas gesseram, vexare cupiebant, reliquique conjurationis impetus² et conatus sunt retardati. Ac, posteaquam est intellectum, Catone³, tribuno plebis fortissimo, atque optimo cive, rempublicam defendente, per se ipsum senatum populumque romanum, sine militum præsidio tueri facile majestatem suam,

20. *Illius temporis atrocitatem.*
Quænam atrocitas, quum jam domestici hostes deprehensi oppressique essent? ipse se paullo post exponit, quum ait: «Tribunorum pl. novorum, reliquique conjurationis impetus, conatusque retardati sunt».

V. 1. *Tribunorum plebis novorum.*
Maxime Q. Metellum Nepotem significat: qui Ciceronem extremo consulatus die, concionis habendæ potestate privavit.

2. *Reliquique conjurationis impetus.*
Quam adhuc in urbe conjurationis occultæ reliquiæ superessent.

3. *Catone.* Qui Uticensis postea cognominatus: hic, quum audisset Q. Metellum Nepotem tribunatum esse petiturum, quem de republica non optime cogitare compertum habebat, ex itinere in Urbem rediit, ut tribunatum peteret, indeque perniciosius Metelli collegæ rogationibus aut conatibus obsisteret. Plutarchus, alii.

et dignitatem eorum, qui salutem communem periculo suo defendissent: Sextius, cum illo suo exercitu, summa celeritate est Antonium consequutus. Hic ego quid prædicem, quibus hic rebus consulem ad rem gerendam excitavit? quot stimulos admoverit homini, studioso fortassis victoriæ, sed tamen nimium communem Martem⁴ bellique casum metuenti? Longum est ea dicere: sed hoc breve dicam. Si M. Petreii⁵ non excellens animo, et amore⁶ reipublicæ, non præstans in republica virtus, non summa auctoritas apud milites, non mirificus usus⁷ in re militari exstisset, neque adjutor ei P. Sextius ad excitandum Antonium, cohortandum, impellendum fuisset; datus illo in bello esset hiemi locus⁸, neque umquam Catilina, quum e pruina Apennini, atque e nivibus illis emersisset, atque æstatem integram nactus, Italiæ calles et pastorum stabula præclara cepisset⁹, sine multo sanguine, ac sine totius Italiæ vastitate miserrima concidisset.

Hunc igitur animum ad tribunatum attulit P. Sextius; ut quæsturam Macedoniæ¹⁰ relinquam, et ali-

4. *Nimium communem Martem*, etc. Latenter significat Antonium consulem non alienum a conjuratis fuisse, qui a pugna prorsus abhorreret.

5. *M. Petreii*. Hic Antonii consulis legatus, ipso Antonio consule absente, quod ex podagra laboraret, Catilinam cum suis vicit, ac trucidavit: idem postea Magni Pompeii legatus in Hispaniis fuit, cum duobus collegis, Varrone et Afranio; ad extremum in Africa cum Juba rege pugnans, cum quo de matua cæde consenserat, ne in C. Caesaris potestatem veniret, occisus est.

6. *Excellens animo, et amore reip.*

Quum ad naturalem animi magnitudinem eximia quædam vis amoris in remp. accederet.

7. *Mirificus usus*. Quum amplius annis triginta tribunus, aut præfectus, aut legatus, aut prætor, magna cum gloria fuisset.

8. *Hiemi locus*. Confectum hoc bellum fuit extremo decembri anni 690, nempe ad finem octobris, aut initium novembris nostri anni.

9. *Præclara cepisset*. In duobus codicibus legitur « prædari cepisset », quod mire multis placet. Ernestinus omisit.

10. *Quæsturam Macedoniæ*. Quæ-

quando ad hæc propiora veniam. Quamquam non est omittenda singularis illa integritas provincialis, cujus ego nuper¹¹ in Macedonia vidi vestigia non pressa leviter ad exigui prædicationem temporis, sed fixa ad memoriam illius provinciæ sempiternam. Verum hæc ita prætereamus, ut tamen intuentes et respectantes relinquamus.

VI. Ad tribunatum, quia ipse ad sese jam dudum vocat, et quodammodo absorbet orationem meam, contento studio cursuque veniamus. De quo quidem tribunatu ita dictum a Q. Hortensio, ut ejus oratio non defensionem modo criminum videretur continere, sed etiam memoria digna esset, uti et reipublicæ capessendæ auctoritatem¹ disciplinamque² præscriberet. Sed tamen, quoniam tribunatus quidem totus P. Sextii nihil aliud, nisi meum nomen³ causamque sustinuit, necessario mihi de iisdem rebus esse arbitror, si non subtilius disputandum⁴, at certe, judices, dolentius deplorandum. Qua in oratione si asperius in quosdam homines invehi vellem, quis non concederet, ut eos⁵, quorum sceleris furore violatus essem, vocis libertate perstringerem? Sed ut

stor fuit Antonii consulis, ejusdemque Macedoniam proconsulari imperio regentis: quam provinciam quum haud satis abstinenter administrasset, accusatus, et condemnatus est: ad Att. lib. I, pro M. Coelio, in Vatinius, Florus.

11. *Nuper.* Quum abessem lege Clodia pulsus.

VI. 1. *Auctoritatem.* Quia, quum res a Sextio in tribunatu gestas commemoraret, videbatur reliquis civibus præscribere, quid pro salute patriæ bonorumque civium in magistratu esset agendum.

2. *Disciplinamque.* Quid cives P. Sextii exemplo discerent, et in quo se exercebant.

3. *Nisi meum nomen.* Quia nihil egit in tribunatu Sextius, nisi de Cironne revocando.

4. *Subtilius disputandum.* Non quod quidquam defensionis rationibus addere, verum vos permovere ad misericordiam velim.

5. *Ut eos, quorum sceleris furore violatus essem,* etc. Satis patet, Clodium, Pisonem, Gabinium præcipue significari.

agam moderate, et huic potius tempori⁶ serviam, quam dolori meo : si qui occulte a salute nostra dissentiant, lateant; si qui fecerunt aliquid aliquando, atque iidem nunc tacent et quiescunt, nos quoque simus obliti; si qui se offerunt insolenter et insectantur⁷, quoad ferri poterunt, perferemus; neque quemquam offendet oratio mea, nisi qui se ita obtulerit, ut in eum non invasisse, sed incurrisse videamur.

Sed necesse est, antequam de tribunatu P. Sextii dicere incipiam, me totum, superioris anni⁸, reipublicæ naufragium exponere : in quo colligendo, ac reficienda salute communi, omnia reperientur P. Sextii dicta⁹, facta, consilia versata.

VII. Fuerat ille annus¹ in reipublicæ magno motu, et multorum timore, tamquam intentus arcus in me unum, sicut vulgo ignari rerum loquebantur; re quidem vera in universam rempublicam, traductione ad plebem furibundi hominis ac perditæ, mihi irati², sed multo acrius otii et communis salutis inimici. Hunc vir clarissimus, mihiq; multis³ repugnantibus,

6. *Potius tempori.* Quod postulare videtur, ut ea tantummodo, quæ cum Sextii causa conjuncta sunt, exponat.

7. *Se offerunt insolenter et insectantur.* Duo significat hominum genera, de quibus proxime dixit; unum eorum, quos latere vellet; alterum, quos tacere, et quiescere : qui si, inquit, non latebunt, sed se offerent insolenter, non tacebunt, et quiescent, sed insectabuntur; eos, quoad licebit, perferemus.

8. *Superioris anni.* Quo Cicero lege Clodia pulsus est.

9. *Dicta, facta, consilia versata.* Hæc addidit, ne extra causam futura narratio videatur.

VII. 1. *Fuerat ille annus in reipublicæ magno motu.* Is, quo C. Cæsar consul P. Clodium Pulchrum ad plebem traduxit, iratus Ciceroni, quia statum reipublicæ quodam in iudicio paullo liberius deploraverat. Suetonius, idemque ipse Cicero significat in oratione pro Domo sua.

2. *Mihi irati.* Quod in ipsum, de incestu accusatum, testimonium dixerat.

3. *Hunc, vir clarissimus, mihiq; multis repugnantibus.* Pompeii gratiam aucupatur : cupit enim ei perasum esse, nullam apud se acceptæ injuriæ memoriam superesse, quum sibi contra Clodium auxilio non fuit.

amicissimus, Cn. Pompeius, omni cautione⁴, foedere, execratione⁵ devinxerat, nihil in tribunatu contra me esse facturum. At ille nefarius, ex omnium scelerum colluvione natus, parum se foedus violaturum est arbitratus, nisi ipsum cauctorem alieni⁶ periculi suis propriis periculis terruisset. Hanc tetram immanemque belluam, vinctam auspiciis, alligatam more majorum, constrictam legum sacratarum⁷ catenis, solvit subito⁸ [legum] consul, vel, ut ego arbitrator, exoratus, vel, ut non⁹ nemo putat¹⁰, mihi iratus, ignarus quidem certe et imprudens impendentium tantorum scelerum ac malorum. Qui, tribunus plebis, felix in evertenda republica fuit nullis suis¹¹ nervis: qui enim in ejusmodi vita nervi esse potuerunt hominis, fraternis flagitiis, sororiis stupris, omni inaudita libidine infamis¹²? Sed fuit profecto quædam illa reipublicæ fortuna fatalis, ut ille cæcus atque amens

4. *Omni cautione.* Omnem securitatis rationem a Clodio Pompeius exegit, qua promissis, qua scripto, quodcumque cum eo foedus pepigit, semper eam conditionem adjunxit, ne Clodius contra me quidquam faceret in tribunatu, si Pompeius eum juvasset in eo magistratu consequendo, Clodium etiam impulit, ut pestem sibi imprecaretur, seque ipsum diris ominibus devoveret, si quid contra me facturus esset. Cautione, est assecuratione, et schedula obligationis, ut hodie loquuntur.

5. *Cautione, foedere, execratione.* De hoc ad Atticum, lib. II, sic: «Pompeius affirmat, non esse periculum: adjurat: addit etiam, se prius occisum iri ab eo, quam me violatum iri».

6. *Ipsam cauctorem alieni periculi.* Pompeium, qui mihi a Clodio cavere

voluerat: quum non intelligeret, ne sibi quidem ipsi ab homine omnium perditissimo cavere posse.

7. *Legum sac. catenis.* In iis hoc maxime sancitum est, ne tribunatus plebis homini patricio mandari posset: quam ob causam solvisse videtur eas leges Cæsar consul, quum Clodium ad plebem traduxit, ut deinde, quod factum est, tribunus pl. crearetur.

8. *Subito.* Quo die Cicero in judicio C. Antonii de statu reipublicæ questus est, eo Cæsar consul, quum antea nihil ejusmodi cogitasset, Clodium ad plebem traduxit.

9. *Ut non.* Abest non. J. V. L.

10. *Putat.* Al. putaret. J. V. L.

11. *Nullis suis nervis.* Non suis nervis, sed auxilio consulum, Gabinii et Pisonis.

12. *Libidine infamis.* Vallem, libidine insani. J. V. L.

tribunus plebis nancisceretur¹³, quid dicam consules? hoccine ut ego appellem nomine eversores hujus imperii? proditores vestrae dignitatis? hostes bonorum omnium? qui ad delendum senatum, affligendum equestrem ordinem¹⁴, extinguenda omnia jura atque instituta majorum, se illis fascibus ceterisque insignibus summi honoris atque imperii ornatos esse arbitrabantur? Quorum, per deos immortales, si nondum scelera vulneraque inusta reipublicae vultis recordari, vultum atque incessum animis intueamini. Facilius facta eorum occurrent mentibus vestris, si ora ipsa oculis proposueritis.

VIII. Alter unguentis affluens¹, calamistrata² coma, despiciens conscios stuprorum, ac veteres vexatores aetulae suae³, puteali⁴ et foeneratorum gregibus inflatus atque percussus⁵, olim, ne Scyllaeo illo aëris

13. *Nancisceretur*. Fuit enim fortunae cujusdam, ut eodem anno duo perditissimi consules essent, quorum uterque cum tribuno pl. Clodio consensit.

14. *Affligendum equestrem ordinem*. Spectat ad illud, quod L. Lamiam, principem equestris ordinis, pro salute Ciceronis acerrime pugnantem, Gabinius consul in concione relegavit, edixitque ut ab urbe abesset millia passuum ducenta: de quo in oratione post reditum in senatu, et ep. ad Div. lib. XI.

VIII. 1. *Unguentis affluens*. Gabinius significat, qui ob mollitiem odoratis liquoribus perfundebatur: de quo et in oratione post reditum in senatu: « Ille, inquit, unguentis oblitus irrisit squalorem vestrum »; et in oratione in Pisonem: « Erant illi compositi capilli, et madentes cincinnorum fimbriae ».

2. *Calamistrata coma*. De eodem in eadem oratione: « Cur in lustris, et helluinationibus hujus calamistrati saltatoris tam eximia virtus tam diu cessavit? » et post reditum in senatu, de eodem: « Unguentorum odor, vini anhelitus, frons calamistri notata vestigiis »: est autem calamistrum tenue ferrum, quo in cinere calefacto crispantur capilli, unde sunt illi tamquam annuli, qui cincinni vocantur: intorquebat igitur sibi capillos calamistro Gabinius consul, mollior, atque effeminatior, quam et aetatis illius, et ejus, quam sustinebat, personae dignitas ferebat.

3. *Aetulae suae*. Qui olim ejus pudicitiam per summum dedecus attriverant.

4. *Puteali*. Basilica fuit a Libone exstructa, in qua fenebres causae agebantur.

5. *Inflatus atque percussus*. Locum

alieni in freto ad columnam⁶ adhæresceret, in tribunatus portum perfugerat⁷. Contemnebat equites romanos, minitabatur senatui, venditabat se operis⁸, atque ab iis se ereptum, ne de ambitu⁹ causam diceret; prædicabat, ab iisdemque se, etiam invito senatu¹⁰, provinciam sperare dicebat; eamque nisi adeptus esset, se incolumem nullo modo fore arbitratur. Alter, o dii boni! quam teter¹¹ incedebat! quam truculentus! quam terribilis adspectu! unum aliquem te ex barbatis illis, exemplum imperii veteris, imaginem antiquitatis, columnen reipublicæ, diceres intueri. Vestitus aspere¹² nostra hac purpura plebeia, ac pæne fusca; capillo ita horrido, ut Capua,

omnino corruptum nemo non videt. Turnebus vulgatum exponit: « quodam putealis et æris alieni vento jactatus ac fere eversus ». Sed nullibi eo sensu occurrit verbum *inflari*. Correxerit Ernestinus *jactatus*. Garatonius labem multo latius manare suspicatus, sic locum totum habet: « puteali et fœneratorum gregi subiratus, a quo compulsus, etc. »

6. *Ad columnam*. Mœniam, juxta quam triumviri capitales judicabant. De ea vide plura ad Cluentianæ caput 39. — *Adhæresceret*. Impingere, faceret naufragium.

7. *Perfugerat*. Gabinus quum oppressus esset ære alieno, et tamquam in Scyllæo freto omnia devorante deprehensus, ne fœneratorum delationibus, ac triumvirorum sententia, tamquam adverso vento inflatus, et in scopulos impactus ad columnam Mœniam deligaretur, ibique bonis publicatis faceret reliquæ rei familiaris naufragium, ad tribunatum, tamquam ad portum securitatis, confugerat, eum magistratum petens, ne reus fieret.

8. *Operis*. Operariis atque infimæ

sortis hominibus multa pollicebatur, quorum factionibus acceptum referebat, quod de ambitu causam non dixisset.

9. *Ne de ambitu causam diceret*. Ob consulatum non more majorum, sed pecunia quæsitum.

10. *Invito senatu*. Sperabat enim, etiam si provinciam ei senatus deneget, fore tamen, ut rogatio a tribuno pl. Clodio, adjuvantibus corruptis hominibus, perferretur: idque sibi maxime necessarium videbat esse: qui sine ingentibus rapinis contractum æs alienum dissolvere non posset.

11. *Quam teter*. Piso tristi obscuraque facie, horrido capillo, severitatem illam veterem, et constantiam præ se ferebat.

12. *Vestitus aspere*. Vestitu utebatur crasso, purpura hac Romæ vili et communi. Porro rubra plerumque senatores et equites vestiebantur; violacea jam spernebatur quam omnium antiquissimam nonnulli propter egestatem, Piso autem et Cato propter inimicam luxuriæ severitatem prætulerunt.

in qua ipse tum imaginis ornandæ¹³ causa duumviratum gerebat, Seplasiam¹⁴ sublaturus videretur. Nam quid ego de supercilio dicam? quod tum hominibus non supercilium, sed pignus reipublicæ¹⁵ videbatur. Tanta erat gravitas in oculo, tanta contractio frontis, ut illo supercilio respublica, tamquam Atlante cælum, niti videretur. Erat denique hic omnium sermo: Est tamen reipublicæ magnum firmumque subsidium; habeo quem opponam labi illi atque cœno; vultu, medius fidius, collegæ sui libidinem levitatemque franget; habebit senatus, in hunc annum quem sequatur; non deerit auctor et dux bonis. Mihi denique homines præcipue gratulabantur, quod habiturus essem contra tribunum plebis furiosum et audacem, quum amicum et affinem¹⁶, tum etiam fortem et gravem consulem.

IX. Atque eorum alter fefellit neminem. Quis enim clavum tanti imperii tenere, et gubernacula reipublicæ tractare in maximo cursu ac fluctibus posse arbitraretur hominem emersum subito ex diuturnis tenebris lustrorum ac stuprorum? vino, ganeis, lenociniis, adulteriisque confectum? quum is præter spem in altissimo gradu alienis opibus¹ positus esset, qui non modo tempestatem impendentem intueri

13. *Imaginis ornandæ.* Ut imagini suæ honores gesti subscriberentur; quo titulis pluribus imaginem suam ornaret et oneraret.

14. *Seplasiam.* Adeo ab unguentis abhorrebat Piso, ut ex urbe Capua, cujus duumvir erat, Seplasiam, qui vicus in urbe eadem unguentorum venditione celebrabatur, sublaturus videretur.

15. *Pignus reipublicæ.* Respublica

Pisoni, cui se commiserat, supercilio, tamquam pignore, confidere, optimeque sperare videbatur.

16. *Affinem.* Ob Tulliam C. Pisoni Frugi, L. Pisonis propinquo, in matrimonium collocatam.

IX. 1. *Alienis opibus.* Pompeius Magnus A. Gabinium, quem hic Cicero significat, neque sua virtute, neque majorum commendatione insignem, suis opibus ad consulatum produxit.

temulentus, sed ne lucem quidem insolitam² adspicere posset? Alter multos plane in omnes partes fefellit. Erat enim hominum opinioni nobilitate³ ipsa, blanda conciliatricula, commendatus. Omnes boni semper nobilitati favemus, et quia utile est reipublicæ, nobiles homines esse dignos majoribus suis, et quia valet apud nos, clarorum hominum et bene de republica meritorum memoria, etiam mortuorum. Quia tristem semper, quia taciturnum, quia subhorridum atque incultum videbant, et quod erat eo nomine, ut ingenerata familiæ frugalitas⁴ videretur, favebant, gaudebant, et ad integritatem majorum spe sua hominem vocabant, materni generis⁵ obliti. Ego autem (vere hoc dicam, iudices), tantum esse in homine sceleris, audaciæ, crudelitatis, quantum ipse cum republica sensi, numquam putavi.

X. Nequam esse hominem, et levem, et falsa opinione, errore hominum ab adolescentia commendatum, sciebam. Etenim animus ejus vultu, flagitia parietibus tegebantur: sed hæc obstructio nec diuturna est, nec obducta ita, ut curiosis oculis perspicere non possit. Videbamus genus vitæ, desidiam¹, iner-

2. *Insolitam.* Quia lustrorum ac stuprorum in tenebris dia latuerat.

3. *Nobilitate ipsa.* Non quod esset patricius Piso, sed quia majoribus ortus clarissimis: nam nobilissimos homines etiam eos, qui plebeis familiis nati erant, appellatos esse animadverti.

4. *Frugalitas.* Ob cognomen: sunt autem frugi homines, ut in re domestica, sic in republica continentes, et temperati, ideoque præter ceteros justi. Piso igitur, qui publicam rem pessime curavit, degenerasse a suo cognomine videtur.

5. *Materni generis obliti.* L. Piso matrem habuit non romanam, sed homine gallo natam: qui quum Placentiæ consedisset, in eam civitatem adscitus, postea Romam venit, et Pisoni Cæsonino, ejus Pisonis filio, quem ab Helvetiis interfectum Cæsar scribit, filiam collocavit.

X. 1. *Desidiam, inertiam.* Plus inertia vituperationis habet, quam desidiam: desidiam enim appellamus, qui nihil agat, quasi desidientem: inertem autem, qui etiam agendi arte, non modo voluntate, careat: ergo in desidiam voluntas, in inertia simul cum

tiam : inclusas ejus libidines , qui paullo propius accesserant , intuebantur. Denique etiam sermonis an-
 sas dabat , quibus reconditos ejus sensus tenere possemus. Laudabat homo doctus philosophos , ne-
 scio quos ; neque eorum tamen nomina poterat di-
 cere² : sed tamen eos laudabat maxime , qui dicun-
 tur³ præter ceteros esse auctores et laudatores vo-
 luptatis ; cujus , et quo tempore , et quo modo , non
 quærebat. Verbum ipsum omnibus modis⁴ animi et
 corporis devorabat ; eosdemque præclare dicere aiebat ,
 sapientes omnia sua causa facere ; rempublicam ca-
 pessere hominem bene sanum non oportere ; nihil
 esse præstabilius otiosa vita , et plena , et conferta vo-
 luptatibus ; eos autem⁵ , qui dicerent , dignitati esse
 serviendum , reipublicæ consulendum , officii ratio-
 nem in omni vita , non commodi , esse ducendam ,
 subeunda pro patria pericula , vulnera excipienda ,
 mortem oppetendam , vaticinari⁶ atque insanire di-
 cebat. Ex his assiduis ejus quotidianisque sermonibus ,

voluntate notatur inscitia. Hoc paullo
 clarius ostenditur in epistola ad Cor-
 nificium , his verbis : « Quod si , ut es ,
 cessabis ; lacessam : ne tua ignavia
 etiam inertiam afferat » : id est , ne ,
 dum nihil umquam scribis , etiam scri-
 bere dediscas , et scribendi artem obli-
 viscare.

2. *Neque eorum tamen nomina po-
 terat dicere.* Satis plane indicat , non
 doctrina , sed voluntate , quia scilicet
 voluptatem diligeret , Pisonem fuisse
 Epicureum : qui enim eorum nomina ,
 quorum sectam sequebatur , ignoraret ,
 ex hominum sermonibus , et ex natu-
 rali quadam propensione potius , quam
 ex libris , genus illud philosophiæ
 cognovisse putandus est.

3. *Qui dicuntur.* Sæpius animadver-

tere fuit , Ciceronem , quoties in coro-
 na de Græcis sapientiæ aut artium
 professoribus mentio occurreret , eru-
 ditionem suam celare , ne infra roma-
 nam gravitatem cadere ea videretur.

4. *Omnibus modis.* Contra quam re-
 liqui Epicurei , qui , doctrinæ a libris
 accepta , non omnibus modis ample-
 ctendam voluptatem existimabant.

5. *Eos autem.* Philosophos ab Epi-
 curq dissidentes , Stoicos , Academi-
 cos , Peripateticos , qui honestatem
 vel unam , vel maxime expetendam
 affirmabant.

6. *Vaticinari.* Delirare , eorum in-
 star qui ut divinent , vesana mente
 feruntur. Unde Arnobius : « audent
 asseverare furiosi , quod vos credere
 non erubescitis sani ».

et quod videbam, quibuscum hominibus in interiore ædium parte viveret, et quod ita domus ipsa fumabat, ut multa ejus sermonis indicia redoleret, statuebam sic, boni nihil ab illis nugis expectandum, mali quidem certe nihil⁷ pertimescendum. Sed ita est, judices, ut, si gladium parvo puero, aut si imbecillo seni aut debili dederis, ipse impetu suo nemini noceat; sin ad nudum vel fortissimi viri corpus accesserit, possit acie ipsa et ferri viribus vulnerari: ita quum hominibus enervatis⁸ atque exsanguibus consulatus, tamquam gladius, esset datus; qui per se pungere neminem umquam potuissent, hi summi imperii nomine armati rempublicam contrucidaverunt. Fœdus fecerunt cum tribuno plebis⁹ palam, ut ab eo provincias acciperent, quas ipsi¹⁰ vellent; exercitum, et pecuniam, quantam vellent¹¹, ea lege, si ipsi prius tribuno plebis afflictam¹² et constrictam rempublicam tradidissent. Id autem fœdus meo sanguine ictum sanciri posse dicebant. Qua re patefacta (neque enim dissimulari tantum scelus poterat, nec latere), promulgantur uno eodemque tempore rogationes ab eodem tribuno de mea pernicie, et de provinciis consulum nominatim.

7. *Mali nihil.* Quum se Piso totum galæ, ventri, crapulæ dedisse videretur, nihil de perturbanda rep. cogitare.

8. *Enervatis.* Nulla animi fortitudine, nullis nervis. Confer pro Flacco, cap. 5.

9. *Cum tribuno pl.* P. Clodio.

10. *Provincias acciperent, quas ipsi vellent.* Non enim in eo legum ratio habita est: quia Gabinus Syriam acceperat, quum ei jam Cilicia data esset: Piso autem Achaiam, Thessaliam,

cunctam Græciam: quos populos Cæsar, ejus gener, sua lege liberos esse jusserat.

11. *Pecuniam, quantam vellent.* Quam deinde cum iis Clodius partitus est: unde infra, « Omitto, inquit, gratulationes, epulas, partitionem aerarii ». Et pro Domo sua, et in Pisonem.

12. *Afflictam et constrictam rempublicam.* Consulum præsidio nudatam, constrictam, ut commovere se non posset.

XI. Hic tum senatus sollicitus, vos equites¹ excitati, Italia cuncta permota, omnes denique omnium generum atque ordinum cives summæ reipublicæ a consulibus atque a summo imperio petendum esse auxilium arbitrabantur, quum illi soli essent, præter furiosum illum tribunum, duo reipublicæ turbines², qui non modo præcipitanti patriæ non subvenirent, sed eam³ etiam nimium tarde concidere mœrerent. Flagitabatur ab his quotidie quum querelis bonorum omnium, tum etiam precibus senatus, ut meam causam susciperent, agerent; aliquid denique ad senatum referrent. Hi non modo negando, sed etiam irridendo, amplissimum quemque illius ordinis insequabantur. Hic subito quum incredibilis in Capitolium multitudo ex tota urbe, cunctaque Italia convenisset, vestem mutandam omnes, meque etiam omni ratione, privato consilio (quoniam publicis ducibus respublica careret), defendendum putarunt. Erat eodem tempore senatus in æde Concordiæ⁴, quod ipsum templum repræsentabat memoriam consulatus mei, quum flens universus ordo cincinnatum⁵ consulem orabat: nam alter ille horridus et severus consulto se domi continebat. Qua tum superbia cœnum illud ac labes amplissimi ordinis preces, et clarissimorum

XI. 1. *Vos equites.* Præsentes iudices: nam ex tribus ordinibus iudicia constabant, senatorio, equestri, plebeio.

2. *Turbines.* Piso et Gabinus, qui temp. procellarum instar jactabant, seditionumque fluctus concitabant.

3. *Sed eam.* Abest eam. J. V. L.

4. *In æde Concordiæ.* Qua in æde factum est Cicerone consule senatus-consultum de conjuratis occidendis: ideo subjicit: « Quod ipsum templum

repræsentabat memoriam consulatus mei »: qua de re in Philippica V: « In hac, inquit, cella Concordiæ (o dii immortales!), in qua me consule salutare sententiæ dictæ sunt, quibus ad hanc diem viximus, cum gladiis homines collocati stant ».

5. *Cincinnatum consulem.* Ad contemptam: quod amplissimus ordo nequissimum consulem, qui sibi calamitastro comam in cincinnos intorqueret, cum lacrymis oraret.

civium lacrymas repudiavit? me ipsum ut contempsit helluo patriæ⁶? nam quid ego patrimonii dicam, quod ille, quum quasi quæstum faceret⁷, amisit? Quum venisset ad senatum⁸, vos, inquam, equites romani, et omnes boni, veste mutata, vos, inquam, pro meo capite ad pedes lenonis impurissimi projecistis, quum, vestris precibus a latrone illo repudiatis, vir incredibili fide, magnitudine animi, constantia, L.⁹ Ninnius, ad senatum de republica retulit, senatusque frequens vestem pro mea salute mutandam¹⁰ censuit.

XII. O diem illum, judices, funestum senatui, bonisque omnibus! reipublicæ luctuosum! mihi ad domesticum mœrorem, gravem! ad posteritatis memoriam, gloriosum! Quid enim quisquam potest ex omni memoria sumere illustrius, quam, pro uno cive et bonos omnes¹ privato consensu, et universum senatum publico consilio mutasse vestem? quæ quidem tum mutatio non deprecationis causa est facta, sed

6. *Helluo patriæ*. Audax sane et summa in hoc vis elocutionis, quam noster æquavit Cornelius, quum de libertis apud senem Galbam festinantibus, dicit :

.....
A qui dévorerait ce règne d'un moment.

7. *Quod ille, quum quasi quæstum faceret, amisit?* Sæpe simul et acerbè: mirum enim, qui quasi meretrix divulgato corpore quæstum faciat, eum patrimonium amittere: notat impudiciam simul et nequitiam Gabinii.

8. *Venisset ad senatum*. Doctissime ad h. l. adnotat Garatoniùs, non ipsa curia, sed proxime locum, ubi senatus habebatur, stetisse equestrem ordinem, aliosque tot cives, quos ferme hominum viginti millia fuisse constat ex cap. 3 post red. ad Q. et Plutarcho

in Cic. cap. 31; ædem autem Concordiæ paucos alios præter senatum capere potuisse; Gabinio autem curiam accedenti ea sese multitudo obtulit. Non est ergo quod cum Lambino mutemus in *senatum*.

9. *L. Ninnius*. Tribunus pl. qui deinde retulit ad senatum de reditu Ciceronis, ut est infra. Ninnium Quadratum vocat Dio: nominatur et ep. 23, lib. III, ad Attic. — Al. *L. Mummius*. J. V. L.

10. *Vestem... mutandam*. Non modo senatui, ut hic Cicero videtur significare, sed populo quoque Ninnius persuasit, ut, tamquam in aliqua publica calamitate, pro salute Ciceronis vestem mutaret. Dio l. XXXVIII.

XII. 1. *Bonos omnes*. Hominum viginti millia pro salute Ciceronis vestem mutarunt.

luctus. Quem enim deprecarentur, quum omnes essent sordidati? quumque hoc satis esset signi, esse improbum, qui mutata veste non esset? Hac mutatione vestis facta, tanto in luctu civitatis, omitto, quid ille tribunus, omnium rerum divinarum humanarumque prædo, fecerit; qui adesse² nobilissimos adolescentes, honestissimos equites romanos, deprecatores salutis meæ jusserit, eosque operarum suarum gladiis et lapidibus³ objecerit: de consulibus loquor, quorum fide respublica niti debuit. Exanimatus evolat ex senatu, non minus perturbato animo atque vultu, quam si paucis ante annis in creditorum conventum⁴ incidisset; advocat concionem; habet orationem talem consul, qualem numquam Catilina victor habuisset: Errare homines, si etiam tum senatum aliquid in republica posse arbitrarentur; equites vero romanos daturos illius diei⁵ pœnas, quo, me consule, cum gladiis in clivo⁶ Capitolino

2. *Adesse.* Quum legem perferre vellent: erat enim consuetudo, ut, ante quam ferretur lex, prodirent, qui vellent, ad suadendum, aut dissuadendum: de quo satis multa diximus in lib. de comitiis.

3. *Gladiis et lapidibus.* Hac ipsa de re in oratione pro Domo sua his verbis: « Quum eos, qui in conventu virorum honorum verba de salute mea fecerant, adesse jussisti, eorumque advocacy manibus, ferro, lapidibus discussisti, tum profecto ostendisti, vim tibi maxime displicere ».

4. *In creditorum conventum.* Eris alieni plurimum habuisse Gabinium, supra diximus.

5. *Diei.* Al. *dies*, ut citat Gellius, IX, 24, quod ita scriptum in veteribus libris testatur. De his genitivis vide

Henr. Stephan. in Pseudocic. p. 155-161, et Cortium ad Sall. Jug. LII, 3. J. V. L.

6. *In clivo Capitolino.* Circa templum Concordiæ, in clivo Capitolino, quum in eo templo de conjuratis consul Cicero ad senatum retulisset, armati equites rom. præsidii causa circumsteterant: de quibus in oratione I in Catilinam: « Illi, inquit, equites rom. honestissimi atque optimi viri, ceterique fortissimi cives, qui circumstant senatum, quorum tu et frequentiam videre, et studia perspicere, et voces paullo ante exaudire potuisti, quorum ego vix abs te jamdiu manus ac tela contineo, eosdem facile adducam, ut te hæc, quæ jampridem vastare studeas, relinquentem usque ad portas prosequantur ».

fuissent; venisse tempus iis, qui in timore fuissent (conjuratos videlicet dicebat), ulciscendi se. Si dixisset hoc solum, omni supplicio esset dignus: nam oratio ipsa consulis perniciosa potest rempublicam labefactare. Quid fecerit, videte. L. Lamiam, qui, quum me ipsum pro summa familiaritate, quæ mihi cum fratre, cum patre ejus erat, unice diligebat, tum pro republica vel mortem oppetere cupiebat, in concione relegavit; edixitque, ut ab urbe abesset millia passuum ducenta, quod esset ausus pro⁷ civi, pro bene merito civi, pro amico, pro republica deprecari.

XIII. Quid hoc homine facias¹? aut quo civem importunum², aut quo potius hostem tam sceleratum reserves? qui, ut omittam cetera, quæ sunt ei cum collega immani impuroque conjuncta atque communia, hoc unum habet proprium, ut expulerit ex urbe, relegarit, non dico equitem romanum, non ornatissimum atque optimum virum, non amicissimum reipublicæ civem, non illo ipso tempore una cum senatu, et cum bonis omnibus, casum amici rei-que publicæ lugentem; sed civem romanum sine ullo judicio, aut edicto, ex patria consul ejecerit. Nihil acerbius socii Latini ferre soliti sunt, quam, id quod perraro accidit³, ex urbe exire a consulibus juberi.

7. *Pro civi.* Civi legit Priscianns, lib. VII, et pro Plancio: « Quid dicam de tali civi, et viro? » Et lib. IV in Verrem: « Quod Siculus a civi romano ». Ibidem: « Quod civis cum civi ageret ».

XIII. 1. *Quid hoc homine facias?* Antiqua locutio, huic nostro satis usitata: quam et a comicis usurpatam invenimus: subaudiri videtur *de*; huic autem loco simillimus est ille ex

primo accusationis: « Quid hoc homine faciat? aut quam ad spem tam perfidiosum, tam importunum animal reservetis? »

2. *Importunum.* Crudelem, qui instar tyranni aut latronis omnibus est infestus.

3. *Id quod perraro accidit.* Bis omnino: primum, edicto Proculi Virginii consulis, quum Sp. Cassium Viscellinum collegam haberet, anno

Atque illis tum erat reditus in suas civitates, ad suos lares familiares; et in illo communi incommodo nulla in quemquam propria ignominia nominatim cadebat. Hoc vero quid est? exterminabit cives romanos edicto consul a suis diis penetibus? expellet a patria? deliget quem volet? damnabit atque ejiciet nominatim? Hic, si umquam vos eos, qui nunc estis ⁴, in republica fore putasset, si denique imaginem judiciorum ⁵, aut simulacrum aliquod futurum in civitate reliquum credidisset, umquam ausus esset senatum de republica tollere? equitum romanorum preces aspernari? civium denique omnium, novis et inauditis edictis, jus libertatemque ⁶ pervertere?

Etsi me attentissimis animis summa cum benignitate auditis, judices, tamen vereor, ne quis forte vestrum miretur, quid hæc mea oratio tam longa ac tam

ab Urbe cœdita 267, qua de re scriptum est apud Dionysium Halicarnasæum, lib. XII: « Ibi acclamante populo ut rectissime momenti, et postulante tolli ex lege partem illam, quæ gigneret dissidium, Cassius inops consilii, ut qui nec abstinere a ferenda lege vellet, nec posset pergere tribunis adversantibus, tunc dimisit concionem, sequentibus vero diebus infirmitatem simulans, non amplius veniebat in forum, sed domi manens hoc agebat, ut per vim legem ferret, et accerserat ad suffragia ex Latinis et Hernicis quotquot poterat. Illi frequentes conveniebant, brevique repleta est urbs hospitibus. Hoc cognito Virginii voce præconis edixit per compita, ut omnes, quibus in urbe non esset domicilium, excederent, præfinito ad id non magno spatio temporis. Cassius vero jussit contrarium proclamari, ut quotquot haberent

civitatis jus, manerent, donec perferretur lex ». Deinde anno post U. C. 531, quum C. Fannius eos vocatos a C. Graccho ad suffragium ferendum Latinos eodem die exire urbe jussit: qua de re Appianus aperte, nec obscure admodum Cicero in Bruto.

4. *Eos, qui nunc estis.* Magna præditos auctoritate, et cum potestate judicandi: speravit enim fore, ut boni jacerent, improbi dominarentur.

5. *Imaginem judiciorum.* Si judicia, aut omnino imaginem, aut simulacrum ullum judiciorum fore credidisset, in reip. non tam nefarie peccasset: peccavit autem, quia credidit, extinctis judiciis, penam delinquentibus nullam futuram.

6. *Jus libertatemque.* Jam et libertatem Gabinus eripuit civibus, quam eos, suum delictum veste mutata significantes, ad vestitum, quem deposuerant, redire jussit.

alte repetita velit, aut quid ad P. Sextii causam, eorum, qui ante hujus tribunatum⁷ rempublicam vexarunt, delicta pertineant. Mihi autem hoc propositum est ostendere, omnia consilia P. Sextii, mentemque totius tribunatus hanc fuisse, ut afflictæ et perditæ reipublicæ, quantum posset, mederetur. Ac, si in exponendis vulneribus illis de me ipsq̃ plura dicere videbor, ignoscite. Nam et illam meam cladem⁸ vos et omnes boni maximum esse reipublicæ vulnus judicastis; et P. Sextius est reus, non suo, sed meo nomine⁹: qui quum opum vim sui tribunatus in mea salute consumpserit, necesse est, meam causam præteriti temporis cum hujus præsentis defensione esse conjunctam.

XIV. Erat igitur in luctu senatus; squalibat civitas, publico consilio mutata veste; nullum erat Italiæ municipium, nulla colonia, nulla præfectura, nulla Romæ societas vectigalium¹, nullum collegium², aut concilium, aut omnino aliquod commune consilium, quod tum non honorificentissime decrevisset de mea salute: quum subito edicunt duo consules, ut ad suum vestitum senatores redirent. Quis umquam consul senatum ipsius decretis parere prohibuit? quis tyrannus miseros lugere vetuit? Parumne est, Piso,

7. *Ante hujus tribunatum.* Quia Gabinus anno ante, quam Sextius tribunus pl. fuit, consulatum gessit.

8. *Illam meam cladem.* Injuriam iniquissima Clodii lege illatam.

9. *Non suo, sed meo nomine.* Non quod ipse deliquerit, sed quod me inique pulsus restituerit. Accusatur enim a meis inimicis, non quod ipse contra leges aliquid commiserit, sed quod in tribunatu de mea salute laborarit.

XIV. 1. *Societas vectigalium.* Societates eorum, qui vectigalia redimebant, equitum rom. omnes erant.

2. *Nullum collegium.* De societatum harum genere vide pro Dom. cap. 28, in quo legitur: « Nullum est in hac urbe collegium, nulli pagani aut montani (quoniam plebi quoque urbanæ majores nostri conventicula et quasi concilia esse voluerunt), qui non amplissime non modo de salute mea, sed etiam de dignitate decreverint ».

ut omittam Gabinium, quod tantum homines fefellisti, ut negligeres auctoritatem senatus? optimi cuiusque consilia contemneres? rempublicam proderes? consulare nomen affligeres? etiamne edicere audebas, ne mœrerent homines meam, suam, reipublicæ calamitatem? ne³ hunc suum dolorem veste significarent? Sive illa vestis mutatio ad luctum⁴ ipsorum, sive ad deprecandum valebat; quis umquam tam crudelis fuit, qui prohiberet quemquam aut sibi mœrere, aut ceteris supplicare? Quid? sua sponte homines in amicorum periculis vestitum mutare non solent? pro te ipso⁵, Piso, nemone mutavit⁶? ne isti quidem, quos legatos⁷ non modo nullo senatusconsulto, sed etiam repugnante senatu, tute tibi legasti? Ergo hominis desperati⁸, et proditoris reipublicæ casum. lugebunt⁹ fortasse, qui volent: civis florentissimi benivolentia bonorum, et optime de salute patriæ meriti, periculum, conjunctum cum periculo civitatis, lugere senatui non licebit? Iidem consules (si appellandi sunt consules, quos nemo est, qui non modo ex memoria, sed etiam ex fastis evellendos pu-

3. *Ne*, etc. Al. = neve h. dol. veste mutata s. = J. V. L.

4. *Ad luctum ipsorum*. Sive, inquit, vestem mutaverant, ut meam pariter, et suam lugerent calamitatem, sive ut meam salutem deprecarentur; neutram ob causam facere id, quod fecisti, æquum fuit: quum nemo umquam tam crudelis fuerit, qui prohibuerit quemquam aut mœrere in suo dolore, aut ceteris in amici periculo supplicare.

5. *Pro te ipso*. Apostrophe ad Pisonem absentem: nam hoc tempore Macedoniam proconsulari imperio administrabat.

6. *Mutavit*. Fr. A. Wolf. ad orat.

post Reditum ad Quir. cap. 5, conj. *mutabit*. Optime; sed jam Lallem. conjecerat, et omnino suaserat Garatonius. J. V. L.

7. *Legatos*. Videtur Piso lege Claudia, qua provinciam acceperat, eam facultatem habuisse, ut legatos deligeret, atque idcirco repugnasse senatus, quod ipsius auctoritas imminuebatur. Confer in Pis. 36.

8. *Homini desperati*. Qui ut recte agat, aut sentiat, sperari non potest.

9. *Lugebunt fortasse*. Addidit fortasse, ut dubitari posse indicet, an aliquis omnino in hominis desperati et proditoris reipublicæ casu lacrymas daturus sit.

tet), pacto jam foedere¹⁰ provinciarum, producti in circo Flaminio in concionem ab illa furia ac peste patriæ, maximo cum gemitu vestro, illa omnia, quæ tum contra me, contraque rempublicam¹¹ dixerat, voce ac sententia sua comprobaverunt.

XV. Iisdem consulibus sedentibus atque inspectantibus, lata lex est¹, ne auspicia valerent, ne quis obnuntiaret², ne quis legi intercederet³; ut omnibus fastis⁴ diebus legem ferri liceret; ut lex Ælia, lex Fufia⁵ ne valeret: qua una rogatione, quis est, qui non intelligat, universam rempublicam esse deletam? Iisdem consulibus inspectantibus, servorum delectus habebatur pro tribunali Aurelio, nomine collegiorum⁶, quum vicatim homines conscriberentur, de-

10. *Pacto jam foedere provinciarum.* Ut provincias acciperent a Clodio tribuno pl. quas vellent, ea lege, si ipai prius ei permitterent, ut, quæ vellet, in rempublicam perficeret, hoc est, ut leges reipublicæ perniciosissimas perferre posset.

11. *Quæ tum contra me, contraque rempublicam dixerat.* Quum edixerunt, ut senatus, qui propter mororem vestitum mutaverat, ad pristinum vestitum rediret.

XV. 1. *Lata lex est.* Quatuor leges reip. perniciosas tulit P. Clodius in tribunatu pl. de annona, ut populo frumentum, quod antea semissibus et trientibus dabatur, gratis daretur: alteram, ut collegia restituerentur: tertiam, ut infirma censorum potestas esset: quartam hanc, de qua hic Cicero loquitur: vide infra, in Pisonem, Pedianum, Dionem, lib. XXXVIII.

2. *Ne quis obnuntiaret.* Ne magistratus rennuntiando, quid augures servantes de cælo advertissent, concionem dissolverent.

3. *Legi intercederet.* Ne ulli tribuno fas esset legi obsistere.

4. *Omnibus fastis.* Quum diebus fastis omnibus quidem lege agere, non omnibus tamen cum populo agere liceret, Clodius fastos omnes comitiales esse jussit, hoc est, ut, quod quibusdam fastis licebat, id omnibus liceret.

5. *Lex Ælia, lex Fufia ne valeret.* Dicit autem, quod proxime: nam lex Ælia et Fufia de auspiciis et obnuntiatione erat; sed legem nominat, ut invidiam in Clodium augeat.

6. *Nomine collegiorum.* Collegia, hoc est, infimorum hominum, certas artes pariter exercentium conventus, jam inde a Numa rege esse instituta, in Plinii Naturali Historia, et in Plutarcho scriptum est: postea, quum horum collegiorum numerus esset autotus, omnia, præter pauca atque certa, ut fabrorum, fictorumque quæ civitatis utilitas desiderabat, pluribus legibus sublata sunt, neque solum legibus, sed etiam senatusconsultis, ut L. Cæ-

curiarentur; ad vim, ad manus, ad cædem, ad directionem incitarentur. Iisdem consulibus arma in templum Castoris⁷ palam comportabantur, gradus ejusdem templi tollebantur; armati homines forum et conciones tenebant; cædes lapidationesque fiebant; nullus erat senatus, nihil reliqui magistratus; unus omnem omnium potestatem armis et latrocinii possidebat, non aliqua vi sua, sed quum duo⁸ consules a republica provinciarum foedere retraxisset, insultabat, dominabatur; aliis pollicebatur; terrore ac metu multos, plures etiam spe et promissis tenebat.

Quæ quum essent ejusmodi, judices, quum senatus duces nullos, ac pro ducibus proditores, aut potius apertos hostes haberet; equester ordo reus a consulibus citaretur⁹; Italiæ totius¹⁰ auctoritas repudiaretur; alii nominatim relegarentur, alii metu ac periculo terrerentur; arma essent in templis, armati in foro; eaque non silentio consulum dissimularentur, sed et voce et sententia comprobarentur, quum omnes urbem nondum excisam et eversam, sed jam captam atque oppressam videremus: tamen his tantis malis, tanto bonorum studio, judices, restitissimus.

cilio, Q. Marcio coas. nec enim hominum humilium coitiones in civitate satis tutæ videbantur. Clodius autem, ut inopem plebem, quæ parvo negotio ad facinus impellitur, sibi conciliaret, utpote qui novitatem et vim meditaretur, collegia non solum vetera restituit, sed etiam nova innumerabilia constituit.

7. *Iisdem consulibus arma in templum Castoris pal. comp.* In Castoris templum propterea comportabantur arma, ut legem Clodius, si quis inter-

cedere aut impedire vellet, vi perferret.

8. *Duo.* Veretur Ernest. ne duo temere e superioribus irreperit. J.V.L.

9. *Reus a consulibus citaretur.* Significat illud, quod in concione Gabinus consul dixerat: « Equites rom. daturos illius diei poenas, quo, Cicero consule, cum gladiis in clivo Capitolino fuissent ».

10. *Italiæ totius auctoritas repudiaretur.* Quæ meam causam suis decretis susceperat.

Sed me alii metus, atque aliarum curarum¹¹, suspicionesque moverunt.

XVI. Exponam enim hodierno die, iudices, omnem rationem facti et consilii mei¹; neque huic vestro tanto studio audiendi, neque vero² huic tantæ multitudini, quanta, mea memoria, numquam ullo in iudicio fuit, deero. Nam, si ego in causa tam bona, tanto studio senatus, consensu tam incredibili bonorum omnium, tam parato, tota denique Italia ad omnem contentionem expedita³, cessi tribuni plebis, despicatissimi hominis, furori; contemptissimorum consulum levitatem audaciamque pertimui; nimium me timidum, nullius animi, nullius consilii fuisse confiteor.

Quid enim simile fuit in Q. Metello⁴? cujus cau-

11. *Alii metus, atque aliarum curæ.* Quod Clodius ea, quæ contra Cicero- nem faceret, se facere auctoribus Pompeio, Crasso, Cæsare, in concio- nibus clamabat: qui quum tacerent, confiteri videbantur: his igitur, inquit, cessi, non, homini despicatissimo, Clodio, non contemptissimis consuli- bus, Pisoni et Gabinio.

XVI. 1. *Facti et consilii mei.* Facti, quod cesserim communibus inimicis, et in exilium ire maluerim, quam cum universæ reip. periculo dimicare: consilii, quo sum adductus, ut id, quod feci, bonis omnibus, antea quoque a me servatis, utilis existi- marem.

2. *Vero.* Grævis delevit vero, quod aberat a MSS ejus. Ernest. recte defendit. J. V. L.

3. *Ad omnem contentionem expedita.* Quod ex decretis poterat intel- ligi.

4. *Quid enim simile fuit in Q. Me- tello?* In Pisonem: «Alia causa præ- stantissimi viri Q. Metelli fuit: qui

C. illi Mario, fortissimo viro, et con- suli et sextum consuli, et ejus invictis legionibus, ne armis configeret, ce- dendum esse duxit». Est igitur hic sensus: discedendum fuit Q. Metello illi Numidico: quod ejus causam non senatus publice susceperat: quod ei res esset cum exercitu C. Marii invi- cto, cum ipso C. Mario, conservatore patriæ, sextum consule, cum L. Sa- turnino iterum tribuno pl. homine vigilante: quod, si pugnare vellet, aut ipseus interitum ex inimicorum victoria, aut, si ipse vinceret, magnam reip. calamitatem e fortissimorum vi- rorum cæde prospiceret: mea ratio fuit alia: quum enim et meam causam senatus, equester ordo, cuncta Italia publice suscepisset; et mihi res esset, non cum C. Mario, sed cum duobus contemptissimis consulibus, non cum L. Saturnino, sed cum tribuno pl. P. Clodio, omnium hominum nequis- simo, atque turpissimo; quos homines si occiderem, nemo neque meam factum reprehenderet, neque illum

sam etsi omnes boni probabant, tamen neque senatus publice, neque ullus ordo proprie, neque suis decretis Italia tota susceperat. Ad suam enim magis quamdam ille gloriam, quam ad perspicuam salutem reipublicæ sumpserat⁵, quum unus in legem per vim latam jurare noluerat: denique videbatur ea conditione tam fortis fuisse, ut cum patriæ caritate⁶ constantiæ gloriam commutaret. Erat autem ei res cum exercitu C. Marii invicto; habebat inimicum C. Marium, conservatorem patriæ, sextum jam illum⁷ consulatum gerentem; res erat cum L. Saturnino⁸, iterum tribuno plebis, vigilante homine, et in causa populari⁹ si non moderate¹⁰, at certe populariter abs-tinenterque versato. Cessit, ne aut victus a fortibus viris cum dedecore caderet, aut victor multis et fortibus civibus rempublicam orbaret.

XVII. Meam causam senatus palam, equester ordo acerrime, cuncta Italia publice, omnes boni proprie enixeque susceperant. Eas res gesseram, quarum non unus auctor, sed dux omnium voluntatis fuissẽm, quæque non modo ad singularem meam gloriam, sed

morte moreret: hæc quum ita essent, valde me timidum, atque imprudentem confiterer fuisse, si horum hominum metu discessissem: cur igitur cessi? moverunt me illa, quæ de Pompeio, Crasso, Cæsare Clodius prædicabat: quæ illi tacendo confiteri videbantur.

5. *Sumpserat.* Quid Metellus sumperit non liquet, neque quis facile conjecerit. Recipienda videtur Aldinæ et aliarum multarum edd. lectio *spectarat*. Conjecit Ernestinus *fecerat*.

6. *Ut cum patriæ caritate.* Quum adpectu patriæ carissimo se privavit, constantiæ laudem quæsivit, patriæque amissionem gloriæ fructu compen-

sare visus est: cessit igitur Metellus, non quod in eo sitam esse reipublicæ salutem intelligeret: sed quod ei carior constantiæ gloria, quam adpectus patriæ, fuit.

7. *Sextum jam illum consulatum,* oppressis Glancia et Saturnino insignem.

8. *Saturnino.* Metelli inimico; quod ab eo censore notatus erat.

9. *In causa populari.* Quia legem agrariam ferebat.

10. *Si non moderate.* Quod A. Numinum, tribunatum petentem, et C. Memmii, consulatus candidatum, Glanciæ competitorem occidendos curaverat.

ad salutem communem omnium civium, et prope gentium, pertinerent; ea conditione gesseram, ut meum factum semper omnes præstare tuerique deberent. Erat autem mihi contentio non cum victore exercitu, sed cum operis conductis, et ad diripiendam urbem concitatis; habebam inimicum non C. Marium, terrorem hostium, spem subsidiumque patriæ; sed duo importuna prodigia, quos egestas¹, quos æris alieni magnitudo, quos levitas, quos improbitas² tribuno plebis constrictos addixerat. Nec mihi res erat cum Saturnino, qui, quod a se, quæstore Ostiensi³, per ignominiam, ad principem et senatus et civitatis⁴, M. Scaurum, rem frumentariam translatam sciebat, dolorem suum magna contentione animi persequabatur; sed cum scurrarum locupletium⁵ scorto, cum sororis adultero⁶, cum stuprorum sacerdote, cum venefico, cum testamentario, cum sicario, cum latrone: quos homines si, id quod facile factu fuit, et quod fieri debuit, quodque a me optimi et fortissimi cives⁷ flagitabant, vi armisque superas-

XVII. 1. *Egestas, quos æris alieni magnitudo.* Hæc ad Gabinium spectare facile cognoscet is, qui, quæ supra dicta sunt, meminert.

2. *Improbitas.* De Pisone dictum: quem sceleratum, audacem, crudelem appellavit.

3. *Quæstore Ostiensi.* Recitanda sunt, quæ in oratione legimus de haruspicum responsis: pertinent enim ad hunc locum: « Saturninum, inquit, quod in annonæ caritate quæstorem a sua frumentaria procuracione senatus amovit, eique rei M. Scaurum præfecit, scimus dolore factum esse populem ».

4. *Principem et senatus et civitatis.* Senatus, quod cum in recitando se-

natu censores primum legissent: civitatis, ob summos honores eximia cum laude administratos.

5. *Scurrarum locupletium.* De eodem in harusp. resp. « qui post patris mortem primam illam ætutulam suam ad scurrarum locupletium libidines detulit, quorum intemperantia expleta, in domesticis est germanitatis stupris volutatus ». Quem locum adeat, si quis Clodii aut scelera aut flagitia omnino cognoscere et æstimare velit.

6. *Sororis adultero.* Uxoris L. Luculli, qui Tigranem Mithridatemque acie vicit.

7. *Optimi et fortissimi cives.* Maxime L. Lucullus, ut in Plutarcho scriptum est.

sem, non verebar, ne quis aut vim vi repulsam reprehenderet, aut perditorum civium, vel potius domesticorum hostium mortem mœreret.

Sed me illa moverunt : omnibus in concionibus illa furia clamabat, se, quæ faceret contra salutem meam, facere auctore Cn. Pompeio, clarissimo viro, mihi et nunc, et quoad licuit⁸, amicissimo. M. Crassus, quocum mihi erant omnes amicitiae necessitudines, vir fortissimus, ab eadem illa peste infestissimus esse meis fortunis prædicabatur. C. Cæsar, qui a me nullo meo merito alienus esse debebat, inimicissimus esse meæ saluti ab eodem quotidianis concionibus dicebatur. His se tribus auctoribus in consiliis capiendis, adiutoribus in re gerenda esse usurum dicebat. Ex quibus unum⁹ habere exercitum in Italia maximum; duo, qui privati tum essent, et præesse, et parare, si vellent, exercitum posse; idque facturos¹⁰ esse dicebat. Nec mihi ille iudicium populi¹¹, nec legitimam¹² aliquam contentionem, nec disceptationem, aut causæ dictionem¹³, sed vim, arma, exercitus, imperatores, castra denuntiabat.

XVIII. Quid ergo? inimici oratio, vana præsertim,

8. *Quoad licuit.* Latenter excusat Pompeium: quod aliquando sibi officium amici non præstiterit, nec a Clodio inique oppugnatum defenderit: non enim ei per Cæsarem socerum licuit: qui, ut ea, quæ consul contra leges et auspicia gesserat, confirmarentur, alienare a se tribunum pl. popularem nolebat: infra, et proxime, et in Pisonem.

9. *Unum.* C. Cæsarem, qui Galliam Cisalpinam, quæ Italiæ pars olim fuit, cum exercitu imperioque obtinebat.

10. *Facturos.* Ut ipsum, si opus esset, adjuvarent in re gerenda.

11. *Judicium populi.* Populum enim in causa capitali, centuriatim coactum, iudicem esse oportebat: idque et sacris legibus et XII tabulis sancitum erat.

12. *Nec legitimam aliquam contentionem.* Si non ad populum, at ante aliquem magistratum, publicumve consilium.

13. *Causa dictionem.* Civem enim romanum, indicta causa, condemnari; leges vetabant: quo nomine et ipse Cicero a P. Clodio tribuno pl. lege lata pulsus est: conjuratos enim indicta causa necari e SC. jusserat.

tam improbe in clarissimos viros conjecta, me movit? Me vero non illius oratio, sed eorum¹ taciturnitas², in quos illa oratio tam improba conferebatur: quicum, quamquam ob aliam causam tacebant³, tamen hominibus, omnia timentibus, tacendo loqui, non infitiando confiteri videbantur. Illi autem aliquo tum timore perterriti, quod acta illa⁴ atque omnes res anni superioris labefactari a prætoribus, infirmari a senatu atque principibus civitatis⁵ putabant, tribunum popularem⁶ a se alienare nolebant, suaeque sibi propiora pericula esse, quam mea, loquebantur. Sed tamen et Crassus a consulibus meam causam suscipiendam esse dicebat, et eorum fidem Pompeius implorabat; neque se privatum publice susceptæ causæ defuturum esse dicebat: quem virum studiosum mei, cupidissimum reipublicæ conservandæ, domi meæ⁷, certi homines, ad eam rem compositi⁸, monuerunt, ut esset cautior; ejusque vitæ a me insidias apud me domi positas

XVIII. 1. AL. « sed etiam eorum t. » J. V. L.

2. *Eorum taciturnitas.* Nam etsi, quam tacerent, quid sentirent, intelligi non poterat, movebar tamen, quia tacendo loqui videbantur, non infitiando confiteri: pro Plancio.

3. *Ob aliam causam tacebant.* Hæc ad Cæsarem potius causa pertinebat, quam aut ad Pompeium, aut ad Crassum: quum enim vehementer timeret Cæsar, ne, quæ anno superiore contra auspicia peregerat, ea non a consulibus Pisone et Gabinio, quorum alterum socerum, alterum suis partibus addictum habebat, sed a prætoribus infirmarentur: tribunum pl. P. Clodium alienare a se nolebat: is enim prætoribus, de tollendis Cæsaris actis rogationem ferentibus, vel interces-

sione poterat, quia tribunus pl. erat, vel, quia facinorosus et audax, etiam vi armisque resistere: hanc igitur ob causam Cæsar tacebat. Crassus autem et Pompeius, quia Cæsari favebant alter amicitia et coitione in rempublicam facta, alter etiam affinitate devinctus.

4. *Acta illa.* Ea, quæ proximo anno consul gesserat.

5. *Principibus civitatis.* Cæsaris inimicos intelligit, M. Bibulum, M. Catonem, L. Domitium.

6. *Tribunum popularem.* Quia, quum a patriciis ad plebem transit, magnam a populo gratiam iniit.

7. Ernest. delendum putat *domi meæ.* J. V. L.

8. *Ad eam rem compositi.* Sabor-nati, submissi.

esse dixerunt : atque hanc ei suspicionem alii literis mittendis, alii nuntiis, alii coram ipsi excitaverunt, ut ille, quum a me certe nihil timeret, ab illis, ne quid meo nomine⁹ molirentur, sibi cavendum putaret. Ipse autem Cæsar, quem maxime homines ignari veritatis mihi esse iratum putabant, erat ad¹⁰ portas, erat cum imperio; erat in Italia ejus exercitus, inque eo exercitu ipsius tribuni plebis, inimici mei, fratrem¹¹ præfecerat.

XIX. Hæc ego quum viderem (neque enim erant occulta), senatum, sine quo civitas stare non posset, omnino de civitate esse sublatum; consules, qui publici consilii duces esse deberent, perfecisse, ut per ipsos publicum consilium funditus tolleretur; eos, qui plurimum possent¹, opponi omnibus concionibus, falso, sed formidolose tamen, auctores ad perniciem meam; conciones haberi quotidie contra me; vocem pro me, ac pro republica neminem mittere; intenta signa legionum² existimari cervicibus ac bonis vestris, falso, sed putari tamen; conjuratorum copias veteres, et fusam³ illam [ac superatam] Catilinæ manum importunam, novo duce, et insperata commutatione rerum esse renovatam : hæc quum viderem, quid agerem, judices? scio enim, tum non mihi vestrum studium, sed meum prope vestro defuisse⁴. Conten-

9. *Meo nomine.* Veritus est, ne illi ipsi, a quibus monebatur, aliquid in ipsum molirentur; quod fore sperarent, ut homines id a Cicerone commissum existimarent, a quo insidias ejus vitæ positas prædixerant.

10. *Erat ad portas.* Non enim prius ad bellum profectus est Cæsar, quam Ciceronem Clodius Italia expulit, quod a Plutarcho-scriptum est.

11. *Fratrem.* Ap. Pulchrum, qui legatus fuit in exercitu Cæsaris.

XIX. 1. *Eos, qui plurimum possent.* Tres illos, quos proxime nominavit.

2. *Legionum.* Cæsaris.

3. *Et fusam illam.* Al. *et effusam illam.* J. V. L.

4. *Meum prope vestro defuisse.* Quod iis, pro ipsius salute contra

derem contra tribunum plebis privatus armis? Vicissent improbos boni, fortes inertes; interfectus esset is, qui hac una medicina⁵ sola potuit a reipublicæ peste depelli. Quid deinde? quid reliquiarum restaret? quid denique erat dubium, quin ille sanguis tribunitius, nullo præsertim publico consilio profusus, consules ultores et defensores esset habiturus? quum quidem in concione dixisset, aut mihi semel pereundum, aut bis esse vincendum. Quid erat bis vincere? Id profecto, ut, cum amentissimo tribuno plebis quum decertassem, cum consulibus, ceterisque ejus ultoribus dimicarem.

Ego vero, si mihi⁶ uni pereundum fuisset, ac non accipienda plaga mihi sanabilis⁷, illis mortifera, qui eam imposuissent, semel perire tamen, judices, maluissem, quam bis vincere⁸. Erat enim illa altera ejusmodi contentio, ut neque victi⁹, neque¹⁰ victores

Clodium pugnare cupientibus, non permisit: ex quo sunt illa ad Lentulum: « Meos cives, et a me servatos, et me servare cupientes, armatis servis objici noluerim ». Nec alibi semel idem gloriatur.

5. *Hac una medicina.* Adversus enim illius furem non satis in judiciis et legibus esse præsidii sæpe res docuerat.

6. Omnia hæc alii aliter pervertunt: quos refellere supersædeo. J.V. L.

7. *Mihi sanabilis.* Intricati loci hujus sensus est: « Quod ad me attinet, etiamsi perire mihi soli contingasset, nec illud debuisse accipere valens exsiliū, quo ad tempus tantum afficerer, inimici vero mei interirent (quum scilicet præclaro illo reditu restituerer, illi turpissima ignominia notati, nihil jam possent, ac veluti umbræ essent), mortem tamen duobus

victoriis ante habuisse. Contendunt Abramini et Manutini illud se non intelligere, et pace doctorum virorum legendum putant: « Ego vero, si mihi uni pereundum fuisset, ac non accipienda plaga mihi insanabilis, reip. mortifera, quam illi imposuissent, semel perire, etc. » Hæc qui possit intelligat, nos, ut ingenii tarditatem fateamur, liquidam hujusce partis mentem perspicere non possumus. In eundem sensum Ferratius, Grævius, Olivetus. Nos cum Verburg. et Lallein. Lambinum sequi maluimus.

8. *Quam bis vincere.* Quandoquidem sine magna civium strage vincere non possem.

9. *Neque victi.* Quia bonis civibus interfectis, respublica stare non poterat.

10. *Neque victores.* Gravem enim plagam e cæde consulum accepisset

republicam tenere possemus. Quid? si in prima contentione, vi tribunitia victus, in foro, cum multis bonis viris concidissem, senatum consules, credo, vocassent, quem totum de civitate delerant; ad arma vocassent¹¹, qui ne vestitu quidem defendi rempublicam sissent; a tribuno plebis post interitum meum dissidissent, qui eandem horam meæ pestis, et suorum præmiorum esse voluissent.

XX. Unum enim mihi restabat illud, quod forsitan non nemo vir fortis, et acris animi magnique dixerit: restitisses, repugnasses, mortem pugnans oppetisses. De quo te, te, inquam, patria, testor, et vos, penates, patriique dii, me vestrarum sedum¹ templorumque causa, me propter salutem meorum civium, quæ mihi semper fuit mea carior vita, dimicationem cædemque fugisse. Etenim, si mihi² in aliqua nave cum meis amicis naviganti, hoc, iudices, accidisset, ut multi ex multis locis prædones classibus eam navem se oppressuros minitarentur, nisi me unum sibi dedidissent; si id vectores negarent, ac mecum simul interire, quam me tradere hostibus mallent; jecissem me ipse potius in profundum, ut ceteros conservarem, quam illos mei tam cupidos, non modo ad certam mortem, sed in magnum vitæ discrimen adducerem. Quum vero in hanc reipublicæ³ navem,

respublica, pessimo exemplo in civitatem inducto.

11. *Ad arma vocassent.* Al. *ad arma vocarent.* J. V. L.

XX. 1. Sic Priscian. Al. malunt *sedium.* Recte.

2. *Si mihi.* Pulcherrima h. l. explicatur similitudo, et summa veritatis vi ad verbum cum Ciceronis conditione congruit.

3. *Quum vero in hanc reipublicæ*

navem. Nisi ante jam de nave meminisset, haud satis verecunda tralatio videretur: non enim repente et cum impetu irrumpit, sed pedetentim et placide in orationem ingreditur metaphoram, præsertim ubi paullo illustrior est, nec uno, aut altero verbo terminatur: quare non offendantur novitate aures nostræ, quum in hanc reipublicæ navem audiant: nihil enim ad illas accidit insolens.

ereptis senatui gubernaculis⁴, fluitantem in alto tempestatibus seditionum ac discordiarum, armatae tot classes⁵, nisi ego unus deditus essem, incursum viderentur; quum proscriptio, caedes, direptio denuntiarentur; quum alii me suspicione periculi sui non defenderent, alii vetere odio⁶ bonorum incitarentur, alii inviderent⁷, alii obstare⁸ sibi me arbitrarentur, alii ulcisci dolorem suum⁹ aliquem vellent, alii rem ipsam publicam, atque hunc bonorum statum otiumque odissent, et ob hasce causas, tot, tamque varias, me unum deposcerent; depugnarem potius cum summo, non dicam exitio, sed periculo certe vestro liberorumque vestrorum, quam non id, quod omnibus impendebat, unus pro omnibus susciperem¹⁰ ac subirem?

XXI. Victi essent improbi. At cives, at ab eo privato, qui sine armis etiam consul rempublicam conservarat. Sin victi essent boni, quid superesset? non ad servos videtis rem venturam fuisse? An mihi ipsi, ut quidam putant, fuit mors aequo animo oppetenda? Quid? tum mortemne fugiebam? an erat res ulla, quam mihi magis optandam putarem? aut ego illas

4. *Ereptis senatui gubernaculis.* A consulibus destituto: qui senatus quasi quaedam gubernacula sunt.

5. *Armatae tot classes.* Perditorum civium exercitus.

6. *Vetere odio bonorum.* Improborum civium duplex odium fuisse significat, in homines, et in statum civitatis: in homines, ut hic ostendit: in statum civitatis, ut infra, quum ait, « Alii rem ipsam publicam, atque hunc bonorum statum, otiumque odissent ».

7. *Inviderent.* Novi enim hominis gloriam vix forebant. Illos autem fuisse

praesertim Lucullum et Hortensium ex epistolis ad Att. I, 16 et 17 facile perspicitur. Confer etiam Macrob. Saturn. III, 15.

8. *Obstare.* Quia contra extraordinarias potentias libere loqueretur.

9. *Dolorem suum.* Ex aliqua Ciceronis injuria susceptum, et hoc in C. Cnærem praecipue conjectum videri potest: qui etiam P. Clodium iracundia ac dolore percutus, ad plebem traduxerat.

10. *Susciperem.* Voluntario discessu, omisso dimicandi consilio.

res tantas¹, in tanta improborum multitudine, quum gerebam, non mihi mors, non exsilium ob oculos versabantur? non hæc² denique a me tum, tamquam fata, in ipsa re gerenda caneantur³? An erat mihi in tanto luctu meorum, tanta disjunctione, tanta acerbitate, tanta spoliatione omnium rerum, quas mihi aut natura, aut fortuna⁴ dederat, vita retinenda? Tam eram rudis? tam ignarus rerum? tam expers consilii, aut ingenii? nihil audieram? nihil videram? nihil ipse legendo quærendoque cognoveram? nesciebam vitæ brevem esse cursum, gloriæ sempiternum⁵? quum esset omnibus definita⁶ mors, optandum esse, ut vita, quæ necessitati deberetur, patriæ potius donata, quam reservata naturæ videretur? nesciebam, inter sapientissimos homines hanc contentionem fuisse, ut alii dicerent animos hominum sensusque morte restingui, alii autem tum maxime mentes sapientium ac fortium virorum, quum e corpore excessissent, sentire ac vigere? quorum alterum, fugiendum non esse, carere sensu; alterum etiam optandum, meliore esse sensu. Denique⁷, quum omnia semper ad dignitatem retulissem,

XXI. 1. *Illas res tantas.* In consulatu gestas.

2. *Hæc.* Quæ sum perpassus.

3. *Caneantur.* Al. *concinebantur.* J. V. L.

4. *Aut natura, aut fortuna.* Liberos natura, rem fortuna dat: utrumque significat.

5. *Gloriæ sempiternum.* Sententias illas communi sermone sæpius usurpatis ita nunc vivide exprimit orator, ut omnino novæ appareant: et, nisi me fallit animus, pauci occurrunt loci, qui tam ardenti caleant eloquen-

tia quam totus hic locus, et magnifica illa mortis contemptio.

6. *Omnibus definita mors.* Sententiam hanc non semel a græcis auctoribus recitatam ita imitatur Tullius, ut longo intervallo priores superet in Philippica decima, ubi noster obitam pro virtute mortem turpi immortalitati præferendam esse contendit.

7. *Denique.* Concludit demonstrando quam parum esse mortem contemni, quum eam sua sponte puellæ præsumperint. Narratur enim Erechthei regis filias, Eumolpo Thraciæ rege bellum

nec sine ea quidquam expetendum esse homini in vita putassem; mortem, quam etiam virgines Athenis, regis, opinor, Erechthei filiae, pro patria contempsisse dicuntur, ego vir consularis, tantis rebus gestis, timerem? praesertim quum ejus essem civitatis, ex qua Q. Mucius solus in castra Porsenae venisset, eumque interficere, proposita sibi morte, conatus esset? ex qua P. Decius primum pater⁸, post aliquot annos patria virtute praeditus filius⁹, se, ac vitam suam, instructa acie, pro salute populi romani victoriaque devovisset? ex qua innumerabiles alii, partim adipiscendae laudis, partim vitandae turpitudinis causa, mortem in variis bellis, aequissimis animis, oppetissent? in qua civitate ipse meminissem, patrem hujus M. Crassi¹⁰, fortissimum virum, ne videret¹¹ victorem inimicum¹², eadem sibi manu vitam exhausisse, qua mortem saepe hostibus obtulisset?

XXII. Hæc ego et multa alia cogitans, hoc videbam, si causam publicam mea mors peremisset, neminem umquam fore, qui auderet suscipere contra

Atheniensibus inferente, sese ad mortem obtulisset. Confer Euripideum locum apte illustrandum Ionis, v. 278.

8. *Pater*. Qui se Latino bello in armatas jecit hostium catervas. Livius libro IX.

9. *Filius*. Qui in Etrusco bello sese devovit. Exstitit autem tertius, qui ab hostibus circumventus, quum fortiter pugnaret, interiit. Quum vero se non devovisset, nihil est cur miretur Manutius h. l. a Cicerone praetermissum eum qui ad causam nihil faceret.

10. *Patrem hujus M. Crassi*. Ejus, qui perijt in Parthis.

11. *Ne videret*, etc. Al. « ne vi-

deret victorem vivus inim. » J. V. L.

12. *Inimicum*. L. Cinnam. « Illa audivimus, inquit in oratione pro Scauro, hoc vero meminimus, ac pæne vidimus, ejusdem stirpis ac nominis P. Crassum, ne in manus incideret inimicorum, se ipsum interemisse ». Et Pedianus hæc adjungit: « Hic Crassus fuit pater Crassi ejus, qui æmulus potentiae Cn. Pompeii fuit »: perijt autem in dominatione L. Cinnæ. In proœmio autem l. III de Orat. « Non, inquit de L. Crasso, propinquum suum, maximi animi virum, snapte interfectum manu vidit ». Idem et in epitome Liviana, lib. LXXX.

improbos cives reipublicæ salutem. Itaque non solum si vi interissem, sed etiam si morbo extinctus essem, fore putabam, ut exemplum reipublicæ conservandæ mecum simul interiret. Quis enim¹ umquam, me a senatu populoque romano, tanto omnium bonorum studio, non restituto (quod certe, si essem interfectus, accidere non potuisset), ullam reipublicæ partem cum sua minima invidia auderet attingere? Servavi igitur rempublicam discessu meo, iudices: cædem a vobis liberisque vestris, vastitatem, incendia, rapinas, meo dolore luctuque depuli; et unus bis rempublicam servavi, semel gloria, iterum ærumna mea². Neque enim in hoc me hominem esse infitiabor³ umquam, ut me optimo fratre, carissimis liberis, fidelissima conjuge, vestro conspectu, patria, hoc honoris gradu, sine dolore caruisse glories. Quod si fecissem, quod a me beneficium haberetis, quum pro vobis ea, quæ mihi essent vilia, reliquissem? Hoc, meo quidem animo, summi in patriam amoris mei signum esse debet certissimum, quod, quum abesse ab ea non possem sine summo dolore, hunc me perpeti, quam illam labefactari⁴ ab improbis, malui. Memineram, iudices, divinum illum⁵ virum,

XXII. 1. *Quis enim*. Nisi locum dedissem vivendo ut restitui possem, quis postea ausus esset vel minimam reip. partem attingere, adversantibus parumper inimicis? Mira est hoc in loco scripturæ varietas. Nos optimorum codicum fidem cum præstantissimis interpretibus sumus sequuti.

2. *Semel gloria, iterum ærumna mea*. Gloriam conjurationis oppressæ, ærumnam exilii sui significat.

3. *Hominem esse infitiabor*. Operæ pretium est adire orationis pro Domo locum mire cum hoc convenientem :

« accepi, pontifices, magnum atque incredibilem dolorem; non nego; neque istam adscisco mihi sapientiam . . . eamque animi durtiam, sicut corporis, quod, quum uritur, non sentit, stuporem potius quam virtutem putarem ».

4. *Labefactari*. Quod factum esset, si dimicare potius, quam cedere maluissem.

5. *Divinum illum virum*. Fortissimum, et plusquam humana virtute præditum: de quo pro Cornelio Balbo: « Queris aliquem graviorem?

atque ex iisdem, quibus nos, radicibus⁶ natum ad salutem imperii hujus, C. Marium, summa⁷ senectute, quum vim prope justorum armorum⁸ profugisset, primo senile corpus paludibus occultasse demersum; deinde ad infimorum ac tenuissimorum hominum Minturnis misericordiam confugisse; inde navigio per parvo, quum omnes portus terrasque fugeret, in oras Africæ desertissimas pervenisse. Atque ille vitam suam, ne inultus esset, ad incertissimam spem, et ad reipublicæ statum⁹ reservavit: ego, qui (quemadmodum multi in senatu, me absente, dixerunt) periculo reipublicæ¹⁰ vivebam, quique ob eam causam consularibus¹¹ literis de senatus sententia exteris nationibus commendabar, nonne, si meam vitam deseruissem, rempublicam prodidissem? in qua¹² quidem nunc, me restituto, vivit mecum simul exemplum fidei publicæ, exemplum reipublicæ defendendæ. Quod si immortale retinetur, quis non intelligit, immortalem hanc civitatem futuram?

constantiorem? præstantiorem virtute, prudentia, religione, æquitate, etc. » Prudenter autem Marium laudat, cujus exemplum imitatus fuisse vult videri.

6. *Ex iisdem, quibus nos, radicibus.* Uterque enim Arpini natus est.

7. *Summa senectute.* Hanc enim miseriam sustinuit Marius post VI consulatam, anno ætatis sue, si Velleio credimus, LXX, a quo dissentit Plutarchus, qui eum annum agentem LXVIII periisse tradit.

8. *Vim prope justorum armorum.* Prope justa vocat arma, quibus L. Sulla duodecim, ut ait Velleius, novarum pesimarumque rerum auctores, inter quos Marium cum filio, et P. Sulpicio tribuno pl. urbe exturbavit: nulla in cives arma justa sunt: sed illa prope justa.

9. *Ad reip. statum.* Ad id tempus, quo, mutatione rerum facta, alius, atque is, qui tunc erat, status reipublicæ videretur esse: quod quum accidisset, Sulla ad Mithridaticum bellum profecto, ipse suam pristinam dignitatem recuperavit, interfectis iis, qui Sullæ partes tuebantur.

10. *Periculo reipublicæ.* Quum in mea vita periculum adiret respública, mecumque simul periclitaretur, quam eadem utrique fortuna impenderet.

11. *Consularibus literis.* Quas scripsit ex senatusconsulto P. Lentulus consul. Pro Planc. 32, in Pis. 15. Ejusdem Lentuli sunt literæ quæ infra, cap. 60, consulares memorantur. Eravit h. l. Manutius.

12. *In qua quidem nunc.* Al. in quo quidem nunc. J. V. L.

XXIII. Nam externa bella¹ regum, gentium, nationum, jampridem ita extincta sunt, ut præclare cum iis agamus, quos pacatos esse patiamur. Denique ex bellica victoria non fere quemquam est invidia civium consequuta. Domesticis malis, et audacium civium consiliis sæpe est resistendum; eorumque periculorum est in republica retinenda medicina²: quam omnem, iudices, perdidissetis, si meo interitu senatui populoque romano doloris sui de me declarandi potestas esset erepta. Quare moneo vos, adolescentes, atque hoc meo jure præcipio³, qui dignitatem, qui rempublicam, qui gloriam spectatis: ne, si qua vos aliquando necessitas ad rempublicam contra improbos cives defendendam vocabit, segniore sitis, et recordatione mei casus⁴ a consilii fortibus refugiat. Primum, non est periculum, ne qui umquam sint in civitate ejusmodi consules, præsertim si erit his id, quod debetur, persolutum⁵. Deinde numquam jam, ut spero, quisquam improbus, consilio et auxilio bonorum⁶ se oppugnare rempublicam dicet, illis tacentibus, nec armati exercitus terrorem opponet togatis; neque erit justa causa ad

XXIII. 1. *Externa bella.* De Provinciis consularibus, 31: « Nulla gens, quæ non aut ita subacta sit, ut vix exstet; aut ita domita, ut quiescat; aut ita pacata, ut victoria nostra imperioque lætetur ».

2. *Retinenda medicina.* Quæ ita retinetur, si bonos et fortes viros respublica fovet: et ab impetu insidiisque tuetur improborum: nec alienum hoc a Sextii causa videtur: cui propter ea, quæ in tribunatu pl. pro Cicerone, hoc est, pro republica geaserat, excitatam accusationis procellam non semel significat.

3. *Meo jure præcipio.* Hoc enim ego præter ceteros posse video facere, quum omnium maxime, quam grato animo respublica cives optime meritos amplectatur, in me ipso sim expertus.

4. *Et recordatione mei casus.* Quum ejectus sum: reditus enim gloria, non discessus calamitas, cogitanda vobis est.

5. *Persolutum.* Si ut meriti sunt, ita punientur.

6. *Bonorum.* Bonos vocat, Cæsarem, Pompeium, Crassum, quos excusat, ut in consules et Clodium culpam convertat universam.

portas sedenti imperatori, quare terrorem suum falso jactari opponique patiatur. Numquam enim erit tam oppressus senatus, ut ei ne supplicandi quidem ac lugendi sit potestas; tam captus⁷ equester ordo, ut equites romani a consule relegentur. Quæ quum omnia, atque etiam multo alia majora, quæ consulto prætereo, accidissent, videtis⁸ me tamen in pristinam meam dignitatem, brevis⁹ temporis dolore interjecto, reipublicæ voce esse revocatum.

XXIV. Sed, ut revertar ad illud, quod mihi in hac omni est oratione propositum, omnibus malis illo anno, scelere consulum, rempublicam esse confectam¹: primum illo ipso die, qui mihi funestus fuit, omnibus bonis luctuosus, quum ego me e complexu patriæ, conspectuque vestro eripuissem², et metu vestri periculi, non mei, furori hominis, sceleris, perfidiæ³, telis, minisque cessissem, patriamque, quæ mihi erat carissima, propter ipsius patriæ caritatem reliquissem; quum meum illum casum tam horribilem, tam gravem, tam repentinum, non solum homines, sed tecta urbis ac templa lugerent; nemo vestrum forum, nemo curiam, nemo lucem adspicere vellet: illo, inquam, ipso die, die dico? immo hora, atque etiam puncto temporis eodem, mihi, reique publicæ perniciēs, Gabinio et Pisoni provincia rogata est⁴. Proh dii immortales, custodes

7. *Captus*. Impeditus, infirmus, nullo apud consules loco: aspectat enim ad casum L. Lamie.

8. *Videtis*. Al. *vidissetis*. J. V. L.

9. *Brevis*. Al. *brevis*. J. V. L.

XXIV. 1. *Confectam*. Multis vulneribus oppressam et funesta tæbe consumptam.

2. *Eripuissem*. Non enim a patria

ejectus, aut per vim ab ejus complexu abreptus, sed ipse sponte sua Clodiano furori cessisse videtur.

3. *Perfidia*. Quia, quum Pompeio sæpe pollicitus esset, se nihil in tribuatu contra Ciceronem esse acturum, promisso non stetit: de quo in epist. ad Attic. lib. II.

4. *Rogata est*. « Nam et de me, hoc

et conservatores hujus urbis atque imperii! quænam illa in republica monstra, quæ scelera vidistis? Civis erat expulsus is, qui rempublicam ex senatus auctoritate⁵ cum omnibus bonis defenderat, et expulsus non alio aliquo, sed eo ipso crimine. Erat autem expulsus sine judicio⁶, vi, lapidibus, ferro, servitio denique concitato: lex erat lata, vastato ac relicto foro, et sicariis servisque tradito, et ea lex, quæ ut ne ferretur, senatus fuerat veste mutata. Hac tanta perturbatione civitatis, ne noctem quidem⁷ consules inter meum discrimen, et eorum prædam interesse passi sunt: statim, me perculso, ad meum sanguinem hauriendum, et, spirante etiam republica, ad ejus spolia detrahenda advolaverunt. Omitto gratulationes, epulas, partitionem ærarii⁸, beneficia, spem, promissa, prædam, lætitiâ paucorum in luctu omnium. Vexabatur uxor mea⁹; liberi ad necem quærebantur; gener, et Piso gener¹⁰, a Pisonis consulis pedibus supplex rejiciebatur; bona diripiebantur, eaque ad consules deferebantur; domus ardebat¹¹ in

est, de ipsa republica: et de consulum provinciis lata lex est: in Pisonem, post Red. in sen.

5. *Senatus auctoritate*. Quia senatus decreverat, ut viderent consules, ne quid respublica detrimenti caperet.

6. *Sine judicio*. Contra legem XII tabularum, quæ civem romanum sine populi judicio damnari vetat.

7. *Ne noctem quidem*. Graviter invenitur in consules, qui eodem temporis vestigio, quo lex de sua ipsius perniciem rogata est, Syriam et Macedoniam obtinuerunt, nec expectaverunt dum omnino confecta periret respublica, sed eam viventem et videntem spoliaverunt.

8. *Partitionem ærarii*. Cum Clodio, qui, lege lata de maximis pecuniis Pisoni et Gabinio dandis, quasi euntibus cum exercitu in provincias necessarii magnopere essent, eas deinde pecunias cum ipsis partitus est; supra, et pro Domo sua.

9. *Vexabatur uxor mea*. Quippe quæ etiam ad tabulam Valeriam ducta sit; ad Div. XIV, 2.

10. *Et Piso gener*. Magna est in istis verbis emphasis, quasi diceret: Gener meus (quis autem gener!), Piso. Sic ad Div. II, 7, « a tribuno plebis et a Carione tribuno ».

11. *Domus ardebat*. Non fortuito occurrit incendii istius et consularium

Palatio; consules epulabantur. Quod si meis incommodis lætabantur, urbis tamen periculo commoverentur.

XXV. Sed, ut a mea causa jam recedam, reliquas illius anni pestes recordamini; sic enim facillime perspicietis, quantam vim omnium remediorum a magistratibus proximis respublica desiderarit; legum multitudinem¹, quum earum, quæ latæ sunt, tum vero, quæ promulgatæ fuerunt². Nam latæ quidem

epularum mentio, quod multo fœdus sic oppositum efficitur; quum isti adeo ruina inimici lætarentur, ut ne urbis quidem incolunitatem cogitarent.

XXV. 1. Schütz. « declarat legum multitudo ». J. V. L.

2. *Legum multitudinem, quum earum, quæ latæ sunt, tum vero, quæ promulgatæ fuerunt.* Ex his verbis oritur difficultas, cur scilicet non omnes leges Clodius tulerit, quas promulgaverat. An quia tribunus pl. aliquis intercesserat? Hoc ipsum diligenter examinandum est. Ciceronis auctoritas de Prov. Cons. 19: « quare aut vobis statuendum est, legem Æliam manere, legem Fufiam non esse abrogatam, non omnibus fastis legem ferri licere, quam lex feratur, de calo servari, obnuntiari, intercedi licere », adduxit quosdam, ut putarent, non minus intercessionem tribunitiam sublatam fuisse a Clodio, quam obnuntiationem. Contra tamen est et ipse Cicero aliis in locis, et satis probabilis conjectura. Nam in Pisom. 10 hæc habentur: « id autem templum e sublato aditu, revulsis gradibus, a conjuratorum reliquiis, atque a Catilinæ prævaricatore quondam, tam altore, armis tameretur ». Non alia de causa videtur Clodius, suas leges laturus, occupato

Castoris templo, illius aditum sustulisse, quam ne quisquam tribunus pl. accederet ad intercedendum. Ceterum, quamvis e rep. intercessionem non tollam, P. Clodio tribunus pl. non tamen existimo, illam collegarum intercessione impeditam fuisse, quin omnes a se promulgatas leges perferret. Quum omnia per vim gererentur, duces operarum forum tegerent, revulsis templorum gradibus, in quibus comitia habebantur, bonis viris nullus patere aditus poterat. An L. Ninnius, quem fortissimum ille annus optimationis, et reip. defensorem habuit, cuiquam legi libentius interessisset, quam quibus collegia servorum instituebantur, tollebatur censoris potestas, Ptolemæi regis bona proscribebantur? qui, quum vellet, maxima detrimenta prohibere non potuit, cum nulla in re uti potuisse suæ potestatis jure credendum est. Infra c. 30: « quæ vero promulgata illo anno fuerunt, quæ promissa multis, quæ conscripta, quæ sperata, quæ cogitata? » Tribunatum quæstuosum Clodius gessit: ut pecuniam acciperet, pollicebatur multa, conscriberebat, et promulgabat: quemadmodum non omnia, quæ conscripserat, divulgavit, sic non omnes leges tulit, quas promulgaverat: idque, vel quia pecuniam non dabant ei, a quibus

sunt consulibus illis, tacentibus dicam? immo vero approbantibus etiam: ut censoria notio³, et gravissimum iudicium sanctissimi magistratus de republica tolleretur; ut collegia non modo illa vetera contra senatusconsultum restituerentur, sed ab uno gladiatore innumerabilia alia nova conscriberentur; ut, remissis semissibus et trientibus⁴, quinta prope pars vectigalium tolleretur; ut Gabinio, pro illa sua Cilicia, quam sibi, si rempublicam prodidisset, pactus erat, Syria daretur; ut uni helluoni⁵ bis de eadem re deliberandi, et, rogata lege, potestas fieret provinciae commutandae.

XXVI. Mitto eam legem¹, quae omnia iura religionum², auspiciorum, potestatum, omnes leges, quae sunt de jure, et de tempore³ legum rogandarum, una rogatione delevit; mitto omnem domesticam labem: etiam exteras nationes illius anni furore conquassatas videbamus. Lege tribunitia Matris Magnae Pessinuntius ille sacerdos expulsus, et spoliatus sa-

petebatur, vel quia Clodius, accepta pecunia, foedus frangebat, et per summam perfidiam, ut consueverat, sententiam mutabat.

3. *Censoria notio.* Noscere et notare censorum erat. Unde nihil est quod cum nonnullis reponas *notatio*, adversantibus MStis.

4. *Remissis semissibus et trientibus.* Gracchi lege frumentum populo semisse et triente, hoc est, dextante, veniebat; illa abrogata jussit populus in posterum nihil persolvi gratiasque frumentum plebi distribui. Semisse autem et triente ideo utebatur Gracchus, quod formae nummorum aereorum bonis temporibus, nullae fuerunt nisi dipondii, sesquiassis, assis, semissis, trientis, quadrantis; unde ut

deuncem seu dextantem significarent, necesse erat ut semissem et trientem conjunctos repraesentarent.

5. *Uni helluoni.* Eidem Gabinio.

XXVI. 1. *Eam legem.* Quae legem Æliam et Fufiam everterit: vide supra.

2. *Religionum.* Nullam enim religionem, quam lex ferretur, impedimento esse voluit: posuit autem primum genus, deinde speciem: nam inter religiones sunt auspicia.

3. *De jure, et de tempore.* De jure, hoc est, de auspiciis, erat Ælia: de tempore, Fufia. Clodius utramque sua lege delevit: tulit enim, ut ne quis per eos dies, quibus cum populo agi liceret, de caelo servaret: et ut omnibus diebus fastis legem ferri liceret. Vide supra.

cerdotio est, fanumque sanctissimarum atque antiquissimarum religionum venditum pecunia grandi, Brogitaro⁴, impuro homini, atque indigno illa religione, præsertim quum ea sibi ille non colendi, sed violandi causa appetisset; appellati reges a populo, qui id numquam ne a senatu quidem⁵ postulassent; reducti exsules⁶ Byzantium condemnati tum⁷, quum indemnati cives e civitate ejiciebantur. Rex Ptolemæus⁸, qui, si nondum erat ipse a senatu socius appellatus, erat tamen frater ejus regis⁹, qui, quum esset in eadem causa, jam erat a senatu honorem istum consequutus; erat eodem genere, iisdem majoribus, eadem vetustate societatis; denique erat rex, si nondum socius, at non hostis; pacatus, quietus, fretus imperio populi romani, regno paterno atque avito, regali otio perfruebatur: de hoc nihil cogitante, nihil suspicante, eisdem operis¹⁰ suffragium ferentibus, est rogatum, ut sedens cum purpura, et sceptro, et illis insignibus regiis, præconi publico subjiceretur; et imperante populo romano, qui etiam

4. *Brogitaro*. Gallogræco, Dejotari regis genero: vide de Haruspicum responsis.

5. *Ne a senatu quidem*. Non a populo, sed a senatu reges appellabantur: primum igitur in eo peccat Clodius, quod reges per populum, non per senatum appellat; deinde, quod eos appellat, qui id numquam, non modo a populo, sed ne a senatu quidem postularint: satis autem constat, hæc omnia significari, a Clodio mercede et pretio esse facta.

6. Lambin. suadet legere, « condemnati exsules Byzantium reducti tum, quum, etc. » J. V. L.

7. *Condemnati*. Nimis injuste, nimis

tyrannice agit Clodius: exsules, legibus condemnatos, reducit; cives ejicit indemnatos.

8. *Rex Ptolemæus*. De tota hac historię parte vide plura in fragmentis de Reg. Alexand. et ea quæ pro Domo, cap. 20, et pro Rabir. Posthum. jam attigimus. Ceterum Ernestius cum Manitio ἀνακλόουθον esse h. l. putat, quasi non cohæreret « Rex Ptolemæus... pacatus... regali otio perfruebatur ».

9. *Frater ejus regis*. Ptolemæi regis Alexandrini.

10. *Eisdem operis*. Quarum suffragio et alias iniquissimas leges Clodius pertulerat.

bello victis regibus regna reddere consuevit, rex amicus, nulla injuria commemorata, nullis repetitis rebus, cum bonis omnibus publicaretur.

XXVII. Multa acerba, multa turpia, multa turbulenta habuit ille annus : tamen illi sceleri, quod in me illorum immanitas edidit, haud scio an recte hoc proximum esse dicam. Antiochum illum Magnum majores nostri, magna belli contentione terra marique superatum¹, intra montem Taurum regnare jusserunt; Asiam, qua illum multarunt, Attalo², ut is regnaret in ea, condonaverunt. Cum Armeniorum rege, Tigrane, grave bellum perdiuturnumque gessimus; quum ille, injuriis in socios nostros inferendis, bello prope³ nos lacessisset. Hic et ipse per se vehemens fuit, et acerrimum hostem hujus imperii Mithridatem, pulsum Ponto, opibus suis regnoque defendit; et a Lucullo⁴, summo viro atque imperatore, pulsus, animo tamen hostili cum reliquis copiis suis in pristina mente mansit. Hunc Cn. Pompeius, quum in suis castris supplicem abjectumque vidisset, erexit, atque insigne regium, quod ille de suo capite abjecerat, reposuit, et, imperatis certis rebus, regnare jussit; nec minus et sibi, et huic imperio gloriosum putavit, constitutum a se regem,

XXVII. 1. *Superatum*. A L. Scipione, Africani majoris fratre : qui ob eam causam Asiatici cognomen est adeptus.

2. *Attalo*. Eumenis fratri, qui eam postea populo romano moriens testamento legavit.

3. *Bello prope*. Non enim bello Tigranes Romanos lacessivit; sed, vexandis sociis, quasi bellum inferre videbatur : non satis habet Cicero,

populum romanum excusare, qui non lacessitus bellum intulerit; sed excusat etiam cum laude, quod sociorum injurias suas duxerit.

4. *A Lucullo*. Qui Mithridatem, atque etiam Tigranem ita fregit, ut Pompeio, qui successit, non difficiles belli reliquias tradiderit : unde inimicitarum inter eos origo fluxit : quum uterque ejus belli gloriam ad se traheret. Plutarchus et alii.

quam constrictum videri. Tulit, gessit⁵: qui et ipse hostis fuit populi romani, et acerrimum hostem⁶ in regnum recepit; qui confligit, qui signa contulit, qui de imperio pæne certavit, regnat hodie, et amicitiae nomen ac societatis, quod armis violarat, id precibus est consequutus: ille Cyprius miser, qui semper socius⁷, semper amicus fuit, de quo nulla umquam suspicio durior aut ad senatum, aut ad imperatores nostros allata est, vivus, ut aiunt, est, et videns⁸, cum victu ac vestitu suo publicatus. En, cur ceteri reges stabilem esse suam fortunam arbitrentur, quum, hoc illius funesti anni prodito⁹ exemplo, videant, per tribunum aliquem, et sexcentas operas¹⁰, se fortunis spoliari, et regno omni posse nudari.

XXVIII. At etiam eo negotio M. Catonis splendorem maculare¹ voluerunt, ignari, quid gravitas,

5. *Tulit, gessit.* Diadema a Pompeio recepit, illud capiti repositum gessit. Sunt qui legendum putent horum loco: « Tigranes igitur, qui et ipsi. . . » — Ernest. levissima de causa deleverat *Tulit, gessit*, et in cap. seq. inculcaverat post verba *libera fuisset*. Alii hæc imitentur. J. V. L.

6. *Acerrimum hostem.* Mithridatem dici constat.

7. *Qui semper socius.* Non ad ipsum Ptolemæum, sed ad majores ejus referendum est: nam ipse, quum Clodius legem tulit, nondum erat socius. Ammianus tamen lib. XIV, foederatum et socium appellat his verbis: « Ptolemæo rege, foederato nobis, et socio, ob aerarii nostri angustias jussu sine ulla culpa proscribi, ideoque hausto veneno voluntaria morte deleto, et tributaria facta Cyprus est, et velut hostiles ejus exuviae classi impositæ,

in urbem advectæ sunt per Catonem ».

8. *Vivus et videns.* Terentius in *Euuchio*, I, 1: « et tædet et amore ardeo et prudens, sciens Vivus, vidensque pereo, nec quid agam scio ». Sic noster pro Quintio: « huic acerbissimum vivo, videntique funus ducitur ». Quod locutionis genus a Græcis desumptum videtur, qui sæpius *usurpavere*.

9. *Al. male, prodito.* J. V. L.

10. *Sexcentas operas.* Numerus paucitatem indicat hoc loco, regumque majestati opponitur, quum sæpius pro indefinita multitudine collocetur.

XXVIII. 1. *Maculare.* Nam regis gazæ vendendæ, et pecuniæ deportandæ M. Catonem, lege lata, Clodius præfecit; non ut Catonem ornaret, sed partim ut virum fortissimum, et improbis civibus infensum a republica removeret; partim ut, si quis deinde

quid integritas, quid magnitudo animi, quid denique virtus valeret²: quæ in tempestate sæva quieta est, et lucet in tenebris, et pulsa loco manet tamen, atque hæret in patria, splendetque per se semper, neque alienis umquam sordibus obsolescit. Non illi ornandum M. Catonem, sed relegandum; nec illi committendum illud negotium, sed imponendum³ putaverunt: qui in concione palam dixerint, linguam se evellisse⁴ M. Catoni, quæ semper contra extraordinarias potestates libera fuisset. Sentient, ut spero, brevi tempore, manere libertatem illam; atque hoc etiam, si fieri poterit, esse majorem, quod cum consulibus illis M. Cato, etiam quum jam desperasset aliquid auctoritate sua profici posse, tamen voce ipsa ac dolore pugnavit, et post meum discesum, iis Pisonem verbis, flens meum et reipublicæ casum, vexavit, ut illum hominem perditissimum atque impudentissimum pæne jam provinciæ poeniteret⁵. Cur igitur rogationi paruit⁶? Quasi vero ille non

legem illam de Cypro publicata vellet acensare, socium ac defensorem haberet M. Catonem, utpote qui ejus negotii particeps fuisset: quod sane ita contigit.

2. *Virtus valeret.* Locum hunc credas Claudiano ob oculos fuisse, quum de consulatu Manlii Theodori caneret: « Ipsa quidem virtus pretium sibi, solaque late Fortunæ secunda nitet; nec fascibus ullis Erigitur plausuque petit clarescere vulgi; Nil opis externæ cupiens, nil indiga laudis, Divitiis animosæ suis, immotaque cunctis Casibus, o celsa mortalia despicit arce ».

3. *Imponendum.* Et rei et hominis causa hoc verbo usus est: ut hoc significet, et rem Catone indignam esse impositam, et impositam invito: quod et Dio tradit libro XXXVIII.

4. *Evellisse.* Quia Cato, suscepto et administrato negotio, contra leges a Clodio in tribunatu latas pro sua veteri constantia ac libertate loqui jam non posset: quandoquidem inter eas leges esset ea, de Cypro publicata: quæ si tolleretur, ea simul; quæ Cato in Cypro gesserat, tolli necesse erat: nec sane parum callide Clodius cogitavit; nam, quod fore putavit, id ipsum evenit; ut Cato, ne, quæ ipse in Cypro et Byzantii egisset, infirmarentur, Clodii tribunatum contra Ciceronem defenderet: de quo in oratione de Provinciis consularibus, et Plutarchus in Cicerone.

5. *Provinciæ poeniteret.* Cujus mercede ac pactione inductus, cum Clodio de mea perniciæ consenserat.

6. *Paruit?* Quod in Cyprum ivit.

in alias quoque leges, quas injuste rogatas putaret, jam ante jurarit. Non offert se ille istis temeritatibus⁷, ut, quum reipublicæ nihil prosit, se cive rempublicam privet. Consule me, quum esset designatus tribunus plebis⁸, obtulit in discrimen vitam suam; dixit eam sententiam, cujus invidiam capitis periculo sibi præstandam⁹ videbat; dixit vehementer; egit acriter; ea quæ sensit, præ se tulit; dux, auctor, actor rerum illarum fuit: non quo periculum suum non viderit; sed in tanta reipublicæ tempestate nihil sibi, nisi de patriæ periculis, cogitandum putabat. Consequutus est ipsius tribunatus.

XXIX. Quid ego de singulari magnitudine animi ejus, ac de incredibili virtute dicam? meministis illum diem¹, quum, templo a collega occupato, nobis omnibus de vita ejus viri et civis timentibus, ipse animo fortissimo venit in templum, et clamorem hominum, auctoritate, impetum improborum, virtute sedavit. Adiit tum periculum, sed adiit ob causam: quæ quanta fuerit, jam mihi dicere non est necesse.

7. *Istis temeritatibus.* Non adeo est temerarius, ut sine causa et spe utilitatis, periculo velit vitam exponere. Nempe si Cato non indiget Roma, at Roma indiget Catone. Notatu sane digna scriptoris locutio.

8. *Designatus tribunus plebis.* Nonis decembris, quem sæpe diem sibi gloriosum, reipublicæ salutarem Cicero nominat, de conjuratis in senatu dictæ sententiæ sunt: factoque in Catonis sententiam senatusconsulto, in carcere necati.

9. *Præstandam.* Ita gravem sibi invidiam videbat impendere, ut eam salvere sine vitæ periculo non posset; subiit tamen, patria vitæ antelata.

XXIX. 1. *Illum diem.* Q. Metellus Nepos tribunus pl. legem laturus de Pompeio cum exercitu ex Asia revocando, templum Castoris cum servis et gladiatoribus occuparat; in quod Cato irrupit, inter Cæsarem prætorem et Metellum tribunum medina conseedit, et præcone legem recitare prohibito, Metello ipsi eandem ferre paranti codicem extorsit; quo facto Cato pene occisus esset, nisi Murena consul obstitisset. Ea sunt quæ hic Cicero obscure innuere cogitur, ne in Pompeii et Cæsaris invidiam incurrat. — Multis templum hoc loco pro Rostris usurpatur, quæ sane exempla abundant.

At, si isti Cypriæ rogationi sceleratissimæ non parisset; hæreret illa nihilominus in republica turpitudine². Regno enim jam publicato, de ipso Catone erat nominatim rogatum: quod ille si repudiasset, dubitatis, quin ei vis esset allata, quum omnia acta illius anni per illum unum labefactari³ viderentur? Atque etiam hoc videbat: quoniam illa in republica macula regni publicati maneret, quam nemo jam posset eluere; quod ex malis boni⁴ posset in republica provenire, id utilius esse per se conservâri, quam per alios. Atque ille etiamsi aliquapiam vi expelleretur illis temporibus ex hac urbe, facile pateretur: etenim, qui superiore anno⁵ senatu caruisset, quo si tum veniret, me tamen socium suorum in republica consiliorum videre posset; is æquo animo tum, me expulso, et meo nomine quum universo senatu, tum sententia sua⁶ condemnata, in hac urbe esse posset? Ille vero eidem tempori, cui nos, eidem furori, eisdem consulibus, eisdem minis, insidiis, periculis cessit⁷. Luctum nos hausimus majorem, dolorem ille animi non minorem.

XXX. His de tot tantisque injuriis in socios, in

2. *Hæreret illa nihilominus in republica turpitudine.* Nihilominus omnia regia bona præconi subjecta veniissent: quam enim, ut negotium illud Cyprium a Catone administraretur, lata lex est, jam regnum erat publicatum.

3. *Per illum unum labefactari.* Si, Clodia lege contempta, in Cyprum ire recusaret: quo quidem ostendisset, leges Clodii nullas esse.

4. *Quod ex malis boni posset in rep. provenire.* Malum fuit, insoniti regi sine causa suum eripere: bonum de bonis illius coactam pecuniam in ærarium inferre: quod a Catone po-

tius, integerrimo homine, quam a quovis alio fieri, e rep. fuit.

5. *Superiore anno.* Cæsare consule: quo anno, quum nihil more majorem gereretur, Cæsare leges et auspicia negligente, Cato desperatione quadam in senatum non venit.

6. *Sententia sua.* Quam enim pulsus est Cicero, tum damnari et senatus visus est, sententia Catonis: pulsus enim est ob conjuratorum necem: illi autem e senatusconsulto, Catonis in sententiam facto, necati sunt.

7. *Cessit.* Quum Cypriæ rogationi paruit, et in Cyprum profectus est.

reges, in liberas civitates, consulum querela esse debuit: in ejus magistratus tutela, reges, atque exteræ nationes semper fuerunt. Ecquæ vox umquam est audita consulum? Quamquam quis audiret¹, si maxime queri vellent? De Cyprio rege quererentur, qui me civem, nullo meo crimine, patriæ nomine laborantem, non modo stantem non defenderant², sed ne jacentem quidem protexerant³? Cesseram, si alienam a me plebem fuisse vultis, quæ non fuit, invidiæ⁴; si commoveri omnia videbantur, tempori; si vis suberat, armis; si societas⁵, magistratuum pactioni; si periculum civium, reipublicæ. Cur, quum de capite civis (non disputo, cujusmodi civis), et de bonis proscriptio ferretur, quum et sacratis legibus⁶ et XII Tabulis sancitum esset, ut neque privilegium⁷ irrogari liceret, neque de capite, nisi comitiis centuriatis, rogari, nulla vox est audita consulum? constitutumque est illo anno, quantum in illis duabus hujus imperii pestibus fuit, jure posse, per operas concitatas, quemvis civem nominatim, tribuni plebis concilio⁸, ex civitate exturbari? Quæ vero promulgata illo anno fuerunt? quæ promissa multis? quæ conscripta? quæ sperata? quæ cogitata? quid dicam? qui locus orbis terræ jam non erat alicui destinatus? cujus negotiî publici cogitari, optari, fingi curatio potuit, quæ

XXX. 1. *Audiret*, etc. Al. *auderet*,
a. m. q. vellet. J. V. L.

2. *Defenderant*. Al. *defenderunt*.
J. V. L.

3. *Protexerant*. Al. *protexerunt*.
J. V. L.

4. *Invidiæ*. Fueram pulsus invidia plebis, si eam a me alienam fuisse vultis, quod tamen verum non existit.

5. *Societas, magistratuum*. Inter consules et tribunum pl. ut illi de mea

perniciæ, quum lex rogaretur, connerent; hic provincias quas vellent, sceleris mercedem daret.

6. *Sacratis legibus*. In Sacro monte latis, quum plebs a patribus secessit.

7. *Privilegium*. Legem adversus unum civem.

8. *Concilio*. Plebis conventu a tribuno avvocato. Olim erat *consilio*, quod tueretur Garatonius, quasi sit adnitente aliquo tribuno.

non esset attributa atque descripta? quod genus imperii, aut quæ provincia⁹, quæ ratio auferendæ aut conflandæ pecuniæ non reperiebatur? quæ regio, orave terrarum erat latior, in qua non regnum¹⁰ aliquod statueretur? quis autem rex, qui illo anno non aut emendum sibi, quod non habebat, aut redimendum, quod habebat, arbitraretur? quis provinciam, quis pecuniam, quis legationem ab senatu¹¹ petebat? Damnatis de vi¹², restitutio; consulatus petitio ipsi illi populari sacerdoti¹³ comparabatur. Hæc gemebant boni, sperabant improbi, agebat tribunus plebis, consules adjuvabant.

XXXI. Hic, aliquanto serius, quam ipse¹ vellet, Cn. Pompeius, invitissimis iis, qui mentem optimi ac fortissimi viri suis consiliis fictisque terroribus a defensione meæ salutis averterant, excitavit illam suam non sopitam², sed suspicione aliqua retardatam con-

9. *Quæ provincia.* Ita omnes contrahendæ pecuniæ vias pervestigabat, ut provincias novas faceret, easque improbis hominibus administrandas pretio traderet.

10. *Regnum aliquod.* Ut novas provincias, ita nova regna Clodius ad conflandam pecuniam statuebat.

11. *Ab senatu petebat.* A Clodio petebant omnes, non, ut mos erat, a senatu: pecunia enim et legationes senatusconsulto dabantur, provinciæ vero primum senatusconsulto, deinde lege curiata: nisi si quis, quum perferri legem curiatam non liceret, eo imperio, quod senatus lege Cornelia dabat, contentus, suo sumptu in provinciam vellet ire: quod paucissimi fecerunt.

12. *De vi.* Illis poena erat exsilium, quos restituere Clodius cogitabat. II

autem erant, quos Cicero quinque nominat pro Sulla, 2, alique ejusdem farinae. Excipiendus videtur Antonius, qui male de Clodio meruerat, quum adversus Catilinam pugnasset; de quo vide Excursum ad Flacc. 38.

13. *Populari sacerdoti.* P. Clodio, qui, ut Plutarchus et alii prodiderunt, libidinis causa ad aras Bonæ Dææ, quasi sacerdos esset, penetravit.

XXXI. 1. *Serius, quam ipse vellet.* Excusat Pompeium, quod a principio nefariis Clodii consiliis et actis obviam non ierit: voluisset enim obsistere; sed, ut Cæsari satisfaceret, suorum actorum dissolutionem metuenti, hominem nefarium furere in Ciceronem, atque in ipsam rempublicam paens est.

2. *Non sopitam.* Non usque eo suam diligentiam et vigilantiam in tuenda

suetudinem reipublicæ bene gerendæ. Non est passus ille vir, qui sceleratissimos cives³, qui acerrimos hostes⁴, qui maximas nationes; qui reges, qui gentes feras atque inauditas⁵, qui prædonum⁶ infinitam numerum, qui etiam servitia⁷ virtute victoriaque domuisset; qui omnibus bellis⁸ terra marique compressis, imperium populi romani orbis terrarum terminis definisset; rempublicam everti scelere paucorum, quam ipse non solum consiliis, sed etiam sanguine suo sæpe servasset: accessit ad causam publicam; restitit auctoritate sua reliquis rebus; de præteritis questus est. Fieri quædam ad meliorem spem inclinatio visa est. Decrevit senatus frequens de meo redditu kalendis jun. dissentiente nullo, referente L. Ninnio, cujus in mea causa numquam⁹ fides virtusque contremuit. Intercessit Ligus iste¹⁰, nescio

republica Pompeius omisit, ut omnino publicæ causæ indormiret, sed ut paululum conniveret.

3. *Sceleratissimos cives.* Brevi oratione omnes Pompeii laudes percurrit: sceleratissimos cives appellat, Cn. Carbonem, Cn. Domitium, Q. Sertorium: quorum unum in Sicilia, alterum in Africa, tertium Pompeius in Hispania vicit.

4. *Acerrimos hostes... maximas nationes.* Intelligit Afros, Gallos et Hispanos: qui odio quodam in populum romanum impulsæ, Carbonis et Sertorii partibus hæserunt.

5. *Gentes feras atque inauditas.* Manifeste dictum apparet de Hiarba, Mithridate, Tigra; deque nationibus illis, quas, antea fama minus notas, Pompeius, dum fugientem Mithridatem persequitur, transitum negantes vicit, et ad populi romani ditionem adjunxit.

V. *Cic. pars secunda.*

6. *Prædonum.* Pompeius bellum adversus piratas, lege Gabinia sibi demandatum, undequinquagesimo die felicissime confecit.

7. *Qui etiam servitia.* Servitia vera non Pompeius, sed M. Crassus devicit: sed eam laudem Cicero sæpe ad Pompeium conatur transferre, quum dicat, adventante Pompeio servilem manum timore consternatam; nullo labore a Crasso esse devictam.

8. *Omnibus bellis.* Africano, Transalpino, Hispaniensi, Mithridatico: de tribus enim orbis partibus Pompeius triumphavit, victo in Africa Carbone, in Hispania Sertorio, in Asia Mithridate.

9. *Numquam.* Nam et, antequam Cicero iret in exilium, quum alia præstitit officia, tum populo persuasit, ut tamquam in publica calamitate vestem mutaret.

10. *Ligus iste, nescio qui.* Ælium

qui, additamentum¹¹ inimicorum meorum. Res erat et causa nostra eo jam loci, ut erigere oculos, et vivere videretur. Quisquis erat, qui aliquam partem in meo luctu¹² sceleris Clodiani attigisset, quocumque venerat, quod iudicium cumque subierat, damnabatur¹³. Inveniebatur nemo¹⁴, qui se suffragium de me tulisse confiteretur. Decesserat ex Asia frater meus magno squalore, sed multo etiam maiore moerore. Huic ad urbem venienti tota obviam civitas cum lacrymis gemituque processerat. Loquebatur liberius senatus; concurrebant equites romani; Piso¹⁵ ille, gener meus, cui fructum pietatis suæ neque ex me, neque a populo romano ferre licuit, a propinquo¹⁶ suo socerum suum flagitabat; omnia senatus rejiciebat, nisi de me primum consules retulissent.

XXXII. Quæ quum res jam manibus¹ teneretur, et quum consules provinciarum pactione libertatem omnem perdidissent, qui quum in senatu privatim²,

Ligurem significat; et in ambigua nominis significatione ludit: nam Ligus et gentis Æliæ cognomen est, et hominem in Liguria natum demonstrat.

11. *Additamentum*. Quia quum novem tribunos pl. ante discessum suum Cicero habuisset, post discessum Ligus iste ex eo numero defluxit, seque ad Clodii partes addidit.

12. *Qui aliquam partem in meo luctu*, etc. Qui de mea perniciē cum Clodio sensisset.

13. *Damnabatur*. Repulsam patiebatur, quocumque venerat, h. e. quemcumque magistratum petebat; quum ad iudices veniret, calumniæ notam, si accusaret; damnationem, si accusaretur, subibat. Non est unde aliquid deesse cum Manutio credamus. Verbum enim illud *damnabatur* non mi-

nus populi comitia, quam iudicia complectitur. Cf. ejusd. orat. cap. 41:

14. *Inveniebatur nemo*, etc. Quum enim Clodii amicos a populo repudiari, a iudicibus damnari viderent; negabant omnes suffragium se tulisse in illa rogatione, quam de me Clodius tulerat.

15. *Piso ille*. C. Piso, qui paullo ante obiit, quam rediret socer Cicero.

16. *A propinquo*. Pisone consule.

XXXII. 1. *Manibus teneretur*. In nostris pæne manibus esset, jam prope esset confecta.

2. *Privatim*. Quum privati senatores censuerant de Ciceronis reditu, petebant a consulibus, ut suæ de Cicerone sententias dicerent, h. e. de illis sententiis ad senatum referrent, quod detrectabant facere consules.

ut de me sententias dicerent, flagitabantur, legem illi se Clodiam³ timere dicebant; quum hæc non possent jam diutius sustinere, initur consilium de interitu Cn. Pompeii: quo patefacto, ferroque⁴ deprehenso, ille inclusus domi tamdiu fuit, quamdiu inimicus meus in tribunatu. De meo reditu octo tribuni promulgarunt. Ex quo intellectum est, mihi absenti crevisse amicos⁵, in ea præsertim fortuna, in qua nonnulli etiam, quos esse putaveram, non erant; sed eos voluntatem semper eandem, libertatem non eandem semper habuisse. Nam ex novem tribunis, quos tunc habueram, unus, me absente, defluxit, qui cognomen sibi ex *Æliorum* imaginibus⁶ arripuit; quo magis

Nemo autem ignorat moris apud senatum fuisse, ut aliquando de re, quæ utilis videbatur, extra ordinem dicerent, peterentque a consule ut hac de sua re ad senatum referretur.

3. *Legem... Clodiam.* In qua caput hoc erat, ne quis de Ciceronis reditu referret, ne quis decerneret, ne disputaret, ne loqueretur, ne pedibus iret in sententiam, ne scribendo adesset.

4. *Ferro deprehenso.* Hoc aperte in oratione pro Milone significatur his verbis: « Comprehensus est in templo Castoris servus P. Clodii, quem ille ad Cn. Pompeium interficiendum collocarat: extorta est confitenti sica de manibus, caruit foro Pompeius postea, caruit senatu, caruit publico; janua se ac parietibus, non jure legum judiciorumque textit ».

5. *Crevisse amicos.* Manifesto inde apparuit auctum fuisse amicorum numerum in eo casu, in quo nonnulli fidem meam fefellerant; quum ex tot tribunis qui pro me proficiscente intercedere non ausi erant, octo repente

extiterunt, qui meam causam agent; et illi quidem semper mente fuerant amici, verum metu ac necessitate constricti diutius tenebantur. Garatonius cum Manutio et Ernestio negativam accedere velit, quod non h. l. crevisse, sed contra decrevisse amicos Cicero demonstret. Quod sane nequeo satis mirari Ciceronem, tota Italia expetitur, ab universo senatu et populo revocatum, dicere se paucioribus quam antea amicis uti; quod si verum fuisset, contra quam eventum et historia demonstratur, solertius tempori et causæ serviebat Cicero, quam ut hanc solitudinem denuntiasset. Planus nobis videtur sensus: Si nonnullos amicos calamitas mea eripuit, at certe plures dedit, qui vere fuerunt, sed libertate uti non potuerunt.

6. *Ex Æliorum imaginibus.* Imagines majorum servabantur cum inscriptione prænominis, nominis, cognominis: dicit igitur, *Ælium*, quum inscriptiones imaginum perlegisset, inde cognomen Ligaris accepisse,

nationis⁷ ejus esse, quam generis, videretur. Hoc igitur anno, magistratibus novis designatis, quum omnes boni omnem spem melioris status in eorum fidem convertissent: princeps P. Lentulus, auctoritate⁸ ac sententia sua, Pisone et Gabinio repugnantibus, causam suscepit, tribunisque plebis octo referentibus, præstantissimam de me sententiam dixit. Qui quum ad gloriam suam, atque ad amplissimi beneficii gratiam magis pertinere videret, causam illam integram ad suum consulatum reservari, tamen rem talem per alios citius, quam per se tardius confici mallebat.

XXXIII. Hoc interim tempore P. Sextius, iudices, designatus¹, iter ad C. Cæsarem pro mea salute suscepit. Quid egerit, quantum profecerit, nihil ad causam. Equidem existimo², si ille (ut arbitror) æquus nobis fuerit, nihil ab hoc profectum; sin iratior³,

quo gentem Æliam usam esse jam diximus: quod etsi ob eam causam fecit, ut ab illis Æliis Liguribus, clarissimis viris, originem videretur ducere: tamen contra quam ille putaverat, evenisse ait Cicero, ut ex illo cognomen potius ex Ligurina natione, quam ex Ælia gente, putaretur esse.

7. *Magis nationis.* Rectius forte, « generis ejus esse, quam nationis ». J. V. L. — Vulgatam magis sapere credam. Nam illud cognomen Liguris omnibus in memoriam revocabat, hanc nationis ejus subdole esse, quam indole referebat, non vero generis illius clari, cujus nomen occupaverat. Unde ex illo suo furto magis vitia ejus elucebant.

8. *Auctoritate.* Quam habebat, et quia magistratus gesserat, et quia consul erat designatus; est enim in eo, qui magistratum gerit, potestas; in

eo, qui gesturus est, auctoritas; itaque in oratione in Pisonem de Q. Marcello consule designato dixit: « Ille designatus consul, quum quidam tribunus pl. suo auxilio magistrum ludorum ludos contra senatusconsultum facere jussisset, privatus vetuit, atque id, quod nondum potestate poterat, obtinuit auctoritate ».

XXXIII. 1. *Designatus.* Tribunus plebis eodem anno quo P. Lentulus consul.

2. *Existimo.* Mirum est periodi hujus artificium, qua, quum Sextii beneficium maximum ostendere velit, ex industria rem implicat, ne in Cæsaris offensionem novam incurrat, ita tamen ut hoc silentio facillime eluceat singularis Sextii voluntas ac sedulitas.

3. *Irator.* Nondum Ciceroni Cæsar ignoverat, quod liberius reipublicæ vi-

non multum. Sed tamen sedulitatem⁴ atque integritatem⁵ hominis videtis. Ingredior jam in Sextii tributum. Nam hoc primum iter designatus reipublicæ causa suscepit. Pertinere et ad concordiam⁶ civium putavit, et ad perficiendi facultatem, animum Cæsaris a causa non abhorreere.

Abiit ille annus⁷; respirasse homines videbantur, nondum re, sed spe reipublicæ recuperandæ. Exierunt malis omnibus atque execrationibus duo vulturii paludati⁸: quibus utinam ipsis evenissent ea, quæ tum homines precabantur! neque nos provinciam Macedoniam cum exercitu, neque equitatum in Syria et cohortes optimas perdissemus. Ineunt magistratum tribuni plebis, qui omnes se de me promulgaturos confirmarant. Ex his princeps emitur ab inimicis meis is, quem homines in luctu irridentes, Gracchum vocabant⁹: quoniam id etiam fatum civitatis fuit, ut illa ex vepreculis extracta nitedula¹⁰ rempublicam conaretur arrodere. Alter¹¹ vero, non ille Ser-

cem, perstricto eodem, deploraverat.

4. *Sedulitatem.* Quod iverit ad Cæsarem.

5. *Integritatem.* Quod in Cicero-nem, hoc est, in ipsam rempublicam, optime fuerit animatus: laborem enim pro eo, quem non diligit, nemo fere suscipit.

6. *Concordiam civium.* Nam si cum Clodio consentiret Cæsar, band paullo plus in restituendo Cicero-ne contentio-nis fuisset: causam autem Cicero-nis non aperte Cæsar juit, ne Clodium hominem popularem et factiosum contra se irritaret: juit tamen, ut illa verba demonstrant in epistola ad Lentulum: « Sese, qui de mea salute egisset, voluntate Cæsaris egisse, ipsum speque fratrem testatus est ».

7. *Ille annus.* Quo Piso et Gabinus consules fuerunt.

8. *Vulturii paludati.* Direptores illi et expilatores, qui paludamento tantum imperatores referebant.

9. *Gracchum vocabant.* Per ironiam, quasi tribunum valde popularem et eloquentissimum. Poterat etiam ille Numerius Quintius istius Quintii filius esse, qui se olim Tib. Gracchi filium erat mentitus; inde et infra *Gracchus insitivus* vocatur.

10. *Nitedula.* Mus est agrestis, quem gallice dictum *mulot*, plurimum segetibus nocere nemo nescit. Numerius autem ille Quintius ex obscura rarior familia ortus isto nomine dignus videbatur.

11. *Alter.* Emitur.

ranus¹² ab aratro, sed ex deserto Gavii Oleli horreo calatis granis¹³, in Calatinos Attilios insitus, subito nominibus in tabulas¹⁴ relatis, nomen suum de tabula sustulit.

Veniunt kalendæ januarii¹⁵. Vos hæc melius¹⁶ scire potestis; equidem audita dico: quæ tum frequentia senatus¹⁷, quæ exspectatio populi, qui concursus legatorum ex Italia cuncta, quæ virtus, actio, gravitas P. Lentuli consulis fuerit, quæ etiam collegæ ejus moderatio¹⁸ de me; qui quum inimicitias sibi mecum

12. *Serranus*. De Sex. Attilio Serrano loquitur: quem ne patetis, inquit, Caio illi Serrano, quem serentem dati honores invenerunt, præstantissimo viro, similem esse: non hic ab illo Serrano, cujus cognomen refert, originem ducit: sed, quum Gavii cujusdam Oleli filius esset, ab inopi ac vacuo patris horreo in Attiliam familiam per adoptionem transiit.

13. *Calatis granis*. Acerbo joco ad *calata comitia* alladitur, quibus adrogatio fiebat apud pontifices. A. Gell. XV, 27. Pro eo igitur, quod calatis comitiis ii adoptantur, qui sui juris sunt, Serranum hunc calatis granis adoptatum dicit, ut significaret eum inter grana et in horreo patris deserto et parum copioso educatum, ita ut calare s. numerare grana posset, et inde per adoptionem in Attiliam gentem repente insitum, minime tamen esse, vel moribus et ingenio Attilium illum Serranum referre qui ab aratro ad consulatum fuerat vocatus. Genus est joci ex inopinatum genere, et aliud quam exspectabatur ex præmissis, denuntiantium; qui modus sæpius ab Aristophane usurpatus plurimis scatet ambagibus, nec optime a recentioribus potest æstimari. — Loco *Gavii Oleli*, quæ verba non satis mani-

feste in codicibus apparent, receptum velit Perizonius *Gavii Cæpionis*, quod infra *Attilius Gavinius* vocatur. Jac. Gronovius legit « ex deserto Granii Leti ore a calatis granis », ita ut Granii ille Letus præco sit Serrani pater. Quod quomodo latine fieri possit, nescio; quomodo explicari, plane dabito.

14. *In tabulas*. Quum subito et præter omnium opinionem tabulis censorum sua nomina Sex. Attilius Serranus inseruisset, nomen suum ex tabula promulgationis sustulit, nec inter ceterorum tribunorum promulgantium legem de Ciceronis reditu legi voluit. Putat autem Schütz. quum emptus fuisset a Clodianis Attilius, de nominibus h. l. agi in tabulas argentiarii relatis, ne suum nomen subscriberet in tabula, in qua cum ceteris tribunis pl. de reditu Ciceronis esset promulgatum.

15. *Kalendæ januarii*. Quo die magistratum consules inibant.

16. *Melius scire*. Nam ego tam aberam: vos affuistis.

17. *Frequentia senatus*. Quum eo die de Cicerone actum iri Lentulo consule non ignorarent.

18. *Moderatio*. Quum enim Q. Metellus et P. Clodii frater esset, et

ex reipublicæ dissensione susceptas esse dixisset, eas se patribus conscriptis, dixit, et temporibus reipublicæ permissurum.

XXXIV. Tum princeps¹ rogatus sententiam L. Cotta,

inimicitias cum Cicerone exercuisset, qui etiam tribunus pl. consulatu abeuntem concionis habendæ potestate privaret : tamen, Lentulo referente, moderatione quadam usus, sese continuit, inimiciis reipublicæ remissis.

XXXIV. 1. *Tum princeps rogatus sententiam L. Cotta.* Quæ ab aliis dicta sunt, referam fideliter, et refellam, ut pateat, quinam servaretur ordo a magistratibus, quum senatum rogarent. Cur enim princeps L. Cotta? « Non quod esset e consularibus antiquissimus, inquit Manutius, nam triennio ante illum P. Servilius consul fuerat : sed antiquissimus eorum, qui tum erant in senatu ; abfuisse puto Servilium ». Abramius autem, « Cotta, inquit, qui proximo lustro censor fuerat, et tunc erat princeps senatus, rogatus est primo loco ». Ex his multa sunt, quæ viri eruditi repudiant. 1° De L. Aurelio Cotta notandus est Asconius ad fragm. pro Cornel. « Fuerunt tres Cottæ, duo hi, Caius et Marcus, tertius Lucius, qui lege sua judicia inter tres ordines communicavit, senatores, equites, tribunos ærarios, adeptique sunt omnes consulatum ». Quorum Caius quadriennio post P. Servilium consul fuit cum L. Octavio, anno sequenti Marcus cum L. Luculio, quatuordecim post Servilium annos Lucius cum Torquato. Præterea Caius quidem statim fere post consulatum, quum se ad triumphum compararet, ex vulnere mortuus est, ut habetur in Pison. 26. De Marco autem post expeditionem adversus Mithridatem susceptam nulla mentio apud antiquos.

Tertius hic est Lucius, qui prætor Pompeio et Crasso cosa. legem iudiciariam tulerat, et is princeps rogatus sententiam dicitur. 2° P. Servilius Isauricus non erat antiquissimus consularium, qui viverent : quanto enim antiquior M. Perperna? quem vixisse eo tempore, et multo post, Asconius ad fragm. pro Scauro, et Val. Max. VIII, 13, testantur. 3° Perscriptum nulla erat in lege, vel in more positum, institutoque majorum, ut antiquiores e consularibus primi rogarentur sententiam : post Red. in sen. 7 : « quem kal. januarii tertio loco sententiam rogaras » : quum plurimi essent in senatu, L. Pisone consule, qui consulatum ante Ciceronem gesserant, ipsum tamen tertio loco, post Pompeium scilicet et Crassum : et patet ex Philip. X, 1, ab C. Pansa primum rogatum fuisse Kalenum, deinde Servilium Isauricum filium, quum utroque Cicero esset multo antiquior consularis. Magistratus, qui senatum vocaverat, quo quemque loco ipse vellet, consulares interrogabat, dummodo nulli essent designati consules, qui semper ante omnes dicebant. Et illud sane antiquitus usitatum fuit, ex Livio, III, 40 : « Ita labante jam causa decemviro, L. Cornelius Maluginensis, M. Corneli decemviri frater, quum ex consularibus ad ultimum dicendi locum consulto servatus esset ». Quid hac de re sentiendum omnino sit, luculentissime docet Suetonius in Cæs. 21 : « Ac post novam adfinitatem Pompeium primum rogare sententiam cepit (C. Cæsar consul), quum Cras-

dixit id, quod dignissimum republica fuit, nihil de me actum esse jure, nihil more majorum, nihil legibus; non posse quemquam de civitate tolli sine iudicio; de capite non modo ferri², sed ne judicari quidem posse, nisi comitiis centuriatis; vim fuisse illam, flammam quassatæ reipublicæ perturbatorumque temporum, jure judiciisque sublatis; magna rerum perturbatione³ impendente, declinasse me paullulum, et, spe reliquæ tranquillitatis, præsentis fluctus tempestatemque fugisse. Quare, quum absens rempublicam non minus magnis periculis, quam quodam tempore præsens⁴ liberassem, non restitui me solum, sed etiam ornari a senatu decere. Disputavit etiam multa prudenter, ita de me illum amentissimum et profligatissimum hostem pudoris et pudicitias scripsisse, quæ scripserat, iis verbis, rebus, sententiis, ut, etiamsi jure⁵ esset rogatum, tamen vim habere non posset: quare me, qui nulla lege abessem,

sum soleret, essetque conquectudo, ut quem ordinem rogandi sententias consul kal. januariis instituisset, eum toto anno conservaret. 4° Perspicuum est, ex Fastis Capitolinis, L. Cottam censorem fuisse cum P. Servilio Isaurico. Fac etiam fuisse principem senatus, quod tamen verisimile non videtur, quasi ipse sibi principatum adrogaverit: neque vero primum rogatum sententiam dixerim, velut hominem censorium, vel ut principem senatus. Etenim, si gestæ censure ratio habebatur, cur non M. Perperna, qui cum Philippo, aut L. Gellius, qui cum Cn. Lentulo, aut M. Crassus, qui cum Catulo, ante Cottam censores fuerant, primi rogati sunt? Quod si principi senatus talis honos debebatur, cur non primus rogabatur Cotta a Pisone; cur non a Cæsare? Primum

igitur interrogavit Cottam P. Lentulus Spinther, alter consulum illius anni, qui pro restituendo Cicerone senatum habebat, non quia consularium erat antiquissimus, aut homo censorius, aut princeps senatus: sed propter adfinitatem, vel certe summam familiaritatem, quæ sibi cum illo intercedebat. FERRATIUS.

2. *Non modo ferri.* Si ferenda lex de capite, ferri centuriatis comitiis necesse fuit.

3. *Perturbatione.* AL. *permutatione*, forte rectius. J. V. L.

4. *Præsens liberassem.* Quum in conspectu meo exortam et erumpentem conjunctionem compressi, atque exstinxi.

5. *Etiamsi jure.* Etiam si de mea pernicie jure rogaretur, ipsa tamen descriptione vim legis amitteret.

non restitui lege, sed revocari senatus auctoritate oportere. Hunc, nemo erat, quin verissime sentire diceret. Sed post eum rogatus Cn. Pompeius, approbata laudataque Cottæ sententia, dixit, sese otii mei causa, ut omni populari concitatione defungerer⁶, censere, ut ad senatus auctoritatem populi quoque romani beneficium erga me adjungeretur. Quum omnes certatim, aliusque alio gravius atque ornatus de mea salute dixisset, fieretque sine ulla varietate discessio; surrexit, ut scitis, Attilius hic Gavianus⁷; nec ausus est, quum esset emptus, intercedere; noctem sibi ad deliberandum postulavit. Clamor senatus, querelæ, preces, socer⁸ ad pedes abjectus. Ille se affirmare, postero die moram nullam esse facturum. Creditum est; discessum est. Illi interea deliberatori merces, longa interposita nocte, duplicata est. Consequuti dies pauci omnino januario mense, per quos senatum haberi liceret; sed tamen actum nihil, nisi de me.

XXXV. Quum omni mora, ludificatione, calumnia¹, senatus auctoritas² impediretur: venit tandem concilii de me agendi³ dies viii kalendas febr. Prin-

6. *Defungerer*. Liberarer: ne quis tribunus pl. aliquando concitandi in me populi occasionem haberet, quia me, lege ejectum, sine lege restitui non potuisse diceret.

7. *Gavianus*. Vetus nomen in *anus* producebant ii, qui adoptabantur: quod alibi quoque docuimus.

8. *Socer*. Cn. Oppius, ut videre est post Red. ad Quir. 5, et ad Att. IV, 2, ubi plura reperias de tota hac Clodiana turbatione.

XXXV. 1. *Calumnia*. Quum falsæ quædam ad moram interponendam afferrentur.

2. *Senatus auctoritas*. Summa voluntas, quum senatusconsultum de Ciceronis reditu factum cunctus senatus magnopere vellet: impendebatur autem mora, ut, quum Attilius noctem sibi ad deliberandum postulavit; ludificatione, ut, quum promisit se postero die moram nullam esse facturum, nec tamen, quod promiserat, præstitit; calumnia, ut, quum falsæ causæ, differendi gratia, pro veris adducerentur.

3. *Concilii de me agendi*. Vocibus his monet a senatu ad populum traduci rem; nihil ergo mutandum, quasi non agi concilium dici possit, quamquam

ceps rogationis, vir mihi amicissimus, Q. Fabricius, templum⁴ aliquanto ante lucem occupavit. Quietus eo die Sextius, is, qui est de vi reus: actor hic⁵ defensorque causæ meæ nihil progreditur, consilia expectat inimicorum meorum. Quid illi⁶, quorum consilio P. Sextius in iudicium vocatur? quo se pacto gerunt? Quum forum, comitium, curiam, multa de nocte, armatis hominibus ac servis plerisque occupavissent, impetum faciunt in Fabricium, manus afferunt, occidunt nonnullos, vulnerant multos; venientem in forum, virum optimum et constantissimum, M. Cispium⁷, tribunum plebis, vi depellunt; cædem in foro maximam faciunt; universique, dstrictis gladiis et cruentis, in omnibus fori partibus, fratrem meum, virum optimum, fortissimum, meique amantissimum, oculis quærebant, voce poscebant. Quorum ille telis libenter, in tanto luctu, ac desiderio mei, non repugnandi⁸, sed moriendi causa corpus obtulisset suum, nisi suam vitam ad spem mei reditus reservasset. Subiit tamen vim illam nefariam consceleratores latronum; et, quum ad fratris salutem a populo romano deprecandam venisset, pulsus e Rostris, in comitio jacuit, seque servorum et libertorum

apud Cæsarem, B. G. VI, 4, *peragere concilium* habemus. Quod sane non durum minus quam apud nostrum videatur necesse est.

4. *Templam*. Rostra et forum, ut supra videre fait. — *Ante lucem occupavit*. Ne posset ab inimicis aditu prohiberi.

5. *Actor hic*. Sextius ille, qui causam meam tam vivide susceperat. Neque enim verba ea ad Fabricium, quamvis volente Manutio, referri possent.

6. *Quid illi*. De Clodianis dici manifestum est: accusatum enim a Milone Clodium, quod cædem cum gladiatoribus in foro fecisset, Dio lib. XXXIX, scriptum reliquit: et de gladiatoribus, quos Appius prætor Clodio fratri commodavit, infra his significatur.

7. *M. Cispium*. Quem in Planciana optime de se meritum prædicat, suæque salutis non modo non oppugnatorem, sed etiam defensorem fuisse.

8. Hottomann. invenit in MSS *de pugnandi*. J. V. L.

rum⁹ corporibus obtexit, vitamque tum suam noctis et fugæ præsidio, non juris judiciorumque defendit. Meministis tum, iudices, corporibus civium Tiberim compleri, cloacas¹⁰ referciri, e foro spongiis effingi¹¹ sanguinem, ut omnes tantam illam copiam¹², et tam magnificum apparatus¹³, non privatum, aut plebeium, sed patricium et prætorium esse arbitrarentur. Nihil, neque ante hoc tempus, neque hoc ipso turbulentissimo die, criminationis¹⁴ esse in Sextium.

XXXVI. Atqui¹ vis in foro versata est. Certe: quando enim major? Lapidationes sæpe vidimus; non ita sæpe, sed nimium tamen sæpe gladios: cædem vero tantam, tantos acervos corporum exstructos, nisi forte illo Cinnano² atque Octaviano die, quis um-

9. *Servorum et libertorum.* Qui hinc inde pro dominis corpora objicientes, fuerant cæsi. Manutius lectum velit *liberorum*. Hottomannus ad proprios Quinti libertos refert, nescio an temere.

10. *Cloacas referciri.* Quæ quantæ fuerint, enarrat Plinius, lib. XXXV, cap. 13, quum subter navigatam urbem dicat.

11. *Effingi.* Exprimi. Olim legebatur *effundi*. Vera lectio ex Servii commentario ad Æn. VIII, 634, reposita est. Confer Heinsium ad Ovid. Heroid. ep. XX, 134.

12. *Tantam illam copiam.* Quantam fuisse eam constat, quæ cædem in foro maximam fecit: copiam enim pro multitudine hominum posuit.

13. *Magnificum apparatus.* Non casu ad manus ventum esse significat, sed apparatus jam ante facto, quem magnificum appellat, in Appium prætorem, Clodii fratrem, jocans: quod exiguus apparatus esse non posset, quem prætor adornasset; non a priva-

to, inquit, homine, aut plebeio, hoc est, a P. Clodio, qui tum et privatus et plebeius erat; hæc armata manus est; sed a patricio, et prætorio, hoc est, ab Appio Pulchro; qui et patriciæ gentis erat, et præturam eo anno gerebat: hic enim gladiatores eos, quos in funere Marci propinqui sui daturus erat, P. Clodio fratri suo commodavit: quod non obscure significatur infra; ubi hæc sunt: « Gladiatores ex prætoris comitatu comprehensi, in senatum introducti confessi, in vincula coniecti a Milone, missi a Serrano ». Sed clarissime hæc tota res narratur a Dione libro XXXIX.

14. AL. « criminamini Sextium ». J. V. L.

XXXVI. 1. *Atqui.* Obiectio adversarii, quam non solum concedit orator, verum etiam ex industria auget et exaggerat.

2. *Cinnano atque Octaviano die.* Quum inter Cinnam et Octavium consules in urbe pugnatum est.

quam in foro vidit? qua³ ex concertatione⁴ animorum? Nam ex pertinacia, aut constantia⁵ intercessoris oritur sæpe seditio, culpa atque improbitate latoris, commodo aliquo imperitis, aut largitione proposita; oritur ex concertatione magistratuum; oritur sensim ex clamore primum, deinde aliqua discessione concionis; vix, sero, et raro ad manus pervenitur: nullo vero verbo facto, nulla concione advocata, nulla lege recitata concitatum nocturnam seditionem, quis audivit?

An verisimile est, ut civis romanus, aut homo liber quisquam cum gladio in forum descenderit ante lucem, ne de me ferri pateretur, præter eos, qui ab illo pestifero ac perduto cive jampridem reipublicæ sanguine saginantur⁶? Hic jam de ipso accusatore quæro, qui P. Sextium queritur cum multitudine in tribunatu, et cum præsidio magno fuisse; num illo die fuerit. Certe, certe non fuit. Victa igitur est causa reipublicæ, et victa, non auspiciis, non intercessione, non suffragiis; sed vi, manu, ferro. Nam si obnuntiasset Fabricio is prætor⁷, qui se servasse de cælo dixerat, accepisset respublica plagam, sed eam, quam acceptam gemere posset: si intercessisset collega Fabricio, læsisset rempublicam, sed rempubli-

3. Lambin. *sine aliqua c. J. V. L.*

4. *Concertatione*, etc. Cædem illam tantam quæ in foro facta est, qua ex concertatione natam vidimus? nulla scilicet: nullam enim aut Fabricius, aut Cispium occasionem pugnae committendæ præbuerunt.

5. *Pertinacia, aut constantia*. Pertinacia, quum interceditur salutari legi; constantia, quum perniciosæ.

6. *Sanguine saginantur*? Simili metaphora de iisdem usus est in ea pro Milone: « Unum, inquit, genus est

adversum infestumque nobis, eorum, quos P. Clodii furor rapinis, et incendiis, et omnibus exitiis publicis pavit ».

7. *Is prætor*. Si prætor (quem Appium Clodii fratrem subintelligit) dixisset se spectasse de cælo, nequæ ideo cum populo agi posse, sane vulnus accepisset respublica, sed gemere silens potuisset, quod de me restituendo tunc agi non liceret; saltem non civium funera vidisset, nec ea esset affecta plaga, quæ gemitum omnem et planctum exsuperat.

cam jure læsisset⁸. Gladiatores tu novitios, pro expectata ædilitate suppositos, cum sicariis e carcere emissis⁹ ante lucem immittas? magistratus templo dejicias? cædem maximam facias? forum¹⁰ purges? et, quum omnia vi et armis egeris, accuses eum, qui se præsidio munierit, non ut te oppugnaret, sed ut vitam suam posset defendere?

XXXVII. Atqui ne ex eo quidem tempore id egit Sextius, ut a suis munitus, tuto in foro¹ magistratum gereret, rempublicam administraret. Itaque fretus sanctitate tribunatus, quum se non modo contra vim et ferrum, sed etiam contra verba atque interfationem² legibus sacratis esse armatum putaret, venit in templum Castoris; obnuntiavit consuli³: quum subito manus illa Clodiana, in cæde civium sæpe jam victrix, exclamat, incitatur, invadit; inermem atque imparatum tribunum alii gladiis adoriuntur, alii fragmentis septorum⁴ et fustibus, a quibus hic, multis vulneribus acceptis, ac debilitato corpore et contrucidato, se abjecit exanimatus: neque ulla alia re ab se mortem, nisi opinione mortis depulit. Quem quum jacentem et concisum plurimis vulneribus, extremo

8. *Jure læsisset.* Non quod jure intercessisset, sed quod intercedens legitimo et justo impedimenti genere usus esset.

9. *Carcere emissis.* A tribuno pl. P. Clodio.

10. *Forum purges?* Vacues, exhaurias, populum distipes; eodem sensu quo purus dicitur campus, h. e. vacuus. Manutio placuit *spurces*. Garatonius vulgatam retinet; quæ si non omnibus probatur, *in foro pugnes*, quamvis diffidenter conjicit. Ernestius omni se molestia facillime expedit, duo hæc verba tribuens interpolatori.

XXXVII. 1. *Foro tuo.* Lallem. tum. J. V. L.

2. *Atque interfationem.* Non licebat tribuno plebis interfari, seu interloqui.

3. *Consuli.* Metello legem aliquam ferenti, quam Sextius minus e republica judicaret: non enim hoc ad Ciceronis causam pertinuit, contra quem nihil egisse Metellum in consulatu satis constat: jam enim odium suum in Ciceronem reipublicæ largitus erat.

4. *Septorum.* Qui cancelli in foro et in comitio erant locati, et postea sub imperatoribus sæci sunt facti.

spiritu exsanguem et confectum viderent; defatigatione magis et errore ⁵, quam misericordia et modo, aliquando cedere destiterunt. Et causam dicit Sextius de vi? Quid ita? quia vivit. At id non sua culpa. Plaga una illa extrema defuit: quæ si accessisset, reliquum spiritum exhausisset. Accusa Lentidium: non percussit locum ⁶. Maledicito Sabinio, homini Reatino, cur tam tempori exclamarit occisum. Ipsum vero quid accusas? num defuit gladiis? num repugnavit? num, ut gladiatoribus ⁷ imperari solet, ferum non recepit ⁸?

XXXVIII. An hæc ipsa vis est, non posse emori? an illa, quod tribunus plebis templum ¹ cruentavit? an, quod, quum esset ablatus, primumque resipuisset ², non se referri jussit? Ubi est crimen, quod reprehenditis? Hic quæro, iudices, si illo die gens ista Clodia ³, quod facere voluit, effecisset; si P. Sextius, qui pro occiso relictus est, occisus esset; fuistisne ad arma ituri? fuistisne vos ad patrium illum animum, majorumque virtutem ⁴ excitaturi? fuistisne aliquando

5. *Errore.* Quia mortuum putarent.

6. *Locum.* Quem ad inferendam necem percuti oportuit.

7. *Gladiatoribus.* Qui quum in arena pugnantes populo non satisfecerint, lanista eorum magister cervicem dare iussos interficit.

8. *Non recepit.* Singulari quadam ingenii flamma ardet locus hic, quam vehementissimis Demosthenis motibus non impari crediderim. Postquam enim Clodianam procellam fusc descripsit, acervis corporum in foro extructis deploravit, securum Sextium et majestate ac sanctitate fretum depinxit, in amarissimam subito invehitur ironiam eandemque vividissimam, ut omne scelus Sextii esse demonstret,

quod vivat. Illa invidia premit, urget adversarios, dum Sextii culpam nunc deprecatur, nunc eis imponit, quorum scelere et imperitia letalem non hausit plagam.

XXXVIII. 1. *Templum cruentavit.* Sanguine suo.

2. *Resipuisset.* Animi fugientis reliquias recepisset.

3. *Gens ista Clodia.* Ista, quæ ad Clodios pertinebat, gladiatorum familia.

4. *Majorumque virtutem.* Qua Tarquinius de populi servitute triumphantes, qua Appium Claudium decemvirum virorum libertati ac feminarum pudicitie insultantem a cervicibus suis depulerunt.

republicam a funesto latrone repetituri? an etiam tunc quiesceretis, cunctaremini, timeretis, quum rempublicam a facinorosissimis sicariis et a servis esse oppressam atque occupatam videretis? Cujus igitur mortem ulcisceremini, si quidem liberi esse, et habere rempublicam cogitaretis; de ejus virtute viri quid vos loqui, quid sentire, quid cogitare, quid judicare oporteat, dubitandum putatis?

At vero⁵ illi ipsi parricidæ, quorum effrenatus furor alitur impunitate diuturna, adeo vim facinoris sui perhorruerant, ut, si paullo longior opinio mortis Sextii fuisset, Gracchum illum suum, transferendi in nos criminis⁶ causa, occidere cogitarint. Sensit rusticulus non incautus (neque enim homines nequam tacere potuerunt), suum sanguinem quæri ad restinguendam invidiam facinoris Clodiani: mulionicam⁷ penulam arripuit, cum qua primum Romam ad comitia⁸ venerat; messoria se corbe contextit. Quum quærerent alii Numerium, alii Quintium, gemini nominis errore servatus est. Atque hoc scitis omnes, usque adeo hominem in periculo fuisse, quoad scitum sit Sextium vivere. Quod nisi esset patefactum paullo citius, quam vellem, non illi quidem morte mercenarii sui transferre potuissent invidiam in quos putabant, sed acerbissimi sceleris⁹ infamiam grato quodam scelere¹⁰ minuissent.

5. *At vero.* Clodiani, quum Sextium interemptum putarent, ad exstinguendam, saltem minuendam offensæ tribunatus sanctitatis invidiam, Numerium Quintium etiam tribunum e sua factione interfectori erant, quod Sextianæ factioni tribuerent.

6. *Transferendi . . . criminis.* Ut ex tribuni pl. morte invidiam in nos con-

citarent eam, quam e Sextii morte ipsi metuebant.

7. Sic Priscianus, lib. II. Multi MSS *mulioniam*. J. V. L.

8. *Ad comitia.* Ignobilem, et in agro educatum Numerium significat.

9. *Acerbissimi sceleris.* In occidendo Sextio commissi.

10. *Grato . . . scelere.* Scelus esset,

Ac si tunc P. Sextius, iudices, in templo Castoris animam, quam vix retinuit, edidisset, non dubito, quin, si modo esset in republica senatus, si majestas populi romani revixisset, aliquando statua huic, ob rempublicam interfecto, in foro statueretur. Nec vero illorum quisquam, quos a majoribus nostris, morte obita, positos in illo loco, atque in Rostris collocatos videtis, esset P. Sextio aut acerbitate mortis, aut animo in rempublicam præponendus: qui quum causam civis calamitosi, causam amici, causam bene de republica meriti, causam senatus, causam Italiæ, causam reipublicæ suscepisset; quumque auspiciis religionique parens obnuntiaret¹, quod senserat; luce, palam, a nefariis pestibus in deorum hominumque conspectu esset occisus, sanctissimo in templo, sanctissima in causa, sanctissimo in magistratu. Ejus igitur vitam quisquam spoliandam ornamentis esse dicet, cujus mortem ornandam monumento sempiterno putaretis?

XXXIX. Homines, inquit, emisti¹, coegisti, parasti. Quid uti faceret²? senatum obsideret³? cives inde-

Numerum occidere, quia tribunus pl. erat; sed gratum civitati scelus, quia civis improbus.

11. Pantagathus, « renuntiaret, quod servaret ». Qui sensus idem est, facillimeque ex vulgata elucet.

XXXIX. 1. *Homines.... emisti.* Hoc enim nomine reus erat Sextius, quod in tribunatu magnam armatorum manum circa se habuerit.

2. *Quid uti faceret?* Non potest Cicero, quod objicitur, infutiri: sed excusat, atque elevat, quum dicat Sextium necessario fecisse, ut vitam suam præsidio muniret: quod ut ita esse credatur, a posterioribus arguit:

multitudine usus est Sextius in tribunatu: qua de causa usus est? an, ut senatum obsideret? cives indemnatos expelleret? aut aliquid eorum faceret, quæ Clodius commisit? nihil omnino fecit ejusmodi: non igitur malo consilio, sed necessario præsidium comparavit. Enumerat autem Cicero Clodii facinora; quia quodammodo rei causæ sublevatur, quum adversariorum deprimatur.

3. *Senatum obsideret?* Obsessum a Clodio senatum significat in consulatu Pisonis et Gabinii; quia, ut apud Plutarchum in Ciceronis vita legimus, Clodius cum armatis satellitibus ca-

mnatos⁴ expelleret? bona diriperet? ædes incenderet? tecta disturbaret? templa deorum⁵ immortalium inflammaret? tribunos plebis ferro e Rostris expelleret? provincias⁶, quas vellet, quibus vellet, venderet? reges appellaret? rerum capitalium⁷ condemnatos in liberar civitates per legatos⁸ nostros reduceret? principem civitatis⁹ ferro obsessum teneret? Hæc ut efficere posset, quæ fieri, nisi armis oppressa republica, nullo modo poterant, idcirco, credo, manum sibi P. Sextius et copias comparavit. At nondum erat maturum; nondum res ipsa ad. ejusmodi præsidia viros bonos compellebat. Pulsi nos eramus, non omnino ista manu sola, sed tamen non sine ista: vos taciti¹⁰ mœrebatis¹¹. Captum erat forum anno superiore, æde Castoris, tamquam arce aliqua, a fugitivis occupata: silebatur. Omnia hominum, quum egestate, tum audacia perditorum, clamore, concursu, vi, manu gerebantur: perferebatis. Magistratus templis pellebantur¹²; alii omnino¹³ aditu ac foro prohibebantur: nemo resistebat. Gladiatores ex præ-

riam circumstans, omnia metu repleverat.

4. *Cives indemnatos.* Clodius Ciceronem expulit indemnatum, bona diripuit, sedes incendit, tecta disturbavit.

5. *Templa deorum.* Templum Nympharum significat: quod incendit Clodius, ut publicæ recensionis memoriam tolleret.

6. *Provincias.* Macedoniam Pisoni, Syriam Gabinio, quum ei Ciliciam ante promississet, Clodius sua lege dedit.

7. *Rerum capitalium condemnatos.* Byzantios exsules, quos restituit Clodius, intelligit.

8. *Legatos.* A Clodio missos, ut

V. *Cic. pars secunda.*

exsules Byzantium populi romani nomine reducerentur.

9. *Principem civitatis.* Cn. Pompeium, quem Damio Clodii libertus obsedit.

10. *Taciti.* Tamquam oppressi, quibus ne queri quidem liceret, Clodiana arma, et consulum injustam dominationem timentibus: verum ita taciti, ut inclusum animo dolorem mœrente vultu significaretis.

11. *Mœrebatis.* Al. *mœrebamini.* Sequimur codd. regios. J. V. L.

12. *Magistratus templis pellebantur.* De Q. Fabricio tribuno pl. dicit.

13. *Alii omnino aditu ac foro prohibebantur.* M. Cispium tribunum pl. significat.

toris comitatu comprehensi, in senatum introducti, confessi, in vincula coniecti a Milone, emissi a Serano: mentio nulla. Forum corporibus civium romanorum constratum cæde nocturna. Non modo nulla nova quæstio¹⁴, sed etiam vetera judicia sublata. Tribunum plebis plus viginti vulneribus acceptis jacentem moribundumque vidistis; alterius tribuni plebis¹⁵, divini hominis (dicam enim quod sentio, et quod mecum sentiunt omnes), divini, insigni quadam, inaudita, nova magnitudine animi, gravitate, fide præditi, domus est oppugnata ferro, facibus, exercitu Clodiano.

XL. Et tu hoc loco laudas Milonem, et jure laudas: quem enim umquam virum tam immortalī virtute vidimus? qui, nullo præmio proposito, præter hoc, quod jam contritum¹ et contemptum putatur, iudicium bonorum, omnia pericula, summos labores, gravissimas contentiones inimicitiasque suscepit; qui mihi unus ex omnibus civibus videtur re docuisse, non verbis, quid oporteret a præstantissimis viris in republica fieri, et quid necesse esset: oportere² hominum audacium, eversorum reipublicæ sceleri³, legibus et judiciis resistere; si leges non valerent, judicia non essent, si respublica vi, consensuque audacium, armis oppressa teneretur, præsidio et copiis defendi vitam et libertatem necesse esse. Hoc

14. *Nova quæstio.* Nova quæstio est, quum ob criminis atrocitatem, nova lege lata, de aliquo queritur: quod in causa Milonis ob necem P. Clodii factum est.

15. *Alterius tribuni plebis.* Milonem significat.

XL. 1. *Jam contritum et contemptum.* Nemo enim iudicium bonorum

tanti facit, ut hoc ad recte agendum præmio ducatur.

2. *Oportere.* Illa re differant oportere et necesse esse, quod plerumque legitima priori, necessaria autem ac etiam præter leges posteriori verbo significantur.

3. *Sceleri.* Sceleribus dant Græv. codd. et regii. J. V. L.

sentire, prudentiæ est; facere, fortitudinis; et sentire vero, et facere⁴, perfectæ cumulatæque virtutis.

Adiit ad rempublicam tribunus plebis, Milo: de cujus laude plura dicam, non quo aut ipse hæc⁵ dici, quam existimari malit, aut ego hunc laudis fructum præsentī libenter impertiam, præsertim quum verbis consequi non possim; sed quod existimo, si Milonis causam accusatoris voce collaudatam probaro, vos in hoc crimine parem Sextii causam⁶ existimatu-
ros. Adiit igitur T. Annius ad causam reipublicæ, sic ut civem⁷ patriæ recuperare vellet⁸ ereptum. Simplex causa⁹, constans ratio, plena consensionis omnium, plena concordiæ. Collegas¹⁰ adiutores habebat; consulis alterius¹¹ summum studium, alterius¹² animus pæne placatus. De prætoribus unus alienus¹³; senatus incredibilis voluntas; equitum romanorum animi ad causam excitati, erecta Italia. Duo soli erant empti ad impediendum: qui si homines despecti, et contempti, tantam rem sustinere non potuissent; se causam,

4. *Et sentire vero, et facere, perfectæ cumulatæque virt.* Brevissime veram virtutem definit scriptor, quum prudentissima eademque fortissima mente constare dicat; prudentia enim eo, quo Veteres utuntur sensu, omnes intimas dotes complectitur, quemadmodum fortitudo vim illam externis factis prodit ac demonstrat.

5. *Ipse hæc dici.* Non hæc coronæ aut oratoris artibus data facillime videt, quicumque Milonis atrocem et officii tenacem animum ex Miloniana perspexit.

6. *Parem Sextii causam.* Quia, si laudatur Milo, qui suam vitam armis tutatus est; non video, cur item Sextius non laudetur, qui et ipse, vim jam expertus, præsidio se munivit.

7. Lambin. edidit, « sicut qui civem ». J. V. L.

8. Edd. Victoril et Manutii, « reip. tum s. c. » J. V. L.

9. *Simplex causa.* Quia nihil in ea causa, nisi de ipsa republica videbatur agi.

10. *Collegas.* Tribunos pl. omnes, exceptis duobus, Numerio Quintio et Sex. Attilio Serrano.

11. *Alterius summum studium.* P. Lentuli.

12. *Alterius animus pæne placatus.* Q. Metelli, qui quum nec adversatus est, nec adjuvit, non omnino placatus esse visus est: post autem etiam adjuvit.

13. *Unus alienus.* Appius P. Clodii frater.

quam susceperat, nullo labore peracturum videbat. Agebat auctoritate, agebat consilio, agebat per summum ordinem, agebat exemplo bonorum et fortium civium; quid republica, quid se dignum esset, quis ipse esset, quid sperare, quid maioribus suis reddere deberet, diligentissime cogitarat.

XLI. Huic gravitati hominis, videbat ille gladiator, se, si moribus ageret¹, parem esse non posse: ad ferrum, ad faces, ad quotidianam cædem, incendia, rapinas, se cum exercitu suo contulit; domum oppugnare, itineribus occurrere, vi lacessere, et terrere cœpit. Non movit hominem summa gravitate, summaque constantia: sed quamquam dolor animi, innata libertas, prompta excellensque virtus, fortissimum virum hortabantur, vi vim oblatam, præsertim sæpius, ut frangeret et refutaret; tanta moderatio fuit hominis, tantum consilium, ut contineret dolorem, neque eadem se re ulcisceretur, qua esset lacesitus; sed illum tot jam funeribus reipublicæ exsultantem ac tripudiantem, legum, si posset, laqueis constringeret. Descendit ad accusandum. Quis umquam² tam proprie³ reipublicæ causa, nullis inimiciis, nullis præmiis, nulla hominum postulatione, aut etiam opinione, id umquam esse facturum? Fracti erant animi hominis. Hoc enim accusante⁴, pristini

XLI. 1. *Videbat ille gladiator, se, si moribus ageret.* Si more institutoque omnium ei resisteret.

2. *Quis umquam.* Sic locus intelligendus: Quis umquam descendit ad accusandum tam proprie, reip. causa, nullis inimiciis, nulla hominum postulatione ut faceret, aut etiam opinione (h. e. quum opinari non auderent) id umquam esse facturum. Postrema illa ab opinione pendent,

nec mutanti cuiquam contra MStorum fidem aures commodandæ.

3. *Proprie.* Al. *propriæ.* Grævius corrigebat, « prompte... id umquam esset facturum ». Parum feliciter. J. V. L.

4. *Hoc enim accusante.* Quum Milo accusaret, non erat quod Clodius speraret se effugere posse turpiter corruptis iudicibus, ut de sacris Bonæ Dæ violatis reus fecerat. Cf. Senecam epist. 98.

illius sui iudicii turpitudinem desperabat. Ecce tibi consul⁵, prætor, tribunus plebis, nova novi generis edicta proponunt: Ne reus adsit⁶, ne citetur, ne quæ-ratur⁷, ne mentionem omnino cuiquam iudicum, aut iudiciorum, facere liceat. Quid ageret vir ad virtutem, dignitatem, gloriam natus, vi sceleratorum hominum corroborata⁸, legibus iudiciisque sublati? Cervices tribunus plebis privato, præstantissimus vir profligatissimo homini daret? an causam susceptam affligeret? an se domi contineret? Et vinci turpe putavit, et deterreri. Etiam e republica credidit, ut, quoniam sibi in illum legibus uti non liceret, illius vim neque in suo, neque in reipublicæ periculo per-timesceret.

XLII. Quomodo igitur hoc in genere præsidii comparati¹ accusas Sextium, quum idem laudes Milonem? An, qui sua tecta defendit; qui ab aris, focis, ferum flammamque depellit; qui sibi licere vult tuto esse in foro, in templo, in curia; qui vitæ præsidium comparat²; qui vulneribus, quæ cernit quotidie toto corpore, monetur³, ut aliquo præsidio caput, et cervices, et jugulum, ac latera tutetur, hunc de vi accusandum putas?

Quis enim vestrum, iudices, ignorat, ita naturam rerum tulisse, ut quodam tempore homines, non-

5. *Consul, prætor, tribunus plebis.* Metellus, Appius, Serranus.

6. *Ne reus adsit.* Ne Clodius accusatus a Milone iudicii diem obeat, et se iudicio sistat.

7. *Ne quæretur.* Ne res in iudicio cognoscatur.

8. *Corroborata.* Ex impunitate: sublato enim iudiciorum metu, aucta est hominum improborum audacia.

XLII. 1. *Comparati.* Hæc priora Mi-

lonem spectant; quem laudabat accusator Sextii; sequentia ad Sextium ipsum pertinent. Felicissime itaque locum hunc distinxit ac restituit Lallemandus, cui nos plane omnino adstipulamur.

2. *Vitæ præsidium comparat.* Lallemand. e codd. reg. «jure præsidium comparat?» Optime. J. V. L.

3. Sic iidem codd. pro vulg. *move-tur.* J. V. L.

dum neque naturali, neque civili jure⁴ descripto, fusi per agros⁵ ac dispersi vagarentur, tantumque haberent, quantum manu ac viribus per eandem ac vulnera aut eripere, aut retinere potuissent? Qui igitur primi⁶ virtute et consilio præstanti exstiterunt, ii, perspecto genere humanæ docilitatis atque ingenii, dissipatos unum in locum congregarunt, eosque ex feritate illa ad justitiam atque mansuetudinem transduxerunt. Tum res ad communem utilitatem⁷, quas publicas appellamus; tum conventicula hominum, quæ postea civitates nominatæ sunt; tum domicilia conjuncta, quas urbes dicimus, invento et divino et humano jure, moenibus sepserunt⁸. Atque inter hanc vitam perpolitam humanitate, et illam immanem, nihil tam interest, quam jus atque vis. Horum utro uti nolimus, altero est utendum. Vim volumus extinguere? jus valeat necesse est, id est, judicia, quibus omne jus continetur. Judicia displicent⁹, aut nulla sunt? vis dominetur necesse est. Hæc vident omnes: Milo et vidit, et fecit, ut jus experiretur, vim depelleret. Altero uti voluit, ut virtus¹⁰ audaciam

4. *Neque naturali, neque civili jure.* Jus naturæ omnium gentium commune est; jus civile, particulare civitatum ad loci rationem, aut ad hominum ingenia accommodatum.

5. *Fusi per agros.* De primis hominum moribus consulendus orator initio libri primi de inventionem et Lucretius passim.

6. *Qui igitur primi.* Lucretius: « Ingenio qui præstabant, et corde vigebant, condere coeperunt urbes... » Laudem hanc vatibus tribuit Horatius, oratoribus Cicero.

7. *Ad communem utilitatem.* Nempe pertinentes; quæ concisa locutio egre-

gia est, et nonnullis firmata exemplis. Sic in Verr. IV, 56, « valvas, quæ olim ad ornandum templum erant maxime, etc. » De Nat. Deor. III, 34: « eique laneum pallium injecit, quum id esse ad omne anni tempus diceret, etc. » Olim legebatur « res comm. utilitatem continentes ».

8. *Moenibus sepserunt.* In hanc sententiam plura et præstantissima dabit noster in libris de Rep. pass.

9. *Displicent.* Vel displicent ea, quæ sunt; vel omnino non sunt.

10. *Ut virtus audaciam vinceret.* Ut audacem virtute præditus legibus puniret.

vinceret ; altero usus necessario¹¹ est, ne virtus ab audacia vinceretur. Eademque ratio fuit P. Sextii, si minus in accusando¹² (neque enim per omnes fuit idem necesse fieri), at certe in necessitate defendendæ salutis suæ, præsidioque contra vim et manum comparando.

XLIII. O dii immortales! quemnam ostenditis exitum nobis¹? quam spem reipublicæ datis? quotus quisque invenietur tanta virtute vir, qui optimam quamque causam reipublicæ amplectatur? qui bonis viris deserviat? qui solidam laudem² veramque quærat? quum sciat, duo illa reipublicæ pæne fata³, Gabinium et Pisonem, alterum⁴ haurire quotidie ex pacatissimis atque opulentissimis Syriæ gazis innumerable pondus auri; bellum inferre quiescentibus, ut eorum veteres illibatasque divitias in profundissimum libidinum suarum gurgitem profundat; villam⁵ ædificare in oculis omnium tantam, tugurium⁶ ut jam videatur esse illa villa, quam ipse tribunus plebis pictam olim in concionibus explicabat, quo fortissimum ac summum civem⁷ in invidiam homo castus,

11. *Necessario.* Illatam enim vim vi repellere coactus est.

12. *Si minus in accusando.* Non enim in accusando Clodio Milonem est imitatus, sed in salute sua defendenda.

XLIII. 1. *O dii immortales!* Quum cives improbi summis honoribus et potestatibus fruuntur, boni tamquam nocentes accenseantur, quid sperandum est; nihil acilicet non triste.

2. *Solidam laudem.* Quam veram laudem dedignantur, ii, qui, ut in Pisonem dicitur, inanem aucupari rumorem et omnes umbras falsæ gloriæ malunt consecrari.

3. *Fata.* Qui ad reip. perniciem prope fatales exstiterunt.

4. *Alterum haurire.* Gabinium, qui Syriæ præerat.

5. *Villam.* In Tusculano: quam Tusculanum montem vocat in oratione in Pisonem: quod ob altitudinem monti similior, quam villæ, videretur. Etiam pro Domo: « Ad cælum extraxit villam in Tusculano visceribus ærarii ».

6. *Tugurium.* Ut illa villa, cuius nomine summum civem olim in concione accusabat, tugurium præ sua, quam extruit, esse videatur.

7. *Fortissimum ac summum civem.*

ac non cupidus⁸ vocaret? alterum⁹ Thracibus ac Dardanis primum pacem maxima pecunia vendidisse; deinde, ut illi pecuniam conficere possent, vexandam his Macedoniam¹⁰ et spoliandam tradidisse; eundemque bona creditorum, civium romanorum¹¹, cum debitoribus Græcis divisisse¹²; cogere pecunias maximas a Dyrrhachinis, spoliare Thessalos, certam Achæis in annos singulos pecuniam imperavisse; neque tamen ullo in publico aut religioso loco signum, aut tabulam, aut ornamentum reliquisse? hos sic illudere, quibus omne supplicium atque omnis jure optimo poena debetur? reos esse hos duos¹³, quos videtis? Omitto jam Numerium, Serranum, Ælium, quisquilias seditionis Clodianæ: sed tamen hi quoque etiam nunc volitant¹⁴, ut videtis; nec, dum vos de vobis aliquid timebitis, illi umquam de se pertimescent.

Lucullus is esse videtur, qui, pecuniis Romam ex bello Mithridatico summissis, villam in Tusculano monte magnificam, suffossis etiam montibus, extruebat: quem ut in invidiam vocaret Gabinus tribunus plebis, villæ ejus imaginem et delineationem in conclusionibus explicabat.

8. *Castus, ac non cupidus.* Ironia in Gabinium, qui omni intemperantia luxuque dissolutus ac perditus, quæ in aliis vehementer accusaverat vitia, iis ipse vehementer laborabat.

9. *Alterum.* Pisonem, qui Macedoniam regebat.

10. *Vexandam. . . . Macedoniam.* Hoc est, quod ait in Pisonem: « Macedonia condonata barbaris ». In ea tamen de provinciis consularibus non ideo Thracæ ait in Macedoniam impetum fecisse, ut pecunias, quas Pisoni pro empta pace solverent, maximas cogerent, sed ut, pace antea magno pretio empta, exhaustas domos replere

possent: utroque modo graviter, et contumeliose in Pisonem.

11. *Civium romanorum.* Quum enim Græci romanis civibus magnas pecunias deberent, Pisoni lege Clodia permissum est, ut jus in liberos populos de creditis pecuniis diceret: deinde aut jus non dixit, aut ita dixit, ut bonis cives rom. everteret.

12. *Divisisse.* Apolloniæ cc talenta Pisoni Romæ dederunt, ne creditas pecunias solverent.

13. *Hos duos.* Sextium et Milonem, de vi reos, Sextium accusante M. Tulio Albinovano, ut partim ex epistola 3 libri II ad Quintum fratrem, partim ex oratione in Vatinius colligitur; Milonem accusante P. Clodio ædile, ut et hic infra patet, et in oratione in Vatinius, et in Dione, libro XXXIX.

14. *Hi quoque etiam nunc volitant.* Erecta cervice incedunt, impune sibi esse gloriantur.

XLIV. Nam quid ego de ædile ipso¹ loquar, qui etiã diem dixit, et accusavit de vi Milonem? Neque hic tamen ulla umquam injuria adducetur, ut eum tali virtute, tantaque firmitate animi se in rempublicam fuisse poeniteat : sed, qui hæc vident, adolescentes, quonam suas mentes conferent? Ille, qui monumenta publica², qui ædes sacras³, qui domos inimicorum⁴ suorum oppugnavit, excidit, incendit, qui stipatus semper sicariis, septus armatis, munitus indicibus⁵ fuit, quorum hodie copia redundat, qui et peregrinam manum facinorosorum concitavit, et servos ad cædem idoneos emit, et in tribunatu carcerem totum⁶ in forum effudit, volitat ædilis, accusat eum, qui aliqua ex parte ejus furorem exsultantem repressit. Hic⁷, qui se est tutatus sic, ut in privata re deos penates suos⁸, in republica jura tribunatus auspiciaque⁹ defenderet, accusare eum moderate, a quo ipse nefarie accusatur, per senatus auctoritatem¹⁰ non est situs.

XLIV. 1. *Ædile ipso.* De ipso P. Clodio seditionis auctore, qui ut judicium sibi a Milone oblatum effugeret, ædilitatem adeptus, ipse diem dixit Miloni, quod gladiatorum familiam comparasset. Apparet autem non jure, sed ferro, rem actam, victumque in ipso foro Clodium, ab accusatione destitisse.

2. *Monumenta publica.* Porticum Cæuli de Cimbriciis manubiis extructam : quam Clodius, quia cum Ciceronis domo conjungebatur, evertit.

3. *Ædes sacras.* Templum Nympharum ; de quo jam diximus.

4. *Inimicorum.* M. Tullii, Quinti fratris, Milonis.

5. *Indicibus.* Lambin. sine libris, *audacibus.* J. V. L.

6. *Carcerem totum.* Homines audacia perditos Clodius in tribunatu carceribus liberavit : quos significavit Cicero, quum dixit, « Cum sicariis e carcere emissis ».

7. *Hic.* Milo.

8. *Deos penates.* Domum suam a Clodio oppugnatam.

9. *Auspiciaque.* Contra quæ Clodius haberi comitia ædilitia volnerat, Milone resistente : epist. 3, lib. IV, ad Atticum.

10. *Per senatus auctoritatem.* Senatorum sententiis est decretum, ne causam prius diceret, quam habita comitia essent : quibus quum ædilis esset Clodius designatus, institutam accusationem Milo persequi non potuit.

Nimirum hoc illud est¹¹, quod de me potissimum tu in accusatione quæsisisti, quæ esset nostra natio optimatum: sic enim dixisti. Rem quæris præclaram juventuti ad discendum, nec mihi difficilem ad perdocendum: de qua pauca, judices, dicam; et, ut arbitror, nec ab utilitate eorum, qui audient, nec ab officio nostro, nec ab ipsa causa P. Sextii abhorrebit oratio mea.

XLV. Duo genera semper in hac civitate fuerunt eorum, qui versari in republica, atque in ea se excellentius gerere studuerunt: quibus ex generibus alteri se populares; alteri optimates et haberi, et esse voluerunt. Qui ea, quæ faciebant, quæque dicebant, multitudini jucunda esse volebant, populares; qui autem ita se gerebant, ut sua consilia optimo cuique probarent, optimates habebantur. Quis ergo¹ iste optimus quisque? De numero si quæris, innumera-biles: neque enim aliter stare possemus. Sunt principes consilii publici²; sunt, qui eorum sectam sequuntur; sunt maximorum ordinum³ homines, quibus patet curia; sunt municipales, rusticique⁴ romani; sunt negotia gerentes; sunt etiam libertini optimates. Numerus, ut dixi, hujus generis late et varie diffusus

11. *Nimirum hoc illud est.* Quia Miloni Clodium accusare per senatus auctoritatem non licebat: accusator Sextii, inde arrepta occasione, quæ-sivit a Cicerone, qui essent optimates illi, quos ipse et Sextius jactarent; quum senatus, impedienda Milonis accusatione, suam in Clodium voluntatem ac studium declarasset.

XLV. 1. Larchin. « Qui ergo isti optimates? qui? » Ed. Gothofred.

« Quis ergo optimus ille? quis? » J.V. L.

2. *Principes consilii publici.* Sena-

tores, et ipsa senatus lumina, qui vel ob honores ante gestos, vel ob virtutis famam, præcipue in senatu pollebant.

3. *Maximorum ordinum.* Patebat autem senatus, equitibus, tribunis æeraril, et iis qui curulem magistratum gesserant, ac inter amplissimos ordines numerabantur. Cf. Gell. III, 18.

4. *Rusticique romani.* Erat honestum nomen illud; unde conquerebatur Varro patresfamilias falce et aratro relictis intra murum irrepsisse. Vide Gronov. de pec. vet. IV, 9.

est : sed genus universum , ut tollatur error , brevi circumscribi et definiri potest. Omnes optimates sunt, qui neque nocentes sunt, nec natura improbi⁵, nec furiosi⁶, nec malis domesticis⁷ impediti.¹ Esto igitur, ut hi sint⁸, quam tu nationem appellasti, quique integri sunt, et sani, et bene de rebus domesticis constituti.¹ Horum qui voluntati, commodis, opinioni in gubernanda republica serviunt, defensores optimatium, ipsique optimates gravissimi, et clarissimi cives numerantur, et principes civitatis. Quid est igitur propositum his reipublicæ gubernatoribus, quod intueri, et quo cursum suum dirigere debeant? Id quod est præstantissimum, maximeque optabile omnibus sanis, et bonis, et beatis⁹, cum dignitate¹⁰ otium. Hoc qui volunt, omnes optimates; qui efficiunt¹¹, summi viri, et conservatores civitatis putantur. Neque enim rerum gerendarum dignitate homines ef ferri ita convenit, ut otio non prospiciant; neque ullum amplexari otium, quod abhorreat a dignitate.

XLVI. Hujus autem otiosæ dignitatis hæc fundamenta sunt, hæc membra, quæ tuenda principibus,

5. *Natura improbi.* Hos a nocentibus distinguit : quia multi peccant, et re nocentes sunt, quum natura tamen improbi non sint.

6. *Furiosi.* Auget vitium : qui enim et nocentes sunt, et natura improbi, possunt a furore abesse : addit igitur id, quo pessima sit improbitas.

7. *Nec malis domesticis impediti.* Egestas enim facile homines ad facinus impellit.

8. *Esto igitur, ut hi sint.* Lallem. ex uno cod. reg. « ut hi sint optimates ». J. V. L.

9. *Sanis, et bonis, et beatis.* Tribus modis idem dixit, primum, « Neque

nocentes, nec natura improbi, nec furiosi, nec malis domesticis impediti »; deinde, « sanis, et bonis, et beatis » : solet enim eos beatos appellare, qui divitiis abundant extra egestatis incommoda constituti.

10. *Cum dignitate otium.* Hoc fuisse summum bonum Ciceronis opinione permulti ex ejus scriptis deprompti loci testantur. In quo permulta continebantur, ut postquam honoribus erant perfuncti, honesto otio, nec seditionibus, nec novis rebus turbato perfruerentur.

11. *Efficiunt.* Qui et recte sentiunt, et, quod sentiunt, re præstare possunt.

et vel capitis periculo defendenda sunt : religiones ¹, auspicia ², potestates magistratuum ³, senatus auctoritas, leges, mos majorum, judicia, jurisdictio, fides ⁴, provinciæ, socii ⁵, imperii laus, res militaris, ærarium. Harum rerum tot atque tantarum esse defensorem et patronum, magni animi est, magni ingenii, magnæque constantiæ. Etenim in tanto civium numero magna multitudo est eorum, qui aut ⁶ propter metum ⁷ poenæ, peccatorum suorum conscii, novos motus conversionesque reipublicæ quærant; aut qui, propter insitum quemdam animi ⁸ furorem, discordiis civium ac seditione pascantur: aut qui, propter implicationem rei familiaris, communi incendio malint, quam suo ⁹ deflagrare. Qui quum auctores sunt et duces suorum studiorum vitiorumque nacti, in republica fluctus excitantur; ut vigilandum sit iis, qui sibi gubernacula patriæ depoposcerunt, enitendumque omni scientia ac diligentia, ut, conservatis his, quæ ego paullo ante fundamenta ac membra esse dixi, tenere

XLVI. 1. *Religiones*. Ut ea, quæ ad deos pertinent, studiose servantur.

2. *Auspicia*. Recte post religiones auspicia posuit; nam et ipsa deorum a voluntate pendent: nec omitti et negligi possunt, quin simul religio deseratur.

3. *Potestates magistratuum*. Servanda enim sunt jura magistratuum: ut tantum possint, quantum eis a legibus tribuitur.

4. *Fides*. Ne quid utilitatis causa præter fidem committamus.

5. *Socii*. Qui nobis tuendi sunt: etsi non a magistratibus nostris, sicuti provinciæ, regantur.

6. Lamb. *aut qui*. J. V. L.

7. *Qui aut propter metum*. In tres partes divisa sententia est: prima no-

centes significat, altera furiosos, tertia malis domesticis impeditos: quæ hominum genera ab optimatum numero jam exclusit.

8. Lamb. *animis*. J. V. L.

9. *Quam suo*. Hanc sententiam pluribus exemplis et eruditissime, ut solet, omnia; illustravit Cl. Runkenius ad Velleii locum, quem referre non piget: « quum esset (C. Cælius Rufus) omni flagitiorum scelusque conscientia mersus, nec melior illi res familiaris, quam mens foret, interimere Cæsarem statuit, ut, quo salvo salvus esse non poterat, eo sublato moreretur. Quippe ita se mores habent, ut publica quisque ruina malit occidere, quam sua proteri, et idem passurus minus conspici ».

cursum¹⁰ possint, et capere otii illum portum et dignitatis. Hanc ego viam, iudices, si aut asperam, aut arduam, aut plenam esse periculorum aut insidiarum negem, mentiar: præsertim quum id non modo intellexerim semper, sed etiam præter ceteros senserim.

XLVII. Majoribus præidiis et copiis oppugnatur respublica, quam defenditur, propterea quod audaces homines et perditu nutu impelluntur, et ipsi etiam sponte sua contra rempublicam incitantur; boni nescio quomodo tardiores sunt¹, et, principii rerum neglectis, ad extremum ipsa denique necessitate excitantur: ita ut nonnumquam cunctatione ac tarditate, dum otium volunt etiam sine dignitate retinere, ipsi utrumque amittant. Propugnatores autem reipublicæ qui esse voluerunt, si leviores² sunt, desciscunt³; si timidiores, desunt⁴: permanent illi⁵ soli, atque omnia reipublicæ causa perferunt, qui sunt tales, qualis pater tuus⁶, M. Scaure⁷, fuit, qui a

10. *Tenere cursum.* Navigare tuto. Quæ translatio usu ita trita est, ut pæne propria esse videatur. Cf. c. 47.

XLVII. 1. *Boni. . . tardiores sunt.* Sic Demosthenes contra Aristogitonem. Temeraria res est improbitas, et audax, et violenta; contra bonitas tranquilla, et timida, et tarda, et damnis obnoxia. Confer Plinii ep. IV., 7.

2. *Leviores.* Non admodum fortes.

3. *Desciscunt.* A reipublicæ causa: susceptam defensionem abiciunt.

4. *Desunt.* Volunt quidem, sed præ timore non aggrediuntur.

5. *Illi soli.* Tria facit hominum genera de republica recte sentientium: unum eorum, qui pro communi commodo labores et pericula subeunt, quia tamen virtute non magna sunt, non permanent in incepto; alterum eorum,

qui metu deterrii a contentione abstinunt; tertium eorum, qui omnia pro salute reipublicæ et suscipiunt, et perferunt.

6. *Pater tuus.* M. Scaurus, princeps senatus; cujus in tuenda republica constantiam declarat etiam in ea pro C. Rabirio his verbis: « Quum armatus M. Æmilium, princeps senatus, in comitio constitisset: qui quum ingredi vix posset, non ad insequendum sibi tarditatem pedum, sed ad fugiendum impedimento fore putabat ». Eundem in ea pro Scauro, quæ integra non exstat, custodem reipublicæ vocat.

7. *M. Scaure.* Apparet ex his et infra, non modo inter iudices sedisse Scaurum, verum quæstionis iudicem potissimum fuisse; neque enim hoc anno præturam exercuisse crediderim,

Graccho usque ad Q. Varium⁸ seditiosis omnibus restitit; quem nulla umquam vis, nullæ minæ, nulla invidia labefecit: aut qualis Q. Metellus⁹, patruus matris tuæ; qui, quum florentem hominem in populari ratione, L. Saturninum, censor notasset¹⁰, quumque insitivum Gracchum¹¹ contra vim multitudinis incitatæ censu prohibuisset¹², quumque in eam legem¹³, quam non jure rogatam judicarat, jurare unus noluisset, de civitate maluit, quam de sententia demoveri¹⁴: aut, ut vetera exempla, quorum est copia digna hujus imperii gloria, relinquam, neve eorum aliquem, qui vivunt, nominem; qualis nu-

quum infra ludi a Scauro ædile dati, Pisonæ et Gabinio coss. dicantur, et ædilitas biennio prætura distaret.

8. *Q. Varius*. Qui Varius Hispanus M. Scaurum patrem ultimum accusavit. Vide quæ diximus ad Verr. I, 4, et Wesselingii Obs. I, 11. Frustra nonnulli habent *Marium*.

9. *Q. Metellus*. Satis ostendunt ea, quæ sequuntur, de Numidico dici: patruus autem fuit Scauri matris hoc modo: M. Scaurus, ille senatus princeps, uxorem habuit Cæciliam Metellam: e qua Scaurum hunc, quem appellat Cicero, filium suscepit: patet hoc ex Plinii lib. XXXVII, c. 15; hæc L. Metelli, pontificis maximi, filia fuit, ut a Platarcho in Sulla, et a Cicerone ipso in oratione pro hoc Scauro habita traditum est: quem Numidici Metelli fratrem fuisse, etiam si exemplis non probetur, hic tamen Ciceronis locus plane declarat: post obitum Scauri, nupsisse eam L. Sullæ, qui dictaturam armis cepit, et sponte deposuit, tum ii, quos nominavi, scriptum reliquere; tum etiam ex Pediano licet cognoscere: ait enim, Scauro, quem de repetundis accusatum Cicero

defendit, vitricum Sullam fuisse, Scaurique fratrem ex eadem matre Faustum fuisse eum, quem civili Cæsaris, et Pompeii bello perisse Suetonius tradit: geminos enim peperit Cæcilia, Faustum, de quo diximus, et Faustam, quæ Milonis uxor fuit.

10. *Censor notasset*. Notatum tamen alter censor, Metelli collega, restituit: non enim senatu moveri passus est.

11. *Insitivum Gracchum*. C. Quintium Gracchum, qui se Ti. Gracchi filium simulabat esse: quo mendacio plebem usque eo decepit, atque induxit, ut tribunus pl. designatus sit: quum tamen e Firmo Piceno, obscurissima stirpe, atque adeo servili sanguine genitus esset: sic enim Cicero in ea pro C. Rabirio significat, quum ait: «Armatus esset cum Saturnino C. Glaucia, C. Sausseus, etiam ille ex compedibus atque ergastulo Gracchus».

12. *Censu prohibuisset*. Cavisset, ne, quum civis non esset, in censum et civium numerum se intruderet.

13. *In eam legem*. L. Saturnini tribuni pl. de qua supra meminit.

14. *Demoveri*. Al. *dimoveri*. J.V.L.

per¹⁵ Q. Catulus¹⁶ fuit, quem neque periculi tempestas, neque honoris aura potuit umquam de suo cursu, aut spe, aut metu demovere¹⁷.

XLVIII. Hæc imitamini, per deos immortales! qui dignitatem, qui laudem, qui gloriam quæritis. Hæc ampla sunt, hæc divina, hæc immortalia; hæc fama celebrantur, monumentis annalium mandantur, posteritati propagantur¹. Est labor; non nego. Pericula magna; fateor. « Multæ insidiæ sunt bonis² »; verissime dictum est. « Sed te id, quod multi invideant, « multique expetant, Inscitia sit, inquit, postulare, « Si tu laborem summa cum cura efferas nullum ». Idem alio loco dixit, quod exciperent³ improbi cives, « Oderint, dum metuant ». Præclara⁴ enim illa præcepta dederat juventuti. Sed tamen hæc via, hæc ratio reipublicæ capessendæ, olim erat magis peritescenda, quum multis in rebus multitudinis stu-

15. *Nuper*. Perit enim post consulatum Ciceronis: post Reditum in senatu; hoc etiam Plutarchus et alii.

16. *Q. Catulus*. Filius ejus, qui cum C. Mario consul fuit.

17. *Demovere*. Al. *dimovere*. J.V.L.

XLVIII. 1. *Propagantur*. Non brevi temporis definiuntur spatio, sed ita producuntur, ut ad posteritatem perveniant.

2. *Sunt bonis*. Versus illi ex Atreo L. Accii, seu Attii, positi sunt, qui tragicus poeta Sullano tempore florebat. Priorem hujusce versus partem exhibuit Cicero pro Plancio. « Vigilandum est semper; multas insidiæ sunt bonis ». De quo loco vide plura ad Plancianæ cap. 24. Confer etiam Senec. de Ira, I, 16. Fuit porro celebrissimus Accius ille, quem atrocem vocat Ovidius, cui summam vim tragicam tribuit Quintilianus. Putat au-

tem duos esse octonarios trochaicos, quorum multus fuit in antiquis tragediis usus: « Sed te id, quod multi invideant, multique expetant, inscitia 'at Postulare, si tu laborem summa cum cura efferas nullum ».

3. *Exciperent*. Improbi, quum pro eorum sensu ac voluntate scriptum legunt, arripiunt, et memoria tenent, atque etiam imitatione usuque comprobant: itaque, quod Accius de Atreo dixerat, ab improbis hominibus avidè est exceptum.

4. *Præclara*. Excusat poetam, qui dixerit, *oderint, dum metuant*. Scripsit, inquit, hoc, qui scripserat jam illa, *Multæ insidiæ sunt bonis*, et quæ sequuntur: non enim verebatur, ut in eo, quod Atreum dicentem facit, juvenuti noceret, quam utilissimis ac saluberrimis illis præceptis, ex Æaci persona prolatis jam imbuerat.

dium ad populi commodum⁵ ab utilitate reipublicæ discrepabat. Tabellaria lex⁶ ab L. Cassio ferebatur. Populus libertatem agi putabat suam. Dissentiebant principes, et in salute optimatum⁷, temeritatem multitudinis, et tabellæ licentiam⁸ pertimescebant. Agrariam⁹ Tib. Gracchus legem ferebat. Grata erat populo: fortunæ constitui tenuiorum videbantur. Nitebantur contra optimates, quod ea discordiam excitari videbant; et, quum locupletes possessionibus diuturnis moverentur¹⁰, spoliari rempublicam propugnatoribus arbitrabantur. Frumentariam¹¹ legem C. Gracchus ferebat. Jucunda res plebi romanæ; victus enim suppeditabatur large sine labore. Repugnabant boni, quod et ab industria plebem ad desidiā avocari putabant, et ærarium exhauriri¹² videbatur.

5. *Ad populi commodum.* Ad suum ipsius commodum. *Populum* enim hic usurpat Cicero pro ea multitudine, quæ senatui et optimatibus adversatur.

6. *Tabellaria lex.* Ut populus non, ut antea, voce, sed per tabellas de civibus sententiam ferret.

7. *In salute optimatum.* Quum aliquis de numero optimatum a populo judicaretur, quum de salute optimatum in judicio ageretur: primus enim L. Cassius populo tabellam dedit in judicio: dederat biennio ante Gabinus in creandis magistratibus.

8. *Tabellæ licentiam.* Populus enim liberis tabella quam voce agebat, quum jam non patronorum metu aut reverentia teneretur, possetque quod vellet facere. Qua tabellarum libertate, auctoritatem omnem optimatum ablatam esse dicit Cicero, ex eaque multa reipublicæ damna illata pluribus contendit, de Legibus, lib. III. De

more hoc confer Plin. ep. III, 20; IV, 25, et in primis nostrum *Rousseau, Contrat Social*.

9. *Agrariam.* Ne quis ultra quingenta jugera possideret: quod aliquando lege Licinia tantum erat. Plutarchus, Appianus, Velleius, epitome Livii: in qua pro, quingenta jugera, mendose legitur, decem jugera: errato causam præbuit antiquæ notæ D ignoratio.

10. *Moverentur.* Quas enim possessiones contra legem Liciniam, quas multis ante Tiberium annis quingentorum jugerum numerum definierat, locupletes homines tenebant, eas Tiberii lege tenuioribus tradere cogebantur.

11. *Frumentariam.* Ut frumentum semisse et triente populo daretur. Hanc legem mox et L. Saturninus, et postea Ciceronis ætate P. Clodius tulit. Vide supra.

12. *Ærarium exhauriri.* Quum fru-

XLIX. Multa etiam nostra memoria¹, quæ consulto prætereo, fuerunt in ea contentione, ut popularis cupiditas a consilio principum² dissideret. Nunc jam nihil est, quod populus a delectis³ principibusque dissentiat; nec flagitat rem ullam; neque novarum rerum est cupidus; et otio suo, et dignitate optimi cujusque, et universæ reipublicæ gloria delectatur. Itaque homines seditiosi ac turbulenti, quia nulla jam largitione populum romanum concitare possunt, quod plebs perfuncta gravissimis seditionibus ac discordiis otium malle videatur, conductas⁴ habent conciones: neque id agunt, ut ea dicant, aut ferant, quæ illi velint audire, qui in concione sunt; sed pretio ac mercede perficiunt, ut, quidquid dicant, id illi velle audire videantur. Num vos existimatis, Gracchos, aut Saturninum, aut quemquam illorum veterum, qui populares habebantur, ullum umquam in concione habuisse conductum? nemo habuit. Ipsa enim largitio, et spes commodi propositi, sine mercede ulla multitudinem concitabat. Itaque temporibus illis, qui populares erant, offendeabant⁵ illi quidem apud graves et honestos homines, sed populi judiciis⁶ atque omni significatione⁷ florebant.

mentum publicum, cujus venditione quotannis in aerarium magnæ pecuniæ inferebantur, plebi gratis dari lex Gracchi juberet.

XLIX. 1. *Nostra memoria.* Marii et Sullæ temporibus: nam deinde plebs a patribus aut non dissensit, aut sine seditione dissensit.

2. *A consilio principum.* A senatu, ab optimatibus.

3. *A delectis.* A delectis in summum ordinem, a senatu, qui de universa civitate pro cujusque virtute ac meritis a censoribus legi solitus erat.

V. *Cic. pers. secunda.*

4. *Conductas.* Mercede coactas: quando sua sponte plebs ad eas conciones, quæ a turbulentis ac seditiosis tribunis pl. habentur, coire non vult.

5. *Offendeabant.* In odium veniebant. — *Apud graves.* Qui apreta plebeculæ gratia unius reip. utilitatibus inserviebant. — *Honestos.* In quorum detrimentum redundabant leges illæ agrariæ.

6. *Populi judiciis.* Judicium suum in magistratu mandando populus ostendit.

7. *Significatione.* Quum in theatrum

His in theatro plaudebatur; hi suffragiis, quod contenderant, consequiebantur. Horum homines nomen, orationem, vultum, incessum amabant. Qui autem adversabantur ei generi, graves et magni homines habebantur: sed valebant in senatu multum, apud bonos viros⁸ plurimum; multitudini jucundi non erant; suffragiis offendebatur sæpe eorum⁹ voluntas; plausum vero etiam si quis eorum aliquando acceperat, ne quid peccasset¹⁰, pertimescebat. Attamen, si qua res erat major, idem ille populus horum auctoritate maxime commovebatur.

L. Nunc, nisi me fallit¹, in eo statu civitas est, ut, si operas conductorum removeris, omnes idem de republica sensuri esse videantur. Etenim tribus locis² significari maxime populi romani iudicium ac voluntas potest, concione, comitiis, ludorum gladiatorumque consessu. Quæ concio fuit per hos annos, quæ quidem esset non conducta, sed vera, in qua

populares cives ingrediebantur, populus ad benivolentiam significandam plausum dabat: quod autem Cicero dixit, «Judiciis atque omni significatione», proxime se ipse exponit, quum infert, «His in theatro plaudebatur: hi suffragiis, quod contenderant, consequiebantur».

8. *Apud bonos viros.* Distinguit a senatu bonos viros; ut ostendat, etiam in populo fuisse, qui recte de republica sentirent.

9. *Suffragiis offendebatur sæpe eorum voluntas.* Quum aut ipsi, aut eorum propinqui, aut amici, magistratum petentes, repulsam ferebant.

10. *Ne quid peccasset.* Adeo illis parum populares plausus noti erant, ut, qui eos patricii acciperent, verebatur, ne qua in re contra sui ordinis dignitatem fecissent, quasi pro mercede

prediti senatus, et posthabitis gravitatis populi commodis plausus ille semper daretur. Ceterum ingeniose ad illud Phocionis verbum alluditur, qui, quum ipsi ab omnibus plauderetur, ad amicos conversus, an aliquid mali, inquit, imprudens loquutus sum?

L. 1. *Nisi me fallit.* Illa locutio, qua verbum aliquod subintelligitur, non semel apud nostrum usurpatur. Unde mirum est novam hanc h. l. Ernestium putavisse, qui tamen duobus aliis locis pro usitata habuerit. Confer ad Att. XIV, 12; ad Div. IV, 2, et pro Cael. 19.

2. *Tribus locis.* In foro, in campo Martio, in theatro; in foro enim conciones habebantur, munus gladiatorum dabatur, ludi interdum fiebant: in campo comitia, et conciones, in theatro ludi.

populi romani consensus perspicere non³ posset? Habitæ sunt multæ de me a gladiatore⁴ sceleratissimo, ad quas nemo adibat incorruptus, nemo integer; nemo illum fœdum vultum adspicere, nemo furialem vocem bonus audire poterat. Erant, erant illæ conciones perditorum hominum necessario⁵ turbulentæ. Habuit de eodem me P. Lentulus consul concionem. Concursus est populi romani factus; omnes ordines, tota in illa concione Italia constitit. Egit causam summa cum gravitate copiaque dicendi, tanto silentio, tanta approbatione omnium, nihil ut umquam videretur tam populare ad populi romani aures accidisse. Productus est⁶ ab eo Cn. Pompeius, qui se non solum auctorem meæ salutis, sed etiam supplicem populo romano exhibuit. Hujus oratio et pergravis, et grata concioni fuit. Sic contendo, numquam neque sententiam ejus, auctoritate, neque eloquentiam, jucunditate fuisse majorem⁷. Quo silentio sunt auditi de me ceteri principes civitatis? quos idcirco non appello hoc loco, ne mea oratio, si minus de aliquo dixero, ingrata; si satis de omnibus, infinita esse videatur. Cedo nunc ejusdem illius inimici mei de me eodem ad verum populum in campo Martio⁸ concionem. Quis non

3. *Abest non.* Addere jubent Lamb. et Olivetus. J. V. L. — Sensus enim est: Per hos annos nulla fuit populi vera concio, in qua non ejus consensus perspicere posset. Si quæ fuerunt turbulentæ, eæ non populi, sed conductorum ac perditorum fuerant.

4. *Gladiatore.* P. Clodio: gladiatores enim homines audaces et facinorosi, a quibus natura et factis Clodius minime differebat.

5. *Necessario.* Quia conductæ concie erat hominum perditorum; qui

quam pretium ac mercedem accepissent, concionanti de me Clodio assentiri cogebantur: erant igitur eæ conciones necessario turbulentæ.

6. *Productus est.* Quia privatus tunc erat Pompeius; neque concionem habere cuiquam privato licebat, nisi a magistratu produceretur.

7. *Jucund. fuisse majorem.* Ernest. *jucunditate fuisse majore.* J. V. L.

8. *In campo Martio.* Quam centuriata comitia huc convenere, quæ de Cicerone revocando legem ferrent.

modo approbavit, sed non indignissimum facinus putavit, illum non dicam loqui, sed vivere ac spirare? quis fuit, qui non ejus voce maculari rempublicam, seque, si eum audiret, scelere adstringi arbitraretur?

LI. Venio ad comitia, sive magistratuum placet, sive legum. Leges videmus sæpe ferri multas. Omitto eas, quæ feruntur ita, vix ut quini¹, et hi ex alia tribu, qui suffragium ferant, reperiantur. De me, quem tyrannum, atque ereptorem libertatis esse dicebat, in illa ruina reipublicæ dicit se legem tulisse. Quis est, qui se, quum contra me ferebatur, inisse suffragium confiteatur? Quum autem de me eodem ex senatusconsulto, comitiis centuriatis², ferebatur, quis est, qui non profiteatur se affuisse, et suffragium de salute mea tulisse? Utra igitur causa popularis³ debet videri? in qua omnes honestates civitatis, omnes ætates, omnes ordines una consentiunt? an in qua furie concitatae tamquam ad funus reipublicæ⁴ convolant? An, sicubi aderit Gellius⁵, homo et fratre indignus⁶, viro

LI. 1. *Vix ut quini*. Multum in hoc Cicero moratur, ut probet, id quod dixit, in eo esse statu civitatem, ut si conductorum removeantur operæ, omnes idem de republica sentiant.

2. *Ex senatusconsulto, comitiis centuriatis*. Quam dissuasisse P. Clodium opinor ex eo, quod dictum est proxime: « Cedo nunc ejusdem illius inimici mei de me eodem ad verum populum in campo Martio concionem »: suadere enim et dissuadere leges, antequam ferrentur, non modo magistratibus, verum etiam privatis hominibus licebat, quod in libro de Legibus copiose ostenditur.

3. *Causa popularis*. Ostendit orator non populares esse eos, qui a factionis civibus concitati rempublicam, præ-

tenta libertatis causa, turbaverint; sed ii in quorum salutem populus omnis communi consensu conspiraverit.

4. *Tamquam ad funus reipublicæ*. Et recte, *furie convolant*, quod volare furias poetæ dicunt: recte etiam, *concitatae*: nihil enim placidum aut temperatum in furias cadit: rectissime vero, « Furie ad funus convolant »: quod nihil jucundum aut lætum furie diligunt: operas igitur Clodianas, ad reipublicæ perniciem libentissime cecentes, vere et proprie furias appellavit.

5. *Gellius*. Is, quem Cicero in oratione in Vatinnium nutriculum seditiosorum nominat; quod seditiones libenter soveret atque aleret: dixit et hic testimonium in Sextium.

6. *Fratre indignus*. L. Gellio, qui

clarissimo [atque optimo consule], et ordine equestri, cujus ille ordinis nomen retinet, ornamenta ⁷ confecit; id erit populare? Est enim homo iste populo romano deditus. Nihil vidi magis; qui, quum ejus adolescentia in amplissimis honoribus summi viri, L. Philippi ⁸, vitrici, florere potuisset, usque eo non fuit popularis, ut bona solus comesset. Deinde ex impuro adolescente et petulante, posteaquam rem paternam ab idiotarum ⁹ divitiis ad philosophorum regulam perduxit, Græculum ¹⁰ se atque otiosum putari voluit, studio literarum se subito dedit. Nihil sane Attæ ¹¹ juvabant. Anagnostæ ¹², libelli etiam pro vino sæpe oppignerabantur. Manebat insaturabile abdomen, copię deficiebant. Itaque semper versabatur in spe rerum novarum; otio et tranquillitate reipublicæ connescebat.

LII. Ecquæ seditio ¹ umquam fuit, in qua non ille princeps? ecqui seditiosus, cui ille non familiaris? ecquæ turbulenta concio, cujus ille non concitator? cui bene dixit umquam bono? bene dixit? immo, quem

cum Cn. Lentulo consul, cum eodem censor fuit, et in censura C. Antonium, qui postea consulatum cum Cicerone gessit, senatu movit. Idem deheri Ciceroni coronam civicam in senatu dixit, quod ejus opera Catilinæ conjuratio patefacta esset, ac oppressa.

7. *Ornamenta confecit.* Quadringenta scilicet millia nummorum: hæc enim ad equestrem dignitatem ornandam necessaria erant.

8. *L. Philippi.* Hominis eloquentissimi, de quo in libro de claris Oratoribus, in tertio de Oratore, in oratione pro Quintio.

9. *Idiotarum.* Hominum imperitorum, qui vulgarem quamdam, sine modo, vivendi rationem sequuntur:

quibus Cicero philosophos hic opponit; quod hi a doctrina instructi ac temperati exquisitum quoddam vite genus accurate servant.

10. *Græculum.* Græcarum literarum et ideo scientiæ studiosum.

11. *Varie tentatus locus, et adhuc sub judice.* J. V. L.

12. *Anagnostæ.* Lectores. Eos enim servos græco nomine anagnostas dicebant, quorum opera in legendis libris uterentur.

LII. 1. *Ecquæ seditio umq. fuit, in qua non ille princeps.* Necesse enim erat, ut Gellius, qui bona omnia pessumdederat, seditiones foveret; nam inde nihil quod amitteret, et multa quæ furari posset, habebat.

fortem et bonum civem non petulantissime est insectatus? qui, ut credo, non libidinis causa², sed ut plebicola³ videretur, libertinam duxit uxorem. Is de me suffragium tulit, is affuit, is interfuit epulis et gratulationibus parricidarum. In quo tamen est me ultus, quum illo ore⁴ inimicos est meos suaviatus. Qui, quasi mea culpa bona perdiderit, ita ob eam ipsam causam est mihi inimicus, quia nihil habet. Utrum ego tibi patrimonium eripui, Gelli, an tu comedisti? quid? tu meo periculo, gurgēs ac vorago patrimonii, helluabare⁵: ut, si ego consul rempublicam contra te et gregales tuos defendissem, in civitate esse me nolles? Te nemo tuorum videre vult; omnes aditum, sermonem, congressum tuum fugiunt; te sororis filius Postumus, adolescens gravis, senili iudicio, notavit, quum in magno numero tutorem liberis⁶ non instituit. Sed elatus odio, et meo, et rei publicae nomine, quorum ille utri sit inimicius, nescio, plura dixi, quam dicendum fuit, in furiosissimum atque egentissimum ganeonem. Illuc revertor: contra me quum sit actum, capta urbe atque oppressa, Gellium, Firmidium⁷, Titium, ejusdem modi furias, illis mercenariis gregibus duces et auctores fuisse, quum ipse lator⁸ nihil ab horum turpitudine, audacia, sordibus abhorreret. At, quum de dignitate mea fere-

2. *Libidinis causa*. Ironia hac omnis Gellii turpitudine deprehenditur, quum ex infimo loco, libidinis tantum causa, vir equestris uxorem duxerit.

3. *Plebicola*. Al. *poplicola*. J. V. L.

4. *Quum illo ore*. Adeo imparum et obscenorum Gellii os erat, ut neminem oscularetur, quin illi malum afferret. Locus ille a Pantagatho in hunc modum est restitutus.

5. *Helluabare*. Quum propter quo-

tidias libidines quae patrimonium absumpserant, mihi factus sis inimicus.

6. *Tutorem liberis*. Maxime illud ignominiosum apud Romanos erat, si consanguineorum testamento quis improbaretur.

7. *Firmidium*. De Firmidio hic tantum mentio est facta, in Gellium vero et Titium saepius orator invehitur.

8. *Ipsē lator*. P. Clodius sc. qui legem de Cicerone tulit in exilium agendo.

batur, nemo sibi nec valitudinis excusationem, nec senectutis, satis justam putavit; nemo fuit, qui se non rempublicam mecum simul revocare in suas sedes arbitraretur.

LIII. Videamus nunc comitia magistratuum. Fuit collegium nuper¹ tribunitium, in quo tres² minime, vehementer duo³ populares existimabantur. Ex his, qui populares non habebantur, quibus in illo genere conductarum concionum consistendi potestas non erat, duos⁴ a populo romano prætores video esse factos: et, quantum sermonibus vulgi et suffragiis intelligere potui, præ se populus romanus ferebat, sibi illum in tribunatu Cn. Domitii animum constantem⁵ et egregium, et Q. Ancharii fidem ac fortitudinem, etiamsi nihil agere⁶ potuissent, tamen voluntate ipsa gratum fuisse. Jam de C. Fannio quæ sit existimatio, videmus: quod iudicium⁷ populi romani in honoribus ejus futurum sit, nemini dubium esse debet. Quid? populares illi duo quid egerunt? Alter, qui tamen se continuerat, tulerat nihil; senserat tantum de republica aliud, atque homines expectabant, vir et bonus, et innocens, et bonis viris semper probatus: quod parum videlicet intellexit in tribunatu, quid vero populo probaretur, et quod illum esse populum romanum, qui in concione erat, arbitrabatur, non tenuit eum locum, in quem, nisi popularis esse voluisset,

LIII. 1. *Nuper.* Biennio ante, Cæsare et Bibulo coass.

2. *In quo tres.* Cn. Domitius, Q. Ancharius, C. Fannius.

3. *Duo.* Vatinius, et nescio quis alter.

4. *Duos.* Domitium et Ancharium.

5. *Constantem.* In tuenda contra Vatiniæ senatus causa.

6. *Nihil agere.* Quia quamvis auspicia semper læva inducerent, Vatinius tamen neglecta haruspicum religione, multas leges reipublicæ exitiosas protulit.

7. *Quod iudicium.* Dicit non dubitandum esse, quin populus romanus, eos C. Fannio magistratus conferat quos est petiturus.

facillime pervenisset. Alter⁸, qui ita se in populari ratione jactarat, ut auspicia, legem Æliam⁹, senatus auctoritatem, consulem¹⁰, collegas, bonorum judicium nihil putaret, ædilitatem petivit cum bonis viris, et hominibus primis, sed non præstantissimis opibus et gratia¹¹; tribum suam non tulit; Palatinam denique, per quam omnes illæ pestes vexare populum romanum dicebantur, perdidit; nec quidquam illis comitiis, quod boni viri vellent, nisi repulsam, tulit. Videtis igitur, populum ipsum, ut ita dicam, jam non esse popularem: qui ita vehementer eos, qui populares habentur, respuat; eos autem, qui ei generi adversantur, honore dignissimos judicet.

LIV. Veniamus ad ludos. Facit enim, iudices, vester in me animorum oculorumque conjectus, ut mihi jam licere putem remissiore uti genere dicendi. Comitiorum et concionum¹ significationes interdum veræ sunt, nonnumquam vitiatæ atque corruptæ: theatrales gladiatoriique consessus dicuntur omnino solere, levitate nonnullorum emptos plausus, exiles² et raros

8. *Alter*. Vidimus supra Clodium fuisse ædilem. Hic orator verba facit, de inani hujus, circa magistratum illum ambitu; namque multi illi repugnabant. Senatus censebat, antequam eligeretur, statuendum esse judicium de eo cum Milone; quotiescumque vero consul Metellus concionem vocabat, obstabat Milo læva auspicia denuntians. Sed populus tamen ægre ferebat, ludos et spectacula quæ dabant ædiles in diem sic proferri, et hoc in causa fuit cur Clodius eligeretur.

9. *Legem Æliam*. Lex Ælia legem ferri, quum obnuntiaretur, vetabat. Vatinius neglexit: in oratione in ipsum bis.

10. *Consulem*. M. Bibulum, quem Vatinius in carcerem duci jussit.

11. *Et gratia*. Inde patuit quantum Vatinius populo non acceptus fuerit, quum ab hominibus non magnopere gratosus sit victus.

LIV. 1. *Comitiorum et concionum*. Hæc profatur, ut quis fuerit in Clodium populi sensus clarius appareat. Nam licet empti plausus interdum ab hominibus perditis excitentur, rari sunt tamen et exiles. Inde liquet cognoscere quid de Clodio populus censeret.

2. *Levitare nonnullorum emptos plausus et exiles*. Et non comparet in ed. Hervagiana, quæ prima hunc locum explevit. J. V. L.

excitare. Attamen facile est, quum id fit, quemadmodum, et a quibus fiat, et quid integra multitudo faciat, videre. Quid ego nunc dicam, quibus viris, aut cui generi civium maxime applaudatur³? neminem vestrum fallit. Sit hoc sane leve⁴; quod non ita est, quoniam optimo cuique impertitur: sed, si est leve, homini gravi leve est; ei vero, qui pendet⁵ a rebus levissimis, qui rumore, et (ut ipsi loquuntur⁶) favore populi tenetur et ducitur, plausum immortalitatem, sibilum mortem videri necesse est. Ex te igitur, Scaure⁷, potissimum quæro, qui ludos apparatissimos magnificentissimosque fecisti, ecquis istorum popularium⁸ tuos ludos adspexerit; ecquis se theatro populoque romano commiserit. Ipse ille⁹ maxime ludius, non solum spectator, sed actor et acroama, qui omnia sororis embolia novit, qui in coetum mulierum pro psalteria¹⁰ adducitur, nec tuos ludos adspexit in illo

3. *Maxime applaudatur.* Verbum illud unanimum populi consensum, non raros vero et exiles plausus indicat.

4. *Hoc sane leve.* Sit plausus non magni momenti.

5. *Qui pendet.* Qualis est Clodius, quam enim rem maximi aestimat, ex ea ipsa re, hoc est, ex populi plausu, argumento ducto, popularem non esse confirmat.

6. *Ut ipsi loquuntur.* Favor, et urbanus, Ciceronis ætate nova fuisse, nec ante usitata, asserit Quintilianus libro XII, cap. 3: itaque Cicero, ut novam dictionem videatur agnoscere, quasi se excusans ait, « Ut ipsi loquuntur », ii scilicet, qui a rebus levissimis pendent, qui populi gratiam quavis arte aucupantur: sic in epistola ad Ap. Pulchrum, usus nova dictione,

« Te, inquit, hominem, ut nunc loquantur, urbanum ».

7. *Scaure.* Edilitas Scauri publicos mores omnino fere pessumdedit. Hoc Plinius testatur, quum de ludis illis verba facit, Sullamque ait, reipublicæ non tam grave vulnus intulisse proscriptionibus, quam quum tantam vim pecuniæ genero suo transmisit. Legi potest lib. XXXVI quale fuerit Scauri theatrum. Vix credibile est unius viri opes, tot et tanta protulisse.

8. *Istorum popularium.* Quamvis populares videri studerent, ad ludos, sibilorum metu, ire non ausi sunt.

9. *Ipse ille.* P. Clodius. — *Ludius* dicebatur qui in theatro psallebat. — *Acroama.* Recitatore significat.

10. *Pro psalteria.* Alludit ad hoc Clodii factum, quum psalteriæ veste indutus, in domum Cæsaris per Bonæ

ardenti tribunatu¹¹ suo, nec ullos alias, nisi eos, a quibus vix vivus effugit¹². Semel, inquam, se ludis homo popularis commisit omnino; quum in templo Honoris-Virtutis honos habitus esset virtuti¹³, Caiique Marii, conservatoris hujus imperii, monumentum municipi¹⁴ ejus, et reipublicæ defensori, sedem ad salutem præbuisset¹⁵.

LV. Quo quidem tempore, quid populus romanus sentire se ostenderit, utroque in genere¹ declaratum est: primo, quum, audito senatusconsulto, ore² ipsi, atque absenti senatui plausus est ab universis datus; deinde, quum senatoribus singulis spectatum e senatu redeuntibus. Quum vero ipse, qui ludos faciebat, consul³ assedit, stantes, et manibus passis⁴ gratias agentes, et lacrymantes gaudio, suam erga me benivolentiam ac misericordiam declararunt. At quum ille furibundus, incitata illa sua vecordi mente, venisset;

Deæ sacra irrepsit, ut uxori ejus stuprum inferret.

11. *In illo ardenti tribunatu suo.* Fuit enim tamquam incendium reipublicæ: quandoquidem veteres leges, majorumque præclara instituta consumpsit.

12. *Vix vivus effugit.* Quo die de Ciceronis reditu in templo Virtutis senatusconsultum factum est, eo die ludi fuerunt: quo P. Clodius, dimisso senatu, quum venisset, vix homines odium suum a corpore ejus impuro atque nefando repræserunt.

13. *Honos habitus esset virtuti.* Quod in templo, in quo Virtus colebatur, de salute civis ejus actum est, qui remp. conjuratorum scelere sua virtute vindicarat: affuit igitur, et opera tulit virtuti Virtus.

14. *Municipi ejus.* Ciceroni: cui eadem, quæ C. Mario, patria fuit

Arpinum. — *Reip. defensori.* Præsertim in consulatu: jungit autem suam laudem cum Marii laude: nam illum romani imperii conservatorem, se reipublicæ defensorem nominat.

15. *Sedem ad salutem præbuisset.* Quum excepit eos, qui de Ciceronis salute decreverunt.

LV. 1. *Utroque in genere.* Amorem erga senatum, et odium in Clodium declaraturus.

2. *Ore ipsi.* Corruptus locus ille; intelligendum est, tamquam si scriptum fuisset auctori; nam alio modo senatum non habet.

3. *Consul.* P. Lentulus; nam huic potius quam Metello gratias egisse populum, consentaneum est; quum ad reducendum Ciceronem senatus dux et auctor fuerat.

4. *Passis.* Apertis, didactis, a pando.

vix se populus romanus tenuit; vix homines odium suum a corpore ejus impuro atque infando represserunt. Voces quidem, et palmarum intentus, et maledictorum clamorem omnes profuderunt. Sed quid ego populi romani animum virtutemque commemoro, libertatem jam ex diuturna servitute⁵ respicientis, in eo homine, cui tum petenti jam ædilitatem ne histriones quidem coram sedenti pepercerunt? Nam quum ageretur Togata⁶, Simulans, ut opinor, caterva tota clarissima concentione, in ore impuri hominis imminens, concionata est: « Huic vitæ tuæ » — et, « Postprincipia, atque exitus vitiosæ vitæ ». Sedebat exanimatus; et is, qui antea cantorum convicio conciones celebrare suas solbat, cantorum ipsorum vocibus ejiciebatur. Et, quoniam facta mentio est ludorum, ne illud quidem prætermittam, in magna varietate sententiarum⁷, numquam ullum fuisse locum, in quo aliquid a poeta dictum, cadere in tempus nostrum videretur, quod aut populum universum fugeret⁸, aut non exprimeret ipse actor. Et, quæso, hoc loco, judices, ne qua me levitate ductum ad insolitum genus dicendi labi putetis, si de poetis, de histrionibus, de ludis in judicio loquar.

LVI. Non sum tam ignarus, judices, causarum, non tam insolens in dicendo, ut omni ex genere orationem aucuper, et omnes undique flosculos carpam atque delibem: scio, quid gravitas vestra, quid hæc advocatio, quid ille conventus¹, quid dignitas P. Sextii,

5. *Diuturna servitute*. Quam per biennium pertulerat, consulibus Cæsare et Bibulo, Pisone et Gabinio.

6. *Togata*. Hæc vox indicat argumentum fabulæ esse romanum; quum a Græcis erat desumptum, dicebatur

palliata. — *Simulans*. Nomen fabulæ.

7. *Sententiarum*. Quæ scilicet in togata occurrunt.

8. *Fugeret*. Quod populus non intelligeret in meam cadere fortunam.

LVI. 1. *Ille conventus*. Populi sci-

quid periculi magnitudo, quid ætas, quid honos meus postulet. Sed mihi sumpsi hoc loco doctrinam quamdam juventuti, qui essent optimates. In ea explicanda demonstrandum est, non esse populares omnes eos, qui putentur. Id facillime consequar, si universi populi iudicium verum et incorruptum, et si intimos sensus civitatis expressero. Quid fuit illud, quod, recenti nuntio de illo senatusconsulto, quod factum est in templo Virtutis, ad ludos scenamque perlato, consessu maximo, summus artifex², et mehercule semper partium in republica, tamquam in scena, optimarum³, flens, et recenti lætitia, et mixto dolore ac desiderio mei, egit aperte multo gravioribus verbis meam causam, quam egomet de me agere potuissem? Summi enim poetæ⁴ ingenium non solum arte sua, sed etiam dolore⁵ exprimebat. «Quid enim? qui rempublicam certo animo adjuverit, statuerit, steterit cum Achivis⁶.» Vobiscum me stetisse dicebat, vestros ordines⁷ demonstrabat. Revocabatur ab universis:

licet qui ad iudicium convenerat. Nonnulli habent illi.

2. *Summus artifex.* Æsopus, maximus qui apud Romanos floruerit tragicædus. Hoc eodem tempore Roscius in comicis personis primum obtinebat locum. De his Horatius (ep. II, 1, 82): «Ego quum reprehendere coner Quæ gravis Æsopus, quæ doctus Roscius egit». Apud utrumque privatæ dotæ videntur optime cum scenica laude congruisse. Neque illud in minimis laudum fuerit, si romani princeps eloquii, ex eorum amicitia publicæ gloriæ traxerit.

3. *Tamquam in scenâ, optimarum.* Aliqui *optimatum*, vitiose: nam non bene cum scenâ simul et republica vox illa convenit.

4. *Poetæ.* Qui fabulam quæ agebatur struxerat.

5. *Sed etiam dolore.* Quum enim poetæ versus meum casum referentes pronuntiaret, ad eorum sententiam non modo corporis motum, et vocem, et vultum, verum etiam animum, intimosque sensus accommodabat: summo enim cum dolore, multisque cum lacrymis agebat.

6. *Cum Achivis.* Fragmenta illa videntur desumpta ex Telamone exsule fabula Attii.

7. *Vestros ordines.* Senatum, equites, plebem: quos a me ordines defensos esse demonstrabat. — *Revocabatur.* Cogebat populus histriones, quæ semel dicta placuerant, sæpius eadem iterare.

« Re dubia, nec dubitarit vitam offerre, nec capiti perpercerit ». Hæc quantis ab illo clamoribus ⁸ agebantur? quum jam, omisso gestu, verbis poetæ, et studio actoris, et expectationi nostræ plauderetur? « Summum amicum, summo in bello » — (nam illud ipse actor adjungebat ⁹ amico animo, et fortassis homines propter aliquod desiderium approbabant) « summo ingenio præditum. »

LVII. Tum illa, quanto cum gemitu populi romani ab eodem paullo post in eadem fabula sunt acta? « O pater ¹! » — Me, me ille absentem, ut patrem, deplorandum putabat ², quem Q. Catulus, quem multi alii sæpe in senatu patrem patriæ nominarant. Quanto cum fletu de illis nostris incendiis ac ruinis, quum patrem pulsum, patriam afflictam deploraret, domum incensam, eversamque? Sic egit, ut demonstrata pristina fortuna, quum se convertisset, « Hæc omnia vidi inflammari: » — fletum etiam inimicis atque invidis excitaret ³. Proh, dii immortales! quid? illā quem admodum dixit idem? quæ mihi quidem ita et acta et scripta videntur esse, ut vel a Catulo ⁴, si revixisset, præclare posse dici viderentur. Is enim libere reprehendere, et accusare populi nonnumquam temerita-

8. *Clamoribus*. Non actoris, sed populi.

9. *Adjungebat*. De suo, non a poeta scriptum: nam, « summo ingenio præditum », non ita conveniebat in hominem militem, de quo proxima superiora dicta sunt; ut in Ciceronem, qui omnes inter cives ingenii laude scientiæque eminebat.

LVII. 1. *Opater*. Voces illæ in tertia Tusculanarum occurrunt, cap. 20 et 22. Octo etiam versus Cicero refert ex Ennii Andromache desumptos, quibus

infelix femina sortem suam deflet. Versus illi sic incipiunt *o pater, o patria*, etc. nec mirum si ab homine dicerentur, nam Romæ seminarum personam viri agebant.

2. *Putabat*. Al. *putarat*. J. V. L.

3. *Excitaret*. Hoc ait Tullius, vel quod revera evenit, vel quod graves calamitates miserabiles etiam inimicis appellare consuetum.

4. *A Catulo*. Senatus princeps, qui obiit inter Ciceronis consulatum et exsilium.

tem solebat, aut errorem senatus : « O ingratici Argivi, inanes Graii, immemores beneficii! » Non erat illud quidem verum : non enim ingrati, sed miseri, quibus reddere salutem, a quo acceperant, non liceret; nec unus in quemquam umquam gravior, quam in me universi : sed tamen illud scripsit disertissimus poeta pro me⁵; egit fortissimus⁶ actor, non solum optimus, de me, quum omnes ordines demonstraret; senatum, equites romanos, universum populum romanum, accusaret : « Exsulare sinitis, sivistis pelli, pulsum patimini ». Quæ tum significatio fuerit omnium, quæ declaratio voluntatis ab universo populo romano in causa hominis non popularis⁷, equidem audiebamus : existimare facilius possunt, qui adfuerunt.

LVIII. Et, quoniam me huc provexit oratio, histrio casum meum toties¹ collacrymavit, quum ita dolenter ageret causam meam, ut vox ejus illa præclara lacrymis impediretur. Neque poetæ², quorum ego semper ingenia dilexi, tempori meo defuerunt; eaque populus romanus non solum plausu, sed etiam gemitu suo comprobavit. Utrum igitur hæc Æsopum potius pro me, aut Attium dicere oportuit, si populus romanus liber esset, an principes civitatis? Nominatim sum appellatus in Bruto³, « Tullius, qui libertatem

5. *Pro me*. Ut in me multis post annis convenirent, ut in eum tempus cadere possent, quod non poetæ consilio, sed casu ita factum est.

6. *Fortissimus*. Quia libere egerit, suumque mei desiderium, nullo metu perterritus, aperte demonstravit.

7. *Hominis non popularis*. Se ipsum intelligit : qui etsi nomine popularis non erat, summam tamen erga se populi voluntatem cognovisse dicit.

LVIII. 1. *Toties*. In omnibus versibus quæ ad casum meum revocari poterant.

2. *Poetæ*. Qui quadam, ut ita dicam, ingenii divinatione, hæc omnia pro me scripserant.

3. *In Bruto*. Accii tragoedia, de qua libro I de Divinatione, et apud Varonem de Lingua Latina l. IV, mentio fit. — *Tullius*. Quum enim Brutum Æsopus nominare deberet, Tullium

civibus stabiliverat ». Millies revocatum est. Parumne videbatur populum romanum judicare, id a me, et a senatu esse constitutum⁴, quod perditī cives sublatum per nos criminabantur⁵?

Maximum vero populi romani iudicium universo consensu gladiatorio declaratum est. Erat enim munus Scipionis⁶, dignum et eo ipso, et illo Q. Metello, cui dabatur⁷. Id autem spectaculi genus erat, quod omni frequentia, atque omni genere hominum celebratur, quo multitudo maxime delectatur. In hunc consensum P. Sextius, tribunus plebis, quum ageret nihil aliud in eo magistratu, nisi meam causam, venit, et se populo dedit, non plausus cupiditate, sed ut ipsi inimici nostri voluntatem universi populi viderent. Venit, ut scitis, ad columnam Mæniam⁸. Tanta est ex omnibus spectaculis usque a Capitolio, tantus ex fori cancellis⁹ plausus excitatus, ut numquam major consensio, aut apertior populi romani universi fuisse ulla in causa diceretur. Ubi erant tum illi concionum moderatores, legum domini, civium expulsores? aliusne est aliquis improbis civibus peculiaris populus, cui nos offensi invisique fuerimus?

LIX. Equidem existimo, nullum tempus esse fre-

nominavit: quod ut Brutus, Tarquinio rege pulso, sic Cicero, conjuratione oppressa, libertatem civibus stabiliverat.

4. *Et a senatu esse constitutum.* Hoc est, libertatem a me esse conservatam.

5. *Criminabantur.* Hac mente Clodius ex diruta Ciceronis domo Libertati templum ædificavit, ut libertas pulso eo qui tyrannidem in consulatu exercuerat restituta, et in perpetuum consularis potestas oppressa videretur.

6. *Scipionis.* Qui a Metello fuerat adoptatus; filiamque habuit Corneliam Pompeii uxorem.

7. *Dabatur.* Non statim post obitum, in honorem alicujus ludi celebrabantur.

8. *Columnam Mæniam.* Locus ex quo, ut testatur Asconius, ludi spectantur.

9. *Fori cancellis.* Illud, multis aliis locis juvantibus, confirmat, non in circo, sed in foro gladiatorum ludos celebrari.

quentioris populi, quam illud gladiatorium; neque concionis ullius, neque vero ullorum comitorum. Hæc igitur innumerabilis hominum multitudo, hæc populi romani tanta significatio, sine ulla varietate, universi, quum illis ipsis diebus de me actum iri putaretur, quid declaravit, nisi optimorum civium salutem et dignitatem populo romano caram esse universo? At vero et ille tribunus plebis¹, qui de me, non patris, avi, proavi, majorum denique suorum omnium, sed Græculorum instituto², concionem interrogare solebat, Velletne me redire; et, quum erat reclamatum semivivis mercenariorum vocibus, populum romanum negare dicebat: is, quum quotidie gladiatores spectaret, numquam est conspectus, quum veniret³. Emergebat subito, quum sub tabulas subrepserat, ut, «Mater, te appello»—dicturus videretur. Itaque illa via latebrosa, qua spectatum ille veniebat, Appia⁴ jam vocabatur. Qui tamen, quoquo tempore conspectus erat, non modo gladiatores, sed equi ipsi⁵ gladiatorum repentinis sibilis extimescebant.

LIX. 1. *Et ille tribunus plebis.* Mautius hoc de Attilio dici contendit, quod omnino falsum est; nam hic de Clodio, ut supra, agitur; itaque coactus est infra mutare *Appia* in *Attilia*, quia vox illa minime cum illorum sensu congruebat.

2. *Græculorum instituto.* Illos orator deridet, qui inani literarum græcarum scientia elati se sapientes omnino arbitrabantur; quidam, ex Gorgiæ veteri præcepto, adstantes, interrogabant, numquid aliquis quæreretur, et ad omnia se responsuros profitebantur. Quorum igitur consuetudinem tribunus hic plebis sequi videbatur, qui civem quemque interrogaret, velletne redditum meum?

3. *Quum veniret.* Neque enim palam aut per apertam viam iter habebat ludos spectaturus, metuebat enim ne populi sibilis exciperetur; et subrebat per tabulas eas quæ spectaculi causa extruebantur; et inde fiebat ut quum consessurus appareret optime Polydorum mentiretur, qui ex umbra repente emergit, et sororem quam matrem arbitratur his vocibus excitat, «Mater te appello».

4. *Appia.* Ad viam Appiam alludit, quam censor Appius Claudius, unus ex Clodii atavis, extruendam curaverat.

5. *Equi ipsi.* Hoc ferme tantum loco agitur de gladiatoribus ex equis pugnantibus; prælium enim, solito de more, æquo solo inter eos conserebatur.

Videtisne igitur, quantum inter populum romanum, et concionem intersit? dominos concionum omni odio populi notari⁶? quibus autem consistere in operarum concionibus non liceat, eos omni populi romani significatione decorari?

LX. Tu mihi etiam¹ M. Attilium Regulum commemoras, qui redire ipse Carthaginem sua voluntate ad supplicium, quam sine iis captivis, a quibus ad senatum missus erat, Romæ manere maluerit? et mihi negas optandum redditum fuisse per familias comparatas et homines armatos?

Vim scilicet ego desideravi, qui, dum vis fuit, nihil egi², et quem, si vis non fuisset, nulla res³ labefactare potuisset. Hunc ego redditum repudiarem, qui ita florens fuit, ut verear, ne quis me studio gloriæ putet idcirco exisse, ut ita redirem? Quem enim umquam senatus civem, nisi me, nationibus exteris commendavit? cujus umquam propter salutem, nisi meam, senatus publice sociis⁴ populi romani gratias egit? De me uno patres conscripti decreverunt, ut, qui provincias cum imperio⁵ obtinerent, qui quæstores, legatique essent, salutem et vitam meam custodirent. In una mea causa post Romam conditam factum est,

6. *Omni odio populi notari.* Clodium scilicet, et ceteros qui Ciceronis redditui obstiterent.

LX. 1. *Tu mihi etiam.* Qui P. Sextium accusavit Albinovanus, Ciceroni redditum objecit, quod per armatos cives in patriam fuerat reversus; Regulique protulerat exemplum, qui Carthaginem ad supplicium petere maluisset quam Romæ manere, quia res illa magis ad reipublicæ gloriam conferebat.

2. *Nihil egi.* Id est, patienter quæ contra me struebantur pertuli, et quum

vis adhiberetur, ne reipublicæ nocerem discessi.

3. *Nulla res.* Nam neque leges, neque judicia, neque omnino res ulla eam mihi calamitatem innoxisset, quam quidem vis intulit.

4. *Sociis.* Qui me, patria pulsum, comiter exceperant, benigneque tractabant.

5. *Cum imperio.* Qui proconsules, et qui prætores erant: nam quæstores et legati imperium in provinciis non habebant: ideo eos separatim Cicero nominat.

ut literis consularibus ex senatusconsulto, cuncta ex Italia⁶, omnes, qui rempublicam salvam vellent, convocarentur. Quod numquam senatus⁷ in universæ rei publicæ periculo decrevit, id in unius mea salute conservanda decernendum putavit. Quem curia magis requisivit? quem forum luxit? quem æque ipsa tribumalia desideraverunt? Omnia discessu meo deserta, horrida, muta, plena luctus et mœroris fuerunt. Quis est Italiæ locus, in quo non fixum sit in publicis monumentis studium salutis meæ, testimonium dignitatis?

LXI. Nam quid ego illa de me divina senatusconsulta commemorem? vel quod in templo Jovis¹ Optimi Maximi factum est, quum vir is², qui tripartitas orbis terrarum oras atque regiones tribus triumphis adjunctas huic imperio notavit, de scripto sententia dicta, mihi uni testimonium patriæ conservatæ dedit? cujus sententiam ita frequentissimus senatus sequutus est, ut unus dissentiret hostis³; idque ipsum tabulis publicis mandaretur, ad memoriam posterì temporis sempiternam. Vel quod est postridie decretum in curia, populi ipsius romani, et eorum, qui ex municipiis convenerant, admonitu, ne quis de cælo⁴ servaret,

6. *Cuncta ex Italia.* Post legem Juliam, sociali bello latam, Italia universa municipiorum jura possidebat, suffragiumque Romæ ferebat.

7. *Numquam senatus.* Veritati hoc est consentaneum; nam numquam senatus totam Italiam ad id vocavit, ut daret operam ne quid detrimenti respublica caperet, animosque ad præsens periculum repellendum excitaret.

LXI. 1. *In templo Jovis.* De rebus tantum gravissimis acturus, senatus hic conveniebat.

2. *Vir is.* Pompeius scilicet qui,

victis in Africa Carbone, in Hispania Sertorio, in Asia Mithridate, de tribus orbis terrarum partibus egit triumphum.

3. *Hostis.* Manifestum est hic P. Clodium designari.

4. *De cælo servaret.* Ne magistratus ullus auspicia de cælo caperet, ne quid forte interveniret, quod posset legem de reditu uno ferendam impedire. Sed mirum est illud a senatu fuisse decretum, quum antea Clodii lege decretum fuisset, ne auspicia legem ullam impedirent; sed videtur

ne quis moram ullam afferret; si quis aliter fecisset, eum plane eversorem reipublicæ fore, idque senatum gravissime laturum; et ut statim de ejus facto referretur⁵. Qua gravitate sua quum frequens senatus nonnullorum scelus audaciamque tardasset; tamen illud addidit, si diebus quinque⁶, quibus agi de me potuisset, non esset actum, redirem in patriam, dignitate omni recuperata.

LXII. Decrevit eodem tempore senatus, ut iis, qui ex tota Italia salutis meæ causa convenerant, agerentur gratiæ; atque ut iidem¹, ad res redeuntes ut venirent, rogarentur. Hæc erat studiorum in mea salute contentio, ut ii, qui a senatu de me rogabantur, iidem senatui pro me supplicarent. Atque ita in his rebus unus² est solus inventus, qui ab hac tam impensa voluntate bonorum palam dissideret, ut etiam Q. Metellus consul, qui mihi vel maxime ex magnis contentionibus reipublicæ fuisset inimicus, de mea salute retulerit³. Qui excitatus summa quum auctoritate P. Servilii⁴, tum quadam gravitate⁵ dicendi,

id ipse senatus sanxisset, ut, quum Clodii leges male latis judicaret, rem auctoritate sua confirmaret.

5. *Referretur*. Ne quis tribunus intercederet.

6. *Diebus quinque*. Comitilibus, quibus agi cum populo licebat: non enim dicit, quinq; continentibus diebus, sed quinque, quibus agi poterat.

LXII. 1. *Ut iidem*. Variis et multis modis tentatus locus; al. habent, « ut iidem ad res redeuntes, ut venirent ». Nec primo oculorum conjectu quæ sit sententia patet. Hic nobis arridet sensus: « ut iidem reverterentur, quum rursus de mea ageretur causa ».

2. *Unus*. P. Clodium intelligit, quem in hac oratione, quam longa est, insectatur.

3. *De mea salute retulerit*. Scilicet in templo Jovis, ut supra dictum est.

4. *Auctoritate P. Servilii, tum quadam gravitate*. Al. « auctoritate, P. Servilii qu. gr. » J. V. L.

5. *Quadam gravitate*. Multi locum illum mutandum putant; quia quum laudatur aliquis, non utimur verbis illis quædam, sed summa aut excellenti aut mira. Itaque Manut. legendam putabat *summa*: sed quum nulla firmetur librorum auctoritate, vulgatam servavimus.

quum illē omnes prope ab inferis evocasset⁶ Metellos, et ad illius generis, quod sibi cum eo commune⁷ esset, dignitatem, propinqui sui mentem a Clodianis latrociniiis reflexisset; quumque eum ad domestici exempli memoriam, et ad Numidici illius Metelli casum⁸ vel gloriosum, vel gravem convertisset; collacrymavit vir egregius⁹ ac vere Metellus, totumque se P. Servilio dicenti etiam tum tradidit; nec illam divinam gravitatem, plenam antiquitatis¹⁰, diutius homo ejusdem sanguinis potuit sustinere, et mecum absens beneficio rediit in gratiam. Quod certe, si est aliqui sensus in morte præclarorum virorum, quum omnibus Metellis, tum vero uni viro fortissimo, et præstantissimo civi, gratissimum, fratri suo¹¹, fecit, socio laborum, periculorum, consiliorum meorum.

LXIII. Reditus vero meus qui fuerit, quis ignorat? quemadmodum mihi advenienti tamquam totius Italiæ atque ipsius patriæ dexteram porrexerint¹ Brundisini; quum ipsis nonis sext. idem dies adventus mei fuisset² reditusque, natalis idem carissimæ filiæ, quam ex gravissimo tum primum³ desiderio luctuque conspexi,

6. *Ab inferis evocasset.* Hac dicendi figura, quæ prosopopœia dicitur, omnes Metelli avos verba ad eum facientes induxit, hortantesque ne nomen suum quadam cum Clodio affinitate commicaret.

7. *Cum eo commune.* Quia Metellus et Servilius a Metello Macedonico originem trahebant.

8. *Et ad Numidici illius Metelli casum.* Al. « et ad unum dicto citius Metelli casum ». J. V. L.

9. *Vir egregius.* Al. « ut vir egregius ». J. V. L.

10. *Plenam antiquitatis.* Dignam scilicet quæ apud veteres Romanos

floreret. Errasse videtur Manutius, quum intelligit hæc verba proferri, quod senior esset Servilius.

11. *Fratri suo.* Q. Metello Celeri, Q. Metelli Celeris filio. — *Socio.* Fuit enim prætor Cicerone consule; et Italiam ab occulta conjuratione, ut Cicero urbem a nocturnis insidiis, defendit.

LXIII. 1. *Dexteram porrexerint.* Primi enim eum advenientem Brundisini exceperunt.

2. Forte, « reditusque natalis, idem c. f. » Lalleu. e Grævio, « qui et natalis idem ». J. V. L.

3. *Tum primum.* Brundisium usque patri redeunti obviam ivit Tulliola.

idem etiam ipsius coloniæ Brundisinæ, idemque Salutis⁴; quumque me domus eadem optimorum et doctissimorum virorum, Lenii Flacci, et patris, et fratris ejus, lætissima accepisset, quæ proximo anno moerens receperat, et suo præsidio, periculoque⁵ defenderat; quumque itinere toto urbes Italiæ festos dies agere adventus mei videbantur, viæ multitudine legatorum undique missorum celebrabantur, ad urbem accessus incredibili hominum multitudine et gratulatione florebat; iter a porta, in Capitolium⁶ adscensus, domum⁷ reditus erat ejusmodi, ut summa in lætitia illud dolerem, civitatem tam gratam, tam miseram atque oppressam fuisse.

Habes igitur, quod ex me quæsisisti, qui essent optimates⁸. Non est natio, ut dixisti: quod ego verbum agnovi⁹. Est enim illius, a quo uno maxime P. Sextius se oppugnari videt, hominis ejus, qui hanc nationem deleri et concidi cupivit; qui C. Cæsarem, mitem hominem, et a cæde abhorrentem, sæpe increpuit, sæpe accusavit, quum affirmaret, illum numquam, dum hæc natio viveret, sine cura futurum. Nihil profecit de universis¹⁰: de me agere non destitit; me oppugnavit; primum per indicem Vettium¹¹, quem in

4. *Salutis*. Hoc die scilicet conditum fuit templum Salutis consecratum.

5. *Periculoque*. Namque Clodius lege sancitum voluerat, ne quis Ciceronem exulem intra quadringenta milia passuum tecto juvaret.

6. *In Capitolium*. Primum enim ad agendas Jovi Optimo Maximo gratias ivit, quod se patriæ compotem fecisset; deinde ad suos penates a Capitolio revertit.

7. *Domum*. Non Palatinam; in qua eversa Clodius templum Libertatis

exædificaverat; sed eam, opinor, quam habebat in Ceramio: de qua lib. ad Atticum IV.

8. *Optimates*. Hoc est, viri boni.

9. *Agnovi*. Intellexi cujus sit, a quo usurpaveris verbum illud; a Vatinius scilicet, qui in Sextium maxime invenitur; in hunc scripta est quæ sequitur oratio.

10. *Universis*. Non ad id Cæsarem impulit, ut omnes in optimates vi et armis irrueret.

11. *Indicem Vettium*. Hæc in ora-

concione de me, et de clarissimis viris interrogavit. In quo tamen eos cives conjunxit eodem periculo et crimine, ut a me inierit gratiam, quod me cum amplissimis et fortissimis viris congregavit.

LXIV. Sed postea mihi, nullo meo merito, nisi quod bonis placere cupiebam, omnes est insidias sceleratissime machinatus. Ille ad eos, a quibus audiebatur, quotidie aliquid defecti¹ afferebat; ille hominem mihi amicissimum, Cn. Pompeium, monebat, ut meam domum metueret, atque a me ipso caveret; ille se sic cum inimico meo copularat, ut illum meæ proscriptionis², quam adjuvabat Sext. Clodius, homo iis dignissimus, quibuscum vivit, tabulam esse³, se scriptorem diceret; ille unus ordinis nostri⁴ discessu meo, luctu vestro, palam exsultavit. De quo ego, quum quotidie rueret⁵, verbum feci, iudices, num-

tione, sicuti in omnibus quas post exilium Cicero habuit, hoc maxime cavet ne Caesarem læderet; vel quod Pompeii socer esset per quem se restitutum in patriam fuisse intelligebat, vel quod malo doctus cum potentioribus colluctari non jam sustineret. Sed res sic habita est. Vettius, impellente Caesare et adjuvante, clarissimos senatores incusavit, tamquam si Pompeium per fraudem obtruncare statuisent. Non Ciceronem nominatum designavit; sed ait, virum consularem, eloquentia notissimum, dixisse: rempublicam aut Servillum Ahalam aut Brutum exposcere. Vatinius de iis querendum censuit qui incusabantur. Caesar vero quum metueret ne fraus male tecta deprehenderetur, Vettium in vincula conjectum obtruncari iussit. Hoc in causa est cur Cicero, Caesaris gratia, rem non penitus patefaciat.

LXIV. 1. *Aliquid defecti.* Multi in

hoc verbo diu hæere; nec conuenire inter se; intelligendum est tamquam si scriptum esset detecti.

2. *Meæ proscriptionis.* Quo exilium suum orator gravius reddat, hac voce utitur quæ potentiam revocabat supra leges elatam. Marius enim et Sulla proscriptiones uni instituerant. Ita Clodium tamquam Sullam alium reipublicæ ruinam molientem inducit.

3. *Tabulam esse.* P. Clodius tabula erat, quia apud illum lex concipiebatur et scribebatur; Vatinius autem et Sext. Clodius eo ventitabant ut operam conferrent. Sextus autem ille Clodius fuit seditiosissimus homo, qui P. Clodii corpus in forum detulit, populoque incitato cremavit; hoc autem incendio curia et basilica Æmilia conflagrare; quo crimine postea Sext. Clodius et damnatus.

4. *Ordinis nostri.* Senatorii.

5. *Quum quotidie rueret.* Aliquid

quam; neque putavi, quum omnibus machinis ac tormentis, vi, exercitu, copiis oppugnarer, de uno sagittario me queri convenire. Acta mea⁶ sibi ait displicere: quis nescit? qui legem eam⁷ contemnat, quæ dilucide vetat, gladiatores biennio, quo quis petierit, aut petiturus sit, dare.

In quo ejus temeritatem satis mirari, judices, non queo. Facit apertissime contra legem; facit is, qui neque elabi ex judicio⁸ jucunditate sua, neque emitti gratia potest, neque opibus et potentia leges ac judicia perfringere. Quæ res hominem impellit, ut sit tam intemperans? Ista nimia gloriæ cupiditate familiam gladiatoriam, credo, nactus est, speciosam, nobilem, gloriosam; norat studia populi; videbat clamores et concursus futuros. Hac exspectatione elatus homo, flagrans cupiditate gloriæ⁹, tenere se non potuit, quin hos gladiatores induceret, quorum esset ipse pulcherrimus. Si ob eam causam peccaret, et¹⁰, pro recenti populi romani in se beneficio, populari studio elatus; tamen ignosceret nemo: quum vero ne de venalibus quidem homines electos, sed ex ergastulis emptos, nominibus gladiatorii ornarit, et sortito alios Samnites¹¹, alios Provocatores fecerit; tanta

furiose faceret: feruntur enim homines improbi ad facinus eo impetu, ut rursus videantur.

6. *Acta mea.* H. e. leges quas tuli.

7. *Legem eam.* Quam consul Cicerio tolerat. — *Contemnat.* Quia quam adilitatem petierit anno proximo, et hoc ipso anno petat præturam, gladiatores tamen dare animo habet destinatum.

8. *Ex judicio.* Si reus fuerit. — *Jucunditate sua.* H. e. elegantia morum et quædam corporis concinnitas.

Impuram autem Vatinius infra demonstrat.

9. *Flagrans cupiditate gloriæ.* Cum verbis illis deridet; nam quæ gloria inter gladiatores, genus contemptam, eminere.

10. *Lallem. delevit et.* J. V. L.

11. *Samnites.* Cum provocatoribus illi inter gladiatores eminebant. Lenti pugnam capessabant, ut testatur Horat. Epist. II, 2, 98: «Lento Samnites ad lumbina prima duello». Præter eos erant quoque mirmillones et retiarii.

licentia, tanta legum contemptio quem habitura sit exitum, non pertimescit ¹²?

Sed habet defensiones duas ¹³: primum, Do, inquit, bestiariorum; lex est scripta de gladiatoribus. Festive! Accipite aliquid etiam acutius. Dicit se non gladiatores, sed unum gladiatorem ¹⁴ dare, et totam ædilitatem ¹⁵ in munus hoc transtulisse. Præclara ædilitas. Unus leo; ducenti bestiariorum. Verum utatur hac defensione: cupio eum suæ causæ confidere. Solet enim tribunos plebis appellare, et vi iudicium disturbare ¹⁶, quum diffidit. Quem non tam admiror, quod meam legem contemnat, hominis inimici, quam quod se statuit omnino consularem legem nullam putare. Aciliam ¹⁷, Didiam,

12. *Quem habitura sit exitum, non pertimescit?* Alii, « nonne, quem habitura sit exitum, pertimescit ». J. V. L.

13. *Habet defensiones duas.* Totum hoc eo pertinet, ut ostendat Vatinius populo verba dare, qui bestiariorum gladiatorum nomine sit inducturus: refert autem ad Vatiniæ defensionem, quia quod per irrisorem objicitur adversario, jucunditatem parit, neque tamen vim amittit.

14. *Unum gladiatorem.* Significat ex iis, quos Vatinius gladiatores nominabat, unum re vera gladiatorem esse, reliquos omnes bestiariorum: duplex igitur est defensio, a genere hominum et a numero, non enim gladiatores, sed bestiariorum; non plures, sed unum modo gladiatorem dare se dicit, lex autem, quum gladiatores dari vetat, de gladiatoribus, non de bestiariorum intelligit; nec unum gladiatorem, sed plures dari vetat.

15. *Totam ædilitatem.* Ædilitatem gerere Vatinius non existimabit, qui meminisset illa, quæ supra dicta sunt:

« Ædilitatem petivit: tribum suam non tulit: Palatinam perdidit: nec quidquam illis comitiis, quod boni viri vellent, nisi repulsam, tulit ». Et qui legerit illa, quæ sunt in oratione in ipsum: « de quibus duos prætextatos sedentes vides, te ædilitatem prætextam togam, quam confeceras, vendidisse ». Fingit igitur Vatinius dicentem, se quos ludos, si ædilis creatus esset, populo daturus erat, id omne nunc dare: fingit autem propterea, ut significet, quam non magnifica, quam tenuis, ac sordida futura fuerit illius ædilitas, qui tantum unum leonem, ducentos bestiariorum dare cogitabat.

16. *Judicium disturbare.* Vatinius lege Liciniae et Juliae reus factus, quum tribunos appellasset, et quidam intercessissent, prætor autem Memmius quod ea appellatio contra morem majorum esset, iudicium nihilominus exercebat, in ejus tribunal adscendit, subsellia dissipavit, urnas dejecit, et iudicium vi sustulit.

17. *Lege, doctis viris auctoribus, Aciliam.* J. V. L.

Liciniam, Juniam contempsit. Etiamne ejus, quem sua lege et suo beneficio ornatum, munitum, armatum solet gloriari¹⁸, C. Cæsaris legem de pecuniis repetundis non putat esse legem? Et aiunt, alios esse, qui acta Cæsaris rescindant, quum hæc optima lex, et ab illo socero ejus, et ab hoc assecla¹⁹ negligatur?

Et cohortari ausus est accusator in hac causa vos, judices, ut aliquando essetis severi, aliquando medicinam adhiberetis reipublicæ. Non est ea medicina, quum sanæ parti corporis scalpellum adhibetur, atque integræ: carnificina est ista, et crudelitas. Hi medentur reipublicæ, qui exsecant pestem aliquam, tamquam strumam²⁰ civitatis.

LXV. Sed, ut¹ extremum habeat aliquid oratio mea, et ut ego ante dicendi finem faciam, quam vos me tam attente audiendi, concludam illud de optimatibus, eorumque principibus, ac reipublicæ defensoribus; vosque, adolescentes, et qui nobiles estis, ad majorum vestrum imitationem excitabo, et qui ingenio et virtute nobilitatem potestis consequi, ad eam rationem, in qua multi homines novi² et honore et gloria floruerunt, cohortabor. Hæc est una via, mihi credite, et laudis, et dignitatis, et honoris, a bonis viris, sapientibus, et bene natura constitutis, laudari et di-

18. *Armatum solet gloriari.* Vere gloriabatur: nam ei Galliam Cisalpinam cum Illyrio in quinquennium lege lata dederat.

19. *Assecla.* Al. *assecula.* Vatinius in tribunatu pecunias iniquissime coegit, contra legem de repetundis eo ipso anno a consule Cæsare rogatam.

20. *Tamquam strumam civitatis.* Frequenter in Vatinii strumas est joctus, in oratione præsertim quam contra hunc habuit.

LXV. 1. *Sed, ut.* Hic omnium sibi animos conciliat orator; ostendit nempe gratiosos populo cives fuisse, qui senatus auctoritatem sicut et populi libertatem defenderint. Quo quidem artificio invidiam extinguere mihi videtur, quam ex longa nimium querela concitare potuisset.

2. *Homines novi.* Qui genti suæ nobilitatem virtutibus suis pepererunt, et primi curules sunt adepti magistratus.

ligi; nosse descriptionem civitatis³, a maioribus nostris sapientissime constitutam: qui quum regum potestatem non tulissent, ita magistratus annuos creaverunt, ut consilium senatus reipublicæ præponerent⁴ semipiternum; deligerentur autem in id consilium ab universo populo⁵, aditusque in illum summum ordinem civium industriæ ac virtuti pateret. Senatum reipublicæ custodem, præsidem, propugnatorem collocaverunt; hujus ordinis auctoritate uti magistratus, et quasi ministros gravissimi consilii esse voluerunt; senatum autem ipsum proximorum ordinum⁶ splendore confirmari, plebis libertatem et commoda tueri atque augere voluerunt.

LXVI. Hæc qui¹ pro virili parte defendunt, optimates sunt, cujuscumque sint ordinis; qui autem præcipue suis cervicibus tanta munia atque rempublicam sustinent, ii semper habiti sunt optimatum principes, auctores et conservatores civitatis. Huic hominum generi fateor, ut ante dixi, multos adversarios, inimicos, invidos esse, multa proponi pericula, multas inferri injurias, magnos esse experiundos et

3. *Descriptionem civitatis.* Ut plane noscant quibus institutis temperata fuerit respublica; et intelligant prorsus quonammodo ordinum omnium consensus, ad totius populi libertatem et felicitatem tuendam conspiret.

4. *Præponerent.* Alii, *proponerent.* J. V. L.

5. *Ab universo populo.* Ante creatos censores: nam deinde non a populo, sed a censoribus, senatores lecti sunt: a populo autem antea deligebantur, consule nominante. Sensus ille non omnibus arridet; contendunt quidam sic esse intelligendum: Universam scilicet populum magistratus dare pe-

tentibus candidatis, eosque omnium ordinum homines consequi posse; qui autem magistratus adeptus fuerat, continuo a censoribus in senatum legabatur.

6. *Proximorum ordinum.* Intelligit eos qui senatoribus dignitate proximi sunt, ut equites, et qui judicia exercebant.

LXVI. 1. *Hæc qui.* Qui viribus omnibus incumbunt, ne perturbentur ordines civitatis, ne plebs contra senatum insolescat, aut senatus contra populi libertatem grassetur, ii sunt optimates, quocumque ex ordine emerint.

subeundos labores² : sed mihi omnis oratio est cum virtute, non cum desidia; cum dignitate, non cum voluptate; cum iis, qui se patriæ, qui suis civibus, qui laudi, qui gloriæ, non qui somno, et conviviis, et delectationi natos arbitrantur. Nam, si qui voluptatibus ducuntur, et se vitiorum illecebris et cupiditatum lenociniis dediderunt³, missos faciant honores; ne attingant rempublicam; patiantur viros fortes labore, se otio suo perfrui⁴. Qui autem bonam famam bonorum, quæ sola vere gloria nominari potest, expetunt, aliis otium quærere debent et voluptates, non sibi. Sudandum est his pro communibus commodis; adeundæ inimicitiae, subeundæ sæpe pro republica tempestates; cum multis audacibus, improbis, nonnumquam etiam potentibus, dimicandum. Hæc audivimus⁵ de clarissimorum virorum consiliis et factis; hæc accepimus, hæc legimus. Neque eos in laude positos videmus, qui incitarunt aliquando populi animos ad seditionem, aut qui largitione cæcarunt⁶ mentes imperitorum, aut qui fortes et claros viros, et bene de republica meritos in invidiam aliquam vocaverunt. Leves⁷ hos semper nostri homines, et audaces, et malos, et perniciosos cives putaverunt. At vero qui

2. *Experandos et subeundos labores.* Tacite hic vitæ suæ exemplum proponit, quæ tam multis fuerit jactata periculis.

3. *Et se vitiorum ill. et cup. lenociniis dediderunt.* Ostendit obiter populo, eos a republica administranda omnino ejici deberi, qui voluptatibus et Clodius Vatinique dediti, res omnino subvertere possent.

4. *Prostra insudant viri docti in his pervertendis;* sensus autem sicut scriptum manifesto apparet.

5. *Hæc audivimus.* Viros scilicet clarissimos audasse pro communibus commodis, subisse tempestates, et cum potentioribus sæpe colluctari fuisse coactos.

6. *Cæcarunt.* Ut honores consequerentur. — *Vocaverunt.* Ficto crimine prætentio.

7. *Leves.* Leves eos appellat, qui aliquid in republica novi excogitare; audaces, qui excogitatum ad finem perducere sint aggressi; malos, qui ambitu sibi viam ad honores aperiant;

horum impetus et conatus represserunt; qui auctoritate, qui fide, qui constantia, qui magnitudine animi, consiliis audacium restiterunt: ii graves, ii principes, ii duces, ii auctores hujus ordinis, et dignitatis, atque imperii semper habiti sunt.

LXVII. Ac, ne quis ex nostro, aut aliquorum præterea casu hanc vitæ viam pertimescat, unus in hac civitate, quem quidem ego possim dicere, præclare vir de republica meritus, L. Opimius¹, indignissime concidit; cujus monumentum² celeberrimum in foro, sepulcrum desertissimum in litore Dyrrhachino relictum est. Atque hunc tamen flagrantem invidia, propter interitum C. Gracchi, semper³ ipse populus romanus periculo liberavit. Alia quædam civem egregium iniqui judicii procella pervertit. Ceteri vero aut repentina vi perculsi⁴, ac tempestate populari, per populum tamen ipsum recreati sunt atque revocati; aut omnino invulnerati⁵ inviolatique vixerunt. At vero ii, qui senatus consilium, qui auctoritatem bonorum, qui instituta majorum neglexerunt, et imperitæ aut concitatæ multitudini jucundi esse voluerunt,

perniciosos, qui fortes et claros viros et bene de patria meritos insectantur.

LXVII. 1. *L. Opimius*. Hic Graccho hostis infensissimus, accusatus fuit apud populum, quod cives indemnatos morte multasset. Populi tamen judicio fuit absolutus. Sed postea damnatus fuit, quod Jugurthæ auro fuerat corruptus. Exsul supremum diem obiit, inuisus contemptusque. Cicero tamen de illo magnificentissime agit; quia eadem de republica sentiebant, quodque populo fuerat inuisus quod indemnatos, sicut ipse in Catilinæ conjuratione, cives vita spoliavisset.

2. *Monumentum*. Basilicam quam in foro extruxerat.

3. *Semper*. Videtur hoc verbo non semel, pro Gracchi ceterorumque cæde, apud populum fuisse accusatum.

4. *Ceteri vero aut repentina vi perculsi*. Ab irata plebe, de repente damnati.

5. *Invulnerati*. Ut, exempli causa, Ap. Claudius Sabinus: qui quum senatus atque optimatum causam constantissime tueretur, plebi vero acerrimus esset adversarius, tranquillam tamen atque honoratam in patria vitam duxit, nec ab inenso populo injuriam ullam tulit.

omnes fere reipublicæ poenas, aut præsentî⁶ morte, aut turpi exsilio, dependerunt.

Quod si apud Athenienses, homines Græcos, longe a nostrorum hominum gravitate disjunctos, non derant, qui rempublicam contra populi temeritatem defenderent, quum omnes, qui ita fecerant, e civitate ejicerentur; si Themistoclem illum, conservatorem patriæ⁷, non deterruit a republica defendenda nec Miltiadis calamitas⁸, qui illam civitatem paullo ante servarat⁹, nec Aristidis fuga, qui unus omnium justissimus fuisse traditur; si postea summi ejusdem civitatis viri, quos nominatim appellari non est necesse, propositis tot exemplis¹⁰ iracundiæ levitatisque popularis, tamen suam rempublicam illam defenderunt; quid nos tandem facere debemus, primum in ea civitate nati, unde orta mihi gravitas et magnitudo animi videtur? tum in tanta gloria insistentes, ut omnia humana leviora videri debeant? deinde ad eam rempublicam tuendam aggressi, quæ tanta dignitate est, ut eam defendentem occidere non aliud sit, quam oppugnantem rerum potiri?

LXVIII. Homines Græci, quos antea nominavi, inique a suis civibus damnati atque expulsi, tamen,

6. *Præsentî morte.* Ut Sp. Melius, M. Manlius Capitolinus, duo Gracchi, L. Apuleius Saturninus, et P. Sulpicius. — *Turpi exsilio.* Ut Cæso, Camillus et Servilius.

7. *Conservatorem patriæ.* In bello contra Xerxem Persarum regem.

8. *Calamitas.* Accusatus enim proditiōis, quod, quum Parum expugnare posset, a rege Persarum corruptus infectis rebus a pugna discessisset, capitis quidem absolutus est, pecunia vero tanta multatus, quantam quum

solvere non posset, in vincula publica conjectus, miserrima atque indignissima morte diem obiit.

9. *Servarat.* In Marathonis pugna. — *Aristidis fuga.* Hic fuga a græca voce φυγή defluxit, quæ exsiliū significat. Hoc enim sensu hic est accipienda.

10. *Propositis tot exemplis.* Nam quicumque vel rei militaris laude, vel eloquentia, ceteros anteiret, hunc Athenienses, testula damnatum, ex urbe ejiciebant.

quia bene sunt de suis civitatibus meriti, tanta hodie gloria sunt, non in Græcia solum, sed etiam apud nos, atque in ceteris terris, ut eos, a quibus illi oppressi sunt, nemo nominet¹, horum calamitatem dominationi illorum omnes anteponant. Quis Carthaginensium pluris fuit Hannibale, consilio, virtute, rebus gestis; qui unus cum tot imperatoribus² nostris per tot annos de imperio et de gloria decertavit? Hunc sui cives e civitate ejecerunt: nos etiam hostem literis nostris et memoria videmus esse celebratum³.

Quare⁴ imitemur nostros Brutos, Camillos, Ahalas, Decios, Curios, Fabricios, Maximos, Scipiones, Lentulos, Æmilios, innumerabiles alios, qui hanc rempublicam stabiliverunt; quos equidem in deorum immortalium coetu ac numero repono. Amemus patriam, pareamus senatui, consulamus bonis; præsentis fructus negligamus, posteritatis gloriæ serviamus; id esse optimum putemus, quod erit rectissimum; speremus quæ volumus, sed quod acciderit, feramus; cogitemus denique, corpus virorum fortium, magnorumque hominum, esse mortale; animi vero motus, et virtutis gloriam, sempiternam: neque hanc opinionem si in illo sanctissimo Hercule consecratam⁵ videmus, cujus

LXVIII. 1. *Nemo nominet.* Nec illud enim in maximis laudum Themistocli fuerit, quod Aristides ope ejus in exilium fuerit damnatus.

2. *Tot imperatoribus.* P. Cornelio Scipione, Africani majoris patre, Ti. Sempronio Longo, C. Flamini, C. Centenio, C. Terentio Varrone, L. Æmilio Paulo, Q. Fabio Maximo, Ti. Sempronio Graccho, M. Claudio Marcello, P. Scipione, ejus filio, quem primum apud Rhodanum, iterum apud Padum, tertio apud Trebiam fugaverat.

3. *Esse celebratum.* Quod quidem Plin. testatur Historiarum lib. XXXIV, 6; sic enim scriptum est: et adeo discrimen omne sublatum, ut Hannibalis etiam status tribus locis visantur in urbe, cujus intra muros solus hostium emisit hastam.

4. *Quare.* Quam tanta sit gloria hostium apud nos, quæ facinora edere, quot conatibus inclarescere debemus, ut nomen quoque nostrum ad immortalitatem consecratur!

5. *Hercule consecratam.* Herculem ait in deorum fuisse numero adscri-

corpore ambusto, vitam ejus et virtutem immortalitas excepisse dicitur, minus existimemus eos, qui hanc tantam rempublicam suis consiliis ac laboribus aut auxerint, aut defenderint, aut servarint, esse immortalem gloriam consequutos.

LXIX. Sed me repente, judices, de fortissimorum et clarissimorum civium dignitate et gloria dicentem, et plura etiam dicere parantem, horum adspectus in ipso cursu orationis repressit. Video P. Sextium, meae salutis, vestrae auctoritatis¹, publicae causae defensorem, propugnatorem, auctorem², reum; video hunc praetextatum ejus filium³ oculis lacrymantibus me intuentem; video Milonem, vindicem vestrae⁴ libertatis, custodem salutis meae, subsidium afflictæ reipublicae, extinctorem domestici latrocinii, repressorem cædis quotidianæ, defensorem templorum atque tectorum, praesidium curiae, sordidatum et reum; video P. Lentulum, cujus ego patrem, deum ac parentem statuo fortunæ ac nominis mei, et fratris, rerumque nostrarum, in hoc misero squalore et sordibus: cui superior annus idem, et virilem, patris, et praetextam⁵,

ptum, quod ea opinione fuerit quam supra commemoravit; quod semper impavidus adversa fata tulit, et ad id unum laboravit ut nomen quam praeclarissimum posteris traderet.

LXIX. 1. *Vestrae auctoritatis.* Nam vestra voluntas in me restituendo, P. Sextium adiutorem habuit. — *Publicae causae.* Nam causa reipublicae cum mea simul agebatur; etenim si boni cives negligenter, de republica omnino foret conclamatum.

2. *Propugnatorem, auctorem.* Quidam hic verba redundantia reprehendunt; at mihi sensum non bene concipere videntur; nam sic cujusque vocis ratio habenda est: Meae salutis

defensorem, vestrae auctoritatis propugnatorem, et publicae causae auctorem. Auctor autem publicae causae dicitur, qui eam tamquam reipublicae nomine suscepit.

3. *Filium.* Solebant rei parentes ætate confectos, aut teneros adhuc pueros ante iudices sistere, quo magis misericordiam moverent.

4. *Vestrae libertatis.* Quia P. Clodii furorem exultantem repressit; neve ille, quod cogitabat, omnia vi terneret, effecit.

5. *Praetextam.* Angur fuerat electus quamvis adolescens esset; sed ætati propter egregias parentis virtutes indulserant.

populi iudicio, togam dederit; hunc hoc anno, in hac toga, rogationis injustissimæ subitam acerbitatem pro patre fortissimo et clarissimo cive deprecantem⁶.

Atque hic tot et talium civium squalor, hic luctus, hæ sordes susceptæ sunt propter unum me, quia me defenderunt, quia meum casum luctumque doluerunt, quia me lugenti patriæ, flagitanti senatui, poscenti Italiæ, vobis omnibus orantibus reddiderunt. Quod tantum est in me scelus? quid tantopere deliqui illo, illo die, quum ad vos indicia, literas, confessiones communis exitii⁷ detuli? quum parui vobis⁸? At, si scelestum est amare patriam, pertuli poenarum satis: eversa domus est, fortunæ vexatæ, dissipati liberi, raptata conjux; frater optimus, incredibili pietate, amore inaudito, maximo in squalore volutatus est ad pedes inimicissimorum; ego pulsus aris, focis, diis penatibus, distractus a meis, carui patria, quam (uti levissime dicam) certe texeram; pertuli crudelitatem inimicorum, scelus infidelium, fraudem invidorum⁹.

Si hoc non est satis¹⁰, quod hæc omnia deleta videntur reditu meo: multo mihi, multo, inquam iudices, præstat, in eandem illam recidere fortunam, quam tantam importare meis defensoribus et conser-

6. *Pro patre fortissimo et clarissimo cive deprecantem.* Lentulus Spinther e consulatu egressus, Ciliciam provinciam et insulam Cyprum sortitus est. Præterea Ptolemæum et in solium restitutus erat; sed tribunus plebis legem tulit, ut hoc imperio orbaretur, quia Sibyllini versus monebant ne cum exercitu populus romanus umquam intraret Ægyptum.

7. *Communis exitii.* De conjuratione non dici satis constat.

8. *Parui vobis?* Mihi enim SC.

mandastis, ut conjuratos carnifici necandos traderem.

9. *Fraudem invidorum.* Notandum qua arte voces illæ inter se jungantur. Ex inimicitia crudelitas, ex mala fide scelus, ex invidia fraus oritur.

10. *Non est satis.* Si nondum ad scelus expiandum, quod amando patriam admisi, sufficiunt eversæ opes, diruta domus, et quæ pertuli; malo rursus in exilium proficisci quam hæc omnia defensoribus meis mala importare.

vatoribus calamitatem. An ego¹¹ in hac urbe esse possim, his pulsus, qui me hujus urbis compotem fecerunt? Non ero; non potero esse, judices: neque hic umquam puer, qui his lacrymis, qua sit pietate, declarat, amisso patre suo propter me, me ipsum incolumem videbit; nec, quotiescumque me viderit, ingemiscet, ac pestem suam, et patris sui, sese dicet videre. Ego vero vos¹² in omni fortuna, quaecumque erit oblata, complectar; nec me ab iis, quos meo nomine sordidatos videtis, umquam ulla fortuna divellet; neque eæ nationes, quibus me senatus commendavit, quibus de me gratias egit, hunc exulem propter me sine me videbunt.

Sed hæc¹³ dii immortales, qui me suis templis advenientem receperunt¹⁴, stipatum ab his viris¹⁵, et P. Lentulo¹⁶ consule, atque ipsa respublica, qua nihil est sanctius, vestræ potestati, judices, commiserunt:

11. *An ego in hac urbe esse possim*, etc. Quæ sequuntur, maxime ad commovendos animos sunt idoneæ; aliquid simile in oratione pro Milone invenias, sed adhuc magis patheticam: quod non mirabere, si modo, quali artis solertia et animi impetu directa fuerit Milonianæ conclusio, attendere volueris.

12. *Ego vero vos*, etc. Orationem et vultum ad eos qui sordidati aderant, convertit. — *Nec me ab iis*, etc. Vultum et actionem a sordidatis ad judices refert.

13. *Sed hæc*. At Dii vobis dedere potestatem, ut Sextius absolvatur, vel cum sequar exsilio damnatum. Deos hic obtestatur ut judicum animos religione injecta gravius commoveat; simul ut caveant ne potestate a Diis tradita in innocentis perniciem abutantur.

14. *Receperunt*. Quum enim ab exsilio rediit, a porta Capena in Capitolium ad agendas Jovi Opt. Max. gratias quod se patriæ compotem fecisset, recta profectus est: inde suos lares petiit. Vid. Epist. ad Att. IV, 1, et pro Domo sua.

15. *His viris*. Qui nunc in squalore sordibusque jacent; qui pro me reorum habitus induerunt. Cic. in Pisonem, 99, quum diceret: « nec minus lætabor, quum te semper *sordidum*, quam si paulisper *sordidatum* viderem »; inter hæc duo verba discrimen certum statuit. *Sordidum* dixit, vilem et abjectum, ac sine ulla existimatione vitam agentem; *sordidatum* autem, accusatum et reum.

16. *P. Lentulo*. Qui quum me consul restituit, commisit hæc vestræ potestati, ut possitis id, quod vobis hoc judicio licet, vel me cum meis

130 M. T. CIC. ORAT. PRO P. SEXTIO.

vos hoc iudicio omnium bonorum mentes confirmare, improborum reprimere potestis; vos his civibus uti¹⁷ optimis, vos me reficere, et renovare rempublicam¹⁸. Quare vos obtestor, atque obsecro, ut, si me salvum esse voluistis, eos conservetis, per quos me recuperavistis.

defensoribus et conservatoribus perdere, vel mecum simul eos servare, aliae quibus in hac urbe esse non possunt: nam nisi ille me restituisset, non haec in vestra potestate nunc essent.

17. *His civibus uti.* Quos si ejicietis, uti vobis eorum opera in tuenda repu-

blica non licebit. — *Me reficere.* Terminus afflictum, et rerum publicarum tempestatibus jactatum.

18. *Et renovare rempublicam.* Post rempublicam additum olim potestis, quod Grut. primus delevit, MSS sequuntur. J. V. L.

M. TULLII CICERONIS
ORATIO
IN VATINIUM

ARGUMENTUM.

P. Vatinius anno Urb. 690, Cicerone et Antonio coss. quæstor fuit. In quæstura ei obtigit provincia Aquaria, seu Ostiensis. Anno Urb. 691 legatus fuit C. Cosconii, qui ex prætura Hispaniam ulteriorem pro consule regendam obtinuit. Anno Urb. 694, C. Julio Cæsare et M. Calpurnio Bibulo coss. tribunus pl. fuit, in eoque tribunatu multa per vim et contra morem majorum gessit. In primis Cæsari consuli in actionibus popularibus antesignanum se præbuit; et Bibulum alterum consulem collegæ adversantem vi e foro, curia, locisque publicis expulit, eumque domi inclusum misso viatore extrahere, et in carcerem ducere ausus est. Idem legem tulit, qua Cæsari, cui jam senatus Galliam ulteriorem attribuerat, citerior quoque una cum Illyrico et tribus legionibus in quinquennium data est. Aliam legem tulit de repetundis, seu de alternis consiliis in judicio repetundarum rejiciendis; qua cautum est, ut et reus, et accusator omnes possent iudices semel rejicere, quos prætor sortitus esset. Deinde Vettium indicem fictæ conjurationis in Pompeium in Rostris collocavit, eumque a se rogatum dicere jussit, quos viros auctores et socios hujus sceleris habuisset; ad Att. II, epist. 24. Anno Urb. 697, quum P. Sextius esset a M. Tullio Albino vano lege Lutatia de vi postulatus, testimonium in eum dixit Vatinius. Itaque Cicero Sextii defensor eum perpetua interrogatione accusavit. De ea ipse Cicero ad Q. Fratrem, Epist. II, 4, ita scribit: «Vatinium a quo palam oppugnabatur (Sextius) arbitrato nostro concidimus, diis hominibusque plaudentibus... Quid quæris? homo petulans et audax Vatinius valde perturbatus debilitatusque discessit». Et in epist. ad Lentulum, ad Div. I, 9: «Ego sedente Cn. Pompeio, quum, ut laudaret P. Sextium, introisset in urbem, dixissetque testis Vatinius, me fortuna et felicitate C. Cæsaris commotum, illi amicum esse cœpisse, dixi me, eam Bibuli fortunam, quam ille afflictam putaret, omnium triumphis victoriisque anteferre; dixique eodem teste, alio loco, eosdem esse, qui Bibulum domo exire prohibuissent, et qui me coegissent. Tota vero interrogatio mea nihil habuit, nisi repre-

hensionem illius tribunatus; in quo omnia dicta sunt libertate animoque maximo de vi, de auspiciis, de donatione regnorum».

In exordio Cicero causam exponit, qua permotus, quum Vatinii testimonium in Sextium nullius momenti putaretur, tamen eum non tacitus dimiserit, sed interrogandum putarit; atque ad aliquot reprehensiones Vatinii respondet, quibus Ciceroni C. Corneliū defensionem, et discessum in exilium objecerat, cap. 1-4.

In ipsa interrogatione primum Vatinii quæsturam et legationem, cap. 5; deinde tribunatum perstringit, cap. 6, 7. Tum ridet eum, quod in locum Q. Metelli Celeris augur fieri cogitaverit, cap. 8. Tum exagitat ejus injurias in Bibulum consulem, cap. 9; in principes quosdam viros, quos indice Vettio subornato in suspicionem cædis Pompeio Magno intentatæ adducere voluit, cap. 10. Deinde malitiam in C. Antonium ei exprobrat, qui legem illam de alternis consiliis rejiciendis distulerit, usque dum ille reus factus esset, ut ille beneficio hujus legis excluderetur, cap. 11. Tum divitias objicit, quas sibi pecuniis contra leges acceptis paraverit, cap. 12. Deinde reprehendit eum, quod in epulo Q. Arrii cum toga pulla accubuerit, cap. 13; quod quum esset lege Licinia et Junia postulatus tribunos plebis appellaverit, ne causam diceret, cap. 14; quod sine senatusconsulto legationem obierit, et quod legem Tulliam de ambitu despexerit, cap. 15. Postremo eum ab ipso Cæsare honore præturæ indignum judicatum esse dicit, cap. 16; eique inconstantiam orationis ac testimonii in dictis nonnullis, quæ ad Milonem et Sextium pertinerent, exprobrat, cap. 17.

M. T. CICERONIS ORATIONES.

ORATIO IN VATINIUM.

ORATIO TERTIA ET TRICESIMA.

SI tua tantummodo¹, Vatini, quid indignitas postulare, spectare voluissem, fecissem id, quod his vehementer placebat², ut te, cujus testimonium, propter turpitudinem vitæ sordesque domesticas, nullius momenti putaretur, tacitus dimitterem. Nemo enim horum aut ita te refutandum, ut gravem adversarium, aut ita rogandum, ut religiosum testem³, arbitrabatur. Sed fui paullo intemperantior⁴ fortasse quam debui: odio enim tui, in quo, etsi omnes, propter tuum in me scelus⁵, superare debeo, tamen ab omnibus pæne

L. 1. Si tua tantummodo. Oratorio artificio, quo magis invium iudicibus Vatiniū præbeat, cum ostendit, omnium odio læcessitum; ita fit ut quisque oratoris verbis commotus, dum hanc sententiam communem esse arbitratur, hunc quoque admittit, ne ab aliis discrepet.

2. Vehementer placebat. Quia Vatiniū testimonium, propter flagitia et domesticas sordes, contraherent.

3. Religiosum testem. Nam religionis opinionem adimebat turpiendo vitæ.

4. Intemperantior. Quia odio meo in te abreptus, non potui non interrogare te de omnibus flagitiis, ut manifestis deprehensum mendaciis, coram omni plebe refellerem.

5. Tuum in me scelus. Cum P. Clodio, qui sua lege Ciceronem ejecit, censensse Vatiniū, inf. ostenditur.

vincor, sic sum incitatus, ut, quum te non minus contemnerem, quam odissem, tamen vexatum potius, quam despectum, vellem dimittere. Quare, ne tibi hunc honorem a me haberi forte mirere, quod interrogem, quem nemo congressu, nemo aditu, nemo suffragio, nemo civitate, nemo luce dignum putet; nulla me ad id causa impulisset, nisi ut ferocitatem tuam istam comprimerem, et audaciam frangerem, et loquacitatem paucissimis interrogationibus irretitam retardarem. Etenim debuisti, Vatini, etiamsi falso venisses in suspicionem⁶ P. Sextio, tamen mihi ignoscere, si, in tanto hominis de me optime meriti⁷ periculo, et tempori ejus, et voluntati parere voluissem. Sed hesterno⁸ pro testimonio esse mentitum, quum affirmares, nullum tibi omnino cum Albinovano⁹ sermonem, non modo de Sextio accusando, sed ulla¹⁰ umquam de re fuisse, paullo ante imprudens indicasti: qui et T. Claudium¹¹ tecum communicasse, et a te consilium P. Sextii accusandi petisse, et Albinovanum, quem antea vix tibi notum esse dixisses, domum tuam venisse, multa tecum locutum dixeris; denique conciones P. Sextii¹² scriptas, quas neque nosset, neque reperire posset, te Albinovano dedisse, easque in hujus

6. *Venisses in suspicionem.* Etenim ut Vatinii testimonium infirmaret Sextius, dixerat cum Albinovano Vatinium consilia iniisse; sensus igitur sic est habendus: Si contra te iratus essem et infensissimus quod me ad id Sextius impulit, ignoscere nec mirari deberes, ut qui viro amicissimo mihi hoc concessissem; sed quum quæ de te sensit vera sint, quod tu quidem imprudens indicasti, ne indignabere quod te usque persequar.

7. *De me optime meriti.* Egregiam

Sextius tribunus pleb. in restituendo Cicerone operam navaverat.

8. *Hesterno.* Quod in Sextium recitavisti, quum de vi accusaretur.

9. *Albinovano.* M. Tullio Albinovano, qui Sextium accusavit.

10. *Alii, nulla.* J. V. L.

11. *T. Claudium.* Ignotus hic est. Sexti nomen sane deferre cogitaverat; sed consilium videtur abjecisse, aut Albinovano accusanti subscripsisse.

12. *Conciones P. Sextii.* Quas tribunus plebis habuerat.

judicio esse recitatas. In quorum altero es confessus, a te accusatores esse instructos et subornatos; in altero inconstantiam tuam, quum levitate, tum etiam perjurio¹³ implicatam, refellisti; quum, quem alienissimum a te esse dixisses, eum domi tuæ fuisse; quem prævaricatorem¹⁴ ab initio judicasses, ei te, quos rogasset, ad accusandum libros dixeris dedisse¹⁵.

II. Nimium es vehemens feroxque natura: non putas fas esse, verbum ex ore exire cujusquam, quod non jucundum et honorificum ad aures tuas¹ accedat. Venisti iratus² omnibus: quod ego, simul ac te adspexi, prius quam loqui cœpisti, quum ante Gellius³, nutricula seditiosorum omnium, testimonium diceret, sensi atque providi. Repente enim te, tamquam serpens e latibulis, oculis eminentibus, inflato collo⁴, tumidis cervicibus intulisti: ut mihi renovatus ille tuus in te^{5**} veterem meum amicum, sed tamen tuum familiarem, defenderim, quum in hac civitate oppugnatio soleat, qua tu nunc uteris, nonnumquam, defensio numquam vituperari. Sed quæro a te, cur C. Cornelium non defenderem. Num legem aliquam Cornelius contra auspicia tulerit⁶? num Æliam, num Fufiam legem

13. *Perjurio*. Jurati enim testimonium dicebant. Significatur quod jam supra dictum est, eum in hesterno testimonio esse mentitum. — *Refellisti*. Te ipse fraudis arguisti.

14. *Prævaricatorem*. Is est qui simul contra reum et pro reo agit.

15. *Dedisse*. Ut ex his concionibus illius accusandi materiamsumeret.

II. 1. *Alii, accidat*. J. V. L.

2. *Venisti iratus*. Testimonium scilicet contra Sextium dicturus.

3. *Gellius*. De eo in oratione pro Sextio jam antea verba fecit.

4. *Inflato collo*. Sæpius in strumas

Vatinii jocatur in hac oratione Cicero. Cujus facetias quasdam Quintil. Plut. et Macrob. servavere; quæ inter non omnia sale Attico condita videntur.

5. *Ille tuus in te*. Mendosus locus est; multa enim tempore exciderunt. Lambinus sic locum restituere conatus est: «ut mihi renovatus ille tuus tribunatus videretur; ac mihi primum objecisti, quod Cornelium, veterem amicum meum, sed tamen». Sed hæc omnia omnino sunt incerta. Turnebus hic in MS vacantem vidit totam paginam.

6. *Contra auspicia tulerit*. Hæc

neglexerit? num consuli vim attulerit? num armatis hominibus templum tenuerit? num intercessorem vi dejecerit? num religiones polluerit? ærarium exhausserit? rempublicam compilarit? Tua sunt, tua sunt hæc omnia. Cornelio ejusmodi nihil objectum est. Codicem legisse dicebatur⁷. Defendebatur, testibus collegis suis, non recitandi causa legisse, sed recognoscendi⁸. Constabat tamen, Cornelium concilium illo die dimisisse, intercessioni paruisse⁹. Tu vero, cui Cornelii defensio displicet, quam causam ad patronos tuos, aut quod os afferes¹⁰? quibus jam præscribis, quanto illis probro futurum sit, si te defenderint, quum tu mihi Cornelii defensionem in maledictis obijciendam putaris. Attamen hoc, Vatini, memento, paullo post istam defensionem meam, quam tu bonis viris displicuisse dicis, me, quum universi populi romani summa voluntate, tum optimi cujusque singulari studio, magnificentissime post hominum memoriam consulem factum, omniaque ea me pudenter vivendo consequutum esse, quæ tu impudenter vaticinando¹¹ sperare te sæpe dixisti.

omnia quæ Cornelium numquam fecisse profert, patrauerat Vatinius; unde gravior in eum est ironia. In memoriam hic est revocandum, quod de eo in precedenti oratione scripserit.

7. *Legisse dicebatur.* Multas leges Cornelius senatui infestissimas tolerat; quum vero omnes in eum exarderent, non eas proposuit: unam vero, quæ, ne quis per populum legibus solveretur, indicabat, in medium proferre non dubitavit. Obstitit Servilius Globulus tribunus plebis; quum vero scriba legem non legeret, quia intercesserat tribunus, ipse legem Cornelius recitavit. Quod ob factum

accusatus est, tamquam qui tribunatiam imminuerit potestatem.

8. *Recognoscendi.* Videndi an recte scripta esset.

9. *Intercessioni paruisse.* Quia concionem dimisit. Dum orationes quibus orator Cornelium defenderat omnino tempore exsisterant; fragmenta quedam tantum ab Asconio fuerunt servata.

10. *Quod os afferes.* Ut defendere te jure posse videantur.

11. *Vaticinando.* Alludit in Vatinii nomen, quod idem ferme ac vaticinari sonat; eamque deridet, quod se consulem fore jactitaverit, et ne suf-

III. Nam quod mihi discessum¹ objecisti meum, et quod horum², quibus ille dies acerbissimus fuit, qui idem tibi lætissimus, luctum et gemitum renovare voluisti: tantum tibi respondeo, me, quum tu, ceteræque reipublicæ pestes³, armorum causam quæreretis, et quum per meum nomen⁴ fortunas locupletium diripere, sanguinem principum civitatis exsorbere, crudelitatem vestram odiumque diuturnum, quod in bonos jam inveteratum habebatis, saturare cuperetis, scelus et furorem vestrum cedendo maluisse frangere, quam resistendo. Quare peto a te, ut mihi ignoscas⁵, Vatini, quum patriæ pepercerim, quam servaram; et, si ego te perditorem et vexatorem reipublicæ fero, tu me conservatorem et custodem feras. Deinde ejus viri discessum increpas, quem vides, omnium civium desiderio, ipsius denique reipublicæ luctu esse revocatum? At enim dixisti, non mea, sed reipublicæ causa homines de meo reditu laborasse. Quasi vero quisquam vir, excellenti animo in rempublicam ingressus, optabilius quidquam arbitretur, quam se a suis civibus reipublicæ causa⁶ diligere.

fragium quidem ex sua tribu tulerit. Ceterum postea consul a Cæsare cum Fufio Caleno factus est; ut quod spererat breve anni spatium adimpleret.

III. 1. *Discessum.* Quum iniquissima Clodii lege ab urbe pulsus discessit.

2. *Horum.* Judicum, et omnium qui bene de republica sentiebant.

3. *Ceteræ pestes.* Qualis Gabinus, Fiso, Clodius, ceterique omnes qui plebeculam ad seditiones concitabant.

4. *Per meum nomen.* Meo nomine præterito. Namque sperabatis fore, ut si legi non obtemperarem, arma con-

tra me caperentur, et ideo contra ceteros omnes qui causæ meæ patrociniū suscepissent: inde fuisset factum, ut omnes miscerentur gravissimo bello reipublicæ ordines, et in medio rerum eversarum tumultu, licuisset tibi ceterisque collegis tuis quæ Catilina parabat facinora exsequi.

5. *Ut mihi ignoscas.* Argute dictum. Veniam ab eo petit, quod, quum res peragi potuisset, nisi profectus fuisset, discessu suo spes omnes eorum pessumdederit.

6. *Reipublicæ causa diligere.* Fuit enim Cicero reipublicæ causa revocatus: nam quum P. Clodius Pompeio

Scilicet aspera mea natura; difficilis aditus⁷; gravis vultus; superba responsa; insolens vita⁸; nemo humanitatem meam, nemo consuetudinem, nemo consilium, nemo auxilium requirebat: cujus desiderio (ut hæc minima dicam) forum moestum, muta curia, omnia denique bonarum artium studia siluerunt. Sed nihil sit factum mea causa: omnia illa senatusconsulta, populi jussa, Italiæ totius, cunctarum societatum, collegiorum omnium⁹ decreta de me, reipublicæ causa esse facta fateamur. Quid ergo, homo imperitissime solidæ laudis, ac veræ dignitatis, præstantius mihi potuit accidere? quid optabilius ad immortalitatem gloriæ, atque ad memoriam mei nominis sempiternam, quam omnes hoc cives meos judicare, civitatis salutem cum mea unius salute esse conjunctam? Quod quidem ego tibi reddo tuum¹⁰. Nam, ut tu me carum esse dixisti senatui, populoque romano, non tam mea causa, quam reipublicæ: sic ego te, quamquam sis omni diritate atque immanitate teterrimus, tamen dico esse odio civitati¹¹, non tam tuo, quam reipublicæ nomine.

obsistere, ejusque acta vellet rescindere, Ciceronem arcesserunt, qui latius grassanti Clodio viam præcluderet.

7. *Difficilis aditus.* Quam faciles fuerint ad Ciceronem aditus inde patet, quod tempore omni quo Ciliciam administravit, domus janitorem non habebat; neque ipse cuiquam jacere in lecto conspectus est, sed a primo solis ortu stans aut ambulans, eos excipiebat, qui salutatum veniebant.

8. *Insolens vita.* Arrogantiæ plena.

9. *Collegiorum omnium.* Non dicuntur solum pontificum, magistratuum, augurum, sed et artificum collegia.

10. *Reddo tuum.* Par pari referam.

11. *Odio civitati.* Odium illud in Vatinius adeo grave erat, ut in proverbium postea traheretur. Catullus, XIV, 3, ait: « odissem te odio Vatiniano ». Cujus hostes Seneca scripsit numerosiores quam strumas ipsius esse. Macrobius, Saturn. II, 6, quoddam refert, quod odium illud fuisse gravissimum et omnibus commune confirmat. Vatinius lapidum mole injecta in eum pæne fuerat obrutus, quum ludos daret: itaque ab ædilibus impetravit, ut edicto sancirent, ne quis aliud quam mala in circum mitteret. Quæsitum iere quidam a Casellio juris peritissimo, num pinea mala mala quoque essent. Hic respon-

IV. Atque, ut aliquando ad te veniam, de me hoc sit extremum. Quid quisque nostrum de se ipse loquatur, non est sane, non est requirendum¹. Boni viri judicent: id est maximi momenti et ponderis. Duo sunt tempora², quibus nostrorum civium spectentur judicia de nobis: unum honoris, alterum salutis. Honos³ tali populi romani voluntate paucis est delatus, ac mihi; salus tanto studio⁴ civitatis nemini reddita. De te autem homines quid sentiant, in honore experti sumus⁵; in salute, exspectamus⁶. Sed tamen ne me cum his principibus civitatis, qui adsunt P. Sextio⁷, sed ut cum homine⁸ uno [non solum] impudentissimo atque infimo conferam: de te ipso, homine et arrogantissimo, et mihi inimicissimo, quæro, Vatini, utrum tandem putes, huic civitati, huic reipublicæ, huic urbi, his templis, ærario, curiæ, viris his, quos vides, horum bonis, fortunis, liberis, civibus ceteris, denique deorum immortalium delubris, auspiciis, religionibus, melius fuisse et præstabilius, me civem in hac civitate nasci, an te? Quum mihi hæc responderis, aut ita impudenter⁹, ut manus a te homines vix abstinere

dit esse, dummodo in Vatinium injicerentur.

IV. 1. *Non est requirendum.* Vatinius vituperaturus, se ipse corrigit orator, quod coactus fuerit in suas laudes excurrere.

2. *Duo sunt tempora.* Quum aut ad magistratus obtinendos ambimus populi suffragia, aut quum die dicta nobis ab accusatoribus in periculum capitis adducimur.

3. *Honos.* Panciasimos enim Italia universa, non prius tabella quam voce priorem consulem declaravit.

4. *Salus tanto studio.* Ne M. quidem Pompilio, Q. Metello, C. Mario salus est reddita tanto studio civitatis.

5. *Experti sumus.* Quum in quaestura postremus renuntiatus es, in ædilitate repulsam tulisti.

6. *Exspectamus.* Æmilium et Licinium nomen ejus deferre tum parati erant: et augurari videtur, ut in aliquam dignam sceleribus suis calamitatem Vatinius incidat.

7. Absunt verba hæc, « Sed tamen ne me Sextio », ab ed. Gruteri et multis vett. aliis. Addidere Lamb. et Græv. e MSS. Quos Ern. et Lall. sequuntur. J. V. L.

8. Alii, « et, ut te cum homine. » J. V. L.

9. *Ita impudenter.* Te mihi anteponendo.

possint, aut ita dolenter¹⁰, ut aliquando ista, quæ sunt inflata, rumpantur¹¹: tum memoriter respondeto ad ea, quæ de te ipso rogabo.

V. Atque¹ illud tenebricosissimum tempus ineuntis ætatis tuæ patiar latere². Licet impune per me parietes in adolescentia perfoderis, vicinos compilaris, matrem verberaris. Habeat hoc præmium tua indignitas, ut adolescentiæ turpitudine obscuritate et sordibus³ tuis obtegatur.

Quæsturam petisti cum P. Sextio⁴, quum hic nihil loqueretur, nisi quod agebat; tu de altero consulatu gerendo⁵ te diceres cogitare. Quæro abs te, teneasne memoria, quum P. Sextius quæstor sit cunctis suffragiis factus, tunc te vix, invitis omnibus, non populi beneficio, sed consulis, extremum⁶ adhæsisse? In eo magistratu, quum tibi magno clamore Aquaria provincia⁷ sorte obtigisset, missusne sis a consule Puteolos, ut inde aurum exportari argentumque prohiberes⁸? in eo negotio, quum te non custodem ad

10. *Aut ita dolenter.* Quum iracundum fieri res ipsa coget, satius fuisse reip. me civem quam te nasci.

11. *Rumpantur.* Propter vim doloris. Festive strumas significat potius quam nominat.

V. 1. *Atque.* Al. *At.* J. V. L.

2. *Patiar latere.* Quod tamen ad lucem protrahit, sed breviter, ut possit quæ publice gesta sunt reprehendere.

3. *Sordibus tuis.* Obscuro, paupere, et infami genere vivendi.

4. *Cum P. Sextio.* Quæstor ille C. Antonii fuit, collegæ Ciceronis in consulatu; ut in oratione pro ipso dictum est.

5. Ernest. putat legendum *petendo*; non enim tum de gerendo consulatu stultum hominem cogitasse.

Sed loquitur ὑπερβολικῶς. J. V. L.

6. *Extremum adhæsisse.* Postremum omnium fuisse renuntiatum. Erant autem lege Sullæ quæstores viginti, quum octo tantum antea fuissent. Consul vero quem designat orator, L. Julius Cæsar, aut C. Marius Figulus fuit, qui consules ante Ciceronem fuere. Obiter declarat orator aliquam a consule fraudem fuisse intexam, ut Vatinius eligeretur.

7. *Aquaria provincia.* Puteolis portus erat, ad quem mercatores e Græcia venientes appellere solebant; qui portui præficiebatur, is aquarum dicebatur esse sortitus provinciam. Clamores vero populus ob id tulit, quod quum nota esset Vatinii natura, præclaram inde fraudis exercendæ materiam haberet.

continendas, sed portitorem⁹ ad partiendas merces missum putares, quumque omnium domos, apothecas, naves, furacissime scrutarere, hominesque negotia gerentes iudicii iniquissimis irretires, mercatores e navi egredientes terreres, conscendentes morarere: teneasne memoria, tibi in conventu Puteolis manus esse allatas? ad me consulem Puteolanorum querelas esse delatas? Post quæsturam, exierisne legatus in ulteriorem Hispaniam, C. Cosconio¹⁰ proconsule? quum illud iter Hispaniense pedibus fere confici¹¹ soleat, aut, si quis navigare velit, certa sit ratio navigandi; venerisne in Sardiniam, atque inde in Africam? fuerisne, quod sine senatusconsulto tibi facere non licuit, in regno Hiempsalis¹²? fuerisne in regno Mastanesosi? venerisne ad fretum¹³ per Mauritaniam? quem scias umquam legatum Hispaniensem istis itineribus in illam provinciam pervenisse¹⁴?

Factus es tribunus plebis (quid enim te de Hispaniensibus flagitiis tuis, sordidissimisque furtis interrogem?): quæro abs te primum, quod genus improbitatis et sceleris in eo magistratu prætermiseris? Ac tibi jam inde præscribo, ne tuas sordes cum clarissimorum virorum spendore permisceas. Ego te quæcumque rogabo, de te ipso rogabo; neque te ex amplissimi viri¹⁵ dignitate, sed ex tuis tenebris ex-

8. *Prohiberes.* Cicerone in consulatu prohibuerat, ne argentum aut aurum exportaretur, merces mercibus commutari tantum permisisset.

9. *Vett. edd. partitorem.*

10. *Cosconio proconsule.* Qui postquam Cicerone consule prætor fuisset, missus est post præturam cum proconsulari potestate in Hispaniam. Hispania ulterior dicebatur, quæ citra Ebrum est posita.

11. *Pedibus fere confici soleat.* Usitatum hoc Ciceroni, quum terrestre iter vult significari.

12. *Regno Hiempsalis.* In Mauritania; quodnam vero fuerit Mastanesosi regnum haudquaquam mihi deprehendere contigit.

13. *Ad fretum.* Gaditanum scilicet.

14. *Alii, primum universo.* J.V.L.

15. *Amplissimi viri.* C. Cæsarem intelligit, quo consule tribunus pl.

traham¹⁶; omniaque mea tela sic in te conjicientur, ut nemo per tuum latus (quod soles dicere) saucietur: in tuis pulmonibus ac visceribus hærebunt.

VI. Et, quoniam omnium rerum magnarum a diis immortalibus principia ducuntur, volo ut mihi respondeas, tu, qui te Pythagoricum¹ soles dicere, et hominis doctissimi nomen tuis immanibus et barbaris moribus prætere; quæ te tanta pravitas mentis tenuerit, qui tantus furor, ut, quum inaudita ac nefaria sacra susceperis, quum inferiorum animas elicere, quum puerorum extis deos manes mactare² soleas; auspicia³, quibus hæc urbs condita est, quibus omnis respublica atque imperium tenetur, contempseris? initioque tribunatus tui senatui denuntiaris, tuis actionibus augurum responsa, atque ejus collegii arrogantiam impedimento non futuram? Secundum ea quæro, servarisne in eo fidem? num quando tibi moram attulerit, quo minus concilium⁴ advocares,

fuit Vatinius. Et quo melius furta omnia flagitiaque sua excusaret, jactitabat se, quæcumque egerat, impellente Cæsare egisse. Itaque cavet maxime orator, hic et infra; ut ita Vatinium reprehendat, ne Cæsarem offendant, Pompeii de se optime meriti socerum, prætereaque sibi hoc tempore amicissimum.

16. *Tenebris extraham.* Ex sordibus tuis te ad lucem producam; nulloque modo Cæsaris dignitatem attingam.

VI. 1. *Pythagoricum.* Superstitiosi erant Pythagorici; non vero ea admittebant quæ Vatinio exprobrat orator. Ceterum non rarum est videre homines scelestissimos superstitiose agere; Catilina Lentulusque illud exemplo suo confirmant.

2. *Manes mactare.* Placare, consu-

lere. Rarissime hoc sensu verbum illud præsumitur.

3. *Auspicia.* Vel augurum, vel magistratum: utrique enim auspicia habebant, sed magistratus impediendi tantum causa, augures etiam comprobandi: in quo illud est animadvertendum, servare de cælo, non de auguribus dici, sed de magistratibus: itaque quod sequitur, « Quod eo die scires de cælo esse servatum », de Bibulo dicitur tamquam consule, non tamquam augure: cum porro servasse de cælo, ut Vatinii Cæsariæque legibus obsisteret, ejusque auspicia contempta esse, docet Sætonius, et omnis historia: subjungitur et illud, tres tribunos plebis de cælo servantes, a Vatinio, tamquam privatos homines, esse contemptos.

4. *Concilium.* Populum non vocat,

legemque ferres, quod eo die scires de cælo esse servatum? Et, quoniam hic locus unus est⁵, quem tibi cum Cæsare communem esse dicas, sejungam te ab illo, non solum reipublicæ causa, verum etiam Cæsaris, ne qua ex tua summa indignitate labes illius dignitati adpersa videatur. Primum quæro, num tu senatui causam tuam permittas, quod facit⁶ Cæsar? deinde, quæ sit auctoritas ejus, qui se alterius facto, non suo defendat? deinde (erumpet enim aliquando ex me vera vox, et dicam sine cunctatione, quod sentio), si jam violentior⁷ aliqua in re C. Cæsar fuisset, si eum magnitudo contentionis, studium gloriæ, præstans animus, excellens nobilitas aliquo impulisset; quod in illo viro⁸ et tum ferendum esset, et maximis rebus, quas postea gessit, obliterandum; id tu tibi, furcifer, sumes, et Vatinii latronis ac sacrilegi vox audietur, hoc postulantis, ut idem sibi concedatur, quod Cæsari?

VII. Sic enim ex te quæro. Tribunus plebis fuisti: sejourne te a consule. Collegas habuisti viros fortes novem¹. Ex his tres erant, quos tu quotidie sciebas servare de cælo²; quos irridebas, quos privatos esse

sed concilium, quasi partem populi: patricios enim advocandi jus non habet tribunus pl. populum autem advocat, non concilium: quia licet ei pro summo imperio Quirites omnes advocare.

5. *Locus unus est.* Propter gestas Cæsarem inter et Bibulum inimicitias.

6. *Quod facit Cæsar.* Non recusare se Cæsar dixit, quominus ea quæ gesserat in consulatu a senatu judicaretur; quod et Pompeii et Pisonis opibus fretus fecerat.

7. *Violentior.* De diviso Campano agro Cæsarem tentat excusare. Qui-

bus de causis faciat, jam dictum est; ceterum nullo modo Cæsaris cum Bibulo collega contentiones possunt excusari; infamis enim ejus fuerat agendi ratio.

8. *Quod in illo viro.* Si quid enim violentius in consulatu Cæsar admisit, hoc res gestæ postea excusare debent.

VII. 1. *Viros fortes novem.* Quinque tantum a principio tribuni pl. fuerant constituti, sed postea, crescente republica, ad decem usque números eorum fuit proventus.

2. *Servare de cælo.* Non augures

dicebas³ : de quibus duos prætextatos sedentes⁴ vides ; te ædilitiam prætextam togam , quam frustra confeceras , vendidisse ; tertium scis , ex illo obsesso atque afflicto tribunatu , consularem auctoritatem⁵ hominem esse adolescentem consequutum . Reliqui sex fuerunt ; ex quibus partim plane tecum sentiebant , partim medium quemdam cursum tenebant : omnes habuerunt leges promulgatas ; in his multas meus necessarius , etiam de mea sententia , C. Cosconius , iudex noster ; quem , tu disrumperis , quum ædilitium vides . Volo uti mihi respondeas , num quis ex toto collegio legem sit ausus ferre⁶ , præter unum te ? Quæ tanta in te fuit audacia , quæ tanta vis , ut , quum novem tui collegæ sibi timendum esse duxerint , id unus tu , emersus e cœno , omnium facile omnibus rebus infimus , contemnendum , despiciendum , irridendum putares ? num quem post urbem conditam scias tribunum plebis egisse cum plebe , quum constaret servatum esse de cælo ? Simul etiam illud volo uti respondeas , quum , te tribuno plebis , esset etiam tum in republica lex Ælia et Fufia⁷ ; quæ leges sæpenumero tribunitios furores⁸ debilitarunt et represserunt ; quas

enim soli , sed tribuni quoque ac consules auspicia interrogabant.

3. *Privatos esse dicebas.* Ut leges nihilominus promulgare , eorumque obnuntiationes impune posset contemnere.

4. *Sedentes vides.* Non in tribunali ; nam qui magistratus gerebant , iudicia non poterant exercere , sed in senatu . Hi duo erant Domitius et Ancharius , qui præturam obtinebant.

5. *Consularem auctoritatem.* Tertius ille est C. Fannius , ut ex oratione pro Sexio Mquet . Quid vero signifi-

cent voces illæ *auctoritas consularis* , non bene compertum . Non certe dignitas erat consularis huic juveni concessa . Jus forsitan habebat sententiam ferendi cum viris consularibus ? vel quædam ei commissæ fuerant munia , quæ soli consules exercere poterant ?

6. *Ausus ferre.* Leges quidem proposuerunt ; sed renuntiata auspiorum religione , non recitaverunt .

7. *Lex Ælia et Fufia.* Quas postea infami rogatione sua Clodius e republica sustulit .

8. *Tribunitios furores.* Quum sæpe-

contra, præter te, nemo umquam est facere conatus (quæ quidem leges anno post, sedentibus⁹ in templo duobus non consulibus¹⁰, sed proditoribus hujus civitatis ac pestibus, una cum auspiciis, cum intercessionibus, cum omni jure publico conflagraverunt¹¹); ecquando dubitaris contra eas leges cum plebe agere, et concilium convocare? num quem ex tribunis plebis, quicumque seditiosi fuerint, tam audacem audieris fuisse, ut umquam contra legem Æliam aut Fufiam concilium advocaret?

VIII. Quæro illud etiam ex te, conatusne sis, voverisne, denique cogitaris (est enim res ejusmodi, ut, si tibi modo in mentem venit¹, nemo sit, qui te ullo cruciatu esse indignum putet), cogitarisne, in illo tuo intolerabili, non regno (nam cupis id audire), sed latrocinio², augur fieri in Q. Metelli³ locum? ut, quicumque te adspexisset, duplicem dolorem gemitumque susciperet, et ex desiderio clarissimi et fortissimi civis, et ex honore turpissimi atque improbissimi? adeone non labefactam rempublicam te tribuno, neque conquassatam civitatem⁴, sed captam hanc urbem atque eversam putaris⁵, ut augurem Vatinius ferre possemus? Hoc loco quæro, si, id quod concu-

numero tribuni plebis seditiosas leges ferre tentarent, lego Ælia et Fufia fuerat sancitum, ut ceterorum magistratum obnuntiatione consilium dimittere cogerentur.

9. Sic pr. Sextio, cap. 15. Alii tamen, *presidentibus*. J. V. L.

10. *Non consulibus*. Pisons et Gabinio.

11. *Conflagraverunt*. Velut incendio perire et sublatæ sunt.

VIII. 1. *Venit*. Malit Ernest. *venerit*. J. V. L.

2. *Sed latrocinio*. In illo tuo tribu-

nato, quo ærarium publicum exhausti, et ex summa inopia summas opes attigisti.

3. *Q. Metelli*. Quintus Metellus Celer fuit. Huic succedere in animo destinatum habebat Vatinius, quamquam ex tribunatus sui initio renuntiasset, augures non impedimento sibi futuros, ne leges suas ferret.

4. *Conquassatam civitatem*. Seditionum fluctibus conquassatam.

5. *Vulg. putares*, quod Ernest. prorsus alienum judicat. Lallum. tamen retinuit. J. V. L.

pieras, augur factus esses; in qua tua cogitatione nos, qui te oderamus, vix dolorem ferebamus⁶; illi autem, quibus eras in deliciis, vix risum tenebant⁷: sed quæro, si ad cetera vulnera, quibus putasti rempublicam deleri, hanc quoque mortiferam plagam inflixisses auguratus tui, utrum decreturus fueris id, quod augures omnes usque a Romulo decreverunt, Jove fulgente⁸, cum populo agi nefas esse, an, quia tu semper sic egisses, auspicia fueris augur dissoluturus⁹?

IX. Ac, ne diutius loquar de auguratu tuo; quod invitus facio, ut recorder ruinas reipublicæ (neque enim tu umquam, stante non modo majestate¹ horum, sed etiam urbe, te augurem fore putasti): verumtamen, ut somnia tua relinquam, ad scēlera² veniam; volo uti mihi respondeas: quum M. Bibulum consulem, non dicam bene de republica sentientem, ne tu mihi homo potens irascere³, qui ab eo dissensisti; sed hominem certe nusquam progredientem, nihil in republica molientem, tantum animo ab actionibus tuis dissentientem: quum eum tu consulem in vincla duceres, et a tabula Valeria⁴ collegæ tui mitti jube-

6. *Dolorem ferebamus.* Quod tuum propositum gravissimo nos angebat dolore, quum prælibaremus quot et quanta flagitia hanc novam tuam potestatem essent prosequutura.

7. *Vix risum tenebant.* Dementiam Vatini hoc maxime indicat, quod Cæsar et Pompeius qui ceptis favebant, ne risu abstinere quidem potuerint, quum ad id audaciæ eum provectum sentirent, ut auguratum, cui exercendo adeo impar erat, postularet.

8. *Jove fulgente.* H. e. quum falmen cælo erumperet.

9. *Augur dissoluturus.* Vatinius enim omnino præterita agendi ratione fuisset irretitus: nam quoniammodo auspiciorum curam habere potuisset, is qui auspicia palam et publice deridebat?

IX. 1. *Majestate horum.* Hoc est, civium qui circa tribunal illud sædent.

2. Ernest. conj. *facinora.*

3. *Homo potens irascere.* Non tam odium Vatini his verbis præoccupat, quam Cæsaris per quem hæc omnia fuerant patrata.

4. *Tabula Valeria.* Locus in foro, ubi convenire solebant tribuni plebis.

rent, fecerisne ante Rostra pontem, continuatis tribunalibus⁵, per quem consul populi romani moderatissimus et constantissimus, sublato auxilio, exclusis amicis, vi perditorum hominum incitata, turpissimo miserrimoque spectaculo, non in carcerem, sed ad supplicium et ad necem duceretur? Quæro, num quis ante te tam fuerit nefarius, qui id fecerit⁶? ut sciamus, utrum veterum facinorum sis imitator, an inventor novorum. Idemque tu quum his atque hujusmodi consiliis ac facinoribus, nomine C. Cæsaris, clementissimi atque optimi viri, scelere vero atque audacia tua, M. Bibulum⁷ foro, curia, templis, locis publicis omnibus expulisses, inclusum domi contineres; quumque non majestate imperii, non jure legum, sed januæ præsidio et parietum custodiis consulis vita tegetetur; miserisne viatorem, qui [M. Bibulum⁷] domo vi extraheret, ut, quod in privatis semper est servatum, id, te tribuno plebis, consuli domus exsilium esse non posset?

Simulque mihi respondeto tu, qui nos, qui de communi salute consentimus, tyrannos vocas, fuerisne non tribunus plebis, sed intolerandus ex cœno nescio

5. *Continuatis tribunalibus.* Et gradus templorum circa forum et tribunaia exemptilia erant. Hæc Vatinius conjunxit, ut per editum locum consulem in vincula duceret, ne quis ex collegis posset obsistere.

6. *Quæro, num quis a. te tam fuerit nefarius, qui id fecerit.* Non intelligit orator qui id fecerint; nam multi certe ante Vatinium tribuni plebis consules in vincula traxere; sed nemo hoc patrare ausus est, resistentibus collegis suis.

7. *M. Bibulum.* Consul ille cum Catone fuit conjunctissimus, et eadem

de republica sentiebat. Libertatis legum defensor acerrimus, semper legi agrariæ obstitit, qua Cæsar populi favorem captare conabatur. Tum vero tribunum plebis Vatinius Cæsar in Bibulum suscitavit. Obstitit constantissima audacia Bibulus; sed denique luto conspersus, multis plagis acceptis, in domum confugit, ibique per octo menses delituit. Lex quidem lata fuit invito Catone, quem correptum e concione Cæsar protrahi jussit. Mirandum certe est, quod post tot et tanta flagitia orator Cæsarem virum clementissimum atque optimum salutet,

qui, atque ex tenebris tyrannus? qui primum eam rempublicam, quæ auspiciis inventis constituta est, iisdem auspiciis sublatis, conarere evertere; deinde sanctissimas leges, Æliam et Fufiam dico, quæ in Gracchorum ferocitate, et in audacia Saturnini⁸, et in colluvione Drusi, et in contentione Sulpicii, et in cruore Cinnano, etiam inter Sullana arma vixerunt, solus conculcaris, ac pro nihilo putaris; qui consulem morti objeceris, inclusum obsederis, extrahere ex suis tectis conatus sis; qui in eo magistratu non modo emergeris ex mendicitate, sed etiam divitiis nos jam tuis terreas: fuerisne tanta crudelitate, ut delectos viros et principes civitatis tollere et delere tua rogatione⁹ conareris?

X. Quum L. Vettium, qui in senatu confessus esset, se cum telo fuisse, Cn. Pompeio, summo et clarissimo civi, suis manibus necem offerre¹ voluisse, in concionem produxeris, indicem in Rostris, in illo, inquam, augurato templo ac loco collocaris: quo, auctoritatis exquirendæ² causa, ceteri tribuni plebis principes ci-

8. *In audacia Saturnini.* Legem hic tulit agrariam, quamque legem aliam recitare conaretur, seditio plebis facta est, coactasque fuit in Capitolium confugere, ubi tegulis et lapidibus fuit oppressus. — Drusus legem tulit, qua Latinis civitatem, plebi agros, equitibus euriam, senatui judicia concederet. Consul vero legibus obsistenti ita collum in foro obtorsit, ut sanguis naribus efflueret. Sed immixto inter turbam percussore interfectus est. — P. Sulpicius quam leges ferret pernicioses, L. Sulla cum exercitu in urbem ingressus est. Quum cero Sulpicius in villa latuisset, indivio servi retractus et occisus est.

9. *Tua rogatione.* Expressimus

commentarium schollastæ Mediolanensis, quod quidem sic constat: « De hoc tempore loquuti sumus in oratione quæ hanc præcedit, L. Vettium, perditum hominem, instinctu Vatinii professum esse apud senatum, se indicaturam, plerosque nobilissimos viros de interficiendo Pompeio inisse conjurationem; id namque negotium sibi mandasse: hunc tamen Vettium in carcerem conjectum, atque ibi necatum, ipsis potissimum auctoribus, qui eum ad mendacium subornassent ». Similia dabit Dio, XXXVIII, 9.

X. 1. *Al. afferre.*

2. *Auctoritatis exquirende.* Consueverant enim tribuni plebis, quam

vitatis producere³ consueverunt, ibi tu indicem Vettium linguam et vocem suam sceleri et menti tuæ præbere voluisti, ut diceret [L. Vettius] in concione tua, rogatus a te, se auctores, et impulsores, et socios habuisse sceleris illius eos viros, quibus e civitate sublati, quod tu eo tempore moliebare, civitas stare non posset: M. Bibulum, cujus inclusione contentus non eras, interficere volueras, spoliaveras consulatu⁴, patria privare cupiebas; L. Lucullum, cujus tu rebus gestis⁵, quod ipse ad imperatorias laudes a puero videlicet spectaras, vehementius invidebas; C. Curionem, perpetuum hostem improborum omnium, auctorem publici consilii, libertate communi tuenda maxime liberum⁶, cum filio principe juventutis, cum republica conjunctiore etiam, quam ab illa ætate postulandum fuit, delere voluisti; L. Domitium⁷, cujus dignitas et splendor præstringebat, credo, oculos Vatinii, quem tu propter commune odium in bonos oderas, in posterum autem, propter omnium spem, quæ de illo est, atque erat, ante aliquanto timebas; L. Lentulum, hunc judicem nostrum, flaminem Martialem, quod erat eo tempore Gabinii tui competitor, ejusdem Vettii indicio opprimere voluisti;

legem ferebant, aliquem ex primis civitatis in concionem producere, quo major verbis ipsorum fides adhiberetur, et plus auctoritatis ad eorum leges accederet. Ita Clodius Pisonem consulem produxit, quum de Cicerone in exilium mittendo statueretur.

3. *Producere.* Non fas erat privatis rostra conscendere. Sed si ab aliquo producerentur magistrata, jus illud obtinebant.

4. *Spoliaveras consulatu.* Etenim quum cum coegisses domum confugere, ademeras omnem aliquid agendi po-

testatem. Cæsar semper se gessit in consulatu suo tamquam si ei non esset collega; itaque facete satis dicebant quidam: Consulibus Julio et Cæsare.

5. *Tu rebus gestis.* Quantus fuerit imperator L. Lucullus, Cicerone in Acad. IV, 1, et ceteri historici demonstrant.

6. *Maxime liberum.* Is est qui Cæsarem omnium mulierum virum, et omnium virorum mulierem vocabat.

7. *L. Domitium.* Athenobarbum, cujus prætura Cæsaris consulatum excepit.

qui si tum illam labem pestemque vicisset⁸, quod ei tuo scelere non licuit, respublica victa non esset; hujus etiam filium eodem indicio et crimine ad patris interitum aggregare voluisti; L. Paullum, qui tum quæstor Macedoniam obtinebat, quem civem? quem virum? qui duos nefarios⁹ patriæ proditores, domesticos hostes, legibus exterminarat, hominem ad conservandam rempublicam natum, in idem Vettii indicium, atque in eundem hunc numerum congregasti. Quid ego de me querar? qui etiam gratias tibi agere debeo, quod me ex fortissimorum civium numero sejungendum¹⁰ non putaris.

XI. Sed qui fuit ille tuus tantus furor¹, ut, quum jam Vettius ad arbitrium tuum perorasset, et civitatis lumina notasset, descendissetque de Rostris, eum repente revocares, colloquerere, populo romano vidente? deinde interrogares, ecquosnam alios posset nominare? inculcarisne², ut C. Pisonem, generum meum, nominaret; qui in summa copia optimorum adolescentium, pari continentia, virtute, pietate reliquit neminem³? itemque M. Laterensem, hominem dies atque noctes de laude et de republica cogitan-

8. *Illam labem pestemque vicisset.* Si rejecto Gabinio consul fieri potuisset, non oppressa fuisset, ut nunc est, respublica.

9. *Duos nefarios.* Qui sint isti perditi cives multi ignorant. Scholiastes indicat, Paullum in mente habuisse Cethegum et Catilinam accusare, anno antequam conjuratio a Cicerone deprehenderetur. Quod si verum est, fatendum est oratorem hyperbolice fuisse loquutum.

10. *Número sejungendum.* Non Ciceronem quidem Vettius nominavit, sed dixit consularem disertum,

vicinum consuli, sibi dixisse, Abalam Servilium aliquem, aut etiam Brutum, opus esse reperiri. Caesar fraudem illam omnino straxerat, sed non felicem, ut diximus, habuit exitum.

XI. 1. *Tantus furor.* Ita furore et amentia tua es abreptus, ut Vettio in aurem aliquid insurrans, indicares, teste populo, te consilii hujus non participem modo, sed et auctorem fuisse.

2. Ernest. mallet, *inculcaresque.*

3. *Reliquit neminem.* Supremum enim diem, dum Cicero exsularet, obierat.

tem? promulgarisne, impurissime et perditissime hostis, quæstionem⁴ de tot amplissimis et talibus viris, indicium⁵ Vettio, præmia amplissima? quibus rebus, omnium mortalium non voluntate, sed convicio repudiatis; fregerisne in carcere cervices⁶ ipsi illi Vettio, ne quod indicium corrupti indicii exstaret, ejusque sceleris in te ipsum quæstio flagitaretur?

Et, quoniam crebro usurpas, legem te de alternis consiliis⁷ rejiciendis tulisse, ut omnes intelligant, te ne recte quidem facere sine scelere potuisse, quæro, quum lex esset æqua promulgata initio magistratus, multas etiam alias tulisses, exspectarisne, dum C. Antonius reus fieret apud Cn. Lentulum⁸ Clodianum? et posteaquam ille est reus factus, statim tuleris [in eum], «qui tuam post legem reus factus esset:» ut homo consularis exclusus, miser, puncto temporis spoliaretur beneficio et æquitate legis tuæ? Dices, familiaritatem⁹ tibi fuisse cum Q. Maximo. Præclara defensio facinoris tui. Nam Maximi quidem summa laus est, sumptis inimicitiiis, suscepta causa, quæsitore consilioque delecto, commodiorem inimico suo conditionem rejectionis dare noluisse: nihilque Maximus fecit alienum aut sua virtute, aut illis viris clarissimis, Paul-

4. *Quæstionem.* Hoc erat legem promulgare, ut judicium extra ordinem constitueretur, cui quæstor certus cum consilio præficeretur.

5. *Multi olim, indici.* J. V. L.

6. *In carcere cervices.* Oppressus fuit enim Vettius in carcere, Cæsaris consilio, ne fraus pateret, et unde occideretur, posset deprehendi.

7. *De alternis consiliis.* Nulla fere Vatiniae hujus legis vestigia supersunt. Attamen eam sic fuisse constitutam arbitror: sanciebatur enim ut qui repetundarum accusatus fuisset,

ei alterna consilia, id est, judicium decuriam rejicere liceret. Hanc legem æquissimam promulgavit a magistratus principio; sed [quum impedire vellet, ne C. Antonius hujus beneficio frueretur, eam tantum tulit, postquam reus est factus.

8. Vel potius, ut quondam editi, «et Q. Claudium». J. V. L.

9. *Dices familiaritatem.* Quum C. Antonius a Q. Maximo accusaretur, dices te non tui ipsius moribus, sed amici voluntati paruisse¹, quum Antonium beneficio legis orbares.

lis, Maximis, Africanis¹⁰; quorum gloriam hujus virtute renovatam non modo speramus, verum etiam jam videmus. Tua fraus, tuum maleficio, tuum scelus illud est, te id, quod promulgasses misericordiæ nomine, ad crudelitatis tempus distulisse. Ac nunc quidem C. Antonius hac una re miseriam suam¹¹ consolatur, quod imagines patris et fratris sui, fratrisque filiam¹², non in familia, sed in carcere collocatas¹³ audire maluit, quam videre.

XII. Et quoniam pecunias aliorum despicias, de tuis divitiis intolerantissime gloriaris, volo uti mihi respondeas; fecerisne fœdera¹ tribunus plebis cum civitatibus, cum regibus, cum tetrarchis²? erogarisne pecunias ex ærario tuis legibus? eripuerisne partes³ illo tempore carissimas partim a Cæsare, partim a publicanis⁴? Quæ quum ita sint, quæro ex te, sisne ex

10. *Paullis, Maximis, Africanis.* A quibus originem ducit: a L. Emilio Paulo, qui de Macedonia devicta, Perseque rege capto triumphavit; qui filium Q. Fabio Maximo, Verrucosi filio, adoptandum dedit: a quo Paulli filio prognatus est hic Antonii accusator. A Q. Fabio Maximo, qui et patris, et avi, et sua virtute insignis, adoptavit, ut dixi, Paulli filium. Ab Africano minore, quia filius et ipse matris Paulli fuit, et ab Africani minoris filio est adoptatus.

11. *Miseriam suam.* Damnatus fuit Antonius, et in Cephalonie insulam commigravit, ubi novam urbem constituit.

12. *Fratris filiam.* P. Manutius putat eam esse Marci Antonii sororem, qui postea fuit triumvir. Hoc in animum sibi induxit, quod Vatinius ad Cæsari affinem jactitabat, a Julia sane Antonii matre.

13. *Gravissae* c. pr. edd. et MS Erf.

dedit collocatam. J. V. L. — Carcerem orator appellat Vatinii domum, flagitiis omnibus coinquinatam.

XII. 1. *Fecerisne fœdera.* Fœderati immunes erant: ita Vatinius accepta pecunia a stipendiariis populis, eos fœderatos esse lege sancivit. Quod quidem jus ad populum pertinebat.

2. *Cum tetrarchis.* Rem obiter quidem attingit, ne Cæsarem offendant, per quem hæc omnia acta erant; sed Vatinii avaritiam et fraudem incusat, qui pecuniam acceperat ab iis, ut eorum appellationem populi suffragiis curaret approbandam.

3. *Partes.* Munus, curationem, dispensationem ærarii, quæ ad Cæsarem consulem, qui de dividendo agro Campano legem tulerat, pertinebat. — *Carissimas.* Erat enim summa pecunie difficultas. — Ernest. suspicatus est aliquando *certissimas*. J. V. L.

4. *A publicanis.* Tota illa pecunie publicæ curatio, agris emendis assi-

pauperrimo dives factus illo ipso anno, quo lex lata est de pecuniis repetundis acerrima⁵? ut omnes intelligere possent, a te non modo nostra acta⁶ quos tyrannos vocas, sed etiam amicissimi tui legem esse contemptam. Apud quem tu etiam nos criminari soles, qui illi sumus amicissimi, quum tu ei contumeliosissime toties maledicas, quoties illi affinem te esse dicis.

Atque illud etiam scire ex te cupio, quo consilio, aut qua mente feceris, ut in epulo Q. Arrii⁷, familiaris mei, cum toga pulla⁸ accumberes? quem umquam videris? quem audieris? quo exemplo, quo more feceris? Dices, supplicationes⁹ te illas non probasse. Optime. Nullæ fuerint supplicationes. Videsne, me nihil de anni illius causa, nihil de eo, quod tibi cum summis viris¹⁰ commune esse videatur, sed de tuis propriis sceleribus ex te quærere? Nulla supplicatio fuerit: cedo, quis umquam cœnarit atratus? Ita enim illud epulum est funebre, ut munus sit funeris; epulæ quidem ipsæ, dignitatis.

XIII. Sed omitto epulum, populi romani festum diem¹, argento, veste, omni apparatu ornatuque vi-

gnata, aut Cæsaris esse debuit, qui legem agrariam tulit, aut publicanorum, quos idem Cæsar consul, petentes, ut induceretur locatio, quia nimium magno conduxissent, tertia mercedum parte lege lata relevaverat.

5. *Acerrima.* Lege sua Cæsar pœnas gravissimas irrogabat iis qui pecunias iniuste cepissent: at tu illo ipso anno quasi legem te deridere planius ostenderes, de paupere dives repente factus.

6. *A te non modo acta nostra.* Legem præsertim quam de ambitu tulimus. Vid. inf.

7. *Epulo Q. Arrii.* Ut memoriam patris celebraret.

8. *Toga pulla.* Nigra scilicet, quum ceteri accumberent albat.

9. *Supplicationes.* Quas Bibulus consul jusserat, ut obaisteret Cæsari legem agrariam ferenti. Diebus enim illis res tractare publicas nefas erat.

10. *Cum summis viris.* Cum Cæsare scilicet.

XIII. 1. *Festum diem.* Jure festivitatis meminit, ut pullam Vatini vestem objiciat, siquidem et in supplicationibus et diebus festis maxime candidis vestibus uti consueverant.

sendo : quis umquam in luctu domestico, quis in funere familiari coenavit cum toga pulla? cui de balneis exeunti, præter te, toga pulla umquam data est? quum tot hominum millia accumberent, quum ipse epuli dominus, Q. Arrius, albus esset; tu in templum Castoris² te cum C. Fidulo atrato ceterisque tuis furiis funestum intulisti. Quis tum non ingemuit? quis non doluit reipublicæ casum? quis sermo alius in illo epulo fuit, nisi, hanc tantam et tam gravem civitatem subjectam esse non modo furori, verum etiam irrisioni tuæ? Hunc tu morem ignorabas? numquam epulum videras? numquam puer aut adolescens inter³ coquos fueras? Fausti, adolescentis nobilissimi⁴, paullo ante exepulo magnificentissimo famem illam veterem⁵ tuam non expleras? Quem accumbere atratum videras⁶, dominum cum toga pulla, et ejus amicos ante convivium? Quæ te tanta tenuit amentia⁷, ut tu, nisi id fecisses, quod fas non fuit, nisi violasses templum Castoris, nomen epuli, oculos civium, morem veterem, ejus, qui te invitarat, auctoritatem, parum putares testificatum esse, supplicationes te illas non putare?

2. *In templum Castoris.* Senatores, magistratus, equitesque, in Castoris templo accumbebant; plebi vero mensæ in foro erant exstructæ.

3. *Inter coquos fueras.* Nonnulli, nescio qua immutandi prurigne, hic reponunt « inter cœvos », quæ vox nullum jam sensum habet.

4. *Adolescentis nobilissimi.* L. Sullæ filii, qui Faustus dicebatur, sicuti pater cognomine Felici fuerat appellatus.

5. *Veterem tuam.* Ad primam Vatinii pauperiem alludit, qui non ingluviem suam pascere posset, quum deficerent copiæ.

6. *Atratum videras.* Certe non

bene se locus ille habet: multi restituendum illum curavere: sensus tamen facile satis deprehenditur. Sic est enim intelligendum: Viderasne dominum epuli et ejus amicos cum toga pulla ante convivium, id est, qui cum toga pulla accumberet ante ora epulantis populi. Sic quidem P. Manutius, cui assentiendum arbitror.

7. *Tenuit amentia.* Non supplicationes illas improbare poteras, nisi dominum epuli, amicos ejus, totumque denique populum hoc tuo aspectu offenderes? Eo gravius, quod mali augurii hoc erat festa in die vestem pullam induere.

XIV. Quæro illud etiam ex te, quod privatus admisisti; in quo certe jam tibi dicere¹ non licebit, cum clarissimis viris causam tuam esse conjunctam: postulatusne sis lege Licinia et Junia²? edixeritne C. Memmius prætor³ ex ea lege, ut adesses die tricesimo? quum is dies venisset, fecerisne, quod in hac republica non modo factum ante numquam esset, sed in omni memoria sit omnino inauditum? appellarisne tribunos⁴ plebis, ne causam diceres? levius dixi; quamquam id ipsum esset et novum, et non ferendum: sed appellarisne nominatim pestem illius anni, furiam patriæ, tempestatem reipublicæ, Clodium? qui tamen quum jure, quum more, quum potestate judicium impedire non posset, rediit ad illam vim et furorem suum, ducemque se militibus tuis præbuit. In quo, ne quid a me dictum in te potius putes, quam abs te esse quæsitum⁵; nullum onus imponam mihi testimonii: quæ mihi brevi tempore ex eodem isto loco⁶ video esse dicenda, servabo; teque non arguam, sed, ut in ceteris rebus feci, rogabo. Quæro ex te, Vatini, num

XIV. 1. *Dicere non licebit.* Quia nunc illud ex te quæro, quod privatus admisisti, nullo suadente; nec jam facinora tua poteris cum Cæsare communicare: nam si quæ cum eo fuit tibi conjunctio, in tribunatu tantum fuit.

2. *Licinia et Junia.* Tulerunt hæc leges Licinius Murena, et D. Junius Silanus, gravissima poena in eos irrogata, qui non servato legitimo promulgationis tempore leges tulissent.

3. *C. Memmius prætor.* Cæsaris inimicus, de cujus etiam actis retulit ad senatum: is postea quum peteret consulatum, de ambitu damnatus, Athenas exsulatum abiit: exstant ad eum scriptæ epistolæ duæ primæ lib.

XIII ad Div. Alter fuit C. Memmius, qui Gabinium de repetundis, eoque damnato, C. Rabirium Postumum accusavit: de quo diximus in ea, quæ exstat, pro Postumo Ciceronis orat.

4. *Appellarisne tribunos.* Quod in provinciis tantum licebat, nec unquam fuerat in urbe admissum.

5. *Abs te quæsitum.* Ne si quid falso iracundius dixerit, injuriarum a Vatiniio accusetur, eum coget, ut sua ipse crimina consteatur. — *Nullum onus.* Non in te loquar ut testis, neque te arguam, sed te rogabo.

6. *Isto loco.* In hoc tribunali, ubi nunc verba facio. Minuitur accusatorem quam Paullus et Licinius Mancer in Vatinium parabant.

quis in hac civitate post urbem conditam tribunos plebis appellarit, ne causam diceret? num quis reus in tribunal sui quæstoris adscenderit, eumque vi deturbarit? subsellia dissiparit? urnas delegerit? eas denique omnes res in iudicio disturbando commiserit, quarum rerum causa iudicia sunt constituta⁸? sciasne tum fugisse Memmium? accusatores esse tuos de tuis tuorumque manibus ereptos? iudices quæstionum⁹ de proximis tribunalibus esse depulsos? in foro, luce, inspectante populo romano, quæstionem, magistratus, morem majorum, leges, iudices, scelerum pœnam esse sublatam? hæc omnia sciasne diligentia¹⁰ C. Memmii publicis tabulis esse notata atque testata? Atque illud etiam quæro, quum, posteaquam es postulatus, ex legatione redieris, ne quis te iudicia defugere arbitraretur; teque, quum tibi, utrum velles, liceret¹¹, dictitaris, causam dicere maluisse: qui consentaneum fuerit, quum legationis perfugio uti noluisse, appellatione¹² improbissima te ad auxilium nefarium confugisse?

XV. Et quoniam legationis tuæ facta mentio est, volo etiam audire de te, quo tandem senatusconsulto legatus sis? De gestu intelligo quid respondeas: tua lege¹, dicis. Esne igitur patriæ certissimus parricida?

7. *Urnas delegerit.* Sic MSS plures; sed quidam pauci, *deleverit*: utraque vox idem significat, nempe *iudicia* corrumpi, vel disturbari. Nam prætor iudices *urna* sortiebatur, et ipsi in *urnam* suffragia coniciebant. Hinc ap. Javen. gratia prætoris improba *urnam vincere* dicitur, quum contra jus valet; quum nomina iudicum et sententias fraus vel *urna deligenda* corrumpit, vel *delenda* penitus obliterat.

8. *Sunt constituta.* Nam legum violatione populus quoque violatur.

9. *Judices quæstionum.* Tantus

fuit ille tumultus, ut non modo iudices qui de tua causa agebant, sed et ceteri omnes qui in foro iudicia exercebant, fuerint a subselliis deturbati.

10. Hic, ut passim, lacuna erat, expleta primum in edit. Cratandri.

11. *Liceret.* Jure legationis: nam qui reipublicæ causa abesset, eum ne vocare in iudicium liceret, Memmia lege sancitum erat. Conf. Valer. Max. lib. III, cap. 7.

12. *Appellatione.* Quum Clodium ad deturbanda iudicia suscitavisti.

XV. 1. *Tua lege.* Inter leges Vati-

sperabasne² id, ut patres conscripti ex republica funditus tollerentur? ne hoc quidem senatui relinquebas, quod nemo umquam ademit, ut legati ex ejus ordinis auctoritate legarentur? adeone tibi sordidum consilium publicum visum est, adeo afflictus senatus, adeo misera et prostrata respublica, ut non nuntios pacis ac belli³, non curatores⁴, non interpretes, non bellici consilii auctores⁵, non ministros muneris provincialis senatus more majorum deligere posset? Eripueras senatui provinciæ decernendæ potestatem⁶, imperatoris deligendi judicium, ærarii dispensationem⁷: quæ numquam sibi populus romanus appetivit, qui numquam hæc a summi consilii gubernatione auferre conatus est. Age: factum est horum aliquid in aliis; raro: sed tamen factum est, ut populus deligeret imperatorem⁸. Quis legatos umquam audivit sine senatusconsulto? ante te nemo: post continuo⁹ fecit idem in duobus prodigiis¹⁰ reipublicæ Clodius: quo etiam

nū, quas invito senatu tulit, ea fuit, ut legatos non senatus, ut antea, sed populus eligeret.

2. Alii, *sperasne*.

3. *Pacis ac belli*. Legatos æpius bellum et pacem nuntiasse ex multis est compertum. Sed puto jus quoque fetialium eos habuisse.

4. Gulielm. conj. *oratores*.

5. *B. c. auctores*. Ad id enim a senatu mittebantur, ut eorum consiliis imperatores uterentur, quum bella tractarent.

6. *Provinciæ decernendæ potestatem*. Senatus quum grassantem latius Cæsaris ambitionem metneret, ei incultas terras et vias conficiendas in provinciam dederat; sed sua senatores spes fefellit; nam Vatinius legem tulit, qua Cæsari Illyria cum Cisalpina Gallia, et tribus legionibus decerneretur.

7. *Ærarii dispensationem*. Supra:

«eripuerisne pecunias ex ærario tuis legibus?» Eam pecuniam in emptionem agri Campani, lege Cæsaris, erogari oportebat: id pertinebat ad senatum: sed Vatinius, nulla senatus ratione habita, eam ipse, ex ærario sumptam, arbitrato suo administravit.

8. *Ut populus deligeret imperatorem*. Delegit populus Gabinia lege Pompeium imperatorem bello piratico, dissuadentibus optimatibus, ut ait Velleius: quum Trebellius quoque tribunus plebis intercedere conaretur: nam senatui promiserat, ut in Pediano legimus, moriturum se ante quam lex illa perferretur: eundem bello Mithridatico, Manilia lege, contra voluntatem optimatum populus delegit. Pintarchus, Appianus, Dio.

9. *Post continuo*. Anno sequenti.

10. *Duobus prodigiis*. In Pisone et

maiore es malo mactandus, quod non solum facto tuo, sed etiam exemplo rempublicam vulnerasti; neque tantum es improbus ipse, sed etiam alios docere voluisti.

Atque illud etiam audire a te cupio : quare, quum ego legem de ambitu ex senatusconsulto tulerim, sine vi tulerim, salvis auspiciis tulerim, salva lege Ælia et Fufia, tu eam esse legem non putes; præsertim quum ego legibus tuis, quoquo modo latæ sint, paream : quum mea lex dilucide vetet, BIENNIO, QUO QUIS PETAT, PETITURUSVE SIT, GLADIATORES DARE, NISI EX TESTAMENTO¹¹ PRÆSTITUTA DIE, quæ tanta in te sit amentia, ut in ipsa petitione gladiatores audeas dare? num quem putes illius tui certissimi gladiatoris¹² similem tribunum plebis posse reperiri, qui se interponat, quo minus reus mea lege fias?

Ob hasce omnes res, sciasne te severissimorum hominum, Sabinorum, fortissimorum virorum, Marsorum et Pelignorum, tribulium tuorum iudicio notatum, nec post Romam conditam, præter te, tribulem quemquam tribum Sergiam¹³ perdidisse?

XVI. Ac si hæc omnia contemnis ac despicias, quod ita tibi persuaseris, ut palam dictitas, te, diis hominibusque invitis, amore in te incredibili quodam C. Cæsaris, omnia quæ velis, consequuturum : ecquid audieris, ecquisnam tibi dixerit, C. Cæsarem nuper Aquileiæ, quum de quibusdam esset mentio facta, dixisse, C. Alfium præteritum¹ permoleste tulisse,

Gabinio coss. quibus et legatos et provincias lege sua Clodius dedit.

11. *Nisi ex testamento.* Nisi moriens aliquis testamento mandasset, uti certo quodam tempore gladiatores darentur : qua ratione hæcere in eo culpa non poterat; qui petens, aut

brevi petiturus magistratum, eos ex testamento daret.

12. *Certissimi gladiatoris.* Qui iudicia, te instigante, per vim sustulit.

13. *Tribum Sergiam.* Vatinii tribum.

XVI. 1. *C. Alfium præteritum.* In petitione præturæ repulsum hoc anno

quod in homine summam fidem probitatemque cognosset, graviterque etiam se ferre, prætorem aliquem esse factum, qui a suis rationibus dissensisset? tum quæsisse quemdam, de Vatiniio quemadmodum ferret; ipsum respondisse, Vatiniium in tribunatu gratis nihil fecisse; qui omnia in pecunia² posuisset, honore animo æquo carere debere. Quod si ipse, qui te, suæ dignitatis augendæ causa, periculo tuo, nullo suo delicto³, ferri præcipitem est facile passus, tamen te omni honore indignissimum iudicat; si te⁴ vicini, si affines, si tribules ita oderunt, ut repulsam tuam triumphum suum duxerint; si nemo adspicit, quin ingemiscat; nemo mentionem facit, quin exsecretur; si vitant, fugiunt, audire de te nolunt; quum viderunt, tamquam auspicium malum detestantur; si cognati respuunt, tribules exsecrantur, vicini metuunt, affines erubescunt, strumæ denique⁵ ab ore improbo demigrarunt, et aliis jam se locis collocarunt; si es odium publicum populi, senatus, universorum ho-

milis; sed paullo post, Appio Pulchro et Domitio Ahenobarbo coss. obtinuit.

2. *In pecunia posuisset.* Qui nihil nisi pecunia impulsus egisset, qui omnia quæ subiit pericula, non gratiæ aut reipublicæ causa, sed pecuniæ adisset, hunc tribunatus iacturam facile pensare posse, quum nummos congestos contempletur. Apparet inde quam contemnendus fuerit Vatinius, qui ab eo ipso qui eum ad flagitia sacritaverat, ne laudibus quidem dignaretur.

3. *Nullo suo delicto.* Cæsarem hic quoque, ut antea, excusat. Ideoque nullem in eo scelus agnoscit, ut non tam Vatiniium ad flagitia impulsisse, quam ea in suum commodum permi-

sisse videatur. — *Ferri præcipitem.* Quo te furor raperet, ut omnes patriæ leges totamque subverteres rempublicam.

4. *Si te vicini.* Ne scilicet, sicuti a prima ætate, domos eorum subvertas et compiles.

5. *Strumæ denique.* Vatiniî strumæ ex ore ad aliam corporis partem migraverant. Inde Cicero in acerbissima reprehensione jocandi locum cepit, quasi diceret strumas ipsas puduisse in ore impurissimo amplius habitare. Fatendum est iocos illos in Vatiniî strumas nobis omnino sordere. Sed ea ferebat romana licentia, quæ nobis vel legentibus movent stomachum, ut est, in ea contra Pisonem, et pro Sextio.

minum rusticanorum : quid est, quam ob rem præturam potius exoptes⁶, quam mortem? præsertim quum popularem te velis esse, neque ulla in re populo gratius facere⁷ possis.

Sed, ut aliquando audiamus, quam copiose mihi ad rogata respondeas, concludam jam interrogationem meam, teque in extremo pauca de ipsa causa⁸ rogabo.

XVII. Quæro, quæ tanta in te vanitas, tanta levitas fuerit, ut in hoc iudicio T. Annium¹ iisdem verbis laudares, quibus eum laudare et boni viri, et boni cives consueverunt, quum in eundem nuper, ab eadem illa teterrima furia² productus ad populum, cupidissime falsum testimonium dixeris³? An erit hæc optio et potestas tua, ut, quum Clodianas operas, et facinorosorum hominum et perditorum manum videris, Milonem dicas, id quod in concione dixisti, gladiatoribus et bestiariis obsedissem rempublicam; quum autem ad tales viros veneris, non audeas civem singulari virtute; fide, constantia, vituperare? Sed, quum T. Annium tantopere laudes, et clarissimo viro nonnullam laudatione tua labeculam adspergas (in illorum⁴ enim numero mavult T. Annius esse, qui a

6. *Potius exoptes.* Non hac in re morem oratori gessit Vatinius. Præturam ambiit, brevique Crassus et Pompeius cosa. eum Catoni anteponendum esse populo persuasere, quod is esset triumviris infestissimus.

7. *Gratius facere.* Eum jocatur, quod, quum populi gratiam ubique captaret, seque jactaret maxime popularem, mortem obire deberet, quod inde populo esset gratissimus, qui eam votis omnibus vocat.

8. *De ipsa causa.* De Sextii causa. Quamvis paullo inferius de Milone loquatur, hoc idem sonat, quia duo-

rum tribunorum causæ inter se omnino affines erant.

XVII. 1. *T. Annium.* In oratione pro Sextio narravit Milonem Clodio maxime Ciceronis reitui repugnantem obstitisse, eumque copias contra Clodii gladiatores eduxisse.

2. *Teterrima furia.* Clodio scilicet, sedulitatem hoc anno gerente.

3. *Testimonium dixeris.* Testatus eum bestiariis et gladiatoribus immisus, disturbasse comitia, quibus lex de reducta meo ferebatur.

4. *In illorum.* Quum te vident flagitiis omnibus coinquinatum, ma-

te vituperantur), verumtamen quæro, quum in re publica administranda T. Annio cum P. Sextio consiliorum omnium societas fuerit, id quod non solum bonorum, verum etiam improborum⁶ iudicio declaratum est; est enim reus uterque ob eandem causam, et eodem crimine; alter die dicta ab eo, quem tu unum improbiorem esse, quam te, nonnumquam⁶ soles confiteri; alter tuis consiliis, illo tamen adiuvante: quæro, qui possis eos, quos crimine conjungis⁷, testimonio disjungere.

Extremum illud est, quod mihi abs te responderi velim: quum multa in Albinovanum de prævaricatione⁸ diceres, dixerisne, nec tibi placuisse, nec oportuisse Sextium de vi reum fieri? quavis lege, quovis crimine accusandum potius fuisse? etiam illud dixeris, causam Milonis, fortissimi viri, conjunctam cum hoc existimari? quæ pro me⁹ a Sextio facta sint, bonis esse grata? Non coarguo inconstantiam orationis, ac testimonii tui. Quas enim hujus actiones probatas bonis esse dicis, in eas pluribus verbis testimonium dixisti: quicum autem ejus causam periculumque conjungis, eum summis laudibus extulisti. Sed hoc quæro, num P. Sextium, qua lege accusan-

vult a te vituperari; nam laudes tuæ videntur virtutem ejus corrumpere.

5. *Improbiorum.* Clodium et Albinovanum significat, qui Milonem de vi accusaverant.

6. *Nonnumquam.* Al. male, *numquam.* J. V. L.

7. *Crimine conjungis.* Quorum accusationem de vi omni ope tua adjuvas. — *Testimonio.* Quum Milonem celebres; Sextium vero accusare non desinas.

8. *De prævaricatione.* Prima Vatini

inconstantia, qui reprehenderit Albinovanum ut prævaricatorem, quum tamen Sextium diceret, non oportuisse de vi reum fieri: secunda in eo, Causam Milonis: tertia, Quæ pro me a Sextio facta sint: quarta, Dixerisne in eam testimonium de vi.

9. *Quæ pro me.* Sive quum tribunus designatus iter ad Cæsarem pro mea salute suscepit, sive quum accessit ad concionem, ubi de redditu meo agebatur, atque ubi pæne a Clodianis fuit oppressus.

164 M. T. CIC. ORATIO IN VATINIUM.

dum omnino fuisse negas, ea lege condemnari putes oportere? aut, si te in testimonio consuli nolis, ne quid tibi auctoritatis ¹⁰ a me tributum esse videatur, dixerisne in eum testimonium de vi, quem negaris reum omnino de vi fieri debuisse?

10. *Ne quid tibi auctoritatis.* Nemo consulitur, nisi cui aliquid tribuatur, ei vero, qui testimonium dicat, cur quidquam tribuat defensor ejus, in quem dicitur? Jocatur igitur Cícero, quum ait: Si te in testimonio consuli

nolis; quum ipse sit is, qui nolit eum consulere, ne quid auctoritatis ei tribuisse videatur. Aliquid omnino, quo concludatur interrogatio, videtur considerari; nam curtum illud et mancum omnino videtur.

M. TULLII CICERONIS
ORATIO
PRO M. COELIO

ARGUMENTUM.

Antequam argumentum hujus orationis exponamus, præmittendam duximus accuratam P. Manutii de vita Cœlii narrationem libro octavo Epistolarum Cicer. qua Cœlii epistolæ continentur præpositam.

« M. Cœlius Rufus, plebei generis, patre equite romano, Puteolis natus, sumpta virili toga, i. e. annum ingressus xvii, a patre continuo ad Ciceronem deductus est, nondum prætorium, sed eloquentia jam et prohibitæ opinione clarum, a quo etiam *lectissimus adolescens* appellatus est Verr. IV, 17. In illo ætatis flore quum artibus honestissimis erudiretur, M. Crassi domum frequentavit. Postea fuit assiduus cum Cicerone prætor; candidatumque assectatus est in petitione consulatus. Anno sequenti iterum petenti consulatum Catilinæ studuit. Tribunatum plebis gessit Pompeio tertium consule, anno Urb. 701 (quæstor fuerat anno U. 696), Milonemque ob necem P. Clodii de vi ream, studiosissime defendit. Qua de re conf. Cicer. orat. pro Milone, cap. 33; Brut. cap. 79. Nominant et Appianus (Bell. Civ. II, 22) et Dio (XLII, 45) tribunum plebis, quamquam apud utrumque mendose legitur Cæcilius (quod vitium in recentioribus edd. correctum est; ædilis curulis fuit (anno U. C. 703) L. Paullo et C. Marcello coss. (anno U. 704, cum M. Antonio, Q. Cassio et C. Curione ad Cæsarem in castra confugit, quem deinde sequutus est in Hispaniam), prætor C. Cæsare II et P. Servilio coss. (anno U. 705). Eloquentiæ in primis operam dedit, locumque inter summos oratores consequutus est. Itaque et auctor dial. de Oratoribus et Quintilianus inter eos oratores, qui novissimis reip. temporibus maxime floruerint Cælium referunt, sua cuique tributa laude, Ciceroni, Cæsari, Cœlio, Calvo, Bruto, Asinio, Messallæ. Cœlii tamen scripta paullo asperiora et antiquitatem redolere visa sunt. De quo sic auctor dial. de Oratoribus, cap. 18: « Ser. Galba et C. Carbo sunt horridi et impoliti, et rudes, et informes, et quos utinam imitatus non esset Calvus vester, aut Cœlius, aut ipse Cicero ». Et cap. 21: « Quid? ex Cœlianis orationibus? nempe hæc placent, in quibus

nitorem et altitudinem horum temporum agnoscimus. Sordes autem verborum, et hians compositio, et inconditi sensus redolent antiquitatem: nec quēquam adeo antiquarium puto, ut Coelium ex ea parte laudet qua antiquus est (*). It. c. 25: «Apud nos Cicero quidem ceteros eorumdem temporum disertos antecessit, Calvus autem, et Asinius, et Cæsar, et Cœlius, et Brutus suo jure, et prioribus et sequentibus anteponuntur; nec refert, quod inter se specie differant, quum genere consentiant. Adstrictior Calvus, numerosior Asinius, splendidior Cæsar, amarior Cœlius, gravior Brutus, vehementior et plenior et intentior Cicero, omnes tamen eandem sanitatem eloquentiæ ferunt. Quintilian. X, 1: «Multum ingenii in Cœlio et præcipue in accusando multa urbanitas, dignusque vir, cui et mens melior, et vita longior contigisset», Subjungit cap. 2: «Quid noceret vim Cæsaris, asperitatem Cœlii, diligentiam Pollionis, iudicium Calvi quibusdam in locis assumere?» Et lib. XI, cap. 1, Cœlii verba recitat ex oratione quam de vi reus pro se ipso habuit; de qua et Suetonius meminit in libro de clar. Rhetor. cap. 2, et Festus mentionem facit. Illa quoque notavimus apud eundem, lib. XII, cap. 10: «Vim Cæsaris, indolem Cœlii, subtilitatem Callidii, gravitatem Bruti, acumen Sulpicii, acerbiter Cassii, diligentiam Pollionis, dignitatem Messallæ, sanctitatem Calvi reperiemus». Sed audiamus Velleium, Hist. II, 68: «Dum, inquit, in acie Pharsalica, Africaque de summa rerum Cæsar dimicat, M. Cœlius vir eloquio animoque Curioni simillimus, sed in utroque perfectior, nec minus ingeniosè nequam». Plus tamen ei facultatis in accusando fuisse, quam in defendendo Quintil. ostendit, VI, 3, quum ait M. Coelium, quia melius objiceret crimina, quam defenderet, «bonam dextram, malam sinistram» appellari a Cicerone solitum esse, idque confirmat ipse Cicero his verbis in libro de claris Orator. cap. 79: «Ejus actionem et splendida, et grandis, et eadem in primis faceta et perurbana commendabat oratio. Graves ejus conciones aliquot fuerunt,

(*) Post hæc verba Manutius addit: «Orto civili bello quæstor in Africa fuit C. Curionis, ut apud Cæsarem lib. III de Bello civili, cap. 23, scriptum est». Verum hic Manutius confudit *Coelium* cum Marcio Rulo, anno Urb. 704 quæstore.

acres accusationes tres, eæque omnes ex reip. contentione susceptæ; defensiones etsi illa erant in eo meliora, quæ dixi, non contemnendæ tamen, saneque tolerabiles». Tres ejus accusationes, quas Cicero appellat, fuere prima in C. Antonium de majestate, qui consulatum cum Cicerone gesserat; secunda in Sempronium Atratinum de ambitu, et utramque significat Cicero in hac oratione, qua eum defendit, cap. 1 et 31; tertia, ut opinor, in C. Lælium, ut ex Quintiliani verbis, VI, 3, 39, mihi videor posse conjicere. Scripsit etiam concionem de aquis, quam Frontinus de Aquæduct. art. 76 nominat; eam fuisse non dubito contra aquarios et tabernarios; nam ipse, Epist. VIII, 6: «nisi ego, inquit, cum tabernariis et aquariis pugnam, veternus civitatem occupasset».

«Mores in eo minime cum ingenio conferendi. Iracundissimum appellat Seneca lib. III de Ira, cap. 8. Quintilianus ait l. I. «dignus vir cui mens melior... contigisset». Cicero Brut. «nec vero M. Coelium prætereundum arbitror, quæcumque ejus in exitu vel fortuna, vel mens fuit». Nequam et prodigum fuisse ex his Velleii verbis intelligitur: «Quum ne a diis quidem servari posset (quippe pejor illi res familiaris, quam mens erat), in prætura novarum tabularum auctor exstitit». Eodem pertinent illa Quintiliani, I, 6: «Hæc (etymologia) habet aliquando usum necessarium, quoties interpretatione res, de qua quæritur, eget; ut quum M. Coelius se esse hominem frugi vult probare, non quia abstinens sit (nam id ne mentiri quidem poterat), sed quia utilis multis, id est, fructuosus, unde dicta sit frugalitas». Impudicum et lascivum [fuisse, certe in utriusque vitii infamiam incurrisse] ostendit oratio Ciceronis. Saltandi artem diligenter didicit, ingenuis indecoram atque inhonestam; cf. Macrob. Saturn. II, 10. Inconstantis ingenii fuit. Primum tribunus plebis, quo anno P. Clodius a Milone occisus est, optimatum partes defendit. Qua de re sic Cicero in Bruto, cap. 79: «talis tribunus plebis fuit, ut nemo contra civium perditorum popularem turbulentamque dementiam a senatu et a bonorum causa steterit constantius». Mox ortis inter Cæsarem et Pompeium discordiis neutram in partem inclinare visus est. Id significat Cicero Epist. II, 15: «ipsa república, inquit, nihil mihi est carius; in qua tu non valde te jactas, districtus enim mihi

videris esse, quod et bonus civis et bonus amicus es ». Deinde mutata sententia Cæsaris ad partes transiit. Ex quo illud Ciceronis in Bruto : « Hic quum summa voluntate bonorum ædilis curulis factus esset, nescio quomodo discessu meo discessit a sese, ceciditque postea quam eos imitari cœpit, quos ipse perverterat ». Profectum ad Cæsarem cum C. Curione, ut eum ad bellum civile incitaret, scripsit Dio lib. XLI. Demum a Cæsare ipso descivit; idque quum ipse declarat Epp. Cic. VIII ult. tum vero Velleius his verbis : « Accito Annio Milone, qui non impetrato reditu Julianis partibus infestus erat, in urbe seditionem, aut magis occulte bellicum tumultum movens, primo summotus a republica, mox consularibus armis auctore senatu circa Turios oppressus est ». Cæsar autem planissime lib. III de Bell. Civ. cap. 20, 21 : « Iisdem temporibus Romæ M. Cœlius Rufus prætor, causa debitorum suscepta, initio magistratus tribunal suum juxta C. Trebonii, prætoris urbani, sellam collocavit; et si quis appellasset de æstimatione, et de solutionibus quæ per arbitrum fierent, ut Cæsar præsens constituerat, fore auxilio pollicebatur ». Ab hoc profectus initio, ne frustra ingressus turpem causam videretur, legem promulgavit, ut sex pensionibus sine usuris creditæ pecuniæ solvantur. Quum resisteret Servilius consul, reliquique magistratus, et minus opinione sua efficeret, ad hominum excitanda studia, sublata priore lege, duas promulgavit, « unam qua mercedes habitationum annuas conductoribus donavit; alteram tabularum novarum; impetuque multitudinis in C. Trebonium facto, et nonnullis vulneratis, eum de tribunali perturbavit. De quibus rebus Servilius consul ad senatum retulit; senatusque Cœlium ab republica removendum censuit. Hoc decreto eum consul senatu prohibuit, et concionari conantem de Rostris deduxit. Ille, ignominia et dolore permotus, palam se proficisci ad Cæsarem simulavit, clam nuntiis ad Milonem missis, qui, Clodio interfecto, eo nomine erat damnatus, atque eo in Italiam revocato, quod, magnis muneribus datis, gladiatoriae familiæ reliquias habebat, sibi conjunxit ».

« De obitu Cœlii sic idem Cæsar, c. 22 : « Cœlius, profectus, ut dictitabat, ad Cæsarem pervenit Turios. Ibi quum quosdam ejus municipii sollicitaret equitibusque Cæsaris Galliis atque Hispanis, qui eo præsidii causa miâsi erant, pecuniam pollice-

retur, ab iis est interfectus ». Conf. Dio lib. XLII; Epit. Liv. lib. CXL. • Hactenus Manutius.

Jam orationis pro Cœlio causam et argumentum exponemus.

L. Sempronium Atratinum patrem Cœlius de ambitu accusaverat. Ejus accusationis dolore incensus L. Atratinus filius, una cum L. Herennio Cosium lege Lutatia de vi reum fecit, quod a Clodia P. Clodii sorore aurum ex armario mutuum sumpsisset, quod L. Lucceii servis daret, per quos Dio Alexandrinus legatorum ab Alexandrinis Romam missorum princeps, qui tum apud Lucceium habitabat, necaretur; deinde quod ejusdem Clodiæ necandæ causa venenum parasset.

In exordio miratur ipsis diebus festis ludisque publicis Cœlium adolescentem illustri ingenio, industria, gratia, accusari ab ejus filio, quem ipse in judicium vocarit, et meretriciis opibus (Clodiæ) oppugnari, cap. 1.

Deinde primum respondet iis, quæ accusatores Cœlii deformandi causa, et detrahendæ dignitatis gratia dixerant. Primum objectus erat pater, quod aut parum splendidus ipse, aut parum pie tractatus a filio diceretur. Deinde objecerant, municipibus suis non esse Cœlium probatum. Utrumque refutatur cap. 2. Tum quod objectum erat de pudicitia, id Cicero maledictum esse ait, non accusationem, cap. 3. Porro accusatores Cœlio objecerant Catilinæ familiaritatem; itaque eum Cicero liberat a suspitione, qua credebatur Catilinariæ conjurationis particeps fuisse, cap. 4-6. Deinde respondet adversariorum reprehensionibus æris alieni et profusi sumptus, itemque semigrationis a patre, cap. 7, 8. Quo loco judices hortatur, ut caveant, ne tam iratis testibus credant, cap. 8, 9; simulque laudat Crassum, quod graviter et ornate etiam partem causæ tractaverit, quæ erat de seditionibus Neapolitanis, de Alexandrinorum pulsatione Puteolana, de bonis Pallæ, atque se velle ab eodem etiam de Dione dictum esse, cap. 10.

Jam convertitur oratio ad L. Herennium, qui multa de Cœlii incontinentia intemperantiaque ejusque deliciis disseruerat, et multis verbis Cicero Cœlium excusat, ita ut Clodiam simul perstringat, cap. 11-20.

Tum accedit ad crimina proprie sic dicta diluenda; in quo

refutat primum illud de auro a Clodia sumpto, cap. 21, 22; .
deinde de veneno, quod Caelium Clodiæ necandæ causa parasse
adversarii criminati erant, cap. 23-30.

Postremo petit a iudicibus, ut Caelium civem bonarum ar-
tium, bonarum partium, bonorum virorum reip. conservent,
spondetque eum numquam ab optimis in republica rationibus et
consiliis sejunctum fore, cap. 31, 32.

M. T. CICERONIS ORATIONES.

ORATIO PRO M. COELIO.

ORATIO QUARTA ET TRICESIMA.

I. **S**I quis, iudices, forte nunc adsit, ignarus legum, iudiciorum, consuetudinis nostræ, miretur profecto, quæ sit tanta atrocitas huiusce causæ, quod¹ diebus festis², ludisque publicis, omnibus negotiis forensibus intermissis, unum hoc iudicium exerceatur; nec dubitet, quin tanti facinoris reus arguatur, ut, eo neglecto, civitas stare non possit. Idem, quum audiat esse legem³, quæ de seditiosis consceleratisque civibus, qui armati senatum obsederint, magistratibus vim attulerint, rempublicam oppugnarint, quotidie quæri jubeat⁴; legem non improbet; crimen, quod

1. *Legitima ratio*, inquit Ernest. desiderat ut. Errare autem videtur vir doctus. J. V. L.

2. *Diebus festis*. Quibus inerant sacrificia, epulæ, ludi, seriæ.

3. *Esse legem*. Scil. Latatiam a Latatio Catalo latam anno U. cond. 675, ut seditionibus frenum injiceret.

4. *Quotidie quæri jubeat*. Non modo

quotidie, nulla festorum dierum, ludorumve publicorum ratione habita, sed etiam extra ordinem, id est, ante alias causas. Itaque Coellum accusavit Atratinus, ut patrem suum, qui a Coelio iterum in iudicium vocabatur, periculo liberaret. Sic accusasse M. Tuccium de vi Sempronius Rufus dicitur in epist. 8 lib. VIII, eo consilio, quod

versetur in iudicio, requirat. Quum audiat nullum facinus, nullam audaciam, nullam vim in iudicium vocari; sed adolescentem illustri ingenio⁵, industria, gratia, accusari ab ejus filio, quem ipse in iudicium et vocet, et vocarit; oppugnari autem hunc⁶ opibus meretriciis⁷; Atratini illius pietatem non reprehendat, muliebrem libidinem comprimendam putet; vos laboriosos⁸ existimet, quibus otiosis ne in communi quidem otio liceat esse. Etenim, si attendere diligenter, atque existimare vere de omni hac causa volueritis, sic constitueritis, iudices, nec descensurum quemquam ad hanc accusationem⁹ fuisse, cui, utrum vellet, liceret; nec, quum descendisset, quidquam habiturum spei fuisse, nisi alicujus¹⁰ intolerabili libidine, et nimis acerbo odio niteretur. Sed ego Atratino, humanissimo atque optimo adolescenti, meo necessario, ignosco, qui habet excusationem vel pietatis, vel necessitatis, vel ætatis. Si voluit accusare, pietati tribuo¹¹; si jussus est, necessitati; si speravit aliquid,

videbat, si extraordinarius nemo reus accessisset, sibi eo anno causam esse dicendam.

5. *Illustri ingenio.* Cujus cognita jam eloquentia erat ex accusatione et condemnatione C. Antonii, collegæ Ciceronis in consulatu.

6. *Al. habent hoc; al. neque hanc, neque illam vocem agnoscunt.* J. V. L. — *Maluit hunc* Ern. ex edd. Angelii, Naug. Camer. P. Manut. s. Gryphii retinere.

7. *Opibus meretriciis.* Clodium designat, P. Clodii sororem et Q. Metelli Celeris viduam, quæ hanc Cœlio accusationem confilerat, ut suam vindicaret injuriam. Cœlius enim illecebris ceperat; sed mox hujus illam pudit infamiae, et palam eam respuit.

8. *Vos laboriosos.* Id est, multis molestiis exercitos et vexatos.

9. *Descensurum...* ad hanc accusationem. Romani honestiores solebant in montibus habitare, unde descendebant in forum, curiam, campum, quæ loca in vallibus inter montes patebant. Sic usitatum fuit dicere: descendere in forum, in rostra, vel in aliis urbibus, ubi similis ratio non suberat. Hinc etiam ducta hæc, descendere ad accusationem.

10. *Nisi alicujus.* Ad Clodium spectat, quæ furens et rabida, se ad libidinem suam iudicia moderari posse existimabat.

11. *Pietati tribuo.* Qui patrem periculo eximere voluit. — *Si jussus est.* Scil. a patre.

pueritiæ¹². Ceteris non modo nihil ignoscendum, sed etiam acriter est resistendum.

II. Ac mihi quidem videtur, iudices, hic introitus defensionis adolescentiæ M. Coelii¹ maxime convenire, ut ad ea, quæ accusatores deformandi hujus² causa, detrahendæ spoliandæque dignitatis gratia dixerunt, primum respondeam. Objectus est pater varie, quod aut parum splendidus ipse, aut parum pie tractatus a filio diceretur. De dignitate, Coelius³ notis ac majoribus natus, etiam sine mea oratione, tacitus⁴, facile ipse respondet: quibus autem, propter senectutem, quod jam diu minus in foro nobiscum versatur, non æque est cognitus; hi sic habeant: quæcumque in equite romano dignitas esse possit, quæ certe potest esse maxima, eam semper in M. Coelio habitam⁵ esse summam, hodieque haberi⁶, non solum a suis, sed etiam ab omnibus, quibus potuerit aliqua de causa esse notus. Equitis autem romani esse filium, criminis loco poni ab accusatoribus, neque his judicantibus⁶ oportuit,

12. *Pueritiæ*. Ex pueritia jam excesserat, quum in foro, sumpta virili toga, versaretur. Sed ea voce utitur Cicero, experientiæ defectum significaturus. — *Ceteris*. Scil. accusatoribus.

II. 1. Multi codic. et palimpsest. Ambros. ap. Ang. Maium, pag. 53, habent passim *Coelii*, *Coelio*, etc. J. V. L.

2. *Quæ accusatores deformandi hujus causa*. Extra causam, cujus generis multa ab accusatoribus sæpius jactantur.

3. *Coelius*. Pater qui aderat. — *Notis*. Id est, qui illum noverunt. Sic in Verrem III: « Putabam non solum no-

tis, sed etiam ignotis probatam meam fidem esse ».

4. *Tacitus*. Id est, non dictis, sed vita egregie antea.

5. *Habitam esse summam, hodieque haberi*. Lambin. « habitam esse summam, summamque hodie haberi ».

6. *Criminis loco . . . his judicantibus*. Eo tempore, quo hæc habitata fuit oratio, equites, tribuni ærarii cum senatoribus judicabant, secundum legem a Lucio Cotta latam in primo Pompeii et Crassi consulatu, anno 683. Equitis igitur romani esse filium criminis loco poni non oportuit, his ipsis judicantibus equitibus; inepta erat contumelia.

neque defendentibus nobis⁷. Nam quod⁸ de pietate dixistis, est quidem ista nostra existimatio, sed iudicium⁹ certe parentis. Quid nos opinemur, audietis ex iuratis: quid parentes sentiant, lacrymæ matris, incredibilisque mœror, squalor patris, et hæc præsens mœstitia, quam cernitis, luctusque declarat.

Nam, quod est objectum, municipibus esse adolescentem non probatum suis: nemini umquam præsentī Puteolani¹⁰ majores honores habuerunt, quam absenti M. Coelio; quem et absentem in amplissimum ordinem¹¹ cooptarunt, et ea non petenti detulerunt, quæ multis petentibus denegarunt: iidemque nunc lectissimos viros, et nostri ordinis¹², et equites romanos cum legatione ad hoc¹³ iudicium, et cum gravissima atque ornatissima laudatione miserunt.

Videor mihi jecisse fundamenta defensionis meæ: quæ firmissima sunt, si nituntur¹⁴ iudicio suorum.

7. *Neque defendentibus nobis*. Ipse enim Cicero equitis romani erat filius.

8. *Nam quod de pietate*. Nota usum hujus particulæ in transitionibus frequentem. Proxime: « Nam quod objectum est de pudicitia in Vatinius: nam quod mihi discessum objecisti meum ». Et sic passim. Pietas in parentes tanti est Platoni, ut non minoris eam ducat quam cultum deorum, IX de Legg.

9. *Nostra existimatio, sed iudicium*. *Existimatio* est opinatio et conjectura; *iudicium* vero, sententia, quæ re cognita, pronuntiatur.

10. *Præsenti Puteolani*. Codd. al. habent partim, « præsentī prætori »; partim, « præsentī prætutiani »; partim, « præsentī Puteolani ».

11. *Amplissimum ordinem*. In cu-

riam; nam qui Romæ senatus, idem in municipiis curia dicebatur; inde decuriones.

12. *Et nostri ordinis*. Observandum senatores romanos, qui forte aliqua de causa in municipiis erant, unde orti fuerant, legatos decurionum decreto Romam mitti solitos.

13. *Cum legatione ad hoc iudicium*. De legationibus, quæ ad reorum commendationem auctoritate publica mitterentur, frequens apud oratorem mentio; ut pro Flacco: « adspiciant hunc florem legatorum, laudatorumque Flacci ex vera atque integra Græcia. Verrina ultima: « Dixit Hejus princeps civitatis, princeps istius legationis, quæ ad tui laudationem missa est », et alibi passim.

14. *Si nituntur*. Sic Gruterus ex

Neque enim vobis satis commendata hujus ætas esse posset, si non modo parenti, tali viro, verum etiam municipio tam illustri ac tam gravi displiceret. Equidem, ut ad me revertar, ab his fontibus ¹⁵ profluxi ad hominum famam, et meus hic forensis labor vitæque ratio dimanavit ad existimationem hominum paullo latius commendatione ac judicio meorum.

III. Nam, quod objectum est de pudicitia ¹, quodque omnium accusatorum non criminibus, sed vocibus maledictisque celebratum est, id numquam tam acerbè feret M. Coelius, ut eum poeniteat non deformem esse natum ². Sunt etenim ista maledicta per-vulgata in omnes, quorum in adolescentia forma et species fuit liberalis. Sed aliud est maledicere, aliud accusare. Accusatio crimen desiderat, rem ut definiat, hominem ³ ut notet, argumento probet, teste confirmet. Maledictio autem nihil habet propositi, præter contumeliam: quæ si petulantius jactatur, convicium ⁴; si facetius, urbanitas nominatur. Quam

sis codd. antea Naug. Camer. et Lambini codex ad marginem. Cod. Erfurt. et Barb. Romana, Ven. ambæ, Aldus, Manut. Car. Steph. ac Lamb. præbent nitantur.

15. *Ab his fontibus.* Id est, commendatione Arpinatium municipum. — *Profluxi.* Codices Memmiani habent *perfluxi* et *demanavit*.

III. 1. *De pudicitia.* Vulgatum est Juvenalis sat. X, 297: «rara est adeo concordia formæ Atque pudicitiae». Propert. lib. II, elegia 32, 26: «Semper formosis fabula pœna fuit».

2. *Non deformem esse natum.* Nobilem Etruriæ adolescentem, Spuriæ Valerius appellat lib. IV, cap. 5, ferunt, quum propter eximiam formæ dignitatem militum in se feminarum amores excitaret, faciem suam ad

obliterandam pulchritudinem vulneribus sauciassè.

3. *Hominem.* Hottomannus emendat *nomen*; P. Manutius, *nomine*. J. V. L.

4. *Petulantius jactatur, convicium.* Muretus legit *jaciatur*, cui assentitur Lambinus. Ovidius in Ibin, «Jactat et in toto verba canina foro». *Convicium.* Caius D. de injuriis et famos. libell. «Convicium injuriam esse Labeo ait: convicium autem dicitur vel a concitatione, vel a conventu, hoc est, a collatione vocum: quum enim in unum plures voces conferuntur, convicium appellatur; quasi convocium». Et aliquanto post: «Ex his apparet, non omne maledictum convicium esse, sed id solum, quod cum vociferatione dictum est».

quidem partem accusationis, admiratus sum et moleste tuli, potissimum esse Atratino datam: neque enim decebat, neque ætas illa postulabat, neque, id quod animadvertere poteratis, pudor patiebatur optimi adolescentis⁵, in tali illum oratione versari. Vellem aliquis ex vobis robustioribus hunc maledicendi locum suscepisset⁶: aliquanto liberius, et fortius, et magis more nostro refutaremus istam maledicendi licentiam. Tecum, Atratine, agam lenius⁷, quod et pudor tuus moderatur orationi meæ; et meum erga te parentemque tuum beneficium tueri debeo⁸. Illud tamen te esse admonitum volo: primum, qualis es, talem te esse existimes⁹; ut, quantum a rerum turpitudine abes¹⁰, tantum te a verborum libertate sejungas: deinde, ut ea in alterum ne dicas, quæ quum tibi falso responsa sint, erubescas¹¹. Quis est enim,

5. *Pudor... optimi adolescentis.* Lycon philosophus, ut est apud Laertium, dicebat «alligandam pueris verecundiam et honoris cupiditatem, ut equis stimulum et frenum».

6. *Locum suscepisset.* Lambinus ex omis MSSis cepisset. Pro Flacco, 33: «ornabat facile locum, quem prehendebat».

7. *Agam lenius.* Al. *lenius*. Quintilianus, XI, 1: «aliquando etiam inferioribus, præcipueque adolescentulis, parcere, aut mædri decet». Utilitur hac moderatione Cicero pro Cælio, contra Atratium, ut eam non inimice corripere, sed pæne patrie monere videatur. Nam et juvenis et nobilis, et non injusto dolore venerat ad accusandum.

8. *Beneficium tueri debeo.* Atratini patrem Cicero defenderat. Plautus Triummo, act. I, scen. 2: «Debemus benefacta benefactis pertere, ne perpluant».

9. *Talem te esse existimes.* Abest esse. Id est, nihil tua virtute, forma, ætate indignum facias, aut loquaris. Talis est illa Diogenis monitio apud Laertium: «Videns decorum juvenem indecore loquentem, non te pudet, inquit, ex eburnea vagina gladium plumbeum educere». Nec abludivit illud Plinii junioris epist. 3, ad Cæciliam Rufam: «Tu quomodo enitere, ut tibi ipse sis tanti, quanti videberis aliis, si tibi fueris». Nec longe abest Æschylus in Prometheus: Ὁμοῖα μορῇ γλῶσσά σου γνῶσται.

10. *Quantum a rerum turpitudine abes.* Isocrates ad Demonicum: «quæ facta turpia, ea nec dictu decora esse puta». Sophocles Oedipo Tyranno: «Quodcumque turpe est facere, nec fari licet».

11. *Quæ quum tibi falso responsa sint, erubescas.* Secunda Philippica, 9: «Quid enim est minus non dico oratoris, sed hominis, quam id obijcere

cui via ista non pateat? qui isti ætati atque etiam dignitati¹², non possit, quam velit petulanter, etiamsi sine ulla suspicione, at non sine argumento¹³, maledicere? Sed istarum partium culpa est eorum, qui te agere voluerunt: laus pudoris tui, quod ea te invitum dicere¹⁴ videbamus; ingenii, quod ornate politique dixisti.

IV. Verum ad istam omnem orationem brevis est defensio. Nam quoad ætas M. Coelii dare potuit isti suspitioni¹ locum, fuit primum ipsius² pudore, deinde etiam patris diligentia disciplinaque munita; qui, ut huic virilem togam dedit³: nihil hoc loco de me (tantum sit, quantum vos existimatis); hoc dicam, hunc a patre continuo ad me esse⁴ deductum:

adversario, quod ille si verbo negarit, non possit longius progredi, qui objecerit?

12. *Atque etiam dignitati.* Pulchritudo formæ in viris dignitas. Cicero primo de Officiis: « Quum autem pulchritudinis duo genera sint, quorum in altero venustas sit, in altero dignitas; venustatem muliebrem ducere debemus, dignitatem virilem ».

13. *At non sine argumento.* Doesse enim non potest quod in eos dicatur, quorum species et forma liberalis est.

14. *Invitum dicere.* Vide Ælianum lib. XIV varisæ historisæ, cap. 19, ubi de Archytæ modestia et pudore mentio est.

IV. 1. *Isti suspitioni locum.* Absit isti.

2. *Ipsius pudore.* Pudor quasi munus est firmissimum, quo pudicitia, ceteræque virtutes muniantur. Ideo Demetrius Phalerensis, in ejus vita apud Laertium, dicebat, « Juvenes oportere domi parentes revereri, in viis eos qui occurrerent, in solitudine se ipsos »—Adde pumiram omnis virtus pudore et

verecundia continetur, ut etiam bellicæ fortitudo ab ea pendere videatur. Ajax XV Iliados lib. vs. 561: « Este viri, comites, animoque adhibete pudorem, Mutua pugnantes vestri reverentia tangat, Permultis pudor esse solet via certa salutis ».

3. *Virilem togam dedit.* Toga virilis erat tota alba, ingenuorum autem puerorum et puellarum limbo purpureo circumdata. Anno ætatis XIV prætextam et bullam deponabant. Sic constitutum fuit legibus; quod tempus nefas erat prævenire, sed ad patris arbitratum differri poterat. Unde et nonnullos anno ætatis XVII togam virilem sumpsisse compertum est; quæ toga libera etiam dicebatur.

4. *Ad me esse deductum.* Id moris apud Romanos fuit, uti patres liberos sumpta virili toga bonis artibus imbuendos deducerent ad virum eximium. Cicero de Amicitia: « Ego autem a patre ita eram deductus ad Scævolum, sumpta virili toga, ut, quoad possem et liceret, ab ejus latere nunquam discederem ».

nemo hunc M. Coelium⁵ in illo ætatis flore vidit, nisi aut cum patre, aut mecum, aut in M. Crassi castissima domo, quum artibus honestissimis erudiretur.

Nam quod Catilinæ familiaritas⁶ objecta Cœlio est, longe ab ista suspitione abhorreere debet. Hoc enim adolescente scitis consulatum mecum petisse Catilinam: ad quem si accessit⁷, aut si a me discessit umquam (quamquam multi boni adolescentes illi homini nequam atque improbo studuerunt); tum existimetur Cœlius Catilinæ nimium familiaris fuisse. At enim postea scimus et vidimus, esse hunc in illius amicis. Quis negat? sed ego illud tempus ætatis, quod ipsum sua sponte infirmum, aliorum libidine infestum⁸ est, id hoc loco defendo⁹. Fuit assiduus mecum, prætor me: non noverat Catilinam. Africam tum prætor ille obtinebat¹⁰. Sequutus est annus.

5. *Nemo hunc M. Coelium*. Muretus, Lambinus et Aldus *M. Coelium* adjectivum censebant.

6. *Catilinæ familiaritas*. Quam perniciosa fuerit et inquinata Catilinæ familiaritas multis in locis Catilinar. ostenditur, præsertim II, cap. 10. Salustius tamen nonnihil addubitat: «Scio fuisse nonnullos, qui ita existimarent juventutem, quæ domum Catilinæ frequentabat, parum honeste pudicitiam habuisse, sed ex aliis rebus magis, quam quod cuicumque id compertum foret, hæc fama valebat».

7. *Ad quem si accessit*. Petentibus magistratum adolescentes se quam plurimi adjungere solebant, ut eos honoris causa adsectarentur. Liv. l. XXXV. P. Scipio et L. Flaminius candidati circumducunt fratres suos.

8. *Aliorum libidine infestum*. Vide Gellium lib. IX, c. 12. Sic pro Amer.

«filii vita infesta», et de Prov. «excursionibus Barbarorum infesta via».

9. *Id hoc loco defendo*. Id est, hanc a Cœlio criminationem avertio atque depello: quemadmodum dicimus hostes defendere, id est, depellere.

10. *Africam tum prætor ille obtinebat*. Pedianus in orat. in toga candida: «Catilina ex prætura Africam obtinuit, quam quum graviter vexasset, legati Afri in senatu jam tum absente illo questi sunt, multæque graves sententiæ in senatu de eo dictæ sunt». Item in eadem: «Ante annum quam hæc dicerentur, Catilina quum redisset ex Africa, Torquato et Cotta coss. accusatus est repetundarum a P. Clodio adolescente, qui postea inimicus fuit Ciceronis». Cicero ipse in epist. ad Atticum ait se Catilinæ patrocinio præcludere; sed tamen constat Ciceronem ejus causam non dixisse, cap. 6:

Causam de pecuniis repetundis Catilina dixit. Mecum erat hic: illi ne advocatus quidem¹¹ venit umquam. Deinceps fuit annus, quo ego consulatum petivi: petebat Catilina mecum. Numquam ad illum accessit; a me numquam recessit.

V. Tot igitur annos versatus in foro sine suspitione, sine infamia, studuit Catilinæ iterum¹ petenti. Quem ergo ad finem putas custodiendam illam ætatem fuisse? Nobis quidem olim annus erat unus ad cohibendum brachium toga² constitutus; et ut exercitatione ludoque campestri tunicati³ uteremur: eademque erat, si statim mereri stipendia cœperamus, castrensis ratio ac militaris. Qua in ætate, nisi qui se ipse sua gravitate et castimonia⁴, et quum disciplina domestica, tum etiam naturali quodam bono defenderat⁵; quoquo modo a suis custoditus

« me ipsum, me, inquam, quondam pene ille decepit, etc. »

11. *Illi ne advocatus quidem.* Advocatus, qui reo suam præsentiam commodabat. Pro Sulla: « Parens tuus, Torquate, consul reo de pecuniis repetundis Catilinæ fuit advocatus ».

V. 1. *Iterum petenti.* Bis enim consulatum petiit, et bis repulsam passus est Catilina.

2. *Ad cohibendum brachium toga.* Sic Seneca lib. Declam. V: « Apud patres nostros, qui forensia stipendia aspiciantur, nefas putabant brachium extra togam exerere ». Acceperunt hunc ritum Romani a Lacedæmoniis. Xenophon lib. de Republica Lacedæmoniorum: « Lycurgus volens in ipsis verecundiam altis inserere radicibus, et in via constituit eos manus veste cohibere, et cum silentio incedere, et nullam in partem circumspicere, sed oculos terræ habere defixos ».

Ceterum apud Persas hæc consuetudo etiam viguit, ut sive verecundiæ, sive reverentiæ causa brachium veste dimissa involverent.

3. *Ludoque campestri tunicati uteremur.* Viri nudi exercebantur, campestri tantum pudenda velati, sed tirones tunicam non ponebant, pariterque in castris tunicati se exercebant, si eodem illo primo anno militare cœpissent. Male igitur Ernest. et alii loco adjectivi substantivum usurpaverunt *campestre*; nempe homo *campestri vincetus*, et *tunicatus*, sibi invicem opponuntur, ut unum semper excludat alterum.

4. *Gravitate et castimonia.* Tertulianus: « aliquatenus pudicitia in sæculo morabitur, si natura præstruxerit, si disciplina persuaserit, si censura compresserit ».

5. *Defenderat.* Al. *defenderet.* Al. *defenderit.*

esset⁶, tamen infamiam veram effugere⁷ non poterat. Sed qui prima illa initia ætatis integra atque inviolata præstitisset; de ejus fama ac pudicitia, quum is jam se corroboravisset, ac vir inter viros esset, nemo loquebatur. Studuit Catilinæ, quum jam aliquot annos esset in foro, Coelius. Et multi hoc idem ex omni ordine, atque ex omni ætate fecerunt. Habuit enim ille, sicuti meminisse vos arbitror, permulta maximarum, non expressa signa, sed adumbrata virtutum⁸. Utebatur hominibus improbis multis: et quidem optimis se viris deditum esse simulabat. Erant apud illum illecebræ⁹ libidinum multæ; erant etiam industriæ quidam stimuli, ac laboris¹⁰. Flagrabant vitia libidinis apud illum; vigeabant etiam studia rei militaris. Neque ego umquam fuisse tale monstrum in terris ullum puto, tam ex contrariis diversisque inter se pugnantibus naturæ studiis cupiditatibusque conflatum¹¹.

VI. Quis clarioribus¹ viris quodam tempore ju-

6. *Custoditus esset.* Custodes dari solitos adolescentibus ad militiam euntibus, quibus primo anno regerentur, testantur plurimi. Unde illud Virgil. *Æn.* V, 546: «Custodem ad sese comitemque impubis Iuli Epytiden vocat». Hinc Plaut. in *Mostell.* I, 2, 48: «ad legionem quum itant... tum aliquem cognatum suum».

7. *Infamiam veram effugere.* *Foram*, id est, ortam ex vero: cui mendax opponitur apud Horatium, *Epist.* lib. I, 16, vs. 39; et apud ipsum Tullium *falsa infamia*, pro Cluent. cap. 3.

8. *Non expressa signa, sed adumbrata virtutum.* Sallust. cap. 5: «Animus audax, subdolanus, varius, cujuslibet rei simulator ac dissimulator».

9. *Erant apud illum illecebræ.* Vid. Sall. cap. 14.

10. *Industriæ quidam stimuli, ac laboris.* Corpus patiens inedia, vigiliæ, aliorum, supra quam cuiquam credibile est. Sallust. loc. cit.

11. *Conflatum.* Metaphora ab ære sumpta.

VI. 1. *Quis clarioribus.* Cornificius ad Horennium, lib. IV: «Expoliatio est, quum in eodem loco manemus, et aliud atque aliud dicere videmur; ea autem dupliciter fit, si aut eandem plane dicemus rem, aut de eadem re; eandem rem dicemus non eodem modo, nam id quidem obtundere auditorem est, non rem expolire, sed commutare, etc.» Quæ commutatio tam in verbis, quam in tractatione videri

cundior? quis turpioribus conjunctor? quis civis meliorum partium aliquando? quis tetrior hostis huic civitati? quis in voluptatibus inquinatio? quis in laboribus patientior? quis in rapacitate avarior? quis in largitione effusior? Illa vero, judices, in illo homine mirabilia fuerunt, comprehendere multos amicitia, tueri obsequio, cum omnibus communicare, quod habebat; servire temporibus suorum omnium pecunia, gratia, labore corporis, scelere etiam, si opus esset, et audacia²; versare suam naturam, et regere ad tempus³, atque huc et illuc torquere et flectere⁴; cum tristibus severe⁵, cum remissis jucunde, cum senibus graviter, cum juventute comiter, cum facinorosis audacter⁶, cum libidinis luxuriose vivere. Hac ille tam varia multiplicique natura, quum omnes omnibus ex terris homines improbos audacesque collegerat; tum etiam multos fortes viros et

liquidius non potest, quam si superiora posterioribus conferamus. Superioris familiaritatis improborum fecerat mentionem; hic posterius quod simpliciter dictum fuerat, per interrogationem explicatur.

2. *Et audacia.* Deest in MSSis copula, quam delet Lalleu. male; nam audacia opus est ad scelus patrandum. Sic pro Amerino, 10: « Consilium ceperunt plenum sceleris et audaciae »; pro Cluent. 8: « Oppianicus, ut erat singulari scelere et audacia ».

3. *Et regere ad tempus.* Gravius censet Cicero nem scripsisse, « et tegere ad tempus ». Tegebatur, ait, suam naturam; vivebat enim cum tristibus severe, cum senibus graviter, simulabat se optimarum partium civem esse, quam clarorum virorum amicitiam appetere.

4. *Torquere et flectere.* Mire toti

huic sententiae convenit cum Themistio in Basaniste, sive philosopho: « Atque ista quidem faciunt, praeter incredibilem solertia, identidem flectentes ac vertentes se, contrahentes, attollentesve supercilium, sicubi utilitas postulat, humiles ac dejecti, rursusque deos atque homines contemnentes ». Uterque autem ad mimos sive saltatores videtur alludere, qui se torquebant et flectebant, et totius corpora conformatione quosvis hominum mores exprimebant.

5. *Cum tristibus severe.* Juven. sat. III, v. 100, de Graeculis: « Natio comœda est; rides? majore cachianno Concutitur; flet, si lacrymas conspexit amici, Neo dolet: igniculum brumae si tempore poscas, Accipit endromiden; si dixeris, aestuo, sudat, etc. »

6. *Facinorosis audacter.* Al. *facinorosis audaciter.* J. V. L.

bonos specie quadam virtutis assimilatae tenebat. Neque umquam ex illo delendi hujus imperii tam consceleratus impetus exstisset, nisi tot vitiorum tanta immanitas quibusdam facilitatis et patientiae⁷ radicibus niteretur. Quare ista conditio⁸, judices, respuatur, nec Catilinæ familiaritatis crimen hæreat. Est enim commune cum multis, et cum quibusdam etiam bonis. Me ipsum, me⁹, inquam, quondam pæne ille decepit, quum et civis mihi bonus¹⁰, et optimi cujusque cupidus, et firmus amicus ac fidelis videretur; cujus ego facinora oculis prius, quam opinione, manibus ante, quam suspicione, deprehendi: cujus¹¹ in magnis catervis amicorum, si fuit etiam Cælius, magis est, ut ipse moleste ferat errasse se, sicuti nonnumquam in eodem homine me quoque erroris mei poenitet, quam ut istius amicitiae crimen reformidet.

VII. Itaque a maledictis¹ pudicitiae ad conjurationis

7. *Facilitatis et patientiae.* Lucianus in *Pseudomanti*: « Excogita et animo finge varium quoddam animæ temperamentum, et mendaciis, dolis, perjuriis, malis artibus conflatum, facile, audax, temerarium, laboris amans, ut quod animo destinaverit exsequatur; quod suadere quidvis facile possit, fide dignum inveniri, meliora fingere, ac simulare, et iis, quæ constituit, quam maxime contraria præ se ferre ».

8. *Quare ista conditio.* Quæ nempe omnibus adolescentibus Catilinæ amicis imponitur, quos iniquum foret ex amicitia illius in hanc infamiam turpitudinis, alio nullo argumento, vocari.

9. *Me ipsum, me.* Catilina redux ex Africa, de repetundis accusatus est, et Cicero in epist. ad Atticum significavit se in eo esse, ut pro Catilina ageret.

10. *Quum et civis mihi bonus.* To-

tum hunc locum expressit Porcius Latro decl. in *Catilinam*: « Vigent in illa clade res diversissimæ pariter, continentia et libido: nihil illo persæpe affixius ad colenda bonorum consortia; nihil solertius ad illis insidiandum; nihil illius munificentia insignius, nihil avidius rapacitate; nihil acutius consilio, nihil temeritate contemptibilius. Quæ quum ita sint, Cæpionem admirabimur in tantis viarum ambagibus erravisse? Me, me, inquam, fateor, judices, vetustissima quadam familiaritate Catilinæ conjunctum, persæpe deliravisse, miris perplexionibus illius, neque umquam certi quidquam in illo ingenio comprehendere potuisse, etc. »

11. Ernest. e conjectura, *hujus*. J. V. L.

VII. 1. *Itaque a maledictis.* Id est, posteaquam igitur advertistis vestrum de impudicitia maledictam nullius

invidiam oratio est vestra delapsa. Posuistis enim, atque id tamen titubanter et strictim², conjurationis hunc, propter amicitiam Catilinæ, participem fuisse: in quo non modo crimen non hærebat, sed vix disertis adolescentis cohærebat oratio. Qui enim tantus furor in Coelio? quod tantum aut in moribus naturaque³ vulnus, aut in re atque fortuna? ubi denique est in ista suspitione Coelii nomen auditum? Nimum multa de re minime dubia loquor; hoc tamen⁴ dico: non modo si socius conjurationis, sed nisi inimicissimus istius sceleris fuisset, numquam conjurationis accusatione adolescentiam⁵ suam potissimum commendare voluisset.

Quod, haud scio, an de ambitu, et de criminibus

esse momenti, cum in invidiam vocare, quasi conjurationis particeps fuisset, tentavistis.

2. *Id tamen titubanter et strictim.* Ut satis liqueret ex illa vestra titubatione vos non vobismetipsis conscios esse veri. Fabius lib. XII, cap. 1: « Prodit enim se, quamlibet custodiantur, simulatio, nec umquam tanta fuerit eloquendi facultas, ut non titubet ac hæreat, quoties ab animo verba dissentiant ».

3. *Aut in moribus naturaque.* Salustius agens de Catilina: « Ingenio malo pravoque »; en naturam. « Huic ab adolescentia bella intestina, cædes, rapinæ, discordia civilis grata fuere; ibique juventutem suam exercuit »; en mores. « Agitabatur magis magisque in dies animus ferox, inopia rei familiaris et conscientia scelerum »; en vulnus in re atque fortuna. Fieri enim non potest, ut de patriæ quisquam exitio cogitet, nisi vel moribus naturaque sit improbus, vel domesticis difficultatibus ad rerum novitatem impellatur.

4. *Hoc tamen dico.* Lambinus: *hoc tantum dico.*

5. *Conjurationis accusatione adolescentiam.* Coelius C. Antonium Ciceronis in consulatu collegam accusarat et peregerat. Vide infra cap. 30. Sanctus Hieronymus ad Augustinum rescribit: « Puerilis esse jactantiæ, quod olim adolescentuli facere consueverant, accusando illustres viros suo nomini famam quærere ». Sic Julius Cæsar adolescens, « composita seditione civili, Cornelium Dolabellam, consularem et triumphalem virum, repetundarum postulavit ». Sic eodem tempore Cicero C. Verrem ex Sicilia; sic aliquando post, ut testatur Asconius, Catilinam P. Clodius ex Africa de repetundis accusavit; Lucullus Serviliam angurem, de quo Plutarchus in ejus vita. Sic Marcus Cotta, ut ait Valerius l. V, cap. 4: « Eo ipso die, quo togam sumpsit virilem, protinus ut e Capitolio descendit, C. Carbonem, a quo pater ejus damnatus fuerat, postulavit, protractumque reum judicio affixit, et

istis sodalium⁶ ac sequestrium (quoniam huc incidi) similiter respondendum putem⁷. Numquam enim tam Coelius amens fuisset, ut, si se isto infinito ambitu commaculasset, ambitus alterum accusaret; neque ejus facti in altero suspicionem quæreret, cujus ipse sibi perpetuam licentiam optaret; nec, si sibi semel periculum ambitus subeundum putaret, ipse alterum iterum ambitus crimine arcesseret⁸. Quod quamquam nec sapienter, et me invito facit, tamen est ejusmodi cupidinis⁹, ut magis insectari alterius innocentiam, quam de se timide cogitare videatur.

Nam quod æs alienum objectum est, sumptus reprehensi, tabulæ flagitatæ: videte, quam pauca respondeam. Tabulas, qui in patris potestate est, nullas conficit¹⁰. Versuram numquam omnino fecit ullam¹¹. Sumptus unius generis objectus est, habitationis: triginta millibus¹² dixistis eum habitare.

ingenium, et adolescentiam præclaro opere auspicatus.

6. *Sodalium*. Eorum qui societatem cum ipso inierant, ut suffragia corrumpere. Lex Licinia lata est contra sodalitia, id est, coitiones quæ fiebant ad corrumpenda suffragia. — *Sequestrium*. Per sequestres vel corrumpendarum tribunum conductores intelligit, vel eos qui tamquam mediatores, ut sic loquar, se medios interponerent ad favorem populi et gratiam candidatis aucupandam, quod tamen crimini non fuisse constat, si a largitionibus abstinere; qualem Octavianum fuisse Antonio sequestrem tradit Appianus I Civilium.

7. *Similiter respondendum putem*. Id est, an eadem ratione diluendam putem illam partem accusationis, qua dictus est Coelius in petitione ædilitatis societatem cum quibusdam iniisse ad corrumpenda populi suffragia.

8. *Iterum ambitus crimine arcesseret*. Jam supra dictum est Coelium ambitus crimine L. Atratinum semel accusasse, eundemque absolutum iterum accusasse. Vide infra cap. 31.

9. *Al. habent cupiditatis, vel cupidus*; unde Weisk. emendat *cupidius ut magis*. Non feliciter. Ernest. verbum uncis incluserat. J. V. L.

10. *Tabulas... nullas conficit*. Potestas conficiendi tabulas filiisfamilias adempta fuisse videtur lege Lætoris, quæ filiumfamilias minorem viginti quinque annis quidquam omnino stipulari prohibebat. De qua lege Plautus in Pseudolo: « Perii, an non tum me lex perdit quina vicenaria? »

11. *Versuram numquam omnino fecit ullam*. Id est, nullam mutuum pecuniam accepit, ut debitum solveret.

12. *Triginta millibus*. Id est, 6, 150 fr. gallicæ.

Nunc demum intelligo¹³, P. Clodii insulam esse venalem, cujus hic in ædiculis habitat, decem, ut opinor, millibus¹⁴. Vos autem, dum illi placere vultis, ad tempus ei mendacium vestrum accommodavistis.

Reprehendistis, a patre quod semigrarit¹⁵. Quod quidem jam in hac ætate minime reprehendendum est. Qui quum et ex reipublicæ causa esset mihi quidem molestam, sibi tamen gloriosam, victoriam consequutus¹⁶, et per ætatem magistratus petere posset,

13. *Nunc demum intelligo.* Eleganter et lepide habitationis sumptuosæ crimen in Clodium Cœlii accensatorem retorquet, partim jocosa inficiatione crimen eludit; video, inquit, amplissimas illas ædes Clodii ad vicum undequaque pertinentes, venales esse, atque ut carias venderentur, vos subornatos fuisse ad mentiendum, dicendumque illarum ædium particulam a Cœlio xxx mill. conductam fuisse, quæ decem tantum millibus conductæ est. Qui enim illas ædes empturi sunt, totas ædes magno conducere posse arbitrabuntur, si earum particula tanto conductæ sit. — *Insulam esse.* Insula dicitur magna domus ex ædibus pluribus inter se junctis, et ab omni parte liberis, id est, quæ cum domibus vicinis pariete communi non conjunguntur. Qui totam insulam possidebat, ut hic Clodius, dicebatur dominus insulæ, ut apud Suetonium Jul. 41, et alibi. Qui vero habitabant in conductis ædibus appellabantur insulares et insularii.

14. *Decem.... millibus.* Gallice 2,050 fr.

15. *A patre quod semigrarit.* Romæ ita mos invaluerat, ut filiifamilias adultiores, quamvis splendide pater habitaret, et in laxis ædibus, semigrarent, tamquam paterna quantumvis

ampla domus capere non posset patrem et filium. Plutarchus in vitæ Sullæ initio: « Sulla non magnis opibus fuit innutritus. Quum adolevisset, in conducto habitavit non magna mercede, quam pro habitatione pendebat. » Hinc in epistolis ad Atticum commemorantur ædes in urbe conductæ filio M. Tullii, et item filio ejus fratris Q. Tullii, quum uterque factus esset adultior, quamvis nondum duxissent uxores.

16. *Sibi tamen gloriosam, victoriam consequutus.* Caium Antonium conjurationis accusaverat, et obtinuerat, ut ille vir consularis, a Cicerone defensus, exsilio plecteretur. Qui reorum damnationem obtinebant, ii palmas domum referebant. Martialis lib. VII, epigram. 27: « Sic fora mirentur, sic te palatia laudent. Excolat et geminas plurima palma fores ». Quia scilicet palmis, quas a forensi victoria retulerant, fores adornabant. Cornelius Gallus eleg. I: « Sæpe perorata percepi lite coronam, Et data sunt lingue præmia digna meæ ». Posterius hanc palmæ gloriolam in pecuniæ lucrum commutarunt specioso nomine *palmarii*. Vide Ulpianum Dig. de extraordin. cognit. lib. I, § 12. Gloriosa fortasse, quod statum exciterentur indices forensis victoriæ. Martialis: « Quam grave percussis incendibus æra

non modo permittente patre, sed etiam suadente, ab eo semigravit: et quum domus patris a foro longe abesset, quo facilius et nostras domos obire, et ipse a suis coli posset ¹⁷, conduxit in Palatio, non magno, domum.

Quo loco possum dicere id, quod vir clarissimus, M. Crassus, quum de adventu regis Ptolemæi querebatur, paullo ante dixit, « Utinam ne in ¹⁸ nemore « Pelio.... » ac longius quidem mihi contexere hoc « carmen liceret: « Nam numquam hera errans » hanc molestiam nobis exhiberet, « Medea animo ægra, amore sævo saucia.... » Sic enim, iudices, reperietis, quod, quum ad id loci venero, ostendam, hanc Palatinam Medeam ¹⁹, migrationemque ²⁰, huic adolescenti

resultant, Causidicum medio quum faber aptat equo ». Et sane claris oratoribus excitatas fuisse statuas compertum est. Vide Sidonium Apollinarem epist. 2, lib. VIII, ad Joannem. Has magnorum oratorum imagines majoris honoris causa invenio fuisse in ipsa curia collocatas. Vide Tacit. II Annalium de Hortensio, et mox de Cesare Germanico.

17. *Quo facilius.... a suis coli posset.* Ut mihi, Crasso, ceterisque suis patronis esset vicinior, et commodius ille suos patronos, sui que cum clientes salutatum accederent.

18. *Utinam ne in nemore.* Versus Ennii de Medæ tragædia, quibus nutritrix Medæ navem accusabat qua Argonautæ advecti fuerant. Crassus hos versiculos ad Ptolemæum regem Egypti detorserat; qui pulsus a suis civibus, Romam se contulerat, ut a senatu populoque romano restitueretur. Sic se habent: - Utinam ne in nemore Pelio securibus Cæsa cecidisset abiecta ad terram trabes; Neve

inde navis inchoandæ exordium Cæpisset, quæ nunc nominatur nomine Argo: qua vecti Argivi delecti viri Petebant illam pellem inauratam arietis Colchis, imperio regis Pelis, per dolum: Nam numquam hera errans mea, domo efferret pedem Medea, animo ægra, amore sævo saucia ». — *Nam numquam.* Transfert Cicero hos questus a Medæe nutrice ad Clodiam.

19. *Palatinam Medeam.* Scil. Clodiam in Palatio habitantem; quam festivo Cicero ita vocat, quia Coelium Atratinus accusator, ut in Fortunatiano legitur, pulchellum Jasonem appellaverat.

20. *Migrationemque.* Quod in Palatium migraverit conducta domo; inde enim vicinæ Clodiæ natus est amor, et post amorem illa mala, quamquam falsa, quæ nunc Coelio accusatores objiciunt. Quemadmodum poeta longe petita malorum causa, dixit: « Utinam ne in nemore »; sic orator potuit dicere: Utinam ne in Palatinam Coelius numquam migrasset!

causam sive malorum²¹ omnium, sive potius sermonum fuisse.

VIII. Quamobrem illa, quæ ex accusatorum oratione præmuniri jam et fingi intelligebam, fretus vestra prudentia, judices, non pertimesco. Aiebant enim, fore testem senatorem, qui se pontificiis comitiis² pulsatum a Coelio diceret. A quo quæram, si prodierit: primum cur statim nihil egerit²? deinde, si id queri, quam agere³ maluerit, cur productus a vobis potius, quam ipse per se? cur tanto post potius, quam continuo, queri maluerit? Si mihi ad hæc acute arguteque responderit; tum quæram denique, ex quo iste fonte⁴ senator emanet. Nam si ipse oriatur, et nascetur ex sese⁵; fortasse, ut soleo, commovebor. Sin autem, ut rivulus, arcessitus et ductus ab ipso capite accusationis⁶ vestræ; lætabor, quum tanta gratia⁷, tantisque opibus accusatio vestra nitatur, unum senatorem solum esse, qui vobis gratificari

21. *Causam sive malorum omnium, sive potius s. fuisse.* Ernest. deletio *sive*, ita locum constituendum putat, « causam malorum omnium, sive potius sermonum fuisse », ut ad Attic. VIII, 3: « hoc ab urbe discessu, sive potius turpissima fuga ». Et sæpe, ubi superius verbum, tamquam gravius, quam pro re, aut levius, posteriore corrigatur.

VIII. 1. *Pontificiis comitiis.* Sacerdotes lege Domitia creati sunt a populo tributis comitiis, antea creabantur a collegis. — *Pulsatum.* Id est, verberatum.

2. *Nihil egerit?* Cur Coelium de injuria non accusaverit?

3. *Quam agere.* Scil. quam jus suum actione experiri.

4. *Ex quo iste fonte.* Id est, suave sponte, an adversariorum precibus

adductus, ad testimonium dicendum accedat.

5. *Si ipse oriatur, et nascetur ex sese.* Metaphora ex fonte sumpta. Id est, si sponte accesserit, ut suam domtaxat injuriam persequatur. Videtur et ad istius senatoris obscuritatem et ad ipsum nomen *senatus*, videl. *ex se natus*, alludere; unde et fortasse Tiberius suum de Cartio Rufo, qui humili loco natus præturam adeptus est, jocum acceperit. « Quum hisce verbis Tiberius dedegus natalium velavisset, Curtius Rufus videtur mihi ex se natus ». Vide Tacit. lib. XI Annalium.

6. *Ab ipso capite accusationis.* Scil. a Clodia vel pretio, vel turpi consuetudine corruptus.

7. *Tanta gratia.* Clodie cum summo ejus probro. — *Tantisque opibus.* Propinquorum et amicorum ejus.

vellet, inventum. Nec tamen illud genus alterum nocturnorum testium⁸ pertimesco. Est enim dictum ab illis, fore qui dicerent, uxores suas, a cœna redeuntes, attrectatas esse⁹ a Cœlio. Graves erunt¹⁰ homines, qui hoc iurati dicere audebunt: quum sit his confitendum, numquam se, ne congressu quidem et constituto¹¹, coepisse de tantis injuriis experiri¹².

IX. Sed totum genus oppugnationis hujus, iudices, et jam prospicitis animis, et, quum inferetur¹, propulsare debebitis. Non enim ab iisdem accusatur M. Cœlius, a quibus oppugnatur. Palam in eum tela jaciuntur², clam subministrantur. Neque id ego dico, ut invidiosum sit in eos³, quibus gloriosum⁴ hoc etiam

8. *Nocturnorum testium.* Nocturnos testes appellat simul in eorum obscuritatem jocans, simul quod ad ea, quæ noctu dicebant contigisse, testanda accederent.

9. *Attrectatas esse.* Quantopere a mulieribus contrectandis abstinere, quantique criminis id duceretur, argumento est quod narrat Festus ex Verrio: « Matronæ a magistratibus non submovebantur, ne pulsari, contrectarive viderentur ». Valerius de Institutis antiquis, lib. II: « Quo matronale decus verecundiæ munimento tutius esset, in ius vocanti matronam, corpus ejus attingere non permiserunt, ut inviolata manus aliennæ tactu stola relinqueretur ».

10. *Graves erant homines.* Per ironiam. Graves scilicet erant homines, qui tantam a Cœlio illatam fuisse injuriam impune permiserint, idque iurati fateantur. — *Audebunt.* Al. *audeant.*

11. *Ne congressu quidem et constituto.* Moris fuit antequam in ius iretur, ut domi apud amicos communes expe-

rirentur, si forte sedari ab iis controversia posset.

12. *Experiri.* Est locutio in iudiciis usitata. Livius Decad. IV, lib. X: « Si quod seu ius, seu auxilium se habere, ad eos libros repetendos existimaret, experiretur ». Nota verba intra parietes. Livius lib. IV: « Quum res peragi intra parietes nequivisset, ventum in ius est ».

IX. 1. *Inferetur.* Metaphora sumpta a bello. Id est, quam in nos impetum facient.

2. *Palam in eum tela jaciuntur.* Aperte Atratinus, Herennius, Balbus in Cœlium accusationis tela contorquent. — *Clam subministrantur.* Scilicet a Clodia et fautoribus.

3. *Neque id... ut invidiosum sit in eos.* Id est, non arguo testium levitatem, ut in accusatores derivetur invidia.

4. *Gloriosum... esse debet.* Fortitudini et gloriæ vertebatur illustrissimos cives muneribus defunctos in ius vocare et accusationem prospere cedere.

esse debet. Funguntur officio⁵; defendunt suos; faciunt, quod viri fortissimi solent: læsi dolent, irati efferuntur, pugnant lacessiti. Sed vestræ sapientiæ tamen est, iudices, non, si causa justa est⁶ viris fortibus oppugnandi M. Coelium, ideo vobis quoque vos causam putare esse justam alieno dolori potius, quam vestræ fidei consulendi. Quæ sit multitudo in foro, quæ genera, quæ studia, quæ varietas hominum, videtis. Ex hac copia quam multos esse arbitramini, qui hominibus potentibus, gratiosis, disertis, quum aliquid eos velle arbitrentur, ultro se offerre soleant, operam navare, testimonium polliceri?? Hoc ex genere si qui se in hoc iudicium forte projecerint, excluditote eorum cupiditatem, iudices, sapientia vestra; ut eodem tempore et hujus saluti, et religioni vestræ⁸, et contra periculosissimas hominum potentias conditioni omnium⁹ civium providisse videamini. Equidem vos abducam¹⁰ a testibus: neque hujus ju-

5. *Funguntur officio.* Atratinus Coelium accusaverat, ut ab iterata patris sui accusatione, ad defensionem proprii capitis advocaret.

6. *Non, si causa justa est.* Id est, si officio et necessitati obtemperant in hac Coelii accusatione, ut Atratinum patrem periculo liberent, non ideo sequum est vos potius consulere dolori alieno, quam fidei vestræ et veritati, quia Coelius minime culpe proximus est.

7. *Testimonium polliceri?* Ad opprimendos calumniis et mendaciis innocentes. Promittimus rogati, pollicemur ultro. Planc. 42: « Nihil tibi ego tum de meis opibus pollicebar, sed horum erga me benivolentiam promittebam ». Ad Div. VII, 5: « Neque minus ei prolixè de tua voluntate promisi, quam eram solitus de mea polliceri ».

8. *Religioni vestræ.* Jurabant in leges iudices, ut obstricti religione judicarent. Frequenter autem solent oratores græci potissimum, concepti iurjurandi religionem iudicibus in memoriam revocare; ut Æschines contra Ctesiphontem, Demosthenes de Corona, contra Aristocratem, contra Timocratem, ubi tota iurjurandi formula exhibetur, item de falsa legatione, et alibi passim.

9. *Conditioni omnium.* Moris est oratoribus causam a rei persona ad rempublicam traducere, ut non uni solum homini, sed communi hominum utilitati consultum esse videatur.

10. *Equidem vos abducam.* Locus communis contra testes, quorum testimonia certa non sunt, sed facile mutari possunt, et ab eorum voluntate dependent, et pro ut vel lucri faciendi,

dicii veritatem, quæ mutari nullo modo potest, in voluntate testium collocari sinam; quæ facillime fingi, nullo negotio flecti ac detorqueri potest. Argumentis agemus¹¹; signis omni luce clarioribus crimina refellemus. Res cum re, causa cum causa, ratio cum ratione pugnabit.

X. Itaque illam partem¹ causæ facile patior graviter et ornate a M. Crasso esse peroratam, de seditiōnibus Neapolitanis, de Alexandrinorum pulsatione Puteolana, de bonis Pallæ. Vellem dictum esset ab eodem etiam de Dione: de quo ipso tamen quid est, quod exspectetis; quod is, qui fecit, aut non timet, aut etiam fatetur? Est enim reus², qui hujus dictus est et adjutor fuisse, et conscius, P. Ascitius. Is iudicio est liberatus. Quod igitur est hujusmodi crimen, ut, qui commisit, non neget; qui negavit, absolutus sit? id hic pertimescat, qui non modo a facto, verum

vel sumendæ ultionis spes, tamquam ventus adflaverit, eo facile deferuntur.

11. *Argumentis agemus; signis.* Cicero in partitionibus oratoriis, signa modo *proprias rerum notas* appellat, modo quædam *facti vestigia*. Demosthenes contra Androtonem: «Necesse est eos qui probant, aut argumentis niti, per quæ rei veritatem vobis declarent, aut conjecturas afferre, aut producere testes».

X. 1. *Itaque illam partem.* Multa fuerant Cœlio objecta crimina, quæ ad vim publicam pertinebant, et ideo die festo causam dicebat. Primum, quod Neapoli seditiones concitasset, vel saltem iis interfuisset. Alterum, quod, Ptolemæo favens, legatos Alexandrinos qui contra regem Romam proficisciebantur, pulsasset, sive trucidasset. Tertium crimen erat de bonis cujusdam Pallæ, quæ per vim aut fraudem inva-

sisse Cœlius dicebatur. Quartum crimen de Dione legationis Alexandrinæ principe, qui paullo post alios legatos, adjuvante, ut ferebatur, Cœlio, occisus est. His tribus criminibus M. Crassus responderat. Quartum Cicero diluit.

2. *Est enim reus.* Hæc lectio inconcinna et Tullio indigna videtur. Optimi Memmiani codices, et Gruteriani plerique, et ante hos Car. Stephanus: «Est enim rex; qui autem dictus est et adjutor fuisse, et conscius, P. Ascitius, is iudicio est liberatus». Apertus est probusque sensus: Est enim rex is qui fecit, atque idcirco neque negat, neque timet. Vocem autem diserte præbent editi veteres et codex ille optimus Car. Stephani. Eam confirmant MSSi Franc. et Barb. dum habent *ante*, quod ex ea voce solet oriri, ut docet Drakenborch. ad Livium, lib. XXVII, cap. 35.

etiam a conscientiae suspitione abfuit? et, si Ascitio causa plus profuit, quam nocuit invidia, huic oberit tuum maledictum, qui istius facti non modo suspitione, sed ne infamia quidem est adpersus? At pravaricatione est Ascitius liberatus³. Perfacile est isti loco respondere, mihi praesertim, a quo illa causa defensa est. Sed Coelius optimam causam Ascitii esse arbitratur; cujusmodi autem sit, a sua putat esse se junctam; neque solum Coelius, sed etiam adolescentes humanissimi et doctissimi, rectissimis studiis atque optimis artibus praediti, Titus Caiusque Coponii: qui ex omnibus maxime Dionis mortem doluerunt; qui quum doctrinae studio⁴ atque humanitatis, tum etiam hospitio Dionis tenebantur. Habebat is apud L. Lucceium, ut audistis⁵; fuerat ei cognitus Alexandriae. Quid aut hic, aut summo splendore praeditus, frater ejus, de M. Coelio existimet, ex ipsis, si producti erunt, audietis. Ergo haec removeantur, ut aliquando, in quibus causa nititur, ad ea veniamus.

XI. Animadverti enim, iudices, audiri a vobis meum familiarem, L. Herennium, perattente. In quo etsi magna ex parte ingenio ejus, et dicendi genere quodam tenebamini, tamen nonnumquam verebar, ne illa subtiliter ad criminandum inducta oratio ad ani-

3. *At pravaricatione est Ascitius liberatus.* Hunc Ascitii accusatorem, cui pravaricatio fuit objecta, Calvum illum oratorem celeberrimum fuisse constat ex auct. dial. de Orator. cap. 21, ubi haec leguntur: « Quotus enim quisque Calvi in Ascitium, aut in Drusum legit? »

4. *Doctrinae studio.* Philosophiae Academicæ, quæ Dio excelebat. — *Atque humanitatis.* Elegantiores literæ humanitatis nomine significantur; quod

earum studia ferros asperosque mores ad humanitatem et mansuetudinem traducant.

5. *Apud L. Lucceium, ut audistis.* Ad quem Ciceronis exstant epistolæ lib. V. Idem hic infra magna cum laude nominatur. Nota quemadmodum orator, qui tantopere adversariorum testes ab obscuritate, levitate, ignobilitate depressoerat, suorum testium a studiis, humanitate, splendore amplifiet dignitatem.

mos vestros sensim ac leniter accederet¹. Dixit enim multa de luxuria, multa de libidine, multa de vitiis juventutis, multa de moribus; et, qui in reliqua vita mitis esset, et in hac suavitate humanitatis, qua prope jam delectantur homines², versari perjucunde soleret, fuit in hac causa pertristis quidam patruus³, censor, magister. Objurgavit M. Coelium, sicut neminem umquam parens. Multa de incontinentia intemperantiaque disseruit. Quid quæritis, iudices? ignoscebam vobis attente audientibus, propterea quod egomet tam triste illud et tam asperum genus orationis horrebam.

Ac prima pars fuit illa, quæ me minus movebat, fuisse meo necessario Bestiæ⁴ Coelium familiarem, cœnasse apud eum, ventitasse domum, studuisse præturæ⁵. Non me hæc movent, quæ perspicue falsa sunt. Etenim eos una cœnasse dicit, qui aut absunt, aut quibus necesse⁶ est idem dicere. Neque vero il-

XI. 1. *Accederet*. Al. *accideret*. Male. Vulgata vetus hic multis placuit: «animos vestros sensim et leniter accenderet». Animum accendere, est motus animi excitare, atque impellere, facere quasi quadam admota, quod ab oratoribus maxime postulatur, dum præsertim accusant. Sic Sallust. Catil. 56, 10: «Scilicet quem res tanta, atque tam atrox non permovit, eum oratio accendit». Virgilius *Æn.* X, 368: «Nunc prece, nunc dictis virtutem accendit amaris». Et alibi passim.

2. Cod. Car. Steph. *omnes*, probantibus Weisk. et Garatonio. J. V. L.

3. *Pertristis quidam patruus*. Acres et asperi sunt objurgatores patrum: nam patris naturalis ille fallit amor, et ad mitiorem partem traducit. Horat. sat. 3, lib. II, vs. 87: «Sive ego prave,

Seu recte hoc volui, ne sis patruus mihi. . . »

4. *Necessario Bestiæ*. Qui de ambitu damnatus, a Cicerone defensus est. Vide epist. 3 ad Quint. fratrem, lib. II.

5. *Studuisse præturæ*. Coelium Bestiæ fautorem in petitione præturæ fuisse, et populi suffragia corrupisse.

6. *Qui aut absunt, aut quibus necesse est*. Hunc locum opinantur non vacare mendo. Ant. Augustinus emendavit: *nec esse ibidem liceret*. F. Ursin. hanc sequitur conjecturam. Aldus asteriscum his verbis adposuit. Abremius sic legendum putat: «Eos una cœnasse dicit, qui aut absunt, aut de quibus necesse est idem dicere». Ego vero textum *aut quibus necesse est* minime mutandum censeo.

lud me commovet, quod sibi in Lupercis⁷ sodalem esse Coelium dixit. Fera quædam sodalitas, et plane pastoritia, atque agrestis germanorum Lupercorum; quorum coitio illa silvestris ante est instituta, quam humanitas atque leges: siquidem non modo nomina deferunt inter se sodales, sed etiam commemorant sodalitatem in accusando⁸, ut ne, si quis id forte nesciat, timere videatur. Sed hæc omittam: ad illa, quæ me magis moverunt, respondebo.

Deliciarum objurgatio fuit longa, et ea lenior, plusque disputationis habuit⁹, quam atrocitatis: quo etiam audita est attentius. Nam P. Clodius, amicus meus¹⁰, quum se gravissime vehementissimeque jactaret, et omnia inflammatus ageret tristissimis verbis, voce maxima¹¹: tametsi probabam ejus eloquentiam, tamen non pertimescebam. Aliquot enim in

7. *In Lupercis sodalem.* Lupercalia erant dies februario mense festi Pani Lyceo, de quibus Philippica II. Nudi et deturpati, subligaculisque subcineti per urbem vagabantur, bacchantes. Varro, Plinius, Servius. Hoc loco dubium est quid intelligat. Hæc est fortasse oratoris sententia, ut Coelius Herennio diem dixerit, de quo Herennius fuerat conquestus, tantam videlicet Coelii inhumanitatem fuisse, ut ipsum Coelius licet in Lupercis sodalem non dubitavit ad judicem arcescere. Non me movet, inquit Marcus Tullius, hæc in Coelium objectio, licet enim sodales aliorum sacerdotiorum sibi invicem non soleant lites intendere, tamen veri, germanique Luperci his humanitatis legibus haudquaquam adstricti sunt, quum Lupercalia sacra, antequam aut humanitas, aut leges essent, fuerint instituta, tantumque abest ut Luperci se ad has humanitatis

leges obligatos putent, ut potius, quum suis sodalibus diem dicunt, de sodalitate illa gloriantur. Plutarchus in Romulo: « Nomen festi illud est quod Græci dicunt Lyææa, videturque festus antiquissimus ab iis Arcadibus institutus, qui cum Evandro venerunt ».

8. Optime correxit Abramius, « ut, ne quis id forte nesciat, timere videantur ». J. V. L.

9. *Plusque disputationis habuit.* Id est, diutius in disputando, et probando, quam in insectando versata est, ut ad philosophicæ disputationis formam accederet.

10. *Nam P. Clodius, amicus meus.* Ironice. Clodius ex accusatoribus Coelii unus fuit, quem Cicero sic contempsit, ut ne responsione quidem dignum existimet.

11. *Voce maxima.* Plutarchus oratores magno clamore vociferantes irridens, eos dicebat imbecillitatis suæ

causis eum videram frustra litigantem¹². Tibi autem, Balbe, respondeo¹³: primum precario¹⁴, si licet, si fas est defendi a me eum, qui nullum convivium renuerit, qui unguenta snmpserit, qui Baias viderit¹⁵.

XII. Equidem multos¹ et vidi in hac civitate, et audiui, non modo qui primoribus labris² gustassent genus hoc vitæ, et extremis, ut dicitur, digitis attigissent, sed qui totam adolescentiam voluptatibus dedissent, emersisse³ aliquando, et se ad frugem bonam, ut dicitur, recepissee, gravesque homines atque illustres fuisse. Datur enim concessu omnium huic aliquis ludus ætati⁴, et ipsa natura profundit adolescentiæ cupiditates: quæ si ita erumpunt, ut nullius vitam labefactent, nullius domum evertant, faciles et tolerabiles⁵ haberi solent. Sed tu mihi vide-

conscios ad clamores, ut claudos in equum insilire.

12. *Frustra litigantem*. Clodium aliquoties causa cecidisse, immo et calumniæ prævaricationisque fuisse damnatum, videtur latenter objicere, ut eum alibi prævaricatorem Catilinæ nominavit.

13. *Respondeo*. Alii, *respondebo*. J. V. L.

14. *Precario*. Id est, bona tua venis. Lepide a Balbo veniam petit defendendi Cœlii, qui convivii interfuisse dicebatur, quum illis Baianis deliciis interesset.

15. *Baias viderit*. Id ipsum Clodius objecerat Ciceroni lib. I, epist. ad Atticum 13: «Surgit pulchellus puer, objicit mihi me ad Baias fuisse. Falsum: sed tamen quid huic simile est, inquam? quasi in operto dicas fuisse». Strabo lib. V Geographiæ: «Baie, et aquæ tepentes ad luxum et morborum curationem idoneæ».

XII. 1. *Equidem multos et vidi*

in hac civitate. Vide infra cap. 18.

2. *Primoribus labris gustassent*. Philo de nobilitate, ipso exordio: «Qui sophiam primis degustavere labellis». Non solum labris gustare dicunt, sed etiam digitis, eodem etiam adagio. *Æneid*. XII, 376: «... summum degustat vulnere corpus».

3. *Emersisse*. Hoc iterum proverbium videtur redolere. *Persius sat.* 3: «et alto Demersus summa rursus non bullit in unda». Cicero, in *Pisonem*: «At ne tum quidem emersisti loculente Cesonine ex miserrimis naturæ tuæ sordibus». In *Vatinium*: «Emersus cœno». Et alibi *emphasime*.

4. *Datur... aliquis ludus ætati*. Id est, sinere et permittere, ut indulgeat ætati.

5. *Faciles et tolerabiles*. Singulare quiddam videatur *faciles* dici cupiditates hoc loco. Sunt autem mites, moderatæ, non molestæ, non effrenatæ, quæ neminem ullam in difficultatem conjiciunt. Fœsius eadem persequitur

bare ex communi infamia juventutis⁶ aliquam invidiam Coelio velle conflare. Itaque omne illud silentium, quod est orationi tributum tuæ, fuit ob eam causam, quod, uno reo proposito, de multorum vitiis cogitabamus⁷. Facile est accusare luxuriam. Dies jam me deficiat, si, quæ dici in eam sententiam possunt, coner expromere: de corruptelis⁸, de adulteriis, de protervitate⁹, de sumptibus, immensa oratio est. Ut tibi reum neminem¹⁰, sed vitia proponas, res tamen ipsa et copiose, et graviter accusari potest. Sed vestræ sapientiæ est, iudices, non abduci ab reo; nec, quos aculeos habeat severitas gravitasque vestra, quum eos accusator erexerit in rem, in vitia, in mores, in tempora, emittere in hominem¹¹ et in reum: quum is non suo crimine, sed multorum vitio sit in quoddam odium injustum vocatus. Itaque severitati tuæ, ut oportet, ita respondere¹² non audeo: erat enim meum, deprecari vacationem¹³ adolescentiæ, veniamque petere: non, inquam, audeo; perfugius

Cicero infra cap. 18: « Vincat aliquando cupiditas, voluptasque rationem, dummodo illa in hoc genere præscriptio, moderatioque teneatur ». Hæc a moribus nostris longe abhorrent.

6. *Juventutis*. Id est, juventutum generatim.

7. *De multorum vitiis cogitabamus*. Id est, tua oratio nobis in memoriam revocabat publicos dissolutæ juventutis mores, et statum totius civitatis; sed quid hæc ad Cœlium spectant?

8. *De corruptelis*. Id est, de illecebris, et amoribus quibus juvenus corrumpitur. Terentius in *Adelphis*: « Communis corruptela nostrum liberum ».

9. *De protervitate*. Id est, petulan-

tia, qualis esse solet in pecudibus, dum cupiditate æstuantes, obvia quæque propellunt ac proterunt.

10. *Ut tibi reum neminem*. Etiam si reum nullum accuses, sed in ipsa tantum vitia declamites.

11. *Emittere in hominem*. Id est, non ad proprium applicare quæcumque in vitia generatim effudit. Translata verba erexerit, emittere ad mentionem aconleorum accommodata.

12. *Respondere non audeo*. Ironia.

13. *Vacationem adolescentiæ*. Metaphora a militibus deducta, quibus immunitas, vacatioque conceditur. Id est, non Cœlio adolescenti proprie, sed omnibus adolescentibus, ut vacent, solutique sint iis legibus, quibus robustiorem teneri ætatem æquum est.

non utor ætatis¹⁴; concessa omnibus¹⁵ jura dimitto : tantum peto , ut , si qua est invidia communis hoc tempore æris alieni , petulantia , libidinum juventutis , quam video esse magnam , ne huic aliena peccata , ne ætatis ac temporum vitia noceant. Atque ego idem , qui hæc postulo , quin criminibus , quæ in hunc proprie¹⁶ conferuntur , diligentissime respondeam , non recuso.

XIII. Sunt autem duo crimina , auri , et veneni : in quibus una atque eadem persona¹ urgetur. Aurum sumptum a Clodia ; venenum quæsitum , quod Clodia daretur , dicitur. Omnia sunt alia² , non crimina , sed maledicta jurgii petulantis magis , quam publicæ quæstionis. Adulter , impudicus , sequester , convicium est , non accusatio. Nullum est enim fundamentum horum criminum , nulla sedes³. Voces sunt contumeliosæ , temere ab irato accusatore , nullo⁴ auctore , emissæ. Horum duorum criminum video⁵ fontem , video auctorem , video certum nomen⁶ et⁷ caput.

14. *Perfugis non utor ætatis.* Id est , excusatione.

15. *Omnibus.* Scil. adolescentibus.

16. *Hunc proprie.* Al. *nondum pr.* J. V. L.

XIII. 1. Ernest. prætulit alteram lectionem , *versatur*. Non ita Lallem. Garaton. Weisk. Et nos MSS sequimur. J. V. L.

2. *Omnia sunt alia.* Ernest. *illæ* pro *alia* , nisi dormitans malle non potuit. Item Schütz. qui approbat.

3. *Nulla sedes.* Nullus locus unde conjectura et argumentum eratur.

4. *Nullo auctore.* A nemine enim cognovit.

5. *Video fontem.* Id est , ex quo auctore hæc accusatio profuxerit.

6. *Certum nomen.* Crimen de quo

lex aliqua publicorum judiciorum perlatæ erat , *certum nomen* habere dicebatur ; de quo lata nulla lex erat *incertum*. Cicero de Invent. I. Inscriptum quoque maleficium dicebatur , de quo lex lata non erat , quod a jurisconsult. *extraordinarium* dicitur. Seneca lib. declam. III : « Postulavi , ut prætor nomen ejus reciperet inscripti maleficii ».

7. *Et caput.* Originem. Metaphora primum ab animantibus ad fontes , a fontibus ad auctores alienius rei deducitur. *Caput* auctorem sæpe notat , sive præcipuam causam. Lepide Plaut. actu III Asinaria , sc. 1 : « *Λαοῖδ.* Ego caput huic argento fui hodie reperiendo. *Λιβαν.* Ego pes fui. *Αγκρα.* Quia nec caput , nec pes sermonis apparet ».

Auro opus fuit : sumpsit a Clodia, sumpsit sine⁸ teste, habuit quamdiu voluit. Maximum video signum cujusdam egregiæ familiaritatis⁹. Necare eamdem voluit; quæsit venenum; sollicitavit quos¹⁰ potuit; paravit¹¹; locum constituit; attulit. Magnum rursus odium¹² video cum crudelissimo discidio exstitisse.

Res est omnis in hac causa nobis, iudices, cum Clodia, muliere non solum nobili, sed etiam nota¹³: de qua ego nihil dicam, nisi depellendi criminis causa¹⁴. Sed intelligis pro tua præstanti prudentia, Cn. Domiti, cum hac sola rem esse nobis: quæ si se aurum Coelio commodasse non dicit, si venenum ab hoc sibi paratum esse non arguit; petulanter facimus, si matremfamilias, secus quam matronarum

8. *Sumpsit sine teste.* Magnæ familiaritatis iudicium ostendit, sine teste, aut syngrapha quidquam alteri commodare, quod ne inter fratres quidem Hesiodus censet esse faciendum, in *Operibus*, v. 368: « Quia etiam fratri ridens apposito testem ». Quam in sententiam commodè Plutarchus: « Perseus pecuniam familiari cuidam dare mutuo in foro, mensa syngrapham faciebat, etc. Eo vero mirante et dicente: Ita ne vero, Persæ, ex jure mecum agis? Omnino, inquit, ut amico recipiam, non ex jure repetam ».

9. *Elegria familiaritatis.* Ironice: neque enim matronæ cum adolescente laudanda familiaritas esse potest, præsertim cum æfeno.

10. *Sollicitavit quos potuit.* Sc. Clodiæ ipsius servus ad necem dominæ inferendam.

11. *Paravit.* Scil. venenum, constituit locum, balneis, xenias, in quibus venenum servis Clodiæ traderetur, attulit venenum non ipse quidem, sed per Lucium Lichnam tantæ facinoræ administrum.

12. *Magnum rursus odium.* Quod priori illi familiaritati valde repugnet. Quintil. *Inst. Orat.* V, 13: « Artificia autem est, invenire in actione adversarii, quæ inter semetipsa pugnent, aut pugnare videantur; quæ aliquando ex rebus ipsis manifesta sunt, ut in causa Coeliæ. Clodiæ aurum se Coelio commodasse dicit, quod signum magnæ familiaritatis est, venenum sibi paratum, quod summi odii argumentum est ».

13. *Non solum nobili, sed etiam nota.* Accipe nota in malam partem, obimpudicitiam scilicet, ut in Verrem, act. I: « Qui non tam me impediunt, quod nobiles sunt, quam adjuvant, quod noti sunt ». Et pro Flacco: « Homines apud nos noti, inter suos nobilissimos ».

14. *Criminis causa.* Quintil. *Inst. Orat.* IX, 4: « Spondeus quoque, quo plurimum est Demosthenes usus, moram semper per se habet (de clausulis agitur); optime præcedit cum cretius, ut in hoc: de qua ego nihil dicam, nisi depellendi criminis causa ».

sanctitas postulat, nominamus. Sin, ista muliere remota, nec crimen ullum, nec opes ad oppugnandum Coelum illis relinquentur¹⁵; quid est aliud, quod nos patroni facere debeamus, nisi ut eos, qui insectantur, repellamus? quod quidem facerem vehementius, nisi intercederent mihi inimicitiae cum istius mulieris viro¹⁶: fratrem volui dicere; semper hic erro. Nunc agam modice, nec longius progrediar, quam me mea fides, et causa ipsa coget. Neque enim muliebres umquam inimicitias mihi gerendas putavi, praesertim cum ea, quam omnes semper amicam omnium¹⁷ potius, quam cujusquam inimicam¹⁸ putaverunt.

XIV. Sed tamen ex ipsa quaeram prius¹, utrum me secum severe, et graviter, et prisce agere² malit, an remisse, ac leniter, et urbane. Si illo austero more ac modo, aliquis mihi ab inferis excitandus est, ex³ bar-

15. *Illis relinquentur.* Scil. accusatoribus.

16. *Istius mulieris viro.* P. Clodio, qui cum ea rem habuisse dicebatur. Plutarchus P. Clodium incestam cum tribus sororibus consuetudinem habuisse scribit. Hinc illud Cicero ad Div. I: « Clodium non pluris Bonam Deam quam tres sorores fecisse ».

17. *Amicam omnium.* Contumeliose dictum de muliere. Amica unius turpiter accipitur, quanto magis omnium!

18. *Cujusquam inimicam.* Cod. Erfurt. *cuiquam inimicam*, et Voss. Sec. Dativum saepissime adhibet Cicero veluti IV in Verrem, 50; pro Milone, 15; in Lael. 3, etc.

XIV. 1. *Ex ipsa quaeram prius.* Festive et eleganter dum ipsius Clodiae genus reprehensionis relinquere videtur optioni, eam utroque genere reprehendit; sic tamen ut se Clodiae voluntati accommodare videatur.

2. *Prisce agere.* More majorum vitia graviter insectantium.

3. *Ex barbatis illis.* Romani antiquitus barbam nutriebant. Varro de Re rustica, II: « Tonsores in Italia primum venisse ex Sicilia dicuntur post R. C. anno 454, ut scriptum in publico Ardæ in literis exstat: eosque adduxisse P. Ticinium Maenam. Olim tonsores non fuisse adaignificant antiquorum statuae, quod pleraque habent capillum et barbam magnam ». Quae verba etiam a Plinio referuntur lib. VII; unde fit, ut antiquos Cicero saepe barbatos nominarit, ut pro Sextio: « Alter, o dii boni, quam teter incedebat! quam truculentus! quam terribili adspectu! unum aliquem te ex barbatis illis exemplum imperii veteris, imaginem antiquitatis diceres intneri ». Livius tamen, lib. VI, videtur innuere viros tonderi consueisse anno nimirum circiter 370: « Satis constat magnam

batis illis, non hac barbula⁴, qua⁵ ista delectatur; sed illa horrida, quam in statu is antiquis et imaginibus videmus; qui objurget mulierem, et pro me loquatur, ne ista mihi forte succenseat. Exsistat igitur ex hac ipsa familia aliquis; ac potissimum Cæcus⁶ ille: minimum enim dolorem capiet, qui istam non videbit. Qui profecto, si exstiterit, sic aget, et sic loquetur: « Mulier, quid tibi cum Coelio? quid cum homine⁸ adolescentulo? quid cum alieno? cur aut tam familiaris huic fuisti⁹, ut aurum commodares, aut tam inimica, ut venenum timeres? Non patrem¹⁰ tuum videras, non patruum¹¹, non avum¹², proavum, ata-

partem plebis vestem mutasse, multos mortales capillum et barbam promissae. Ex quo bene Lipius: « Si in lectu promiserint barbam, ergo alias rasi ». At vero Cicero vocat non paucis post annis Appium Cæcum barbatum, quem constat circa annum 440 floruisse. Postea tamen usus invaluit, ut singulis prope modum diebus raderentur, præter adolescentes, qui aliquandiu barbam nutriebant. Tonsoribus non usos Romanos ante annum 454 Plinius testatur, primumque omnium radi Africanum instituisse. Cic. pro Murena: « Hæc jam tum barbatis illis ridicula videbantur ».

4. *Non hac barbula.* Et si raderentur Ciceronis ætate, adolescentuli tamen, præsertim lasciviores, aliquandiu prima barbula delectabantur; hinc illud ad Atticum, lib. I: « Concurabant barbatuli juvenes, duce filiola Carionis ».

5. *Anton. Augustin. conj. qua isti delectantur,* probante Ursino. J. V. L.

6. *Cæcus ille.* Sc. Appius Claudius Crassus, cui Cæco cognomen fuit, ut Frontinus testatur, de quo Cicero de Senectute, cap. 6; Pomp. de origine

jur. Eutrop. lib. II; Ep. Liv. XIII; Sueton. in Tib. Censor et his consul fuerat, scæ in senatum devehî jussit, ut pacem cum Pyrrho conficiendam dissuaderet.

7. *Quid tibi cum Coelio?* Terentius in Eunucho, act. III, scen. 5. Rogat quis: « quid tibi cum illa? ne coram quidem »; item actu IV, scen. 7: « quid tibi vis? quid cum illa rei tibi est? »

8. *Abest homine* ap. Aquilam de Figuris, cap. 3, ubi laudatur hic locus. J. V. L.

9. *Tam familiaris huic fuisti.* Julius Severianus p. 338 Rhet. esp. omit tit huic.

10. *Non p. tuum.* Appium Claudium Pulchrum, qui consul fuit cum Publico Servillio Isaurico anno Urbis conditæ 674, cujus meminit initio orationis de Harusp. resp.

11. *Non patruum.* Caium Claudium consulem cum M. Perpenna ann. 661.

12. *Non avum.* C. Claudium, qui consul fuit cum M. Perpenna ann. 623. — *Proavum.* C. Claudium cons. cum Tib. Graccho. — *Atavum.* Appius Claudius Cæcus fuit, de quo Cicero in

vum audieras consules fuisse? non denique modo te Q. Metelli matrimonium tenuisse sciebas, clarissimi ac fortissimi viri, patriæque amantissimi? qui simul ac pedem limine extulerat¹³, omnes prope cives virtute, gloria, dignitate superabat: cui quum ex amplissimo genere in familiam¹⁴ clarissimam nupsisses, cur tibi Coelius tam conjunctus fuit? Cognatus? affinis¹⁵? viri tui familiaris¹⁶? nihil horum: quid igitur fuit, nisi quædam temeritas ac libido? Nonne te, si nostræ imagines viriles non commovebant, ne progenies quidem mea, Q. illa Claudia¹⁷, æmulam domesticæ laudis in gloria muliebri esse admonebat? non virgo illa Vestalis Claudia¹⁸, quæ patrem complexa

Catone Majore. — *Atarum*. Publ. Claudius Pulcher, Cæci pater, consul cum Lucio Junio. Breviter Suetonius in Tib. cap. 1, de hujus familia splendore: « Duodeviginti consulatus, dictaturas quinque, censuras septem, triumphos sex, duas ovationes adeptus est ».

13. *Qui simul ac pedem limine extulerat*. Id est, qui statim atque domo ad forum, curiam, vel provincias exiverat, etc.

14. *In familiam... nupsisses*. Nubere in familiam dicebatur, quæ in manum conveniebant, et sive per coemptionem, sive per confarreationem matrimonium contraxerant, quoniam, ut ait Gellius, « Non in matrimonium tantum, sed in familiam quoque mariti, et in sui heredis locum venisset ».

15. *Cognatus? affinis?* Hæc summa cum vi, presæ, concisæque dicuntur.

16. *Viri tui familiaris?* Plutarchus in præceptis conjugialibus: « Mulierem non oportet privatos amicos sibi comparare, sed mariti familiaribus uti ». Unde Juvenalis malam conjugem de-

scribit a contrario, sat. 6: « Vivit tamquam vicina mariti, Hoc solo propior quod amicos conjngis odit ».

17. *Q. illa Claudia*. De cujus castitate sic in oratione de Harusp. resp. « Sacra ista majores nostri adscita ex Phrygia Romæ collocaverunt: quæ vir is accepit, qui est optimus a populo romano judicatus, P. Scipio; femina autem, quæ matronarum castissima putabatur, Quinta Claudia ». Livius historiam narrat lib. XXIX, quam et Suetonius attingit in Tiberio.

18. *Illæ Vestalis Claudia*. Tribunos non ausus est patrem, quem complexum tenebat Vestalis, de curru deturbare, propter religionis et sacerdotil reverentiam. — *Tribuno plebis*. Tribuni plebis erat triumphos prohibere, ut liquet in Liv. XXXVIII, orat. Cn. Manlii: « Nullius equidem invidio honori, patres conscripti; vos tribunos plebis nuper viros fortes, ac strenuos impediētes Q. Fabii Labeonis triumphum auctoritate vestra deteruistis ». Et in principio libri XXXIX, M. Aburius tribunus plebis narratur triumpho M. Fulvii obstitisse.

triumphantem, ab inimico tribuno plebis de curru detrahi passa non est? Cur te fraterna vitia¹⁹ potius, quam bona paterna, et avita, et usque a nobis quum in viris, tum etiam in feminis repetita, moverunt? Ideone ego pacem Pyrrhi diremi²⁰, ut tu amorum turpissimorum quotidie foedera ferires²¹? ideo aquam adduxi²², ut ea tu incestu uterere? ideo viam munivi²³, ut eam tu alienis viris comitata celebrares?»

XV. Sed quid ego, iudices, ita gravem personam induxi, ut verear, ne se idem Appius repente convertat, et Coelium incipiat accusare illa sua gravitate censoria? Sed videro hoc posterius, atque ita, iudices, ut vel severissimis disceptatoribus M. Coelii vitam me probaturum esse confidam. Tu vero, mulier¹ (jam enim ipse tecum, nulla persona introducta, loquor²), si ea, quæ facis, quæ dicis, quæ insimulas, quæ³ moliris, quæ arguis, probare cogitas: rationem tantæ familiaritatis, tantæ consuetudinis, tantæ conjunctionis reddas atque exponas necesse est. Accusatores quidem libidines, amores, adulteria,

19. *Fraterna vitia*. P. Clodii, quem Abramius vocat oupinum non bipedum solum, sed etiam quadrupedum turpissimum.

20. *Pacem Pyrrhi diremi*. Non dirimit, sed ne fieret, dissuasit, ut jam supra diximus.

21. *Quotidie foedera ferires*. Catull. epigram. 41: « Ut liceat nobis tota perducere vita Alternum hoc sanctæ fœdus amicitiae ».

22. *Ideo aquam adduxi, ut ea tu incestu uterere*? Id est, ideone fluvium Anienem in urbem adduxi, ut incestum juvaret. Tullius alludit lib. I ad Atticum, ep. 15, de hac ipsa Clodia loquens.

23. *Fiam munivi*. Id est, viam

Appiam stravi, ut eam cum alienis frequentares. Viam Appiam Appius ille Cæcus Romanorum censor, ann. U. 441, struxerat et a se dederat nomen. Longitudinem ejus quinque dierum spatio vir expeditus potest emetiri. Ab urbe Roma Capuam pertinet ea latitudine, ut duo currus ex adverso obvii libere queant pervadere et commeare.

XV. 1. *Tu vero, mulier*. Cod. Barb. et Garat. *tu modo*.

2. *Loquor*. Cod. Rom. ambæ Ven. Ald. et Hervag. *loquar*.

3. *Post quæ addunt aliquot MSS in sororem tuam*. Damnant Olivet. Lallem. al. Weisk. frustra defendit. J. V. L.

Baias, actas⁴, convivia, comissationes⁵, cantus, symphonias, navigia jactant⁶; iidemque significant, nihil se, te invita, dicere. Quæ tu, quoniam mente, nescio qua, effrenata atque præcipiti, in forum deferri iudiciumque voluisti, aut diluas oportet, et falsa esse doceas, aut nihil neque crimini tuo, neque testimonio credendum⁷ esse fateare.

Sin autem urbanus me agere mavis, sic agam tecum. Removebo illum senem durum ac pæne agrestem; ex hisque tuis⁸ sumam aliquem, ac potissimum minimum fratrem⁹, qui est in isto genere urba-

4. *Actas*. Sunt actæ litora non solum Græcis, sed etiam Latinis. *Æn. V*: « At procul in sola secretæ Troades actæ ». Luxuriosorum autem convivia frequenter in actis, sive litoribus celebrata. Verrina de suppliciis: « Tabernacula quemadmodum consueverat temporibus æstivis, quod antea jam demonstravi, carbascis intenta velis collocari jussit in litore..... ameno sane, et ab arbitris remoto loco. Hic dies æstivos sexaginta... sic vixit, ut muliebria quotidie convivia essent, vir accumberet nemo præter ipsum, etc. »

5. *Comissationes*. Erant epulæ post coenam celebratæ, ut tradit Suetonius in vita Othonis, cap. 13, et in Domitiano; cap. 21. Tit. Livius Decad. IV, lib. X: « Credis me, pater, inter inermes convivas coenaturum fuisse, ad quem armati comessatum venerunt ». Frustra enim, si nullum esset disorimen, vox utraque jungeretur.

6. *Symphonias, navigia jactant*. Seneca ep. 51: « Sapiens de secessu cogitans nunquam Canopum eligit, ... ne Baias quidem; diversorium vitiorum esse cœperunt... Videre ebrios per

litora errantes, et comessationes navigantium, et symphoniarum cantibus perstreptentes lacus, et alia quæ velut soluta legibus luxuria, non tantum peccat, sed publicat... habitaturum tu putas umquam fuisse in Utica Catonem, ut præternavigantes adulteras dinumeraret, et tot adspiceret genera cymbarum variis coloribus picta, et fluitantem toto lacu rosam, ut audiret canentium nocturna convicia? Quidam malit, quisquis vir est, somnum suum classico quam symphonia rumpi? » Talis fuit illa Neronis navigatio, de qua Tacit. XV Annalium.

7. *Neque testimonio credendum*. Quia scilicet infamibus et meretricibus testimonium dicentibus nulla fides debet haberi. Sic de testibus habetur rescriptum: « Alii vero propter notam et infamiam vitæ suæ admittendi non sunt ad testimonii fidem ». Quapropter necesse fuit ut Clodia negaret se meretricio more cum Coelio fuisse versatam, vel suum testimonium nullius momenti esse fateretur.

8. *Ex hisque tuis*. Al. *ex his igitur t.* J. V. L.

9. *Minimum fratrem*. P. Clodium. Tres enim fratres fuere, maximus

missimus; qui te amat plurimum¹⁰; qui propter nescio quam, credo, timiditatem, et nocturnos quosdam inanes metus¹¹, tecum semper pusio¹² cum majore sorore cubitavit. Eum putato tecum loqui: « Quid tumultuaris, soror? quid insanis? quid, clamore exorsa, verbis parvam rem¹³ magnam facis? Vicinum adolescentulum adspexisti; candor hujus te, et proceritas¹⁴, vultus, oculique¹⁵ pepulerunt¹⁶; sæpius videre voluisti; nonnumquam¹⁷ in iisdem hortis visa nobilis mulier, illum filium familias, patre parco ac tenaci¹⁸, habere tuis copiis devinctum¹⁹ non potes: calcitrat, respuit²⁰, non putat tua dona esse tanti. Confer te alio. Habes hortos ad Tiberim, ac diligenter eo loco præparasti, quo omnis juvenus natandi causa venit. Hinc licet conditiones quotidie legas²¹. Cur huic, qui te spernit, molesta es? »

natu Appius, minimus Publius, medius inter hos Caius, quem Pedianus nominat pro Milone.

10. *Qui te amat plurimum.* Turpis significatur amor.

11. *Nocturnos quosdam inanes metus.* Mordaciter et salse.

12. *Pusio.* Ambigua vox, quæ et parvulum significat et dissolutum, ut Juvenal. sat. 6, et Apuleius lib. IX: « Bellissimus adulter ille pusio ».

13. *Verbis parvam rem magnam facis.* Quam alia ratione consequi facile possis.

14. *Proceritas.* Aristoteles lib. IV Ethic. cap. 3: « In magno corpore pulchritudo consistit; nam parvi venusti quidem, et commensurati sunt, nequam vero pulchri ».

15. *Oculique.* Tibullus lib. I in laude Sulpitiæ: « Illius ex oculis quum vult exurere divos, Accendit geminas lampadas acer Amor ».

16. *Pepulerunt.* Al. *perpulerunt.* J. V. L.

17. *Nonnumquam.* Lallem. addit *fuisti.* — *Nobilis mulier.* Contumeliose dictum.

18. *Patre parco ac tenaci.* Subaud. pecuniæ. Snetonius in Tib. cap. 46, « pecuniæ parcus ac tenax ».

19. *Copis devinctum.* Quasi aureis vinctum catenis. — *Habere.* Id est, possidere.

20. *Calcitrat, respuit.* Metaphora sumpta ab equis.

21. *Conditiones quotidie legas.* Conditionis nomen tam honestia conjugia, quam impudicis amoribus convenire potest. Julius Capitolinus in Antonino philosopho: « Faustinae satis constat apud Caietam conditiones sibi et nauticas et gladiatorias elegisse ». Plinius Junior lib. I, ep. 4, de censu loquens: « Hic quoque in conditionibus deligendis ponendus est calculus » — *Conditio-*

XVI. Redeo nunc ad te, Coeli, vicissim, ac mihi auctoritatem patriam severitatemque suscipio: sed dubito, quem patrem potissimum sumam. Cæcilianumne aliquem, vehementem atque durum¹? «Nunc enim demum mihi animus ardet, nunc meum cor cumulat² ira....» Aut illum³.... «O infelix, o scelesteste!....» Ferrei sunt⁴ isti patres.... «Egone quid dicam? egone quid velim? quæ tu omnia tuis fœdis factis facis, ut nequidquam velim». Vix ferenda diceret talis pater: «Cur te in istam vicinitatem meretriciam contulisti? cur illecebris cognitis non refugisti? cur alienam⁵ ullam mulierem nosti? Dide⁶ ac

nes legas. Id est, quum natantes videris nudos, hinc licet et deligas qui tibi ad explendam libidinem tuam probentur.

XVI. 1. *Cæcilianumne aliquem, vehementem atque durum?* Id est, qualis a Cæcilio comico poeta frequenter inducitur. Cæcilius Insuber Gallus, comœdiarum poeta inclytus, servus fuit, et propterea nomen habuit Statius. Horat. in *Arte poetica*: «Vincere Cæcilius gravitate, Terentius arte». Velleius l. I: «Dulcesque latini leporis facetiæ per Cæcilium, Terentiumque et Afranium suppari ætate nituerunt». Sedigitus apud Gellium: «Cæcilio palmam statuo dandam scenico». — *Vehementem.* Id est, magno impetu mentis loquentem.

2. *Nunc meum cor cumulat² ira.* Homerus lib. IX: «Sed mihi cor cumulat² ira quum illius memini».

3. *Aut illum.* Scilicet patrem secundum quem inducit Cæcilius. Sic increpat filium: *O infelix*, etc.

4. *Ferrei sunt.* Ciceronis verba, non poetæ. — *Ferrei.* Id est, duri, immites, qui nullo amore, nulla cupiditate molliuntur. Homerus, *Iliad.* X, «intus tibi ferrea mens».

5. *Alienam.* Id est, non cognatam, non affinem.

6. *Dide ac dissice.* Al. *dado te, ac dissice.* Nescio quare hæc duo verba exulare jubeant. Virgilius, *Æneid.* lib. VII: «Diditur hic subito Trojana per agmina rumor»; et lib. VIII: «Tua terris didita fama». Lucretius lib. IV: «Nunc ea quæ dico, rerum simulacra seruntur Undique, et in cunctas jaciuntur didita parteis». Virgilius lib. VII *Æn.* 339: «Dissice compositam pacem, sere crimina belli». Idem lib. XII: «Ille securi.... Adversa frontem mediam, mentumque reducta dissicit, et sparsa late rigat arma cruore». Lactantius lib. II, c. 8, narrans de Tarquinio Prieco et Attio Navio Angure historiam, ita scribit: «Cape igitur hanc, inquit, cotem, eamque novacula dissice; ac ille incunctanter accepit, ac secuit». Cic. lib. III, cap. 17, ubi adversus Epicuri atomos disputat: «Quum vero, inquit, tam minuta hæc corpuscula esse dicantur, ut nulla ferri acie dissici valeant, quomodo hamos aut angulos habent?». Sic libri veteres. Impressi autem male *disjici*.

«dissice, per me licebit. Si egebis, tibi⁷ dolebit: «mihi sat est, qui ætatis⁸ quod reliquum est oblectem «meæ». Huic tristi ac directo seni⁹ responderet Cælius, se nulla cupiditate inductum de via¹⁰ decessisse. Quid signi? Nulli sumptus, nulla jactura¹¹, nulla versura. At fuit fama. Quotusquisque istam effugere potest in tam maledica civitate? Vicinum ejus mulieris miraris male audisse, cujus frater germanus sermones iniquorum effugere non potuit? Leni vero et clementi patri, cujusmodi ille est.... «Fores effre-
git¹²? restituentur: discidit vestem? resarcietur», Cælii causa¹³ esset expeditissima. Quid enim esset, in quo se non facile defenderet? Nihil jam in istam mulierem dico: sed, si esset aliqua dissimilis¹⁴ istius,

7. *Si egebis, tibi dolebit.* Martialis: «Non est paupertas, Nestor, habere nihil». Sed qui cupiditatibus servit, eo fit miserior, quo minus opis habet. Inde proverbium: *Suns ipse carnifex.* — *Tibi dolebit.* Terentius in Eunucho, acti I, scen. 2: «Aut hoc sibi doleret itidem, ut mihi dolet».

8. *Mihi sat est, qui ætatis.* Pro quo antique. Ennius in Hecuba: «Date ferrum, qui me anima privem».

9. *Huic tristi ac directo seni.* Sic habent libri veteres, non, ut vulgo, *deseripto seni.* Directus homo ille est, qui eadem vivendi ratione utitur, qua Fabricius, Camillus, Curtius, quam severitatem appellamus.

10. *De via decessisse.* Metaphora de viatoribus, quæ sæpe ad adolescentis mores traducitur. Cic. in Cluentiana: «Sic hominem accipiemus, ut moleste ferat, se de via decessisse». — *Quid signi.* Id est, argumenti, probationis.

11. *Nulla jactura.* Scil. sumptus, dona, munera, largitio, quæ jactura

vera sunt, quum indignis quæstui sunt. — *Versura.* Versuram facere, est pecuniam ab alio mutuum sumere debiti solvendi causa cum usura.

12. *Fores effregit?* Hi versus desumpti sunt ex Terentii Adelphis, actu I, sc. 2: «Fores effregit, restituentur; vestem discidit, resarcietur». Ovidius I Amorum, eleg. IX, comparatione militis et amantis: «Ille graves urbes, hic duræ limen amicæ Obsidet; hic portas frangit, at ille fores».

13. *Cælii causa esset.* Alii, *fili causa est.*

14. *Dissimilis istius.* Clodium utique describit Cicero, quum se depingere aliam simul et Clodium dissimilem, ut illius pudori, si velit, suoque consu- let. Negandi enim Clodii facultatem relinquit, atque offert tum supra, cap. 15; tum infra, cap. 20, quæ conferenda sunt loca. Ea si facultate utatur Clodia, et aliqua se verecundia obtulerit, et Cælium purgaverit: tantum causæ bonum neque non perspicere

quæ se omnibus pervulgaret; quæ haberet palam decretum semper ¹⁵ aliquem; cujus in hortos, domum, Baias, jure suo ¹⁶ libidines omnium commearent; quæ etiam aleret adolescentes, et parcimoniam patrum suis sumptibus sustentaret; si vidua libere ¹⁷, proterva petulanter, dives effuse, libidinosa meretricio more viveret: adulterum ego putarem, si quis hanc paullo liberius salutasset?

XVII. Dicet aliquis, Hæc igitur est tua disciplina? sic tu instituis adolescentes? ob hanc causam tibi hunc puerum parens commendavit et tradidit, ut in amore et voluptatibus adolescentiam suam collocaret, et hanc tu vitam atque hæc studia ¹ defenderes? Ego, si qui ², judices, hoc robore animi ³, atque hac indole virtutis ac continentiae fuit, ut respueret omnes voluptates ⁴, omnemque vitæ suæ cursum in labore corporis, atque in animi contentione conficeret; quem non quies, non remissio, non æqualium studia, non ludi, non convivium delectarent; nihil in vita expendendum putaret, nisi quod esset cum laude et cum dignitate conjunctum: hunc mea sententia divinis

summus orator, neque cognitum negligere omnino poterat.

15. *Quæ haberet palam decretum semper aliquem.* Id est, statutum, certum.

16. *Jure suo libidines omnium commearent.* Id est, prout libebat, nemine impediante.

17. *Si vidua libere.* Viduam dicunt illam cujus maritus aut decessit, aut ad triremes damnatus est. Clodiam describit, quum de alia tamen Clodiae dissimili se mentionem facere dixerit.

XVII. 1. *Hæc studia.* Studia adolescentiæ pro ludis et oblectamentis sæpe reperies. Horatius lib. II, sat. 1:

« Castor gaudet equis, ovo prognatus eodem... pugnīs: quot capitum vivunt totidem studiorum... millia ». Sic hac ipsa sectione: « non æqualium studia, non ludi, non convivia ».

2. *Si qui, judices.* In libris antea editis legebatur *si quis*, et apud ipsum Quintil. Inst. Orat. IX, 2, hæc proferentem; Gruterus emendavit, *si qui*, Barb. cod. confirmante, et ed. principe.

3. *Hoc robore animi.* Contra voluptates obdurati.

4. *Omnes voluptates.* Barb. cod. et ed. princeps cum edit. 1683 et Aldo, *omnis voluptates*.

quibusdam bonis instructum⁵ atque ornatum puto. Ex hoc genere illos fuisse arbitror, Camillos, Fabricios, Curios, omnesque eos, qui hæc ex minimis tanta⁶ fecerunt. Verum hæc genera virtutum non solum in moribus nostris, sed vix jam in libris reperiuntur. Chartæ quoque⁷, quæ illam pristinam severitatem continebant, obsoleverunt; neque solum apud nos, qui hanc sectam rationemque vitæ, re magis, quam verbis, sequuti sumus⁸, sed etiam apud Græcos, doctissimos homines: quibus, quum facere non possent, loqui tamen⁹, et scribere honeste et magnifice licebat. Alia quædam, mutatis Græciæ temporibus, præcepta exstiterunt. Itaque alii voluptatis causa¹⁰ omnia sapientes facere dixerunt; neque ab hac orationis turpitudine eruditi homines refugerunt. Alii cum voluptate dignitatem¹¹ conjungendam

5. *Divinis quibusdam bonis instructum.* Similis quædam est de amicitia sententia in Læli. cap. 18: « Qui igitur utraque in re gravem, constantem, stabilem se in amicitia præstiterit, hunc ex maxime raro hominum genere judicare debemus, et pæne divino ». Unum erat placitum Stoicorum, divinum plane et hac parte christianum: nemini bonam mentem sine dei beneficio contingere. Seneca, epist. 10: « Votorum tuorum veterum licet diis gratiam facias; alia (vota) de integro suscipe; roga bonam mentem, bonam validitatem animi, deinde corporis ».

6. *Hæc ex minimis tanta.* Ciceronis loquendi modus, id est, hanc urbem ex minima tantam fecerunt.

7. *Chartæ quoque.* Per hyperbolem ostendit quam pridem Romani ab hac antiqua morum gravitate defecerint.

8. *Re magis, quam verbis, sequuti sumus.* Sallustius in Catil. « Optimus

quisque facere quam dicere... malebat ». Non mirum; quippe tum Romani penitus erant rudes et omnis eruditionis expertes. Ovidius tertio Fastorum: « Qui bene pugnabat romanam noverat artem; Mittere qui poterat pila, disertus erat ».

9. *Quum facere non possent, loqui tamen.* Græca història Ciceroni ad-versatur.

10. *Alii voluptatis causa.* Scilicet Epicurei. Laertius illustres Epicureos non paucos enumerat.

11. *Alii cum voluptate dignitatem.* Ut Callipho, qui ad virtutem nihil adjunxit, nisi voluptatem; Diodorus, nisi vacuitatem doloris. Cicero de Finib. « Tacui Epicurum de industria, quia dubium est, quid nomine voluptatis intelligat ». Seneca, epist. 83: « Epicurus quoque judicat, quam virtutem habeat, beatum esse; sed ipsam virtutem non satis esse ad beatam

putaverunt, ut res maxime inter se¹² repugnantes dicendi facultate conjungerent. Illud unum directum iter ad laudem cum labore¹³ qui probaverunt, prope jam soli in scholis sunt relictī. Multa enim nobis blandimenta¹⁴ natura ipsa genuit¹⁵, quibus sopita virtus conniveret¹⁶; et interdum multas vias adolescentiæ lubricas ostendit, quibus illa insistere, aut

vitam; quia beatam vitam efficiat voluptas, quæ ex virtute est, non ipsa virtus. Et quidem videtur Callimachus hymno εἰς Δία, in eam ivisse sententiam, ut divitias et voluptatem cum virtute et honestate conjungeret: «Nusquam divitiarum prosunt virtute carentes, Orbaque divitiarum virtus; largitor utrumque».

12. *Res maxime inter se repugnantes.* Repugnant videlicet inter se honestas et voluptas, quæ ex sensibus oritur; sed non repugnant honestas et voluptas quæ ex virtute percipiuntur. Qui benefaciendo vitam impendit, pura fruitur voluptate; et vere est beatus, si quidem his in terris beatum esse saltem hoc modo licet.

13. *Directum iter ad laudem cum labore.* Stoicos significat, quorum princeps Zeno. Silius, lib. XV: «Certa mihi domus, et celso stant colle penates, Ardua saxoso perducit semita olivo, Aspera principio (nec enim mihi fallere fas est), Prosequitur labor, admitendum intrare volenti, Nec bona consuecunt quæ fors infida dedisset, Atque eadem rapuisse valet; mox celsus ab alto Infra te cernes hominum genus». Porphyrius philosophus lib. «sere substrata est ad deos via ardua et aspera; cujus multas semitas barbari quidem invenerunt; Græci vero aberraverunt, aut etiam, qui jam invenerant, perdide-

runt. Deus autem Ægyptios, Phœnices, Chaldaeos, Lydos et Judæos cum invenisse testatus est».

14. *Multa enim nobis blandimenta.* Seneca de beata vita, cap. 5: «Quod ad voluptatem attinet, licet circumfundatur undique, per omnes vias influat, animumque blandimentis suis leniat, aliaque ex aliis admovent, quibus totas quoque partes nostri sollicitet; quis mortalium, cui ullum seperest hominis vestigium, per diem noctemque titillari velit, et deserto animo, corpori operam dare?»

15. *Natura ipsa genuit.* Homo quidem magnū est miraculum, nempe deus in corpore inclusus; sed deus legi obnoxius; potens et pollex, quamdiu innocens; hamilis et dejectus, ut primum reus. Væ illi qui originis suæ oblitus, manum dat cupiditatibus, et corpori servit, animam enim perdet suam! Quanta nostra felicitas! nostram novimus naturam, dum ethnici tenebris involuti institutis abrepti ridiculis decurrant.

16. *Sopita virtus conniveret.* Eleganter virtutem non extinctam, sed sopitam et conniventem dicit, quod quasi dissimulans voluptates expleri patiatur; metaphora ab his ducta, qui oculos claudunt, somnumque simulant, ut alios male quid agentes videant; unde illud, *Non omnibus dormio*.

ingredi sine casu aliquo, aut prolapsione¹⁷ vix posset; et multarum rerum jucundissimarum varietatem dedit, qua non modo hæc ætas, sed etiam jam corroborata caperetur. Quamobrem si quem forte¹⁸ inveniatis, qui aspernetur oculis pulchritudinem rerum, non odore ullo, non tactu, non sapore capiat, excludat auribus omnem suavitatem; huic homini ego fortasse, et pauci, deos propitios, plerique autem iratos putabunt.

XVIII. Ergo hæc deserta via¹ et inculta, atque interclusa jam frondibus et virgultis relinquatur; detur aliquid ætati²; sit adolescentia liberior³; non omnia voluptatibus denegentur; non semper superet vera illa et directa ratio; vincat aliquando cupiditas⁴ voluptasque rationem: dummodo illa in hoc genere præscriptio moderatioque teneatur; parcat juvenus pudicitiae suæ, ne spoliet alienam; ne effundat patrimonium, ne fœnore trucidetur⁵, ne incurrat in al-

17. Alii codd. *prolapsione*. J. V. L.

18. Si *quem forte*. De hujusmodi stupiditate Aristot. Eth. lib. III. Nicomach. cap. 12: « Non admodum existunt homines hujusmodi, nec ea est humani sensus vacuitas; reliqua enim animalia dijudicant cibos, et his quidem gaudent, illa vero rejiciunt; si cui autem nihil est jucundum, neque differt unum ab altero, is procul est ab hominis natura, etc. »

XVIII. 1. *Hæc deserta via*. Allegoria a viatoribus translata.

2. *Detur aliquid ætati*. Id est, adolescentiæ aliquid indulgeatur.

3. *Sit adolescentia liberior*. In hæc omni Coelianarum voluptatum excusatione Ciceronem ait Plutarchus non servasse decorum, in comparat. Demosthen. et Cicer. Sed orator, aint defensores, non tam Coelium excusare

videtur, quam mores Romanorum nos graviter reprehendere. Ea non accipienda est excusatio.

4. *Vincat aliquando cupiditas*. Juvenalis, Sat. VIII: « Defensor culpe dicet mihi: fecimus et nos Hæc juvenes. Esto, dealsti; Numpe nec ultra Fovisti errorem. Breve sit, quod turpiter audes. Quædam cum prima ressecantur crimina barba ».

5. *Ne fœnore trucidetur*. Anson. « turpia luera Fœnoris et velox inopes aura trucidat ». Cic. extrema pæne verbis, lib. II de Offic. agens de Catone Censorio: « Quum ille, qui quaesierat, dixisset, Quid fœnerari? Tum Cato, Quid hominem, inquit, occidere? » Ambrosius lib. de Tobia, cap. 10: « Nihil interest inter funus et fœnus; nihil inter mortem distat et sortem. Personat funebrem ululatum

terius domum atque famam⁶; ne probrum castis, labem integris, infamiam bonis inferat; ne quem vi terreat⁷; ne intersit insidiis; scelere careat; postremo, quum paruerit voluptatibus⁸, dederit aliquid temporis ad ludum ætatis, atque ad inanes hasce adolescentiæ cupiditates, revocet se aliquando ad curam rei domesticæ, rei forensis, rei publicæ: ut ea, quæ ratione antea non perspexerat, satietate abjecisse, experiendo contempsisse videatur.

Ac multi et nostra⁹, et patrum majorumque memoria, iudices, summi homines, et clarissimi cives fuerunt, quorum quum adolescentiæ cupiditates defervissent¹⁰, eximiæ virtutes, firmata jam ætate, ex-

fuenoris usura ». Et cap. 25: « Ab hoc usuram exige, quem non sit crimen occidere ».

6. *Atque famam*. Cod. unus Memmian. habet *atque familiam*.

7. *Ne quem vi terreat*. Vulgat. « ne quem interimat ». Nota hic singularem oratoris prudentiam; inter ceteras præscriptiones moderationesque quas in adolescentia requirit, ea ponit, quæ adversarii in M. Coelium objecerant, ne desperatione causæ ad hoc defensionis genus confugisse videatur; quasi dicat: Quum aliquid adolescentibus indulgendum esse contendo, hæc ideo non dico, ut impune sit M. Coelio, si vera sunt ea, quæ ab adversariis objecta sunt; si patrimonium absumpsit, versuram fecit, æs alienum contraxit, seditionibus Puteolanis interfuit, etc. Non, inquam, ideo dico, ut id impune sit illi, quum satis superque ex superioribus constet, Coelium fuisse horum criminum innocentem.

8. *Quum paruerit voluptatibus*. Cicero nem merito vituperavit Plutar-

chus, ut supra diximus; nempe qui semel paruerint voluptatibus, ægre caput expedient laqueis. Senec. epist. 39: « Natura suum finem habet, voluptates sine termino sunt. Serviant illis, non fruuntur; mala sua, quod malorum ultimum, amant: tunc autem consummata est infelicitas, ubi turpia non solum delectant, sed etiam placent: et desinit esse remedio locus, ubi quæ fuerant vitia, mores sunt ».

9. *Multi et nostra*. Scilicet Q. Cæcilius et Cæsar. — *Majorumque memoria*. Scipiones.

10. *Cupiditates defervissent*. Plato secundo de Legibus: « Juventum natura quum ignea sit, et accensa, fieri non potest, ut sibi neque secundum corpus, neque secundum vocem quietem impertiat, etc. » Docet eos vini potu debere abstinere, et ignem igni non esse invehendum. S. Hieronymus ad Nepotianum 'de vita clericorum': « Quod si absque vino ardeo adolescentia, et inflammor calore sanguinis, libenter carebo poculo, in quo suspicio veneni est ».

stiterunt. Ex quibus neminem mihi necesse est nominare¹¹: vosmet vobiscum recordamini. Nolo enim cujusquam fortis atque illustris viri ne minimum quidem erratum cum maxima laude conjungere. Quod si facere vellem, multi a me summi atque ornatissimi viri prædicarentur; quorum partim nimia libertas in adolescentia, partim profusa luxuries, magnitudo æris alieni, sumptus, libidines¹², nominarentur: quæ multis¹³ postea virtutibus oblecta, adolescentiæ, qui vellet, excusatione defenderet.

XIX. At verò in M. Coelio (dicam enim jam confidentius de studiis ejus honestis, quoniam audeo quædam, fretus vestra sapientia, libere confiteri) nulla luxuries reperietur, nulli sumptus, nullum æs alienum, nulla conviviorum ac lustrorum¹ libido. Quod quidem vitium ventris et gutturis non modo non minuit ætas² hominibus, sed etiam auget. Amores³ autem, et hæ deliciæ quæ vocantur, quæ

11. *Necesse est nominare.* Nonnullos Latinus Pacatus in panegyrico nominavit: «An non clarissimos nominis romani viros (illos Catulos, Scipiones . . . loquor), aliquantisper sibi luxuria vindicavit? quos etsi ad portum mutati, in melius revexerint flatus, diu tamen vitiorum turbo jactavit, et naufragos, atque fluctuantes, ab illis, quibus mersabantur, erroribus, ægre recepit». Sed mille percut, dum vix unus emergit.

12. *Sumptus, libidines.* Erfurt. et Lamb. «sumptus libidinis».

13. *Quæ multis.* Quæ vitia superius enumerata excusari deinde possent ab adolescentia, quum postea fuerint multis virtutibus oblecta.

XIX. 1. *Lustrorum libido.* Festus Pompeius: «Lustra significant lacu-

nas lentas, quæ sunt in silvis aprorum cubilia; a qua similitudine li, qui in locis abditis et sordidis ventris et desidie operam dant, dicantur in lustris vitam agere». Horat. Sat. VI, lib. I: «Si neque avaritiam, neque sordes, ac mala lustra Objiciet quisquam vere mihi, etc.»

2. *Non minuit ætas.* Quasi diceret: Toleranda non sunt hæc vitia in adolescente, quia progressu ætatis magis augentur, ideoque inutilem reipublicæ reddunt eum, quem semel occuparint.

3. *Amores, Aristotel.* in *OEconom.* «Tum asperè imperant hominibus, quos potestati suæ subjecerint, ut quamdiu vident eos ætate florentes et valentes operari, eos conferre cogant, quæ operando lucrati fuerint, et in suas cupiditates erogare. Postquam

firmiore animo præditis diutius molestæ non solent esse (mature enim et celeriter deflorescunt), numquam hunc occupatum⁴ impeditumque tenuerunt.

Audistis, quum pro se diceret; audistis antea, quum accusaret: defendendi hæc causa, non gloriandi loquor⁵: genus orationis, facultatem, copiam sententiarum atque verborum⁶, quæ vestra prudentia est, perspexistis. Atque in eo non solum ingenium elucere ejus⁷ videbatis; quod sæpe, etiamsi industria non alitur, valet tamen ipsum suis viribus⁸: sed inerat, nisi me propter benivolentiam forte⁹ fallebat,

vero eos senectute confectos, nec amplius valentes operari cognoverint, relinquant eos male senescere, aliisque servis uti conantur. Vide Senecam epist. 12 de senectute. Crat. apud Laertium: « Fames amorem finit, aut saltem dies, Si refugit ista, reatis huic finem dabit ».

4. *Numquam hunc occupatum.* Amor quem semel occupavit, a ceteris occupationibus et præsertim studiis literarum avertit.

5. *Non gloriandi loquor.* Quia Caelius Ciceronis erat alumnus.

6. *Sententiarum atque verborum.* De Caelio sic in Bruto: « Quam ejus actionem multum tamen et splendida, et grandis, et eadem in primis faceta, et perurbana commendabat oratio. Graves ejus conationes aliquot fuerunt; acres accusationes tres, æque omnes ex resp. contentione susceptæ. De eloquentia Cæliana vide auctorem dialogi de Oratoribus apud Tacitum, cap. 21 et 25. Fabium, Institut. Orat. lib. X, cap. 1: « Multum ingenii in Caelio, et præcipue in accusando multa urbanitas, dignasque vir, cui et mens mellior, et vita longior contingeret ». Porro defensionis Cælianae,

cujus hic meminit Tullius, fragmentum habes apud eundem Fabium, lib. II, cap. 1: « Ne cui vestram, atque etiam omnium, qui ad rem agendam adsunt, mens, aut vultus molestior, aut vox immoderatio aliqua, aut denique quod nimium est, jactantior gestus fuisse videatur ».

7. *Ingenium elucere ejus.* Codex Lamb. « ingenium ejus elucere ».

8. *Suis viribus.* Fabius, lib. XII, cap. 10, eloquentiam Cælii ad indolem potius quam ad studium et industriam retulit: « Hinc viam Cæsaris, indolem Cælii, subtilitatem Calidii, gravitatem Bruti, acumen Sulpitii, acerbitatem Cassii, diligentiam Polliionis, dignitatem Messallæ, sanctitatem Calvi reperiemus ».

9. *Benivolentiam forte fallebat.* Plinius Junior, lib. IV, epist. 27: « Aliquot annis puto nihil generis ejusdem absolutius scriptum, nisi forte me fallit aut amor ejus, aut quod me ipsum laudibus exivit ». Senec. epist. 45: « Ceterum quod libros meos tibi mitti desideras, non magis ideo me disertum puto, quam formosum putarem, si imaginem meam peteres. Indulgentiæ scio istud esse, non judi-

ratio, et bonis artibus¹⁰ instituta, et cura et vigiliis elaborata. Atqui scitote, iudices, eas cupiditates, quæ obijciuntur Coelio, atque hæc studia, de quibus disputo, non facile in eodem homine esse posse. Fieri enim non potest, ut animus libidini deditus¹¹, amore, desiderio, cupiditate, sæpe nimia copia¹², inopia etiam¹³ nonnumquam impeditus, hoc, quidquid est, quod nos facimus in dicendo, non modo agendo, verum etiam cogitando¹⁴ possit sustinere. An vos aliam causam esse ullam putatis, cur, in tantis¹⁵ præ-

cō; et si modo iudicii est, indulgentia tibi imposuit. Animus indulgentia corruptus facile naves ipse laudaverit.

10. *Ratio et bonis artibus.* Est autem ratio ars, atque scientia, quæ naturali accedebat ingenii bono, fueratque studio et industria comparata. Pro L. Manil. 1: «Nihil hoc, nisi perfectum ingenio, elaboratum industria, afferri oportere». Vocem hanc eodem sensu adhibuit Cicero, Divin. II, et alibi; sed præcipue notandus est locus simillimus pro Arch. 1: «Ratio ab optimarum artium studiis ac disciplina profecta». Hæc non intellexerunt, qui maluerunt oratione in vulgat.

11. *Libidini deditus.* Vide Aristot. Ethic. Nicomach. lib. VII, cap. 9. Averroes Physic. VII, castitatem testatur, et alias virtutes, quibus concupiscentia carnis cohibetur, præcipue valore ad scientias comparandas; cujus rei Plato in Timæo videtur reddere rationem: «Voluptates et dolores, si modum excedant, inter maximos animi morbos debemus numerare. Homo enim nimia lætitia elatus, aut contra nimio dolore depressus, festinans jucundum eligere præmatere, et molestum fugere, neque vi-

dere, neque audire recte quidquam potest; sed insanit, nec tunc potest ullo pacto audire rationem». Quare idem Plat. de Legg. lib. VIII, longe pulcherrime ad virtutes et scientias querendas servandam esse docet castitatem.

12. *Nimia copia.* Id est, divitiarum abundantia, nimique felicitas, quæ mortalium animos stupidos reddit, et ad artes bonas imparatos. Juvenalis: «Rarus enim ferme sensus communis in ista Fortuna».

13. *Inopia etiam.* Inopiam etiam studiis officere, eloquentiæ præsertim, nemini dubium est. Ennius: «Nam quæm opulenti loquantur pariter atque ignobiles, Eadem dieta eademque oratio æqua non æque valet». Theognis: «Omnis enim domitus vir paupertate tacebit, Nec faciet quidquam, lingua ligata manet».

14. *Non modo agendo, verum etiam cogitando.* In Bruto, cap. 70: «C. Memmianus orator dicitur fugisse non modo dicendi, verum etiam cogitandi laborem».

15. *In tantis præmiis eloquentiæ.* Vide de præmiis et utilitatibus, quas orator ex eloquentiæ studio decerpit, sive Fabium, sive Tacitum de Oratoribus, cap. 5.

miis eloquentiæ, tanta voluptate dicendi¹⁶, tanta laude¹⁷, tanta gratia¹⁸, tanto honore¹⁹, tam sint pauci²⁰, semperque fuerint, qui in hoc labore versentur? Obtèrendæ sunt omnes voluptates; relinquenda studia delectationis, iudices; ludus, jocus,

16. *Tanta voluptate dicendi.* Vide apud Tacitum dialogum de Oratoribus, cap. 6. Tullius de Oratore, lib. II: « Quid enim est aut tam admirabile, quam ex infinita multitudine hominum exsistere unum, qui id quod omnibus natura sit datum, vel solus, vel cum paucis facere possit? aut tam jucundum cognitu, atque auditu, quam sapientibus sententiis gravibusque verbis ornata oratio et perpolitâ? »

17. *Tanta laude.* Vide apud Tacit. dialog. de Orat. cap. 7. Plin. Junior, epist. 2, lib. II: « Numquamne legisti Gaditanum quemdam T. Livii nomine gloriæque commodum, ad visendum eum ab ultimo terrarum orbe venisse, statimque ac viderat, abiisse ».

18. *Tanta gratia.* Eodem dialogo de Oratoribus: « Quanto quisque plus dicendo poterat, tanto facilius honores assequeretur; tanto magis in ipsis honoribus collegas suos abteibat; tanto plus apud principes gratiæ, plus auctoritatis apud patres, plus notitiæ ac nominis apud plebem parabat; huic clientela etiam exterarum nationum redundabant ». Valerius, lib. VIII, cap. 8: « Quid inter Pisistratum et Periclem interfuit? nisi quod ille armatus, hic sine armis tyrannidem gessit ». Appianus lib. IV Bell. Civ. Ciceronem tradit tanta gratia floruisse, ut quam Cæsar armis, ille eloquentia monarchiam obtineret: « Cicero, qui post C. Cæsarem maximam potestatem habebat, quanta esse potest oratoris monar-

chia ». Egrege eloquentiam Lucianus depinxit in rhetorum præceptore: « Ipsam in loco excelso sedere fingamus, formosam plane et facie honesta et liberali; dextra gestet Amalthææ cornu, omnis generis fructibus exuberans; ad lævam spectet divitiis aureas plane et amabiles; et gloria et potentia circumstant, et laudes parvis amoribus similes illam hac et illac circumvolent. Ad illam quum ascenderis, uxorem ducas, et omnia illa habeas, divitiis, gloriam, honores ».

19. *Tanto honore.* Videlicet eloquentibus ad honores et magistratus facilem aditum patere intelligit. Auctor dialogi de Oratoribus: « Hos et præturæ et consulatus vocare ultro videbantur; hi ne privati quidem sine potestate erant, quum et populum et senatum consilio et auctoritate regerent; quin immo sibi ipsi persuaserant, neminem sine eloquentia aut assequi posse in civitate, aut tueri conspicuum et eminentem locum ».

20. *Tam sint pauci, semperque fuerint.* Cic. de Oratore, lib. I, cap. 4: « Quis non jure miretur, ex omni memoria sætatum, temporum, civitatum, tam exiguum oratorum numerum inveniri? » Et Petronius quum ceteras artes tanto olim studio cultas, tum in primis eloquentiam queritur suorum temporum luxu occidisse: « At nos vino scortisque demersi, ne paratas quidem artes avemus cognoscere; sed accusatores antiquitatis vitia tantum docemus, et discimus... Quis nunquam venit in templum, et

convivium, sermo est pæne familiarium²¹ deserendus. Quæ res in hoc genere homines a labore studioque dicendi deterret : non quo aut ingenia deficiant, aut doctrina puerilis. An hic, si sese isti vitæ dedisset, consularem hominem²² admodum adolescens in iudicium vocavisset? hic, si laborem fugeret, si obstrictus voluptatibus teneretur, in hac acie²³ quotidie versaretur? appeteret inimicitias? in iudicium vocaret? subiret periculum capitis²⁴? ipso inspectante populo²⁵ romano, tot menses aut de salute²⁶, aut de gloria dimicaret?

votum fecit, si ad eloquentiam pervenisset? etc. »

21. *Familiarium deserendus.* Notum est quid Plutarchus de Demosthene prodiderit : « Locum sibi subterraneum fecit ad exercitationes obambulandas, in eum singulis diebus ingrediens fingeat suam actionem, et vocem formabat, frequenter duos tresve menses sine intermissione hoc pacto transigebat, alteram capitis partem radens eo consilio, ut etiam si egredi vellet, eum nihilominus pudor inclisum contineret ».

22. *Consularem hominem.* C. Antonium Ciceronis collegam in consulatu.

23. *In hac acie.* Sæpius causæ forenses pugna et acies nominantur. Eumenius orat. pro restaurandis scholis : « Inter hanc aciem fori et nostra illa secreta studiorum exercitia diversitas : ibi armentur ingenia, hic præliantur ; ibi prælusio, hic pugna committitur ; hic plerumque velut sedibus et saxis, illic semper telis splendentibus dimicatur ». Ovid. Fast. III : « Et fora Marte suo litigiosa vacent ». Valerius, lib. VIII, cap. 5 :

« Quid M. Cicero forensi militia summos honores amplissimumque dignitatis locum adeptus, nonne in ipsius eloquentiæ suæ castris testis obiectus est ? »

24. *Subiret periculum capitis.* Caius D. de injuriis et famos. lib. I, 33 : « Qui injuriarum actionem per calumniam instituit, extra ordinem damnatur, id est, exsilium aut relegationem, aut ordinis amotionem patiatur ». Martialis, lib. de Spectaculis, epigr. 4 : « Et delator habet, quod dabat exsilium ». Tiberius apud Dion. lib. LVIII : « Præcipuos eorum qui per calumniam accusationes intenderent, uno die jussit interfici ». Jure canonico poena talionis calumniatoribus infligitur. Timendum igitur erat, ne si reus absolveretur, accusator ad talionis poenam damnaretur.

25. *Inspectante populo.* Nam publica judicia in foro fiebant, et populus frequens aderat, præsertim in magnis causis.

26. *Tot menses aut de salute, aut de gloria dimicaret?* Quum in accusatione superatus, periculum esset, ne ipse damnaretur.

XX. Nihil igitur¹ illa vicinitas² redolet? nihil hominum fama³? nihil Baiæ⁴ denique ipsæ loquuntur? Illæ vero non loquuntur solum, verum etiam personant: huc unius mulieris libidinem esse prolapsam, ut ea non modo solitudinem ac tenebras⁵, atque hæc flagitiorum integumenta⁶ non quærat, sed in turpissimis rebus frequentissima celebritate et clarissima luce lætetur.

Verum si quis est, qui etiam meretriciis amoribus interdictum juventuti putet, est ille quidem valde severus; negare non possum: sed abhorret non modo ab hujus sæculi licentia, verum etiam a majorum consuetudine⁷, atque concessis. Quando enim hoc factum⁸ non est? quando reprehensum? quando non permissum? quando denique fuit, ut, quod licet, non liceret? Hic ego jam rem definiam⁹; mulierem nullam

XX. 1. *Nihil igitur.* Affert objectionem, eique sic respondet, ut in Clodiam omnem culpam et impudicitiae crimen detorqueat.

2. *Illæ vicinitas.* Ad quam Caelius a patre semigravit, conduens in Palatio particulam insalæ, quam P. Clodius, Clodiæ ipseius frater, uno tantum pariete a Q. Metelli Celeris Clodiæ mariti domo disjunctam possidebat.

3. *Nihil hominum fama.* Quæ per totam urbem de nimia M. Caelii et Clodiæ familiaritate percrebuit.

4. *Nihil Baiæ..... loquuntur?* In quibus Caelius et Clodia comessationes, convivicia, symphonias et navigia celebrarunt.

5. *Solitudinem ac tenebras.* Mart. lib. I, epigr. 35, fortasse ad hanc ipsam locum alludit: nam sub Leæbiæ nomine Clodia significatur: «Incustoditis, et apertis Leæbiæ semper Læminibus peccas, nec tua facta tegis».

6. *Integumenta.* Hanc vocem abscondendi vel andique sensu Cicero etiam in Pisone; defendendi tutandique Plantus usurpavit, Bacch. IV, 2, 19.

7. *A majorum consuetudine.* Nulla erat Romanis vera cognitio et comprehensio virtutis; Christiana religio menti lumen præstidit, et homini naturam suam patefecit.

8. *Quando enim hoc factum non est?* Alii legunt, non factitatum est. Ceterum expositio est oratoria, quæ rem eandem diversis modis enuntiat; ita tamen, ut quum idem dicere videatur, magis tamen et magis crescat oratio.

9. *Jam rem definiam.* Præmunuit se ad ea, quæ futura sectione dicenda sunt; id est, de re ipsa loquar, ut in se est, nulla personarum facta mentione. — *Mulierem nullam nominabo.* Ne Clodiam videar oratione mea perstringere. — *Tantum in medio relin-*

nominabo; tantum in medio relinquam. Si quæ non nupta¹⁰ mulier domum suam patefecerit omnium cupiditati, palamque sese in meretricia vita collocarit, virorum alienissimorum conviviis uti instituerit; si hoc in urbe, si in hortis, si in Baiarum illa celebritate faciet; si denique ita sese geret, non incessu¹¹ solum, sed ornatu¹² atque comitatu¹³, non flagrantia oculorum¹⁴, non libertate sermonis¹⁵, sed etiam complexu, osculatione, aquis¹⁶, navigatione, conviviis, ut non solum meretrix, sed etiam procax¹⁷ videatur:

quam. Et permittam unicuique apud se cogitare, an, quæ dicenda sunt, Clodiæ possint, an alteri cuiquam mulieri convenire. Eam autem vehementius pungit, quo minus videtur attingere.

10. *Non nupta.* Hanc addit vocem, ut major mulieris impudica libertas iudicetur; longe enim liberius se talis mulier in omnem libidinem effundet, si nullo mariti meta constricta teneatur.

11. *Non incessu solum.* Senec. ep. 52: omnia rerum omnium si observentur indicia sunt; et argumentum morum ex minimis quoque licet capere: « impudicum et incessus ostendit, et manus mota, et unum interdum responsum et flexus oculorum ». Hinc illud Juvenalis, Sat. II: « qui vultu morbum incessuque fatetur ». Et vero quantopere in ipso incessu mores elucescant, ostendit illud S. Ambrosii lib. I Offic. cap. 18.

12. *Ornatu.* Apud Athen. lib. XII ex Philarcho referentem: « Apud Syracusanos lex erat ne mulieres auro, purpura, floridis vestibus uterentur, neve iis quæ purpureos haberent clavos, nisi ai quæ se publicam meretricem esse concederet ». Vide 8. Cy-

prianam de disciplina et habitu virginum, et Apul. lib. II de Asino aureo.

13. *Comitatu.* Pudicæ mulieris et impudicæ comitatus a Macrob. Sat. II, cap. 5, describitur: « Notum est illud; adverterant in se populum in spectaculo gladiatorum, Livia et Julia comitatus dissimilitudine; quippe cingentibus Liviam gravibus viris, hæc juventutis, et quidem luxuriöse grege circumsidebatur. Admonuit pater scripto; videret, quantum inter duas principes feminas interesset. Julia rescripsit; et hi mecum senes fient ».

14. *Flagrantia oculorum.* Virg. Æn. lib. I, 714: « Flagrantesque Dei vultus, simulataque verba ».

15. *Non libertate sermonis.* Hanc libertatem sermonis esse impudicæ mentis indicium cuivis compertum est.

16. *Aquis.* Ernest. legendum suspicatur *actis* ex cap. 15, ubi hæc maxime notanda sunt: « Accusatores quidem libidines, amores, adulteria, Baias, actas, convivia, comessioniones, cantas, symphonias, navigia jactant ».

17. *Sed etiam procax.* Impudens, quasi viros appellans, a procando, invereconde provocando: inde procax, matrimonii appetitor, ut a petendo petulans.

cum hac si quis adolescens forte fuerit, utrum hic tibi, L. Herenni¹⁸, adulter, an amator, expugnare pudicitiam, an explere libidinem voluisse videatur?

Obliviscor jam injurias, Clodia; depono memoriam doloris mei; quæ abs te crudeliter¹⁹ in meos, me absente, facta sunt, negligo. Ne sint hæc in te dicta, quæ dixi. Sed ex te ipsa requiro, quoniam et crimen accusatores abs te, et testem ejus criminis te ipsam dicunt se habere: si qua mulier sit hujusmodi, qualem ego paullo ante descripsi, tui dissimilis, vita institutoque meretricio; cum hac aliquid adolescentem hominem habuisse rationis, num tibi perturpe aut perflagitiosum esse videatur? Ea si tu non es, sicut ego malo, quid est, quod objiciant Cœlio? sin eam te volunt esse, quid est, cur nos crimen hoc, si tu contemnis, pertimescamus? Quare nobis da viam²⁰ rationemque defensionis. Nam aut pudor tuus defendet, nihil a M. Cœlio petulantius esse factum; aut impudentia et huic, et ceteris magnam ad se defendendum facultatem dabit.

. XXI. Sed quoniam¹ emersisse jam e vadis², et scopulos prætervecta videtur oratio mea, perfacilis mihi reliquus cursus ostenditur. Duo sunt enim crimina, una in muliere, summorum facinorum; auri, quod sumptum a Clodia dicitur; et veneni, quod ejusdem

18. *L. Herenni*. Unus erat ex quatuor Cœlii accusatoribus; solus autem nominatur, quia solus de luxuria, de libidine, de vitis juventutis multa dixerat.

19. *Crudeliter in meos*. De crudelitatem quam P. Clodius, Clodiæ frater, in conjugem liberosque Ciceronis exsulantis exercuit, vide orationem pro Domo, cap. 23, et epist. 12, lib. XIV, ad Div.

20. *Quare nobis da viam*. Nobis præscribe, an impudicam illam et libidinosam familiaritatem quam Cœlius tecum habuisse jactatur, negare debeat, an confiteri.

XXI. 1. *Sed quoniam*. Transito est allegorica, a navibus sumpta dicendi ratione.

2. *Jam e vadis*. Hieron. ad Heliodorum, lib. V de laude vitæ solitariæ, hunc locum feliciter expressit.

Clodiæ necandæ causa parasse Coelium criminantur. Aurum sumpsit, ut dicitis, quod L. Lucceii servis daret, per quos Alexandrinus Dio³, qui tum apud Lucceium habitabat, necaretur. Magnum crimen vel in legatis insidiandis, vel in servis ad hospitem domini⁴ necandum sollicitandis⁵; plenum sceleris consilium, plenum audaciæ. Quo quidem in crimine primum illud requiram, dixeritne Clodiæ, quam ad rem aurum tum sumeret, an non dixerit. Si non dixit, cur dedit? si dixit, eodem se conscientiæ scelere devinxit. Tunc aurum ex armario⁶ tuo promere ausa es? tunc Venerem illam tuam spoliatricem⁷ spoliare ornamentis? Ceterum quum scires, quantum ad facinus aurum hoc quæreretur, ad necem legati, ad L. Lucceii, sanctissimi hominis atque integerrimi, labem sceleris sempiterni: huic facinori tanto tua mens liberalis, conscia; tua domus popularis, ministra; tua denique hospitalis illa Venus⁸, adjutrix

3. *Alexandrinus Dio*. Philosophus Academicus, legationis princeps, quam Romam Alexandrini miserant, ut sese purgarent de regis Ptolemæi Anletis expulsionem, qui eodem tempore questum Romam venerat. Strabo, lib. XVII, de ista legatione loquitur. Dio citatus in Academ. II, 4.

4. *Ad hospitem domini*. Vulgat. *domi*. Nicolaus Damascenus libro de moribus gentium, de Celtis ita loquitur: « Ei majus supplicium irrogatur, qui hospitem, quam qui civem occiderit. Huic enim mors, illi exilium inferitur ». Horatius hoc scelus inter atrocissima facinora numeravit, Od. 13, lib. II: « Illum et parentis crediderim sui Fregisse cervicem, et penetralia Sparsisse nocturno cruore Hospitis ».

5. *Sollicitandis*. Vide Ciceronem

de gravitate hujus sceleris agentem in orat. pro Dejotaro, cap. 11.

6. *Ex armario*. Petronius in Satyrico: « Grande armarium in angulo vidi, in cujus ædicula erant lares argentei, Venerisque signum ».

7. *Spoliatricein*. *Venus spoliatrix* dicitur, quod Clodia juvenes omnibus propemodum bonis spoliaret. Martialis, lib. IV, ep. 29: « Sic spoliatricem commendat fastus amicam: Janua nec juvenem semper aperta tenet ». Hinc munera ab amatoribus expressa, spolia passim nominantur. Propertius, Eleg. lib. III: « Matrona incedit census induta nepotum, Et spolia opprobrii nostra per ora trahit ». Juvenalis, sat. VI, 232: « Illa docet spoliis nudi gaudere mariti ». Vide Tibullum, eleg. 4, lib. II.

8. *Tua mens liberalis, conscia; tua*

esse non debuit. Vidit hoc Balbus : celatam esse Clodiam dixit, atque ita Coelium ad illam attulisse⁹, se ad ornatum ludorum aurum quærere. Si tam familiaris erat Clodiæ, quam tu esse vis, quum de libidine ejus tam multa dicis, dixit profecto¹⁰, quo vellet aurum. Si tam familiaris non erat, non dedit. Ita si verum tibi¹¹ Coelius dixit, o immoderata mulier, sciens tu aurum ad facinus dedisti; si non est ausus dicere, non dedisti.

XXII. Quid ego nunc¹ argumentis huic crimini, quæ sunt innumerabilia, resistam? Possum dicere, mores M. Coelii² longissime a tanti sceleris atrocitate esse disjunctos; minime esse credendum³, homini tam ingenioso, tamque prudenti non venisse in men-

domus popularis, ministra; tua denique hospitalis illa Venus. Hæc omnia cum probro dicta; nam in muliere, quam decet esse modestam et verecundam, mens liberalis non laudatur; domus vero popularis apertum habet dedecus, et hospitalis Venus summum est turpitudinis.

9. *Ad illam attulisse.* Id est, causam hanc illi dixisse, cur aurum quæreret.— *Aurum*, scilicet, ornamenta aurea.

10. *Dixit profecto.* Quia nimirum amicis et familiaribus omnia secreta et pectoris arcana deteguntur. Pulchre Seneca epist. 3 : « Tu vero omnia cum amico delibera, sed de ipso prius; post amicitiam credendum est, ante amicitiam judicandum, etc. »

11. *Ita si verum tibi*, etc. Expositio est, quia, ut ait Cornificius ad Herennium, manet in eodem loco, et aliud atque aliud dicere videtur. Hic eandem plane rem dicit, sed non eodem modo, quamvis iisdem præne verbis, sed tractatione variatur oratio.

Superius enim Balbo loquebatur, hic per apostrophem ad Clodiam ipsam convertitur; immoderatam appellat, quod adeo cupiditates suas non potuerit moderari, ut hac accusatione, vel seipsam sceleris consciam fuisse, vel falsum objicere crimen ostendat.

XXII. 1. *Quid ego nunc.* Hæc est altera pars sectionis, qua tantam sibi argumentorum ad convincendam criminis objecti falsitatem copiam suppetere, adeoque se causæ suæ confidere demonstrat, ut ea non dubitet silentio præterire.

2. *Mores M. Coelii.* Tullius in partitionibus hanc causarum infirmationem esse dicit, si ostendatur reus « aut non his moribus esse, aut non ea vita, aut nullos animi motus, aut non tam impotentes fuisse ». Pro Cluentio : « Perinde, ut opinio est de cujusque moribus, ita quid ab eo factum, et non factum sit, existimari potest ».

3. *Minime esse credendum.* Primo argumentari se posse dixit a Coelii

tem, rem tanti sceleris ignotis alienisque servis non esse credendam. Possum etiam⁴, illa et ceterorum patronorum, et mea consuetudine, ab accusatore perquirere, ubi sit congressus cum servis Lucceii Coelius; qui ei fuerit aditus. Si per se, qua temeritate? si per alium, per quem? Possum omnes latebras⁵ suspicionum peragraré dicendo. Non causa, non locus, non facultas, non conscius, non perficiendi, non occultandi maleficii spes, non ratio ulla, non vestigium maximi facinoris reperietur. Sed hæc, quæ sunt oratoris propria⁶, quæ mihi, non propter ingenium meum⁷, sed propter hanc exercitationem usumque dicendi, fructum aliquem ferre possent⁸, quum a me ipso laborata⁹ proferri viderentur, bre-

moribus; nunc argumentatur a natura Coelli, qui quum sit adeo ingeniosus et prudens, si Dionem voluisset extinguere, rem tantam, tam periculosam, alienis et ignotis servis non credidisset. Talis est Antipatri ab Herode patre accusati defensio apud Josephum, lib. I de excidio: « Quomodo igitur ego tam callidus et ingeniosus in ceteris, factus sum adeo imprudens, ut non noverim facile non posse homines latere, tantum sceleris machinantem, etc. »

4. *Possum etiam... perquirere.* Ea prætermittit, ut majorem ostendat in causa fiduciam, dum ea adversariis concedit, quæ nec ipse, nec alii in aliis causis dare consuerunt.

5. *Possum omnes latebras.* Duo sunt maxime ex quibus causa deducitur, causa et eventus; de quibus in partitionibus orat. cap. 32 et 33. Hic innuit nullam conjecturam tam a cause, sive facultate, quam ipsis facti vestigiis et eventu deduci posse, qua Coelius tanti sceleris arguitur.

6. *Quæ sunt oratoris propria.* Hæc argumenta quæ proprio oratoris ingenio excogitantur, proindeque minus solent habere momenti, quod magis ab oratoris solertia et inventione, quam ab ipsius rei veritate, profluxerint.

7. *Non propter ingenium meum.* Bene et modeste; nempe molesta est omnis jactantia, tum maxime de ingenio et eloquentia. Vide orationem Sextianam, cap. 2.

8. *Possent.* Sic emendavit Ernest. Al. *potuissent.*

9. *A me ipso laborata.* Ant. Augustinus conj. optime *elaborata*, quod probat F. Ursinus. Nam supra, « cura et vigiliis elaborata » dixit. Recepit Lambinus. In Bruto, 7: « omnes artes vetustiores habet (Græcia), et multo ante non inventas solum, sed etiam perfectas, quam hæc est a Græcis elaborata dicendi vis, atque copia ». Ibidem, 90: « Deinceps inde multæ (causæ ad se delatæ), quas non minus diligenter elaboratas, et tamquam elu-

vitatis causa relinquo omnia. Habeo enim, iudices, quem vos socium vestræ religionis jurisque jurandi facile esse patiamini, L. Lucceium, sanctissimum hominem, et gravissimum testem: qui tantum facinus in famam atque fortunas suas neque non audisset illatum a Cœlio, neque neglexisset, neque tulisset. An ille vir, illa humanitate præditus, illis studiis, artibus atque doctrina¹⁰, illius ipsius periculum, quem propter hæc ipsa studia diligebat, negligere potuisset? et, quod facinus, in alienum hominem illatum severe acciperet, id omisisset curare in hospite? quod per ignotos actum quum comperisset¹¹, doleret, id a suis tentatum esse negligeret? quod in agris locisque publicis factum reprehenderet, id in urbe ac suæ domi cœptum esse, leviter ferret? quod in alicujus agrestis periculo non prætermitteret, id homo eruditus in insidiis doctissimi hominis dissimulandum putaret? Sed cur diutius vos, iudices, teneo? Ipsius jurati religionem auctoritatemque percipite, atque omnia diligenter testimonii verba cognoscite. Recita testimonium Lucceii. TESTIMONIUM LUCCEII..... Quid exspectatis amplius? an aliquam vocem putatis ipsam pro se causam et veritatem posse mittere? Hæc est innocentiae defensio, hæc ipsius causæ oratio, hæc una vox veritatis. In crimine ipso nulla suspicio est, et in re nihil est argumenti; in negotio, quod actum esse dicitur, nullum vestigium sermonis, loci, tem-

cubratas afferebamus ». Tullianum est res *elaborari*, non *laborari*, ut perfectio quædam significetur, qualem hominis studium omne adhibentis facultas ferat.

10. *Studiis, artibus atque doctrina.* Ex his ipsis verbis conjicere licet, hunc

esse L. Lucceium illum, a quo Cicero ornatisima epistola (ad Div. V, 12) petit, ut suas res memorie literisque mandet.

11. *Per ignotos actum quum comperisset.* Alii, *per ignotos actum si comperisset.*

poris; nemo testis, nemo conscius nominatur; totum crimen profertur ex inimica, ex infami, ex crudeli, ex facinorosa, ex libidinosa domo¹²; domus autem illa, quæ tentata scelere isto nefario dicitur, plena est integritatis, officii, religionis; ex qua domo recitatur vobis jurejurando devincta auctoritas: ut res minime dubitanda in contentione ponatur, utrum temeraria, procax, irata mulier finxisse crimen, an gravis, sapiens, moderatusque vir religiose testimonium dixisse videatur.

XXIII. Reliquum est igitur crimen de veneno: cujus ego neque principium invenire, neque evolvere exitum possum. Quæ fuit enim causa¹, quamobrem isti mulieri venenum vellet dare Coelius? Ne aurum redderet? num petivit? Ne crimen² hæreret? num quis objecit? num quis denique fecisset mentionem, si hic nemini nomen detulisset³? Quin etiam Herennium dicere audistis, verbo se molestum non futurum fuisse Coelio, nisi iterum eadem de re suo familiari absoluto nomen hic detulisset. Credibile est

12. *Ex inimica... domo.* Loquendi formula quam jurisconsulti frequenter usurpant. Paulus D. de testibus: «Testes eos quos accusator de domo produxerit, interrogari non placuit». Item Ulpianus ibidem: «nihil nocet ex una domo plures testes alieno negotio adhiberi». Lycurgus orator contra Leocratem: «timens ne ex eadem domo, et ii qui re ipsa arguebant, et is qui arguebatur, procederent».

XXIII. 1. *Quæ fuit enim causa.* Omnis conjectura refutatio a causa et eventu deducitur; jam ex inficiatione causæ demonstrat nullum posse hujus criminis principium inveniri. A remotione autem causæ solent factum nega-

re, ut Marcus Tullius passim; nempe, ut ait Leontinus Gorgias in Palamedis apologia: «Nemo vult gratis aut salutem suam summis periculis exponere, aut summa improbitate nefarius videri».

2. *Ne crimen hæreret?* De nece Dionis Alexandrini. Eodem sensu Terentius Hecyra, actu II, sc. 1: «Sola hic fuisti: in te omnis hæret culpa sola». Et pro Roscio comædo: «Potest hoc homini huic hære peccatum?»

3. *Nomen detulisset.* Id est, si Atratini patrem iterum non accusasset. — *Nemini.* Habent Rom. et Venetæ *nemini*.

igitur, tantum facinus nullam ob causam⁴ esse commissum? et vos non videtis, fingi sceleris maximi crimen⁵, ut alterius causa sceleris⁶ suscipiendi fuisse videatur? Cui denique commisit? quo adjutore usus est? quo socio? quo conscio? cui tantum facinus, cui se, cui salutem suam credidit? Servisne mulieris? sic enim objectum est. Et erat tam demens hic, cui vos ingenium certe tribuitis⁷, etiamsi cetera inimica oratione detrahitis, ut omnes suas fortunas alienis servis committeret? At quibus servis? refert enim magnopere id ipsum: hisne, quos intelligebat non communi conditione servitutis uti, sed licentius, liberius, familiarius cum domina vivere? Quis enim hoc non videt iudices? aut quis hoc ignorat, in ejusmodi domo, in qua nihil geratur, quod foras proferendum sit, in qua lustra, libidines, luxuries, omnia denique inaudita vitia atque flagitia versentur; hic servos non esse servos⁸? quibus omnia committantur? per quos gerantur? qui versentur iisdem in voluptatibus? quibus occulta credantur? ad quos aliquantum etiam ex quotidianis sumptibus ac luxuria redundet? Id igitur Coelius non videbat? Si enim tam familiaris erat mulieris, quam vos vultis; istos quoque servos familiares esse dominæ sciebat. Sin ei tanta consuetudo, quanta a vobis inducitur, non erat; quæ cum servis potuit familiaritas esse tanta?

4. *Nullam ob causam.* Codices Lamb. et Barb. Rom. Venet. et Aldus habent « ob nullam causam ».

5. *Sceleris maximi crimen.* Scilicet Dionis homicidii.

6. *Alterius causa sceleris.* Clodius veneficii.

7. *Et erat tam demens hic, cui vos ingenium certe tribuitis.* Idem qui

supra Gorgias: « duo in me inter se plane contraria reprehendis, sapientiam et insaniam. Quæ duo uni et eidem homini esse non possunt, etc. »

8. *Servos non esse servos.* Plutarchus de institutione puerili: « Qui se flagitiis omnibus immergerint, ne quidem satis libertatis habent, ut servos reprehendant, nedum et liberos ».

XXIV. Ipsius autem veneni¹ quæ ratio fingitur? ubi quæsitum est? quemadmodum paratum? quo pacto? cui, quo in loco traditum? Habuisse aiunt domi, vimque ejus esse expertum² in servo quodam, ad rem ipsam parato; cujus perceleri interitu esse ab hoc comprobatum venenum. Proh dii immortales! cur interdum in hominum sceleribus maximis aut connivetis³, aut præsentis fraudis poenas in diem reservatis⁴? Vidi enim, vidi⁵, et illum hausi⁶ dolorem vel acerbissimum in vita, quum Q. Metellus abstraheretur⁷ e sinu gremioque patriæ; quumque ille vir, qui se natum huic imperio putavit, tertio die post, quam in curia, quam in Rostris, quam⁸ in republica

XXIV. 1. *Ipsius autem veneni.* Remotione circumstantiarum crimen de veneno refutatur.

2. *Vimque ejus esse exp.* Suetonius Nerone, cap. 33, de veneno quod Britannico parabatur: « In hædo expertus, postquam is quinque horas protraxit, iterum ac sæpius recoctum porcello objecit. Quo statim exanimato, inferri in triclinium, darique cœnanti secum Britannico imperavit ».

3. *Connivetis.* Hæc quæstio totam antiquitatem turbavit, cur nimirum deus in maximis hominum sceleribus quasi connivens, iis bona accidere quasi pateretur, adeo ut propter hanc unam rationem plerique negaverint aut deum esse, aut rebus humanis providere.

4. *In diem reservatis?* Deum pedes laneos, manus plumbeas habere, vulgatum est, quod sero quidem nefarii, sed tamen gravissime nonnumquam puniantur; etenim ut ait Propertius: « Si qua venit sero, magna ruina venit ». Solon apud Demosthenem de falsa legatione justitiam describit: « Et quamvis poenas differt aliquando, tacetque

Mente tamen memori facta nefanda notat, Exigit et tandem poenas, etc. »

5. *Vidi enim, vidi.* Hoc verbo sæpe utimur ad miserationem commovendam. *Æn. II, 5:* « ... Quæque ipse miserrima vidi »; *XII, 638:* « Vidi oculos ante ipse meos me voce vocantem Murranum »; Cicero pro Milone, cap. 38: « Vidi enim, vidi hunc ipsum Q. Hortensium lumen et ornamentum reip. pæne interfici servorum manu ».

6. *Hausi dolorem.* *Æn. IV, 661:* « Hauriat hunc oculis ignem crudelis ab alto Dardannus »; et *XII, 945:* « ... oculis sævi monumenta doloris Exuviasque hausit furiis accensus et ira Terribilis ».

7. *Q. Metellus abstraheretur.* A Clodia uxore veneno sublatum credebant. Qua de causa Clytemnestra dicta est, ait Fab. I, cap. 6, quod ut illa virum Agamemnonem, sic hæc Metellum interfecerit.

8. *Quam in curia, quam in Rostris, quam, etc.* In vulgatis, « postquam in curia, in Rostris, in rep. »

floruisset, integerrima ætate, optimo habitu⁹, maximis viribus, eriperetur indignissime bonis omnibus, atque universæ civitati. Quo quidem tempore ille moriens, quum jam ceteris¹⁰ ex partibus oppressa mens esset, extremum sensum ad memoriam reipublicæ reservabat¹¹: quum me intuens flentem significabat interruptis atque morientibus vocibus, quanta impenderet procella¹² urbi, quanta tempestas civitati; et quum parietem sæpe feriens eum, qui cum Q. Catulo fuerat ei communis, crebro Catulum, sæpe me, sæpissime rempublicam nominabat; ut non tam, se emori, quam spoliari suo præsidio¹³ quum patriam, tum etiam me, doleret. Quem quidem virum si nulla vis repentini sceleris sustulisset, quonam modo ille furenti fratri suo patrueli consularis¹⁴ restitisset, qui consul incipientem furere¹⁵ atque conantem, sua se manu interfecturum, audiente senatu,

9. *Optimo habitu.* Habitus corporis optimus idem est atque sanitas.

10. *Quum jam ceteris.* Quum jam imminente morte vis veneni grassantis intra præcordia adeo sensus omnes et mentem oppressisset, ut de aliis rebus non posset cogitare.

11. *Reservabat.* Notavit Philipp. Rubenius elect. l. 9, veterem codicem habere *revocabat*, quod probant J. Gronovius, Grævius, Lalleu. Q. Metelli morientis tam oppressa mens erat, ut nihil jam reminisci, aut cogitare posset; nisi quod extremus tamen ei supererat quidam sensus quo ejus animo respublica observaretur, in qua operam ille omnem, studiumque collocaverat.

12. *Quanta impenderet procella.* Ex consulatu C. Cæsaris, propter leges quæ ferebantur. Obiisse Metellum

Celerem Cæsare et Bibulo coss. supra jam diximus.

13. *Spoliari suo præsidio.* Vir bonus est patriæ præsidium. Sic Hippocrates in epistola ad Abderitanum senatum: « Felices populi quicumque sua ipsorum propugnacula viros bonos esse cognoscunt, et non turre aut muros, sed sapientum sapientes sententias ».

14. *Fratri suo patrueli consularis restitisset.* Fratrem patruelem appellat non quod nati essent duobus fratribus, sed quod mater Clodii soror esset patriæ Metelli Celeris.

15. *Incipientem furere.* Id est, populi gratiam captantem ut omnia miseret et Cicero et bonis omnibus noceret. Cicero lib. II ad Atticum, ep. prima: Si paullo plus furor pulchelli progredi posset, valde ego te

dixerit? Ex hac igitur domo¹⁶ progressa ista mulier, de veneni celeritate dicere audebit? nonne ipsam domum metuet, ne quam vocem eliciat¹⁷? non parietes conscios, non noctem illam funestam ac luctuosam perhorrescet? Sed revertar ad crimen. Etenim hæc facta illius clarissimi ac fortissimi viri¹⁸ mentio et vocem meam fletu debilitavit, et mentem dolore impedit.

XXV. Sed tamen venenum unde fuerit, quemadmodum paratum sit, non dicitur. Datum esse hoc aiunt P. Licinio, pudenti adolescenti et bono, Coelii familiari; constitutum factum esse¹ cum servis, ut venirent ad balneas Senias²; eodem Licinium esse venturum, atque iis veneni pyxidem traditurum. Hic primum illud requiro: quid attinuerit illud ferri in eum locum [constitutum]; cur illi servi non ad Cœlium domum venerint. Si manebat tanta illa consuetudo Cœlii cum Clodia, tantaque familiaritas: quid suspicionis esset, si apud Cœlium mulieris servus visus esset? Sin autem jam suberat³ simultas, exstincta erat consuetudo, discidium exstiterat: « hinc illæ lacrymæ⁴ » nimirum, et hæc causa est horum omnium scelerum atque criminum.

istinc excitarem. Verum præclare Metellus impedit, et impeditet ».

16. *Ex hac igitur domo.* In qua triduo, integerrima ætate, optimo habitu, maximis viribus, Metellus exstinctus est.

17. *Ne quam vocem elicias?* Habent libri manuscripti *efficiat*, quorum scripturam confirmat Euripidis versus in Hippolyto, ex quo sententiam videtur Cicero mutuatus: « Sociasque tenebras non perhorrescunt mali, conscia domorum tecta ne vocem edant ».

18. *Clarissimi... viri.* Metellus fuit orator; citatur Brut. cap. 70.

XXV. 1. *Constitutum factum esse.* Lambin. « constitutum locum esse », ut habent nonnulli codices vulgati.

2. *Ad balneas Senias.* Al. *Xenias.* Balneo fuerunt solis addictæ peregrinis, ut nomen ipsum ἐν τῷ ξένου deductum videtur indicare, ad quas ni fallor, nefas esset, Romanos, gentemque togatam accedere.

3. *Jam suberat.* Erfurt. Barb. et prior Venet. « jamjam suberat ».

4. *Hinc illæ lacrymæ.* Hæc verba

Immo, inquit, quum servi ad dominam rem istam, et maleficio Cœlii detulissent, mulier ingeniosa præcepit suis, ut omnia Cœlio pollicerentur: sed, ut venenum, quum a Licinio traderetur, manifesto comprehendi posset, constitui locum jussit, balneas Senias, ut eo mitteret amicos, qui delitescerent; deinde repente, quum venisset Licinius, ut venenum traderet, prosilirent, hominemque comprehenderent.

XXVI. Quæ quidem omnia, judices, perfacilem rationem habent reprehendendi. Cur enim balneas publicas potissimum constituerat? in quibus non invenio, quæ latebra¹ togatis hominibus esse possit. Nam, si essent in vestibulo balnearum, non laterent: sin se in intimum conjicere vellent, nec satis commode, calceati² et vestiti, id facere possent, et fortasse non reciperentur: nisi forte mulier potens quadrantaria illa permutatione³ familiaris facta erat balneatori⁴.

ex Teseut. sc. i Andriæ deprompta videntur in proverbium abiisse «... Atat hoc illud est, Hinc illæ lacrymæ». Juven. sat. I, 168: «Inde iræ et lacrymæ». Quam sapiens mulieres libidinis impotentia in adolescentes a quibus spernebantur, furore plus quam belluino exarserint, indicio esse possunt exempla a Mureto collecta.

XXVI. 1. *Quæ latebra*. Seneca ep. 86, de balneo Scipionis: «Balneolum angustum, tenebricosum, ex consuetudine antiqua, non videbatur majoribus nostris caldum, nisi obscurum.... at nunc, quis est qui sic lavari sustineat? pauper sibi videtur, ac sordidus, nisi parietes magnis, et preciosis prohibus refulserint... et nunc blattaria vocant balnea, si qua non ita aptata sunt ut totius diei solem fenestris ampliatimis recipiant, nisi et lavantur simul et colorentur; nisi ex solio agros, et maria prospiciunt».

2. *Calceati*. Calceis in publico, domi soleis utebantur.

3. *Quadrantaria illa permutatione*. Quadrantaria dicta est Clodia, quod adolescens quidam pro stupri mercede in loculos loco nummorum argenteorum quadrantes aereos immisisset; inde illam ad quadrantem adulteris patere calumniatur Cicero. Ipea Messalina Augusta rerum omnium prodiga, pro stupro mercedem etiam exigebat. Juvenalis, VI, 125: «Excepit blanda intrantes atque æra poposcit». Sic intelligenda «quadrantaria permutatio»: quadrante vulgo Romæ lavari solebat in publicis balneis, teste Juvenale; at Clodia facta sui copia balneatori, quadrantem, quem pro balneo dederat, pro stupro recuperavit.

4. *Balneatori*. Veteres aliqui Tullium reprehenderunt, quod balneatorem in celsa loca posuisset; illum Quint. Inst. Orat. IX, 4, defendit.

Atque equidem vehementer expectabam, quinam isti viri boni, testes hujus manifesto deprehensi veneni dicerentur. Nulli enim sunt adhuc⁵ nominati. Sed non dubito⁶, quin sint pergraves, qui primum sint talis feminæ familiares⁷; deinde eam provinciam susceperint, ut in balneas contruderentur: quod illa, nisi a viris⁸ honestissimis ac plenissimis dignitatis, quam velit sit potens, numquam impetravisset. Sed quid ego de dignitate istorum testium⁹ loquor? virtutem eorum diligentiamque cognoscite. In balneis delituerunt: testes egregios! deinde temere prosiluerunt: homines gravitati deditos! Sic enim fingunt, quum Licinius venisset, pyxidem teneret in manu, conaretur tradere, nondum tradidisset, tum repente evolasse istos præclaros testes sine nomine; Licinium autem, quum jam manum ad tradendum¹⁰ pyxidem porrexisset, retraxisse, atque illo repentino hominum impetu se in fugam coniecisse. O magna vis veritatis¹¹, quæ contra hominum ingenia, calliditatem, solertiam, con-

5. *Nulli... sunt adhuc nominati.* Accusatores dixerant, testes se habere qui Licinium vidissent, quum venenum Clodii servis esset traditurus; eos igitur irridet Tullius, quod neminem hactenus nominarint; quod profecto fecissent, si testes producere potuissent.

6. *Sed non dubito.* Ironice carpit eorum testimonium levitatem, tum quod essent impudici feminæ familiares, tum quod id munus et officium suscepissent, ut se in balneas obtrusissent, quod bonis viris et gravibus plane indignum est.

7. *Talis feminæ familiares.* Æschines in sua accusatione contra Timarchum: « Si quem malorum consuetudo juvat, numquam rogavit qualiter vi-

vat, sciens talem esse, qualis grex erit sodalium ».

8. *Nisi a viris.* Manutius censet vocem *nisi* delendum; sed ironice loquitur Cicero.

9. *De dignitate istorum testium.* Non solum a dignitate, id est, generis, munerum, officiorum vitæ splendore fides testibus conciliatur, sed etiam morum integritate et sanctitate, quæ multo plus ad faciendam fidem habet momenti; nunc igitur postquam obscuritate testimonii fidem elevavit, ostendit non illis credendum esse.

10. *Ad tradendum.* Alii codd. dant *ad tradendam*.

11. *O magna vis veritatis.* Sententia sumpta ab Æschine ex oratione contra Timarchum: « Tanta vis est veri-

traque fictas omnium insidias, facile se per se¹² ipsa defendat!

XXVII. Verum hæc tota fabella¹ veteris, et plurimarum fabularum poetriæ, quam est² sine argumento? quam nullum invenire exitum potest³? Quid enim? isti tot viri (nam necesse est fuisse non paucos, ut et comprehendi Licinius facile posset, et res multorum oculis esset testatior) cur Licinium de manibus amiserunt⁴? qui minus enim Licinius comprehendi potuit, quum se retraxit, ne pyxidem traderet, quam si non retraxisset? Erant enim illi positi, ut comprehenderent Licinium; ut manifesto Licinius teneretur, aut quum retineret venenum, aut quum tradidisset. Hoc fuit totum consilium mulieris, hæc istorum provincia⁵, qui rogati sunt. Quos quidem tu quamobrem temere prosiluisse dicas, atque ante tempus, non reperio. Fuerant hoc rogati, fuerant ad hanc rem collocati, ut venenum, ut insidiæ, facinus denique ipsum ut manifesto comprehenderetur. Potueruntne meliori tempore prosilire, quam quum Licinius venisset? quum in manu teneret veneni pyxidem? quæ si quum jam erat tradita servis, evasisent

tatis, ut omnes superet humanas rationes ».

12. *Facile se per se ipsa.* Vulg. « facile per se ipsam ».

XXVII. 1. *Verum hæc tota fabella.* Antequam hujus narrationis repugantiam ostendat, ejus auctorem in lucem prodat, Clodium nimirum, quæ jampridem et alia multa confinxerat, allegoria ducta a poetis comicis, et fabularum auctoribus.

2. *Est sine argumento.* Quia non coheret, quia ne verisimile quidem habet ipso in mendacio quidquam.

3. *Nullum invenire exitum potest?* Id est, non potest se probabiliter explicare, nullumque finem principii consentaneum invenire.

4. *Cur Licinium de manibus amiserunt?* Franc. « cur Licinium manibus emisit ».

5. *Hæc istorum provincia.* Provincia dicitur quodvis negotium, sive munus, procuratio, sive etiam in rebus urbanis, et in privatis, ut Terent. Heautont. III, sc. 2, 5: « idcirco huic nostro tradita est provincia »; et Phorm. I, 2, 22: « provinciam cepisti duram ».

subito ex balneis mulieris amici⁶, Liciniumque comprehendissent: imploraret hominum fidem, atque a se illam pyxidem traditam pernegaret. Quem quomodo illi reprehenderent? vidisse se dicerent? Primum ad se revocarent maximi facinoris⁸ crimen; deinde id se vidisse dicerent, quod, quo loco⁹ collocati fuerant, non potuissent videre. Tempore igitur ipso se ostenderunt, quum Licinius venisset, pyxidem expediret, manum porrigeret, venenum traderet. Mimi¹⁰ ergo est jam exitus, non fabulæ: in quo quum clausula¹¹ non invenitur, fugit aliquis e manibus¹²; deinde scabilla concrepant¹³, aulæum tollitur¹⁴.

6. *Mulieris amici.* Ernest. delet verba duo « mulieris amici ».

7. *Vidisse se dicerent?* Sc. Licinium servis Clodiae venenum tradentem.

8. *Maximi facinoris crimen.* Particula adirent ne, veneno in manibus eorum deprehenso, calumniæ in Licinium et beneficij auctores dicerentur, et ita crimen in se revocarent.

9. *Quo loco.* Sive in vestibulo, sive in intimo balnearum; in vestibulo nec latere potuerunt, nec ex intimis balneis videre.

10. *Mimi.* Mimns est actio histriónica turpissimorum facinorum imitatrix. Octavius Ferrarius de pantom. et mimis, t. II Theat. Sallengr. « Nulla in mimis, ut in comœdia, fabulæ constitutio, et ideo aberat connexio, et solutio, quæ comœdiæ partes præcipue esse solent ».

11. *Clausula.* Seneca epist. 77: « Quomodo fabula, sic vita: non quamdiu, sed quam bene acta sit, refert; nihil ad rem pertinet, quo loco desinas. Quocumque volas desine; tantum bonam clausulam impone ».

12. *Fugit... e manibus.* Tales so-

lebant esse mimorum exitus, ut quum res non expediretur, fuga elaboretur, cujus partes agebantur. Juv. sat. XIII: « Mimnm agit ille, Urbani qualem fugitivus souera Catulli ».

13. *Scabilla concrepant.* Erant scabilla crepitacula ex ferro (Lucian. Saltat. VIII, 83, σιδηροὺν ἐπρόδημα), aut ex ligno (Pollux VII, 22, 87, ξύλινον ἐπρόδημα), quæ pedibus conculcati solebant, et strepitum faciebant, uti docet antiqua statua, in qua occurrit scabillum, confirmatque Rubenius de Re vestiaria, II, 17: « Crepitus ille scabillorum signum erat aulæ tollendi ». Augustinus lib. IV de musica: « Quæro ex te utrum possint copulari sibi pedes, quos copulari oportet, perpetuum quemdam numerum creare, ubi nullus finis appareat; veluti quam symphoniaci scabilla vel cymbala pedibus feriantur, certis quidem numeris... ita ut si tibias non audias, nullo modo ibi notare possis, quousque procurrat connexio pedum, etc. »

14. *Aulæum tollitur.* Velum pictum, cujus non solum in sedibus usus, sed

XXVIII. Quæro enim, cur Licinîum titubantem, hæsitantem, cedentem, fugere conantem, mulieraria¹ manus ista de manibus emiseric; cur non comprehenderint; cur non ipsius confessione, multorum oculis, facinoris denique voce, tanti sceleris crimen expresserint? an timebant, ne tot unum, valentes imbecillum, alacres perterritum superare non possent?

Nullum argumentum in re, nulla suspicio in causa, nullus exitus criminis reperitur. Itaque hæc causa, ab argumentis, a conjectura, ab iis signis, quibus veritas illustrari solet, ad testes tota traducta est. Quos quidem ego testes, iudices, non modo sine ullo timore, sed etiam cum aliqua spe delectationis exspecto. Prægestit animus jam videre, primum lautos juvenes², mulieris beatæ³ ac nobilis familiares; deinde fortes viros, ab imperatrice in insidiis atque in præsidio balnearum locatos: ex quibus requiram, quonam modo latuerint, aut ubi; alveusne⁴ ille, an

etiam in theatris. Anlæa quum scena esset aperta humi jacebant, et actu finito tollebantur. Phædr. fab. 7, lib. V, de principe tibicine: «Anlæo misso, devolutis tonitribus Dii sunt loquuti more translaticio».

XXVIII. 1. *Mulieraria*. Id est, feminis dedita.

2. *Lautos juvenes*. Et lautos et juvenes appellat ut parum pudicæ mulieris describat comitatum. Pingues sane et nitidi erant bene curata cute, quippe qui mensis Clodiæ mulieris opulentæ juxta et luxuriôsæ comissionibus et conviviis assueti.

3. *Mulieris beatæ*. Notam est a Græcis δαίσιος et εὐδαιμονας divites, a Latinis beatos nominari, sed quam male, Plato demonstrat: «Felices

ergo et probos esse, quæ simul necessario ferme fieri solent, volet quidem. Divites autem valde, simulque probos esse, impossibile. Dico autem divites, ut multi existimant, asserentes eoa esse divites, qui pauci e multis pecuniis plurimas possident, quas etiam posset malus quilibet possidere. Quod si ita est, numquam ego his concedam divitem revera esse felicem, nisi etiam bonus sit; fieri vero non potest, ut divitiis aliquis præstet, et probitate». De Legibus, lib. V, et alibi. Sic Aristoteles et boni quique philosophi de divitiis censuerunt. Sed vulgi delirantis opinio longe est alia.

4. *Alveusne*. Scilicet alveus balnearum angustus et humidus, quo descendere nudi solebant, cum lepidissime

equus Trojanus fuerit, qui tot invictos viros, muliebre bellum gerentes, tulerit ac texerit. Illud vero respondere cogam, cur tot viri ac tales, hunc et unum, et tam imbecillum, quam videtis, non aut stantem comprehenderint, aut fugientem consequuti sint. Qui se numquam profecto, si istum in locum processerint, explicabunt: quam volent in conviviis faceti, dicaces, nonnumquam etiam ad vinum disertis⁵ sint. Alia fori vis est, alia triclinii; alia subselliorum ratio, alio lectorum; non idem iudicum comessatorumque conspectus; lux denique longe alia est solis⁶, et lychnorum⁷. Quamobrem excutiemus omnes istorum delicias, omnes ineptias, si prodierint. Sed, si me audiant, navent aliam operam, aliam ineant gratiam, in aliis se rebus ostendent; vigeant apud istam mulierem venustate; dominantur sumptibus; hæreant⁸, jaceant, deserviant: capiti vero innocentis et fortunis parcant.

XXIX. At sunt servi¹ illi, de cognatorum² sententia, nobilissimorum et clarissimorum hominum, manu-

cum equo Trojano comparat; quem alveum κελὸν λόχον *cavas insidias* hand minus dixeris quam equum illum Homerus, *Odys. VIII.*

5. *Nonnumquam etiam ad vinum disertis sint.* Notum est illud: «*Fœcundi calices quem non fecere disertum*».

6. *Alia est solis.* Judicia intelligit, quod in Rostris sub dio et loco patente judicarent; quemadmodum et Athenis iudices ἀλλοτρίαι dicebantur. Hinc mos, ut tum iudices, tum oratores nonnumquam manu elata solem attestarentur.

7. *Et lychnorum.* Ergo cœnæ illæ in noctem productæ; quod intemperantiæ fuit.

8. *Hæreant.* Martialis, lib. II, epigram. 38: «*Crine nitens, niger unguento, perlucidus oestro, Ore tener, latus pectore, crine glaber, Uxori qui sæpe tuæ comes improbus hæret*».

XXIX. 1. *At sunt servi.* At enim objicietis servos illos, qui ad dominam rem istam et maleficium Cœlii detulerunt, in fidei mercedem fuisse libertate donatos.

2. *Cognatorum sententia.* Significatur mulieri non licuisse servos sine cognatorum sententia manu mittere. Manu miserat autem, ne de iis quæstio haberetur, quoniam liberi non torquebantur apud Romanos, ut apud Athen. Cicero in partit. ejusdemque rei exemplum exstat in Milon.

missi. Tandem aliquid invenimus, quod ista mulier de suorum propinquorum, fortissimorum virorum, sententia atque auctoritate³ fecisse dicatur⁴. Sed scire cupio, quid habeat argumenti ista manumissio : in qua aut crimen est Cœlio quæsitum, aut quæstio sublevata⁵, aut multarum rerum consciis servis cum causa⁶ præmium persolutum. At propinquis placuit. Cur non placeret, quum rem tute ad eos non ab aliis tibi allatam, sed a te ipsa compertam, deferre diceret? Hic etiam miramur, si illam commentitiam pyxidem obsœenissima sit fabula⁷ consequuta? nihil est, quod in ejusmodi mulierem non cadere videatur. Audita et percelebrata sermonibus res est. Percipitis animis, judices, jamdudum, quid velim, vel potius, quid nolim dicere. Quod etiamsi est factum, certe a Cœlio non est factum : quid enim attinebat? est enim ab aliquo fortasse adolescente, non tam insulso, quam non verecundo. Sin autem est fictum, non illud quidem molestum⁸, sed tamen est non inficetum mendacium. Quod profecto numquam hominum sermo atque opinio comprobasset, nisi omnia, quæ cum turpitudine aliqua dicerentur, in istam quadrare apte viderentur.

3. *De propinquorum...auctoritate.* Cato Censorius apud Livium, lib. IV, Dec. 4 : « Majores nostri nullam ne privatam quidem rem agere feminas sine auctore voluerunt; in manu esse parentum, patrum, virorum, etc. » Cicero pro Murena : « Mulieres omnes propter infirmitatem consilii majores in tutorum potestate esse voluerunt ».

4. *Dicatur. Al. videatur.* Male, nam cum re non congruit.

5. *Aut quæstio sublevata. Al. sublatâ.* Pro Murena, « pericula hominum

sublevari » dicuntur, quum propulsantur, ita quæstio servorum quam manumissio removerit, *sublevata* dicitur, quum eam quidem servi perituerint.

6. *Cum causa.* Id est, specie servorum remunerandi fidem.

7. *Obsœenissima sit fabula.* Cognoscere non datur, quæ fabula ista fuerit, nempe Cicero verborum turpitudinem vitavit.

8. Sic optimi codd. Olim *modestum*, quod Lallemand. revocavit. J.V. L.

Dicta est a me causa, iudices, et perorata. Jam intelligitis, quantum iudicium sustineatis, quanta res sit commissa vobis. De vi quæritis⁹: quæ lex ad imperium, ad majestatem, ad statum patriæ, ad salutem omnium pertinet; quam legem Q. Catulus¹⁰, armata dissensione civium, reipublicæ pæne extremis temporibus¹¹, tulit; quæque lex, sedata illa flamma consulatus mei, fumantis reliquias conjurationis exstinxit. Hac enim lege Coelii adolescentia non ad reipublicæ poenas, sed ad mulieris libidines et delicias deposcitur.

XXX. Atque hoc etiam loco M. Camurti² et C. Eserni damnatio prædicatur. O stultitiæ dicam, an impudentiam singularem! Audetisne, quum ab ea muliere² veniatis, facere istorum hominum mentionem? audetisne excitare tanti flagitii memoriam, non extinctam illam quidem, sed repressam vetustate? Quo

9. *De vi quæritis.* Lege Plantia de vi habetis quæstionem, cujus legis observatione salus reipublicæ continetur.

10. *Quam leg. Q. Catulus.* Q. Catulus consul tulit Q. Plantio tribuno plebis rogationis administro, a quo tamquam auctore Plantie nomen sortita est, et sic ab auctore legis dignitatem ostendit, tum a tempore hoc pacto.

11. *Pæne extremis temporibus.* Quum Lepidus, Catuli collega in consulatu, male sopitum Marianæ seditionis incendium renovaret, renitente Catulo, qui Sullanæ partes secutus fuerat.

XXX. 1. *Loco M. Camurti et C. Eserni.* Legendum loco M. Camurtii et C. Esernii.

2. *Quum ab ea muliere.* Num ego

crediderim Claudiæ familiares tanta fuisse dementia, tantaque impudentia, ut turpissimi flagitii, quod Claudiam ipsam ignominia afficeret, memoriam eorum iudicibus excitarent? Cicero in consuetudinem verterat habitam orationem retractandi, et quidquid idoneum ad commoveudos animos iudicaret, affingendi, antequam publicaret. Quod ipse plurimis in epistolis fatetur. Nonne igitur forte accusatoribus fictam assignavit inconsiderantiam in Clodiæ turpitudine revocanda? Quidquid id est, hæc mulier a Vettio quodam adolescente spreta, furore æstuans, novum ulciscendi genus meditata, Camurtium et Esernium sibi obstrictos iussit, ut Vettio vim inferrent, et ejus pudicitiam nefarie polluerent. Quo facto, Camurtius et Esernius de vi damnati sunt.

enim illi crimine peccatoque perierunt? nempe, quod ejusdem mulieris dolorem et injuriam Vettiano nefario sunt stupro persecuti. Ergo, ut audiretur Vettii nomen in causa, ut illa vetus Afrania fabula³ refricaretur, idcirco Camurti et Eserni causa est renovata? qui quamquam lege de vi certe non tenebantur⁴, eo maleficio tamen erant implicati, ut ex nullius legis laqueis emittendi viderentur. M. vero Coelius cur in hoc iudicium vocatur? cui neque proprium quæstionis crimen objicitur, nec vero aliquid ejusmodi, quod sit a lege sejunctum⁵, at cum vestra severitate conjunctum. Cujus prima ætas dedita disciplinis fuit, iisque artibus, quibus instruimur ad hunc usum forensem, ad capessendam rempublicam⁶, ad honorem,

3. *Illā vetus Afrania fabula.* Lamb. conjicit *Afraniana*. Quod rectum, nisi malis *Afranii* aut *Afraniæ*; nempe non datur cognoscere utrum ad Afranium an ad Afraniam alludat orator. Afranius poeta, de quo Fabius lib. X, cap. 1: «Togatis excellit Afranius, utinamque non inquinasset argumenta puerorum fœdis amoribus, mores suos fassus». Afrania impudentissima mulier, et ut credere par est, plurimarum fabularum poetria, quam Clodia imitari voluerit. Valerius Max. lib. VIII, cap. 3: «Caia Afrania, Licinii Bructionis uxor, prompta ad lites contrahendas, pro se semper apud prætorem verba fecit, non quod advocati deficerent, sed quod impudentia abundabat. Itaque inusitatis foro latratibus assidue tribunalia exercendo, mulieris calumniæ notissimum evasit exemplum; adeo ut pro crimine improbis feminarum moribus Caiæ Afraniæ nomen objiciatur.... Prorogavit autem spiritum suum ad C. Cæsarem

tertium, itemque M. Servilium consulē; tale enim monstrum magis quo tempore extinctum, quam quo sit ortum memoriæ tradendum est».

4. *Lex certe de vi non tenebantur.* Lex de vi ad publica, non ad privata flagitia spectabat; sed, cap. 1 de seditiosis consceleratisque civibus, qui armati senatum obœdiassent, magistratibus vim attulissent, rempublicam oppugnassent quæri jubebat. Tamen reus, qui lege de vi absolvendus videbatur, nihilominus condemnabatur, si flagitium ejusmodi caset, ut damnari eum necesse videretur, quacumque lege easet accusatus.

5. *Quod sit a lege sejunctum.* I. e. quamvis ab ipsa lege et quæstione de vi sejunctum, tamen propter facti atrocitatem puniendum.

6. *Ad capessendam rempublicam,* etc. Ad honores aditum patefaciebat eloquentia. Pro Sextio: «Hæc est una via, mihi credite, et laudis, et dignitatis, et honoris». Et alibi frequenter.

gloriam, dignitatem; iis autem fuit amicitiiis majorum natu⁷, quorum imitari industriam continentiamque maxime vellet⁸; iis æqualium studiis⁹, ut eundem, quem optimi ac nobilissimi, petere cursum laudis videretur¹⁰. Quum autem paullum jam roboris accessisset ætati, in Africam profectus est, Q. Pompeio proconsuli contubernalis¹¹, castissimo viro, atque omnis officii diligentissimo: in qua provincia quum res erant et possessiones paternæ, tum etiam usus quidam provincialis¹², non sine causa a majoribus huic ætati tributus. Discessit illinc Pompeii iudicio probatissimus, ut ipsius testimonio cognoscetis. Voluit vetere instituto¹³, eorum adolescentium exemplo, qui post in civitate summi viri et clarissimi cives exstiterunt, industriam suam a populo romano, ex aliqua illustri accusatione¹⁴ cognosci.

7. *Amicitiiis majorum natu.* Vide dicta ad cap. 4. Et Xenophont. initio lib. IV Memorabil. de Euthydemo, qui majorum natu et eruditorum societatem fugiebat.

8. *Vellet. Velit.*

9. *In æqualium studiis.* Vel quod eum æquales observarent, quemadmodum Ciceronem adhuc puerum nobiles condiscipuli ob ingenium tanti faciebant, ut eum singulis diebus e scholis redeuntem honoris causa domum deducerent; vel quod æmularetur æqualium studia, et cum quibusvis ingenio, virtute industriaque cerneretur.

10. *Petere cursum laudis videretur.* Voce translata vel a curribus, vel a navibus quæ in mare decurrunt. Ad utramque translationem alludit lib. III de Orat. « O fallacem hominum spem, fragilemque fortunam, et inanes nostras contentiones, quæ in medio spatium sæpe franguntur, et corrunt, ut

ante in ipso cursu obruantur, quam portum conspicere potuerunt! » Vide de Claris Oratoribus cap. 307.

11. *Contubernalis.* Optima tunc erat adolescentium disciplina, ut apud claros viros magistratum gerentes in contubernio viverent. Sic L. Gellius C. Carbonis eloquentissimi viri contubernalis in consulatu fuit, ut in Bruto: sic L. Torquatus Ciceronis consulis, ut in orat. pro Sulla.

12. *Usus quidam provincialis.* Id est, majorum instituto, qui cum proconsulibus adolescentes nobiles in provincias eo consilio mittebant, ut hoc pacto ad reipublicæ administrationem ipso usu optimo magistro eradirentur.

13. *Vetere instituto.* Sic in Divinat. significat vetus institutum fuisse, ut adolescentes rerum capitalium accusationes susciperent, quod etiam Plutarchus in Cicerone testatur.

14. *Illustri accusatione.* Apuleius

XXXI. Vellem alio potius¹ eum cupiditas gloriæ detulisset; sed abiit² hujus tempus querelæ. Accusavit C. Antonium³, collegam meum: cui misero præclari in rempublicam beneficii memoria nihil profuit⁴, nocuit opinio maleficii cogitati⁵. Postea nemini⁶ concessit æqualium, plus ut in foro, plus ut in negotiis versaretur, causisque amicorum, plus ut valeret inter suos gratia. Quæ nisi vigilantes homines, nisi sobrii, nisi industrii, consequi non possunt, omnia labore et diligentia est consequutus. In hoc flexu quasi ætatis⁷ (nihil enim occultabo, fretus humani-

apologia posteriore: « Neque autem gloriæ causa me accusat, ut M. Antonius Cn. Carbonem, C. Mutius M. Albatium, P. Sulpitius Cn. Norbanum, C. Furius M'. Aquilium, C. Curio Q. Metellum. Quippe hi omnes eruditissimi juvenes, laudis gratia primum hoc rudimentum forensis operæ subibant, ut aliquo insigni judicio civibus suis noscerentur. Qui mos incipientibus adolescentulis ad illustrandum ingenii florem, apud antiquos concessus, jamdiu exolevit ».

XXXI. 1. *Vellem alio potius*. I. e. vellem in alium potius, quam in C. Antonium suæ accusationis impetum convertisset. — *Detulisset*. A navigantibus ducta translatio, qui vi tempestatis, non consilio, quamlibet in partem deferuntur. Horat. « Quo me cumque rapit tempestas deferor hospes ».

2. *Sed abiit*. Id est, sed serinè est queri, postquam Antonius jam exsilio mulctatus est.

3. *Accusavit C. Antonium*. Lege repetundarum ex provincia Macedonia digressum in judicium sic vocavit, ut tamen maximam accusationis partem, non in repetundarum, sed in

conjuracionis crimine consumpserit; quasi Antonius Catilinaris conjuracionis fuisset particeps.

4. *Beneficii memoria nihil profuit*. Scil. Catilinaris exercitus elades. Sed Antonius victoriæ non fuit auctor, nec quidem pugniæ adfuit, ut narrat Sallust. Catilin. cap. 59: « Caius Antonius pedibus seger, quod prælio adesse nequibat, Marco Petreio legato exercitum permittit ».

5. *Nocuit opinio maleficii cogitati*. Contra rempublicam: conscius enim et participem conjurationis fuisse creditum est. Jam anno Urbis 689 Cicero in senatu graviter in coitionem Antonii et Catilinæ invectus erat; habita oratione in Toga candida, quia consulatum petebat. Fragmenta exstant hujus orationis. Cicero consul factus, metuens ne Antonius collega se obtritus alieno reipublicæ noceret, Macedoniam provinciam optimam, quam sortitus erat, illi cecit.

6. Palimpsest. Ambros. apud Ang. Maiam, pag. 54, *nemini unquam*. J. V. L.

7. *In hoc flexu quasi ætatis*. A circo circensibusque ludis allegoria deducitur; quemadmodum aurigæ con-

tate ac sapientia vestra), fama adolescentis paullum hæsit ad metas notitia nova mulieris, et infelici vicinitate, et insolentia voluptatum: quæ quum inclusæ diutius⁸, et prima ætate compressæ et constrictæ fuerunt, subito se nonnumquam profundunt atque eji-ciunt universæ. Qua ex vita, vel dicam, quo ex sermone⁹ (nequaquam enim tantum erat, quantum homines loquebantur), verum ex eo, quidquid erat, emersit, totumque se ejecit atque extulit; tantumque abest ab illius familiaritatis infamia, ut ejusdem nunc ab sese inimicitias odiumque propulset. Atque ut iste interpositus sermo deliciarum¹⁰ desidîæque moreretur (fecit, me mehercule invito¹¹, et multum repugnante, sed tamen fecit), nomen amici mei de ambitu detulit: quem absolutum insequitur, revocat; nemini nostrum obtemperat¹²; est violentior, quam

fectis spatiis, sæpe labuntur, currusque ad metam allidunt, sic M. Coelius decursis pueritiæ et adolescentiæ spatiis, quum jam se in juventutem inflecteret, nonnihil de fama suæ pristinæ frugalitatis amisit. Ea sæpius utuntur allegoria. Vide Cic. in Læl. et lib. I de Orat. Senec. lib. de tranquillitate animi, c. 9, et al. « Reipsa in vitæ spatiis circa adolescentiæ metam flectendum est, quo in flexu maximum vitæ virtutisque discrimen impendat, ut maximus labor est ad metam in curuli certamine ». Cicero non dixit *ad metam*, sed *ad metas* romano more; nam spina circi pluribus metis terminabatur. Ovid. Trist. IV, 8, 35: « Nec procul a metis, quas pæne tenere videbar, Curriculo gravis est facta ruina meo ».

8. *Quum inclusæ diutius*. Translatio e belluis sumpta.

9. *Fel dicam, quo ex sermone*.

Nota egregiam dubitationem in nominis delectu; vitam dixerat, se corrigit, dicit non vitam fuisse, sed sermonem iniquumque rumorem, mox hanc ipsam correctionem corrigit, ut magis ostendat se causæ confidere, et sive vita Coelii fuerit licentior, sive solo hominum rumore, eum ostendit venia et excusatione dignum.

10. *Interpositus sermo deliciarum*. Ut iste rumor de ejus deliciis et luxu, qui interpositus ipsius quodammodo bonæ existimationis cursum abruerat, exstingueretur, nomen Atratinii amici mei detulit.

11. *Fecit, me... invito*. Hæc per parenthesesim interjicit, ne judices offendant, qui Atratinum absolverant.

12. *Nemini nostrum obtemperat*. Non patri, non M. Crasso, cujus in castissima domo sæpe versatur; non mihi, ad quem sumpta virili toga a patre deductus est.

vellem. Sed ego non loquor de sapientia¹³, quæ non cadit in hanc ætatem: de impetu animi loquor, de cupiditate vincendi, de ardore mentis ad gloriam; quæ studia in his jam ætatibus nostris contractioniora esse debent, in adolescentia vero, tamquam in herbis, significant, quæ virtutis maturitas, et quantæ fruges industriæ¹⁴ sint futuræ. Etenim semper magno ingenio adolescentes refrenandi potius a gloria, quam incitandi fuerunt; amputanda plura sunt illi ætati, siquidem efflorescit ingenii laudibus, quam inserenda. Quare, si cui nimium effervesce videtur hujus, vel in suscipiendis, vel in gerendis inimicitis, vis, ferocitas, pertinacia; si quem etiam minorum¹⁵ horum aliquid offendit; si purpuræ genus¹⁶, si amicorum catervæ¹⁷, si splendor, si nitor: jam ista deferve-

13. *Non loq. de sapientia.* Neque ego sapientem eum in hac re fuisse prædico, quæ virtus in adolescentes non cadit; verum hunc jam animi ardorem ostendebat, unde divinare licebat, quid maturior ageret.

14. *Et quantæ fruges industriæ.* Eodem pæne sensu Æschylus Amphiarum a fragibus industriæ descripsit: «Nec enim videri, at esse se justum capit; Segetem profundam mente sæcunda metens Consilia de qua pullulant illustria».

15. *Si quem minorum.* Vulg. *minorum*. Minores appellabantur de plebe homines qui aderant in corona.

16. *Si purpuræ genus.* Plin. Hist. Nat. lib. IX, cap. 39: «Nepos Cornelius qui D. Augusti principatu obiit, me, inquit, juvene violacea purpura vigeat, cujus libra denariis centum veniebat (nostr. monetæ 82 fr.); nec multo post rubra Tarentina; huic successit dibapha Tyria, quæ in libras

denariis mille (monetæ gall. 820 fr.) non poterat emi; hæc P. Lentulus Spinther ædilis curulis primus in prætexta usus improbatur; quæ purpura quis jam, inquit, non triclinaria facit?» Spinther ædilis fuit Urbis cond. anno 690, Cicerone consule. Dibapha tunc dicebatur, quæ bis tineta esset veluti magnifico impendio, qualiter nunc omnes pæne commodiores purpuræ tinguntur. Hæc igitur purpura delectabatur Cælius elegantiore et splendidiore, quam ferre adolescentes reliqui solerent. Equitibus romanis licebat tunica purpureis uti distincta clavis, sed in equestri tunica minores erant clavi, quam in senatoria; unde Velleius de Mæcenate: «Vixit angusto clavo contentus», id est, equestri ordine.

17. *Si amicorum catervæ.* In comitatu. — *Si splendor.* In epulis, et reliqua vitæ ratione. — *Si nitor.* In cultu corporis.

rint¹⁸; jam ætas omnia, jam ista dies¹⁹ mitigarit.

XXXII. Conservate igitur reipublicæ, iudices, civem bonarum artium, bonarum partium, bonorum virorum. Promitto hoc vobis, et reipublicæ spondeo, si modo nos ipsi reipublicæ satisfacimus, numquam hunc a nostris rationibus sejunctum fore¹: quod quum fretus nostra familiaritate promitto, tum quod durissimis se ipse legibus jam obligarit². Neque enim potest, qui hominem consularem, quod ab eo reipublicam violatam³ diceret, in iudicium vocarit, ipse esse in republica civis turbulentus: non potest, qui ambitu ne absolutum quidem patitur⁴ esse absolutum, ipse impune umquam esse largitor. Habet a

18. *Jam ista deferrent.* Huic loco fere similis est illa L. Lucretii viri consularis oratio, quum Cæsonem Quintium defenderet: « Quod offendet in eo, fervorem et audaciam ætatem quotidie auferre. Quod desideretur consilium, id in dies crescere; senescentibus vitiis, maturescent virtutes; sinerent tantum virum senem in civitate fieri ».

19. *Jam ista dies mitigarit.* Si cui Coelius videtur et elegantiore vestitu, et majore amicorum caterva per omnium ora incedere, adolescentia excusationem habeat; jam tempus omnia hæc adimet, et causa ipsa mitigabit.

XXXII. 1. *A nostris rationibus sejunctum fore.* Id est, a nostris institutis, studiis, disciplina, vitæ ratione; uno verbo, a bonorum virorum partibus.

2. *Tum quod durissimis se ipse legibus jam obligarit.* Fore ut ab iis se vitiis abstineret, quæ in aliis accebat.

3. *Violatam.* Conjurazione Catili-

næ, cujus particeps fuisse dicebatur Antonius.

4. *Ne absolutum quidem patitur.* Superius: « Nomen amici mei de ambitu detulit, quem absolutum insequitur, revocat, nemini nostrum obtemperat ». Quibus vides id moris apud Romanos fuisse, ut absolutos nonnumquam in iudicium revocarent, contra Atheniensium institutum et Gallorum, nempe legibus præcipuis cautum fuit, ne quisquam bis eadem de causa judicaretur. Apud Romanos tamen non licebat apud eosdem iudices eodem crimine reum absolutum arcescere, quum ii non possint sententiam suam mutare. Ulp. D. de re iudicata: « Judex posteaquam sententiam dixit, postea iudex esse desinit, et hoc jure utimur, ut iudex qui semel vel pluries, vel minoris condemnavit, amplius corrigere sententiam suam non possit. Semel enim male seu bene officio functus est ». Constat tamen ævo Ciceronis reos absolutos nonnumquam ad iudicium fuisse revocatos. Vide lib. II ad Q. frair. cap. 3.

M. Cœlio respublica, iudices, duas accusationes, vel obsides periculi⁵, vel pignora voluntatis. Quare oro, obtestorque vos, iudices, ut qua in civitate paucis his diebus Sext. Clodius⁶ absolutus sit, quem vos per biennium aut ministrum seditionis, aut ducem vidistis, qui ædes sacras, qui censum populi romani, qui memoriam publicam suis manibus incendit, hominem sine re⁷, sine fide, sine spe, sine sede, sine fortunis, ore, lingua, manu, vita omni inquinatum; qui Catuli monumentum afflixit, meam domum diruit, mei fratris incendit; qui in palatio atque in urbis oculis servitia ad cædem, et inflammandam urbem incitavit: in ea civitate ne patiamini illum absolutum muliebri gratia, M. Cœlium libidini muliebri condonatum⁸; ne eadem mulier, cum suo conjuge et fratre⁹, turpissimum latronem eripuisse, et honestissimum adolescentem oppressisse videatur.

Quod quum hujus vobis¹⁰ adolescentiam propo-

5. *Vel obsides periculi.* Fabius, lib. XII, cap. 7: « Creditique sunt etiam clari juvenes obeidem reipublicæ dare malorum civium accusationem, quia nec odisse improbos, nec similitates provocare, nisi ex iudicio bonæ mentis, videbantur ».

6. *Sext. Clodius.* Familiarissimus P. Clodii, et operarum dux Clodianarum.

7. *Hominem sine re.* Lambinus legendum censet homo, et inferius inquinatus, loco inquinatum. — *Sine fide.* Id est, sine honore. Gorgias in apologia Palamedis: « Vita non ei potest esse vitalis, qui fidem amisit; nam qui pecuniarum jacturam fecerit, qui regno, qui patria ceciderit, pristinam potest recuperare fortunam, at qui fidem perdiderit, non potest ».

8. *Libidini muliebri condonatum.* Id est, damnatum, ut muliebris vindicetur libido, furor, infamia. Vide supra cap. 13.

9. *Cum suo conjuge et fratre.* Pro Domo sua: « Sed vide ne tu te debeas Jovem dicere, quod tu jure eandem sororem et uxorem appellare possis ». Hinc ad Atticum, II, bis Clodiam *βωπίδα* cognomento Junonis appellat.

10. *Quod quum hujus vobis.* Cic. de Orat. II, 2: « Jam misericordia movetur, si is qui audit, adduci potest, ut illa, quæ de altero deplorantur, ad suas res revocet, quas aut tulerit acerbas, aut timeat, aut intuens alium, crebro ad se ipsum revertatur ». Ex Aristot. Rhet. II, cap. 8, a quo numerantur inter eos qui maxime ad

sueritis, constituitote vobis ante oculos etiam hujus miseri senectutem¹¹, qui hoc unico filio nititur, in hujus spe requiescit, hujus unius casum pertimescit; quem vos supplicem¹² vestrae misericordiae, servum potestatis, abjectum non tam ad pedes, quam ad mores sensusque vestros, vel recordatione parentum vestrorum, vel liberorum jucunditate sustentate; ut in alterius dolore, vel pietati, vel indulgentiae vestrae serviatis. Nolite, judices, aut hunc jam natura ipsa occidentem, velle maturius extinguere¹³ vulnere vestro, quam suo fato; aut hunc nunc primum florentem, firmata jam stirpe virtutis, tamquam turbine aliquo, aut subita tempestate pervertere. Conservate parenti filium, parentem filio; ne aut senectutem jam prope desperatam contempsisse¹⁴, aut adolescentiam plenam spei maximae, non modo non aluisse vos, sed etiam perculisse atque afflxisse vi-

commiserationem propensi sunt: « qui jam passi sunt, et evaserunt; tum senes et ob prudentiam, et ob experientiam; tum debiles et timidiores magis; tum eruditi, considerati enim sunt; tum quibus sunt parentes, et liberi et uxores; sua enim sunt haec, et possunt pati ob ea, quae dicta sunt ».

11. *Hujus miseri senectutem.* Patrem M. Coelii monstrat, qui atratus et sordidatus in judicium movendae misericordiae causa venerat.

12. *Quem vos supplicem.* M. Coelium patrem. Leviter judicum animos, sed tamen nihilo secus vehementer accendit: 1° dum patris non ipsius filii rei nomine filio veniam deprecatur; 2° dum et judicum potestatis, et illius miseriae demissionisque mentionem facit; nulla enim re citius mise-

ricordiam movemus, quam si nos aliis inferiores, nostramque salutem ab illorum potestate pendere fateamur. 3° Breviter judicum laudem interset, dum eos ab ipsorum moribus ad misericordiam adhortatur. 4° Eorum sensus leviter parentum et liberorum recordatione pertentat, qua facillime animus ad commiserationem accenditur.

13. *Nolite, judices, aut hunc jam natura ipsa...extinguere.* Pulcherrima hoc in loco antithesis, quum inde patrem senem, inde filium in primo aetatis ac virtutis flore opponit; et miro artificio ducta metaphora ab arbore firmiori, quam evertat turbo aliquis et inexpectata tempestas.

14. *Contempsisse.* Non satis quivis mirari possit, quanta facilitate, quam inexhausta ubertate in affectibus movendis utatur Cicero; quam inexpecta-

246 M. T. CIC. ORATIO PRO M. COELIO.

deamini. Quem si vobis, si suis, si reipublicæ conservatis, addictum, deditum, obstrictum vobis ac liberis vestris habebitis¹⁵; omniumque hujus nervorum¹⁶ ac laborum vos potissimum, judices, fructus uberes diuturnosque capietis.

otata novitate sententiam jam usurpatam auribus infundat.

15. *Habebitis.* Postquam judicium vehementissimo affectu misericordiam commovisse satis sibi videtur, novam eis utilitatem proponit, si reum absolverint; ad ipsos nempe perventu-

rum omnem Coelii laborum fructum, qui id unum jam sit curaturus, ut virtutum semina ad bonam frugem adducat, seque dignum republica, dignum judicibus ostendat.

16. *Nervorum.* Scilicet virium, conatus.

M. T. CICERONIS
ORATIO
DE PROVINCIIS CONSULARIBUS

ARGUMENTUM.

Ann. U. C. 697, Cn. Cornelio Lentulo Marcellino et L. Marcio Philippo coss. quum lege Sempronia sancitum esset, ut ante comitia consularia senatus decerneret, in quas provincias consules designati post consulatum mitterentur, actum est in senatu, quid de Galliis duabus, de Syria et Macedonia fieri placeret. Gallias duas uno imperio Cæsar regebat; Syriam Gabinus, Macedoniam Piso obtinebat. Decernendæ erant provinciæ duæ; Servilius igitur ante Ciceronem sententiam rogatus Syriam et Macedoniam decernendas; alii censuerunt, ut alterutra Gallia Cæsari detraheretur. Cicero sententiam rogatus primum e Macedonia Pisonem, cap. 1-4; deinde e Syria Gabinium revocandum esse docet, cap. 5; ita ut hæ provinciæ per instantem annum prætoris sint, anno proxime sequente consulares, cap. 6, 7. Cæsari autem succedendum nondum esse censet. Et quoniam aliquis familiaris negaverat Ciceronem inimiciorem Gabinio debere esse quam Cæsari, omnem enim illam exsilii tempestatem Cæsare impulsore atque adju tore esse excitatam, Cicero primum exemplis fortissimorum et clarissimorum virorum se defendit, quod communis potius utilitatis rationem habeat, quam doloris sui, cap. 8, 9; deinde ostendit se in Cæsare ornando senatus voluntatem et reipublicæ utilitatem sequi, cap. 10, 11. Non autem utile esse reipublicæ, hunc imperatorem, incensum ad rempublicam bene gerendam, revocare; et totam Gallici belli rationem, prope jam explicatam, perturbare atque impedire, cap. 12-14. Illas autem sententias duorum senatorum minime probandas esse, quorum alter ulteriorem Galliam decernat cum Syria, alter citeriorem, cap. 15. Neque vero committendum esse, ut ullus vir clarus ac potens senatui jure irasci posse videatur, ac propterea Gallias Cæsari in medio rerum gestarum et gerendarum cursu non adimendas, cap. 16. Deinde breviter explicat, quæ sibi ipsi sit ratio et causa cum Cæsare. Sibi igitur cum eo inimicitias fuisse numquam; opinionem injuriæ ab eo ac-

ceptæ beneficiis extinctam esse, cap. 17-19. Postremo sententiæ suæ argumenta breviter recolligit, cap. 20.

Ac Cæsari quidem SCto prorogatum est in utraque Gallia imperium; Pisoni ann. U. 698 Q. Ancharius, Gabinio ann. 699 M. Licinius Crassus successit.

M. T. CICERONIS ORATIONES.

ORATIO DE PROVINCIIS CONSULARIBUS.

ORATIO QUINTA ET TRICESIMA.

I. **S**I quis vestrum, patres conscripti¹ expectat, quas sim provincias² decreturus³, consideret ipse secum, qui mihi homines ex provinciis potissimum detrahendi sint: non dubitabit, quid me sentire conveniat, quum, quid mihi sentire necesse sit⁴, cogi-

I. 1. *Si quis vestrum, patres conscripti.* Loquendi formam hanc sic veteres sunt interpretati. Centum senatores quos creavit Romulus, patres appellati sunt, quod hi soli cieri poterant. Dicebantur etiam omnes patricii. Postea Tarquinius Priscus centum adlegit, qui patricii minorum gentium dicti sunt. Exactis regibus, ex primoribus equestri gradu auctas est numerus ad trecentos. Inde formula vocandi per praeconem senatus, qui patres, quique conscripti essent, ad curiam adirent. *Conscriptos* videlicet in novum senatum appellabant lectos.

2. *Quas sim provincias.* Provinciae regiones erant extra Italiam, ita populi romani imperio subjectae, ut et magistratibus, qui ad eas administrandas mittebantur, parerent, et stipendiariae ac vectigales essent. Itaque in eas semper cum praetore, qui jus dicebat, quaestor, qui stipendia et vectigalia exigeret, mittebatur.

3. *Decreturus.* Decernere dicuntur senatores in sententiis dicendis, quum in senatu de re agitata sententiam suam aperiant.

4. *Quid me s. conveniat, quum, quid m. s. necesse sit.* Non inficite haec

tarit. Ac, si princeps eam sententiam dicerem, laudaretis profecto; si solus, certe ignosceretis; etiamsi paullo minus utilis vobis sententia videretur, veniam tamen aliquam dolori meo⁵ tribueretis. Nunc vero, patres conscripti, non parva afficior voluptate, vel quod hoc maxime reipublicæ conducit, Syriam, Macedoniamque decerni⁶, ut dolor meus nihil a communi utilitate dissentiat; vel quod habeo⁷ auctorem P. Servilium⁸, qui ante me sententiam dixit, virum clarissimum, et quum in universam rempublicam, tum etiam erga meam salutem, fide ac benivolentia singulari. Quod si ille et paullo ante, et, quotiescumque ei locus dicendi ac potestas fuit⁹, Gabinium

quasi fundamenta opinionis suæ jacet orator, ut necessitate non minus quam decore se ad eam adductum ostendat. Quum enim de Gabinio et Pisone dimittendis dicturus esset, vitanda erat suspicio, ne dolore injuriarum magis quam reipublicæ utilitate impulsus videretur.

5. *Dolori meo.* Justus erat Cicero- nis dolor expulsi ex urbe a Pisone et Gabinio consulibus, quorum ille Macedonia, hic Syriam provinciam obtinebat, quas uterque crudeliter vexabant.

6. *Syriam, Macedoniamque decerni.* Provinciæ eadem modo consulares fuerunt, modo prætoris, ad senatus arbitratum, prout ratio bellorum et temporum postulabat. Consulares dicebantur, quum eas proconsules, aut etiam, quod non raro contigit, consules; prætoris, quum prætores obtinebant. Senatus unus consulares decernebat, nec illis intercedere poterant tribuni plebis; poterant autem prætoris.

7. *Habeo auctorem.* Auctor dicitur,

cujus sententiam propter consilium, et gravitatem, et existimationem egregie gestis partem sequimur, non tantum in legibus, sed etiam in sententiis dicendis. In Pisone. « Cn. Pompeio auctore et ejus sententiæ princepe ».

8. *P. Servilium.* Qui quod Isauros domnerat, Isauricus dictus est. Summum studium impenderat, ut in patriam ab exilio Ciceronem revocaret, quem absentem cum Metello Nepote consule reduxit in gratiam. Vide Valer. Max. VIII, 6.

9. *Locus dicendi ac potestas fuit.* Locus de Pisone et Gabinio dicendi fuit, quum res de qua rogabatur cum eorum scelere fuit aliquo modo connexa. *Potestas* autem quotiescumque de qualibet re rogatus est sententiam. « Erat enim jus senatori, ut sententiam rogatus diceret ante, quidquid vellet alius rei, et quoad vellet ». Attius Capito apud Gell. lib. IV, cap. 10. Vide ibidem exemplum Catonis Uticensis, qui *eximebat* dicendo diem. Cato Censorius, quotiescumque de ulla re consulebatur, « censebat

et Pisonem, duo reipublicæ portenta, ac pæne funera¹⁰, quum propter alias causas, tum maxime propter illud insigne scelus eorum, et importunam in me crudelitatem, non solum sententia sua, sed etiam verbornm gravitate esse notandos putavit; quonam me animo in eos esse oportet, cujus illi salutem pro pignore tradiderunt ad expiandas¹¹ suas cupiditates? Sed ego in hac sententia dicenda non parebo dolori meo¹², nec iracundiæ serviam. Quo animo unusquisque vestrum debet esse in illos, hoc ero: præcipuum illum et proprium sensum doloris mei, quem tamen vos communem semper vobis mecum esse duxistis, a sententia dicenda amovebo; ad ulciscendi tempora reservabo¹³.

II. Quatuor sunt provinciæ¹, patres conscripti, de quibus adhuc intelligo sententias esse dictas: Galliæ duæ, quas hoc tempore uno imperio videmus esse conjunctas²; et Syria, et Macedonia, quas, vobis in-

præterea Carthaginem esse delendam.

10. *Duo reipublicæ portenta, ac pæne funera.* Romam prorsus evertissent, nisi Cicero tantam cladem exilio prævertisset.

11. *Expiandas.* Manut. Victorius, Lambinus, Grævius, Olivet. Lallem. edit. princ. et Ven. 1483, Garaton. *expiendas.*

12. *Non parebo dolori meo.* Demosthenes epist. 2: «Non privatæ explendæ iracundiæ causa, reipublicæ commodis nocendum puto; neque ullam privati odii partem publicis utilitatibus admisceo».

13. *Ad ulciscendi tempora reservabo.* Pulchrum sane est et oratorium Ciceroni hos in re hac prænuntiare sensus, qui senatorem reipublicæ studiosum deceant. Neque tamen om-

nino se vindictæ immemorem denun-
tial, sed in tempus seponit commodius.

II. 1. *Quatuor sunt provinciæ.* Hæc est orationis propositio, cui partitio ipsa conjuncta. Neque enim narratione est opus in deliberationibus. Satis itaque oratori fuit significare verbo, quasi ad transitionem, quis esset rei ac deliberationis status.

2. *Hoc tempore uno imperio videmus esse conjunctas.* Anno Urb. 694 Vatinius tribunus plebis legem proposuit, qua Gallia Cisalpina Cæsari decerneretur; senatus, qui jure provincias decernendi fruebatur, propositæ legi fortiter obstitit, ne jus illud ad comitia transferretur; sed vicit Cæsar Pompeii et Crassi fretus gratia. Senatum quasi territum vilens, ab eo pe-

vitis et oppressis, pestiferi illi³ consules pro eversæ reipublicæ præmiis occupaverunt⁴. Decernendæ nobis sunt lege Sempronia duæ⁵. Quid est, quod possimus de Syria Macedoniaque dubitare? Mitto, quod eas ita partas habent ii, qui nunc obtinent, ut non ante attigerint, quam hunc ordinem⁶ condemnarint, quam auctoritatem vestram e civitate⁷ exterminarint; quam fidem publicam, quam perpetuam populi romani salutem⁸, quam me, ac meos omnes foedissime crudelissimeque vexarint. Omnia domestica illa, atque urbana mitto; quæ tanta sunt, ut numquam Hannibal⁹ huic urbi tantum mali optarit, quantum illi effecerint. Ad ipsas venio provincias. Quarum Macedonia, quæ erat antea munita plurimorum¹⁰ im-

tivit ut Transalpina Gallia Cisalpinæ juncta sibi decerneretur; quod præstitit senatus, prærogativa sua gaudens recuperata.

3. *Pestiferi illi*. Multæ edd. non habent illi.

4. *Præm. occupaverunt*. Pro Sext. cap. 10: « Foedus fecerunt cum tribuno plebis palam, ut ab eo provincias acciperent, quas ipsi vellent, ea lege si ipsi prius tribuno plebis afflictam rempublicam tradidissent. Id autem foedus meo sanguine ictum sanciri posse dicebant ».

5. *Lege Sempronia duæ*. Snbaud. provinciarum. Hanc tulit C. Sempronius Gracchus tribunus plebis anno 630, ut senatus quotannis consulibus et censoribus provincias decerneret, antequam consularia haberentur comitia, ut prætoriarum decreto intercedi liceret, consularium non liceret. Antea decretæ fuerant provinciarum consulibus electis, atque etiam dum munere fungebantur. Pro Domo: « Tu provincias consulares quas C. Gracchus non mo-

do non abstulit a senatu, sed etiam ut necesse esset quotannis constitui per senatum sanxit, eas lege Sempronia per senatum decretas rescidisti, extra ordinem sine sorte nominatim dedisti consulibus ».

6. *Condemnarint*. Nam qui Ciceronem condemnarunt, qui nihil nisi auctore senatu gesserat, senatum ipsum condemnasse intelliguntur.

7. *E civitate exterminarint*. Quum ascendit in concionem Gabinius, dixit: « Errare homines si etiam tum senatum aliquid in republica posse arbitrarentur ». Pro Sext. cap. 12.

8. *Populi romani salutem*. Auctoritate sprete, soluto freno, flagrante discordia, nulla jam fides publica, nulla populi salus, quæ concordie civitatis statu continentur.

9. *Ut numquam Hannibal*. Qui annis xv Italiam vexavit.

10. *Plurimorum imperatorum*. Titum Quintium, L. Paullum, Quint. Cæcilium Metellum, qui Macedonici nomen sortitus est, Vib. Didium, Cn.

peratorum non turribus¹¹, sed tropæis; quæ multis victoriis erat jamdiu, triumphisque pacata; sic a barbaris, quibus est propter avaritiam pax¹² erepta, vexatur, ut Thessalonicenses¹³, positi in gremio imperii nostri, relinquere oppidum et arcem munire cogantur; ut via illa nostra, quæ per Macedoniam est usque ad Hellespontum militaris¹⁴, non solum excursionibus barbarorum sit infesta, sed etiam castris Thraciis¹⁵ distincta, ac notata. Ita gentes eæ, quæ, ut pace uterentur, vim argenti dederant præclaro nostro imperatori; ut exhaustas domos replere possent, pro emptâ pace bellum nobis prope justum intulerunt. Jam vero exercitus ille noster, superbissimo delectu, et durissima conquisitione¹⁶ collectus, omnis interiit.

III. Magno hoc dico cum dolore. Miserandum in modum milites populi romani capti, necati, deserti, dissipati sunt; incuria, fame, morbo, vastitate consumpti¹: ut, quod est indignissimum, scelus impe-

Dolabellam, C. Carionem, M. Lucullum, qui omnes de Macedonia triumpharunt, intelligit, ut dicitur in Pisonem.

11. *Non turribus.* Propugnaculis minus quam victoriarum memoria.

12. *Propter avaritiam pax erepta.* Piao Macedonia, quam regebat, exhausta, finitimas gentes spoliare conatus est, sed pœnas luit avaritiæ, et, quod excitaret incendio, non potuit extinguere.

13. *Thessalonicenses.* Thessalonicæ incolæ urbis Macedoniae, ad sinum Thermiacum; nunc *Salonichi*.

14. *Via illa nostra militaris.* Est via lata et strata, per quam imperatores ducant exercitus aut in provincias, aut ad mare, ut navibus tra-

jiciantur. Vide Bergerium de Viis Romanis publicis, lib. III, cap. 44.

15. Alii, *Threiciis*. J. V. L.

16. *Durissima conquisitione.* Quia consul, qui delectui præfuerat, summo jure usus erat, nec ullam habuerat eorum, qui se excusabant, rationem. Livius, lib. II: «Triumviri bini conquisitionem per agros habuerunt».

III. 1. *Vastitate consumpti.* Id est, sterilitate, et solitudine locorum, et inopia rerum omnium. Toll. de Offic. II, 5: «Est Diemarchi liber de interitu hominum, Peripatetici magni et copiosi, qui collectis ceteris causis, eluvionis, pestilentiae, vastitatis, belluarum etiam repentinæ multitudinis, quarum impetu docet quædam hominum genera esse consumpta».

ratoris in pœnam exercitus expetitur² esse videatur. Atque hanc Macedoniam, domitis jam gentibus finitimis, barbariaque compressa, pacatam ipsam per se et quietam, tenui præsidio, atque exigua manu, etiam sine imperio, per legatos³, nomine ipso populi romani tuebamur: quæ nunc consulari imperio atque exercitu ita vexata est, vix ut se possit diuturna pace recreare: quum interea, quis vestrum hoc non audivit, quis ignorat, Achæos⁴ ingentem pecuniam pendere L. Pisoni quotannis? vectigal ac portorium⁵ Dyrrhachinorum totum in hujus unius quæstum esse conversum? urbem Byzantium, vobis atque huic imperio fidelissimam, hostilem in modum esse vexatam? quo ille, posteaquam nihil exprimere ab egentibus, nihil ulla vi a miseris⁶ extorquere potuit, cohortes in hiberna misit; his præposuit, quos putavit fore diligentissimos satellites scelerum, ministros cupiditatum suarum. Omitto jurisdictionem in libera civitate⁷ contra leges senatusque consulta; cædes re-

2. *Scelus imperatoris...expetitur.* Gulielm. emendandum censuit *expiavisse*. In Pison. c. 35: «Tua scelera, dii immortales, in nostros milites expiaverunt».

3. *Per legatos.* Legati numquam habuerunt imperium, nec id dare poterant legatis proconsules, quod solus populus dabat lege curiata.

4. *Achæos*, etc. Postquam Achaici fœderati in causa recuperandæ libertatis ceciderunt, omnes græcæ respUBLICÆ e numero gentium deletæ sunt; illa regio usque eo depressa est, ut suum ipsum nomen quamquam immortale perdidit; et eversa a Mummio Corintho an. 608, in romanam provinciam redacta sit. Quinquaginta annos ante Flaminium, ut Græcos a

Phlippo abalienaret, in solemnī festo totius Græciæ libertatem declaraverat, et suis legibus propriis uti permiserat.

5. *Portorium*, est quod pendebatur pro mercibus, quæ vel exportabantur ex ea regione, vel in eam importabantur.

6. *Nihil ulla vi a miseris.* Juvenal. Sat. VIII: «Curandum in primis ne magna injuria fiat Fortibus et miseris...spoliatis arma supersunt».

7. *Jurisdictionem in libera civitate.* Unde intelligitur, ex civitatibus quas populus romanus in suam potestatem redegerat, alias fuisse in provinciæ formam redactas, in quibus magistratus populi romani jurisdictionem exercebat, alias liberas, quæ suis

linquo⁸, libidines prætereo : quarum acerbissimum exstat indicium, et ad insignem memoriam turpitudinis, et pæne ad justum imperii nostri odium, quod constat, nobilissimas virgines se in puteos abjecisse, et morte voluntaria necessariam⁹ turpitudinem depulisse. Nec hæc idcirco omitto, quod non gravissima sint, sed quia nunc sine teste dico.

IV. Ipsam vero urbem Byzantium fuisse refertissimam atque ornatissimam signis¹, quis ignorat? quæ illi, exhausti sumptibus bellisque maximis, quum Mithridaticos impetus², totumque Pontum armatum, effervescentem in Asiam³ atque erumpentem, ægre repulsum, et cervicibus interclusum suis sustinerent, tum, inquam, Byzantii, et postea signa illa, et reliqua urbis ornamenta, sanctissime custodita, tenuerunt. Te imperatore infelicissimo et teterrimo, Cæsonine Calventi⁴, civitas libera, et proximis⁵ suis be-

legibus et magistratibus utebantur.

8. *Cædes relinquo.* De cæde Platonis, vel, ut alibi legitur, Platonis legati, cui socio, amico et libero, foedissime et crudelissime venas Piso incidi jussit; Pleurati, quem verberibus necari jussit, quamquam summa senectute confectum; Rabocenti, principis bellicæ gentis; ceterorum legatorum, etc. vide in Pison. cap. 34, et de Harusp. respons. 16.

9. *Necessariam.* Alii, *nefariam.* Male. Nempe necessario subeunda fuerat, nisi sibi mortem voluntariam attulissent. Recta est oppositio rei necessariæ et voluntariæ.

IV. 1. *Ornatissimam signis.* Græcorum omnium civitatum studium in signis et simulacrum deorum fingendis summum ac præcipuum fuisse, planissime ex Verr. IV intelligitur.

2. *Mithridaticos impetus.* Mithri-

dates rex Ponti, quem Cicero post Alexandrum maximum appellat, annos xi. bellum gessit cum Romanis.

3. *Effervescentem in Asiam.* Terentius Varro : « Fervere piratis, vastarique omnia circum ». Virg. *Æneid.* VIII, 676 : « totumque instructo Marte videres Fervere Leucatem ». Quod majore verborum pompa ad parabolam revocaverat lib. VII, 461 : « sævit amor ferri, etc. »

4. *Cæsonine Calventi.* Contumeliose Pisonem multis in locis sic appellat; Cæsoninus a patre, Calventius a matre nominatus est, Piso ignominiae causa; nam et mater fuit ignobilis, et pater furti peculatusque videtur fuisse convictus. Vide in Pison. cap. 38.

5. *Proximis suis beneficiis.* Ob servatam egregie populo romano fidem, et Mithridatem depulsum, atque interclusum, ne in Asiam irrumperet.

V. *Cic. pars secunda.*

neficiis a senatu et a populo romano liberata⁶, sic spoliata atque nudata est, ut nisi C. Virgilius⁷, legatus, vir fortis et innocens, intervenisset, unum signum Byzantii ex maximo numero nullum⁸ haberent. Quod fanum in Achaia, qui locus, aut lucus⁹ in Græcia tota, tam sanctus fuit, in quo ullum simulacrum, ullum ornamentum reliquum sit? Emisti a foedissimo tribuno plebis¹⁰, tum in illo naufragio hujus¹¹ urbis, quam tu idem, qui gubernare debueras, everteras: tum, inquam, emisti grandi pecunia, ut tibi de pecuniis creditis¹² jus in liberos populos contra senatusconsultum, et contra legem generi tui¹³, dicere liceret. Id emptum ita vendidisti, ut aut jus non diceres, aut bonis cives romanos¹⁴ everteres.

6. *Liberata*. Suis legibus et magistratibus uti permessa.

7. *Al. Virgilius*.

8. *Unum signum ... nullum*. Notanda est formula non saepe obvia, *nullum unum*, quæ vim negationis intendit, similiterque se habet, atque altera illa, *nemo unus*, quæ minus raro utuntur Latini, et de qua Livianos collegit locus Drak. ad III, 2.

9. *Qui locus, aut lucus*. Luci fuerunt nemora diis consecrata. Tibull. lib. III, eleg. 3: « Et nemora in domibus sacros imitantia lucos ». Apul. initio primi Floridorum: « Religiosa vianitium moris est, quam aliquis lucus aut aliquis locus sanctus in via oblatas est, votum postulare, domum apponere, paulisper assidere ».

10. *A foedissimo tribuno plebis*. Clodius lege ad populum lata juris in liberis civitatibus dicendi potestatem Pisoni tribuit, qui vicissim Clodium lucri ex ea jurisdictione provenientis et prædæ participem facturus erat. Sed ut provinciam attigit Piso, pecunia

corruptus ab iis, qui erant in ære alieno, jus non dixit creditoribus, aut si dixit in gratiam debitorum, creditores damnavit, et bonis evertit.

11. *In illo naufragio hujus urbis*. In seditione Claudiana Pisonæ et Gabinio consulibus, et ut dicitur pro Domo: « In illis reipublicæ tenebris, ceterisque nubibus ac procellis, quam P. Clodius senatum a gubernaculis dejecisset, populum e navi exturbasset, ipse archipirata cum grege prædonum impurissimo plenissimis velis navigaret ».

12. *De pecuniis creditis*. Sic loquebantur veteres. Postea jurisconsulti generalius *de rebus creditis* dixerunt.

13. *Generi tui. J. Cæsaria*.

14. *Aut bonis cives romanos*. Pro Sextio, Pisonem ait, « bona creditorum civium romanorum cum debitoribus Græcis divisisse ». In Pison. « Nomen quum ducenta talenta tibi Apolloniatus Romæ dedissent, ne pecunias creditas solveret, ultro Fufidium equitem romanum, hominem

ORAT. DE PROV. CONSULARIBUS. 259

Quorum ego nihil nunc, patres conscripti in hominem ipsum; de provincia disputo. Itaque omnia illa, quæ et sæpe audistis, et tenetis animis, etiamsi non audiatis, prætermitto¹⁵; nihil de hac ejus urbana, quam ille præsens in oculis vestris mentibusque defixit, audacia loquor; nihil de superbia, nihil de contumacia, nihil de crudelitate disputo. Lateant libidines ejus illæ tenebricosæ, quas fronte¹⁶ et supercilio, non pudore et temperantia contegebat: de provincia, quod agitur, id disputo. Huic vos non summittetis¹⁷? hunc diutius manere patiemini? cujus, ut provinciam tetigit, sic fortuna cum improbitate certavit, ut nemo posset, utrum posterior, an infeliciores esset, judicare.

An vero in Syria diutius est Semiramis illa¹⁸ retinenda? cujus iter in provinciam fuit ejusmodi, ut rex Ariobarzanes¹⁹ consulem vestrum ad cædem faciendam, tamquam aliquem Thracem²⁰, conduceret. Deinde adventus in Syriam²¹ primus, equitatus habuit interitum; post coucisæ sunt optimæ cohortes.

ornatissimum, creditorem debitoribus suis addixisti? »

15. *Prætermitto.* Hac præmissione oratoria plus in suspitione relinquitur, quam si aperte dixisset.

16. *Quas fronte.* Simulata austeritate.

17. *Non summittetis.* Sabaud. successorem.

18. *Semiramis illa.* Scil. Gabinus effeminatus, mollis, et libidinosissimus, qualis quondam Semiramis illa Syriæ regina.

19. *Rex Ariobarzanes.* Cappadociæ rex a Mithridate regno expulsus, a Sulla victore restitutus, iterum expulsus, finito demum Mithridatico bello rursus in regnum a Pompeio

restitutus, insidiis interemptus est.

20. *Thracem.* Al. *Threcem.* Horat. epist. 18, lib. I, ad inum: « Threx erit, aut olitoris ager mercede caballum ». Gladiatorum varia fuerunt nomina, Thracæ, Mirmillones, Samnites, Provocatores, Retiarii. Cicero Philipp. VI, et Justus Lipsius de gladiatoribus.

21. *Adventus in Syriam.* Pro Sext. cap. 33: « Exierunt malis omnibus, atque exsecrationibus duo vultorii paludati; quibus utinam ipsis evenissent ea, quæ tum homines precabantur; neque nos provinciam Macedoniam cum exercitu, neque equitatum in Syria, et cohortes optimas perdidicemus ».

Igitur in Syria, imperatore illo, nihil aliud actum est, nisi pactiones pecuniarum cum tyrannis²², decisiones, direptiones²³, latrocinia, cædes, quum palam populi romani imperator, instructo exercitu, dexteram tendens²⁴, non ad laudem milites hortaretur, sed omnia sibi et empta, et emenda esse clamaret.

V. Jam vero publicanos miseros¹ (me etiam miserum, illorum ita de me meritorum² miseriis ac dolore) tradidit in servitutem³ Judæis et Syris, nationibus natis servituti. Statuit ab initio⁴, et in eo per-

22. *Cum tyrannis.* Olim tyranni dicebantur in Græcia homines potentes et opulenti, quos Persæ *satrapas* appellabant. — *Decisiones.* Decidere est transigere. Verrina frumentaria: « Improbissimis recuperatoribus conflictari malebant, quam quidquam cum illo sua voluntate decidere ».

23. *Direptiones.* Notæ sunt Gabinii rapinæ ex Sextiana: « Haurire quotidie ex pacatissimis atque opulentissimis Syriæ gazis innumerabile pondus auri, bellum inferre quiescentibus, ut eorum veteres illibatasque divitias in profundissimum libidinum suarum gurgitem profundat ». Vide etiam Pisonianam, cap. 17, 21.

24. *Dexteram tendens.* Alludit ad consuetudinem eorum, qui in auctionibus si quid liceri vellent, manum, aut digitum tollebant. Festus Pompeius: « Manceps dicitur, qui quid a populo emit, conductive, quia manu sublata significat se auctorem auctionis esse ».

V. 1. *Publicanos miseros.* Publicani dicebantur, qui præsentī pecuniæ vectigalia populi romani a censoribus redimebant, ut postea suis commodis servirent; quo in questu rapacissimi reperiebantur. Livius, LV: « Ubi publicanus est, ibi et jus publicum nul-

lum, aut libertatem sociis nullam esse ». Sed tamen in imperii romani finibus et præcipue belli tempore publicani vectigalia colligere non poterant, et plerumque repræsentatam amittebant pecuniam, si senatus illis non redderet.

2. *Ita de me meritorum.* Pro domo sua: omnes omnium publicanorum societates de meo consulatu, ac de meis rebus gestis amplissima atque ornatissima decreta fecerunt. Quibus quanta fuerit cum Cicerone conjunctio, tum ex aliis videbis, tum ex epist. I ad Q. fratrem, tum ex libro Q. fratris de petitione consulatus.

3. *Tradidit in servitutem.* Oratorie dictum; id est, ita vexavit publicanos ut servi Judæorum esse potius viderentur quam exactores.

4. *Statuit ab initio.* Ostendit quibus rationibus publicanos vexaverit. Primo: « Statuit eis jus non dicere », neque debitores Judæos aut Syros judicio compellere, ut publicanis tributa, vel quodvis aliud æs alienum persolverent; secundo, *pactiones*, i. e. noluit ut Judæi vel Syri tenerentur iis conditionibus, quas pepigerant contrahentes, seque publicanis, sine ulla contrahentium injuria obligarent. Sæpe populi ut exactorum effugerent

severavit, jus publicano non dicere; pactiones sine ulla injuria factas rescidit; custodias sustulit⁵; vectigales multos ac stipendiarios liberavit⁶; quo in oppido ipse esset, aut quo veniret, ibi publicanum, aut publicani servum⁷ esse vetuit: quid multa? crudelis haberetur, si in hostem animo fuisset eo, quo fuit in cives romanos, ejus ordinis præsertim, qui est semper dignitate sua, benignitate magistratus sustentatus.

Itaque videtis, patres conscripti, non temeritate redemptionis⁸, aut negotii gerendi inscitia, sed ava-

vexationes, pacta pecunia redimebant vectigalia; hujus generis pactum Gabinus probabiliter irritum fecerat. Hoc in loco Ciceronem iracundiæ magis quam æquitati servientem, minime quidem laudabimus. Nempe Josephus, auctor non improbus, antiq. Judaicarum lib. XIV, cap. 10, et lib. exodii cap. 6: «Gabinus Alexandrum Aristobuli filium, qui Judæam incursionibus vexabat, cæcis tribus hominum millibus, vicit, et Judæam perlustrans, quotquot inveniebat urbes dirutas, ædificari jubebat; atque hoc pacto instauratæ sunt Samariæ, Azotus, Scythopolis, Archædon, Raphia, Dora, Marissa, Gaza, et aliæ non paucæ, quum ante longo tempore desertæ fuissent». Quæ urbium tot et tantarum instauratio fieri non potuit, nisi immunitatem aliquam proponeret, et incolas, exhaustos et omnium egenos, vectigalibus liberaret.

5. *Custodias sustulit.* Vetuit ne, qui publicanis deberet, custodiæ tradere. Lictores interdum et apparitores publicanis attribuebantur, quorum opera in exigendis vectigalibus uterentur. Carceres trium generum fuere, urbani, quales sunt turre. Rustici, ut ergastula et compedes. Castrenses,

quum captivi trahuntur catenati. Custodia militaris dicebatur, quum is qui in nexu erat, catenam manui dextræ alligatam habebat, quæ eadem manui militis sinistræ erat adstricta. — Alii volunt *custodias* esse illas casulas quas publicani vel in pontium aditu, vel in exitu viarum, vel in portibus extruxerant, ut inde publicanorum servi et portitores vecturam et portorium exigerent.

6. *Vectigales multos... liberavit.* Vectigal aliud certum dicebatur, aliud incertum. Certum proprie tributum est, unde stipendium dari militibus solebat. Tacit. lib. XX: «Nam neque quies gentium sine armis, neque arma sine stipendiis, neque stipendia sine tributis haberi queunt». Populi qui illud solvebant, dicebantur *stipendiarii*. Incertum vectigal, quod pro fructibus agrorum et pascuis et portoriis penditur, cujus certus esse modus non potest. Populi huic tributo obnoxii, vocabantur *vectigales*.

7. *Aut publicani servum.* Publicani familias maximas in sylvis habebant, in agris, in portibus, in custodiis, etc. Vide leg. Manil.

8. *Non temeritate redemptionis.* Contraria factis probantur; nempe

ritia, superbia, crudelitate Gabinii⁹, pæne afflictos jam atque eversos publicanos; quibus quidem vos, in his angustiis ærarii¹⁰, tamen subveniatis necesse est; etsi jam multis non potestis, qui propter illum hostem senatus, inimicissimum ordinis equestris, bonorumque omnium, non solum bona, sed etiam honestatem¹¹ miseri deperdiderunt: quos non parcimonia, non continentia, non virtus, non labor, non splendor tueri potuit contra illius helluonis et prædonis audaciam. Quid? qui se etiam nunc subsidiis patrimonii, aut amicorum liberalitate¹² sustentant, hos perire patiemur? An, si qui frui publico¹³ non potuit per hostem, hic tegitur ipsa lege censoria¹⁴: quem is frui non sinit, qui est, etiamsi non appellatur, hostis, huic ferri auxilium non oportet? Retinete igitur¹⁵ in provincia diutius eum, qui de sociis

sæviebat bellum, et tota vastata est Judæa.

9. *Sed avaritia... Gabinii.* Non mihi animus est Gabinium in aliis purgare, sed in vectigalibus nudis et famelicis liberandis sese Romanum gessit; Cicero autem nec iræ, nec linguae potuit unquam temperare, et foveam ipse sulcavit in qua sepultus est.

10. *In his angustiis ærarii.* Vatinius tribunus plebis ex ærario stipendium Cæsari in quinquennium erogavit. Clodius trientes et semisses remisit, qua lege quinta prope pars vectigalium sublata est, e quibus jam tertiam partem Cæsar anno superiore detraxerat. Adde pecuniam non solum stipendii, sed etiam vasarii nomine Pisoni et Gabinio attributam, etc.

11. *Honestatem.* Id est, nomen equitis romani et dignitatem perdere, in foro non posse consistere, nec locum suum tueri.

12. *Sustentant.* Sustentari et sustineri dicuntur qui, intricatis rationibus in foro, aut exercitio vectigalium, nihilominus vel adminiculis patrimonii, vel amicorum liberalitate suam tuentur honestatem. Pro Rabirio Postumo: « Equitem romanum... labentem excepit, corrumpere non sivit, fulsit et sustinuit re, fortuna, fide ».

13. *Frui publico.* Est, fructus vectigalium publicorum sine impedimento percipere.

14. *Legis censoria.* « Censores, ut agrum publicum fruendum locarent, ex auctoritate patrum latum ad populum est ». Livius, lib. XXVII. Censores quinto anno auctione constituta publicanis vectigalia certis pactionibus locabant. Ea dicebatur lex censoria, id est, actio, pactum, contractus censurarum cum publicanis jure factus.

15. *Retinete igitur.* Concessio ironica. Ut pro Domo: « Probate genus adoptionis. Jam omnium sacra inter-

cum hostibus¹⁶, de civibus cum sociis¹⁷ faciat pactiones; qui hoc etiam se pluris esse¹⁸, quam collegam, putet, quod ille vos tristitia vultuque deceperit, ipse numquam se minus, quam erat, nequam esse simularit. Piso autem¹⁹ alio quodam modo gloriatur, se brevi tempore perfecisse, ne A. Gabinus unus omnium nequissimus existimaretur.

VI. Hos vos de provinciis, si non aliquando deducendi¹ essent, deripiendos non putaretis? et has duplices pestes² sociorum, militum clades, publicanorum ruinas, provinciarum vastitates, imperii maculas, teneretis? At iidem vos, anno superiore, hos eosdem revocabatis³, quum in provincias jam perve-

ierint, quorum custodes vos esse debetis. Pro Milone: « Excitate, excitate cum si potestis ab inferis. Frangetis impetum vivi, cuius vix sustinueritis furias insepulti? » Pro Flacco: « Litemus igitur Lentulo, parentemus Cethego, revocemus ejectos, etc. »

16. *Qui de sociis cum hostibus.* Quam de sociis cum hostibus fecerit pactionem non liquet, nec orator ullam huius rei fecerat mentionem; qui tamen ita concludit ut id non obieciase solum, sed etiam probasse videatur; ubi veteratorem oratoris calliditatem advertas.

17. *De civibus cum sociis.* De publicanis quos Syris et Judaeis addixisse, falso dicit Cicero.

18. *Se pluris esse.* Sese Pisoni praefert Gabinus, quod Piso frontis severitate, supercilio et virtutis simulatione homines deceperit, et adeptus fuerit tam consulatum quam provinciam; ipse vero eosdem honores adeptus fuerit, quamvis aperte in omnem se libidinem et nequitiam effunderet.

Ille enim vulpis instar, hic leonis oppressit rempublicam.

19. *Piso autem.* Adverte lepidam narrationem, cuius leporis fontem ostendit de Orat. II: « Si quando quid tamquam aliqua fabella narratur... perspicitis hoc genus quam sit facetum, quam oratorium, aive habeas vere quod narrare possis, quod tamen est mendaciunculis aspergendum; aive fingas, etc. » Non suaserim oratori Christiano qui numquam facetias sectabitur cum detrimento veritatis.

VI. 1. *Deducendi.* Scil. lege. — *Deripiendos.* Vi. Supra detrahendos dixit eadem vocis atrocitate.

2. *Has duplices pestes.* Adverte vim orationis et ἐνέπτης in nominibus abstractis et translatis, e quibus vides hic esse recapitulationem dictorum paucis verbis comprehensam.

3. *Hos eosdem revocabatis.* Anno ab Urbe condita 696. P. Lentulo, et Q. Metello Nepote consulibus, Piso et Gabinus acto consulatu profecti sunt in provincias, quas non per senatus auctoritatem obtinuerant lege Sem-

nissent : quo tempore si liberum vestrum iudicium fuisset, nec toties dilata res, nec ad extremum e manibus erepta esset ; restituissetis, id quod cupiebatis, vestram auctoritatem, iis, per quos erat amissa, revocatis, et his ipsis præmiis extortis⁴, quæ erant pro scelere atque eversione patriæ consequuti : qua e poena⁵ si tum aliorum opibus, non suis, invitissimis vobis, evolarunt, at aliam multo maiorem gravio-remque subierunt. Quæ enim homini, in quo aliquis si non famæ pudor, at supplicii timor est, gravior poena accidere potuit, quam non credi literis his, quæ rem bene gestam in bello nuntjarent? Hoc statuit senatus⁶, quum frequens supplicationem Gabinio denegavit : primum, homini sceleribus, flagitiis con-

pronia, sed lege Clodia per vim et seditionem occupant. Senatus, ut superioris anni vulneribus mederetur, primum omnium Ciceronem ab exilio revocavit, deinde deliberavit de universa republica. Censebant multi omnes leges Clodii per vim et contra auspicia latas esse abrogandas, atque inter ceteras eam, qua Pisoni Macedoniam, Gabinio Syriam decreverat ; sed quum inter eas una esset maxime popularis, qua remissis semissibus et trientibus frumentum de publico plebi dabatur, senatui liberum non fuit, quod cupiebat decernere, quum præsertim eo tempore famem propter seditio time-retur, nec hujus legis abrogatione plebs exacerbanda videretur.

4. *Revocatis, et his ipsis præmiis extortis.* Provincias præmia vocat scelerum, quia Clodius eas decrevit consulibus quod Ciceronem et patriam prodidissent.

5. *Qua e poena.* Al. *quam pœnam.* Etiam si hanc senatus ignominiam vita-verint, non gratia sua et auctoritate, sed opibus et gratia Pompeii, qui

Gabinium defendebat, et Cæsaris qui Pisonis gener fuit, graviorem tamen infamiam incurrerunt. — *Evolarunt*, translatio ab avibus, quæ se extricant tendiculis, aut ex aucupum manibus elabuntur. In Verrem de quæstura et prætura urbana : « Hic sociorum ambustus incendio, tamen ex illa flamma, periculoque evolavit ».

6. *Hoc statuit senatus.* Lib. II ad Q. fratrem, ep. 7 : « Idibus maiis senatus frequens divinus fuit in supplicatione Gabinio deneganda. Adjurat Procilius hoc nemini accidisse ; foris valde plauditur, mihi quum sua sponte jucundum, tum jucundius, quod me absente sine oppugnatione, sive gratia nostra ». Vide Pisonianam, cap. 19 ; Philippicam XIV, cap. 8. Moris fuit, quum imperatores publice literas ad senatum de re bene gesta, et cæsis hostibus dedissent, ut *senatus supplicationes*, id est, gratiarum actiones diis decerneret, quæ magna pompa et celebritate pro templis omnibus victimis fiebant ; itaque diebus illis feriari populus solebat.

taminatissimo, nihil esse credendum; deinde, a pro-
ditore, atque eo, quem præsentem hostem reipublicæ
cognosset, bene rem geri non potuisse; postremo, ne
deos quidem immortales velle aperiri sua templa, et
sibi supplicari hominis impurissimi et sceleratissimi
nomine⁷. Itaque ille alter, aut ipse est homo doctus,
et a suis Græcis⁸ subtilius eruditus, quibuscum jam
in exostra⁹ helluatur¹⁰, antea post siparium¹¹ sole-
bat, aut amicos habet prudentiores¹², quam Gabi-
nius, cujus nullæ literæ perferuntur.

VII. Hosce igitur imperatores habebimus? quorum
alter non audet nos certiores facere, ne¹ imperator

7. *Nomine*. Frequens locutio in
Catilin. IV : « Meo nomine supplica-
tiones decrevistis ». Livius libro deci-
mo : « Supplicationes ob rem bene
gestam consulis nomine decernunt ».
Et alibi passim.

8. *A suis Græcis*. Pisonem Græcos
eruditos homines aliquot secum ha-
buisset, et literis græcis delectatum,
aperte ex Pison. intelligitur.

9. Edd. vett. *exedra*, unde emen-
daverunt *orchestra*. Sed vera lectio
est *exostra*, testibus MSS. J. V. L.

10. *Exostra helluatur*. Machina
qua, quæ intus geruntur, rotis cir-
cumactis spectatoribus patefiunt.

11. *Siparium*. Velum quod extrema
parte scenæ tendebatur, postquam
histriones interdum comissabantur.
Ergo sensus est, qui prius velut cum
histrionibus et mimis retro velum hel-
luabatur, id jam propalam facit.

12. *Amicos habet prudentiores*. Qui
literas ad senatum e provinciis mitte-
bant, eas prius ad amicos legendas
examinandasque destinabant, ut eas
vel exhiberent, vel retinerent. Deci-
mus Brutus, ep. ad Ciceronem libro
undecimo ad Div. 19 : « ad senatum

quas literas misi, velim prius perlegas;
et, si qua tibi videbuntur, commutes ».
Vide Pisonianam, 17 : « Amici tui ta-
bellas abdiderint ». Ceterum ut amici
de literis in senatu, ita senatus de iis-
dem in concione recitandis statuebat.
Livius XXXIII : « Hæ literæ prius in
senatu a Sergio prætore, deinde ex
suctoritate patrum in concione sunt
recitatæ ».

VII. 1. *Ne imperator appelletur*.
Grævius legit *imperatorne*. Male; nam
irridet Pisonem Cicero quasi jam phi-
losophari et gloriam contemnere didi-
cerit. Appellatum autem in provincia
Pisonem imperatorem locus hic in
Pisoniana ipse declarat : « Appellatus
est hic vulturius illius provincie,
si diis placet, imperator ». *Si diis
placet*. His verbis antiqui rei de qua
loquebantur indignitatem exprime-
bant. Livius, lib. XXXVIII in orat.
Manlii; lib. IV in orat. Canuleii.
Florus, lib. IV : « post Macedones, si
diis placet, Thraces rebellabant ». Piso
propter relatam a Q. Martio et Luc.
Flacco legatis quodam prælio victo-
riam, imperatorem se appellari vo-
luerat, et amicis literas ad senatum

appelletur; alterum, si tabellarii non cessarint², necesse est paucis diebus poeniteat audere: cujus amici si qui sunt, aut si belluæ tam immani³ tamque tetraë possunt ulli esse amici, hac consolatione⁴ utuntur, etiam T. Albucio⁵ supplicationem hunc ordinem denegasse. Quod est primum dissimile: res in Sardinia cum mastrucatis latrunculis⁶ a propræto una cohorte auxiliaria gesta, et bellum cum maximis Syriæ gentibus, tyrannis, consulari exercitu, imperioque confectum. Deinde Albucius, quod a senatu petebat, ipse sibi in Sardinia ante decreverat. Constabat enim, græcum hominem⁷ ac levem, in ipsa provincia quasi triumphasse⁸. Itaque hanc ejus temeritatem senatus supplicatione denegata notavit. Sed fruatur sane hoc solatio, atque hanc insignem ignominiam, quoniam uni, præter se⁹, inusta est, putet esse leviozem;

miserat, ut patet lib. XVII in Pisonem: « Nihil mea refert. . . an amici tui tabulas abdiderint, iidemque silentio suo temeritatem, atque audaciam tuam condemnarint ».

2. *Si tabellarii non cessarint.* Qui tabulas e provinciis ad senatum, et senatus in provincias deferabant.

3. *Belluæ tam immani.* Cic. Sextiana: « Hanc tetram immanemque belluam ». Pisonian. 1: « Jamne vides, belluæ, jamne sentis? »

4. Ernest. scribendum putat, *utentur*. J. V. L.

5. *T. Albucio.* Qui Sardiniam provinciam proprætor obtinuit.

6. *Mastrucatis latrunculis.* Mastruca genus est vestis, ex caprina pelle. Turneb. lib. XX, cap. 9: « Montani in Sardinia quod agrum frumentarium non habebant, latrocinari solebant, et campos frumentarios populari ».

7. *Græcum hominem.* Orator in

Bruto: « Doctus etiam Græcis Tit. Albucius, vel potius pæne græcus ». de Fin. bon. et mal. I: « Nisi qui æ plane græcum dici velit, ut a Scævola est prætor salutatus Athenis Albucius; quem quidem locum cum multa venustate, et omni sale idem Lucilius, apud quem præclare Scævola: « Græcum te Albuci, quam Romanum atque Sabinum... Maluisti dici. Græce ergo prætor Athenis Id quod maluisti, te, quum ad me accedi, saluto: Χαῖρς, inquam, Τίτε: lictores, turma omni' cohorteque Χαῖρς: hinc hostis Muti Albucius, hinc inimicus ».

8. *Quasi triumphasse.* Triumphandi jus non erat, nisi pacata provincia, et deportato exercitu; Romæ tantum triumphabatur, ut ex omnibus scriptoribus liquet; aut etiam in monte Albano, sed id rarius et extra ordinem.

9. *Uni, præter se.* Nescio an vere. Vide Livium lib. XLII, cap. 8, de

dummodo, cujus exemplo se consolatur, ejus exitum¹⁰ exspectet : præsertim quum in Albucio nec Pisonis libidines, nec audacia Gabinii fuerit ; hac tamen una plaga conciderit, ignominia senatus¹¹.

Atqui duas Gallias¹² qui decernit consulibus duobus, hos retinet ambo : qui autem alteram Galliam, et aut Syriam, aut Macedoniam, tamen alterum retinet, et in utriusque pari scelere disparem conditionem facit. Faciam, inquit¹³, illas prætorias, ut Pisoni et Gabinio succedatur statim. Si hic sinat¹⁴. Tum enim tribunus intercedere poterit : nunc non potest. Itaque ego idem, qui nunc consulibus iis, qui designati erunt, Syriam Macedoniamque decerno, decernam easdem

Marco Popilio, qui in Ligures deditos sævierat. Vide quoque Livii l. XXXV, cap. 6, de literis L. Cornelii Merulæ, quas scripserat de secundo prælio cum Boiis facto.

10. *Ejus exitum.* Albucius ex Sardinia pecuniarum repetundarum damnatus in exsilium eiectus est. Tuscul. V : « Quid ? T. Albucius nonne animo sequissimo Athenis exsul philosophabatur ? Cui tamen illud ipsum non accidisset, si in republicam quiescens Epicuri legibus parvisset ».

11. *Hac tamen una plaga conciderit, ignominia senatus.* Id est, quam ei senatus inussit.

12. *Atqui duas Gallias.* Transit ad alteram confirmationis partem, quæ est de Cæsare in provincia retinendo, quæ duas Gallias citeriorem et ulteriorem conjungebat. Sed antequam suam confirmet sententiam, alienas quasdam refellit, eorum nimirum, qui suadebant, ut Cæsar potius revocaretur, et duæ Galliæ divisio imperio, designandia consulibus decernerentur ; vel alterutra Gallia, Cæsari adempta, alteruter,

vel Piso vel Gabinus revocaretur. Posteriorem hanc partem eo refellit, quod quum pares sint scelere, debet esse par utriusque conditio.

13. *Faciam, inquit.* Exponit, ac refellit alteram sententiam quæ duas Gallias, Cæsari ademptas duobus futura consulibus decernebat. Per quamdam prosopopœiam loquentem adumbrata auctorem ejus sententiæ. Si revoco, inquit, Cæsarem, non idcirco Pisonem et Gabinium retineo in provinciis, quas obtinent. Immo vero id ago, ut illis succedatur statim ; nam quas obtinent provincias, illas faciam prætorias ; hoc est, ut diximus, dabo administrandas prætoribus ; nempe ut primum prætores magistratum inierant, in provincias mittebantur, dum contra consules post consulatum.

14. *Si hic sinat.* Responsio est Ciceronis qui gestu designat tribunum qui se illi decreto intercessurum minabatur ; nam, ut supra jam diximus, lege Sempronia tribuni plebis senatusconsulto, quo decernebantur provinciæ prætoriæ, intercedere poterant.

prætorias, ut et prætores annuas provincias habeant, et eos quam primum videamus, quos animo æquo videre non possumus.

VIII. Sed mihi credite: numquam succedetur illis, nisi quum ea lege referetur¹, qua intercedi de provinciis non licebit. Itaque, hoc tempore amisso, annus² est integer vobis exspectandus: quo interjecto, civium calamitas, sociorum ærumna, sceleratissimorum hominum impunitas propagatur.

Quod si essent illi optimi³ viri, tamen ego mea sententia C. Cæsari succedendum nondum putarem. Qua de re dicam, patres conscripti, quod sentio, atque illam interpellationem mei familiarissimi⁴, qua paullo ante interrupta est oratio mea, non pertimescam. Negat me vir optimus inimiciorem Gabinio debere esse, quam Cæsari: omnem enim illam tempestatem, cui cesserim, Cæsare impulsore atque adiutore esse excitatam. Cui si primum sic respondeam⁵, me communis utilitatis habere rationem, non doloris mei; possimne probare, quum id me facere dicam, quod exemplo fortissimorum⁶ et clarissimo-

VIII. 1. *Nisi quum ea lege referetur.* Id est, lege Sempronia. — *De provinciis.* Scilicet, consularibus. Sed consules provinciis consularibus imperare non fas erat, nisi anno post consulatum.

2. *Annus.* Quo consulatum gerant; per quem annum Piso et Gabinus in atrocitiis perstabunt, etc.

3. *Quod si essent illi optimi.* Id est, quando quidem Piso et Gabinus optimi forent, et laude dignissimi.

4. *Interpellationem mei familiarissimi.* Quis fuerit ille, non liquet. An consul Philippus, quem mox compellabit? an Philippi collega, aut Marcus

Cato, aut Domitius Ahenobarbus Cæsaris inimicissimi, quia consilia ejus prospiciebant?

5. *Sic respondeam.* Ad hanc objectionem se præmunis orator, antequam in laudem Cæsaris plura dicat.

6. *Exemplo fortissimorum... civium.* Præter exempla, quæ proxime afferentur, lepidum est, quod refert Quintil. lib. XII, cap. 1: « Certe Fabricius Cornelium Rufinum, alioqui et malum civem et sibi inimicum, tamen quis utilem sciebat ducem, imminente bello, palam consulem suffragio suo fecit, atque id mirantibus quibusdam respondit; « Cive se spo-

rum civium facere possim? An non⁷ Tib. Gracchus (patrem dico, cujus utinam filii⁸ ne degenerassent a gravitate paterna⁹!) tantam laudem est adeptus, quod tribunus plebis solus ex toto illo collegio L. Scipioni¹⁰ auxilio fuit, inimicissimus et ipsius, et fratris ejus, Africani, juravitque in concione, se in gratiam non rediisse¹¹; sed alienum sibi videri dignitate imperii, quo duces essent hostium¹², Scipione triumphante, ducti, eodem ipsum duci, qui triumphasset? Quis plenior inimicorum fuit C. Mario¹³? L. Cras-

liari malle, quam ab hoste venire». Tiberius Sempronius Gracchus gener Africani secundi, et de quo Tullius egregie loquitur de Inv. I, 30; de Orat. I, 9; Brut. 20.

7. Græv. Lallèm. delevere non, quod in nullo scripto aut edito libro ante Lambinum fuit. J. V. L.

8. *Utinam filii ne degenerassent.* Tiberius et Caius, qui, quum a senatu defecissent, facti populares agrariis et judiciariis legibus multas seditiones in republica concitarunt, præmatura morte pœnas inquieti et ambitiosi ingenii dederunt.

9. Lamb. patria. J. V. L.

10. *L. Scipioni.* D. Brutum et L. Scipionem consules Curiatius tribunus plebis, quod non impetraret, ut sibi denos quos vellet milites eximeret, in carcerem mitti jussit. De Legibus lib. III, cap. 9.

11. *Se in gratiam non rediisse.* Eodem tamen die in gratiam redierunt, traditque Livius l. XXXVIII exeunte: «Senatum eo forte die in Capitolio cœnantem consurrexisse, et petisse, ut inter epulas Graccho filiam Africanus desponderet. Quibus ita inter publicum solemne sponsalibus rite factis, quum se domum recepiasset, Scipionem Æmiliæ uxori dixisse,

filiam se minorem despondisse. Quum illa muliebriter indignabunda nihil de communi filia secum consultatum, adjecisset, non, si Tiberio Graccho daret, expertem consilii debuisse matrem esse; patrum Scipionem tam concordi judicio ipsi desponsam respondisse».

12. *Quo duces essent hostium.* Cicero Verrin. VII: «At etiam qui triumphant, eoque diutius hostium duces servant, ut his per triumphum ductis pulcherrimum spectaculum fructumque victoriæ populus romanus percipere possit; tamen quum de foro in Capitolium currum flectere incipiunt, illos ducere in carcerem jubent, idemque dies et victoriis imperii, et victis vitæ finem facit».

13. *C. Mario.* C. Marius obscuro loco, ex Arpinate municipio natus, Quintum Metellum Numidicum accusavit (ut dicitur Officiis) cujus legatus erat, summum virum et civem; quum ab eo imperatore suo Romam missus esset, apud populum romanum criminatus est bellum illud contra Jugurtham ducere; sed si se consulem fecissent, brevi tempore aut vivum aut mortuum Jugurtham se in potestatem populi redacturum. Itaque factus est ille quidem consul, sed a

sus¹⁴, M. Scaurus : aliine inimici? omnes Metelli. At hi non modo illum inimicum ex Gallia sententiis suis non detrahebant, sed et propter rationem Gallici belli¹⁵, provinciam extra ordinem decernebant¹⁶. Bellum in Gallia maximum gestum est; domitæ sunt a Cæsare maximæ nationes, sed nondum legibus, nondum jure certo, nondum satis firma pace devinctæ; bellum affectum videmus¹⁷, et, vere ut dicam, pæne confectum : sed ita, ut, si idem extrema persequitur, qui inchoavit, jam omnia perfecta videamus; si succeditur, periculum sit, ne instauratas maximi belli reliquias ac renovatas audiamus. Ergo ego senator inimicus, si ita vultis, homini, amicus esse, sicut semper fui, reipublicæ debeo. Quid? si ipsas inimicitias depono reipublicæ causa, quis me tandem jure re-

fide justitiæque discessit, qui optimum et gravissimum civem, cujus legatus, et a quo missus esset, in invidiam falso crimine adduxerit. Quo scelere omnium in se Metellorum odium concitavit, idem consulatum adeptus atrocem habuit contra nobiles concionem, quam videbis apud Sallustium. Hinc in eum universa prope nobilitas exarsit.

14. *L. Crassus*. Paucos e multis elegit, quorum L. Crassus eloquentia, M. Æmilius Scaurus auctoritate, Metelli familiarum amplitudine facile primas obtinerent. De Crassi eloquentia plenus est Brutus, pleni tres libri de Oratore. De hoc eodem et Scauri auctoritate Valerius, lib. VIII, cap. 5, Aurelius Victor. « Scaurus senex quum a Vario tribuno plebis argueretur quasi socios ad arma coegisset, ad populum ait : Varius Sacronensis Æmilium Scaurum ait, socios ad arma coegisse : Scaurus negat; utri potius credendum

putatis? » Tanta auctoritate potuit, ut hac una voce accusatori silentium indixerit. De Metellorum familia notandum illud ex Velleio : « Intra duodecim fere annos consules fuere Metelli, aut censores, aut triumpharunt amplius duodecim ».

15. *Sed et propter rationem Gallici belli*. Hoc est, Cimbrici. Gallicum dicit orator, quia contra Cimbros et Teutones in Gallia primum gestum est, quamquam postea flexerit in Italiam. Al. contra Ciceronis consilium reputant *Cimbrici*.

16. *Extra ordinem decernebant*. Quod ei nominatim mandatum fuerit bellum Cimbricum in Gallia gerendum, quum de more consules alii provincias sortirentur, aut inter se compararent.

17. *Affectum videmus*. Id est, prope jam ad exitum perductum. — *Confectum*, hostibus domitis et subactis.

prehendat? præsertim quum ego omnium meorum consiliorum atque factorum exempla semper ex summorum hominum factis mihi censuerim petenda.

IX. An vero non M. ille Lepidus¹, qui bis consul, et pontifex maximus fuit², non solum memoriæ testimonio, sed etiam annalium literis et summi³ poetæ voce laudatus est, quod cum M. Fulvio collega, quo die censor est factus, homine inimicissimo, in campo statim rediit in gratiam⁴, ut commune officium censuræ communi animo ac voluntate defenderent? Atque, ut vetera, quæ sunt innumerabilia, mittam; tuus pater, Philippè, nonne uno tempore cum suis inimicis in gratiam rediit? quibus eum omnibus eadem respublica reconciliavit, quæ alienarat. Multa prætereo, quod intueor coram hæc lumina atque ornamenta reipublicæ, P. Servilium et M. Lucullum: uti-

IX. 1. *Non M. ille Lepidus.* Grævius delet *non* post Gruterum. Valer. Max. lib. III, c. 1, de indole: «*Emilius Lepidus pueretiam tum progressus in aciem hostem interemit, civem servavit; cujus tam memorabilis operis index in Capitolio statua bullata et incincta prætexta SC. posita. Iniquum enim putavit, eum honori nondum tempestivum videri, qui jam virtuti maturus fuisset.*»

2. *Pontifex maximus fuit.* Valer. lib. VI, c. 6: «*Quum Ptolemæus rex tutorem populum romanum filio reliquisset, senatus M. Emilius Lepidum pont. max. bis consulem ad pueri tutelam gerendam Alexandriam misit; ampliasimique et integerrimi viri sanctitatem reipublicæ usibus, et sacris operatam externæ procurationi vacare voluit, etc.*»

3. *Summi poetæ.* Ennii qui ad Æto-

liæ bellum M. Fulvium Lepidi in censura collegam, sequutus est.

4. *Rediit in gratiam.* De hac reconciliatione Val. Max. lib. IV, cap. 11, et Ennius in Annalibus. *Emilius* querebatur «*bis a M. Fulvio se certo consulatu dejectum. Fulvius contra, se ab eo semper lacesitum, et in probrum suum sponsonem factam: tamen ambo significare, si alter vellet, se in potestate tot principum civitatis futuros. Omnibus instantibus, qui aderant, dexteram fidemque dedere, mittere vere ac finire odium. Deinde collaudantibus cunctis deducti sunt in Capitolium.*» Livius, lib. XL. Gell. lib. XII, cap. 8, de hac ipsa re disserens: «*Atque illi ubi voce præconis renuntiati sunt, ibidem in campo statim nondum dimissa concione ultro uterque, et pari voluntate conjuncti complexique sunt.*»

nam etiam L. Lucullus ille⁵ viveret! Quæ fuerunt inimicitiae graviores in civitate, quam Lucullorum atque Serviliorum? quas in viris fortissimis non solum exstinxit reipublicæ dignitas, et ipsorum⁶, sed etiam ad amicitiam consuetudinemque traduxit. Quid? Q. Metellus Nepos⁷, nonne consul in templo Jovis optimi, maximi, permotus quum auctoritate vestra, tum illius P. Servilii incredibili gravitate dicendi, absens mecum, summo suo beneficio, rediit in gratiam? An ego possum huic esse inimicus, cujus literis, fama, nuntiis celebrantur aures quotidie meæ novis nominibus gentium, nationum, locorum? Ardeo, mihi credite, patres conscripti (id quod vosmet de me existimatis, et facitis ipsi⁸), incredibili quodam amore patriæ: qui me amor et subvenire olim impendentibus periculis maximis⁹ cum dimicatione capitis, et rursum¹⁰, quum omnia tela undique esse intenta in patriam viderem, subire coegit, atque excipere unum pro universis. Hic me meus in rempublicam animus pristinus ac perennis cum C. Cæsare reducit, reconciliat, restituit in gratiam. Quod volent denique, homines existiment¹¹; nemini ego possum esse bene de republica merenti non amicus.

5. *Lucullus ille.* Emphasis, quia fuerat ille summus imperator, et civis clarissimus, qui Mithridatem et Tigra-nem reges potentissimos superavit.

6. *Lallem.* post Grævium, *resp. dignitatisque ipsi.* J. V. L.

7. *Q. Metellus Nepos.* Vide pro Sextio, cap 62; post Reditum in Senatu, c. 9 et 10; pro Domo sua, etc.

8. *Facitis ipsi.* Ne superbum sit amorem reipublicæ sibi præ ceteris arrogare, eam laudem senatoribus impertit, ut et eorum sibi gratiam conciliet, et invidiam a se deprecetur.

Adde quod eam laudem homines libentius alteri concedunt, cujus se participes fore intelligunt.

9. *Periculis maximis.* In Catilinæ conjuratione.

10. *Et rursum.* Pisone et Gabinio consulibus, quum exire de civitate maluit, quam committere, ut boni cum improbis dimicarent. De re ipsa vide pro Domo, pro Plancio, pro Sextio, in Pisonem.

11. *Quod volent... homines existiment.* Plato in Critone: - Non curandum est quid dicturi sint de nobis

X. Etenim si iis, qui hæc omnia flamma ac ferro delere voluerunt, non inimicitias solum, sed etiam bellum indixi atque intuli, quum partim mihi illorum familiares, partim etiam, me defendente, capitis iudiciis essent liberati; cur eadem respublica, quæ me in amicos inflammare potuit, inimicis placare non possit? Quod mihi odium cum P. Clodio fuit, nisi quod perniciosum patriæ civem fore putabam, qui, turpissima libidine incensus¹, duas res sanctissimas, religionem et pudicitiam², uno scelere violasset? Num est igitur dubium ex iis rebus, quas is egit, agitque quotidie, quin ego, in illo oppugnando, rei-publicæ plus, quam otio meo; nonnulli, in eodem defendendo, suo plus otio, quam communi, prospexerint?

Ego me a C. Cæsare in republica dissensisse fateor, et sensisse vobiscum: sed nunc iisdem vobis assentior, cum quibus antea sentiebam. Vos enim, ad quos literas L. Piso de suis rebus non audet mittere; qui Gabinii literas insigni quadam nota atque ignominia nova³ condemnastis, C. Cæsari supplicationes⁴ decrevistis, numero⁵, ut nemini uno⁶ ex bello; ho-

homines, sed quid ille, qui justa et injusta, quæ nos gerimus, auditque et videt, qui unus est, et ipsa veritas.

X. 1. *Libidine incensus.* Amore Pompeiæ uxoris Cæsaris.

2. *Religionem et pudicitiam.* Notissima est historia de P. Clodio sub habitu tibicinæ in sacrum Bonæ Deæ noctu ingresso, quum in sedibus Cæsaris sacra fiebant.

3. *Ignominia nova.* Denegatione supplicationis, nova et inusitata: quippe quæ vel nemini omnino, vel uni Albucio post homines natos inusta nota fuerat.

V. Cic. pars secunda.

4. *Supplicationes.* Cod. Erf. *supplicationem.* J. V. L.

5. *Numero.* Cæsar in fin. lib. II: « Ob easque res ex literis Cæsaris dies xv supplicatio decreta est, quod ante id tempus acciderat nulli ». Idem Plutarchus in illius vita, et Suetonius tradunt. Honores commendat eo magis orator, quod eos ignominie qua affectus est Gabinus opponit; senatoresque eodem Pisonis et Gabinii atroces censores; in remuneranda virtute non avaros ostendit.

6. Sic Gruter. ex omnibus Pal. codd. Antea, *ullo.* J. V. L.

nore⁷, ut omnino nemini. Cur igitur exspectem hominem aliquem, qui me cum illo in gratiam reducat? Reduxit ordo amplissimus⁸, et ordo is, qui est et publici consilii, et meorum omnium consiliorum auctor et princeps. Vos sequor, patres conscripti, vobis obtempero, vobis assentior: qui, quamdiu C. Cæsaris consilia in republica non maxime diligebatis, me quoque cum illo minus conjunctum videbatis; posteaquam rebus gestis mentes vestras voluntatesque mutastis, me non solum comitem esse sententiæ vestræ, sed etiam laudatorem vidistis.

XI. Sed quid est, quod in hac causa maxime homines admirentur et reprehendant meum consilium, quum ego idem antea multa decreverim, quæ magis ad hominis dignitatem, quam ad reipublicæ necessitatem pertinerent? Supplicationem quindecim¹ dierum decrevi sententia mea. Reipublicæ satis erat tot dierum, quot C. Mario². Diis immortalibus non erat exigua eadem gratulatio, quæ ex maximis bellis³. Ergo ille cumulus dierum hominis est dignitati tributus. In quo ego, quo consule referente, primum decem dierum supplicatio decreta Cn. Pompeio, Mithridate interfecto, confectoque Mithridatico bello, cujus sententia primum duplicata est supplicatio consularis (mihi enim estis assensi, quum, ejusdem Pompeii

7. *Honore*. Non solum refert quid, sed quibus verbis decernatur. Contumeliosum magis, quam honorificum est illud Spartanorum decretum: « Quando quidem Alexander vult esse deus, deus esto ».

8. *Ordo amplissimus*. Senatorum.

XI. 1. *Supplicationem quindecim dierum*. Duplex genus supplicationum fuit, 1^o ante bellum, ut bene

ac feliciter eveniret; 2^o post victoriam.

2. *Quot C. Mario*. Devictis Cimbris; quo tempore, ut ait Plutarchus, populus romanus C. Marium tertium conditorem appellavit, post Romulum scilicet et Camillum; eique singuli inter epulas privatas cœnæ primitias, perinde ac diis libaverunt.

3. *Quæ ex maximis bellis*. Subaud. *decernebatur*.

literis recitatis, confectis omnibus maritimis terrestribusque bellis, supplicationem dierum duodecim ⁴ decrevistis), sum Cn. Pompeii virtutem et animi magnitudinem admiratus, quod, quum ipse ceteris omnibus esset omni honore antelatus, ampliore honorem alteri tribuebat, quam ipse erat consequutus. Ergo in illa supplicatione, quam ego decrevi, res ipsa tributa est diis immortalibus, et majorum institutis, et utilitati reipublicæ; sed dignitas verborum, honos, et novitas, et numerus dierum, Cæsaris ipsius laudi gloriæque concessus est. Relatum est ad nos nuper de stipendio ⁵ exercitus: non decrevi solum, sed etiam, ut vos decerneretis, laboravi; multa dissentientibus respondi; scribendo affui ⁶. Tum quoque homini plus tribui, quam nescio cui necessitati. Illum enim arbitrabar, etiam sine hoc subsidio pecuniæ, retinere exercitum præda ante parta ⁷, et bellum con-

4. *Supplicationem dierum duodecim.* Quini dies supplicationibus tribuebantur. Cicero consul numerum, in gratiam Pompeii duplicavit; triplicavit in gratiam Cæsaris, qui paullo post quadruplicatam dierum viginti supplicationem habuit, ut ipse narrat de Bello gallico lib. IV, cap. ultim. Legendum igitur *decem* loco *duodecim* crediderim, si quidem numerus his quinque est decem æquipollens.

5. *Relatum est. . . de stipendio.* Locus hic declarat jus fuisse senatui et stipendium, et legatorum numerum, et supplicationem sine populi suffragio decernendi. Cicero pro Balbo, cap. 27: « C. Cæsarem senatus et generis supplicationis amplissimo ornavit, et numero dierum novo. Idem in angustiis ærarii victorem exercitum stipendio adfecit. Imperatori decem legatos decrevit; lege Sempronia suo-

cedendum non censuit; harum ego sententiarum et auctor, et princeps fui ».

6. *Scribendo affui.* Summæ benivolentiæ argumentum erat, quum senator senatusconsulto de alicujus honore scribendo quasi testis adesset. Cicero ad Catonem, lib. XV, ep. 6: « Fuisse jucundum quod scribendo adfuisses; hæc enim senatusconsulta non ignoras ab amicissimis ejus, cujus de honore agitur, scribi solere ». De hoc loquendi genere vide Briasson. II de Formulæ.

7. *Præda ante parta.* Quæ, parta victoria, hostibus eripiebantur, ea plerumque quæstori mittebantur, ut Romam ad ærarium et quæstores ærarii referret. Interdum tamen ubi milites bene rem gesserant, ea imperatores illis præmii loco concedebant. Raro igitur, ubi præda quæstori attributa erat, stipendium a senatu mittebatur.

ficere posse; sed decus illud et ornamentum triumphī minuendum nostra parcimonia⁸ non putavi. Actum est de decem legatis⁹, quos alii omnino non dabant, alii exempla quærebant, alii tempus differebant, alii sine ullis verborum ornamentis dabant. In ea quoque re sic sum loquutus, ut omnes intelligerent, me id, quod reipublicæ causa sentirem, facere uberius propter ipsius Cæsaris dignitatem.

XII. At ego¹ idem nunc in provinciis decernendis, qui illas omnes res egi silentio, interpellor: quum superioribus causis hominis ornamenta fuerint; in hac me nihil aliud, nisi ratio belli, nisi summa utilitas reipublicæ moveat. Nam ipse Cæsar, quid est, cur in provincia commorari velit, nisi ut ea, quæ per eum affecta sunt², perfecta reipublicæ tradantur? Amœnitas eum³, credo, locorum, urbium pulchritudo, hominum nationumque illarum humanitas et lepos, victoriæ cupiditas, finium imperii nostri propagatio retinet. Quid illis terris asperius? quid inculcius oppidis? quid nationibus immanius? quid porro tot victoriis præstabilius? quid Oceano longius inveniri potest? An reditus in patriam⁴ habet aliquam

8. *Nostra parcimonia.* Senatus ad quem dispensatio ærarii pertinebat; vide Vatiniānam, cap. 3.

9. *Decem legatis.* Lex Gabinia quæ piraticum bellum Pompeio mandavit, legatos ei quindecim attribuit, quos peti a senatu, et senatusconsulto muni singulos, qui peterentur, nominatim oportebat, ut vidimus ad cap. 19 pro lege Manilia.

XII. 1. *At ego.* Qui sine cujusquam interpellatione Cæsari ante supplicationem, stipendium, legatos decrevi, ut ipsi Cæsari gratificarer, nunc sane

non sum interpellandus, quum eidem prorogationem imperii decerno, solius utilitatis publicæ causâ.

2. *Affecta sunt.* Jam supra cap. 8 diximus.

3. *Amœnitas eum.* Ironice.

4. *An reditus in patriam.* Postquam ostendit nullam esse causam, cur velit Cæsar diutius in provincia commorari, nunc ex abundanti demonstrat, multas causas esse, cur reditus Cæsaris fuerit expetendus, nisi ipsum communis utilitas in Gallia retineret.

offensionem? utrum apud populum, a quo missus⁵, an apud senatum, a quo ornatus est⁶? an dies⁷ auget ejus desiderium? an magis oblivionem, ac laurea illa⁸, magnis periculis parta, amittit longo intervallo viriditatem? Quare, si qui hominem non diligunt⁹, nihil est, quod eum de provincia devocent. Ad gloriam devocant, ad triumphum, ad gratulationem, ad summum honorem senatus, equestris ordinis gratiam, populi caritatem. Sed, si ille hac tam eximia fortuna, propter utilitatem reipublicæ, frui non properat, ut omnia illa conficiat: quid ego senator facere debeo, quem, etiamsi ille aliud vellet, reipublicæ consulere oporteret?

Ego vero sic intelligo, patres conscripti, nos hoc tempore in provinciis decernendis, perpetuæ pacis habere oportere rationem. Nam quis hoc non sentit,

5. *A quo missus.* Lege Vatinia et populi romani suffragiis, quibus Galliam citeriorem Italie adjacentem cum Illyrico obtinuit in quinquennium.

6. *A quo ornatus est.* Multorum dierum supplicationibus, stipendio, decem legatis.

7. *An dies auget ejus desiderium?* Diuturnitas absentiae.

8. *Laurea illa.* An gloria, quam tot insignibus victoriis consequutus est, ipsa temporis longinquitate consenescit, obsolescit, et in oblivionem sensim adducitur?

9. *Si qui hominem non diligunt.* Adverte vim oratoris, et exuberantem rationum copiam. Interpellatus fuerat et incusatus, quod Caesarem e provincia non revocaret, a quo tamen omnis in Ciceronem tempestas fuerat excitata; quam objectionem variis modis diluit. Primo concedendo se adhuc esse Caesaris inimicum; tum dicendo se inimicitias reipublicæ condonare;

quod factum defendit clarorum virorum exemplo, Caesaris meritis, et senatus auctoritate; tum quod jam ante ad dignitatem Caesaris multa sine cujusquam interpellatione decreverit. Nunc quoniam perfecti demum est oratoris, ea quæ contra facere videntur, in usum causæ suæ convertere, et, ut dicitur, adversarium gladio suo jugulare, assumit ipsam interpellatoris rationem. Quum enim ille eo esset argumento usus, ab infensis et inimicis Caesari imperatorem eum e provincia revocandum, et ab exercitu, ab occasione landis amovendum; quæ agendæ partes Cicero sinit, utpote Caesaris non studioso: hanc orator arripit rationem, et vibratum in se telum reciproco velut impetu retorquet e contrario. Si eum de provincia devocaret adversarius, is ipsius Caesaris utilitatibus et gloriæ consuleret, is eum ad triumphum, ad populi gratiam devocaret.

omnia alia esse nobis vacua ab omni periculo, atque etiam ab omni suspicione belli? Jamdiu mare videmus¹⁰ illud immensum, cujus fervore¹¹ non solum maritimi cursus, sed urbes etiam et viæ militares jam tenebantur, virtute Cn. Pompeii sic a populo romano, ab Oceano usque ad ultimum Pontum, tamquam unum aliquem portum, tutum et clausum teneri; nationes eas¹², quæ numero hominum ac multitudine ipsa poterant in provincias nostras redundare, ita ab eodem esse partim recisas, partim repressas, ut Asia, quæ imperium antea nostrum terminabat, nunc tribus novis provinciis ipsa¹³ cingatur. Possum de omni regione, de omni hostium genere dicere: nulla gens est, quæ non aut ita subblata¹⁴ sit, ut vix exstet; aut ita domita, ut quiescat; aut ita pacata, ut victoria nostra imperioque lætetur.

XIII. Bellum Gallicum¹, patres conscripti, C. Cæ-

10. *Jamdiu mare videmus.* Mediterraneum, quod inter Oceanum Gaditanum ad Pontum Euxinum per varios sinus et anfractus extenditur.

11. *Cujus fervore.* Quod mare ita piratarum latrocinii infestum erat, ut non solum maritimi cursus occuparentur, sed etiam piratæ quasi fervore quodam redundantes, in terram se effunderent, urbes caperent, vias publicas militum opera stratas obsiderent. Si quidem, ut auctor est Plutarchus in Pompeio, mare mille navibus infestabant, omnia propemodum littora turribus et propugnaculis munierant, prætores duos Sextilium et Belinum, item filiam Antonii viri triumphalis captivam abduxerant, et jam urbes quadraginta obtinebant.

12. *Nationes eas.* Ponticos, Cilicias, Cappadocas, Paphlagonas, Syros, Armenos, Judæos, Albanos, Iberos

et alias hujusmodi, quarum aliæ in fidem æquo sordere receptæ sunt, aliæ vectigales et stipendiariæ factæ, aliæ reductæ in provinciam. Pro Sextio: « Externa bella regum, gentium, nationum jampridem ita extincta sunt, ut præclare cum iis agamus, quos pacatos esse patiamur ».

13. *Tribus novis provinciis ipsa cingatur.* Bithynia, Ponto, Syria, quas Pompeius bello Mithridatico subjugarat.

14. *Subblata.* Ita oppressa, ut vix nationis nomen et formam retineat. Frustra olim *subacta*, quod sine vi est.

XIII. 1. *Bellum Gallicum.* Non eadem est ratio Gallorum, et gentium ceterarum. Nam ceteras gentes bello lacesiverunt Romani, et virtute domuerunt; at ante Cæsarem nemo Romanorum imperatorum ausus est

sare imperatore, gestum est; antea tantummodo repulsum. Semper illas nationes² nostri imperatores refutandas potius³ bello, quam lacesseandas putaverunt. Ipse ille C. Marius, cujus divina atque eximia virtus magnis populi romani luctibus funeribusque subvenit, influentes in Italiam Gallorum maximas copias repressit⁴, non ipse ad eorum urbes sedesque penetravit. Modo ille meorum laborum, periculorum, consiliorum socius, C. Pomptinus⁵, fortissimus vir, ortum repente bellum Allobrogum, atque hac scelerata conjuratione excitatum, praeliis fregit, eosque domuit, qui lacesierant; et ea victoria contentus, republica metu liberata, quievit. C. Cæsaris longe aliam video fuisse rationem. Non enim sibi solum cum iis, quos jam armatos contra populum romanum videbat, bellandum esse duxit, sed totam Galliam in nostram ditionem esse redigendam. Itaque

bello provocare Gallos, sed bene se et præclare rem gessisse putaverunt superiores imperatores, si lacesciti restitissent, et vim vi repulissent; solus post Urbem conditam Cæsar tanta virtute fuit, ut ultro bellum intulerit quiescentibus, et ad eorum urbes penetrarit.

2. *Semper illas nationes.* Appian. Bell. Civ. II: « Galli tantum populo romano nominis sui terrorem incusserant, ut lege de vacatione militiæ senum et sacerdotum exceptum fuerit, si Gallicus tumultus ingrueret, tunc enim et senes et sacerdotes jussi militare ». Eadem apud Plutarchum in Camillo, sub finem.

3. *Refutandas potius.* Refutare nativa et propria significatione, quam ex Festi et aliorum fragmentis expressit Jos. Scaliger, est ollam, quum fervens paullo plus exuberat, injecta

aqua compescere. Hæc metaphora quam sit idonea intelligit, qui non ignorat quæ ingenia forent gentis gallicæ.

4. *Gallorum.... copias repressit.* Epitome Liviana, lib. LXXVII, postquam, « M. Aurelius Scaurus legatus consulis a Cimbris fuso exercitu captus est ». Et paullo post: « C. Manlius consul et Q. Servilius Cæpio proconsul victi praelio, castris quoque binis exuti sunt, octoginta militum millia occisa, calorum et lixarum quadraginta. E quibus funeribus magni luctus sunt consequuti ».

5. *C. Pomptinus.* Qui prætor Tullio consule fidelem in Catilinæ extinguenda conjuratione operam navavit, et literas conjuratorum in ponte Milvio deprehendit. Deinde provinciam Galliam ex prætura sortitus, Allobroges, siye Sabaudos, qui a conjuratis sollicitati repente bellum excitarant, refutavit.

cum acerrimis nationibus et maximis, Germanorum et Helvetiorum, praeliis felicissime decertavit : ceteras contrivit, domuit, compulit, imperio populi romani parere assuefecit, et, quas regiones, quasque gentes nullæ nobis antea literæ, nulla vox, nulla fama notas fecerat, has noster imperator, nosterque exercitus, et populi romani arma peragrarunt. Semitam tantum Galliæ⁶ tenebamus antea, patres conscripti : ceteræ partes a gentibus aut inimicis huic imperio, aut infidis, aut incognitis, aut certe immanibus, et barbaris, et bellicosis tenebantur; quas nationes nemo umquam fuit qui non frangi domarique cuperet; nemo sapienter de republica nostra cogitavit jam inde a principio hujus imperii, quin Galliam maxime timendam huic imperio putaret : sed propter vim ac multitudinem gentium illarum, numquam est antea cum omnibus dimicatum. Restitimus semper lacessiti. Nunc denique est perfectum, ut imperii nostri terrarumque illarum idem esset extremum.

XIV. Alpibus Italiam¹ munierat ante natura, non sine aliquo divino numine². Nam, si ille aditus Gallorum immanitati multitudinique patuisset³, num-

6. *Semitam tantum Galliæ.* Galliam Narbonensem intelligit, quæ in populi romani ditionem concesserat. Semitam Galliæ vocat, quod ea provincia esset velut aditus quidam patefactus ad ceteras Galliæ regiones.

XIV. 1. *Alpibus Italiam.* Nempe illa ex parte tuta et tranquilla Italia, qua a Gallis dividebatur, ceteris domandis gentibus vacare potuit. Inde magnificus ille clarius elucet Virgilii versus, quum Hannibalem dixit Romanis Alpes immittere apertas; quasi illos hac ipsa sui propugnaculi mole obrutos opprimeret. Rutilius Numan-

tianus Itinerarii l. II, 35, etiam in Italia Alpium vallo sepienda divinam providentiam agnoscit : « Invidiam timuit natura, parumque putavit Arctoïis Alpes opposuissae minis : Sicut vallavit multis vitalia membris, Nec semel inclussit, quæ pretiosa tulit. Jam tum multiplici meruit munimine cingi, Sollicitosque habuit Roma futura deos ». Vide Herodianum lib. II; Servium lib. X; Plinium lib. XII, cap. 1.

2. *Numine.* Virg. *Æn.* II, 777 : « Non hæc sine numine divum Eveniunt ».

3. *Immanitati multitudinique patuisset.* Pro Marcello : « domuisti gen-

quam hæc urbs summo imperio domicilium ac sedem præbuisset. Quæ jam licet considant⁴. Nihil est enim ultra illam altitudinem montium usque ad Oceanum, quod sit Italiæ pertimescendum. Sed tamen una atque altera æstas⁵, vel metu, vel spe, vel pœna, vel præmiis, vel armis, vel legibus potest totam Galliam sempiternis vinculis adstringere. Impolitæ vero⁶ res, et acerbæ si erunt relictæ, quamquam sunt accisæ⁷, tamen efferent se aliquando, et ad renovandum bellum revirescent. Quare sit in ejus tutela Gallia, cujus virtuti, fidei, felicitati commendata est. Etenim si Fortunæ muneribus amplissimis ornatus, sæpius ejus deæ⁸ periculum facere nollit; si in patriam, si ad deos penates, si ad eam dignitatem, quam in civitate sibi propositam videt, si ad jucundissimos liberos⁹, si ad clarissimum generum redire properaret; si in Capitolium invehi victor cum illa insigni laurea¹⁰ gestiret; si denique timeret casum aliquem, qui illi tantum addere¹¹ jam non potest, quantum auferre: vos ta-

tes immanitate barbaras, multitudine innumerabiles. »

4. *Licet considant.* Etiam si Alpes plano sequerentur, Roma non curaret Cæsaris secunda victoria.

5. *Æstas.* Id est, expeditio.

6. *Impolitæ vero res.* Imperfectæ et inchoatæ; translatio ducitur ab arboribus, quæ tonsæ repullulant, et revirescunt.

7. *Accisæ.* Horatius: « Duris ut illex tonsa bipennibus Nigræ feraci frondis in Alcido Per damna, per cædes ab ipso Ducit opes animumque ferro ».

8. Ernest. pro *ejus deæ*, probabiliter conj. *ejusdem.* J. V. L.

9. *Liberos.* Cæsari nulli alii erant liberi quam filia Julia, Pompeii uxor. Solebant voce uti *liberi* ad significan-

dum unum filium aut filiam. A. Gell. II, 13: « Antiqui oratores, historiæque aut carminum scriptores etiam unum filium, filiamve liberos multitudinis numero appellarunt ». Pauca tamen sunt exempla hujus vocis in singulari numero. Aurelius Victor: Nerva Trajanum in liberi locum, et in partem imperii adoptavit.

10. *Insigni laurea.* Moris fuit triumphantibus curru aurato, quadrigis albis, corona in capite laurea, lauro in manu dextera, os minio oblitis vehi, ibique cæsis victimis gratias diis agere, et in gremio Jovis Capitolini laurum deponere. Suet. in Nerone, cap. 13; Silias lib. XV.

11. *Tantum addere.* Similia fere dicit in Livio Hannibal ad Scipionem.

men oporteret ab eodem illa omnia, a quo profligata¹² sunt, confici velle. Quum vero ille suæ gloriæ¹³ jampridem, reipublicæ nondum satisfecerit, et malit tamen tardius ad suorum laborum fructus pervenire, quam non explere susceptum reipublicæ munus: nec imperatorem, incensum ad rempublicam bene gerendam, revocare, nec totam Gallici belli rationem, prope jam explicatam¹⁴, perturbare atque impedire debemus.

XV. Nam illæ sententiæ virorum clarissimorum minime probandæ sunt: quorum alter ulteriorem Galliam decernit cum Syria, alter citeriorem. Qui ulteriorem; omnia illa, de quibus disserui paullo ante, perturbat; simul ostendit, eam se sciscere legem, quam esse legem neget¹; et, quæ pars provinciæ sit, cui non possit intercedi, hanc se avellere; quæ defensorem habeat², non tangere: simul et illud facit, ut, quod illi a populo datum sit, id non³ violet; quod senatus dederit, id senator properet auferre. Alter belli Gallici rationem habet; fungitur officio

12. *Profligata*. Tusc. V: «profligata jam hæc, et pæne ad exitum deducta quæstio est». In eandem sententiam confer XII, 14 ad Div.

13. *Suæ gloriæ*. Hunc locum fuse et magnificentissime verborum decursu tractat pro Marcello ubi et ostendit Cæsarem gloriæ nondum satisfecisse, quamvis confectis non Gallicis solum bellis, sed etiam civilibus: «quid si istud ne gloriæ quidem tuæ satis est, etc.»

14. *Explicatam*. Prope jam terminatam et consummatam. Cujus sensus plurima occurrunt exempla. Confer Plaut. Pœn. III, 5.

XV. 1. *Quam esse legem neget*. Lege Vatinia Gallia citerior sive Cis-

alpina quæ Rubicone fluvio et Alpibus continetur una cum Illyrico in quinquennium Cæsari data fuerat populi romani suffragiis, invito senatu. Ulteriorem autem, sive, ut vocabant, Transalpinam a senatu habebat lege Sempronia. Qui igitur ulteriorem Cæsaris successor decernendam censebat, rationem belli perturbabat, et legem Vatiniam, contra senatus auctoritatem latam, approbare videbatur, dum illam provincia a populo data potiri patiebatur. Ostendit quatuor incommoda ex hac sententia oriri.

2. *Quæ defensorem habeat*, non tangere. Id est, cui possit tribunus intercedere.

3. *Id non violet*. Id est, approbet.

boni senatoris; legem quam non putat⁴, eam quoque servat: præfinit enim successori diem. Qui⁵ mihi nihil videtur minus a dignitate disciplinaque majorum dissidere, quam ut, qui consul kalendis jan. habere provinciam debet, is ut eam desponsam⁶, non decretam habere videatur. Fuerit⁷ toto in consulatu sine provincia, cui fuerit, antequam designatus esset, provincia decreta? Sortietur, an non? nam et non sortiri absurdum est, et quod sortitus sit, non habere. Proficiscetur paludatus⁸? quo? quo pervenire ante certam diem non licebit. Januario, februario, provinciam non habebit. Kalendis ei denique martis nascetur repente provincia. Attamen his sententiis Piso in provincia permanebit⁹. Quæ quum gravia sunt, tum nihil gravius illo: quod multari imperatorem deminutione provinciæ, contumeliosum est; neque solum summo in viro, sed etiam mediocri in homine ne accadat, providendum.

XVI. Ego vos intelligo, patres conscripti, multos decrevisse honores eximios C. Cæsari, et prope singulares: si¹ quod ita meritus erat, grati²; sin etiam, ut quam conjunctissimus huic ordini esset, sapientes ac divini³ fuistis. Neminem umquam est hic ordo complexus honoribus et beneficiis suis, qui ullam

4. *Legem quam non putat.* Legem Vatiniam scilicet.

5. Manut. emendat, *Quo . . . magis.* J. V. L.

6. *Desponsam.* Alludit ad sponsalia quæ nuptias in diem differunt, easque incertas reddunt; quia persæpe levibus ex causis repudia mittuntur.

7. *Fuerit.* Hoc significat fore absurdissimum.

8. *Paludatus.* Paludamentum vestis propria ducum ad rem militarem pro-

ficiiscentium; coccinei erat coloris. Plin. lib. XXVII, imperatoris paludamentis dictum coccum testatur.

9. *In provincia permanebit.* Quia Macedoniæ provinciæ nulla facta est mentio.

XVI. 1. Abest si. J. V. L.

2. *Grati.* Suband. fuistis. Al. *gratis.*

3. *Ac divini.* Vide pro Marcello, cap. 1, et ad Q. fratrem, II, 7: « Senatus frequens divinus fuit in supplicatione Gabinio deneganda ».

dignitatem præstabiliorem ea, quam per vos esset adeptus, putarit. Nemo umquam hic potuit esse princeps, qui maluerit esse popularis⁴. Sed homines aut propter dignitatem⁵ suam diffisi ipsi sibi, aut propter reliquorum obtrectationem, ab hujus ordinis conjunctione depulsi, sæpe ex hoc portu se in illos fluctus⁶ prope necessario contulerunt. Qui si ex illa jactatione cursuque populari, bene gesta republica, referunt adspectum in curiam, atque huic amplissimæ dignitati commendati esse volunt: non modo non repellendi sunt, verum etiam expetendi.

Monemur a fortissimo viro⁷, atque optimo post hominum memoriam consule, ut provideamus, ne citerior Gallia nobis invitis alicui decernatur⁸, post eos consules, qui nunc erunt designati; perpetuoque posthac ab iis, qui hunc ordinem oppugnent, populari ac turbulenta ratione teneatur. Quam ego⁹ plagam etsi non contemno, patres conscripti, præsertim monitus a sapientissimo consule, et diligentissimo custode pacis et otii, tamen vehementius arbitror pertimescendum, si hominum clarissimorum ac potentissimorum aut honorem minuero, aut studium

4. *Popularis*. Qui populi partibus favebat.

5. *Propter dignitatem*. Id est, timentes ne possent ad honores ascendere propter suam mediocritatem, aut quibus nobilitas, opes, aliaque ad potentiam in senatu comparandam deerant, quamvis ingenii, animique satis haberent.

6. *In illos fluctus*. Seditionum tempestates et procellas.

7. *A fortissimo viro*. L. Philippo consule.

8. *Decernatur*. A populo, et alicui populari, si senatores præsentem oc-

casione e manibus elabi paterentur.

9. *Quam ego*. Adverte oratoris prudentiam; non potuit refellere consulis rationem; nec opus fuit; non contemnendam eam concedit; laudat ejus auctorem tum a sapientia, tum a diligentia studioque servandæ pacis; rationem rationi, metui metum justiorum opponit, ne alienetur a senatu Cæsar, qui potentissimus erat, et militum, populique romani benivolentia fretus pacem turbare poterat, et reipublicæ statum funditus convellere. Postea tamen anas affert rationes, quibus ille consulis timor leniatur.

erga hunc ordinem repudiario. Nam ut C. Julius omnibus a senatu eximiis ac novis rebus ornatus, per manus¹⁰ hanc provinciam tradat ei, cui minime vos velitis; per quem ordinem ipse amplissimam sit gloriam consequutus, ei ne libertatem quidem relinquat, adduci ad suspicandum nullo modo possum. Postremo, quo quisque animo futurus sit, nescio: quid sperem, video. Præstare hoc senator debeo, quantum possum, ne quis vir clarus, aut potens, huic ordini jure irasci posse videatur. Atque hoc, si inimicissimus essem C. Cæsari, sentirem tamen rei publicæ causa.

XVII. Sed non alienum esse arbitror, quo minus sæpe aut interpeller a nonnullis, aut tacitorum¹ existimatione reprehendar, explicare breviter, quæ mihi sit ratio, et causa cum Cæsare. Ac primum illud tempus familiaritatis et consuetudinis, quæ mihi cum illo, quæ fratri meo², quæ C. Varroni³, consobрино nostro, ab omnium nostrum adolescentia fuit, prætermitto. Posteaquam sum penitus in rempublicam ingressus, ita dissensi ab illo, ut, in disjunctione sententiæ, conjuncti tamen amicitia maneremus. Consul ille egit eas res⁴, quarum me participem esse vo-

10. *Per manus*. Videtur proverbium redolere, ut in epistola ad Cæsarem: « Totum denique hominem tibi trado, ie manu, ut aiunt, in manum tuam istam et victoris, et fide præstantem ».

XVII. 1. Hoc in plerisque codd. suis invenerunt Gruter. et Grævius. Olim erat in edd. nonnullis *tacita*. J. V. L.

2. *Fratri meo*. Quinto Ciceroni, qui unus e legatis Cæsaris in Gallia provincia aderat.

3. *C. Varroni*. Cic. in Brut. c. 76, laudat C. Varronem suum propinquum.

De claris Oratoribus ejus meminit, et in Verrem. Sed non ut doctrina et ingenio, ita moribus fuit probatus, ut narrat Valerius lib. VIII, cap. 2. Quum post curulem sædilitatem judex questionis esset, mortuus est. Non ille accipiendus est cum Terentio Varrone, quem Quintilianus Romanorum doctissimum nominavit. Ille erat etiam cum Cicerone conjunctissimus, cui superstes fuit. Proscriptionibus ereptus, ad centum annos vixit et scripsit.

4. *Consul ille egit eas res*. Cæsar

luit : quibus ego si minus assentiebar, tamen illius mihi iudicium gratum esse debebat. Me ille, ut quinqueviratum⁵ acciperem, rogavit; me in tribus sibi conjunctissimis consularibus⁶ esse voluit; mihi legationem⁷, quam vellem, quanto cum honore vellem, detulit. Quæ ego omnia non ingrato animo, sed obstinatione quadam sententiæ repudiavi. Quam sapienter⁸, non disputo; multis enim non probabo; constanter quidem, et fortiter certe : qui quum me firmissimis opibus contra scelus inimicorum munire, et populares impetus populari præsidio⁹ propulsare possem, quamvis excipere fortunam, subire vim atque injuriam¹⁰ malui, quam aut a vestris sanctissimis mentibus dissidere, aut de meo statu¹¹ declinare.

consul publicanos tertia vectigalium parte relevavit, regna, tetrarchias, immanes pecunias paucis dedit, Ptolemæum Alexandriæ regem socium nominavit; legem tulit de agro Campano dividendo, et alia quædam fecit, quæ farioso magis tribuno plebis, quam patriæ amanti consuli convenirent.

5. *Quinqueviratum.* Alii proponunt vigintiviratum ex epistola ad Attic. IX, 20, et Velleio, II, 45. Forte viginti illi curatores, quibus mandata erat Campaniæ agrorum divisio, in quatuor collegis diducebantur, quinque viris composita; aut hic forsitan agitur de illis qui Capuæ coloniam constituere debebant. Legitur etiam in epist. ad Atticum, II, 7 : « Ex ipsi quinque viris ».

6. *Consularibus.* Duo alii consules, cum Cæsare conjuncti, erant Pompeius gener ejus, et Crassus, ut in epitome Liviana legitur, et apud Velleium Paterculum, lib. II, cap. 44. Cæsare igitur consule, inter eum et Cn. Pom-

peium et M. Crassum, inita potentissimæ societas. Cæsar qui ceteris duobus consularibus auctor conspirationis fuerat, conatus est Ciceronem tertium consulem ad suam factionem adducere.

7. *Mihi legationem.* Quam Marcus recusavit, hanc Quintus frater accepit.

8. *Quam sapienter.* Multis ait non probatum iri, se fecisse sapienter, quia plerique, ut dicebat in Pisonem, oportere putant, « eventis et factis fortunam cujusque ponderari ». Et pro Rabirio Postumo, 1 : « Hoc plerumque facimus, ut consilia eventis ponderemus, et cui bene quid processerit, multum illum providisse; cui secus, nihil sensisse dicamus ».

9. *Populari præsidio.* Cæsaris gratia populo gratissimi.

10. *Vim atque injuriam.* Clodianorum, et ex urbe pelli.

11. *De meo statu declinare.* Laberius mimorum scriptor apud Macrobiū in Saturnalibus : « Quem nulla ambitio, nulla umquam largitio, Nullus

Sed non is solum gratus debet esse, qui accepit beneficium, verum etiam is, cui potestas accipiendi fuit. Ego illa ornamenta, quibus ille me ornabat, decere me, et convenire iis rebus, quas gesseram, non putabam : illum quidem amico animo me habere eodem loco, quo principem civem¹², suum generum, sentiebam. Traduxit ad plebem inimicum¹³ meum, sive iratus mihi¹⁴, quod me secum ne beneficiis quidem videbat posse conjungi, sive exoratus. Ne hæc¹⁵ quidem fuit injuria. Nam postea me, ut sibi essem legatus, non solum suavit, verum etiam rogavit. Ne id quidem accepi : non quo¹⁶ alienum mea dignitate arbitrarer, sed quod tantum reipublicæ sceleris impendere a consulibus proximis¹⁷ non suspicabar.

XVIII. Ergo adhuc magis est mihi verendum, ne mea superbia in illius liberalitate, quam ne illius injuria in nostra amicitia reprehendatur.

Ecce illa tempestas¹, caligo bonorum, et subita atque improvisa formido, tenebræ reipublicæ, ruina atque incendium civitatis, terror injectus Cæsari² de

timor, vis nulla, nulla auctoritas, Movere potuit in juvenia de statu, Ecce in senecta ut facile labefecit loco ».

12. *Quo principem civem.* Pompeium. Post Redit. ad Quirites, 7 : « Cn. Pompeius, vir omnium, qui sunt, fuerunt, erunt, princeps virtute, sapientia, gloria ». In Sen. 3 : « Virtute, gloria, rebus gestis Cn. Pompeius omnium gentium, omnium seculorum, omnis memoriæ facile princeps ».

13. *Inimicum meum.* P. Clodium, qui nisi plebeius e patricio factus fuisset, neque tribunus plebis esse potuisset, neque Ciceroni nocere.

14. *Sive iratus mihi.* Aliam causam

affert, pro Domo, cap. 16, cur Cæsar exarsit : « Questus sum in judicio, quum C. Antonium, collegam meum, defenderem, quædam de republica, quæ mihi visa sunt ad illius miseri status causam pertinere ». Nunc ad rem præsentem apposite eam ipsam causam affert, quam Cæsar se excusans afferebat.

15. *Hæc.* Al. *hoc.* J. V. L.

16. *Non quo.* Lamb. *non quod.*

17. *A consulibus proximis.* Scil. Pisone et Gabinio.

XVIII. 1. *Ecce illa tempestas.* Pisonis et Gabinii consulatum, Clodique seditiones exponit oratione translata a tempestate, tenebris, ruina, incendio.

2. *Terror injectus Cæsari.* Timuit

ejus actis, metus cædis³ bonis omnibus, consulum scelus, cupiditas, egestas, audacia. Si non sum adjutus; non debuit⁴. Si desertus⁵; sibi fortasse providit. Si etiam oppugnatus, ut quidam aut putant, aut volunt⁶; violata amicitia est, accepi injuriam, inimicus esse debui⁷, non nego. Sed, si idem ille tum me salvum esse voluit, quum vos me, ut carissimum filium, desiderabatis; et si vos iidem pertinere ad causam illam putabatis, voluntatem C. Cæsaris⁸ a salute mea non abhorrere; et si illius voluntatis generum ejus habeo testem, qui idem Italiam in municipiis⁹, populum romanum in concione, vos, mei semper cupidissimos, in Capitolio, ad meam salutem incitavit; si denique Cn. Pompeius¹⁰ idem mihi testis

Cæsar ne, quæ anno superiore gesserat, a prætoribus infirmarentur; idcirco P. Clodium, audacem hominem, et tribunum plebis sua opera factum, sibi adjunxerat, qui prætoribus obstitet. Cicero in Pisonem: « Adducta res in certamen, te consule petebatur, utrum quæ superiore anno ille gessisset, manerent an rescinderentur ».

3. *Metus cædis.* Quum P. Clodius servos ex ergastulis eductos ad cædem, rapinas, incendia concitaret; quum revulsis gradibus templum Castoris armatis hominibus occuparet, « cui templum illud fuit arx civium perditorum, receptaculum veterum Catilinæ militum, castellum forensis latrocinii », ut dicitur in Pisonem.

4. *Al. non debui.* J. V. L.

5. *Si desertus.* Subaud. fui a Cæsare. — *Sibi fortasse providit.* In Pisonem: « Si tantum in me ille esse roboris et virtutis putavit, ut ea quæ ipse gesserat, conciderent, si ipse restituissem, cur ei non ignoscam, si anteposuit suam salutem meæ ».

6. *Ut quidam aut putant, aut volunt.* Bibulus, Domitius, Marcellus, qui quum essent Cæsaris inimici, vel revera putabant, vel cupiditate quadam potius, quam judicio inducti, sibi persuadere cupiebant Ciceronem a Cæsare fuisse violatum.

7. *In. esse debui.* Quam si inimicitiam esset persequutus, nescio an melius de rep. fuisset meritis.

8. *Putabatis, voluntatem C. Cæsaris.* Senatores Publium Sextium tribunum plebis ad Cæsarem legaverunt, ut eum ad Ciceronis causam cum senatu suscipiendam, induceret.

9. *Qui idem Italiam in municipiis.* Vide orationem in senatu post Redditum, cap. 11, ubi fuse de his omnibus.

10. *Si denique Cn. Pompeius.* Lib. I, ep. 9, ad Div. reddens rationem cur in gratiam cum Cæsare redierit: « Gravissime autem me in hanc mentem impulit et Pompeii fides, quam de me Cæsari dederat, et fratris mei, quam Pompeio ».

de voluntate Cæsaris, et sponsor est illi de mea : nonne vobis videor et ultimi temporis recordatione, et proximi memoria, medium illud tristissimum tempus debere, si ex rerum natura non possum ¹¹ evellere, ex animo quidem certe excidere? Ego vero, si mihi non licet ¹² per aliquos ita gloriari, me dolorem atque inimicitias meas reipublicæ concessisse, quod magni cujusdam hominis et persapientis videtur : utar hoc, quod non tam ad laudem adipiscendam, quam ad vitandam vituperationem valet, hominem me esse gratum, et non modo tantis beneficiis, sed etiam mediocri hominum benivolentia commoveri.

XIX. A viris fortissimis ¹, et de me optime meritis quibusdam peto, ut, si ego illos meorum laborum et incommodorum participes esse nolui, ne illi me suarum inimicitiarum socium velint esse, præsertim quum mihi iidem illi concesserint, ut etiam acta illa Cæsaris, quæ neque oppugnavi antea, neque defendi, meo jam jure possim defendere. Nam summi civitatis viri, quorum ego consilio rempublicam conservavi, et quorum auctoritate illam conjunctionem Cæsaris defugi, Julias leges, et ceteras, illo consule, rogatas, jure latas negant ² : iidem illam proscriptionem capitis mei, contra salutem reipublicæ, sed salvis auspiciis, rogatam esse dicebant. Itaque vir summa auctoritate, summa eloquentia, dixit graviter, casum illum meum, funus esse reipublicæ, sed funus ju-

11. Possum. Al. possem. J. V. L.

12. Si mihi non licet. Cæsaris inimici negabant reipublicæ rationibus conducere, ut Cicero cum Cæsare in gratiam rediret; esto, inquit, at certe licet gratum esse. — *Inimicitias*. Magni et sapientis est viri inimicitias reipublicæ causæ deponere.

XIX. 1. *A viris fort.* Catone, ceterisque Cæsaris inimicis, qui Cæsaris ambitionem non temere præviderant.

2. *Jure latas negant.* Quod contra auspicia latæ fuerant. Docti et sapientes auspicia sanè irridebant; sed popularem errorem reipublicæ utilem observabant. Ern. *negabant, male.*

stum³ et indictum. Mihi ipsi omnino perhonorificum, discessum meum funus dici reipublicæ. Reliqua non reprehendo; sed mihi ad id, quod sentio, assumo. Nam, si illud jure rogatum dicere ausi sunt, quod nullo exemplō fieri potuit, nulla lege licuit, quia nemo de cælo servarat: oblitine erant⁴, tum, quum ille, qui id egerat, plebeius est lege⁵ curiata factus, dici de cælo esse servatum? qui si plebeius omnino esse non potuit, qui tribunus plebis potuit esse? et, cujus tribunatus si ratus est, nihil est, quod irritum ex actis Cæsaris possit esse; ejus non solum tribunatus ratus⁶, sed etiam perniciosissimæ res, auspiorum religione conservata, jure latæ videntur?

Quare aut vobis statuendum est, legem⁷ Æliam manere, legem Fufiam⁸ non esse abrogatam, non omnibus fastis legem ferri licere; quum lex feratur, de cælo servari, obnuntiari⁹, intercedi licere; cen-

3. *Sed funus justum.* Ad Catonem spectat, ut suspicari libet. Cæsaris leges jure latas negabat, et tamen præ ceteris Clodium vere tribunum plebis fuisse, et quascumque leges tulisset, quantumvis injustas, jure latas fuisse contendebat; quia videlicet si tribunatus Clodii rescinderetur, rescissa etiam fuisset illa Clodii rogatio, qua rogatione Cato prætoris nomine, missus est in insulam Cyprum ad asportandas pecunias regis Ptolemæi, et faciendam bonorum ejus auctionem.

4. *Oblitine erant.* In his argumentatur Cicero ad hominem, ut aiunt, et ex concessis.

5. *Lege curiata.* P. Clodius patricius a C. Fonteio plebeio homine adoptatus est. Adoptiones autem pro collegio pontificum in comitiis curiatis

fiabant, propter sacrorum commutationem. De his multo plura dixit Cicero in oratt. post Redit. passim.

6. *Abest ratus.* J. V. L.

7. *Legem Æliam.* Ut quo die de cælo servatum esset, agere cum populo non liceret.

8. *Legem Fufiam.* Lata fuerat a consule P. Furio, s. Fufio, an. 617, ut certis diebus, qui tamen fasti essent, agi cum populo non liceret. Quæ duæ leges sapienter a consulibus excogitatas sunt, ne seditiosi tribuni plebis legum multitudine turbas in republica concitarent. Eas autem Clodius abrogavit.

9. *Obnuntiari.* Magistratus qui de cælo servabat, obnuntiare poterat; augur solam speculationem, jus obnuntiandi non habebat. — *Intercedi.* Ab aliquo tribuno plebis. Duo legitima

sorium iudicium¹⁰ ac notionem, et illud morum severissimum magisterium, non esse nefariis legibus de civitate sublatum; si patricius tribunus plebis fuerit, contra leges sacratas¹¹; si plebeius, contra auspicia fuisse: aut mihi concedant homines oportet, in rebus¹² bonis non exquirere jura ea, quæ ipsi in perditis non exquirunt, præsertim quum ab illis aliquoties conditio C. Cæsari lata sit, ut easdem res alio modo ferret; qua conditione auspicia requirebant, leges comprobabant: in Clodio auspiciorum ratio sit eadem, leges omnes sint eversæ ac perditæ civitatis.

XX. Extremum illud est. Ego, si essent inimici mihi cum C. Cæsare, tamen hoc tempore reipublicæ consulere, inimicitias in aliud tempus reservare deberem. Possem etiam summorum virorum exemplo inimicitias reipublicæ causa deponere. Sed, quum inimici fuerint numquam; opinio injuriæ beneficio sit extincta: sententia mea, patres conscripti, si dignitas agitur C. Cæsaris, homini tribuam¹; si honos quidam, senatus concordia consulam; si auctoritas decretorum vestrorum, constantiam ordinis in eodem ornando imperatore servabo; si perpetua ratio Gallici belli, reipublicæ providebo; si aliquod meum privatum officium, me non ingratum esse² præstabo. Atque hoc velim probare omnibus³, patres conscripti:

impedimenti genera conjunxit, *obnuntiationem* et *intercessionem*.

10. *Censorium iudicium*. Clodius legem tulerat, ne quis ab uno censorum jure damnari posset.

11. *Contra leges sacratas*. Latæ fuerant post secessum populi in montem Sacrum anno 260. Eæ leges tribunos et illorum auctoritatemuebantur.

12. *Al. aut in r.* J. V. L.

XX. 1. *Homini tribuam*. In his est conclusio orationis totius, qua se Cæsari fautorum non obscure innuit, sive de ejus dignitate augenda, sive de prorogando imperio agitur.

2. Ernest. *delevit esse*, ut sæpius fecit in his monumentis, nobis non probantibus. J. V. L.

3. *Atque hoc velim probare omnibus*. Illud omnes probatum et acceptum habeant.

292 M. T. CIC. ORAT. DE PROV. CONS.

sed levissime feram, si forte aut iis minus probaro, qui meum inimicum, repugnante vestra auctoritate, texerunt⁴, aut iis, si qui meum cum inimico suo⁵ reditum in gratiam vituperabunt, quum ipsi et cum meo, et cum suo inimico in gratiam non dubitarint redire.

4. *Texerunt*, etc. Nam quum Milo P. Clodium accusaturus esset, com-

plures primarii senatores obstiterunt.

5. *Inimico suo*. Cæsare.



M. T. CICERONIS
ORATIO
PRO L. CORNELIO BALBO

ARGUMENTUM.

Ann. U. C. 697, Cn. Cornelio Lentulo Marcellino, et L. Marcio Philippo coss. accusatus est L. Cornelius Balbus, Gadibus in Hispania natus, sed post bellum Sertorianum, rogatu L. Cornelii Lentuli, cujus nomen assumpsit, a Pompeio, lege Gellia Cornelia civitate romana donatus. Ea enim lege a coss. L. Gellio et Cn. Cornelio ann. U. 681 lata sanctum est, ut cives romani essent optimo jure, quos Cn. Pompeius imperator de consilii bellici sententia sigillatim civitate donarit. Exortus est Gaditanus aliquis, qui Pompeii et Cæsaris apud quos graciosus erat Balbus, inimicis instigantibus, Balbo controversiam de civitate moveret. Defensores nactus est Balbus M. Licinium Crassum, Cn. Pompeium Magnum, et Ciceronem, a quo causa est perorata.

In exordio Cicero Pompeii orationem hesterno die pro Balbo habitam summis laudibus effert, et modeste fatetur difficilem sibi esse perorandi locum, quod ei orationi succedat, cujus e recordatione auditores plus voluptatis, quam non modo e sua, sed e cujusquam oratione capere possint. Mōrem tamen a se gerendum esse non modo Cornelii Balbi, sed ipsius etiam Pompeii voluntati, cap. 1.

Deinde initium facit ab eo, quod ipse accusator fateatur, Balbum ob virtutem bellicam a Pompeio civitate donatum esse. Quod autem Pompeius fecerit, id ei licuisse ab omnibus concedi. Non igitur ab accusatore crimen aliquod Balbi, sed Pompeii factum in iudicium vocari; quod autem Pompeium fecisse constet, id non solum decuisse, sed etiam debuisse fieri. Etenim tantas ejus esse virtutes, tantam gloriam, tantam auctoritatem, ut qualis in ipsa religione et legum et fœderum conservanda fuerit, dubitari nullo modo possit. Quum enim accusator dixisset civitatem Balbo homini Gaditano contra fœdera datam esse, quærit utrum eum inscientem velit contra fœdera fecisse, an scientem. Scientem fœdera neglexisse, qui dicere audeat, neminem esse futurum. Atque ipsum accusatorem significare Pom-

peium hoc inscientem fecisse. Id autem prorsus negatur fieri potuisse, propter ejus præstabilem scientiam in foederibus, pactionibus, conditionibus populorum, regum, exterarum nationum, in universo denique jure, belli et pacis. Totam igitur accusationem esse invidia et obtreptione Pompeii commotam, cap. 2-6. Jam ostendit se omisso Pompeio de causa acturum, etsi sibi nihil sit novi a Crasso et Pompeio relictum. Priusquam autem aggrediatur causam, petit a iudicibus, ut si causam Balbi viderint per se ipsam firmam ac stabilem, ornamenta ei concessa adjumento potius, quam propter invidiorum calumnias impedimento esse malint, cap. 7.

Jam quod accusator negaverat, ex foederato populo quemquam potuisse civitate romana donari, nisi is populus fundus factus esset legis Corneliae, h. e. nisi eam legem adscivisset et approbasset; Cicero primum imperite hoc dici ait foederatos populos fieri fundos oportere, quum hoc non magis sit proprium foederatorum, quam omnium liberorum populorum. Totum hoc potius fuisse positum in hac sententia, ut quum jussisset populus romanus aliquid, si id adscivissent socii populi ac Latini, et si ea lex, quam Romani haberent, eadem in populo aliquo tamquam in fundo resedisset, ut tum lege eadem is populus teneretur; non ut de romano jure aliquid deminueretur, sed ut illi populi, ant jure eo, quod a Romanis esset constitutum, aut aliquo commodo, aut beneficio uterentur. Nam si quid jusserit populus ejusmodi, ut quibusdam populis, sive foederatis, sive liberis permittendum esse videatur, ut statuant ipsi de suis rebus quo jure uti velint, tum quaerendum esse utrum fundi facti sint an non; et grave esse in populum romanum non posse uti sociorum virtute, qui velint cum periculis Romanorum sua communicare, contumeliosum vero in socios et injuriosum, eos his præmiis et his honoribus excludi, quæ pateant stipendiariis, hostibus, et sæpe servis. Sæpe enim stipendiarios ex Africa, Sicilia, Sardinia, hostes qui ad imperatores romanos perfugerint, civitate, itemque servos bene de republica meritos libertate, h. e. civitate donatos esse, cap. 8-10.

Præterea jus mutandæ civitatis non solum in legibus publicis, sed etiam in privatorum voluntate positum esse, cap. 11, 12. Denique nullam gentem esse ex omni regione terrarum, ex qua

Romanis interdictum sit, ne quem adsciscere civem, aut civitate donare possint, cap. 13.

Exstare quidem quædam fœdera cum populis nonnullis, in quibus exceptum sit, ne quis eorum a Romanis civis recipiatur. Nusquam vero fœdere Gaditano hoc exceptum esse, ac sicubi esset, id esse lege Gellia et Cornelia sublatum. Et quoniam hic accusator dixerat, exceptum esse siquid sacrosanctum esset, Cicero negat aliquid ejusmodi esse exceptum; in fœdere cum Gaditanis nihil esse cautum præter pacem, additum etiam illud, ut majestatem illi populi romani conservare deberent, quæ certe minueretur, si aut adjutoribus illorum civibus in bellis uti Romanis non liceret, aut hi præmii illis tribuendi potestatem nullam haberent, cap. 14-16.

Præterea ipsos Gaditanos, civitatem Balbo datam voluntate sua, auctoritate, legatione ipsa comprobare; adesse enim principes eorum, qui Balbum amore ut suum civem, testimonio ut Romanum, officio ut hospitem, studio ut defensorem commodorum suorum defendant, cap. 17-19.

Denique fœderatos civitate donatos esse comprobatur auctoritatibus imperatorum, bellici juris peritissimorum (cap. 20-22) judicum sententiis, et populi romani ac senatus judiciis, cap. 23, 24.

Tum breviter leviores quasdam reprehensiones tangit ab invidia et malivolentia profectas; objectam enim esse Balbo pecuniam, luxuriam, Tusculanum, tribum Crustumina, denique Theophani adoptivum, cap. 25. Hanc autem invidiam magis ad Balbi amicos et fautores, inprimis ad Pompeium et Cæsarem pertinere; quorum amicitia Balbo ornamento potius quam calamitati esse debeat, cap. 26, 27.

Postremo breviter repetitis argumentis Balbi causam humanitati judicum commendat, cap. 28.



M. T. CICERONIS ORATIONES.

ORATIO PRO L. CORNELIO BALBO.

ORATIO SEXTA ET TRICESIMA.

I. **S**_I auctoritates¹ patronorum in judiciis valent², ab amplissimis viris³ L. Cornelii causa defensa est; si usus, a peritissimis; si ingenia, ab eloquentissimis; si studia, ab amicissimis, et quum beneficiis cum L. Cornelio, tum maxima familiaritate conjunctis. Quæ sunt igitur meæ partes? auctoritatis tantæ, quantum vos in me esse voluistis, usus mediocris, ingenii minime voluntati paris: nam ceteris, a quibus est defensus, hunc debere plurimum video; ego, quantum ei debeam, alio loco⁴. Principio orationis hoc oppono⁵, me omnibus, qui amici fuerint salutem et

I. 1. *Si auctoritates.* Causam Cic. pro Balbo dicturus jam ab amplissimis viris defensam, rem protinus aggreditur; itaque concisum maxime est exordium, iudicibusque indicat se nihil aliud prolaturum, nisi quod causæ prodesse possit.

2. *Al. valerent.*

3. *Ab amplissimis viris.* Lamb. in marg. adnotavit deesse *viris* in eodd.

MSS: quam vocem nemo certe requirat, quum præcesserit *patronorum*: præsertim quæ solet ipsa subaudiri, ut inf. cap. 25: «Intelligo, iudices, in causa aperta, minimeque dubia, multa et plura, et a pluribus peritissimis esse dicta, quam res postuleret». Potest tamen vim aliquam addere.

4. *Al. addunt ostendam.*

5. *Al. pono.* Male.

dignitati meæ, si minus referenda gratia satisfacere potuerim, at prædicanda et habenda certe satis esse facturum.

Quæ fuerit hesterno die Cn. Pompeii gravitas⁶ in dicendo, iudices, quæ facultas, quæ copia, non opinione tacita vestrorum animorum, sed perspicua admiratione declarari videbatur: nihil enim umquam audiui, quod mihi de jure subtilius dici videretur, nihil de more majorum, de exemplis⁷ acutius, nihil peritius de foederibus, nihil illustriore auctoritate de bellis, nihil de republica gravius, nihil de ipso modestius⁸, nihil de causa et crimine ornatius: ut mihi jam verum videatur illud esse, quod nonnulli, literis ac studiis doctrinæ dediti, quasi quiddam incredibile dicere putabantur, eum, qui omnes animo virtutes⁹ penitus comprehendisset, omnia quam facillime tractare. Quæ enim in L. Crasso¹⁰ potuit, homine nato ad dicendi singularem quamdam faculta-

6. *Cn. Pompeii gravitas in dicendo.* De claris Oratoribus: « Meus autem æqualis Cn. Pompeius, vir ad omnia summa natus, majorem dicendi gloriam habuisset, nisi eum majoris gloriæ cupiditas ad bellicas laudes abstraxisset. Erat oratione satis amplius, rem prudenter videbat; actio vero ejus habebat et in voce magnum splendorem, et in motu summam dignitatem ».

7. *Al.* « nihil de memoria, de more, de exemplis ».

8. *De ipso modestius.* Repetitis superioribus, ita explicandum videtur: Nihil umquam audiui, quod mihi dici videretur de ipso, qui diceret, modestius.

9. *Eum, qui omnes animo virtutes penitus comprehendisset.* Paradoxa e doctrina Stoicorum hausta: qui sa-

pieniem dicebant nullum esse, qui non esset omnium virtutum numeris et partibus absolutus atque perfectus: item virtutes ita inter se esse connexas, ut altera non posset ab altera separari, ac proinde eum qui unam virtutem habeat, nihil vitii habere admixtum, et omnia quæ facere velit facillime tractare: in quos lepide Horat. lib. I, sat. 3. — *Al.* « omnia, quæ facere vellet, f. tr. »

10. *L. Crasso.* De hoc Cicero in Bruto: « Equidem quamquam Antonio tantum tribuo, quantum supra dixi, tamen Crasso nihil statuo fieri posse perfectius: erat summa gravitas, erat cum gravitate junctus facetiarum et urbanitatis oratorius, non scurrilis lepos: latine loquendi accurata, et sine molestia diligens elegantia: in disserendo mira explicatio, etc. »

tem, si hanc causam ageret, major esse ubertas, varietas, copia, quam fuit in eo, qui tantum potuit impertire huic studio temporis, quantum ipse a pueritia usque ad hanc ætatem a continuis bellis et victoriis conquievit? Quo mihi difficilior est hic extremus perorandi locus. Etenim ei succedo orationi, quæ non prætervecta sit¹¹ aures vestras, sed in animis omnium penitus insederit: ut plus voluptatis ex recordatione illius orationis, quam non modo ex mea, sed cujusquam oratione capere possitis.

II. Sed mos est gerendus non modo Cornelio, cujus ego voluntati in ejus periculis nullo modo deesse possum, sed etiam Cn. Pompeio, qui sui facti, sui judicii, sui beneficii, voluit me esse, ut apud eosdem vos, judices, nuper in alia causa fuerim, et prædicatorum, et auctorem¹.

Ac mihi quidem hoc dignum rei² videtur, hoc deberi hujus excellentis viri præstantissimæ gloriæ, hoc proprium esse vestri officii, hoc satis esse causæ, ut, quod fecisse Cn. Pompeium constet, id omnes et licuisse³ concedant. Nam verius nihil est, quam quod hesterno die dixit ipse, ita L. Cornelium de fortunis omnibus dimicare, ut nullius in delicti crimen vocaretur. Non enim furatus esse civitatem, non genus suum ementitus⁴, non in aliquo impudenti mendacio delituisse, non irrepsisse in censum dicitur: unum objicitur, natum esse Gadibus; quod negat nemo. Ceterum⁵ accusator fatetur, hunc in Hispania, duris-

11. *Prætervecta sit.* Quæ non aures vestras inani verborum sono impulerit, sed penitus insederit animis, cum aliquo voluptatis sensu.

II. 1. *Al. actorem.*

2. *Al. reo.*

3. *Et licuisse.* Plures ei licuisse.

4. *Genus suum ementitus.* Eorum qui genus suum ementiti in censum et civitatem obrepserant, multa sunt exempla, ut Quinti illius, sive Equitii, quem noster pro Sextio, *insitium Gracchum* appellat.

5. *Ceterum.* *Al. cetera.*

simo bello⁶, cum Q. Metello, cum C. Memmio, et in classe, et in exercitu fuisse, et, ut Pompeius in Hispaniam venerit, Memmiumque habere quæstorem cœperit, numquam a Memmio discessisse; Carthaginem possessum isse⁷; acerrimis illis præliis et maximis, Sucronensi et Turiensi⁸ interfuisse; cum Pompeio⁹ ad extremum belli tempus fuisse. Hæc sunt prælia Cornelii; talis in rempublicam nostram labor, assiduitas, dimicatio, virtus digna summo imperatore, spes pro periculis præmiorum: præmia quidem ipsa non sunt in ejus facto, qui adeptus est, sed in ejus, qui dedit.

III. Donatus igitur est ob eas causas a Cn. Pompeio civitate. Id accusator non negat; sed reprehendit: ut in Cornelio causa ipsius probetur, poena quæretur¹; in Pompeio causa lædatur, poena sit nulla. Sic famam, sic innocentissimi hominis fortunas, præstantissimi imperatoris factum condemnari volunt. Ergo in iudicium, caput Cornelii; factum Pompeii vocatur. Hunc enim in ea civitate, in qua sit natus, honestissimo loco natum esse concedis, et ab ineunte ætate, relictis rebus suis omnibus, in nostris bellis, nostris cum imperatoribus esse versatum; nullius laboris,

6. *Durissimo bello.* Bello Sertoriano, quod Q. Sertorius e partibus Marianis profugus in Hispania concitavit. Cui bello quum Q. Metellus Pius non sufficeret, missus est Cn. Pompeius adhuc eques romanus cum imperio proconsulari.

7. *Al. esse profectum.*

8. *Al. Duriensi.*

9. *Cum Pompeio.* Postquam Memmius, dux egregius, in Saguntino acerrime contra Sertorium pugnans est interfectus, ut a Plutarcho tradi-

tur in Sertor. cap. 21; Balbus, qui apud Memmium fuerat, ipsi adhæsit imperatori Pompeio.

III. 1. *Pœna quæretur.* Accusatorum hæc agendi ratio maxime dubia, neque sibi omnino constans; namque Balbum pro egregiis facinoribus laudabant, sed et poenam simul in eum poscebant, quum Pompeius tantum insimulari deberetur, sed propter nimiam viri majestatem ab eo abstinabant: ita Balbum insequentur, ut Pompeium accusare vererentur.

nullius obsessionis ², nullius praelii ³ expertem fuisse. Hæc sunt omnia quum plena laudis, tum propria Cornelii : nec in his rebus crimen est ullum. Ubi igitur est crimen ⁴? Quod eum Pompeius civitate donavit. Hujusmodi crimen? Minime : nisi honos ignominia putanda est. Cujus igitur? Re vera nullius : actione accusatoris, ejus unius, qui donavit. Qui si adductus gratia, minus idoneum hominem præmio affecisset; qui etiamsi virum bonum, sed non ita meritum; si denique aliquid, quod non contra, ac liceret, factum diceretur, sed contra, atque oporteret : tamen esset omnis ejusmodi reprehensio a vobis, judices, repudianda. Nunc vero quid dicitur ⁵? quid ait accusator? Fecisse Pompeium, quod ei facere non licuerit? quod gravius est, quam si id factum ab eo diceret, quod non oportuisset. Est enim aliquid, quod non oporteat, etiamsi licet; quidquid vero non licet, certe non oportet.

IV. Hic ego nunc cuncter sic agere, judices, non esse fas dubitare ¹, quin, quod Cn. Pompeium fecisse constet, id non solum decuisse ², sed etiam debuisse fateamur? Quid enim abest huic homini, quod si adesset, jure hoc tribui et concedi putaremus? Ususne rerum? qui pueritiæ tempus extremum ³, principium

2. *Al. obsidionis.*

3. *Prælii. MS periculi.*

4. *Est crimen?* Luculentissima oratione rem orator exponit; et paucis verbis factum oculis adstantium subjicit, ita tamen, ut probum omne et invidia in accusatores recidant.

5. *Quid dicitur.* Si Pompeius errasset, si hominem minus idoneum reipublicæ studio raptus civitate donasset, rejicienda esset accusatio, quippe tantus vir nimio patriæ et

recti amore peccaverit; nunc autem quum virum de populo rom. optime meritum civitate donaverit, quid de accusatoribus cogitandum, quidnam in eos est statuendum.

IV. 1. *Al. dubitari.*

2. *Decuisse.* Lambin. invitis libris omnibus pessime edidit, *licuisse.*

3. *Qui pueritiæ tempus extremum.* Anno ætatis xxiii tres legiones conscripsit, aliquot exercitus fudit, exercitumque victorem ad Sullam perdu-

habuit bellorum atque imperiorum maximorum? cuius plerique æquales minus sæpe castra viderunt, quam hic triumphavit? qui tot habet⁴ triumphos, quot oræ sunt partesque terrarum? tot victorias bellicas, quot sunt in rerum natura genera bellorum? An ingenium? quum etiam ipsi casus eventusque rerum, non duces, sed comites ejus consiliorum fuerint? in quo uno ita summa fortuna cum summa virtute certavit, ut omnium judicio, plus homini, quam deæ, tribueretur? An pudor⁵, an integritas, an religio in eo, an diligentia umquam requisita est? quem provinciæ nostræ, quem liberi populi, quem reges, quem exteræ gentes, castiorem, moderatiorem, sanctiorem, non modo viderunt, sed aut sperando umquam, aut optando cogitaverunt? Quid dicam de auctoritate? quæ tanta est, quanta in his tantis virtutibus ac laudibus esse debet. Cui senatus populusque romanus amplissimæ dignitatis præmia dedit, non postulanti imperia, verum etiam recusanti⁶: hujus de

xit, et quum e Carbonianis unus eum scholæ imperatorem esse dixisset, a præsentibus occisus morte linguæ procacitatem expiavit. Bis denique antequam per ætatem senator esse posset, triumphavit, ut merito censoribus in recensione equitum responderit, se omnia stipendia se imperatore meruisse.

4. *Qui tot habet triumphos.* Velleius ita de Pompeio, II, 40, 4: « Hujus viri fastigium tantis auctibus fortuna extulit, ut primum ex Africa, iterum ex Europa, tertio ex Asia triumpharet: et quot partes terrarum orbis sunt, totidem faceret monumenta victoriæ suæ ».

5. *Pudor.* Senec. epist. 11: « Nihil mollius ore Pompeii, numquam non

coram pluribus erubuit ». Libentius tamen interpreter de eo pudore, quo quis semetipsum conscientiamque suam reveretur.

6. *Recusanti.* Recusavit administrationem belli piratici. Vide Dionem initio libri XXXVI, ubi fusa Gabinii imperium mandantis, et Pompeii recusantis habetur oratio. Iterum, ut narrat Plutarchus in ejus vita, quum populus ei bellum Mithridaticum detulisset, exclamavit: « O inexplicabiles meos labores! quanto magis expectandum fuerat, ut ignotus in tenebris jacerem, si nullus umquam militiæ dabitur finis ». Verum id simulasse potius videtur, quam dixisse ex animi sui sententia: fuit enim, ut auctor est Velleius, adetipulantibus ceteris, « in

facto, iudices, ita quæri, ut id agatur, licueritne ei facere, quod fecit, an vero, non dicam, non licuerit, sed nefas fuerit (contra fœdus enim, id est, contra populi romani religionem et fidem fecisse dicitur), non turpe populo romano? nonne vobis?

V. Audivi hoc de parente meo puer: quum Q. Metellus¹, Lucii filius, causam de pecuniis repetundis diceret, ille, ille vir, cui patriæ salus dulcior, quam conspectus fuit; qui de civitate decedere, quam de sententia maluit: hoc igitur causam dicente, quum ipsius tabulæ circumferrentur inspiciendi nominis causa, fuisse iudicem ex illis equitibus² romanis, gravissimis viris, neminem, quin removeret oculos, et se totum averteret, ne forte, quod ille in tabulas publicas retulisset, dubitasse quisquam, verumne, an falsum esset, videretur: nos Cn. Pompeii decretum [iudicium], de consilii sententia pronuntiatum; recognoscemus³? cum legibus conferemus? cum fœderibus? omnia acerbissima diligentia⁴ perpendemus?

appetendis honoribus immodicus, in gerendis verecundissimus, ut qui eos ut libentissime iniret, ita finiret æquo animo, et quod cupivisset arbitrio suo sumere, alieno deponeret ».

V. 1. Q. Metellus. Tabulæ porro, quas iudices adpicere noluerunt, privatæ ipsius Metelli videntur fuisse, privatarumque rationum: quæ tabulæ dati et expensi nomina, sive æs alienum, vel solum, vel non solum continebant. Quum igitur accusator ei de pecuniis repetundis diem diceret, contenderetque pecuniis e provincia compilatis eum domesticas expeditivisse rationes, et ad ejus rei fidem exhiberi tabulas postularet, eas iudices adpicere noluerunt. Moris

autem fuisse, ut accusatores ad cognoscendum æs alienum tabulas dati et expensi postalarent. — Male Ern. infra sustulit *publicas*.

2. *Ex illis equitibus romanis*. Quotum judicabant, judiciis a senatu ad equestrem ordinem translatis lege Sempronia.

3. *Recognoscemus*. H. e. iterum recensēbimus, ut in Virgil. *Æn.* VIII, 721: « Dona recognoscit populorum ».

4. *Acerbissima diligentia*. Quidam reponere tentaverunt *acerrima*, male. Nam ea est acerbissima diligentia, quæ omnia accuratissime et morose scrutatur ac perpendit, ita ut recte quodammodo dici possit acerba in eos in quos statuitur.

Athenis aiunt, quum quidam⁵ apud eos, qui sancte graviterque vixisset, testimonium⁶ publice dixisset, et, ut mos Græcorum est, jurandi causa ad aras⁷ accederet, una voce omnes iudices, ne is juraret, reclamasse. Quum Græci homines, spectati viri noluerint religione videri potius, quam veritate, fidem esse constrictam; nos etiam, in ipsa religione et legum et fœderum conservanda, qualis fuerit Cn. Pompeius, dubitabimus? Utrum enim inscientem vultis contra fœdera fecisse, an scientem? Si scientem; o nomen nostri imperii! o populi romani excellens dignitas! o Cn. Pompeii sic late longèque diffusa laus, ut ejus gloriæ domicilium communis imperii finibus terminetur! o nationes, urbes, populi, reges, tetrarchæ, tyranni, testes Cn. Pompeii non solum virtutis in bello, sed etiam religionis in pace! vos denique, mutæ regiones, imploro, et sola terrarum ultimarum; vos, maria, portus, insulæ, litoraue: quæ est enim ora, quæ sedes, qui locus, in quo non exstent hujus quum fortitudinis, tum vero humanitatis, tum animi, tum consilii impressa vestigia? Hunc quisquam, incredibili quadam atque inaudita gravitate, virtute, constantia præditum, fœdera scientem neglexisse, violasse, rupisse, dicere audebit⁸?

5. *Quum quidam apud eos.* Xenocrates, ut proxime vidimus e Ciccone, et refert tum Valer. lib. II, cap. 5, tum Laertius in ejus vita, fuit Platonis discipulus. Tams sancte casteque vixit, ut Phryne in ejus torum admissa nullis cum illecebris pellexerit, et adolescentibus, quorum opera id factum fuerat, etiam pignore posito « pactum victoriæ pretium flagitantibus, de homine se cum his, non de statua pignus posuisse, responderit ».

6. *Al. et testimonium.*

7. *Jurandi causa ad aras accederet.* Nota jurantium consuetudo, ex qua dictum Periclis: « amicus usque ad aras ».

8. *Hunc quisquam, incredibili quadam... dicere audebit.* Nihil umquam præstantius, nihil sublimius de Pompeii virtutibus et gloria dictum; totus ille locus vividissime exaratur, et optime causam exorditur, quia maxima auctoritas Balbi patronis adscribitur, et major inde in accusatores conflatur invidia.

VI. Gratificatur mihi gestu accusator : inscientem Cn. Pompeium¹ fecisse significat. Quasi vero levius sit, quum in tanta republica versere, et maximis negotiis præsis, facere aliquid, quod scias non licere, an omnino nescire, quid liceat. Etenim quum in Hispania bellum acerrimum et maximum gesserat, quo jure Gaditana civitas esset, nesciebat? an, cujus linguam populi non nosset, interpretationem fœderis non tenebat? Id igitur quisquam Cn. Pompeium ignorasse dicere audebit, quod mediocres homines, quod nullo usu, nullo studio militari præditi, quod librarioli denique scire profiteantur²? Equidem contra existimo, judices, quum in omni genere ac varietate artium, etiam illarum, quæ sine summo otio non facile discuntur, Cn. Pompeius excellat, singularem³ quamdam laudem ejus, et præstabilem esse scientiam in fœderibus, pactionibus, conditionibus populorum, regum, exterarum nationum, in universo denique belli jure, ac pacis. Nisi forte, quæ nos libri docent in umbra et otio, ea Cn. Pompeium, neque quum requiesceret, literæ, neque, quum rem gereret, res ipsæ⁴ docere potuerunt.

Atque, ut ego sentio⁵, judices, causa dicta est

VI. 1. *Inscientem*, etc. Quocumque se vertat accusator hoc argumento capitur; etenim ne suspicari quidem possum, Pompeium scientem fecisse injuriam; obstat viri dignitas et religio; si contra insciens fecisse dicitur, quid cogitari potest absurdius, quum qui res gravissimas tractaverit, qui bellorum furores temperaverit, hoc quidem ignoraverit quod rerum peritum nequaquam possit fugere.

2. *Quod librarioli denique scire profiteantur*? Cod. Barb. *librarii*: sed deminutivum aptissimum; quo alibi

Tullium esse usum novimus. Lamb. *se scire*, de conjectura, quam innumerabiles loci subvertunt.

3. *Singularem quamdam*. Lambin. *tum singularem*, sine idonea causa et sine testimonio librorum.

4. *Res ipsæ*. Quidam libri habent *regiones ipsæ*; quod habebant etiam codex optimus Car. Stephani, quatuor item Britannici.

5. *Atque, ut ego sentio*. Corruptus admodum locus iste, neque corrigi potest, nisi novorum accedat auctoritas MSS. Sensem deprehendimus,

temporis magis. Ego non hujus, inquam, genere judicii plura dicam: est enim hæc seculi⁶ labes quædam et macula, virtuti invidere, velle ipsum florem dignitatis infringere. Etenim, si Cn. Pompeius abhinc annos quingentos fuisset, is vir, a quo senatus adolescentulo atque æquite romano sæpe communis salutis auxilium expetisset; cujus res gestæ omnes gentes, cum clarissima victoria, terra marique peragrassent; cujus tres triumphi testes essent, totum orbem terrarum nostro imperio teneri; quem populus romanus singularibus honoribus decorasset: si nunc apud vos, id quod is fecisset, contra foedus factum diceretur, quis audiret? nemo profecto. Mors enim quum extinxisset invidiam, res ejus gestæ sempiterni nominis gloria niterentur. Cujus igitur⁷ audita virtus dubitationi locum non daret, hujus præsens, experta atque perspecta, obtrectatorum voce lædetur?

VII. Omittam igitur¹ Pompeium jam oratione mea

quasi sic scriptum foret: Causa dicta est Pompeii magis quam hujus: in quo ego genere judicii non plura dicam. Multi alii locum illum, novis verbis exarare tentaverunt, quos inter Hottomannus sic locum recensuit: «Atque, ut ego sentio, iudices, causa dicta est temporis hujus magis vitii, quam hominis: neque ego de tam iniquo judicii genere plura dicam». In tanta verborum ac sensus varietate, quum tot inter se etiam nunc de loco viri pugnent, sensum illum et lectionem hanc nobis seposuimus, quod magis cum iis et quæ sequuntur, et quæ prius dicta sunt, congrueret. Ceterum quisque sensum illum ad libitum intelliget; namque, ut plura desunt, non admitti sensus potest, qui omnibus placeat.

6. *Est enim hæc seculi.* Libri veteres habent alio verborum ordine, «est enim hæc hujus sæculi quædam macula atque labes». Recte.

7. *Cujus igitur.* Semper in hac oratione a fortiori pugnat Cicero, et ita accusatores statuit, ut quoquomodo se vertant, errare semper, et populi romani patientia abuti videantur.

VII. 1. *Omittam igitur.* Necesse erat oratori, ut Pompeii laudes perpetuo Romanorum auribus obstreperent, ut majus semper in accusatores odium concitaretur; itaque postquam animos omnium his præstantissimis Pompeii laudibus perculit, audientes monet se jam de Pompeio non amplius dicturum, et ita acrius nomen illud animis imprimit, quam si diutius in iisdem laudibus versaretur.

reliqua; sed vos, judices, animis ac memoria tene-
tote. De lege, de fœdere, de exemplis, de perpetua
consuetudine civitatis nostræ, renovabo ea, quæ dicta
sunt. Nihil enim mihi novi, nihil integri, neque M. Cras-
sus, qui totam causam et pro facultate, et pro fide
sua diligentissime vobis explicavit, neque Cn. Pom-
peius, cujus oratio omnibus ornamentis abundavit,
ad dicendum reliquit. Sed quoniam, me recusante,
placuit ambobus adhiberi hunc a me quasi perpoliendi
quemdam operis extremum laborem, peto a vobis,
ut me officii potius, quam dicendi studio hanc sus-
cepisse operam ac munus putetis².

Ac prius, quam aggrediar ad jus causamque Cor-
nelii, quiddam de communi conditione omnium no-
strum, deprecandæ malivolentiæ causa, breviter com-
memorandum videtur. Si, quo quisque loco³ nostrum
est, judices, natus, aut, si in qua fortuna est na-
scendi initio constitutus, hunc vitæ statum usque ad
senectutem obtinere debet, et, si omnes, quos aut
fortuna extulit, aut ipsorum illustravit labor et in-
dustria, poena sunt afficiendi; non gravior L. Cor-
nelio, quam multis viris bonis atque fortibus, con-
stitui lex vitæ et conditio videtur. Sin autem multorum
virtus, ingenium, humanitas⁴, ex infimo genere et

2. *Munus putetis.* Causam a præ-
stantissimis oratoribus defensam Ci-
cero exordiri cogitur, et necesse est
ut ita sibi præcaveat, ne fastidium
moveat res eadem sæpius tractata. Ita-
que aliud optime antecapit, et audien-
tes monet se omnia obiter tractaturum,
et extremum causæ huic impositurum
laborem, ut nova quodammodo quæ
protulerit, videantur.

3. *Si, quo quisque loco,* etc. Pauca
hæc præfatur Tullius, ut majori luce

causam illustret, et populo ostendat
quanam sit parte intuenda. Etenim
nobile illud eminendi studium laudat
quo quis præclara facinora præfert, ut
supra ceteros emineat; et obiter osten-
dit, quam injustum esset, eum poena
afficere, qui bonis artibus laudem qua-
siverit; patet continuo ne minime
quidem Balbum fuisse ullius criminis
reum.

4. *Humanitas.* Studia politiorum
et reconditorum literarum. Pro Cœ-

fortunæ gradu non modo amicitias, et rei⁵ familiaris copias consequuta est, sed summam laudem, honores, gloriam, dignitatem; non intelligo, cur potius invidia violatura virtutem L. Cornelii, quam æquitas vestra pudorem ejus adjutura videatur. Itaque, quod maxime petendum est, a vobis idcirco non peto, judices, ne de vestra sapientia, atque de vestra humanitate dubitare videar. Est autem petendum, ne oderitis ingenium, ne inimici sitis industriæ, ne humanitatem opprimendam, ne virtutem puniendam putetis. Illud peto, ut, si causam ipsam per se firmam esse et stabilem videritis, hominis ipsius ornamenta adjumento causæ potius, quam impedimento esse malitis⁶.

VIII. Nascitur, judices, causa Cornelii ex ea lege, quam L. Gellius, Cn. Cornelius¹ ex senatus sententia tulerunt. Qua lege videmus satis esse sanctum², uti cives romani sint ii, quos Cn. Pompeius de consilii sententia³ sigillatim civitate⁴ donaverit. Donatum esse L. Cornelium præsens Pompeius dicit; indicant publicæ tabulæ; accusator fatetur. Sed negat, ex foederato populo quemquam potuisse, nisi is populus fundus factus esset⁵, in hanc civitatem venire. O præclarum

lio : « Illa humanitate præditus, illis studiis ».

5. *Rei familiaris copias.* Res familiaris, sive domestica, sunt divitiæ et facultates privatz.

6. *Malitis.* Brit. unus *velitis* : quod rejiciendum omnino est.

VIII. 1. *L. Gellius, Cn. Cornelius.* Consules fuerunt anno ab urbe condita 682, sive, ut alii supputant, 683.

2. *Qua lege videmus satis esse sanctum.* Pantagathus, « videamus sanxisse senatum ». — Codices Lambinianus et Barb. omnesque Britann. tum omnes ante Lamb. editi, quos

habeo, scribunt, « qua lege videamus satis esse sancti » : tantum Car. Steph. recte, *videmus*. Pantagathus, dum errorem illum emendare voluit, alio modo locum corripit.

3. *De consilii sententia.* Consilium militare intelligit.

4. *Sigillatim civitate donaverit.* Quia alia antea multos civitate donaverant.

5. *Nisi is populus fundus factus esset.* « Fundum populum fieri », ut ait Festus, « est populum ejus rei, quam alienat, fieri auctorem » : quo sensu accipiebat Balbi accusator : Vel

interpretem juris! auctorem antiquitatis! correctorem atque emendatorem nostræ civitatis! qui hanc pœnam foederibus adscribat⁶, ut omnium præmiorum beneficiorumque nostrorum expertes faciat foederatos. Quid enim potuit dici imperitius, quam foederatos populos fieri fundos⁷ oportere? nam id non magis est proprium foederatorum, quam omnium liberorum. Sed totum hoc, iudices, in ea fuit positum semper ratione⁸ atque sententia, ut, quum jussisset populus romanus aliquid; si id adscivissent socii populi ac Latini, et, si ea lex, quam nos haberemus,

quemlibet contractum ab alio factum ratum habere, et auctoritate sua comprobare.

6. *Qui hanc pœnam foederibus adscribat.* Pœna illa erat, quod nemini foederatorum liceret civitatem romanam accipere, quæ illi offerebatur ab imperatore romano, nisi populus ille, cujus civis fuerat, fundus factus huic juri civitatis, quo donabatur, esset, hoc est, nisi approbasset illud beneficium imperatoris romani, ut eo liceret illi, in quem collatum erat, frui. Itaque dicit, hoc si verum esset, « omnium præmiorum, beneficiorumque nostrorum expertes fieri foederatos » : quia in nullum posset a Romano beneficium conferri, nisi illi fundus fieret populus, a quo duxerit ortum : quod merito Cicero negat.

7. *Quid enim potuit dici imperitius, quam foederatos populos fieri fundos, etc.* Accusatoris Balbi imperitia, quam exagitat Tullius, in hoc posita est, quod tradiderit, neminem posse jus civitatis Romanorum accipere, nisi populus suus fundus factus fuerit huic juri, hoc est, nisi approbaverit jus illud, et facultatem ei fecerit jus illud accipiendi. Quod imperitissime dictum

esse contendit. Nam si hoc verum esset, neminem etiam ex sociis civem posse fieri, nisi civitas sociorum, in qua natus sit et educatus, ante fundus huic rei factus esset. « Nam id, inquit, non magis est proprium foederatorum, quam omnium liberorum ». Id jus nimirum, ut possint fundi fieri illis rebus, ac illis legibus, quas ex romanis legibus adsciscebant. Hoc licebat tam liberis populis, quam foederatis, non vero ut fundi fierent illi beneficio, quod Romani in bene meritos de republica conferebant suo arbitratu. Hujus rei judicatio neque ad foederatos, nec ad socios, et liberos pertinebat. Non enim jus fundum fieri extendebatur ad jus civitatis romanæ. Alioqui nullus potuisset foederatus aut socius civis romanus fieri, nisi imperator romanus cognovisset populum illius hominis, quem hoc jure volebat donare, fundum huic beneficio factum esse.

8. *Totum hoc, iudices, in ea fuit positum semper ratione, etc.* Hoc est, id omne, quum dicitur populus fundus fieri alicui legi, in hoc consistit, quod possit legem a Romanis latam approbare, et pro sua uti.

eadem in populo aliquo, tamquam in fundo, reseedisset; ut tum lege eadem⁹ is populus teneretur; non ut de nostro jure aliquid diminueretur¹⁰, sed ut illi populi aut jure eo, quod a nobis esset constitutum, aut aliquo commodo aut beneficio uterentur¹¹. Tulit apud majores nostros legem C. Furius de testamentis; tulit Q. Voconius de mulierum hereditatibus; innumerabiles aliæ leges de civili jure sunt latæ (quas Latini voluerunt, adsciverunt); ipsa denique Julia, qua lege civitas est sociis et Latinis data, qui fundi populi facti non essent, civitatem non haberent. In quo magna contentio Heracleensium¹² et Neapolita-

9. *Ut tum lege eadem.* Pantagathus delebat particulam *tum*. — *Ut tum lege eadem is populus teneretur.* Tenebantur ergo socii, et fœderati ea lege populi romani, quam adsciverant, ita ut et accusare ex ea lege civem romanum, et ipsi coram magistratu romano causam dicere ex ea lege tenerentur. Quemadmodum docet Gellius in lib. XVI, cap. 13, de municipibus scribens: « Nulla aliis necessitatibus, neque ulla populi lege adstricti, ni in quam populus eorum fundus factus est ».

10. *Non ut de nostro jure aliquid diminueretur.* Id est, non ut minus juris esset populo romano, si quem vellet ex eo populo, qui legem aliquam adscivisset, civitate romana donare. Atque hoc est quod ait Cicero post: « Videbat enim populos de suo jure, non de nostro fundos fieri solere ». Jus Romanorum erat, ut civitate donarent quem vellet: jus fœderatorum et liberorum erat, ut legem romanam adscicerent, quam vellet, et pro sua uterentur. In illud jus Romanorum nihil juris erat fœderatis, de suo jure,

hoc est, de illo, quod vellet ex legibus romanis suo adscribi, poterant agere liberrime: poterant illi legi aut fundi fieri, aut eam non adsciscere, prout eis videbatur e re sua esse.

11. *Sed ut illi populi... aut beneficio uterentur.* Affert rationes, cur populi fundi fieri soliti sint, et legem aliquam pop. rom. adsciscere. Prima est, ut jure civili populi romani uterentur: ut quum socii et Latini legem Furiam de testamentis, aut aliam quampiam adsciverunt. Secunda est, ut commodo aliquo aut beneficio uterentur, puta quum iidem socii legem Juliam, qua Latinis et sociis civitas data est, adsciverunt: vel quum leges aliquas adsciverunt, quibus præmium dabatur accusatori, qui senatorem romanum ejus criminis reum peregisset. Quod quidem præmium sæpius additum fuisse legibus romanis, quicumque antiquitatis romanæ periti sunt non ignorant.

12. *In quo magna contentio Heracleensium et Neapolitanorum fuit*, etc. Quum lex Julia Romæ lata esset, qua civitas sociis in Italia et Latinis daba-

norum fuit, quum magna pars in iis civitatibus fœderis sui libertatem civitati anteferebat. Postremo hæc vis est istius et juris, et verbi, ut fundi populi beneficio nostro, non suo jure fiant¹³. Quum aliquid populus romanus jussit, id si est ejusmodi¹⁴ ut quibusdam populis sive fœderatis, sive liberis, permitendum esse videatur, ut statuunt ipsi non de nostris, sed de suis rebus, quo jure uti velint; tum, utrum fundi facti sint, an non, quærendum esse videatur; de nostra vero republica, de nostro imperio, de nostris bellis, de victoria, de salute, fundos populos fieri noluerunt.

IX. Atqui, si imperatoribus¹ nostris, si senatui, si populo romano non licebit, propositis præmiis elicere ex civitatibus sociorum atque amicorum fortissimum atque optimum quemque ad subeunda pro

tur, Neapolitani et Heracleenses concionem populi advocarunt, ut in comune consulerent, quidnam facto opus esset; utrum beneficium sibi oblatum amplecterentur, an repudiarent. Multi in iis civitatibus reperti sunt, qui honorem civitatis romanæ aspernarentur, mallentque fœderati esse quam cives romani.

13. *Ut fundi populi beneficio nostro, non suo jure fiant.* Non enim jus habent populi liberi ac fœderati adsciendi leges populi romani, easque sua sententia ac suffragio comprobandi, sed ut id faciant permittit populus romanus: nec leve illud erat beneficium populi romani, ut partem juris sui cum sociis et Latinis communicaret.

14. *Id si est ejusmodi.* Non igitur omnia jussa et scita populi romani mittebantur adscribere socii, ac

fœderati, uti ex hoc loco liquet manifestissime. Quænam autem essent illa, quæ non mittebantur fœderatis, docet mox Tullius, quæ scilicet ad remp. ad imperium, et ad statum rei romanæ pertinebant.

IX. 1. *Atqui, si imperatoribus nostris, etc.* Ut hæc cum superioribus cohæreant, sic interpretari oportet: Atqui si imperatoribus nostris, et senatui, et populo non licebit fortissimum quemque ex fœderatis, et sociis civitate donare, nisi fundi, id est, auctores facti fuerint fœderati, statuuntur de nostro imperio, de nostra republica, de nostro jure, de nostris bellis ac victoriis, atque ita in eorum potestate situm erit, an fortissimos viros in nostram civitatem adscribamus, privabuntque nos, si voluerint, opera atque auxilio fortissimorum virorum.

salute nostra pericula; summa utilitate, ac maximo sæpe præsidio in periculis atque asperis temporibus carendum erit. Sed, per deos immortales! quæ est ista societas, quæ amicitia, quod fœdus, ut aut nostra civitas careat in suis periculis Massiliensi² propugnatore, careat Gaditano, careat Saguntino; aut, si quis ex illis populis sit exortus, qui nostros duces auxilio laboris, commeatus, periculo suo juverit, qui cum hoste nostro cominus in acie sæpe pugnarit, qui se sæpe telis hostium, qui dimicationi capitis, qui morti objecerit, nulla conditione, hujus civitatis præmiis affici possit? Etenim in populum romanum grave est, non posse uti sociis excellenti virtute præditis, qui velint cum periculis nostris sua communicare; in socios vero ipsos, et in eos, de quibus agimus, fœderatos, injuriosum et contumeliosum est, his præmiis et his honoribus exclusos esse fidelissimos et conjunctissimos socios, quæ pateant stipendiariis, pateant hostibus, pateant sæpe servis. Nam et stipendiarios ex Africa, Sicilia, Sardinia, oeteris provinciis, multos civitate donatos videmus: et, qui hostes ad³ nostros imperatores perfugissent, et magno usui reipublicæ nostræ fuissent, scimus civitate esse donatos: servos denique⁴, quorum jus et fortunæ conditio infima est,

2. *Massilianni propugnatores* *Gaditano* ... *Saguntino*. Inter fœderatos populos eximia quadam erga populum romanum fide, et benivolentia præstantissimi fuerant Massilienses, Saguntini, Gaditani: de Massiliensibus vide pro Flacco, cap. 26; Justin. lib. XLII.

3. *Qui hostes ad nostros*. Exemplum ponet in Sabinis, cap. 13. Sed id rarum. Quod vel ex eo liquere potest,

quod ne Onesimo quidem Macedoni civitas data fuit, sed in formalem sociorum referri jussus a senatu, eique Tarenti domus emptæ.

4. *Servos denique*. Lælius, lib. II, de Vindicio servo, qui filiorum Bruti conjurationem detexerat: « Pecunia ex ærario, libertas, et civitas data. Ille primum dicitur vindicta liberatus... Post illum observatum, ut qui ita liberati essent, in civitatem accepti vide-

bene de republica meritos, persæpe libertatē, id est, civitate, publice donari videmus⁵.

X. Hanc tu igitur¹, patrone fœderum ac fœderatorum, conditionem statuis Gaditanis, tuis² civibus, ut quod iis, quos Gaditanis adjutoribus armis subegimus, atque in ditionem nostram redegimus, liceat, si populus romanus permiserit, ut ab senatu, ab imperatoribus nostris, civitate donentur; id ne liceat ipsis? Qui si suis decretis legibusve sanxissent, ne quis suorum civium castra imperatorum populi romani iniret; ne quis se pro nostro imperio in periculum capitis, atque in vitæ discrimen inferret; Gaditanorum auxiliis, quum vellemus, uti nobis non liceret; privatim vero, ne quis³ vir et animo, et virtute præcellens pro nostro imperio periculo suo dimicaret; graviter jure ferremus⁴, minui auxilia populi romani, debilitari animos fortissimorum virorum, alienigenarum nos hominum studiis, atque externa virtute privari. Atqui nihil interest, judices, utrum hæc fœderati jura constituent, ut ne cui liceat ex his

rentur ». Immo quocumque modo libertatem assequerentur, videntur adepti fuisse civitatem. Inde est quod Cicero servilem conditionem externorum populorum fortuna potiore fore prædicat.

5. Al. *videbamus*. J. V. L.

X. 1. *Hanc tu igitur*. Accusatorem multo gravior exagitat orator quum ostendit, quæ sequutura insanum consilium fuerint. Judices simul in eum acuit, præterita Balbi causa, quum indicat populum romanum orbari his ipsis populis adjutoribus, quorum auxilio magnam orbis partem subegerit. Simulque ostendit, quantam sit infame, fœderatos populos non iis

uti, quibus hostes et servos etiam populus ob egregia in rempublicam merita donaverit.

2. *Tuis civibus*. Patet inde accusatorem Gaditanum fuisse, sed civem quoque Romanum.

3. *Privatim vero, ne quis*. Lamb. « privatim vero si, ne quis ». Cur ita? est enim absurdum, « si privatim sanxissent » : ut autem *privatim* conjungas cum *dimicaret*, non est opus particula ulla interposita. Legendum est conjuncte, « privatim vero ne quis » : superiora enim de publicis auxiliis civitatis intelligo, hæc vero de singularium civium voluntaria militia.

4. Al. *id jure f.* J. V. L.

civitatis ad nostrorum bellorum pericula accedere, an, quæ nos eorum civibus, virtutis causa, tribuerimus, ea rata esse non possint. Nihil enim magis uteremur his adiutoribus, sublatis præmiis virtutis, quam si omnino his versari in nostris bellis non liceret. Etenim, quum, pro sua patria, pauci, post genus hominum natum, reperti sint, qui, nullis præmiis propositis, vitam suam hostium telis objecerint; pro aliena republica quemquam fore putatis, qui se opponat periculis, non modo nullo proposito præmio, sed etiam interdicto?

XI. Sed, quum est illud imperitissime dictum de populis¹ fundis, quod commune est liberorum populorum, non proprium foederatorum; ex quo intelligi necesse est, aut neminem ex sociis civem fieri posse, aut etiam posse ex foederatis: tum vero jus omne noster iste magister mutandæ civitatis ignorat; quod est, iudices, non solum in legibus publicis positum, sed etiam in privatorum voluntate. Jure enim nostro neque mutare civitatem² quisquam invitus

XI. 1. *Populis fundis*. Cicero tamet in explicatione populorum fundorum ab adversario Balbi minime dissentiat, tamen in explicatione illius verbi diutius immoratus est, propterea quod accusator ille Balbi omnium foederatis tribuendo, de jure, atque auctoritate populi romani aliquid minuisse videbatur. Quum enim Gaditanus ille dixisset, ex foederato populo neminem potuisse fieri civem romanum, nisi is populus fundus factus esset, sic fundum fieri populum explicabat, quum scita ac jussa populi romani sua sententia comprobaret. Quæ verba auctoritatem aliquam videbantur innuere, quasi foederati de legibus ac scitis populi romani statue-

rent, quæ vellent. Quamobrem Cicero vim juris ac verbi illius pluribus explicandam putavit, ut doceret, fundos populos fieri beneficio populi romani, nec suo jure, sed permissu ipsius adaciscere leges, non quas ipsi vellent, sed quas populus romanus permisisset. Denique non de populi romani rebus ipsos statuasse, sed de suis duntaxat. Hinc toties verba illa repetit atque inculcat, « ut populi fundi beneficio nostro, non suo jure fiant ». Et paullo post: « Id si est ejusmodi, ut populi liberis ac foederatis permittendum esse videatur, ut statuant ipsi non de nostris, sed de suis rebus ». — Al. conjiciunt, *foederatis*. J. V. L.

2. *Neque mutare civitatem* . . . *invi-*

potest, neque, si velit, mutare non potest³, modo adsciscatur ab ea civitate, cujus esse se civitatis velit : ut, si Gaditanî sciverint nominatim de aliquo cive romano, ut sit is civis Gaditanus, magna potestas sit nostro civi mutandæ civitatis, nec foedere impediatur, quo minus ex cive romano civis Gaditanus possit esse. Duarum civitatum civis esse, nostro jure civili, nemo potest : non esse hujus civitatis civis, qui se alii civitati dicarit, potest. Neque solum dicatione, quod in calamitate clarissimis viris Q. Maximo⁴, C. Lænati, Q. Philippo Nuceriæ, C. Catoni Tarracone, Q. Cæpioni, P. Rutilio Smyrnæ vidimus accidisse, ut earum civitatum fierent cives, hanc ante amittere non potuissent⁵, quam hujus solum civitatis mutatione vertissent : sed etiam postliminio⁶ potest civitatis fieri mutatio. Neque enim sine causa de Cn. Publicio Menandro, libertino homine, quem apud majores legati nostri in Græciam proficiscentes interpretem secum habere voluerunt, ad populum latum, ut is Publicius, si domum⁷ revenisset, et inde Romam rediisset, ne

tus. Vide fusc pro Domo sua, c. 29 et 30, et pro Cæcina a c. 33 ad 35.

3. *Neque, si velit, mutare non potest.* Ita est in vulgatis, et puto recte : Ant. Augustinus legit, « neque si velit non mutare non potest » : in quo idem sentit cum aliis, sed putat non posse idem sentiri sine illo *non* : atqui si ita non interpungat, videbit non opus esse *non* : « neque si velit mutare non potest ».

4. *Q. Maximo.* Ignoratur prorsus historia Q. Maximi, et Q. Philippi. P. Popilius Lænas, vir consularis, in exsilium lege C. Gracchi pulsus est, et deinde in patriam revocatus, ut ex orationibus patet, post Red. in sen. 15, ad Quirit. 3. C. Cato de repetun-

dis damnatus ultro exsilio se mulcavit ; Q. Cæpio ejusdem criminis reus poena fuit eadem afflictus, postquam Galliam gubernavisset. Sæpius in aliis orationibus de P. Rutilio mentio fit, qui postquam ab equitibus romanis poena fuit mulctatus iniqua, in Asiam confugit, ubi imperium habuerat.

5. Schütz. verba ista, *hanc... vertissent*, vel interpolata, vel corrupta judicat J. V. L.

6. *Postliminio.* Si quis aliqua civitate donatus et inde priorem in patriam revertisset, eam civitatem qua donatus erat, postliminio amittere dicebatur.

7. *Si domum.* H. e. antiquam patriam.

minus civis esset. Multi etiam superiore memoria cives romani sua voluntate, indemnati, et incolumes, his rebus relictis, alias se in civitates contulerunt.

XII. Quod si civi romano licet esse Gaditanum, sive exsilio, sive postliminio¹, sive rejectione² hujus civitatis : ut jam ad foedus veniam, quod ad causam nihil pertinet (de civitatis enim jure, non de foederibus disceptamus), quid est, quamobrem civi Gaditano in hanc civitatem venire non liceat? Equidem longe secus sentio. Nam quum ex omnibus civitatibus via sit in nostram, quumque nostris civibus pateat iter ad ceteras civitates; tum vero, ut quæque nobiscum maxime societate, amicitia³, sponsione, pactione, foedere conjuncta est; ita mihi maxime communionem beneficiorum, præmiorum, civitatis, continere videtur. Atqui ceteræ civitates omnes non dubitarent nostros recipere in suas civitates⁴, si idem nos juris haberemus, quod ceteri. Sed nos non possumus et hujus esse civitatis⁵, et cujusvis præterea;

XII. 1. *Sive postliminio.* Paullus Manutius adnotavit, postliminio amittere civitatem dici, qui civitate aliqua donatus, inde priorem in patriam revertisset: in quo vir disertissimus fallitur. Nam postliminio nemo civitatem amittit, sed recipit. Nimirum qui aut tempore belli captus ab hostibus inde redit in patriam, aut tempore pacis alio migravit, et ibi in civitatem admissus est, quum redit in patriam suam, postliminio civitatem patriam recuperat, et priorem, in quam fuerat receptus, amittit, sed non postliminio.

2. Manut. conjicit *relictione*. J. V. L.

3. *Societate, amicitia, sponsione, pactione, foedere.* Societas est συμμαχία, et obligationem habet auxilii ferendi, amicitia non habet. Inter

sponsionem, pactionem, et foedus, est etiam diversitas, ut notat Sigonius lib. I de antiq. jure Italix, cap. 1. Liv. lib. IX: « Ocriculani sponsione in amicitiam accepti ». Pactio et sponsio fiebat per magistratus quoslibet, foedus per solos faciales.

4. Schütz. dedit, *in suam civitatem*. J. V. L.

5. *Hujus esse civitatis.* Præter hunc locum, ubi toties idem repetit, et illam ex oratione pro Cæcina, cap. 39, idem etiam testatur Corn. Nepos in vita Attici de Atheniensibus, c. 3: « Quo factum est, ut huic omnes honores quos possent, publice haberent, civemque facere studerent: quo beneficio ille uti noluit: quod nonnulli ita interpretantur, amitti civitatem roma-

ceteris concessum est. Itaque in Græcis civitatibus videmus, Athenis Rhodios, Lacedæmonios, ceteros undique adscribi, multarumque esse eosdem homines civitatum. Quo errore ductos vidi egomet nonnullos imperitos homines, nostros cives, Athenis in numero judicum⁶ atque areopagitarum, certa tribu⁷, certo numero; quum ignorarent, si illam civitatem essent adepti, hanc se perdidisse, nisi postliminio recuperassent. Peritus vero nostri juris ac moris nemo umquam, qui hanc civitatem retinere vellet, in aliam civitatem se dicavit.

XIII. Sed hic totus¹ locus disputationis atque orationis meæ, judices, pertinet ad commune jus mutandarum civitatum; nihil habet, quod sit proprium religionis ac fœderum. Defendo enim rem universam, nullam esse gentem ex omni regione terrarum, neque tam dissidentem a populo romano odio quodam atque discidio², neque tam fide benivolentiaque conjunctam, ex qua nobis interdictum sit, ut ne quem adsciscere civem, aut civitate donare possimus. O jura

nam alia adscita ». At Græcis alia consuetudo fuit, adeo ut non solum privatos, sed etiam reges in suas civitates adsciscerent.

6. *Numero judicum.* Varie fuerunt Atheniensium judicia, ut in homicidas Areopagi, Palladii, Delphini, Prytanei, Phreatii, de quibus singulis eorumque inter se diversitate fuisse Demosthenes oratione contra Aristocratem. In rebus civilibus, ut in contractibus alia fuerant: de quibus idem oratione adversus Laeritum exstante. Fuit et aliud iudicium millevirorum: de quo alicubi Demosthenes et Themistius disseruere.

7. *Certa tribu.* Nam civitas Athe-

niensis in tribus decem descripta fuit.

XIII. 1. *Sed hic totus.* Orator nondum causam recta aggreditur; post magnificentissimas laudes Pompeii, de re universa disserit, et omnia ita inter se consociat, ut clientis fortuna audientes movent, et animos sibi conciliet orator antequam causam aperiat. Certissima hæc erat processus via; nam quum de re eadem Licinius Crassus et Cn. Pompeius disseruissent, necesse erat oratori non eisdem instare vestigiis, et rem altera via prosequi. Oratoris hoc in opere ars miranda est, et attentè per totum defensionis curriculum prosequenda.

2. *Al. dissidio.*

præclara, atque divinitus jam inde a principio³ romani nominis a majoribus nostris comparata! ne quis nostrum plus quam unius civitatis esse possit (dissimilitudo enim civitatum varietatem juris habeat necesse est); ne quis invitus civitate mutetur; neve in civitate maneat invitus. Hæc sunt enim fundamenta firmissima nostræ libertatis, sui quemque juris et retinendi, et dimittendi esse dominum. Illud vero sine ulla dubitatione maxime nostrum fundavit imperium, et populi romani nomen auxit, quod princeps ille, creator hujus urbis, Romulus foedere Sabino docuit, etiam hostibus recipiendis augeri hanc civitatem oportere⁴. Cujus auctoritate et exemplo numquam est intermissa a majoribus nostris largitio et communicatio civitatis. Itaque et ex Latio multi, et Tusculani, et Lanuvini, et ex ceteris generibus gentes universæ in civitatem sunt receptæ; ut Sabinorum, Volscorum, Hernicorum: quibus ex civitatibus nec coacti⁵ essent civitatem mutare, si qui noluissent; nec, si qui essent civitatem nostram beneficio populi romani consequuti, violatum foedus eorum videretur.

XIV. At enim quædam foedera exstant, ut Germanorum, Insubrium¹, Helvetiorum, Iapydum, nonnul-

3. *Jam inde a principio.* Nota loquendi rationem Livio in primis familiarem, ut libro I, cap. 54. « Jam inde ab initio Faustulo spes fuerat regiam stirpem apud se educari ».

4. *Civitatem oportere.* Hic patet quæ fuerit in gubernanda republica Romanorum agendi ratio; qui omnia ad se trahere et retinere decreverant, ut civi cuique maxime foret necessarium patriæ invigilare, remque tueri publicam. Inde tot populi subacti et in civitatem recepti, ut totus orbis ex

Roma penderet, et inde omnia gererentur.

5. *Coacti essent.* Non admodum vera est hæc asseveratio: nam quum populi illi in romanam civitatem fuere recepti, certe victoriis Romanorum coacti venere.

XIV. 1. *Insubrium.* De Germanis Helvetiisque satis ac super dictum est: citra Alpes Insubrii erant, unde Cisalpini et Transalpini dicebantur. Iapydes Venetiam incolebant, juxta flumen Timavum.

lorum item ex Gallia barbarorum, quorum in fœderibus exceptum est, ne quis eorum a nobis civis recipiatur. Quod si exceptio facit, ne liceat, ibi necesse est licere, ubi non est exceptum². Ubi est igitur exceptum fœdere Gaditano, ne quem populus romanus Gaditanum recipiat civitate? nusquam. Ac sicubi esset, lex id Gellia et Cornelia, quæ definite potestatem Pompeio civitatem donandi dederat, sustulisset. Exceptum est³, inquit, si quid sacrosanctum esset⁴. Ignosco tibi, si neque Pœnorum⁵ jura calles; reliqueras enim civitatem tuam, neque nostras potuisti leges inspicere⁶; ipsæ enim te a cognitione sua judicio publico repulerunt. Quid fuit in rogatione ea, quæ de Pompeio a Gellio et a Lentulo, consulibus, lata est, in quo⁷ aliquid sacrosanctum exceptum videretur? Primum enim, sacrosanctum esse nihil potest, nisi quod populus plebesve sanxisset; deinde sanctiones sacrandæ sunt aut genere ipso, aut obtestatione et consecratione legis, aut pœnæ, quum caput ejus, qui contra facit, consecratur. Quid

2. *Ubi non est exceptum.* Hæc verba protulisse Naugerium arbitror, quæ et necessaria sunt, et postea in optimis libris inventa. Nam in Rom. Veneris, et Aldina, in cod. Barb. et quatuor Britann. certe desunt, sequentium affinitate intercepta.

3. *Exceptum est.* In fœdere Gaditano: si quidem sacrosancta sunt fœdera. Argumentatur sic accusator: quod sacrosanctum est violari non licet; fœdera sacrosancta sunt, ergo nullam fœderati populi partem, nisi populus ipse consentiat, licet attingere. Non consensit populus Gaditanus in Balbo; civitatem igitur Balbus mutare non potuit: quamquam in ipso fœdere disertis verbis non sit

exceptum, ne quem populus romanus Gaditanum recipiat civitate. Argumentum refellit Cicerone earum rerum definitione quæ sacrosanctæ sunt.

4. Alii, « fœdus, si quidem sacrum est ». J. V. L.

5. *Pœnorum.* Gaditanorum scilicet; nam et Gaditanum accusatorem fuisse, supra dictum est; et Gades Pœnorum colonia fuit.

6. *Inspicere.* Ut qui publico fueris judicio damnatus; nam ii publicis non præficiuntur muneribus, et ita leges usum cognoscere et introspicere nequeunt. Eas tamen cognoscere potuisset, si non usum, saltem lectione ac memoria retinere.

7. Alii, *qua*.

habes igitur dicere de Gaditano foedere ejusmodi? Utrum a⁸ capitis consecratione, an obtestatione legis sacrosanctum esse confirmas? Nihil omnino umquam de isto foedere ad populum, nihil ad plebem latum esse dico: de quibus etiamsi latum esset, neque legem, neque poenam latam esse, ne quem civem reciperemus, tamen id esset, quod populus postea jussisset⁹, ratum; neque quidquam illis verbis¹⁰, « si « quid sacrosanctum esset, » esse exceptum videretur. De his quum populus romanus nihil umquam jussisset, quidquam audes dicere sacrosanctum fuisse?

XV. Nec vero hæc oratio mea ad infirmandum foedus Gaditanorum, judices, pertinet. Neque enim est meum, contra opinionem vetustatis, contra jus optime meritæ civitatis, contra auctoritatem senatus dicere. Duris enim¹ quondam temporibus reipublicæ nostræ, quum præpotens terra marique Carthago, nixa duabus Hispaniis, huic imperio immineret, et quum duo fulmina² nostri imperii, subito in Hispania, Cn. et P. Scipiones, extincti occidissent: L.³ Marcius

8. *Utrum a. Abest a.*

9. *Postea jussisset.* Jussit autem postea populus, legem ferentibus Gellio et Lentulo oces. uti cives romani essent ii, quos Cn. Pompeius de consilii sententia, sigillatim civitate donasset.

10. *Illis verbis.* Quæ sunt in lege Gellia et Cornelia; quæ non impediunt, quo minus id, quod populus postea jussit, ratum sit.

XV. 1. *Duris enim temporibus.* Amicis perne Hispaniis duorum exercituum elude, Publii et Cnæi Scipionum interitu, Hannibale Italiam infestante: de quibus vide Polybium, Livium, Appianum.

2. *Duo fulmina.* Ernest. et ceteri

quidam reposuere *lumina* pro *fulminibus*, quod verbum quidem Virgilius a Cicerone est mutatus, *Æn.* VI, 842: « Aut geminos duo fulmina belli Scipiadas ». Et licet MSS omnes huic nostræ lectioni repugnarent, ob illam cum Virgilio affinitatem mihi servanda videretur.

3. *L. Marcius.* L. Marcius, eques romanus, et primipili æstuario, extinctis geminis Scipionibus, exercitui præfuit, victoriasque retulit. Gades tamen diu Pœni tenere: neque hic cum historia congruit orator, quum verba facit, de foedere toto a Marcio, statim ac Scipiones interiere.

primipili centurio⁴, cum Gaditanis foedus icisse dicitur. Quod quum magis fide illius populi, justitia nostra⁵, vetustate denique ipsa, quam aliquo publico vinculo⁶ religionis teneretur, sapientes homines, et publici juris periti⁷, Gaditani; M. Lepido, Q. Catulo consulibus a senatu⁸ de foedere postulaverunt. Tum est cum Gaditanis foedus vel renovatum, vel ictum. De quo foedere populus romanus sententiam non tulit; qui, injussu suo, nullo pacto potest religione obligari. Ita Gaditana civitas quod beneficiis suis erga rempublicam nostram consequi potuit; quod imperatorum testimoniis, quod vetustate, quod Q. Catuli, summi viri, auctoritate, quod judicio senatus, quod foedere, consequuta est; quod publica religione sanciri potuit, id abest. Populus enim se nusquam obligavit. Neque ideo est Gaditanorum causa deterior; gravissimis enim et plurimis rebus est fulta. Sed isti disputationi certe nihil est loci; sacrosanctum enim nihil potest esse, nisi quod per populum plebemve sancitum est.

XVI. Quod si hoc foedus, quod populus romanus, auctore senatu, commendatione et judicio vetustatis, voluntate et sententiis suis comprobatur, idem suffragiis comprobasset, quid erat, cur ex ipso foedere Ga-

4. *Primipili centurio.* Summus hic erat inter legionarios ordo; nam in legione tria peditum genera erant, hastati, principes, triarii, et in singulis deni centuriones, his nominibus, primus hastatus, secundus hastatus, tertius; primus princeps, secundus, tertius: in triariis alia ratio erat; nam dicebatur primipilus, vel primipili centurio. Hic erat primus post tribunum militarem.

5. *Nostra. Al. vestra.*

6. *Publico vinculo.* Aliquo populi romani jussu, quo populus uterque religione obligaretur.

7. *Juris periti.* Veriti scilicet, ne foedus illud Marcianum, quod neque senatus, neque populus comprobasset, ratum non foret.

8. *A senatu.* Senatus decrevit, populus sententiam tulit; ideo foedus quidem est, sed non sacrosanctum.

ditanum in civitatem nostram recipi non liceret? Nihil est enim aliud in foedere¹, nisi, ut PIA ET ÆTERNA PAX sit. Quid id ad civitatem? Adjunctum illud etiam est, quod non est in omnibus foederibus: MAJESTATEM POPULI ROMANI COMITER CONSERVATO². Id habet hanc vim, ut sit ille in foedere inferior. Primum verbi genus hoc conservandi³, quo magis in legibus, quam in foederibus, uti solemus, imperantis est, non precantis. Deinde, quum alterius populi majestas conservari jubetur, de altero siletur, certe ille populus in superiori conditione causaque ponitur, cujus majestas foederis sanctione defenditur. In quo erat accusatoris interpretatio indigna responsione, qui ita dicebat, « comiter » esse « communiter⁴ »: quasi vero priscum aliquod, aut insolitum verbum interpretaretur. Comes, benigni, faciles, suaves homines esse dicuntur;... « qui erranti⁵ comiter monstrat viam; » benigne, et non gravate: « communiter⁶ » quidem

XVI. 1. *Aliud in foedere.* Accusator sane verba illa populum fundum fieri, ex aliis fortasse foederibus desumpsit.

2. *Conservato.* Voce imperativa semper in legibus utebantur; necesse est sane, ut hic scribatur *conservato*. Verbum illud admisimus loco *conservanto*, quod Lambin. edidit; quia verisimile est phrasim illam pendere ex verbis « gens Gaditana ». Sic in foedere cum Ætolis icto, quod refert Livius, scriptum est, « imperium majestatemque populi romani gens Ætolorum conservato sine dolo malo ». Hæc tota disputatio in verbis pendet, et tenuissima est; accusator insulæ verbum interpretabatur: quod quidem Ciceroni multum sane placuit; nam in his delectabatur. Et sæpe sic iudices sibi conciliabat.

3. Omnino præferendum *conservato*. J. V. L.

4. *Communiter.* Invenias tamen apud antiquos *comiter* idem esse atque *communiter*. Sic in carmine Martiano apud Liv. lib. XXVI: « Apollini votendos censeo ludos, qui quotannis comiter Apollini fiant, quum populus dederit ex publico partem: privati vero conferant pro se suisque ».

5. *Qui erranti*, etc. Pars versus Enniani, apud Cic. de Offic. I, 16: « Ut homo qui erranti comiter monstrat viam, Quasi lumen de lumine accendat, facit, Ut nihilominus ipsi luceat, quum accenderit ».

6. *Communiter quidem certe non convenit.* Est a veteri editione et scriptis nostris omnibus: recentius excusi admisserunt, « comiter quidem certe, non communiter convenit ».

certe non convenit. Et simul absurda res est, caveri foedere, ut majestatem populi romani communiter conservent, id est, ut populus romanus suam majestatem esse salvam⁷ velit. Quod si jam ita esset, ut esse non potest, tamen de nostra majestate, nihil de illorum caveretur. Potestne igitur nostra majestas a Gaditanis benigne conservari, si ad eam retinendam Gaditanos præmiis elicere non possumus? potest esse ulla denique majestas, si impedimur, quo minus per populum romanum, beneficiorum, virtutis causa, tribuendorum potestatem imperatoribus nostris deferamus⁸?

XVII. Sed quid ego disputo, quæ mihi tum, si Gaditani contra me dicerent, vere posse dici¹ viderentur? illis enim repetentibus L. Cornelium, responderem, legem populum romanum jussisse² de civitate tribuenda; huic generi legum fundos populos³ fieri non solere; Cn. Pompeium de consilii sententia⁴ civitatem huic dedisse; nullum populi nostri jussum Gaditanos habere⁵: itaque nihil esse sacrosan-

7. *Esse salvam velit.* Cod. Lambin. « suam majestatem esse solidam ac salvam velit ». Olivetus Grævio paruit, Lallemand et Oxoniensibus tacite obsequentibus.

8. *Deferamus.* Indesinenter judices in accusatorem orator accendit, quum iis demonstrat, quanto reipublicæ damno in Balbum invehatur, et sic privatam causam cum toto populo communicat.

XVII. 1. Lambin. *responderi.*

2. *Jussisse.* Latam a Gellio et Lentulo, ut Pompeius civitatem, cui vellet, dare posset.

3. *Populos fundos.* Non enim hujusmodi leges a populis accipiuntur, sed eæ, quibus in publicarum rerum

administratione, aut in jure civili utantur. Fundos populos hic accipiendum e sententia Ciceronis, in quibus leges a populo romano latæ, tamquam in fundo residerent; quod Cicero temporis causa sensit, accusatore aliter, et, ut arbitror, rectius interpretante.

4. *Consilii sententia.* Non temere, vel gratiæ causa, sed de consilii sententia, approbantibus iis, quos in castris magnarum rerum consiliarios habebat.

5. *Gaditanos habere.* Quod autem populus non jussit, id sacrosanctum esse non potest; foedus igitur eorum sacrosanctum non est: non de eo enim populus sententiam tulit.

ctum⁶, quod lege exceptum videretur. Si esset; tamen in fœdere nihil esse cautum, præter pacem. Additum etiam esse illud, ut majestatem illi nostram conservare deberent: quæ certe minueretur, si aut adiutoribus illorum civibus uti in bellis nobis non liceret, aut præmii tribuendi potestatem nullam haberemus. Nunc vero quid ego contra Gaditanos loquar, quum id, quod defendo, voluntate eorum, auctoritate, legatione ipsa⁷ comprobetur? qui, a principio sui generis ac reipublicæ, ab omni studio sensuque Pœnorum mentes suas ad nostrum imperium nomenque flexerunt? quos, quum maxima bella nobis inferrent, mœnibus excluserunt? classibus insequuti sunt? corporibus, copiis, opibus depulerunt? qui et veterem illam speciem⁸ fœderis Marciani semper omni arce⁹ duxerunt sanctiorem, et hoc fœdere, Catuli, senatusque auctoritate, se nobiscum conjunctissimos esse arbitrati sunt? quorum mœnia, delubra, agros, ut ipse Hercules itinerum ac laborum suorum, sic majores nostri, imperii ac nominis populi romani terminos esse voluerunt? Testantur et mortuos nostros imperatores, quorum vivit immortalis memoria et gloria, Scipiones, Brutos, Horatios¹⁰, Cassios, Me-

6. *Nihil esse sacrosanctum.* Nihil sacrosanctum lex excipit, potius sacrosanctum si quid esset, id sustulit, quum definite Pompeio donandæ civitatis potestatem fecit; sed concedatur, lege exceptum esse, si quid esset sacrosanctum: quid obest hoc Balbo? In fœdere Gaditano civitatis nulla mentio; de pace tantum cautum est.

7. *Legatione ipsa.* Legatos populus Gaditanus Romam miserat, testem suæ voluntatis ac singularis benivolentiæ erga Balbum accusatum.

8. *Speciem.* Non proprie fœdus, sed speciem fœderis; quia nullo publico vinculo religionis teneretur; ideoque Gaditani post multos annos renovandum fœdus curaverunt, Lepido et Catulo coss. ut paullo ante dictum est.

9. Olim, *Marte.* Lamb. conj. *ara*, Ernest. et al. probantibus. J. V. L.

10. *Horatios.* Depravatum nomen aut supervacaneum: nam Horatium, qui bellum in Hispania gesserit, nulum invenio.

tellos, et hunc præsentem Cn. Pompeium, quem procul ab eorum moenibus, acre et magnum bellum gerentem, commeatu pecuniaque juverunt; et hoc tempore ipso populum romanum, quem in caritate annonæ, ut sæpe ante fecerant, frumento suppeditato levaverunt: se hoc *jus* esse velle, ut sibi, et liberis, si qui eximia virtute fuerint, sit in nostris castris, sit in imperatorum prætoriis, sit denique inter signa atque in acie locus; sit his gradibus adscensus etiam ad civitatem.

XVIII. Quod si Afris, si Sardis, si Hispanis, agris stipendioque multatis, virtute adipisci licet civitatem; Gaditanis autem, officiis, vetustate, fide, periculis, foedere conjunctis, hoc idem non licebit: non foedus sibi nobiscum, sed iniquissimas leges impositas a nobis esse arbitrabuntur. Atque hanc, judices, non a me fingi orationem, sed me dicere, quæ Gaditani judicarint, res ipsa declarat. Hospitium, multis annis ante hoc tempus, cum L. Cornelio Gaditanos fecisse publice, dico¹: proferam testes, proferam legatos; excitabo laudatores, quos ad hoc² iudicium, summos homines ac nobilissimos, deprecatores hujus periculi, missos videtis. Re denique multo ante Gadibus inaudita³, fore huic ut ab illo periculum crearetur, gravissima tum in istum civem suum Gaditani

XVIII. 1. Olim, *publica dico*.

2. *Quos ad hoc iudicium*, etc. Relativum *quos* deest in cod. Erfurt. et Barb. in edd. Rom. Venetis, Ald. Naug. et Camer. Sed recte a P. Man. restitutum omnes retinuerunt, MSS approbantibus.

3. *Multo ante Gadibus inaudita*. Sic habent omnes, quos vidi, libri veteres: neque dubium cuiquam debet

esse, quin ita sit legendum: *inaudita* autem participium est, a verbo *inaudio*: ne quis putet esse compositum ex *in* et *auditus*, quod significat non auditus: ut supplicia inaudita, scelera inaudita, id est, non audita: hoc loco autem *inaudita* idem fere valet quod *audita*: quod quum scio non intellexissent, ex eo fecerunt *jam audita*, quod reperitur in libris vulgatis.

senatusconsulta⁴ fecerunt. Potuit magis fundus populus Gaditanus fieri (quoniam hoc magnopere delectare verbo), si tum fit fundus, quum scita ac jussa nostra sua sententia comprobatur, quam quum hospitium fecit, ut et civitate illum mutatum esse fateretur, et hujus⁵ civitatis honore dignissimum judicaret? potuit certius interponere judicium voluntatis suæ, quam quum etiam accusatorem hujus multa et poena multavit? potuit magis de re judicare⁶, quam quum ad vestrum judicium cives amplissimos legavit, testes hujus juris, vitæ laudatores, periculi deprecatores? Etenim quis est tam demens, quin sentiat, jus hoc Gaditanis esse retinendum, ne interseptum sit iis iter perpetuo ad hoc amplissimum præmium civitatis; et magnopere iis esse lætandum, hujus L. Cornelii benivolentiam erga suos remanere Gadibus; gratiam et facultatem commendandi in hac civitate versari? Quis enim nostrum est, cui non illa civitas sit hujus studio, cura, diligentia, commendatio?

XIX. Omitto, quantis ornamentis populum istum C. Cæsar, quum esset in Hispania prætor, affecerit¹, controversias sedarit², jura, ipsorum permissu, statuerit; inveteratam quondam³ barbariam ex Gaditanorum moribus disciplinaque deleverit⁴; summa in

4. *Senatus convicia fecerunt*, quod quidam ediderunt, nihil est aliud, quam corruptio ex pessima notarum SC. interpretatione profecta. Quis hoc non videt, aut quis miratur? Contrarium evenit in Verr. I, 8, apud Rufinianum.

5. *Hujus*, Al. *jus civitatis*.

6. *De re judicare*. Omnia in Balbum conspirant, qui a Pompeio viro præstantissimo laudetur, et a civibus suis modis omnibus celebretur, et adjuvetur in hoc judicio.

XIX. 1. *Affecerit*. Ernest. arbitratur excidisse *qui*. Schütz. addidit *quod*, minus feliciter. J. V. L.

2. *Controversias sedarit*. Jura ipsorum permissu statuit, quia contra eorum voluntatem jurisdictionem non usurpasset in fœderata et libera civitate.

3. *Quondam*. Multi probant conjecturam Lambini, « quamdam, etc. »

4. *Disciplinaque deleverit*. De ritu Gaditanorum, qui Saturnum humanis hostiis placarint, æque ut Tyrii et

eam civitatem, hujus rogatu, studia et beneficia contulerit. Multa prætereo, quæ quotidie, labore hujus et studio, aut omnino, aut certe facilius consequuntur. Itaque et adsunt principes civitatis, et defendunt: amore, ut suum civem; testimonio, ut nostrum; officio, ut ex nobilissimo civi sanctissimum hospitem; studio, ut diligentissimum defensorem commodorum suorum.

Ac, ne ipsi Gaditani arbitrentur, quamquam nullo incommodo afficiantur, si liceat, eorum cives virtutis causa in nostram civitatem venire, tamen hoc ipso inferius esse suum foedus, quam ceterorum: consolabor⁵ et hos præsentem, viros optimos, et illam fidelissimam atque amicissimam nobis civitatem; simul et vos, non ignorantes⁶, iudices, admonebo, quo de jure hoc iudicium constitutum sit, de eo numquam omnino esse dubitatum.

XX. Quos igitur prudentissimos interpretes foederum, quos peritissimos bellici juris, quos diligentissimos in exquirendis conditionibus civitatum atque causis esse arbitramur? eos profecto, qui jam impetria ac bella gesserunt. Etenim, si Q. Scævola¹ ille

Carthaginienses, quem Julius Cæsar sustulerit, hunc locum intelligit Valerius ad fragmenta Dionis Cocceii in Peirescianis Excerptis.

5. *Consolabor.* Gaditanos consolatur eadem opera, qua docet, de jure civium ex foederatis civitatibus adsciendorum nunquam esse dubitatum. Nihil enim pejus cum his agitur, quam cum aliis illustrium civitatum conjunctissimis foederatis actum fuerit. Immerito hic hæsit Ernest.

6. *Non ignorantes.* Solus Car. Steph. quod non ignoratis, ejusque lectio in Var. Lectt. Oliveti Lambino tribuitur;

sed quæ vulgata, ne varietate quidem notata, in meis Lambinianis invenerim, arbitror, virum præstantissimum, in prima editione Stephano, et ejus codici paruisse, deinde sententiam mutasse.

XX. 1. *Q. Scævola.* Hic est ille, de quo Pomponius D. de origine juris: « Q. Mucius, Publii filius, pontifex maximus, jus civile primum constituit, generatim in libros decem et octo redigendo ». Pro Cæcina. Male puto a Lamb. datum *Scævola*, quamquam ita sciam in MS Pandectarum Florentino legi, et in aliis libris antiquis.

augur, quum de jure prædatorio² consuleretur, homo juris peritissimus, consultores³ suos nonnumquam ad Furium et Cascellium, prædiatores, rejiciebat; si nos de aqua nostra⁴ Tusculana M. Tugionem potius, quam C. Aquillium consulebamus, quod assiduus usus⁵ uni rei deditus, et ingenium, et artem sæpe vincit: quis dubitet de foederibus, et de toto jure pacis et belli, omnibus juris⁶ peritissimis imperatores nostros anteferre? Possumusne igitur tibi probare auctorem exempli atque facti illius, quod a te reprehenditur, C. Marium? quæris aliquem graviolem? constantiorem? præstantiorem virtute, prudentia, religione, æquitate? Is igitur M. Annium Appium⁷, fortissimum virum, summa virtute præditum, civitate donavit, quum Camertinum foedus sanctissimum atque æquissimum sciret esse. Potest igitur, judices, L. Cornelius condemnari, ut non C. Marii factum condemnetur? Exsistat ergo ille vir parumper cogitatione vestra, quoniam re non potest, ut conspiciatis eum mentibus, quem oculis non potestis: dicat,

2. *De jure prædatorio.* Agitur de jure, quod est sancitum de prædiis aut bonoprædiis, hoc est, possessionibus reipublicæ obligatis, quæ dicebantur per excellentiam *prædia et bonoprædia*, teste Asconio: et *prædiatores* erant, quorum bona erant obstricta publico: hinc et *lex prædatoria* apud Sueton. in Claudio. Vide Salmonium de modo numerarum.

3. *Consultores.* Qui jurisperitos adibent consilii petendi causa. Horat. Sat. I, 1, 9: «Agricolam laudat legum jurisque peritos, Sub galli cantum consultor ubi ostia pulsat».

4. *De aqua nostra Tusculana.* Aquam habuit orator in villa Tusculana Crabra nomine, pro qua vectigal

pendebat Tusculanis. Tertia Agraria: «Ego Tusculanis pro aqua Crabra vectigal pendam, quia a municipio fundum accepi, si a Sulla mihi datus esset, Rulli lege non penderem». Epistola ad Tironem 18, lib. XVI, ad Div. «De Crabra quid agatur, etsi nunc quidem nimia est aqua, tamen velim scire».

5. *Assiduus usus uni rei deditus.* Hinc Platonis edictum lib. VIII de Legibus, ut omnes uni reipublicæ animam dedant, nemoque civium ullam mechanicam artem attingat.

6. *Omnibus juris peritissimis.* Vetust liber, «hominibus juris peritissimis».

7. *Appium.* Garat. et Weisk. edendum putant *Apium*. J. V. L.

se non imperitum foederis, non rudem exemplorum, non ignarum belli fuisse; se P. Africani discipulum ac militem; se stipendiis, se legationibus bellicis eruditum; se, si tanta bella legisset⁸, quanta et gessit et confecit, si tot consulibus meruisset, quoties ipse consul fuit, omnia jura belli perdiscere ac nosse potuisse; sibi non fuisse dubium, quin nullo foedere a republica bene gerenda impediretur; a se ex conjunctissima atque amicissima civitate fortissimum quemque esse delectum; neque Iguvinationum⁹, neque Camertium foedere esse exceptum, quo minus eorum civibus a populo romano praemia virtutis tribuerentur.

XXI. Itaque, quum paucis annis¹ post hanc civitatis donationem acerrima de civitate quaestio, Licinia et Mucia lege, venisset: num quis eorum, qui de foederatis civitatibus esset civitate donatus, in judicium est vocatus? Nam Spoletinus L. Matrinius, unus ex iis, quos C. Marius civitate donasset, dixit causam, ex colonia Latina², in primis firma et illustri: quem

8. *Legisset.* Ern. omnia haec perversit, nec intellexit. Edidit enim *egisset*, oblitus orat. pro Muren. cap. 10; et post, « gessisset, confecisset, etc. » J. V. L.

9. *Iguvinationum.* Incolae urbis Umbriae.

XXI. 1. *Paucis annis post.* Legem de civitate tolerant Luc. Licinius Crassus, et Q. Mucius Scaevola anno urbis conditae 658. Marius cum Cimbris pugnavit quinto suo consulatu 552, quamvis alii uno anno tardius ponunt horum consulatum, totamque adeo chronologiam. Quidquid sit, sex annis lata lex Licinia Mucia, post Camertes a Mario civitate donatos.

2. *Ex colonia Latina.* Coloniarum,

ut ait Asconius, duo genera erant, quaedam civium romanorum, et quaedam Latinae coloniae. Coloniae civium romanorum praeter sacra, omnia jura habebant, quae cives romani obtinebant. Et tum centuriatis, tum etiam tributis comitiis ferebant suffragia. Coloniae Latinae Latii jus habebant, non autem civitatis: quare nonnulli e Latinis illis coloniis civitate donabantur. Quum igitur T. Maecius e Spoletis, Latina colonia, civitatem esset adeptus, eum Luc. Antistius item Spoletinus accusavit, dixitque Maecium civitatis jure non esse donatum. Quod quamvis Antistius diceret, numquam tamen eo usus est firmamento, quod Marius Spoletinum colonum

quum disertus homo L. Antistius accusaret, Spoletinus dixit, fundum populum Spoletinum non esse factum. Videbat enim, populos de suo jure, non de nostro, fundos fieri solere; sed, quum lege³ Apuleia coloniæ non essent deductæ, qua lege Saturninus C. Mario tulerat, ut in singulas colonias ternos cives romanos facere posset, negabat hoc beneficium, re ipsa sublata⁴, valere debere. Nihil habet similitudinis ista accusatio: sed tamen tanta auctoritas in C. Mario fuit, ut non per L. Crassum, affinem suum, hominem incredibili eloquentia, sed paucis ipse verbis causam illam gravitate sua defenderit et probarit. Quis enim esset, iudices, qui imperatoribus nostris, in bello, in acie, in exercitu, delectum virtutis; qui sociis, qui foederatis, in defendenda republica nostra spem præmiorum eripi vellet? Quod si vultus C. Marii, si vox, si ille imperatorius ardor oculorum⁵, si

civitate donare non potuerit, nisi populus Spoletinus fundus factus esset, et illam Macrini alienationem, et pristinae coloniæ abdicationem approbaret. Non, inquam, Antistius hoc usus est firmamento, sed aliam rationem adferebat. Quum enim L. Apuleius Saturninus legem de coloniis tulisset, quæ lex duo capita contineret: alterum præcipuum, ut C. Marius colonias quasdam Latini jura deduceret, alterum quasi secundarium, ut in singulas colonias ternos cives romanos facere posset, id est, opinor, et quum e Latinis coloniis rursum alias faceret colonias, et singulis illis veteribus coloniis ternos viros primarios eligeret, quos donare posset romana civitate; Marius erumpente belli Italici flamma colonias deducere non potuit, aliquos tamen e veteribus illis coloniis, e quibus colonos transcribere animo destinaret,

et in his Titum Macrinum civitate donavit. Negabat igitur Antistius hoc beneficium, id est, civitatis donationem valere debere, quum res ipsa, id est, coloniarum deductio fuisset sublata, neque ad exitum perducere potuisset.

3. *Legem Apuleia.* L. Apuleii Saturnini tribuni plebis.

4. *Re ipsa sublata.* Id est, coloniis non deductis.

5. *Ardor oculorum.* Peculiaris in Mario fuit ardor oculorum. Minturnenses Marium necare decreverant, miserantque Cimbrum equitem, qui rem transigeret. Is stricto gladio ad eum ingressus est, quum locus in quo erat, esset obscurior. Tunc aiunt, oculos Marii copiosam flammam emittentes militi apparuisse, magnamque vocem ex tenebroso loco emissam: Tunc etiam, o homo, audes C. Marium interficere? Fuga se statim proripuit.

recentes triumphi, si præsens valuit adspectus: valeat auctoritas, valeant res gestæ, valeat memoria, valeat fortissimi et clarissimi viri nomen æternum. Sit hoc discrimen inter gratiosos cives atque fortes, ut illi vivi fruantur opibus suis; horum, etiam mortuorum (si quisquam hujus imperii defensor mori potest), vivat auctoritas immortalis.

XXII. Quid? Cn. Pompeius, pater, rebus Italico bello ¹ maximis gestis, P. Cæsium, equitem romanum, virum bonum, qui vivit Ravennæ, foederato ex populo, nonne civitate donavit? Quid? cohortes ² duas universas Camertium? quid? Heracleensium ³ legionem, P. Crassus, vir amplissimus, ex ea civitate, quacum prope singulare fœdus Pyrrhi temporibus, C. Fabricio consule, ictum putatur? Quid? Massiliensem Aristonem Sulla? quid? quoniam de Gaditanis agimus ⁴, idem heros novem Gaditanos? Quid? vir sanctissimus, et summa religione ac modestia, Q. Metellus Pius, Q. Fabium Saguntinum? Quid? hic, qui adest, a quo hæc, quæ ego nunc percurro, subtilissime sunt omnia perpolita, M. Crassus, non Aletrinensem ⁵ foederatum civitate donavit, homo tum

barbarus, abjectoque protinus gladio per fores erupit, hoc solum inclamans: Non possum C. Marium occidere ».

XXII. 1. *Rebus Italico bello maximis gestis.* Cn. Pompeius Strabo, Cn. Pompeii Magni pater, bello Italico consul, Picentes prælio fudit et obsedit. Propter quam victoriam Romæ prætextæ aliæque magistratuum ornamenta et insignia sumpta sunt. Marsos acie vicit. Prænestinos in deditionem accepit. Vestinos et Pelignos omnino subegit.

2. *Quid? cohortes.* Illud ad Cn. Pompeium pertinet; alii ad P. Cras-

sum, sed diversa res: Crassus enim Heracleensium legionem, non cohortes Camertium civitate donavit: itaque factum ejus in donanda civitate distinguatur ab aliis.

3. Locus admodum mendosus in pr. edd. Garatonius vero, in calce curarum secundarum ad Plancianam, restituit e MSS., ut ait, optimis, *Heracleiensem Alexam.* J. V. L.

4. Omnino dubius locus. J. V. L.

5. *Aletrinensem.* Quum orator Aletrii incolæ Aletrinates vulgo dicit, J. Gronovius ex aliquot MSS ubi legitur, « Aveniensam, Avennensem, Avernien-

gravitate et prudentia præstans, tum vel nimium parcus in largienda civitate? Hic tu Cn. Pompeii beneficium, vel potius iudicium et factum infirmare conaris, qui fecit, quod C. Marium fecisse audierat; fecit, quod P. Crassum, quod L. Sullam, quod Q. Metellum, quod denique domesticum auctorem, patrem suum, facere viderat? Neque vero in uno Cornelio id fecit: nam et Gaditanum Hædrubalem ex bello illo Africano, et Mamertinos obvios⁶, et quosdam Uticenses, et Saguntinos fabros⁷, civitate donavit. Et enim quum ceteris præmiis digni sunt, qui suo labore et periculo nostram rempublicam⁸ defendunt: tum certe dignissimi sunt, qui civitate ea donentur, pro qua pericula ac tela subierunt. Atque utinam, qui ubique sunt propugnatores hujus imperii, possent in hanc civitatem venire, et contra, oppugnatores rei publicæ de civitate exterminari! Neque enim ille summus poeta noster, Hannibalis illam magis cohortationem, quam communem imperatorum, voluit esse,

sem, Avenerium, et quoniam Cicero urbes Roma semotas indicit, rependum conjicit *Alventicensem* vel *Avenionensem*. Schütz. primam lectionem recepit, quod nobis inutile admodum videtur; orator alias Italie urbes protulit, Ravennam, Metecoleam, Camerinum; proinde verba illa nullo modo linguae latinæ repugnant, et Victorio aliisque doctissimis viris probantur, qui sane manuscriptis quos tempus abolevit utebantur.

6. *Et Mamertinos obvios*. Voss, obvios, hic, procul dubio, locum non habet. Neque dubito, quin, pro ea substituendum sit *Ovios*. Oviolorum enim familia in primis clara erat apud Campanos, ut ex T. Livii libro IX, et ex historia belli Punici secundi facile

intelligi potest. Porro Mamertini, coloni erant Campanorum: nam Campani milites Messanem in presidium missi, veteribus incolis expulsis, sese Mamertinos dixerunt, ut scribit Polybius libro I. Itaque non mirum, si multa veterum e Campania familiarum nomina ibi residerint, quale Oviolorum.

7. *Et Saguntinos fabros*. Videtur pro *fabros* legendum *Fabios*, ut habent odores Car. Steph. et Erfurt. etiam Bezh. a manu prima; nam in eo emendatum est pessime, *Fabius*. Modo vidimus Q. *Fabium Saguntinum* a Metello Pio civitate donatum. Verum quid, si hoc inde fuit Fabii nomen inlatum?

8. *Rempublicam defendunt*. Ernest. legit *defenderunt*. J. V. L.

« Hostem⁹ qui feriet, erit, inquit, mihi Carthaginien-
« sis, Quisque erit, cujatis; » etsi id¹⁰ habent omnes
leve, et semper habuerunt¹¹. Itaque et cives undi-
que fortes viros adsciverunt, et hominum ignobilium
virtutem persæpe nobilitatis inertiae prætulērunt.

XXIII. Habetis imperatorum summorum et sapien-
tissimorum hominum, clarissimorum virorum, inter-
pretationem juris ac foederum: dabo etiam judicum,
qui huic quæstioni præfuerunt; dabo universi populi
romani; dabo¹ sanctissimum etiam judicium senatus.
Judices quum præ se ferrent, palamque loquerentur,
quid essent lege Papia² de M. Crasso³, Mamertinis
repetentibus, judicaturi: Mamertini, publice suscepta
causa, destiterunt⁴. Multi in civitatem recepti ex li-
beris foederatisque populis, sunt liberati: nemo um-
quam est de civitate accusatus, quod aut populus
fundus factus non esset, aut quod foedere civitatis
mutandæ jus impediretur. Audebo etiam hoc conten-
dere, numquam esse condemnatum, quem constaret,
ab imperatore nostro civitate donatum. Cognoscite
nunc populi romani judicium, multis rebus interpo-

9. Sic refugant versus eos ex lib.
XII Annal. « Hostem qui feriet, mihi
erit Carthaginienſis, Quisque erit,
cujatis ». J. V. L.

10. Etsi id. Sic MSS reg. pro
valg. *hæc*. J. V. L.

11. *Habuerunt*. Id est, nullum di-
scrimen admittit in delectu militum,
et fortissimos viros quocumque ortos
sibi libentissimè adsciverunt.

XXIII. 1. *Dabo*, etc. Grav. e cod.
Erfurt. « dabo sapientissimum jud.
sen. ». J. V. L.

2. *Leges Papia*. Dux leges Papia
diversis temporibus de civitate late
sunt; de quibus diximus in oratione

pro Archia: hic utraq; significari
potest, nam utraq; peregrinos pri-
vabat jure romanæ civitatis, posterior
autem Italos excipiebat: quum igitur
Mamertini, Siciliæ populi, civem
suum M. Crassum lege Papia, pere-
grinos romana civitate excludente,
repetere; judicium statim cognita
voluntate, diffidentes legi, publice
suscepta causa destiterunt.

3. *M. Crasso*. Qui quum Mamerti-
nus fuisset, civis romanus factus est,
et romana nomina de more sumpsit.

4. *Destiterunt*. Quum exitum judicii
viderent, hincque voluntatem suam ce-
natus remittivisset.

situm, atque in maximis causis re ipsa atque usu comprobatum. Cum Latinis omnibus foedus ictum, Sp. Cassio, Postumo⁵ Cominio, consulibus, quis ignorat? quod quidem nuper in columna aenea meminimus post Rostra incisum et perscriptum fuisse. Quomodo⁶ igitur L. Cossinius Tiburs, pater hujus equitis romani, optimi atque ornatissimi viri, damnato T. Coelio⁷: quomodo ex eadem civitate T. Coponius, civis item summa virtute et dignitate (nepotes T. et C. Coponios nostis), damnato C. Massone⁸, civis romanus est factus? An lingua et ingenio⁹ patefieri aditus ad civitatem potuit; manu et virtute non potuit? anne de nobis trahere spolia¹⁰ foederatis licebit; de hostibus¹¹ non licebit? an, quod adipisci poterunt dicendo, id eis assequi pugnando non licebit? an accusatori majores nostri majora praemia, quam bellatori, esse voluerunt?

XXIV. Quod si acerbissima lege Servilia¹ principes

5. *Postumo.* Sic Livius, II, 33, et Cicero ipse, de Rep. II, 33. Vulg. *Postumio.* J. V. I.

6. *Quomodo.* Non vis Balbum esse civem romanum, quia fundus populus Gaditanus factus non sit; at L. Cossinius Tiburs, et ex eadem civitate T. Coponius, civitatem romanam adepti sunt, licet populus Tiburtinus fundus factus non esset.

7. *Damnato T. Coelio.* Accusavit Cossinius Coelium senatorem, qui damnatus est: ejus accusationis ex lege Servilia praemium tulit civitatem romanam.

8. *Massone.* Cognomen Papirius gentis patriciae; ut in ep. ad Pætum, lib. IX, neque tamen aliam quoque gentium cognomen esse posse negaverim: sicuti pluribus cognominibus

unam quoque gentem usam esse animadvertimus.

9. *Lingua et ingenio.* Lege Servilia sancitum erat, ut civis romanus esset, si quis ex populo foederato senatorem accusasset et damnasset.

10. *De nobis trahere spolia.* De damnato senatore, jus romanae civitatis tamquam spolia accipiebant.

11. *De hostibus.* An, si quis ex foederato populo senatorem accusaverit, et damnaverit, civis romanus erit; si quis pro rep. contra hostes pugnaverit, non erit? spolia igitur habebit de nobis; de hostibus non habebit!

XXIV 1. *Lege Servilia.* Judiciis a senatu ad equestrum ordinem translatis C. Gracchus diviserat populum romanum, et bicipitem ex una fecerat civitatem, ut ait Florus, lib. III, cap.

viri² ac gravissimi, et sapientissimi cives, hanc Latinis, id est, foederatis, viam ad civitatem populi jussu patere passi sunt; neque in his est hoc reprehensum Licinia et Mucia lege³, quum præsertim genus ipsum⁴ accusationis et nomen, ejusmodi præmium, quod nemo assequi posset⁵ nisi ex senatoris calamitate, neque senatori, neque bono cuiquam nimis jucundum esse posset: dubitandum fuit, quin, quo in genere judicum præmia rata essent, in eodem judicia imperatorum valerent? Num fundos igitur factos populos arbitramur aut Servilia lege⁶, aut ceteris, quibus Latinis hominibus erat propositum aliqua ex re præmium civitatis?

Cognoscite nunc judicium senatus, quod semper est judicio populi comprobatum. Sacra Cereris⁷, iudices, summa majores nostri religione confici cærimoniaque voluerunt: quæ quum essent assumpta de Græcia, et per Græcas⁸ semper curata sunt sacerdo-

17 : « Equidem Servilius Cæpio, senatum Livius Drusus asserere. . . . Drusus plebem ad se Græchanis legibus, eisdem socios ad plebem spe civitatis erexit » : contra Servilius legem tulit acerbissimam de civitate sociis neganda.

2. *Principes viri*. Senatores : quorum damnatione civitatem Latinis dari Servilia lex jubebat.

3. *Licinia et Mucia lege*. Quæ de remittendis in suas civitates sociis lata est, renovata lege Claudia, de qua Livius, lib. XLI et XLII.

4. *Genus ipsum*. Diversum a ceteris generibus.

5. *Al. possit*. J. V. L.

6. Garaton. probat emendationem Valerii, *Servilia legi*. J. V. L.

7. *Sacra Cereris*. Festus Pompeius :

V. *Cic. pars secunda*.

« Græca sacra festa Cereris ex Græcia translata, quæ ob inventionem Proserpinæ matronæ colebant ». Noster de Legibus, II : « Neve quem initiant, nisi, ut assolet, Cereri Græco sacro ». Horum sacrorum originem ad Evandrum refert Halicarnassensis, lib. I : « Constituerunt et Cereris templum, et sacrificia ipsi, more Græco, jejuniæque celebrarunt, in quibus nihil præsens tempus mutavit ». His festis duo videntur fuisse celebrata, Orci nuptiæ, et inventio Proserpinæ. In Orci nuptiis vino abstinebant, in sacrificio Cereris ob inventionem Proserpinæ favos lacte et vino diluebant.

8. *Per Græcas*. Senatus has sacerdotes eligebat, quod deinde populus sancibat. Nec fas Latinis fuit hoc sacerdotio potiri.

tes, et Græca omnia nominata. Sed quum illam, quæ Græcum illud sacrum monstraret et faceret, ex Græcia deligerent, tamen sacra pro civibus civem facere voluerunt, ut deos immortales scientia peregrina et externa, mente domestica et civili precaretur. Has sacerdotes video fere aut Neapolitanas, aut Velientes⁹ fuisse, foederatarum sine dubio civitatum. Mitto vetera; proxima dico: ante civitatem Veliensibus datam, de senatus sententia C. Valerium Flaccum, prætorem urbanum, nominatim ad populum de Calliphana Veliense, ut ea civis romana esset, tulisse. Num igitur aut fundos factos Velienses, aut sacerdotem illam, civem romanam factam non esse, aut foedus et a senatu, et a populo romano violatum arbitrabimur?

XXV. Intelligo, iudices, in causa aperta, minimeque dubia, multo et plura, et a pluribus peritissimis esse dicta, quam res postularet. Sed id factum est, non ut vobis rem tam perspicuam dicendo probaremus, verum ut omnium malivolorum, iniquorum, invidiorum animos frangeremus; quos ut accusator incenderet, ut aliqui¹ sermones hominum, alienis bonis moerentium, etiam ad vestras aures permanerent, et in iudicio ipso redundarent, idcirco illa in omni parte orationis summa arte adspergi videbatis: tum pecuniam L. Cornelii, quæ neque invidiosa² est, et, quantumque est, ejusmodi est, ut conservata³ magis,

9. *Velienses*. Velia urbs græca erat Phocæorum colonia, qui eodem tempore Massiliam condiderant.

XXV. 1. Ernest. conj. *maligni*, probante Weskio. J. V. L.

2. *Quæ neque invidiosa est*. Non tanta, ut invidiam parere debeat.

3. *Conservata magis*. Balbi pecuniam dixit non ita esse grandem, ut

invidiam conciliare illi debeat, deinde esse ab initio locupletis patrimonii profectam, honesteque auctam; ut profusione sumptuum non dissipata, negligentiaque non dilapsa, sic neque malis artibus coacervata, videatur. Sed hunc sensum esse commodum negat Ernestus, et pro *conservata* conjicit *comparata*. Vellem cogitasset,

quam correpta esse videatur; tum luxuriam, quæ non crimine aliquo libidinis, sed communi maledicto notabatur; tum Tusculanum, quod Q. Metelli fuisse meminerat, et L. Crassi: Crassum emisse de libertino homine, Soterico Marcio; ad Metellum pervenisse de Venonii Vindicii bonis, non tenebat: simul illud nesciebat, prædiorum nullam esse gentem; emptionibus ea solere sæpe ad alienos homines, sæpe ad infimos, non legibus, tamquam tutelas, pervenire⁴. Objectum est etiam, quod in tribum Crustuminam⁵ pervenerit: quod hic assequutus est legis de ambitu præmio⁶, minus invidioso, quam qui legum præmiis prætoriam sententiam⁷, et prætextam togam⁸ consequuntur. Et adoptio Theophani⁹ agitata est: per quam Cornelius nihil est, præterquam propinquorum suorum¹⁰ hereditates, assequutus.

conservata ita hic usurpari, ut accensiones quoque patrimonii omnes comprehendat. Quidquid enim pecuniæ ab industria, fortunaque Balbo accesserat, quum sine cuiusquam injuria quæsitum esset, nihil in comparando habebat criminis, multum autem leudis in conservando.

4. Addere vult Hottomann. *ad agnatos*, quod Schütz. levius inseruit. J. V. L.

5. *In tribum Crustuminam*. Rusticam, eamque nobiliorem ea, in qua Balbus antea suffragium tulerat: non enim tulerat, ut arbitror, in urbana: quod ignominiosum fuisse ait Plinius: hac de re diximus in Quintiana.

6. *Legis de ambitu præmio*. Si quis aliquem de ambitu accusasset et damnasset, præmium hoc forebat, ut in ejus tribu, si modo nobilior ei quam sua videretur, censeretur, et suffragium ferre posset.

7. *Prætoriam sententiam*. Ut prætorio loco sententiam diceret in senatu, si prætorium senatorem, accusatum et damnatum eo loco dejecisset.

8. *Prætextam togam*. Magistratum eum, quem suffragiis populi adeptus esset is, qui postea damnatus esset: ut, P. Sulla, P. Autronio coss. des. de ambitu damnatis, accusatores eorum L. Cotta, L. Torquatus in eorum locum legis præmio successerunt. Similiter quum C. Cario Servium tribunum plebis designatum accusasset et damnasset, ejus locum obtinuit: ut est in ep. Cælii libro VIII. Propterea scripsit ad eum Cic. lib. II: "Quum te tribunum pl. isto anno fore non putarem".

9. *Theophani*. Sic MSS. Vulg. *Theophanis*. J. V. L.

10. *Propinquorum suorum*. Subobscura est sententia illa. Forsitan Balbus propinquis suis bona quæ ex

XXVI. Quamquam istorum animos, qui ipsi Cornelio invident, non est difficillimum mitigare: more hominum invident, in conviviis rodunt, in circulis vellicant¹; non illo inimico, sed hoc maledico dente carpunt. Qui amicis L. Cornelii² aut inimici sunt, aut invident, hi sunt huic multo vehementius pertimescendi. Nam huic quidem ipsi quis est umquam inventus inimicus? aut quis jure esse potuit? Quem bonum non coluit? cujus fortunæ dignitatique non concessit? Versatus in intima familiaritate hominis potentissimi³, in maximis nostris malis⁴ atque discordiis⁵ neminem umquam alterius rationis ac partis, non re, non verbo, non vultu denique offendit. Fuit hoc sive meum, sive reipublicæ fatum, ut in me unum omnis illa inclinatio communium temporum⁶ incumberet: non modo non exsultavit in ruinis nostris⁷ [nostrisque discordiis] Cornelius; sed omni officio, lacrymis,

adoptione adeptus fuerat largitus est. Sic saltem opinatur Mamurra. Sed aliter locus intelligi potest. Balbus nihil inde adeptus est, nisi ius hereditatis accipiendam, si nova ex illa gente quondam ad eum veniret. Contra si, ut quidam docti contendunt, Theophanes a Cornelio fuit adoptatus, locus tunc intelligendum dabit, Balbum in priorum familiam regressum fuisse. Theophanes Mitylenensis civitate romana fuerat a Pompeio donatus, adstante romano exercitu. Cicero ad Attic. VII, 7, hanc adoptionem vituperat, quia Balbus esset Cæsaris amicus, Theophanes autem Pompeii. Invehitur quoque in luxuriam Theophanis. In his literis quas scripsit sex abhinc annis, Cicero quæ sentit, palam proficitur; hic Cæsari indulgere tantum cupit.

XXVI. 1. *In circulis vellicant.* MSS

omn. amplius, = in circulis idcirco vell. = an fuit? = in circulis in circulo vell. =. Sed non video, quomodo hic locum *idcirco* habere possit.

2. *Amicis L. Cornelii.* Pompeio et Cæsari præsertim.

3. *Hominis potentissimi.* Julii Cæsaris, quo tempore consul multa contra senatus voluntatem faciebat.

4. *Nostris malis.* Temporibus scilicet Clodianis, quibus Cicero exsul patria eiectus est.

5. *Discordiis.* Quam ab una parte uterque consul, Pisos et Gabinios, P. Clodius tribunus pl. et omnes improbi, novarum rerum cupidi: ab altera optimates, et qui remp. salvam velant, pro Ciceronis salute starent.

6. *Communium temporum.* Communium malorum: in summis civium discordiis unus ego et amicitiam habui.

7. *Al. vestris.* J. V. L. — Sed

opera, consolatione, omnes, me absente, meos sublevavit. Quorum ego testimonio ac precibus munus hoc meritum huic, et, ut a principio dixi, justam et debitam gratiam refero; speroque, iudices, ut eos, qui principes fuerunt conservandæ salutis, aut dignitatis meæ, diligitis et caros habetis, sic, quæ ab hoc pro facultate hujus, pro loco facta⁸ sunt, et grata esse vobis, et probata. Non igitur a suis, quos nullos habet, sed a suorum, qui et multi, et potentes sunt, urgetur inimicis: quos quidem hesterno die Cn. Pompeius copiosa oratione et gravi, secum, si vellent, contendere jubebat; ab hoc impari certamine, atque injusta contentione avocabat.

XXVII. Et erat æqua lex¹, et nobis, iudices, atque omnibus, qui nostris familiaritatibus implicantur, vehementer utilis, ut nostras inimicitias ipsi inter nos geramus, amicis nostrorum inimicorum temperemus. Ac, si mea auctoritas satis apud illos in hac re ponderis haberet, quum me præsertim rerum varietate, atque usu ipso, jam perdoctum viderent:

male; nam *ruinæ* omnino unius Ciceronis sunt, et ea declarant, quæ antecedunt et quæ sequuntur. *Discordias* autem sunt optimatum cum Cæso, Pompeio, Cæsare, reimp. obtinentibus, et cum Clodio ejusque adiutoribus. Quamquam vero in optimatibus ipse Cicero esset, atque adeo temperatum saltem ea de causa maximam habuerit; unde illa esp. 27: «dolorem alii, nos luctum meroremque susceperunt»; tamen præfert Garaton. *versusque discordiis*, tamquam apertina, ne aut ruinæ cum aliis communicentur, aut discordiæ ad unam Tullii domum referri possint. — Supra autem dictum fuit in *maximis nostris*

malis atque discordiis, quæ verba ad remp. universam pertinent. Nam vero quum Balbi dolor in Ciceronis *ruinis* laudetur, nonne hinc rectius abesse iterum inculcata illæ civitatis *discordiæ* videntur?

8. *Pro Iseo*. Pro spio statu, suaque conditione.

XXVII. 1. *Et erat æqua lex*. Sensus est intelligendus, tamquam si loco *erāt* *erat* legeretur *esset*. Videtur Demosthenem in fine exordii orationis de Corona præ oculis habuisse: Καὶ τοῦτ' ἐμοὶ γε δοκᾷ, καὶ μὲν αἰσώτας ἐν λέγειν, ὅτι τῆς ἡμετέρας ἑξέρας ἡμᾶς ἐπ' ἡμῶν αὐτῶν δικαίων ἢ τὸν δέστασµὸν ποιῆσθαι. « Hoc

etiam ab illis eos majoribus discordiis avocarem. Id enim contendere² de republica, quum id defendas, quod esse optimum sentias, et fortium virorum, et magnorum hominum semper putavi; neque huic umquam labori, officio, muneri defui: sed contentio tamdiu sapiens est, quamdiu aut proficit aliquid, aut, si non proficit, non obest civitati. Voluimus³ quædam, contendimus, experti sumus; obtenta non sunt: dolorem alii, nos luctum⁴ moeroremque suscepimus. Cur ea, quæ mutare non possumus, convellere malumus, quam tueri? C. Cæsarem senatus et genere supplicationum⁵ amplissimo ornavit, et numero⁶ die-

mihî æquissimum dici videtur, ut ipsi nostras inimicitias inter nos disce-
ptemus.

2. Vulg. addunt *mihî*. Lallem. post Grævium, *Ita enim contendere*. Simplicior lectio, *Etenim*. J. V. L. — *Contentio tamdiu sapiens est*. Pulchre in eandem sententiam idem Tullius in epistola illa insigni ad Lentulum, lib. I, 9: « Id enim jubet idem ille Plato, quem ego vehementer auctorem sequor, tantum contendere in republica, quantum probare tuis civibus possis: vim neque parenti, neque patriæ afferre oportere ». — Quæ hic breviter perstringuntur, copiose Tullius exposuit illa epistola (ad Div. I, 9), ex quâ huc maxime ista faciunt: « Vehementer etiam res ipsa publica me movit, quæ mihî videbatur contentionem, præsertim maximis rebus a Cæsare gestis, cum illis viris nolle fieri, et, ne fieret, vehementer recusare ». Notanda etiam quæ ibid. leguntur, I, 8: « Neque, ut ego arbitror, errarentne adversarii quidem ejus (Pompeii, iidemque Cæsaris, et Crassi), si, quum pares esse

non possent, pugnare desisterent ».

3. *Voluimus quædam*. Tacite significat optimatum, et popularium civium dissensionem: popularium autem principem Cæsarem designat.

4. *Nos luctum*. Ego, qui ex illa dissensione solus exsilii calamitatem pertuli.

5. *Genere supplicationum amplissimo*. Verbis honorificentissimis: quod explanat in ea de Prov. « C. Cæsari supplicationes decrevistis, numero, ut nemini ullo ex bello; honore, ut omnino nemini ». Vide de Provinciis consularibus. Aliæ supplicationes fuerunt nuntiatis prodigiis, ut apud Livium passim: aliæ ante quam bellum susciperent ad exposcendam deorum pacem. Aliæ supplicationes ad compita, aliæ ad templa decretæ. Aliæ cum minoribus hostiis, aliæ cum majoribus. Aliæ supplicationes in urbe tantum, aliæ per totam Italiam indictæ. Numquam lectos sternerant, et deorum effigies super pulvinaria in propatulo ponebant.

6. *Numero dierum novo*. Quindecim dierum, Marcellino et Philippo cons.

rum novo. Idem, in angustiis aerarii, victorem exercitum stipendio affecit; imperatori decem legatos decrevit; lege Sempronia⁷ succedendum non censuit. Harum ego sententiarum et princeps, et auctor⁸ fui: neque me dissensionis meae pristinae putavi potius assentiri, quam praesentibus reipublicae temporibus⁹ et concordiae¹⁰ convenire. Non idem aliis videtur. Sunt fortasse in sententia firmiores¹¹; reprehendo neminem: sed assentior non omnibus; neque esse instantis puto, sententiam aliquam¹², tamquam aliquod navigium, atque cursum, ex reipublicae tempestate moderari. Sed si qui sunt, quibus infinitum sit odium, in quos¹³ semel susceptum sit; quos video esse nonnullos: cum ducibus ipsis, non cum comitatu assessoribusque confligant. Illam enim fortasse pertinaciam nonnulli, virtutem alii putabunt; hanc vero iniquitatem omnes, cum aliqua crudelitate conjunctam. Sed, si certorum hominum mentes nulla ratione placare, judices, possumus, vestros quidem¹⁴ animos

quibus haec habita oratio est. Caesar lib. III Bell. Gall.

7. *Legem Semproniam.* Quae consulares provincias per senatum quotannis decerni jubebat. Pro Domo, et ad Lentulum.

8. *Princeps, et auctor.* Idem in ea de Prov.

9. *Praesentibus reip. temporibus.* Meritis Caesaris in remp.

10. *Concordia.* Ne vir potentissimus, maximis rebus gestis, a republica alienaretur.

11. *In sententia firmiores.* Adhuc a Caesare dissentiunt, non, ut ego, praesentibus reipublicae temporibus, et concordiae assentientes.

12. *Sententiam aliquam, etc.* Eadem sententia in ep. ad Lentulum:

« Ut in navigando tempestati obsequi artis est, etiamsi portum tenere non queas; quum vero id possis, mutata velificatione, assequi, stultum est eum tenere cum periculo cursum, quem ceperis, potius quam eo commutato, quo velis, tandem pervenire: sic, quum omnibus nobis in administranda rep. propositum esse debeat, id quod a me saepissime dictum est, cum dignitate otium; non idem semper dicere, sed semper spectare debemus ». Ad Div. I, 9, pag. 47.

13. *In quos.* Odium contra Caesarem significari constat, cum quo perpetuas inimicitias exercebant Bibulus, Domitius Ahenobarbus.

14. *Vestros quidem animos. . . . oratione nostra.* Hic forsitan juvabit

certe confidimus, non oratione nostra, sed humanitate vestra esse placatos.

XXVIII. Quid enim est, cur non potius ad summam laudem huic, quam ad minimam fraudem¹, Cæsaris familiaritas valere debeat? Cognovit adolescens²; placuit homini prudentissimo; in summa amicorum copia cum familiarissimis ejus est adæquatus. In prætura³, in consulatu præfectum fabrum detulit⁴; consilium hominis probavit, fidem est complexus; officia, observantiamque dilexit. Fuit hic multorum illi laborum socius aliquando: est fortasse nunc nonnullorum particeps commodorum. Quæ quidem si huic obfuerint apud vos, non intelligo, quod bonum cuiquam sit apud tales viros profuturum. Sed, quoniam C. Cæsar abest longissime, atque in iis est nunc locis, quæ regione orbem terrarum, rebus illius gestis imperium populi romani definiunt: nolite, per deos

ipsius Ciceronis, quod attinebat ad se ipsum, erga hos homines voluntatem consiliumque cognoscere. Sic ille ad Q. Fratr. II, 16: «Itaque, ut tibi placet, damus operam, ne cuius animum offendamus, atque ut etiam ab iis ipsis, qui nos cum Cæsare conjunctos dolent, diligamur, ab æquis vero, aut etiam a propensis in hanc partem vehementer et colamur et amemur».

XXVIII. 1. *Ad minimam fraudem.* Ad minimum dampnum.

2. *Adolescens.* Cæsarem coluit. — *Placuit.* Balbus. — *Homini prudentissimo.* Cæsari, corroborata jam ætate: vix enim, ut arbitror, de adolescente diceret, «homini prudentissimo».

3. *In prætura.* Ex prætura in Hispaniam ulteriorem, ex consulatu in Galliam Cæsar est profectus: in utra-

que provincia præfectum fabrum sibi esse Balbus voluit.

4. *Præfectum fabrum detulit.* Is erat qui operariorum labores inspiciebat. Docti putant unum solummodo præfectum fabrum in provinciis fuisse exercitibus. — Ursinus excitavit e veteri libro *præfecturam*. Frustra. J. V. L. — *Detulit* hic non est accusavit, sed in beneficiis detulit ad ærarium, detulit Cæsar tam quum pro prætore fuisset in Hispania, quam in proconsulatu in Gallia: quod et alios sensisse Manutius prodidit, nec tamen ipse valde probat, Balbus fuisse præfectum fabrum, qui erat honor et commendatio illorum hominum, qui deferrebantur ad ærarium, ut recte J. Fr. Gronov. notavit lib. III de Pec. Vet. cap. ult. Sic *deferre* apud eundem Ciceronem, vid. ad Div.

immortales! judices, hunc illi acerbum nuntium velle perferri, ut suum præfectum fabrum, ut hominem sibi carissimum et familiarissimum, non ob ipsius aliquod delictum, sed ob suam familiaritatem vestris oppressum sententiis audiat. Miseremini ejus, qui non de suo peccato, sed de hujus⁵ summi et clarissimi viri facto; non de aliquo crimine, sed periculo suo de publico jure disceptat. Quod jus si Cn. Pompeius ignoravit, si M. Crassus, si Q. Metellus, si Cn. Pompeius pater, si L. Sulla, si L. Crassus, si C. Marius, si senatus, si populus romanus, si, qui de re simili judicarunt, si foederati populi, si socii, si illi antiqui Latini: videte, ne utilius vobis et honestius sit, illis ducibus errare, quam hoc magistro erudiri. Sed, si de certo, de perspicuo, de utili, de probato, de judicato vobis jure⁶ esse constituendum videtis: nolite committere, ut in re tam inveterata quidquam novi sentiat. Simul et illa, judices, omnia ante oculos vestros proponite: primum, esse omnes etiam post mortem reos⁷, clarissimos illos viros, qui foederatos civitate donarunt; deinde senatum, qui persæpe hoc judicavit; populum, qui jussit; judices, qui approbarunt. Tum etiam illud cogitatote: sic vivere, ac vixisse Cornelium, ut, quum omnium peccatorum quæstiones sint, non de vitiorum suorum poena, sed de virtutis præmio in judicium vocetur. Accedat etiam illud, ut statuatis hoc judicio, utrum posthac amicitias clarorum virorum⁸ calamitati ho-

epist. 20: « Quod scribis de beneficiis, scito a me et tribunos militares, et præfectos, et contubernales dumtaxat meos delatos esse ».

5. *De hujus summi et clarissimi viri.* Pompeii, qui eum, confecto Hispaniensi bello, civitate donaverat.

6. *Jure.* Huc illa omnia referantur, « certo, perspicuo, utili, probato, judicato ».

7. *Reos.* Simul cum Balbo: ut cum eo vel damna omnes, vel absolvi sententiis vestris necesse sit.

8. *Amicitias clarorum virorum.* Et

346 M. T. CIC. ORAT. PRO L. C. BALBO.

minibus, an ornamento esse malitis. Postremo illud, judices, fixum in animis vestris tenetote⁹, vos in hac causa non de maleficio L. Cornelii, sed de beneficio Cn. Pompeii judicatueros.

hic significat item, ut supra, « ab inimiciis Caesaris, et Pompeii Balbum oppugnari ».

9. *Fixum in animis vestris tenetote.* Diversis modis hanc sententiam extulit, primum: Illa, judices, omnia ante oculos vestros proponite; deinde:

Tum etiam illud cogitatote; tum: Accedat etiam illud, ut statuatis hoc iudicio; denique: Postremo illud, judices, fixum in animis vestris tenetote. Et Pompeium rursus inducit, quo major sit apud judices verborum auctoritas.

M. T. CICERONIS
ORATIO
IN L. CALPURNIUM PISONEM

ARGUMENTUM.

L. Calpurnius Piso et A. Gabinius consules ann. U. C. 695, non modo P. Clodio tribuno plebis rogationem in Ciceronem iniquissimam ferenti non obstiterunt, verum etiam nefarios ejus conatus et exitiosa reipublicæ consilia vehementer adjuverunt. Itaque Cicero quum esset ab exsilio revocatus, tum aliis locis acerbè eos accusavit, tum ann. U. C. 697, quum Marcellinus et Philippus coss. de provinciis consularibus lege Sempronia decernendis referrent, summo studio, in oratione de provinciis consularibus, quam habuit in senatu, egit, ut Piso e Macedonia, Gabinius e Syria revocaretur. Quam in sententiam SCto facto prior Piso e provincia rediit, et quum in senatu gravior de sententia Ciceronis questus esset, Cicero ei hac oratione respondit, et acerbissime in eum invectus est.

Ejus orationis principium, præter aliquot fragmenta ab Asconio servata, nondum est in codd. MSS repertum. In qua postquam de Pisonis genere et majoribus dixerat, exagitat honores ab eo impetratos, inprimis autem suum consulatum, cap. 1-3, cum Pisonis consulatu, cap. 4-13; suum discessum in exsiliū suamque absentiam, c. 14, 15, cum Pisonis discessu in provinciam ejusque absentia, c. 16-21; deinde reditum suum, cap. 22, cum Pisonis reditu, cap. 23-26, comparat.

Tum vitam ejus urbanam exagitat; ostenditque eum senatui, equitibus, plebi romanæ, odio esse, cap. 27; deinde luxuriam ejus notat, quam Philodemus, poeta græcus, ab eo ipso rogatus delicatissimis versibus expresserat, cap. 28, 29. Deinde quod Piso dixerat, Ciceroni non invidiam, sed versus aliquot nocuisse; primum ostendit, eum inepte hos versus, male intellectos reprehendisse, cap. 30; deinde refutat, quæ ille de Pompeii et Cæsaris cum Cicerone inimicitias dixerat, cap. 31-33.

Postremo res Pisonis in provincia gestas, labe imperii, strages provinciæ, avaritiæ, injustitiæ, crudelitatis crimina perstringit, eumque ob hæc scelera gravissimis pœnis dignum ab omnibus judicari demonstrat, cap. 34-41.

Multis hac in oratione Tullius superbe nimis de se egisse videtur; nec immerito : nam fatendum est perpetuas quas virtutibus suis laudes impertit orator, legenti fastidium movere. Inde quidam arbitrati sunt hanc orationem, non tam Pisonis odio, quam sui ipsius amore, a Cicerone fuisse scriptam; quum tam amplam sui jactandi materiam haberet, ubi vitam suam, et in rempublicam merita, cum Pisone viro conferret perditissimo. Sæpius deinde hostem ita aggreditur, ut verba illa impura, et turpissima quæque quæ narrat, nauseam moveant. Quæ tamen excusationem habent in graviore odio quo in Pisonem efferebatur; et si quid de se jactantius protulit, aliquid certe oratori, qui, pulsus in exilium, nunc revocatus in patriam, et studio civium suorum pristinam in fortunam restitutus nimis exsultat, est condonandum.

M. T. CICERONIS ORATIONES.

ORATIO IN L. CALPURNIUM PISONEM.

ORATIO SEPTIMA ET TRICESIMA.

.....
.....I.¹ JAMNE vides², bellua, jamne sentis, quæ sit hominum querela frontis tuæ³? Nemo queritur, Syrum⁴, nescio quem, de grege novitiorum⁵, factum

I. 1. Deest principium.

2. *Jamne vides, bellua, jamne sentis.* Verba per vim doloris et iracundie expressa; quibus multa præposita fuisse necesse est: quod etiam veteribus ex monumentis sumpta fragmenta declarant. *Jamne sentis*, acerbius est quam *jamne vides*, ab uno enim oculorum sensu transit ad omnes sensus: quo plus in Pisonē stuporis ostendat.

3. *Quæ sit hominum querela frontis tuæ.* Quam se tua fronte deceptos homines querantur: quum aliud fronte promittas, aliud revera sis. Etenim ad severitatem ita est composita, ut multi homines, quum de eligendo

magistratu egerunt, inscii quos sensus animo recondideret eum ad consulatum provexerint.

4. *Syrum.* Syri nomen plerumque pro servo usurpatur a natione. Sic apud comicos servum Syri nomine reperias: huc pertinet quod Cic. lib. II de Orat. M. Ciceronis avi, ni fallor, sui dictum refert: «Nostros homines similes esse Syrorum venalium: ut quisque maxime græce sciret, ita esse nequissimum».

5. *Novitiorum.* Novitius venalitius dicitur, qui recens alicunde advenerit: qualis a Juvenal. Sat. I describitur: «Neque in hanc urbem pedibus qui venerat albis».

esse consulem. Non enim nos color iste servilis⁶, non pilosæ genæ, non dentes putridi deceperunt : oculi, supercilia, frons, vultus denique totus⁷, qui sermo quidam tacitus mentis est, hic in fraudem homines impulit; hic eos, quibus erat ignotus, decepit, fefellit, induxit. Pauci ista tua lutulenta vitia noveramus; pauci tarditatem ingenii, stuporem, debilitatemque linguæ. Numquam erat audita vox in foro; numquam periculum factum consilii; nullum non modo illustre, sed ne notum quidem factum aut militiæ, aut domi. Obrepsisti⁸ ad honores errore hominum, commendatione fumosarum imaginum⁹, quarum simile habes nihil, præter colorem. Is mihi etiam¹⁰ gloriabitur, se omnes magistratus sine repulsa assequutum? Mihi ista licet de me, vera cum gloria, prædicare; omnes enim honores populus romanus mihi ipsi, homini novo, detulit. Nam, tu quum quæstor es factus, etiam qui te numquam viderant, tamen illum honorem nomini mandabant tuo. Ædilis es factus. Piso¹¹ est a populo

6. *Color iste servilis.* Atrum colorem intelligit, proprium Asiaticis nationibus natis servituti, et Syris peculiariter.

7. *Oculi, supercilia, frons.* De Prov. cons. «Lateant libidines ejus tenebriose, quas fronte, et supercilio, non pudore, et temperantia contegebat».

8. *Obrepsisti ad honores.* Obrepere ad magistratum dicitur, qui falsas species vel probitatis, vel doctrinæ ad magistratus assumitur; et, ut vulgo loquimur, δι' ὑπόκρισιν.

9. *Commendatione fumosarum imaginum.* Fumosas appellat, quia fuliginem ipsa vetustate contraxerant. Sen. ep. 44: «Quid est ergo generosus? ad virtutem bene a natura compo-

tus: hoc unum est intuentum: alioqui si ad vetera revocas, nemo non inde est, antequod nihil est. A primo mundi orta usque in hoc tempus perduxit nos ex splendidis aordidiisque alternata series: non facit nobilem atrium plenum fumosis imaginibus».

10. *Is mihi etiam.* L. Piso de Ciceronis inactione querens in senatu, suos mores vitamque civibus probatam esse, commaxime argumento demonstraverat, quod ipsi populus omnes honores sine repulsa, communi suffragio detulisset: hinc est quod noster per dignitatem exclamat.

11. *Piso est.* Quia Piso vocaris, putabant te antiquis Pisonibus similem esse. Ideoque tibi magistratus mandaverunt.

romano factus, non iste Piso. Prætura item majoribus delata est tuis : noti erant illi mortui; te vivum nondum noverat quisquam. Me quum quæstorem in primis, ædilem priorem¹², prætorem primum cunctis suffragiis populus romanus faciebat : homini ille honorem, non generi; moribus, non majoribus meis; virtuti perspectæ, non auditæ nobilitati deferebat. Nam quid ego de consulatu loquar? parto vis, anne gesto? Miserum me! cum hac me nunc peste atque labe confero? sed nihil comparandi causa loquar: attamen¹³ ea, quæ sunt longissime disjuncta¹⁴, comprehendam. Tu consul es renuntiatus¹⁵ (nihil dicam gravius¹⁶, quam quod omnes fatentur), impeditis reipublicæ temporibus, dissidentibus consulibus Cæsare et Bibulo, quum hoc non recusares, quin ii, a quibus dicebare consul, te luce dignum non putarent, nisi nequior, quam Gabinius, exstitisses. Me cuncta Italia, me omnes ordines, me universa civitas non prius tabella, quam voce, priorem consulem declaravit.

II. Sed omitto, ut sit factus uterque nostrum. Sit sane Fors domina campi. Magnificentius est dicere, quemadmodum gesserimus consulatum, quam, quemadmodum ceperimus.

Ego kalendis jan. senatum, et bonos omnes, legis

12. *Ædilem priorem.* Ædiles curules tantum erant. Cicero cum Cæsonio creatus est. Prior is dicebatur quem populus suffragiis priorem elegerat.

13. *Attamen.* Al. *ac tamen.*

14. *Quæ sunt longissime disjuncta.* Hoc discrepant nostri consulatus, quod plena sit mens dignitate et virtutibus; tunc infamia et flagitiis.

15. *Tu consul es renuntiatus.* Tu consul es declaratus voce præconis et consulis, quum libera non esset res-

publica in ferendis suffragiis, quum Jul. Cæsar et M. Bibulus illius anni consules adeo dissiderent, ut nullas Bibulus a Cæsare leges ferri pateretur de cælo servans et obnuntians : Cæsar vero Bibulum e foro eiecero, solusque quodammodo administravit remp.

16. *Nihil dicam gravius.* Cavet Cæsaris et Pompeii offensionem, qui Pisonem et Gabinium suis factionibus ad consulatum propeverant, consullemque adjuverant.

agrariæ, maximarumque largitionum metu liberavi. Ego agrum Campanum, si dividi non oportuit, conservavi; si oportuit, melioribus auctoribus¹ reservavi. Ego in C. Rabirio, perduellionis reo, xl annis² ante me consulem interpositam senatus auctoritatem³ sustinui contra invidiam, atque defendi. Ego adolescentes⁴ bonos et fortes, sed usos ea conditione fortunæ, ut, si essent magistratus adepti, reipublicæ statum convulsuri⁵ viderentur, meis inimiciis, nulla senatus mala gratia, comitiorum ratione privavi. Ego Antonium collegam, cupidum provinciæ, multa in republica molientem⁶, patientia atque obsequio meo mitigavi. Ego provinciam Galliam⁷, senatus auctoritate, exercitu et pecunia instructam et ornatam, quam cum

II. 1. *Melioribus auctoribus.* Quam quos Rullus tribunus pl. lege sua decemviros creabat. Utitur autem hac distinctione: si dividi non oportuit; si oportuit: ne Cæsarem offendat, qui consul partem agri Campani, lata lege, diviserat.

2. *Xl annis.* Prope xl annis: non est enim subtilis computatio: et hunc esse morem Ciceronis, Padianus animadvertit: nam erant tantummodo sex et triginta.

3. *Interpositam senatus auctoritatem*, etc. De eodem in oratore gloriatur, quod scilicet coram populo senatus auctoritatem defenderit, et vere; auctor enim fuerat senatus, ut contra Saturninum et Glauciam arma caperentur.

4. *Adolescentes bonos et fortes.* Marianorum proscriptorum filios: quibus ne capere magistratus liceret, Nullæ lege sancitum erat: ea lex usque ad Cæsarem dictatorem servata est. Cæsar Panæm, proscripti filium, consulem designavit.

5. *Convulsuri.* Instructi enim potestate magistratuum omnia commovissent, ut suas injurias ulciscerentur: ex privatis autem discordiis civile bellum, et reipublicæ calamitas excitatur.

6. *Multa in rep. molientem.* Studentem legibus Agrariis, et Catilinæ, ut vel decemvir fieret per leges Agrarias, vel per Catilinam novis tabulis confectis ære alieno se liberaret.

7. *Ego provinciam Galliam.* Consules solebant provincias sortiri, vel inter se comparare, id est, extra sortem convenire inter se, quam quisque provinciam in annum sequentem obtineret. Cicero quum Antonium Macedoniæ cupidum videret, eam ultro ipsi sine sorte concessit, ut collegam hoc obsequio mitigatum ad reipublicæ partes adduceret: ac ne Galliam quidem, quam in illa provinciarum comparatione obtinuerat, retinuit, sed eam deinde in concione deposuit, quod id putaret reipublicæ rationibus expedire.

Antonio commutavi⁸, quod ita existimabam tempora reipublicæ ferre, in concione deposui, reclamante populo romano. Ego L. Catilinam, cædem senatus, interitum urbis, non obscure, sed palam molientem, egredi ex urbe jussi, ut, a quo legibus non poteramus, mœnibus tuti esse possemus. Ego tela, extremo mense⁹ consulatus mei intenta jugulis civitatis, de conjuratorum nefariis manibus extorsi. Ego faces¹⁰ jam accensas ad hujus urbis incendium, comprehendi, protuli, extinxi.

III. Me Q. Catulus¹, princeps hujus ordinis, et auctor publici consilii, frequentissimo senatu, parentem patriæ nominavit. Mihi hic vir clarissimus, qui propter te sedet, L. Gellius, his audientibus, civicam coronam deberi a republica dixit. Mihi togato senatus, non, ut multis, bene gestæ, sed, ut nemini², conservatæ reipublicæ, singulari genere supplicationis, deorum immortalium templa patefecit. Ego quum in concione, abiens magistratu³, dicere a tribuno plebis prohiberer,

8. Alii exhibent, *communicari*.

9. *Extremo mense consulatus mei*. Nomis dec. quinque conjuratis in carcere necatis.

10. *Faces*. Post discessum Catilinæ, qui post eum remanserunt, alii urbis incendendæ, alii Ciceronis consulis occidendi, alii alias partes inter se diviserant.

III. 1. *Q. Catulus*. Ex hoc loco videas Plutarchum lapsum fuisse memoria, qui Catoni hanc rem tribuit, non Catulo.

2. *Sed ut nemini*. Sapienter honores sibi decretos exaggerat ex eo, quod vel paucis, vel nemini decreti fuerint; quem enim, ut philosophi post Aristotelem testantur, honor sit aliud nihil, quam quedam excellentiæ te-

statio, paucique adeo sint excellentes viri, tanto magis erit expetendus honor, quo paucioribus conferetur. Cæterum quum sibi soli togato dicat orator supplicationem fuisse decretam, id hyperbolice dictum videri possit, siquidem, ut auctor est Dionys. Antiq. Rom. V, Servilio Sulpitio Camerino, qui conjurationem pauperum exitialem sane reip. futuram, nisi ipsi dnces spectris et somniis deterriti ultro ad consulem detulissent, prudenter togatus extinxerat, supplicatio decreta est, paucis annis post Tarquinius exactos.

3. *Abiens magistratu*. Diximus jam antea, a Q. Metello Nepote tribuno pl. Ciceronem consulatu abeuntem prohibebitum esse concionari de rebus

quæ constitueram ; quumque is mihi tantummodo, ut jurarem permitteret ; sine ulla dubitatione juravi⁴, rempublicam atque hanc urbem mea unius opera esse salvam. Mihi populus romanus universus illa in concione non unius diei gratulationem⁵, sed æternitatem immortalitatemque donavit, quum meum jusjurandum⁶ tale, atque tantum, juratus ipse, una voce, et consensu approbavit. Quo quidem tempore is meus domum fuit⁷ e foro reditus, ut nemo, nisi qui mecum esset, civium esse in numero videretur. Atque ita est a me consulatus peractus, ut nihil sine consilio senatus, nihil non approbante populo romano egerim; ut semper in Rostris curiam⁸, in senatu populum defenderim ; ut multitudinem cum principibus, equestrem ordinem cum senatu conjunxerim. Exposui breviter consulatum meum.

IV. Aude nunc, o furia, de tuo dicere : cujus¹ fuit

illis, quas in eo magistratu gesserat.

4. *Juravi.* Plutarch. scribit, quum Cicero concionem habiturus esset, Metellum et Bestiam tribunos plebis obstitisse, et pro rostris subœlia collocasse, ne conscenderet, neque aliud ei permisisset, quam ut ex inferiore loco magistratum ejuraret. Ciceronem autem non usitatum, sed novum jusjurandum jurasse.

5. *Non unius diei gratulationem.* Tantum ex eo populi rom. studio et approbatione in meum nomen decoris gloriæque manavit, ut honos ille non cum unius diei gratulatione finitus sit, sed ad æternitatem nominis mei redundarit. Hanc enim gratulationem excipient omnes anni consequentes, nec ulla umquam ætas de populi rom. in me studiis conticescet.

6. *Quum meum jusjurandum.* Quum meum jusjurandum eo consensu exce-

pit, ut ipse juraret mea unius opera salvam esse rempublicam, meque proinde haudquaquam pejorare.

7. *Is meus domum fuit e foro reditus.* Solebant antiqui, ut sui in primarios cives studia demonstrarent, eos comitari, et honoris causa domum deducere.

8. *In Rostris curiam, in senatu populum defenderim.* Bene gloriatur, quod ordines inter se conjunxerit; id enim et ad dignitatem reipublicæ, et ad pacem otiumque civium pertinebat, quæ duo consuli spectanda sunt.

IV. 1. *Cujus fuit initium.* Quum ludos compitalitios et sacrificia servi diis Laribus solerent exhibere, senatus veritas ne servi prætextu et occasione ludorum aliquid contra salutem reipublicæ molirentur, eos ludos fieri prohibuit, L. Metello et Q. Marcio consulibus, decem annis ante Pisonis

initium ludi compitalitii², tum primum facti post L. Metellum et Q. Marcium, consules, contra auctoritatem hujus ordinis; quos Q. Metellus³ (facio injuriam fortissimo viro mortuo, qui illum, cujus paucos pares hæc civitas tulit, cum hac importuna bellua conferam), sed ille designatus consul, quum quidam⁴ tribunus plebis suo auxilio magistrōs ludos contra senatusconsultum facere jussisset, privatus⁵ fieri vetuit; atque id, quod nondum potestate poterat, obtinuit auctoritate. Tu, quum in⁶ III kalendas jan. compitaliorum⁷ dies incidissent, Sext. Clodium, qui numquam antea prætextatus fuisset⁸, ludos facere, et prætextatum volitare passus es, hominem impurum, atque non modo

et Gabinii consulatum. Publius igitur Clodius, quum statuisset omni scelere vexare rempublicam, et facem populi contra optimates, servitia contra liberos concitare, Sextum Clodium scribam suum, quem Cicero paullo post Clodianum canem appellat, impulit, ut ludos illos senatus auctoritate sublatis renovaret. Id Tullius hoc loco reprehendit, quod Piso ipso sui consulatus initio ludos hujusmodi fieri permiserit. Hi ludi in compitis celebrabantur.

2. Al. codd. *compitalii*: sed est, ad Attic. VII, 7, « compitalitius dies ». J. V. L.

3. Quos Q. Metellus. L. Cæcilio, Q. Marcio coss. quos et ipse Cicero supra memoravit, SC. collegia sublata sunt, quæ adversus remp. videbantur esse. Solebant autem magistri collegiorum ludos facere, sicut magistri vicorum faciebant, compitalitios prætextati, qui ludi sublatis collegiis discussi sunt. Post novem deinde annos, quam sublata erant, P. Clodius trib. pl. lege lata restituit collegia. Invi-

diam ergo et crimen restitutorum confert in Pisonem, quod, quum consul esset, passus sit ante quam lex ferretur, facere prætextatum ludos Sext. Clodium. Is fuit familiarissimus Clodii, et operarum Clodianarum dux: quo auctore postea illato ab iis corpore Clodii, curia cum eo incensa est. Quos ludos tunc quoque fieri prohibere tentavit L. Mummius trib. pl. Ante biennium autem, quam restituerentur collegia, Q. Metellus Celer consul designatus magistrōs ludorum ludos compitalitios facere prohibuerat, ut Cicero tradit, quamvis auctore tribuno pl. fierent, cujus tribuni nomen ad hoc tempus nemo e tenebris eduxit.

4. Quidam. Al. *quidem tr.*

5. Privatus. Consul tamen designatus.

6. Quum in. Absent in.

7. Sic vet. edd. Rom. Med. Junt. ut est ad Attic. II, 3, « pridie compitalia ». J. V. L.

8. Prætextatus fuisset. Prætextatus habuerunt ludorum editores. .

facie, sed etiam oculo tuo dignissimum. Ergo his fundamentis⁹ positis consulatus tui, triduo post¹⁰, inspectante et tacente te, a P. Clodio, fatali portento prodigioque reipublicæ, lex Ælia et Fufia¹¹ eversa est, propugnacula murique tranquillitatis atque otii: collegia, non ea solum, quæ senatus sustulerat, restituta, sed innumerabilia quædam nova ex omni fæce urbis ac servitio concitata. Ab eodem homine, in stupris inauditis nefariisque versato, vetus illa magistra pudoris et modestiæ, severitas censoria sublata est¹²: quum tu interim, bustum reipublicæ¹³, qui te consulem tum Romæ dicis fuisse, verbo numquam significaris sententiam tuam tantis in naufragiis civitatis.

V. Nondum, quæ feceris¹, sed quæ fieri passus sis, dico. Neque vero multum interest, præsertim in consule, utrum ipse perniciosis legibus, improbis con-

9. *Ergo his fundamentis.* Postquam ludos compitalitios fieri sinens, totius magistratus gerendi specimen edidisti.

10. *Triduo post.* Fride nonas januariæ passus es P. Clodii tribuni pl. rogatione, leges Æliam et Fufiam abrogari.

11. *Lex Ælia et Fufia eversa est.* Hæc erat, ut ostendit Manutius fusi-
sime libro de legibus romanis, inter utramque distinctio, quod lex Ælia de auspiciis esset, obnuntiatione augurum et magistratuum, et intercessionem tribunorum; juberetque, ut eo die, quo obnuntiatum, aut intercessum fuisset, comitia solverentur, nec omnino cum populo ageretur; lex vero Fufia diebus fastis cum populo agi prohiberet, diesque tantummodo nonnullos relinqueret, qui a comitiis habendis comitiales dicerentur. Has autem leges propugnaculum reipublicæ vocat, quod hac ratione tolleretur legum tribunitiarum multitudo, quas

si singulis diebus sine intercessione et obnuntiatione ferre licuisset, multæ seditiones exstitissent.

12. *Sublata est.* Clodius tum in aliis rebus censorum minnebat auctoritatem, tum prohibebat, ne ii quemquam senatu dejicerent, nisi qui apud eos accusatus, damnatusque fuisset censoris utriusque sententia.

13. *Bustum reipublicæ.* Tradit alicubi Cic. ne naufragio finias, quum ab incendio et flamma inceperis: apte tamen hoc loco utraque translatione reipublicæ calamitatem exaggerat, quasi flamma cum fluctibus conjurarit ad reipublicæ perniciem omnino consummandam.

VI. 1. *Nondum, quæ feceris.* Prædenter hæc addit, partim ut objectionem occupet, viamque defensionis omnem præcludat, partim ut auditorum animos majorum scelerum expectatione suspensos ad attentionem invitet.

cionibus rempublicam vexet, an alios vexare patiatur. An potest ulla esse excusatio, non dicam male sentienti, sed sedenti², cunctanti, dormienti in maximo reipublicæ motu consuli? Centum prope annos³ legem Æliam et Fufiam tenueramus; quadringentos iudicium notionemque censoriam. Quas leges ausus est non nemo improbus, potuit quidem nemo convellere: quam potestatem minuere⁴, quo minus de moribus nostris quinto quoque anno iudicaretur, nemo tam effuse petulans conatus est. Hæc sunt, o carnifex, in gremio sepulta consulatus tui. Persequere connexos his funeribus dies. Pro Aurelio tribunali⁵, ne connivente quidem te, quod ipsum esset scelus, sed etiam hilarioribus oculis, quam solitus eras, intuente, delectus servorum habebatur ab eo, qui nihil sibi umquam nec facere, nec pati turpe duxit. Arma in templo Castoris (o proditor templorum⁶ omnium!) vidente te, constituebantur ab eo latrone, cui templum illud fuit, te consule, arx civium perditorum, receptaculum veterum Catilinæ militum, castellum forensis latrocinii, bustum legum⁷ omnium ac religionum. Erat non so-

2. *Sedenti*. Oscitanti, non auxilianti.

3. *Centum prope annos*. Bene legem commendat a vetustate: nihil enim periculosius, quam si quid in legibus innovetur. Sic nos in dedicatione huius Collectionis (Cæsaris vol. I) relatum sapientissimi Ludovici XVIII verbum ipsi consecravimus: « Qui meliora petit, caveat peccare novando ». Ed.

4. *Quam potestatem minuere*. Stultum tamen potestatem hanc minuere Mameus Æmilii dictator, qui legem tulit, ut censura, quæ ante per quinquennium gerebatur, anni et sex men-

sium spatio finiretur (vide Liv. IV, 24); donec id denuo vi quadam immutatum fuit ab Appio Claudio Cæco.

5. *Pro Aurelio tribunali*. In tribunali, quod ab Aurelio Cotta nomen acceperat. Hoc erat in foro constitutum, qua parte plebecula convenire solebat; inde populo verba faciebant, qui seditiones aliquas fovere et suscitare in mentem habebant.

6. *O proditor templorum omnium!* Qui templum Castoris, et ædem Nympharum, ut a Clodio incenderentur, prodidisti.

7. *Bustum legum omnium ac religionum*. Quo templo a seditionis oc-

lum⁸ domus mea, sed totum Palatium, senatu, equitibus romanis, civitate omni, Italia cuncta, refertum, quum tu non modo ad eum Ciceronem (mitto enim domestica, quæ negari possunt; hæc commemoro, quæ sunt palam) non modo, inquam, ad eum, cui primam comitiis tuis dederas tabulam⁹ prærogativæ, quem in senatu sententiam rogabas tertium, numquam adspirasti, sed omnibus consiliis, quæ ad me opprimendum parabantur, non interfuisti solum, verum etiam crudelissime præfuisti.

VI. Mihi vero ipsi, coram genere meo¹, propinquo tuo, quæ dicere ausus es? Egere, foris esse² Gabinium; sine provincia stare non posse; spem habere a tribuno plebis, si tua consilia cum illo conjunxisses; a senatu quidem desperasse³; hujus te cupiditati obsequi, sicuti ego fecissem in collega meo; nihil esse, quod præsidium consulum implorarem; sibi quemque consulere oportere. Atque hæc dicere vix audeo. Vereor, ne qui sit, qui istius insignem nequitiam, frontis

cupato leges Ælia et Fufia deflagrant, quæ leges auspicia hactenus summa religione servata continebant.

8. *Erat non solum.* Quum plerique omnes ex senatu, et equestri ordine, neque solum ex veteribus civibus, sed etiam ex Italia post bellum sociale recens in civitatem adscriptis, ita frequenter auxilii consiliique dandi causa domum meam convenirent, ut redundante multitudine totum montem Palatinum, in quo mea domus est, opplerent: numquam accedere conatus es, ut amico indignissime vexato aliquid opis consilii afferres.

9. *Dederas tabulam.* Qui vel comitiis præerant, vel saltem qui erant candidati, quantum liquet ex Cicerone, alicui ex amicis honoris causa

primam prærogativæ tabulam deferrebant, ut ille primus in prærogativa, atque adeo in totis comitiis ferret suffragium. Prærogativa illa erat, quæ prima sententiam ferebat.

VI. 1. *Genero meo.* C. Pisone, cui Tulliam ducendam dederat.

2. *Egere, foris esse Gabinium.* Interpretor non esse in suis nummis, sed in ære alieno, quod debitores non possint facile domi suæ inveniri.

3. *A sen. q. desperasse.* Non fuit in potestate senatus ei provinciam denegare: nam legibus populi romani consilibus designatis decernenda erant provincie. Puto igitur, hoc potius ad ornamenta provinciarum pertinere, veluti ad exercitum et pecuniam.

involutam integumentis⁴, nondum cernat : dicam tamen. Ipse certe agnoscet , et cum aliquo dolore flagitiorum suorum recordabitur. Meministine⁵, cœnum⁶, quum ad te quinta fere hora⁷ cum C. Pisone venissem, nescio quo e gurgustio te prodire, involuto⁸ capite soleatum? et, quum isto ore foetido⁹ teterrimam nobis popinam inhalasses, excusatione te uti valitudinis, quod diceres, vinolentis te quibusdam medicaminibus solere curari? quam nos causam quum accepissemus (quid enim facere poteramus?), paullisper stetimus in illo ganearum tuarum nidore atque fumo; unde tu nos, quum improbissime respondendo, tum turpissime eructando ejecisti.

Idem illo fere biduo¹⁰ productus in concionem ab eo, cui sic æquatum præbebas consulatum¹¹ tuum, quum esses interrogatus, quid sentire de consulatu

4. *Frontis involutam integumentis.* Vide quæ paullo post dicentur de Pisonis supercilio, de frontis nubecula, cap. 9; de Pisonis simulatione, pro Sextio, post Reditum, et alibi sæpe. Porro Pisonem magna existimatione fuisse apud homines tum ipse Cicero fatetur, tum delata paullo post ei censura testatur.

5. *Meministine.* Ipsius conscientiam testatur, ut tanto plus momenti habeat oratio.

6. *Cœnum.* Homo tam lutulente, et in tam sordidis vitiis toto corpore volutate, ut non tam cœnosus et sordidus quam ipsum cœnum, dicendus esse videaris. Abstractum loco concreti sæpiissime.

7. *Quinta fere hora.* Quatuor horis antequam alii soleant mensis accumbere.

8. *Involuto capite.* Utrumque dicit tamquam a romanis moribus alienum;

neque enim caput nisi tempore pluvio solebant involvere, neque soleis, sed calceis nisi tempore conviviorum uti consueverant. Solebant libidini et popinis vacaturi caput involvere.

9. *Quum isto ore foetido.* Quod jam dentium putredine, satis foetidum est, etiam ex vino et crapula foetor alius non accesserit.

10. *Idem illo fere biduo.* Tu idem Piso biduo postquam mihi tam improbe responderas, productus in concionem a Clodio, cui ad vexandam rempublicam totam tui consulatus vim, potestatemque tribuebas, ut æqualis tibi in potestate videretur, quum esses interrogatus, etc.

11. *Cui sic æquatum præbebas consulatum tuum.* Quod suum magistratum ei tamquam viam planam et æquatam, ad omnia sua consilia perficienda præbebat. — Frustra hic hæret Ernest.

meo ; gravis auctor, Calatinus credo aliquis, aut Africanus, aut Maximus, et non Cæsoninus semiplacentinus¹² Calventius, respondes, altero ad frontem sublato, altero ad mentum depresso supercilio, crudelitatem tibi non placere. Hic te ille homo, dignissimus tuis laudibus¹³, collaudavit.

VII. Crudelitatis tu, furcifer, senatum consul in concione condemnas¹? non enim me², qui senatui parui; nam relatio³ illa salutaris et diligens fuerat consulis; animadversio quidem et iudicium, senatus. Quæ quum reprehendis, ostendis, qualis tu, si ita forte accidisset, fueris illo tempore consul futurus. Stipendio, mehercule, et frumento Catilinam esse putasses juvandum. Quid enim interfuit inter Catilinam, et eum, cui⁴ tu senatus auctoritatem, salutem civitatis,

12. *Semiplacentinus Calventius.* Sic ab avo materno, qui præco fuerat Placentiæ, nominatur. Semiplacentinum autem non Placentinum appellat, quia paterno genere romanus fuit, materno Placentinus. Juxta avum Pisonis Galliam fuisse ostendit, quia Calventius ex Gallia trans Alpes profectus Placentiæ consederat.

13. *Hic te ille homo dignissimus tuis laudibus.* Dignissimus qui a te laudetur, cui majorem infamiam non possum imprecari, quam ut tu eum vicissim laudes; et quod dicitur, scabent mulos muli: ut enim bonorum laudes honori sunt, sic contra laudes improborum sunt infamiae.

VII. 1. *Crudelitatis tu, furcifer, senatum consul in conc. condemnas?* Ait *condemnas*, non solum accusas, quod est indignissimum, ut indicta causa damnetur. — *Senatum.* Qui est ordo amplissimus. — *Consul.* Cujus est tum reipublicæ paci, et tranquillitati, tum vel maxime dignitati, et

splendori senatus providere. — *In concione.* Quæ et facile potest ad seditionem concitari, et apud quam summa esse debet senatus auctoritas, condemnas, neque quovis crimine, sed *crudelitatis*, a qua maxime senatus debet esse alienus, quum patres a pietate et clementia nomen acceperint.

2. *Non enim me.* Non in me, sed in senatum redundat hæc infamia crudelitatis, quam mihi volebas adspargere.

3. *Nam relatio.* Ostendit, se tantummodo senatui paruisse: ego consul legatos Allobrogum cum literis Cethegi, Lentuli, et aliorum conjuratorum deduxi ad senatum: senatus autem in conjuratos animadvertit, eosque jussit in carcere fractis cervicibus jugulari.

4. *Et eum, cui tu sen. auctoritatem.* Publium Clodium, « cui tu senatus auctoritatem », eripiens senatui potestatem decernendæ provinciæ consularis lege Sempronis; « salutem civi-

totam rempublicam, provinciæ præmio vendidisti? Quæ enim L. Catilinam conantem consul prohibui, ea P. Clodium facientem consules adjuverunt. Voluit ille senatum⁵ interficere; vos sustulistis: leges incendere; vos abrogastis⁶: interire⁷ patriam; vos adjuvistis. Quid est, vobis consulibus, gestum sine armis? Incendere illa conjuratorum manus voluit urbem; vos ejus domum⁸, quem propter urbs incensa non est. Ac ne illi quidem, si habuissent vestri similem⁹ consulem, de urbis incendio cogitassent. Non enim se tectis privare voluerunt; sed his stantibus nullum domicilium sceleri suo fore putaverunt. Cædem illi civium, vos servitutem expetistis. Hic vos etiam crudeliores. Huic enim populo ita fuerat, ante vos consules¹⁰, libertas insita, ut emori potius, quam servire, præstaret¹¹. Illud vero geminum consiliis Catilinæ et Lentuli, quod me domo mea expulistis, Cn. Pompeium domum suam compulistis¹². Neque enim, me stante, et manente in

tatis seditionem fovens, et permittens servitia ad vim concitari *provinciæ præmio*, Macedoniæ, quam lege Clodia, non auctoritate senatus obtinere cupiebas, contra legem Semproniam vendidisti, et vexari lacerarique permisisti.

5. *Voluit illè senatum.* Locus vividissimus et ita compositus, ut membra membris, paria paribus respondeant.

6. *Vos abrogastis.* Rogatione Clodia leges Æliam et Fufiam abrogastis.

7. *Al. malunt interimere; alii post, afflixistis.* J. V. L.

8. *Vos ejus domum.* Meam ipsius, qui facies jam ad urbis incendium comparatas potefeci, protuli, exstinxi.

9. *Vestri similem consulem.* Ideo enim vel præcipue, teste Sallustio, urbem incendere statuerant, ut in

illo tumultu Ciceronem occiderent, qui se contra eorum impetus muniebat.

10. *Ante vos consules.* Cum magna emphasi ostendit, non solam libertatem populi romani, sed etiam ipsos mores iis consulibus pessumdatos fuisse, quippe qui ab insito libertatis amore desciverint.

11. *Frastra præstaret suspectum* Ernestio. J. V. L.

12. *Cn. Pompeium domum suam compulistis.* Pompeius, ejecto Cicerone a P. Clodio, tam multis contumeliis est appetitus, ut ne conviciis eum impudentis adolescentis p̄tulantia certaret, coactus fuerit privatis se parietibus continere, unde eum domum suam consules compulsi dicuntur, quod eum contumeliis impune vexari permisissent.

urbis vigilia, neque resistente Cn. Pompeio, omnium gentium victore, umquam se illi rempublicam delere posse duxerunt. A me quidem etiam poenas expetistis, quibus conjuratorum manes mortuorum expiaretis: omne odium, inclusum nefariis sensibus impiorum, in me profudistis. Quorum ego furori nisi cessissem, in Catilinæ busto, vobis ducibus, mactatus essem. Quod autem majus indicium expectatis, nihil inter vos et Catilinam interfuisse, quam quod eandem illam manum ex intermortuis Catilinæ reliquiis concitastis? quod omnes undique perditos collegistis? quod in me carcerem effudistis¹³? quod conjuratos armastis? quod eorum ferro ac furori meum corpus, atque omnium bonorum vitam objicere voluistis? Sed jam redeo ad præclaram illam concionem tuam.

VIII. Tu es ille, cui crudelitas displicet? qui, quum senatus¹ luctum ac dolorem suum vestis² mutatione declarandum censuisset, quum videres moerere rempublicam amplissimi ordinis luctu, o noster misericors! quid facis? quod nulla in barbaria quisquam tyrannus. Omitto enim illud, consulem edicere, ut senatus senatusconsulto ne obtemperet; quo foedius nec fieri, nec cogitari quidquam potest. Ad misericordiam redeo ejus, cui nimis videtur senatus in conservanda patria fuisse crudelis. Edicere est ausus cum illo suo pari, quem tamen omnibus vitiis superare

13. *Quod in me carc. effudistis?* Servos et sceleratos ex ergastulis et carcere immisistis, ad vexandam rempublicam, et conflanda seditionis incendia.

VIII. 1. *Qui, q. senatus.* Al. *qui.* — Quum senatus tibi collegæque tuo luctum doloremque, quem ex meo periculo hauserat, vestis lugubris as-

sumptione declarandum censuisset, ut respiceretis aliquando videretisque quibus cladibus afficeretis remp.

2. *Vestis mutatione.* Magistratus in luctu ponebant prætextam, senatores latum clavum, equites annulos aureos et phaleras; plebs utebatur toga palla; de quibus multis agit Abramius ad hunc locum.

cupiebat, ut senatus, contra, quam ipse censuisset, ad vestitum rediret. Quis hoc fecit ulla in Scythia tyrannus, ut eos, quos luctu afficeret, lugere non sineret? Mœrorem relinquis³: mœroris aufers insignia. Eripis lacrymas, non consolando, sed minando. Quod si vestem non publico consilio patres conscripti, sed privato officio, aut misericordia mutavissent, tamen, id iis non licere per interdicta crudelitatis tuæ, potestatis erat non ferendæ: quum vero id senatus frequens censuisset, ordines reliqui jam ante fecissent; tu ex tenebricosa popina consul extractus, cum illa saltatrice tonsa⁴, senatum populi romani occasum atque interitum reipublicæ lugere vetuisti.

IX. At quærebat etiam paullo ante de me, quid suo mihi opus fuisset auxilio; cur non meis inimicis, meis copiis restitissem. Quasi vero non modo ego, qui multis sæpe auxilio fuisset, sed quisquam tam inops fuerit umquam, qui, isto non modo propugnatore, tutiorem se, sed advocato, aut adstipulatore, paratiorem fore putaret. Ego istius pecudis¹ ac putidæ carnis consilio scilicet, aut præsidio niti volebam? ab hoc ejecto cadavere quidquam mihi aut opis, aut or-

3. *Mœrorem relinquis*. Me exulare et a Clodio vexari permittis, ex quo dolorem senatus hauriebat: « mœroris aufers insignia », vestis mutationem qua senatus suum dolorem et luctum testabatur.

4. *Cum illa saltatrice tonsa*, etc. Cum Gabinio collega, qui et saltandi artem præ se fert, et post meum discessum domo et cantu, et cymbalis personante nudus in convivio saltavit. Saltatricem vocat genere feminino, ut ejus effeminatos mores et impudiciam carpat, quemadmodum de provinciis consularibus cum *Semiramidem*

nominavit. Sic Torquatus Hortensium ignominie causa *gesticulariam* appellat. — Tonsam appellat, quia breviori coma quam ceteri uteretur, lascivie causa; non enim cum tonderi plane possumus intelligere, quum scriptum sit in ea pro Sextio: « unguentis affluens, calamistrata coma ».

IX. 1. *Ego istius pecudis*. Gravitum animi, tum corporis vitiorum exprobratione Pisonem insectans, a stoliditate pecudem, a vilitudine et forma putidam carnem appellat, ut hoc contemptu ostendat, se neque consilio neque præsidio Pisonis uti voluisse.

namenti expetebam? Consulem ego² tum requirebam, consulem, inquam, non illum quidem, quem in hoc animali³ invenire non possem, qui tantam reipublicæ causam gravitate et consilio suo tueretur, sed qui, tamquam truncus atque stipes, si stetisset modo, posset sustinere tamen titulum consulatus. Quum enim esset omnis causa illa mea consularis et senatoria, auxilio mihi opus fuerat et consulis, et senatus: quorum alterum etiam ad perniciem meam erat a vobis consulibus conversum; alterum reipublicæ penitus ereptum. Attamen, si consilium exquiris meum, neque ego cessissem, et me ipsa suo complexu patria tenuisset, si mihi cum illo bustuario gladiatore⁴, et tecum, et cum collega tuo decertandum fuisset. Alia enim causa⁵ præstantissimi viri, Q. Metelli, fuit: quem ego civem, meo iudicio, cum deorum immortalium laude conjungo; qui C. illi Mario, fortissimo viro, et consuli, et sextum consuli, et ejus invictis legionibus, ne armis configeret, cedendum esse duxit. Quod mihi igitur certamen esset hujusmodi? cum C. Mario scilicet, aut cum aliquo pari, an cum altero, barbaro Epicureo⁶, cum altero, Catilinæ laternario⁷? quos ne-

2. *Consulem ego.* Miro contemptu Pisonis indignitatem perstrinxit: cum non solum negat fuisse animo et gravitate consulem, sed adeo nomine consulis indignum fuisse dicit, ut ne nomen quidem et titulum sustineret.

3. *Isidorus, Origin.* II, 31, habet *maiali*. Damnat Hottomann. Observ. VIII, 7. Probant tamen multi.

4. *Bustuario gladiatore.* Existimo oratorem ad peculiare Clodii facinus alludere: gladiatores enim bustuarios ad seditionem concitaverat, ut reditum Clodroni præcluderet.

5. *Alia enim causa.* Non est quod

quisquam existimet, me Quinti Metelli Numidici factum voluisse imitari, qui quod in Luc. Apuleii Saturnini legem agrariam annitente Mario latam de agris viritim dividendis jurare nolisset, de civitate maluit, quam de sententia dinoveri, et sponte concessit, ne si invito Mario in urbe remanere voluisset, cum Mario fortissimo imperatore armis configens rempublicam in grave discrimen adduceret.

6. *Lallem. Epicuro.*

7. *Catilinæ laternario.* Laternarium vocat, quod ad explendas libidines

que hercule ego, neque supercilium tuum, neque collegæ tui cymbala ac crotala⁸ fugi; neque tam fui timidus, ut, qui in maximis turbinibus ac fluctibus reipublicæ navem gubernassem, salvamque in portu collocassem, frontis tuæ nubeculam, tum collegæ⁹ tui contaminatum spiritum pertimescerem. Alios ego vidi ventos; alias prospexi animo procellas; aliis impendentibus tempestatibus non cessi, sed his unum¹⁰ me pro omnium salute obtuli. Itaque discessu tum meo omnes illi nefarii gladii¹¹ de manibus crudelissimis exciderunt: quum quidem tu, o vecors et amens, quum omnes boni abditi inclusique mœrerent, templa gement¹², tecta ipsa urbis lugerent, complexus es illud funestum animal¹³ ex nefariis stupris, ex civili cruore, ex omnium scelerum importunitate, et flagitiorum impunitate concretum, atque eodem in templo¹⁴, eodem et loci vestigio et temporis, arbitria¹⁵ non mei solum, sed patriæ funeris abstulisti.

X. Quid ego illorum dierum epulas, quid lætitiā et gratulationem tuam, quid cum tuis sordidissimis gregibus¹ intemperantissimas perpotationes prædi-

facem et laternam præferret Catilinæ.

8. *Cymbala ac crotala.* Cymbala et crotala saltatores composito sonitu adjuvabant.

9. Schütz. malit, « aut collegæ tui », J. V. L.

10. *Sed his unum me.* Obviam ivi periculo, et pro republica solus tempestatem excepi, cap. 20, cum hoc loco plane est conferendus Sext.

11. *Gladii de manibus crudelissimis exciderunt.* Cedens e civitate id sum consequutus, ut improborum civium animos jam ad bellum civile paratos repræserim, effecerimque, ne respublica bellorum incendio deflagraret.

12. *Templa gement.* Neque id magnis scriptoribus est inusuetum, ut luctum tribuant rebus inanimis et brutis. Maro Bucol. V, 27: « Paphni, tunc Pœnos etiam ingenuissæ leones Interitum, montesque feri sylvæque loquuntur ».

13. *Funestum animal.* P. Clodium.

14. *Atque eodem in templo.* In templo Castoris, vel in ipso foro, et Aurelio tribunali.

15. *Arbitria... funeris.* Præmia mei funeris, provinciam scilicet Macedoniam, quam prodito Cicerone obtinuit.

X. 1. *Cum tuis sordid. gregibus.* Cum tuis Græculis et Epicureis, qui

cem? Quis te illis diebus sobrium, quis agentem aliquid, quod esset libero dignum, quis denique in publico vidit? quum collegæ tui domus cantu et cymbalis personaret, quumque ipse nudus in convivio saltaret: in quo ne tum quidem, quum illum suum saltatorium versaret orbem², fortunæ rotam pertimescebat. Hic autem non tam concinnus helluo, nec tam musicus³, jacebat in suo Græcorum fœtore atque vino. Quod quidem istius, in illis reipublicæ luctibus, quasi aliquod Lapitharum⁴ aut Centaurorum convivium ferebatur: in quo nemo potest dicere, utrum iste plus biberit, an vomuerit, an⁵ effuderit. Tu etiam mentionem facies consulatus tui, aut te fuisse Romæ consulem dicere audebis? Quid? tu in lictoribus, in toga et⁶ prætexta esse consulatum putas? quæ ornamenta etiam in Sext. Clodio⁷, te consule, esse voluisti. Hujus tu Clodiani canis⁸ insignibus consulatum declarari putas? Animo

peendum instar summum bonum sordidissimis corporis voluptatibus metiuntur.

2. *Saltatorium versaret orbem.* Tacitus in libro de Oratoribus, c. 23, recte Fortunæ rotam irridet, quod quidem inane esse omnino indicat. Cicero, qui summa ingenii ubertate verba verbis sæpius opponebat, hoc in genere aliquando errat. Hic excusationem non habet, nam ipse loquitur, neque sicut in Act. in Verr. refert quæ plebecula contra Verrem jactaret. Saltatorium orbem sicut ceteri intelligimus: quidam hoc esse dicunt quod Græci τρέχος vocant, quodque saltando movebatur, vel quædam musica instrumenta de quibus verba fecit orator.

3. *Nec tam musicus.* Qui cantu cymbalisque delectaretur: nam ad

concentum fidium vocumque saltabant.

4. *Lapitharum aut Centaurorum.* Quod cum cæde et contentione factum, fabulæ narrant.

5. *Al. aut.*

6. Turneb. pro vitioso habet hanc loquendi modum, atque et delendum putat. J. V. L.

7. *Etiam in Sext. Clodio.* Tu, quum in kalendas januarias compitalitiorum dies incidisset, Sextum Clodium, Pub. Clodii scribam, hominem impurum, qui numquam antea prætextatus fuisset, ludos facere, lictores habere, et prætextatum volitare passus es.

8. *Clodiani canis.* Hujus Sexti Clodii, qui, canis instar, sequutus est in vexanda republica, bonis allatrandis, et morsu appetendis, P. Clodii vestigia.

consulem esse oportet, consilio, fide, gravitate, vigilantia, cura; toto denique munere consulatus omni officio tuendo; maximeque, id quod vis nominis præscribit, reipublicæ consulendo. Ego consulem esse putem, qui senatum esse in republica non putavit? et sine eo⁹ consilio consulem numerem, sine quo Romæ ne reges quidem esse potuerunt? Etenim illa jam omitto: quum servorum delectus¹⁰ haberetur in foro; arma in templum Castoris luce et palam comportarentur; id autem templum, sublato aditu, revulsis gradibus¹¹, a conjuratorum reliquiis, atque a Catilinæ prævaricatore¹² quondam, tum ultore, armis teneretur; quum equites romani relegarentur¹³, viri boni lapidibus e foro pellerentur, senatui non solum juvare rempublicam, sed ne lugere quidem liceret; quum civis is, quem hic ordo, assentiente Italia cunctisque gentibus, conservatorem patriæ judicaret, nullo judicio, nulla lege, nullo more, servitio atque armis pelleretur, non dicam auxilio vestro, quod vere licet dicere, sed certe silentio; tum Romæ fuisse consules quisquam existimabit? Qui latrones igitur, si

9. *Sine eo consilio.* Sine senatu: quod summum consilium vocabatur.

pli aditu atque adscensu removisti ».

10. *Servorum delectus.* Nefas erat servos ad delectum vocari, atque adeo hoc servorum delecta populi romani majestas, etc. imminuta.

12. *A Catilinæ prævaricatore.* Catilinam a P. Clodio repetundarum esse accusatum, eoque prævaricante absolutum, et Asconius auctor est, et Cicero ipse his verbis in ea de Har. Resp. « a Catilina pecuniam accepit, ut turpissime prævaricaretur ».

11. *Sublato aditu, revulsis gradibus.* Ne cui, ferente leges Clodio, obnuntiare, intercedere, aut aliquo modo impedire cupienti, daretur introitus. Pro Domo: « Quum arma in ædem Castoris comportabas, nihil aliud, nisi uti ne quid per vim agi posset, machinabare: quum vero gradus Castoris convellisti, ac removisti; tum, ut modeste tibi agere liceret homines audaces ab ejus tem-

13. *Quum equites romani relegarentur.* Hoc dicit propter L. Ælium Lamiam, studiosissimum Ciceronis, principem equestris ordinis, edicto Gabini consulis relegatum, quod eo auctore vestitum equites, lege Clodia promulgata, mutaverant, et una cum ipso pro salute Ciceronis populo supplicaverant.

quidem vos consules? qui prædones, qui hostes, qui proditores, qui tyranni nominabuntur?

XI. Magnum nomen est, magna species, magna dignitas, magna majestas consulis: non capiunt angustiae pectoris tui, non recipit levitas ista, non egestas animi; non infirmitas ingenii sustinet, non insolentia rerum secundarum tantam personam, tam gravem, tam severam. *Seplasia*¹ mehercle, ut dici audiebam; te, ut primum adspexit, Campanum consulem² repudiavit. Audierat Decios, Magios³, et de Taurea illo Jubbello aliquid acceperat: in quibus si moderatio illa, quae in nostris solet esse consulibus, non fuit; at fuit pompa, fuit species, fuit incessus⁴ saltem *Seplasia* dignus, et Capua. Gabinium denique si vidissent duumvirum vestri illi unguentarii, citius agnovissent. Erant illi compti capilli, et madentes cincinnorum fimbriae⁵, et fluentes⁶ cerussataeque buccae, dignae Capua, sed illa vetere. Nam haec quidem, quae nunc est, splendidissimorum hominum, fortissimorum virorum, optimorum civium⁷, mihi que amicissimorum multitudine redundat; quorum Capuae te prætextatum nemo adspexit, qui non gemeret desiderio mei; cujus con-

XL 1. *Seplasia*. Platea Capuae, in qua unguentarii negotiabantur, non sine fraudis suspicione. In Rull. 2, 93; Val. Max. IX, 1, ext. 1; Plin. XVI, 10, XXXIV, 11, et alii. En.

2. *Campanum consulem*. Duumviri Capuae pro consulibus erant: duumviros autem C. Caesar consul, lege lata de agro Campano dividendo, creaverat socerum suum Pisonem, et generum Cn. Pompeium. Post Red. in Sen. « Capuane te putabas, in qua urbe domicilium quondam superbiae fuit, consulem esse, sicut eras eo tempore, an Romae, in qua civitate omnes

ante vos consules senatui paruerunt? »

3. *Decios, Magios*. De hisce omnibus vide Valer. lib. V, cap. 6, et Plin. lib. XXI, cap. 5.

4. *Fuit incessus*. Incessus majestatem quamdam et pompam significat.

5. *Fimbriae*. Servius, ad Virg. Georg. I, 120, legisse videtur *fibræ*. J. V. L. — *Fimbriae*, extremitates, a *fibro*, quod antiquis extremum erat. Varro de Ling. Lat. IV, 13. — *Cincinnati*, crines intorti. Gr. *κίχτινοί*.

6. *Fluentes buccae*. Propter nimiam pinguedinem et molliem.

7. *Optimorum civium*. Erant enim

silio quum universam rempublicam, tum illam ipsam urbem⁸ meminerant esse servatam. Me inaurata statua donarant; me patronum unum adsciverant; a mese habere vitam, fortunas, liberos arbitrabantur; me et præsentem contra latrocinium tuum suis decretis legatisque defenderunt⁹, et absentem, principe Cn. Pompeio referente, et de corpore reipublicæ tuorum scelerum tela revellente, revocarunt. An tu eras consul, quum in Palatio mea domus ardebat, non casu aliquo, sed ignibus injectis, instigante te? Ecquod in hac urbe majus umquam incendium¹⁰ fuit, cui non consul subvenerit? At tu, illo ipso tempore, apud socrum tuam prope a meis ædibus, cujus domum ad meam exhauriendam patefeceras, sedebas, non exstinctor, sed auctor incendii, et ardentes faces furiis¹¹ Clodianis pæne ipse consul ministrabas.

hoc tempore cives romani, colonia lege Cæsaris eo deducta. Pro Sextio: « Quæ de causa et tum conventus ille Capuæ huic apud me P. Sextio maximas gratias egit; et hoc tempore iidem homines, nomine commutato coloni, decurionesque beneficium P. Sextii testimonio declarant ».

8. *Illam urbem.* Pro Sext. « Conventus ille Capuæ, qui propter salutem illius urbis, consilatu conservatam meo, me unum patronum adoptavit ».

9. *Defenderunt.* Piso venit Capuam, quum simul et Romæ consul, et ibi duumvir esset. Vide pro Sext. cap. 8. Campani tum Ciceronem non modo defenderant, cujus in periculo quum legatos Romam misissent, eum jam expulsum gemebant; sed etiam coloniarum decreto, si fieri potuisset, in patriam revocarant. Pompeius enim ad Ciceronem defendendum excitatus (inf. cap. 12) Clodianæ factioni cœpit obsistere. Tum ex ejus

auctoritate L. Ninnius ad senatum retulit de Tullii reditu kalendis jun. Pisonem ipso et Gabinio coss. quem reditum quum senatus frequens decerneret, intercecit Ninnii collega Ælius Ligur trib. pl. Constant hæc ex c. 31 pro Sext. Postea Pompeius, qui erat Capuæ cum Pisonem duumvir, « ubi nullus emptus intercessor », retulit ad Campanos decuriones, placeretne, revocari M. Tullium, et placere illi censuerunt.

10. *Incendium.* Post profectionem ex urbe Ciceronis, bona ejus P. Clodius publicavit: postea direpta sunt omnia, quæ aut in domo, aut in villis fuerunt, et ex eis ad ipsos consules lata complura: domus direpta primum, deinde inflammata ac diruta est. Socrus Pisonis quæ fuerit, invenire non potui, videlicet quod auctores rerum non perinde in domibus ac familiis seminarum, nisi illustrium, ac virorum nomina tradiderunt.

11. *Furiis Clodianis.* Seditiosis a

XII. An vero reliquo tempore consulem te quisquam duxit? quisquam tibi paruit¹? quisquam in curiam venienti assurrexit? quisquam consulenti respondendum putavit? Numerandus est ille annus denique in republica, quum obmutuisset senatus, judicia conticuissent, moererent boni, vis latrocinii vestri tota urbe volitaret, neque civis unus ex civitate, sed ipsa civitas tuo et Gabinii sceleri furorique cessisset?

At ne tum quidem² emerxisti, lutulente³ Cæsonine, ex miserrimis naturæ tuæ sordibus, quum experrecta tandem virtus clarissimi viri, celeriter et verum amicum⁴, et optime meritum civem, et suum pristinum morem⁵ requisivit; neque est ille vir passus, in ea republica, quam ipse decorarat atque auxerat⁶, diutius vestrorum scelerum pestem morari: quum tamen ille, qualiscumque est, qui est ab uno te improbitate victus, Gabinius, collegit ipse se, vix, sed collegit tamen, et contra suum Clodium, primum simulate,

Publio Clodio ad incendium domus meæ concitatis. Vocat furias, quod in fabulis furiae cum facibus et tædis ardentibus soleant induci.

XII. 1. *Quisquam tibi paruit?* Quo obsequio dignitas potius, quam prætexta et lictoribus continetur.

2. *At ne tum quidem.* Ne tum quidem in viam melioremque frugem rediisti, quum = aliquando serius quam ipse vellet, Cn. Pompeius invitissimis tuis, qui mentem optimi ac fortissimi viri, suis consiliis ac fictis terroribus a defensione meæ salutis averterant, excitavit illam suam non sopitam, sed suspitione aliqua retardatam consuetudinem reip. bepe gerendæ. Orat. pro Sextio. Quia scilicet Pompeius, quum vexari se contumeliis a Clodio videret, cogitavit de revocando Ci-

cerone, quem furoribus Clodianis opponeret.

3. *Lutulente Cæsonine.* Al. *Cæsoni.* Minus recte.

4. *Et verum amicum.* Ciceronem scilicet.

5. *Et suum pristinum morem requisivit.* Consuetudinem reip. bene gerendæ.

6. *Auxerat.* Qui imperio romano tres terrarum partes tribus triumphis adjunxerat. Non passus est vos iatus eam vexare rempublicam, quam armis tutabatur. Inde patet quantum despectus fueris, qui, quamvis consul, et omni dignitatis tuæ apparatus ornatus, nullum inveniis qui tibi morem vellet gerere. At si quando tibi venienti quidam assurgerent, non Fio-nem ii, sed consulem salutabant.

deinde non libenter, ad extremum tamen pro Cn. Pompeio vere vehementerque pugnavit. Quo quidem in spectaculo ⁷ mira populi romani æquitas ⁸ erat. Uter eorum perisset, tamquam lanista ⁹, in ejusmodi pari lucrum fieri putabat; immortalem vero quæstum, si uterque cecidisset. Sed ille tamen agebat aliquid: tuebatur auctoritatem summi viri. Erat ipse sceleratus, erat gladiator; cum scelerato tamen, et cum pari gladiatore pugnat. Tu, scilicet homo religiosus et sanctus, foedus, quod meo sanguine in pactione provinciarum iceras, frangere noluisti. Caverat enim sibi ille sororius adulter, ut, si tibi provinciam, si exercitum, si pecuniam ¹⁰ ereptam ex reipublicæ visceribus dedisset, omnium suorum scelerum socium te adiutoremque præberes. Itaque in illo tumultu ¹¹ fracti fascēs; ictus ipse; quotidie tela, lapides, fugæ; deprehensus ¹² denique cum ferro ad senatum is, quem ad Cn. Pompeium interimendum collocatum fuisse constabat.

7. *Quo quidem in spectaculo.* Pugnae et dissensionis, quæ inter Gabinium et Clodium exarserat.

8. *Mira pop. romani æquitas erat.* Æquitas hic accipi debet pro securo et tranquillo animi statu.

9. *Uter eorum perisset, tamquam lanista.* Causam reddit, cur respublica spectaret hoc certamen tanta animi æquitate: quemadmodum, inquit, lanista, qui gladiatorum paria in certamen adducit, et inter se committit, quum eos ante gladiandi arte instruxit, lucrum se facere putat, quum aliquis occiditur; nam ejus et alendi et docendi onere liberatur; ita respublica lucrum se facere putabat, sive Clodius, sive Gabinus in eo certamine concidisset. Dubium tamen est, utrum populus romanus, an

Clodius et Gabinus cum lanista conferantur: si populus romanus, sensus erit: Populum instar lanistæ malorum gladiatorum mortem non timentis spectasse pugnam Clodii et Gabinii mira animi æquitate. Si Clodius et Gabinus cum lanista conferantur, dicendum est hoc loco lanistam pro gladiatore, non pro gladiatorum magistro et doctore usurpari.

10. *Si pecuniam.* Quadringenta quinquaginta millia aureorum, deprompta ex ipso ærario.

11. *In illo tumultu.* Qui exortus est, quum Gabinus Clodium impugnaret, tu vero defenderes.

12. *Deprehensus denique.* Clodii servus, teste Plutarcho, cum sica ad occidendum Pompeium in janua curiæ fuerat collocatus.

XIII. Et quis auditiv¹ non modo actionem aliquam, aut relationem, sed vocem omnino, aut querelam tuam? Consulem te tum fuisse putas, cujus in imperio², qui rempublicam, senatus auctoritatem servarat³ [idemque⁴ in Italia], qui omnes omnium gentium partes tribus triumphis devinxerat, is se in publico tuto statuit esse non posse? An tum eratis consules, quum, quacumque de re verbum facere cœperatis, aut referre ad senatum, cunctus ordo reclamabat, ostendebatque nihil esse vos acturos, nisi prius de me retulissetis? quum vos, quamquam foedere⁵ obstricti tenebamini, tamen cupere vos diceretis, sed lege impediri⁶? Quæ lex privatis hominibus esse lex⁷ non videbatur, inusta per servos⁸, incisa per vim, imposita per latrocinium, sublato senatu, pulsus e foro bonis omnibus, capta republica contra omnes leges⁹, nullo scripta¹⁰ more:

XIII. 1. *Et quis auditiv*, etc. Equis vidit, te resistantem non dicam potestate consulari, sed vel privato consilio: actio enim et relatio videtur esse consularis; vox et querela privati officii, ut relatio sit consultatio senatus, actio ipsius senatusconsulti conclusio.

2. *Cujus in imperio*. Consulatu.

3. *Senatus auctoritatem servarat*. Hoc ad Ciceronem pertinet: cetera ad Pompeium. — Lalleu. *auctoritate*.

4. *Idemque in Italia*. Mendosus locus. Gulielm. conj. *fidemque*. Multo felicius Lalleu. post Manut. *is neque in Italia*. Lectiones has in interpretando sequimur. J. V. L.

5. *Foedere obstricti*. Foederis, quod meo sanguine in pactione provinciarum ioceratis, religione devincti.

6. *Sed lege impediri*? Lege Clodia de meo exsilio prohiberi, quo minus ad senatum de meo reditu referretis.

7. *Esse lex*. MS Gud. 2 non agnoscit verba, *esse lex*, probante Gœr. ad Academ. I, 8. J. V. L.

8. *Inusta per servos*. Quasi ferro candenti in reipublicæ fronte ad perpetuam ignominiam impressa. Servii enim fugitivis et calumniatoribus notas innuebant, ideoque dicit legem inustam per servos, ut rei indignitatem exaggeret: servi, inquit, immissi ex ergastulis, atque adeo notis inusti hanc reipublicæ non legem, sed labem intulerant.

9. *Contra omnes leges*. Contra leges sacratas et leges XII Tabularum. Pro Domo sua: «Quo jure? quo more? quo exemplo legem nominatim de capite civis indemnati tulisti? vetant leges sacratæ, vetant duodecim tabulæ, leges privatis hominibus irrogari, id est enim privilegium».

10. *Nullo scripta more*. Non servato trinundino, quod in aliis servari

hanc qui se metuere dicerent, hos¹¹ consules, non dicam animi hominum, sed fasti ulli ferre possunt? Nam, si illam legem non putabatis¹², quæ erat contra omnes leges, indemnati civis atque integri¹³ capitis bonorumque tribunitia proscriptio; hac tamen obstricti pactione tenebamini: quis vos non modo consules, sed liberos fuisse putet, quorum mens fuerit oppressa præmio, lingua adstricta mercede? Sin illam vos soli legem putabatis, quisquam vos consules tunc fuisse, aut nunc esse consulares putet, qui ejus civitatis, in qua in principum numero vultis esse, non leges, non instituta, non mores, non jura noritis? An, quum proficiscebamini paludati¹⁴ in provincias vel emptas¹⁵, vel ereptas¹⁶, consules vos quisquam putavit? Itaque, credo, si minus frequentia sua vestrum egressum ornando atque celebrando; at omnibus saltem bonis, ut consules, non tristissimis, ut hostes, aut proditores prosequerentur.

XIV. Tune etiam¹, immanissimum ac foedissimum monstrum! ausus es meum discessum illum, testem

consuevit. Contra quoque judiciorum morem et instituta civitatis.

11. *Hos consules.* Abest hos.

12. *Putabatis.* Al. *putabitis.*

13. *Integri capitis.* Id est, civis, qui non erat jure capite deminutus.

14. *Quum proficiscebam. paludati.* Quum votis in Capitolio nuncupatis, Gabinus in Syriam cum auctoritate proconsulari se conferret, tu vero Macedoniam peteres. Varro explicat hujus profectionis solennem ritum, VI de L. L. Ed.

15. *Vel emptas.* A Clodio, mei capitis et sanguinis pactione, quem prodidisti.

16. *Vel ereptas.* A republica, qua

adhuc stante non solum ad meum sanguinem hauriendum, sed etiam ad ejus spolia detrahenda advolvistis. Pro Sext. et superius, « Eodem et loci vestigio et temporis arbitria non mei solum, sed patriæ faneris abstulistis ».

XIV. 1. *Tune etiam.* Arrepta occasione graviter et inflammato quodam impetu ad alteram comparisonis inter se, et Pisonem institutæ partem delabatur; ejusque impudentiam hinc ostendit, quod Ciceroni fugam objecerit et exprobrarit, quam ad occultanda sua scelera perpetuo silentio tegere, et, quantum fas erat, ex animis hominum obliterare debuisset, ne dum in memoriam revocaret.

sceleris et crudelitatis tuæ, maledicti et contumelia loco ponere? Quo quidem tempore cepi, patres conscripti, fructu immortalem vestri in me et amoris et iudicii; qui non admurmuratione, sed voce et clamore, abjecti hominis et semivivi³ furorem petulantiamque fregistis. Tu luctum senatus⁴, tu desiderium equestris ordinis⁵, tu squalorem Italiae⁶, tu curiæ taciturnitatem annuam, tu silentium perpetuum⁷ iudiciorum ac fori, tu cetera illa in maledicti loco ponēs, quæ meus discessus reipublicæ vulnera infixit? Qui si calamitosissimus fuisset, tamen misericordia dignior, quam contumelia, et cum gloria⁸ potius esse conjunctus, quam cum probro putaretur; atque ille, dolor meus duntaxat, vestrum quidem scelus⁹ ac dedecus haberetur. Quum vero (forsitan hoc, quod dicturus sum, mirabile auditu esse videatur, sed certe id dicam, quod sentio), quum tantis a vobis, patres conscripti, beneficiis affectus sim, tantis honoribus, non modo illam calamitatem esse non duco, sed, si quid mihi potest a republica esse sejunctum, quod vix po-

2. *Fructum immortalem.* Testimonium quod mihi in immortalem gloriam redundat. Prudenter hæc intenderit, ut partim se erga P. C. gratum ostendat, partim eosdem contra Pisonis petulantiam accendat.

3. *Semivivi.* Sunt qui legendum putent *semiviri*. J. V. L.

4. *Luctum senatus.* Qui publico consilio senatusconsultum fecit, ut pro me vestis lingubris sumeretur.

5. *Desiderium equestris ordinis.* Qui pæne universus vestem pro me mutavit, e quo ordine viginti prope adolescentum millia me comitabantur, ut Clodii vim a me prohiberent, quique per Q. Hortensium et C. Curionem consulem opem petierant, etc.

6. *Squalorem Italiae.* Quæ tantum dolorem hausit desiderio mei, ut ipsi etiam agri squallere viderentur.

7. *Tu silentium iudiciorum ac fori.* Pro Sextio, quum « non solum homines, sed tota urbis ac templa ingerent, nemo vestrum forum, nemo curiam, nemo lucem adspicere vellet ». In Vatinius: « Cujus desiderio forum mcestum, muta curia, omnia denique bonarum artium studia siluerunt ». Sed hæc per exaggerationem: neque enim iudicia omnino siluerunt.

8. *Cum gloria.* Propter summum reip. studium erga meam salutem.

9. *Vestrum quidem scelus.* Qui provinciarum pactione devincti me Clodio prodidisti.

test; privatim ad meum nomen augendum, optandam duco mihi fuisse illam expetendamque fortunam. Atque, ut tuum lætissimum diem cum tristissimo meo conferam, utrum tandem bono viro et sapienti optabilius putas, sic exire a patria, ut omnes sui cives salutem, incolumitatem, reditum precentur, quod mihi accidit; an, quod tibi proficiscenti evenit, ut omnes execrarentur¹⁰, male precarentur, unam tibi illam viam¹¹ et perpetuam esse vellent? Mihi, medius fidius, in tanto omnium mortalium odio, justo præsertim et debito, quævis fuga potius¹², quam ulla provincia, esset optatior.

XV. Sed perge porro. Nam si illud meum turbulentissimum tempus profectionis tuo tranquillissimo præstat, quid conferam reliqua, quæ in te dedecoris plena fuerunt, in me dignitatis? Me kalendis¹ jan. qui dies post obitum occasumque nostrum reipublicæ primus illuxit, frequentissimus senatus, concursu Italiæ, referente clarissimo atque fortissimo viro, P. Lentulo, consentiente populo romano², atque una voce revocavit. Me idem senatus exteris nationibus, me legatis magistratibusque nostris auctoritate sua, consularibus literis, non, ut tu Insuber³ dicere ausus

10. *Ut omnes execrarentur.* Invenio duplicem fuisse execrationis rationem qua prosequerentur exeuntes: alteram tumultuariam, et non tam publico magistratus senatusve consilio, quam communi plebis conspiratione susceptam, ut contigit Pisoni et Gabinio: alteram rite, cæcis ceremoniis verbisque conceptam fieri solitam. Altera tacito plebis consensu, et admurmuratione fiebat.

11. *Unam tibi illam viam et perpetuam.* Quum omnes expeterent, ut in illa via perires, nec prius illius viæ

quam vitæ finem invenires. Commode Manutius hunc ex Nonio Turpilli versum profert, «Egredere: atque ntiam istuc perpetuum itiner sit tibi!»

12. *Potius.* Abest in MS Faerni.

XV. 1. *Me kalendis jan.* Quo die P. Lentulus Spinther, et Q. Metellus Nepos consulatum inierunt. Qui dies post profectionem meam primus reip. quasi fugatis tenebris illuxit.

2. *Lallem. populi romani.*

3. *Non, ut tu Insuber.* Calventius Pisonis avus maternus ex Gallia Trans-

es, orbatum patria, sed, ut senatus illo ipso tempore appellavit, civem conservatorem reipublicæ, commendavit. Ad meam unius salutem senatus auxilium omnium civium cuncta ex Italia, qui rempublicam salvam esse vellent, consulis voce et literis implorandum putavit. Mei capitis servandi causa Romam uno tempore, quasi signo dato, Italia tota convenit. De mea salute, P. Lentuli, præstantissimi viri, atque optimi consulis, Cn. Pompeii, clarissimi atque invictissimi civis, ceterorumque principum, celeberrimæ et gratissimæ conciones fuerunt. De me senatus ita decrevit, Cn. Pompeio auctore, et ejus sententiæ principe, ut, si quis impedisset reditum meum, in hostium numero putaretur⁴: iisque verbis ea de me senatus auctoritas declarata est, ut nemini sit triumphus honorificentius, quam mihi salus restitutioque perscripta. De me, quum omnes magistratus promulgassent, præter unum prætorem⁵, a quo non fuit postulandum, fratrem inimici mei, præterque duos de lapide emptos⁶ tribunos plebis, legem comitiis centuriatis tulit P. Lentulus consul de collegæ Q. Metelli sententia: quem mecum eadem respublica, quæ in tribunatu ejus⁷ disjunxerat, in consulatu, virtute optimi ac justissimi viri, sapientiaque, conjunxit. Quæ lex quemadmodum accepta sit, quid me attinet dicere? ex

alpina profectus, Placentiam Insubriæ urbem venerat; inde Pisonem his vocibus appellat orator, *tu Insuber*.

4. *In hostium numero putaretur.* Senatus plerumque his verbis sua decreta muniebat, ut qui secus fecisset, is vel contra rempublicam egisse, vel in hostium numero habendus esse diceretur.

5. *Unum prætorem.* Appium scilicet.

6. *De lapide emptos.* Hi duo tribuni

erant Sextus Attilius Serranus et Numerius Quintus. Lapide empti dicebantur servi, qui sub hasta non veniebant. Hos præco vendebat, ut ex his Plauti versibus patet: « O stulte, stulte nescis nunc venire te, In eo ipso stas lapide, ubi præco prædicat ».

7. *In tribunatu ejus.* Quum Q. Metellus Ciceronem consulem extremo consulatus die concionis habendæ potestate privavit.

vobis audio, nemini civi ullam, quo minus adesset, satis justam excusationem esse visam; nullis comitiis umquam neque⁸ multitudinem hominum tantam, neque splendidiorem fuisse: hoc certe video, quod indicant tabulæ publicæ⁹, vos rogatores, vos diribitores¹⁰, vos custodes fuisse tabellarum¹¹: et, quod in honoribus vestrorum propinquorum non facitis, vel ætatis excusatione, vel honoris, id in salute mea, nullo rogante, vos vestra sponte fecistis.

XVI. Confer nunc, Epicure noster, ex hara¹ pro ducte, non ex schola, confer, si audes, absentiam tuam cum mea. Obtinuisti provinciam² consularem finibus iis, quos lex cupiditatis tuæ, non quos lex generi tui³ pepigerat. Nam, lege Cæsaris justissima atque optima, populi liberi⁴ plane et vere erant liberi: lege autem ea, quam nemo legem, præter te et collegam tuum, putavit, omnis erat tibi Achaia, Thessalia, Athenæ, cuncta Græcia addicta. Habebas exercitum tantum, quantum tibi non senatus aut populus romanus dederat, sed quantum tua libido conscripserat; ærarium exhauseras. Quas res gessisti in imperio,

8. Abest neque a multis edd. et rec.

9. *Tabulæ publicæ*. Eas tabulas intelligit, in quas acta diurna populi referebant, ex Cæsaris instituto duobus annis ante hæc comitia ob reditum Ciceronis indicta.

10. *Diribitores*. Tabellarum diribitores hi sunt, qui suffragiorum notas distribuunt.

11. *Vulg. tabularum*.

XVI. 1. *Ex hara*. Hara porcorum est stabulum.

2. *Provinciam consularem*. Macedoniam, quæ illo anno consularis effecta est: quæ provincia tamen solius Macedoniæ finibus non limitata, se ad

Achaiam, Thessaliam, Athenas, totamque Græciam extendebat.

3. *Non quos lex generi tui pepigerat*. Lex lata a Julio Cæsare genero tuo, qui videlicet Calpurniam filiam tuam duxit uxorem.

4. *Populi liberi*. Commendat legem Cæsaris partim ad gratiam Cæsaris captandam, partim ut vehementius in Pisonem violatorem legis invehatur: quum enim tulisset Cæsar, ut populi liberi vere essent liberi, nec a provinciarum administratoribus regerentur, sed propriis legibus et magistratibus uterentur, in eos Piso imperium sibi vindicavit.

exercitu, provincia consulari? Quas res gesserit, quaero: qui, ut venit, statim....⁵ nondum commemoro rapinas, nondum exactas pecunias, non captas, non imperatas, non neces sociorum, non caedem hospitum, non perfidiam, non immanitatem, non scelera praedico: mox, si videbitur, ut cum fure, ut cum sacrilego, ut cum sicario, disputabo; nunc meam spoliata fortunam conferam cum florente fortuna imperatoris. Quis umquam provinciam cum exercitu obtinuit, qui nullas ad senatum literas miserit? tantam vero provinciam cum tanto exercitu, Macedoniam praesertim, quae tantis barbarorum gentibus attingitur, ut semper Macedonicis imperatoribus iidem fines provinciae fuerint, qui gladiorum⁶ atque pilorum; ex qua aliquot praetorio imperio, consulari quidem nemo rediit, qui incolumis fuerit; qui non triumpharit. Est hoc novum; multo illud magis: appellatus est hic vulturius⁷ illius provinciae (si diis placet) imperator⁸!

XVII. Ne tum quidem, Paulle noster¹, tabulas² Romanam cum laurea mittere audebas? Misi, inquit. Quis umquam recitavit? quis, ut recitarentur, postulavit? Nihil enim mea refert, utrum tu, conscientia oppressus scelerum tuorum, nihil umquam ausus sis scribere ad eum ordinem, quem despexeras, quem afflixeras, quem deleveras, an amici tui tabulas abdiderint, iidem-

5. *Lagomarsini*. hic, ut alias in hac oratione, esse lacunam putat. J. V. L.

6. *Gladiorum*. Certi nunquam fuere Macedoniae fines, nisi qui armis et virtute romanorum imperatorum statuerentur.

7. *Vulturius*. Praedo ac direptor.

8. *Imperator*. Honorificentissimum nomen illud ab exercitu, aut a senatu iis imponebatur, qui facinore quodam

illustri inclamaverant. Piso illud ab exercitu suo sibi dandum curaverat.

XVII. 1. *Paulle noster*. Paullum Æmilium intelligit, qui de Perseo Macedoniae rege triumphum egerat. — *Cum laurea*. Mos hic ducibus erat, ut literas lauris involutas ad senatum mitterent, quam victoriam reportaverant.

2. *Lallem*. hic et infra, *tabellas*.

que silentio suo temeritatem atque audaciam³ tuam condemnarint. Atque haud scio, an malim te videri nullo pudore fuisse in literis mittendis, amicos⁴ tuos plus habuisse et pudoris, et consilii, quam aut te videri pudentio⁵rem fuisse, quam soles, aut tuum factum non esse condemnatum iudicio amicorum. Quod si non tuis nefariis in hunc ordinem contumeliis in perpetuum tibi curiam praeclusisses; quid tandem erat actum, aut gestum in illa provincia, de quo ad senatum cum gratulatione aliqua scribi abs te oporteret? vexatio Macedoniæ? an oppidorum turpis amissio? an sociorum direptio? an agrorum depopulatio? an munio Thessaloniciæ⁶? an obsessio militaris viæ? an exercitus nostri interitus, ferro, fame, frigore, pestilentia? Tu vero, qui ad senatum nihil scripseris, ut in urbe nequior inventus es, quam Gabinius; sic in provincia paullo tamen, quam ille, demissior. Nam ille⁷ gurgēs atque helluo, natus abdomini suo, non laudi atque gloriæ, quum equites romanos in provincia, quum publicanos, nobiscum et voluntate et dignitate⁸ conjunctos, omnes fortunis, multos fama vitæque priuasset, quum egisset aliud nihil in illo exercitu, nisi

3. *Temeritatem atque audaciam.* Quum ausus sis ad senatum scribere, postquam impedimento fuisses, ne decretis a se latis obtemperaret.

4. *Al. an, am.*

5. *Pudentio⁵rem.* In literis scil. mittendis ex utraque parte Piso ab oratore vehementer urgetur; si literas misit, impudens est; si contra nihil scripsit, hoc silentio confitetur, se de senatu male fuisse meritum, quum non sustinerit ad eum literas mittere.

6. *Thessaloniciæ.* In orat. de Prov. consular. dicit Thessalonicienses, positis in gremio imperii nostri, relin-

quere oppidum, et arcem munire fuisse coactos.

7. *Nam ille gurgēs.* Gabinius gula et luxuriæ deditus, ut ad solam voluptatem natus esse videtur, qui tamquam gurgēs et vorago quasdam non solum patrimonium, sed etiam reipublice bona absorbit.

8. *Nobiscum et voluntate et dignitate conjunctos.* Publicanos cum senatus voluntate conjunctos appellat, quia ipse Tullius in consulatu equites, atque adeo publicanos a senatu dissidentes ad concordiam pacemque reuocarat.

ut urbes depopularetur, agros vastaret, exhauriret domos, ausus est (quid enim ille non auderet?) a senatu supplicationem per literas postulare.

XVIII. O dii immortales! tune etiam, atque adeo vos, geminæ voragine¹ scopulique reipublicæ, vos meam fortunam deprimitis? vestram extollitis? quum de me ea senatusconsulta absente facta sint, eæ conciones habitæ, is motus fuerit municipiorum et coloniarum omnium, ea decreta publicanorum, ea collegiorum, ea denique generum ordinumque omnium, quæ ego non modo optare numquam auderem, sed cogitare non possem? vos autem sempiternas foedissimæ turpitudinis notas subieritis? An ego, si te et Gabinium² cruci suffixos viderem, majore afficerer lætitia ex corporis vestri laceratione, quam afficior ex famæ³? Nullum est supplicium putandum, quo affici casu aliquo etiam boni viri fortesque possunt. Atque hoc quidem etiam isti tui dicunt⁴ voluptarii, Græci⁵: quos utinam ita audires, ut erant audiendi! numquam te in tot flagitia ingurgitasses⁶. Verum audis in præsepibus; audis in stupris⁷; audis in cibo et vino. Sed dicunt isti ipsi, qui mala dolore, bona voluptate definiunt, sapientem, etiamsi in Phalaridis tauro inclu-

XVIII. 1. *Geminæ voragine*. Qui tamquam voragine reipublicæ bona exhaustis; et in quos reipublicæ navis tamquam in scopulos impacta naufragium passa est.

2. *Si te et Gabinium*. Ostendit mortem non esse supplicium, si contingat innocenti; atque adeo ne suum quidem exilium infame fuisse, quod ipsi propter servatam rempublicam et compressos Catilinæ furores est illatum.

3. *Ex famæ*. Al. *infamia*. Subaud. ex laceratione famæ.

4. *Dicunt*. Supplicium in culpam ponentes; ubi vero culpa absit supplicium non putantes.

5. *Græci*. Epicurei, qui summum hominis bonum in una voluptate posuerunt. En.

6. *Ingurgitasses*. Numquam te in hanc faciem tuam involutasses, e qua nunc emergere non potes.

7. *Audis in stupris*. Si quid honesti proferunt et suadent, aures tibi obsecras; ad id unum intentus, quæ de corporis voluptatibus turpissimis argumentantur. En.

sus, succensis ignibus torreatur, dicturum tamen, suave illud esse, seque ne tantulum quidem commoveri. Tantam virtutis esse vim voluerunt, ut non posset umquam esse vir bonus non beatus. Quæ est igitur poena? quod supplicium? Id, mea sententia, quod accidere nemini potest, nisi nocenti, suscepta fraus⁸, impedita et oppressa mens conscientia, bonorum omnium odium, nota justî senatus⁹, amissio dignitatis.

XIX. Nec mihi ille M. Regulus¹, quem Carthaginienses, resectis palpebris, illigatum in machina, vigilando necaverunt, supplicio videtur affectus; nec C. Marius, quem Italia servata² ab illo, demersum in Minturnensium paludibus, Africa devicta ab eodem, expulsum et naufragum vidit. Fortunæ enim ista tela sunt, non culpæ; supplicium autem est poena peccati. Neque vero ego, si umquam vobis mala precarer, quod sæpe feci³ (in quo dii immortales meas preces audiverunt), morbum, aut mortem, aut cruciatum precarer. Thyestea ista exsecratio est, poetæ⁴, vulgi animos, non sapientum, moventis :

Ut tu naufragio expulsus, uspiam saxis fixus asperis,
Evisceratus latere penderes (ut ait ille), saxa spargens tabo,
Sanie, sanguine atro.....

8. *Suscepta fraus*. Pro Rosc. Amer. «sua quemque fraus et suus terror maxime vexat».

9. Faern. conj. *inusta a senatu*.

XIX. 1. *M. Regulus*. Ex historia notum, unde ortum sit tam grave Carthaginiensium in Regulam odium; Cicero nusquam illud factum in dubium adducit, quamvis de eo numquam Polybius mentionem fecerit.

2. *Italia servata ab illo*. Devictis Cimbris et Teutonibus, qui se per

Alpes magnis copiis jam effuderant.

3. *Quod sæpe feci*. Adnotandum est hic, Romanos Græcosque numquam erubuisse, si odium vindictæque cupidinem palam proferrent. Versus sequentes, et multa alia, quæ Cicero hic profatur, in Tusculanis quoque versantur. Versus alio modo scripti apparent, neque constat qua ratione sint disponendi.

4. *Poetæ*. Ennii, qui Thyesteam fabulam condiderat.

Non ferrem omnino moleste⁵, si ita accidisset; sed id tamen esset humanum. M. Marcellus, qui ter consul fuit, summa virtute, pietate, gloria militari, periit in mari; qui tamen ob virtutem gloriæ laude vivit. In fortuna quadam est illa mors, non in poena, putanda. Quæ est igitur poena? quod supplicium? quæ saxa? quæ cruces⁶? Ecce, duo duces in provinciis populi romani habere exercitus, appellari imperatores; horum alterum sic fuisse infirmatum conscientia scelearum et fraudum suarum, ut ex ea provincia, quæ fuerit ex omnibus una maxime triumphalis, nullas sit ad senatum literas mittere ausus. Ex qua provincia modo vir omni dignitate ornatissimus, L. Torquatus, magnis rebus gestis, me referente⁷, ab senatu imperator est appellatus⁸; unde his paucis annis Cn. Dolabellæ⁹, C. Curionis, M. Luculli justissimos triumphos vidimus: ex ea, te imperatore, nuntius ad senatum allatus est nullus. Ab altero allatæ literæ,

5. *Omnino moleste.* Non dolesem si ita contigisset, ut uterque vestrum naufragio periisset; sed tamen naufragium non tam propter scelera, quam propter humanam conditionem evenisse videretur. Atque non omnino gauderem, si illud supplicium fuisset vobis a diis immortalibus irrogatum.

6. *Quæ saxa? quæ cruces?* Saxorum et crucis mentionem facit, quod his suppliciis damnati maxime plecterentur.

7. *Me referente.* Me consule ad senatum referente. Fuerat autem Cicero octo annis consul, ante secundum Pompeii et Crassi consulatum, quibus cosa. hæc habita est oratio.

8. Alii, «absens imp. sit app.»

9. *Cn. Dolabellæ.* Cn. Dolabella consul anno 672, a Macedonia duo-

bus abhinc annis triumphavit. C. Scribonius Curio, consul anno 677, Macedoniam provinciam impetravit, et a Dardanis triumphum reportavit ann. 68a. M. Terentius Varro Lucullus, frater L. Luculli, a Terentio quodam adoptatus, anno 68o fuit consul, et de iisdem populis egit triumphum. Sic omnes proconsules in Macedoniam missi, triumphum egerunt, excepto L. Torquato, quamvis eandem potestatem fuisset sortitus, et appellatus fuisset imperator. Hoc Schützium adduxit, ut legendum inf. proponeret, «nemo fere rediit». Sed hoc non huic loco congruere mihi videtur, et multo rectius est conjicere Ciceronem primo tamquam oratorem loquentem, deinde ad veritatem fuisse reversum, ut sæpe aliis in locis.

recitatae; relatum ad senatum. Dii immortales! idne ego optarem ¹⁰, ut inimicus meus, ea, qua nemo umquam, ignominia notaretur? ut senatus is, qui in eam jam benignitatis consuetudinem venit, ut eos, qui bene rempublicam gesserint, novis honoribus afficiat, et numero dierum ¹¹, et genere verborum; hujus unius literis nuntiantibus ¹² non crederet? postulanti-
bus denegaret?

XX. His ego rebus pascor¹, his delector, his perfruo: quod de vobis hic ordo opinatur non secus ac de teterrimis hostibus; quod vos equites romani, quod ceteri ordines, quod cuncta civitas odit; quod nemo bonus, nemo denique civis est, qui modo se civem esse meminerit, qui vos non oculis fugiat, auribus respuat, animo aspernetur², recordatione denique ipsa consulatus vestri perhorrescat. Hæc ego semper de vobis expetivi, hæc optavi, hæc precatus sum. Plura etiam acciderunt, quam vellem: nam, ut amitteretis exercitum, numquam mehercule optavi. Illud etiam accidit præter optatum meum; sed valde ex voluntate. Mihi enim non venerat in mentem, furorem et insaniam optare vobis, in quam incidistis. Atqui fuit optandum. Me tamen³ fugerat, deorum immortalium has esse in impios et consceleratos poenas certissimas constitutas⁴. Nolite enim putare, patres conscripti, ut in scena videtis, homines consceleratos

10. Ernest. conj. «quidni ego optarem, etc. = Infelicititer.

11. *Numero dierum.* Quibus diebus supplicatio, ad deorum pulvinaria indicitur.

12. *Nuntiantibus.* Res a Gabinio gestas in Syria.

XX. 1. *His ego rebus pascor.* Rebus illis ego maxime delector. Quæ

odium meum quodam modo sustentant et accendunt.

2. *Animo aspernetur,* etc. Eadem pæne de Vatinius dixit, quum demonstraret omnibus esse visum.

3. Ernest. vult addere non. Iterum male. J. V. L.

4. *Certissimas constitutas.* Faernus delet verbum constitutas.

impulsu deorum terri Furiarum tædis ardentibus. Sua quemque fraus, suum facinus, suum scelus, sua audacia de sanitate ac mente deturbat. Hæ sunt impiorum furia, hæ flammæ, hæ faces. Ego te non vecordem, non furiosum, non mente captum, non tragico illo Oreste⁵ aut Athamante⁶ dementiorem putem, qui sis ausus primum facere⁷; nam id est caput; deinde paullo ante, Torquato, gravissimo et sanctissimo viro, premente, confiteri, te provinciam Macedoniam, in quam tantum exercitum transportasses, sine ullo milite reliquisse? Mitto de amissa maxima parte exercitus. Sit hoc infelicitatis tuæ. Dimittendi vero exercitus quam potes afferre causam? quam potestatem habuisti? quam legem? quod senatusconsultum? quod jus? quod exemplum? Quid est aliud furere, nisi non cognoscere homines⁸, non cognoscere leges, non senatum, non civitatem? cruentare corpus suum⁹? major hæc est vitæ, famæ, salutis suæ vulneratio. Si familiam tuam dimisisses, quod ad neminem, nisi ad ipsum te¹⁰, pertineret, amici te tui

5. *Oreste.* Notissima de Oreste matricida fabula est, qui tædis ardentibus semper terrebat.

6. *Athamante.* Æoli filius fuit: ad id eam Junonis ira impulit, ut filios morti daret.

7. *Primum facere.* Primum dimittere exercitum, et sine ullo milite provinciam relinquere, deinde etiam in senatu confiteri.

8. *Nisi non cognoscere homines.* Alii nisi delent: ego omnino retinendum puto; ut sit interpretatio verbi *furere*: neque hic tantum, sed alibi quoque sic est Cicero loquutus, ut in Lælio: « Quid est aliud, cum diis gigantum more bellare, nisi naturæ repugnare? »

9. *Cruentare corpus suum.* An aliquis, furere, dixerit esse, cruentare corpus suum? at hæc vitæ, famæ, salutis suæ major vulneratio est. Nonnulli addunt, *leve est*: ut legatur: « cruentare corpus suum leve est ». Sensus vero mihi planior videtur, si sic intelligas: Quid est aliud furere, nisi non cognoscere homines, non cognoscere leges? non senatum, non civitatem? deinde vero subjungatur: An hoc est furere, cruentare corpus suum? major hæc est vitæ, famæ, salutis suæ vulneratio. Fuit sine dubio, *leve est*, glossema hominis imperiti.

10. *Nisi ad ipsum te, pertineret.* Tamquam ad solum dominum servi; sed quum dimissio exercitus ad temp.

constringendum putarent : præsidium tu populi romani, custodiam provinciæ, injussu populi senatusque dimisisses, si tuæ mentis compos fuisses?

XXI. Ecce tibi alter¹, effusa jam maxima præda, quam ex fortunis publicanorum², ex agris urbibusque sociorum exhauserat, quum partim ejus prædæ profundæ libidines devorassent, partim nova quædam et inaudita luxuries, partim³ etiam in illis locis, ubi omnia diripuit, emptiones, partim permutationes ad hunc Tusculanum montem⁴ exstruendum; quum jam egeret, quum illa ejus immensa et intolerabilis ædificatio constitisset⁵, se ipsum, fasces suos, exercitum populi romani⁶, numen interdictumque deorum immortalium, responsa sacerdotum⁷, auctoritatem senatus, jussa populi, nomen ac dignitatem imperii, regi Ægyptio vendidit. Quum fines provinciæ tantos haberet, quantos voluerat, quantos optaverat, quantos mei capitis pretio periculoque emerat⁸; his se tenere non

pertineat, eo majori dignus animadversione videris.

XXI. 1. *Ecce tibi alter.* Gabinii furorem ex eo describit, quod expiatione Syriæ non satiat, se Ptolemæo, Alexandria regi, cum exercitu, mercede pacta addixerit.

2. *Ex fortunis publicanorum.* Publicani erant equites romani: equestris autem ordinis inimicissimus Gabinus; itaque dixit consul, quod in ea pro Sextio, et in ea post Red. in sen. scriptum est: Equites romanos daturus illius diei poenas, quo, me consule, cum gladiis in clivo Capitolino fuissent. In Syria vero proconsul, quantum in eo fuit, publicanos afflixit, se perdidit.

3. *Partim.* Verbum illud usurpatur pro *partem*. Rarissime occurrit sic positum.

4. *Montem.* Al. addunt *in monte*. Villa erat mortui similior quam domus. J. V. L.

5. *Intolerabilis ædificatio constitisset.* Non potuisset absolvi propter nimios sumptus.

6. *Exercitum populi romani.* Ptolemæus Anletes, Alexandria rex, a suis expulsus, a senatu auxilium petiverat, ut in regnum restitueretur. Sibyllini autem libri prohibebant, ne cum armis remitteretur. Gabinus vero renuente senatu, se ipsum obtulit mercede pacta, exercitumque in Egyptum traduxit; sic cæsi Alexandrini, Ptolemæusque in regnum fuit restitutus.

7. *Responsa sacerdotum.* Quia libri Sibyllini vetabant. Dio, lib. XXXIX.

8. *Emerat.* A tribuno pl. Clodio, qui legem tulit de Macedonia Pisoni, Syria Gabinio tradenda.

potuit: exercitum eduxit ex Syria. Qui licuit extra provinciam? Tribuit se mercenarium comitem regi Alexandrino. Quid hoc turpius? In Ægyptum venit; signa contulit cum Alexandrinis. Quando hoc bellum, aut hic ordo, aut populus suscepit? Cepit Alexandriam. Quid aliud exspectamus a furore ejus, nisi ut ad senatum tantis de rebus gestis literas mittat? Hic si mentis esset suæ, nisi pœnas patriæ diisque immortalibus eas, quæ gravissimæ sunt, furore atque insania penderet; ausus esset (mitto exire de provincia) educere exercitum, bellum sua sponte gerere, in regnum injussu populi aut senatus accedere? quæ quum plurimæ leges veteres, tum lex Cornelia⁹ majestatis, Julia de pecuniis repetundis, planissime ventant. Sed hæc omitto. Ille, si non acerrime fureret, auderet¹⁰ quam provinciam P. Lentulus¹¹ amicissimus huic ordini, quum et auctoritate senatus, et sorte¹² haberet, interposita religione¹³, sine ulla dubitatione deposuisset, eam sibi adsciscere¹⁴, quum, etiamsi religio non impediret, mos majorum tamen, et exempla, et gravissimæ legum pœnæ vetarent?

XXII. Sed, quoniam fortunarum contentionem facere coepimus; de reditu Gabinii omittamus: quem etsi sibi ipse præcidit¹, ego tamen, os ut videam

9. *Lex Cornelia*. Quam L. Cornelius Sulla, et Julius Cæsar primo consulatu tulerant.

10. *Al. audiret*. J. V. L.

11. *P. Lentulus*. Qui tunc Ciliciam administrabat.

12. *Sorte*. Consules provincias sortiri solitos esse, nemo nescit: ex qua sortitione Lentulus Ciliciæ præerat, Q. Metellus Nepos, qui collega ejus fuerat Hispaniæ; quo modo igitur sorte habebat Ægyptum? an, quia, quum de restituendo rege cogitaret

senatus, eamque provinciam de more sorti committendam putaret, Lentuli, quia propinquus erat Ægypto, et aliorum nomina in urnam conjecerat?

13. *Interposita religione*. Quæ vetabat conscribi exercitum in rege restituendo: religionis enim nomine significantur Sibyllæ versus, quos tunc evolvebant.

14. *Al. tum adsc.* J. V. L.

XXII. 1. *Sibi ipse præcidit*. Effecit ipse suis sceleribus, ne redire posset. — *Al. ipsi*.

hominis², exspecto. Tuum, si placet, reditum cum meo conferamus. Ac meus quidem is fuit, ut a Brundisio usque Romam agmen perpetuum totius Italiæ³ viderem. Neque enim regio fuit ulla, neque municipium, neque præfectura, aut colonia⁴, ex qua non publice ad me venerint gratulatum. Quid dicam adventus meos? quid effusiones hominum ex oppidis? quid concursum ex agris patrum familias cum conjugibus ac liberis? quid eos dies, qui, quasi deorum immortalium festi atque solemnes, sunt adventu meo redituque celebrati? Unus ille dies mihi quidem immortalitatis instar fuit⁵, quo in patriam redii, quum senatum egressum⁶ vidi, populumque romanum⁷ universum, quum mihi ipsa Roma prope convulsa sedibus suis, ad complectendum conservatorem suum procedere visa est. Quæ me ita accepit, ut non modo omnium generum, ætatum, ordinum omnes viri ac mulieres⁸, omnis fortunæ ac loci, sed etiam mœnia ipsa viderentur et tecta urbis ac templa lætari. Me consequentibus diebus in ea ipsa domo, qua tu me expuleras, quam expilaras, quam incenderas, pontifices, consules, patres conscripti collocaverunt, mihi-

2. *Os ut videam hominis.* Impudentiam ejus, qui redire audeat.

3. *Totius Italiæ.* Hominum qui reditus mei fama excitati, obviam mihi honoris causa venerant.

4. *Aut colonia.* Sic quoque, in oratione pro Sextio et aliis etiam, municipia, præfecturas, colonias distinguit.

5. *Immortalitatis instar fuit.* Illo die tantam percepi voluptatem, tantum fructum civium amoris, ut immortalitate frui et cælum viderer attingere. Magnam lætitiā declaraturi veteres,

dicebant sibi non jam immortalitatem optari, quasi ea fruerentur.

6. *Senatum egressum.* Egredi solebat senatus, ut exciperet triumphantes, quod est vulgatum; similis porro reditus imperatorum sæpe a panegyristis describitur.

7. *Populumque romanum.* Abest a Vaticano vox universum.

8. *Omnes viri ac mulieres.* Ita hujusmodi publicæ lætitiæ significatione distinctam ætatem ac sexuum faciunt mentionem, quod ita tenerior quidem affectus ostendi videatur.

que, quod ante me nemini, pecunia publica ædificandam domum censuerunt⁹.

Habes redditum meum. Confer nunc vicissim tuum, quandoquidem, amisso exercitu, nihil incolume domum, præter os illud¹⁰ pristinum tuum, retulisti: qui primum, qua veneris cum laureatis tuis lictoribus¹¹, quis scit? quos tum Mæandros, dum omnes solitudines persequeris, quæ diverticula flexionesque quæsisisti? Quod te municipium vidit? quis amicus invitavit? quis hospes adspexit? Nonne tibi nox erat pro die? non solitudo pro frequentia? caupona pro oppido? non ut redire ex Macedonia nobilis impera-

9. *Censuerunt.* Hæc Cicero oratorio more, non historia, videtur posuisse: nam multis ætatibus ante Ciceronem nulli id contigisse verum est. Nemini vero umquam antea videamus, ne parum caute dicamus; antiquis enim temporibus pluribus idem contigit. Valerio Maximo, ut Antias tradidit, inter alios honores domus quoque publice ædificata est in Palatio; cujus exitus, quo magis insignis esset, in publicum versus declinaretur, hoc est, extra privatum aperiretur. Varronem autem tradere, M. Valerio, quia sæpius vicerat, ædes in Palatio tributas, L. Higinus dicit in libro priore de viris claris; P. Valerio Volesi filio Publicolæ ædes publicas sub Velia, ubi nunc ædes Victoriæ est, populum ex lege, quam ipse tulerat, concessisse tradunt, et Antiochi regis filio obsidi domum publice ædificatam, inter quos Atticus in Annalibus, quæ postea dicitur Lucilii poetæ fuisse. Varro quoque in lib. III, de vita populi romani, quo loco refert, quam gratus fuerit erga benemeritos, dicit, Mutini, quod in Sicilia cum equitatu suo transierat ad nos, civitatem Romæ datam, ædes-

que, et pecuniam ex ærario. Videamus tamen, num ideo Cicero dicat sibi, quod antea nulli, domum pecunia publica ex ærario ædificatam, quia illis aut locus publice datus sit, aut domus quæ non fuerat eorum, neque propter illos publico sumptu ædificata; Ciceroni domus, quæ fuerat ipsius, et diruta atque incensa erat et consecrata, publico sumptu ædificata sit; quod novum et huic primo, et adhuc etiam soli contigit.

10. *Præter os illud pristinum.* Præter illam tuam impudentiam, vel etiam præter illam affectatam severitatem flagitia tuæ frontis nebulis obtegentem. Os et pro pudore, et pro impudentia sæpe reperitur.

11. *Qui primum, qua veneris cum laureatis tuis lictoribus.* Imperatores post adeptam victoriam lictorios fasces habebant lauri foliis involutos; Piso ab exercitu dictus imperator eos obtinebat, quod redditui magnum splendorem afferre poterat, nisi scelerum conscientia vexatus, latebras et diverticula de industria quæsisset. Hinc igitur expetitam præ scelerum conscientia redditus obscuritatem ostendit,

tor, sed ut mortuus infamis referri videretur. Romam vero ipsam foedavit¹² adventus tuus.

XXIII. O familiae¹, non dicam Calpurniae, sed Calventiae; neque hujus urbis, sed Placentini municipii; neque paterni generis, sed braccatae cognationis² dedecus! quemadmodum venisti? quis tibi, non dicam horum, aut civium ceterorum, sed tuorum legatorum obviam venit? Mecum enim L. Flaccus³, vir tua legatione indignissimus⁴, atque iis consiliis, quibus mecum in consulatu meo conjunctus fuit ad conservandam rempublicam, dignior, mecum fuit tum, quum te quidam non longe a porta cum lictoribus errantem⁵ visum esse narraret⁶: scio item virum fortem in primis, belli ac rei militaris peritum, familiarem meum, Q. Marcium⁷, quorum tu legatorum praelio imperator appellatus eras, quum non longe abfuisses⁸, adventu isto tuo domi fuisse otiosum. Sed quid ego

quod licet laureatos fasces haberet, nemo tamen eum redire cognoverit.

12. *Foedavit*. Quasi cadaver illatum funestavit. Urbem illatis cadaveribus funestari credebant: quo sensu capio illud sexti *Eneidos*, 150: « totamque incestat funere classem ».

XXIII. 1. *O familiae, non dicam Calpurniae, sed Calventiae*. Gravi exclamazione Pisonis indignitatem ostendit; quippe qui dedecori fuerit non solum nobilissimae Calpurniorum familiae, sed etiam obscurae Calventiae, a Gallis et barbaris oriundae.

2. *Braccatae cognationis*. Galliae Transalpinae: unde Pisonis maternus avus in Italiam profectus, Placentiae conaederat. Braccatae cognomen erat Transalpinae Galliae, Togatae Cisalpinae, utriusque generis vestis.

3. *Mecum enim L. Flaccus*, etc. Alii addunt *tum*. — Qui praetor fue-

rat Cicerone consule, et pro eo exstat oratio.

4. *Vir tua legatione indignissimus*. Qui propter dignitatem splendoremque virtutum, indignam te proconsule obii legationem, et vir fortissimus sub imperatore inertissimo militavit. Hic porro est L. Valerius Flaccus, qui legatos Allobrogum cum literis conjuratorum in ponte Milvio deprehendit, quare consiliis secum conjunctum fuisse dicit orator in suo consulatu; vide Catilinariam tertiam, et ipsam quae pro eodem Flacco exstat orationem.

5. *Errantem*. Omnes solitudines persequentem, et diverticula quaerentem.

6. *Narraret*. Al. *narrabat*. J. V. L.

7. *Q. Marcium*. Multi in hoc errare. Putandum est hunc fuisse Q. Marcii regis filium, qui consulatum cum L. Caecilio Metello gessit.

8. Ernest. malit *abesses*. J. V. L.

enumero, qui tibi obviam non venerint? dico⁹ venisse pæne neminem, ne de officiosissima quidem natione candidatorum, quum vulgo essent, et illo ipso, et multis ante diebus, admoniti et rogati. Togulæ¹⁰ lictoribus ad portam præsto fuerunt: quibus illi acceptis, sagula rejecerunt, et catervam imperatori suo novam præbuerunt. Sic iste, tanto exercitu, tanta provincia, triennio post, Macedonicus imperator, in urbem se intulit, ut nullius negotiatoris obscurissimi reditus umquam fuerit desertior. In quo me tamen, qui esset paratus ad se defendendum, reprehendit. Quum ego Coelimontana porta introisse dixissem, sponsione me¹¹, ni Esquiliana introisset, homo promptissimus laccessivit: quasi vero id aut ego scire debuerim, aut vestrum quispiam audierit, aut ad rem pertineat, qua tu porta introieris, modo ne triumphali¹²; quæ porta Macedonicis semper proconsulibus ante te patuit. Tu inventus es, qui consulari imperio præditus, ex Macedonia non triumphares.

XXIV. At audistis, patres conscripti, philosophi vocem¹. Negavit se triumphi cupidum umquam fuisse. O scelus², o pestis, o labes! quum exstinguerebas senatum³, vendebas auctoritatem⁴ hujus ordinis,

9. *Dico venisse.* Al. *qui dico venisse*; *quid dico.* J. V. L.

10. *Togulæ.* Ut togati quum essent, venisse obviam viderentur.

11. *Sponsione me.* Ut sponsione contenderem, ni Esquiliana, non ut ego dixeram, Coelimontana, introisset. De sponsionibus alio loco.

12. *Triumphali.* Jocatur in ambiguo; nam Triumphalis porta Romæ erat, qua proconsules Macedonici triumphantes introibant, unde nomen: et eam, qua introivit Piso, ideo negat esse triumphalem, quia consulari præ-

ditus imperio ex Macedonia non triumphavit. Triumphalem portam memorat Tacit. lib. V; Suetonius in Aug. Joseph. lib. VII; Dio, lib. LVI.

XXIV. 1. *Philosophi vocem.* Honores et omnia humana respicientia.

2. *O scelus.* Frequenter verbum illud pro scelurato usurpatur.

3. *Quum exstinguerebas senatum.* Quum omnem senatus potestatem penitus aufererebas; quum eam suis ipsis decretis parere prohibebas.

4. *Vendebas auctoritatem.* Factione provinciarum.

addicebas tribuno plebis consulatum tuum, rempublicam evertebas, prodebas caput⁵ et salutem meam una mercede provinciæ : si triumphum non cupiebas, cujus tandem rei te cupiditate arsisse defendes? Sæpe enim vidi, qui et mihi, et ceteris cupidiores provinciæ viderentur, triumphum nomine tegere atque velare⁶ cupiditatem suam. Hoc modo D. Silanus⁷ consul in hoc ordine, hoc meus etiam collega dicebat. Neque enim quisquam potest exercitum cupere, aperteque petere, ut non prætexat cupiditatem triumphum. Quod si te senatus populusque romanus aut non appetentem, aut etiam recusantem, bellum suscipere, exercitum ducere coegisset; tamen erat angusti animi atque demissi, justum triumphum honorem atque dignitatem contemnere. Nam, ut levitatis est⁸, inanem aucupari rumorem; ut, omnes umbras falsæ gloriæ etiam consecrari; sic levis est animi, lucem splendoremque fugientis, justam gloriam, qui est fructus veræ virtutis honestissimus, repudiare. Quum vero non modo non postulante atque cogente, sed invito atque oppresso senatu, non modo nullo populi romani studio, sed nullo ferente suffragium⁹ libero, provincia tibi ista manupretium¹⁰ fuerit non eversæ

5. *Prodebas caput.* Per summam perfidiam, me affinem tuum, quem in senatu sententiam rogabas tertium, quem in tuis comitiis honoris causa prærogativæ custodem præfeceras, a P. Clodio sinebas ejici de civitate.

6. *MS Faern. celare.* J. V. L.

7. *D. Silanus.* D. Junius Silanus consulatum adeptus est post Cicero-nem; quam autem provinciam tanto ambitu petierit, mihi non liquet: suspicor tamen eam provinciæ cupiditate rebus novis studuisse in suo consulatu: certe obtinuit Hispaniam.

8. *Num, ut levitatis est.* Totum hunc locum ita legit Pantagathus:

« Nam ut levitatis est inanem aucupari rumorem, omnes umbras etiam falsæ gloriæ consecrari; sic jejuni est animi lucem, splendoremque fugientis, justam gloriam, qui est fructus veræ virtutis honestissimus, repudiare. »

9. *Ferente suffragium libero.* Oratorie, quum paucos dicat legi curiæ ferendæ interfuisse.

10. *Manupretium.* Per contemptum, ut homini mercenario auctoramentum conceditur: merces et compensatio.

per te, sed perditæ¹¹ civitatis; quumque omnium tuorum scelerum hæc pactio exstiterit, ut, si tu totam rempublicam nefariis latronibus tradidisses¹², Macedonia tibi ob eam rem, quibus tu finibus velles, redderetur; quum exhauriebas ærarium¹³; quum orabas Italiam juventute; quum mare vastissimum hieme transibas: si triumphum contemnebas, quæ te, prædo amentissime, nisi prædæ ac rapinarum cupiditas tam cæca rapiebat? Non est integrum¹⁴ Cn. Pompeio, consilio jam uti tuo; erravit enim. Non gustarat istam tuam philosophiam. Ter jam homo stultus triumphavit. Crasse¹⁵, pudet me tui. Quid est, quod confecto per te formidolosissimo bello, coronam illam lauream¹⁶ tibi tantopere decerni volueris a senatu? P. Servili, Q. Metelle, C. Curio, P. Africane, cur non hunc audistis tam doctum hominem, tam eruditum, prius, quam in istum errorem induceremini? C. ipsi Pomptinio¹⁷, necessario meo, jam non est integrum: religionibus enim susceptis impeditur. O stul-

11. *Perditæ*. Turnebus emendat *proditæ*. J. V. L.

12. *Totam rempublicam nefariis latronibus tradidisses*. P. Clodio, ceterisque seditiosis, qui impune grassabantur in republica.

13. *Quum exhauriebas ærarium*. Stipendii et vasarii nomine: quantum stipendii nomine e reipublicæ visceribus eripuerit, non liquet: infra de vasario: « Nonne sestertium centies et octogies, quod quasi vasarii nomine in venditione mei capitis adscripseras, ex ærario tibi attributum ».

14. *Non est integrum*. Non est liberum, non licet Cn. Pompeio resilire, et triumphi honorem, quem tanti fecit, contemnere penitus, et a se deprecari.

15. *Crasse*. Dicit M. Crassum, qui bellum contra Spartacum confecit. Qua de causa Plutarchus scribit, ei permissum, ut ovans urbem iniret: quasi indignum esset de servis subactis triumphare.

16. *Lauream*. Quæ magnis gerebatur triumphis. M. Crassus bellum contra Spartacum absolverat. Huic triumphum minorem decrevit senatus, sed indixit, ut caput laurea circumdaretur, quum myrtea tantum corona huic triumpho vulgo adscriberetur. Paullo inf. occurrant voces illæ *P. Africani*. P. Manut. arbitratur mendum esse, et legendum, *M. Pupii*. Qui M. Pupius Piso de Hispanis triumphum egerat.

17. *C. ipsi Pomptinio*. Alii, *Pomptino*. J. V. L.

tos Camillos, Curios¹⁸, Fabricios, Calatinos, Scipiones, Marcellos, Maximos! o amentem Paullum! rusticum Marium! nullius consilii patres horum¹⁹ amborum consulum²⁰, qui triumpharunt!

XXV. Sed, quoniam præterita mutare non possumus, quid cessat hic homullus¹, ex argilla et luto fictus Epicureus, dare hæc præclara præcepta sapientiæ clarissimo et summo imperatori, genero² suo? Fertur ille vir, mihi crede, gloria; flagrat, ardet cupiditate justī et magni triumphī; non didicit³ eadem ista, quæ tu. Mitte ad eum⁴ libellum. Sed jam, si ipse coram congregari poteris, meditare, quibus verbis incensam illius cupiditatem comprimās atque restinguas. Valebis apud hominem volitantem gloriæ cupiditate, vir moderatus et constans; apud indoctum, eruditus; apud generum, socer. Dices enim, ut es homo facetus, ad persuadendum concinnus, perfectus, politus, e schola: Quid est, Cæsar, quod te supplicationes toties decretæ, tot dierum⁵, tantopere delectent? in quibus homines errore ducuntur; quas

18. *Camillos, Curios.* Longum nimis esset eorum triumphos referre, quippe qui optime historiis inclauerint.

19. *Horum.* Al. *istorum.* J. V. L.

20. *Amborum consulum.* Pompeii et Crassi. Pompeii pater de Picenis, Crassi vero de Lusitania egit triumphum.

XXV. 1. *Hic homullus.* Grævius deprehendisse se putat hic fragmenta poetæ, cujus versus hoc ordine digessit: « Quid cessat hic homulus ex Argilla atque luto fictus Epicureus, dare hæc Paratæ clara præcepta sapientiæ ». Quod vero nequaquam probandum videtur. Quo acrius Pisonem

derideat orator, verba usurpat a comicis usitata, sed quæ nullo modo ex versibus sint desumpta.

2. *Genero suo.* C. Cæsari, qui tunc in Gallia bellum gerebat. — *Fertur ille vir.* Quo fertur? scilicet ad magnas res gerendas; qua re fertur? gloriæ vivida cupiditate.

3. *Non didicit eadem ista, quæ tu.* Non iisdem, quibus tu, præclaris Epicuri præceptis imbutus est.

4. *Mitte ad eum libellum.* Litteras quibus eum a triumphī cupiditate, exemplo præsertim tuo, dehorteris.

5. *Tot dierum.* Quindecim: ut diximus ad eam de Provinciis consularibus.

dii negligunt⁶ : qui, ut noster ille divinus dixit Epicurus, neque propitii cuiquam esse solent, neque irati. Non facies fidem scilicet, quum hæc disputabis. Tibi enim et esse, et fuisse deos videbit⁷ iratos. Vertes te ad alteram scholam⁸; disseres de triumpho : Quid tandem habet iste currus? quid vincti ante currum duces? quid simulacra oppidorum? quid aurum⁹? quid argentum? quid legati in equis, et tribuni? quid clamor militum? quid tota illa pompa? inania sunt ista, mihi crede, delectamenta pæne puerorum, captare plausus, vehi per urbem, conspici velle. Quibus ex rebus nihil est, quod solidum tenere; nihil, quod referre ad voluptatem corporis possis. Quin tu me vides, qui, ex qua provincia T. Flamininus¹⁰, L. Paulus, Q. Metellus, T. Didius, innumerabiles alii, levi cupiditate commoti, triumpharunt, ex ea sic redii, ut ad portam Esquilinam¹¹, Macedonicam lauream conculcarim; ipse cum hominibus quindecim male vestitis ad portam Cœlimontanam¹² sitiens pervenerim : quo in loco mihi libertus, præclaro imperatori, domum ex hac die¹³ biduo ante conduxerat; quæ va-

6. *Quas dii negligunt.* Inducit Pisonem disputantem ex Epicuri sententia. Epicurus enim deos aiebat negligere mortalia.

7. *Al. videbis.* J. V. L.

8. *Vertes te ad alteram scholam.* Hoc est, ad alteram disputationem, seu dissertationem de triumpho.

9. *Quid aurum? quid argentum?* Duplex fuit aurum, quod in triumphis ferebatur, alterum ex manubiis, de qua voce Gellius in Noctibus Atticis consulendus : alterum coronarium.

10. *T. Flamininus.* Faernus legit, *Flaminius*, contra historiam; nam Flaminius gentis nomen est, Flamininus Quintiæ cognomen : porro quis

nescit hunc esse T. Quintium Flamininum, qui ex Macedonia et Philippo rege triumphavit?

11. *Esquilinam.* Esquilina introivit, inde ad Cœlimontanam, ubi ei conducta domus erat, profectus est.

12. *Ad portam Cœlimontanam.* Ciceronem Piso sponsione mimica lacesiverat, ni porta Esquilina introisset; lepide Cicero hic sibi repugnantia loquentem inducit; nam porta Esquilina introierat Piso, sed ad Cœlimontanam inde contenderat, ubi libertus ei domum conduxerat.

13. *Ex hac die.* Magis exprimit, et mihi tamen videtur abundare. Sed tamen fortasse antiquus loquendi mo-

cua si non fuisset, in campo Martio¹⁴ mihi tabernaculum collocassem. Nummus interea mihi, Cæsar, neglectis vehiculis triumphalibus, domi manet¹⁵, et manebit. Rationes ad ærarium¹⁶ retuli continuo, sicut tua lex jubebat: neque alia ulla in re legi tuæ parui. Quas rationes si cognoris, intelliges, nemini plus, quam mihi, literas profuisse: ita enim sunt perscriptæ scite et literate¹⁷, ut scribe, ad ærarium qui eas retulit, perscriptis rationibus, secum ipse, caput sinistra manu perficans, commurmuratus sit, « Ratio quidem hercle apparet, argentum οἷχεται¹⁸ ». Hac tu oratione, non dubito, quin illum jam adscendentem in currum possis revocare.

XXVI. O tenebræ, o lutum, o sordes, o paterni generis¹ oblite, materni vix memor²! ita nescio quid istuc fractum, humile, demissum, sordidum, inferius etiam est, quam ut Mediolanensi præcone, avo tuo, dignum esse videatur. L. Crassus, homo³ sapientis-

duc. Notatur autem avaritia, biduo tantum ante diem adventus conducta domo.

14. *In campo Martio.* Neminem significat esse in urbe, qui illum hospitio acceperisset.

15. *Domi manet.* Non distribuitur amicis, non in sumptus publicos erogatur, non in lautitias effunditur, sed domi manet defossus et absconditus.

16. *Rationes ad ærarium.* Statim atque in urbem me recepi, administratæ provinciæ, et acceptæ publico pecuniæ reddidi rationem. Qui aliquam administrant provinciam, rationem datæ, et expensæ pecuniæ, jam ante legem Julianam referebant.

17. *Scite et literate.* Tum callide ad tegenda mea furta, et rapinas, spoliationesque oppidorum.

18. *Ratio quidem hercle apparet, argentum οἷχεται.* Hic versus Plautinus ex Trinummo, sic in antiquo libro est, ut et apud Plautum, græca tamen voce latinis literis scripta hoc modo: « Ratio quidem hercule apparet, argentum œchete »: quod vero aliqui putaverunt legendum cum dictione *decoctum*, tu eorum sententiæ ne accedas; neque enim fides librorum, neque ratio versus cum illis facit.

XXVI. 1. *Paterni generis.* Calpurnii, nobilissimi.

2. *Vix memor.* Non solum a nobilissimo paterno genere prorsus degeneras: verum ne materno quidem, licet ignobili, plane respondes.

3. *Homo sapientissimus.* Qui triumphum tamen honorem contemnendum non putavit: quum tu, quasi illo sa-

simus nostræ civitatis, spiculis prope scrutatus est Alpes⁴, ut, ubi hostis non erat, ibi triumphi causam aliquam quæreret : eadem cupiditate vir summo ingenio præditus, C. Cotta, nullo certo hoste⁵, flagra- vit. Eorum neuter triumphavit; quod alteri illum honorem collega, alteri mors ademit. Irrisa abs te paullo ante M. Pisonis⁶ cupiditas triumphandi, a qua te longe dixisti abhorrere : qui etiamsi minus magnum bellum gesserat, ut abs te dictum est, tamen istum honorem contemnendum non putavit. Tu eruditior, quam Piso; prudentior, quam Cotta; abundantior consilio, ingenio, sapientia, quam Crassus, ea contemnis, quæ illi idiotæ, ut tu appellas, præclara duxerunt. Quod si reprehendis, quod cupidi laureæ fuerint, quum bella aut parva, aut nulla gessissent; tu, tantis nationibus subactis⁷, tantis rebus gestis, minime fructum laborum tuorum, præmia periculorum, virtutis insignia contemnere debuisti. Neque vero contempsisti, licet Themista⁸ sapientior, si os tuum ferreum senatus convicio verberari noluisti.

Jam vides, quandoquidem ita mihimet fui inimicus, ut me tecum compararem, et degressum meum, et

pietior, negaveris, te triumphi cupidum umquam fuisse.

4. *Alpes.* Quum citeriori Galliæ præcasset.

5. *Nullo certo hoste.* Gallos opinot devicerat: nam Marcus Tullius eum in Bruto scribit ex consulu in Galliam esse profectum.

6. *Irrisa abs te paullo ante M. Pisonis.* M. Pupii: nam licet Piso dicatur, Calpurniæ tamen gentis esse desiit, et in Pupiam transiit, adoptatus a M. Pupio; ut in oratione pro Domo. Pisonis cognomen, amissa gente, retinuit, jure et more adoptionis; hic

M. Piso triumphaverat ex Hispania.

7. *Tu, tantis nationibus subactis.*

Est ironia: non enim subegerat, sed barbaros in Macedoniam grassantes subigere debuerat; et, ut eum spectasse dicamus, quod numquam forsan cogitavit, videtur alludere ad Achaiam quam lege Julia liberam, tamen iutra provinciæ suæ fines inclusam misera servitute oppresserat, aut etiam ad urbes et gentes quas expilavit.

8. *Themista.* Multi in hoc nomine errare; mulierem significat philosophiæ studio nobilem, ad quam Epicurus sæpiissime literas scripserat.

absentiam, et reditum ita longe tuo præstitisse, ut mihi illa omnia immortalem gloriam dederint, tibi sempiternam turpitudinem inflixerint. Nunc etiam in hac quotidiana, assidua, urbanaque vita splendorem tuum⁹, gratiam, celebritatem domesticam¹⁰, operam forensem¹¹, consilium, auxilium, auctoritatem, sententiam senatoriam¹², nobis, aut, ut verius dicam, cuiquam es infimo¹³ ac desperatissimo antelaturus?

XXVII. Age, senatus odit te, quod eum tu facere jure concedis, afflictorem et perditorem non modo dignitatis et auctoritatis¹, sed omnino ordinis ac nominis sui; videre equites romani non possunt, quo ex ordine vir præstantissimus et ornatissimus² L. Ælius est, te consule, relegatus; plebs romana³ perditum cupit, in cujus tu infamiam ea, quæ per latrones et per servos de me egeras, contulisti; Italia⁴ cuncta exsecratur, cujus idem tu superbissime decreta et preces repudiasti. Fac hujus odii tanti ac tam universi periculum, si audes. Instant post hominum memoriam apparatus magnificientissimique ludi, quales non modo numquam fuerunt, sed ne quomodo fieri

9. *Splendorem tuum.* Privatis virtutibus quesitam claritatem.

10. *Celebritatem domesticam.* Frequentiam clientum, qui domum tuam matutina salutatione celebrent ac frequentent. Quia videlicet honorificum fuit multos habere clientes, qui mane ad salutandum accederent.

11. *Operam forensem.* Patrocinium in causis agendis ad splendorem civium pertinebat; unde et maximi quique operam in foro judiciisque navabant.

12. *Sententiam senatoriam.* Prudentiam et auctoritatem in dicenda sententia in senatu.

13. *Al. infirmissimo.* J. V. L.

XXVII. 1. *Auctoritatis.* Bene: nam,

ut frequenter diximus, majestas in populo, imperium in consule, auctoritas in senatu.

2. *Et ornatissimus.* Abest et ornatissimus. J. V. L.

3. *Plebs romana.* Infima plebs te odit, quod ipsius nomine exsilium mihi irrogaris, quod ad magnam plebis reddidit infamiam, licet non plebs romana, sed servi quidam et latrones legem Clodium de meo exilio suis suffragiis comprobarint.

4. *Italia cuncta.* Ex omni Italia; e municipiis et coloniis missi fuerant legati ad exsilium Tullio deprecandum; sed horum preces a Pisone et Gabinio repudiate fuerunt.

quidem posthac possint, possum ullo pacto suspicari. Da te populo⁵, committe ludis. Sibilum metuis? ubi sunt vestrae scholae⁶? Ne acclametur? ne id quidem est curare philosophi. Manus tibi ne afferantur, times. Dolor enim est malum⁷, ut disputas; existimatio, dedecus, infamia, turpitudine, verba sunt atque ineptiae. Sed de hoc non dubito: non audebit accedere ad ludos. Convivium publicum non dignitatis gratia inibit (nisi forte ut cum P. Clodio⁸, hoc est, cum amoribus suis coenet), sed plane animi sui causa: ludos nobis idiotis relinquet. Solet enim in disputationibus suis, oculorum et aurium delectationi abdominis voluptates anteferre.

Nam, quod vobis iste tantummodo improbus, crudelis olim⁹ furunculus, nunc vero etiam rapax, quod sordidus, quod contumax, quod superbus, quod fallax, quod perfidiosus, quod impudens, quod audax esse videatur; nihil scitote esse luxuriosius, nihil libidinosius, nihil posterius, nihil nequius. Luxuriam autem in isto nolite hanc cogitare: est enim quaedam, quamquam omnis est vitiosa atque turpis, tamen ingenuo ac libero dignior. Nihil apud hunc lautum, nihil elegans, nihil exquisitum; laudabo ini-

.5. *Da te populo.* Ingredere ad theatrum refertum populo, et te ipsum committe spectatoribus.

6. *Vestrae scholae.* Quae docent hanc contemnere.

7. *Dolor enim est malum.* Haec est celebris illa quaestio in omnibus prope philosophorum scholis, variis alterationibus agitata: alii, ut Aristoteles, dolorem malum quidem, sed non summum, et ipsum malum τὸ κακὸν esse censuerunt; alii, ut Stoici, dolorem neque in bonis, neque in malis,

sed in indifferentibus numerarunt, quamvis alicubi Seneca dolorem incommodum esse fateatur. Epicetetus et Aulus Gellius, lib. I, cap. 2, et alii passim consulantur. Alii, ut Epicurei, voluptatem summam bonum, dolorem summum malum esse duxerunt. Vide Nostrum, libris de Finibus bonorum et malorum, et alios passim.

8. *Lallem. patribus conscriptis.* J. V. L.

9. *Olim.* Ante quam provinciam haberet.

micum; ne magnopere quidem quidquam, præter libidines, sumptuosum. Toreuma nullum; maximi calices, et hi, ne contemnere suos videatur, Placentini; exstructa mensa, non conchyliis aut piscibus, sed multa carne subrancida. Servi sordidati ministrant; nonnulli etiam senes; idem coquus, idem atriensis; pistor domi nullus, nulla cella; panis et vinum a propola¹⁰ atque de cupa; Græci¹¹ stipati, quini in lectulis, sæpe plures; ipse solus, bibiturus¹², quæ eodem de solio¹³ ministrentur. Ubi galli cantum audit, avum suum revixisse putat: mensam tolli jubet.

XXVIII. Dicet aliquis, Unde tibi hæc nota sunt? Non mehercule contumeliæ causa describam quemquam, præsertim ingeniosum hominem atque eruditum, cui generi esse ego iratus, ne si cupiam quidem, possum. Est quidam Græcus¹, qui cum isto vivit, homo, vere ut dicam (sic enim cognovi), humanus, sed tamdiu, quamdiu cum aliis est², aut ipse secum. Is quum istum adolescentem, jam tum³ cum hac diis irata fronte, vidisset, non fugit ejus amicitiam, quum esset præsertim appetitus: dedit se in consuetudinem, sic ut prorsus una viveret, nec fere ab isto umquam

10. Alii dant *propala*. J. V. L.

11. *Græci*. Convictores ejus Epicuri philosophi.

12. MS Faern. « bibitur usque eo, dum de solio ministretur ». Ant. Ang. emendat tantum *de dolio*. J. V. L.

13. *De solio*. Semper in conviviiis se sicuti cœnæ regem gerebat. Hic sequimur Faerni MS lectionem. — *Galli cantum*. A Gallia oriundus erat Pisonis maternus avus, inde deprehendas quæ sit hæc circa verbum illud joctio.

XXVIII. 1. *Est quidam Græcus*. Philodemus, cujus exstare lasciva poe-

V. Cic. pars secunda.

mata dixit Asconius. Gadareum, id est, Syrum fuisse, auctor Strabo, lib. XVI. Nominatur a Laertio bis in Epicuro, et a Cicerone, lib. II de Fin. in extremo.

2. *Quamdiu cum aliis est*. Quamdiu cum ceteris versatur; quamdiu non est cum Pione: in ejus enim comenitudine ita se gerere cogitur, ut sui ipsius eruditionisque suæ oblitus esse videatur.

3. *Jam tum*. Vel in adolescentia fronte et supercilio ita severus erat Piso, non modo ut hominibus, sed ut diis ipsis iratus esse videretur.

discederet. Non apud indoctos, sed, ut ego arbitror, in hominum eruditissimorum et humanissimorum cœtu loquor. Audistis profecto dici, philosophos Epicureos, omnes res, quæ sunt homini expetendæ, voluptate metiri; recte, an secus, nihil ad nos; aut, si ad nos, nihil ad hoc tempus: sed tamen lubricum⁴ genus orationis, adolescenti non acriter intelligenti sæpe præceps. Itaque admissarius⁵ iste, simul atque audivit, a philosopho voluptatem tantopere laudari, nihil expiscatus est: sic suos sensus voluptarios omnes incitavit, sic ad illius hanc orationem adhinniit, ut non magistrum virtutis, sed auctorem libidinis a se illum inventum arbitraretur. Græcus primo distinguere atque dividere illa, quemadmodum dicerentur: iste claudus⁶, quomodo aiunt, pilam; retinere quod acceperat, testificari, tabulas obsignare velle, Epicurum disertum dicere⁷. Et tamen dictum opinor⁸, se nullum bonum intelligere posse, demptis corporis voluptatibus. Quid multa? Græcus facilis⁹ et valde venustus, nimis pugnax contra senatorem populi romani esse noluit.

XXIX. Est autem hic, de quo loquor, non philosophia solum, sed etiam literis, quod fere ceteros

4. *Lubricum*. Lubricum sane et in quo facile errent adolescentes, ætatis æstu abrepti; adolescentulo autem non maxime erudito ac perspicaci eo periculosum ac vere præceps, quia quæ sit vera voluptas non deprehendit. Adolescentem autem fuisse Pisonem jam dixit, quum Philodemi amicitiam appetivit.

5. *Admissarius*. Tamquam equus, qui rationis expertus, unam corporis voluptatem novit: ideo tamquam de equo sequitur, adhinniit.

6. *Iste claudus, quomodo aiunt, pilam*. Claudus pilæ tantum retinendæ

aptus est: similiter Piso tantum illud, quod audierat, voluptatem esse summum bonum, observavit, ac mente retinuit. Nec quidquam aliud audire valuit, quo de animi voluptate dici demonstraretur.

7. *Al. decernere*. J. V. L.

8. Alii, quos sequitur Grævius, «Est tamen: dicit, ut opinor». J. V. L.

9. *Græcus facilis*. Philodemus minime contumax, et omni humanitate perpolitus, et ad ungrem factus, Pisoni viro patricio et senatorio nimis refragari noluit.

Epicureos negligere dicunt, perpolitus. Poema¹ porro facit ita festivum, ita concinnum, ita elegans, nihil ut fieri possit argutius. In quo reprehendat eum licet, si qui volet, modo leviter, non ut impurum, non ut improbum, non ut audacem, sed ut Græculum, ut assentatorem², ut poetam. Devenit, aut potius incidit in istum, eodem deceptus supercilio, Græcus atque advena, quo tam sapiens et tanta civitas. Revocare se non poterat³, familiaritate implicatus; et simul inconstantiae famam verebatur. Rogatus, invitatus, coactus, ita multa ad istum de isto scripsit, ut omnes hominis libidines, omnia coenarum genera conviviorumque, adulteria denique⁴ ejus, delicatissimis versibus expresserit. In quibus, si quis velit, possit istius tamquam in speculo vitam intueri; ex quibus multa, a multis lecta et audita, recitarem, nisi vererer, ne hoc ipsum genus orationis, quo nunc utor, ab hujus loci more abhorreret: et simul de ipso, qui scripsit⁵, detrahi nolo. Qui si fuisset in discipulo comparando meliore fortuna, fortasse austerior et gravior esse potuisset; sed eum casus in hanc consuetudinem scribendi induxit, philosopho valde indignam: siquidem philosophia, ut fertur, virtutis continet, et officii, et bene vivendi disciplinam; quam qui profitetur, gravissimam mihi sustinere personam videtur. Sed idem

XXIX. 1. *Poema porro.* Supersunt de hoc poeta ferme triginta epigrammata, quibus deprehenditur, qualis eum fuisse testatur orator.

2. *Assentatorem.* Non adulatorem, sed assentatorem appellat: ea autem videtur esse inter utrumque distinctio, quod adulator omnia ad lucrum refert, et amicum bonis exhauriat, ejus, ut ita loquar, sanguinem exaugat; as-

sentator non spectet lucrum, sed tantummodo placere desideret.

3. *Revocare se non poterat.* Retrahere se, ut cum Catullo loquar, non potuit, et illum familiaritatis nexum dissolvere.

4. *Abest denique.* J. V. L.

5. *Simul de ipso, qui scripsit.* Philodemus nolo inurere impuritatis infamiam.

casus⁶ illum ignarum, quid profiteretur, quum se philosophum esse diceret, istius impurissimæ atque intemperantissimæ pecudis⁷ cœno et sordibus inquinavit.

Qui modo quum res gestas⁸ consulatus mei collaudasset; quæ quidem laudatio hominis turpissimi mihi ipsi erat pæne turpis: Non illa⁹ tibi, inquit, invidia nocuit, sed versus tui.—Nimis magna pœna¹⁰, te consule, constituta est, sive malo poetæ, sive libero.—Scripsisti enim¹¹, CEDANT ARMA TOGÆ.—Quid tum?—Hæc res tibi fluctus illos excitavit¹².—At hoc nusquam opinor scriptum fuisse in illo elogio, quod, te consule, in sepulcro reipublicæ incisum est, «Velit, jubeatis, ut, quod M. Cicero versum fecerit; sed¹³, quod vindicarit¹⁴.

6. *Sed idem casus.* Necessitas obsequendi et obtemperandi voluntati Pisonis, qui poetam illum jubebat ad versus libidinosos animum appellere. Casum appellat, quia non præviderat ex familiaritate Pisonis hanc sibi impudicitie necessitatem imminere.

7. *Istius impurissimæ atque intemperantissimæ pecudis.* Per pecudem aliquando hominem stolidum, aliquando voluptatibus deditum, intemperantem, impurum intelligunt.

8. *Qui modo quum res gestas.* Piso quum laudasset res gestas in meo consulatu, et Catilinæ conjurationem meis consiliis prudenter extinctam esse dixisset, subiecit me non propter res gestas, sed propter versus meos in invidiam venisse, adeoque impudens fuit, ut qui alium ad scribendos impudicos versus induxerat, reprehenderet meos. Dialogismo festivo et eleganti orationem illustrat.

9. *Al. ulla.* J. V. L.

10. *Nimis magna pœna.* Quando-

quidem res a me gestas laudas, non debuisti consul permittere, ut propter versus ejicerer e civitate: vel enim in meis versibus tibi libertas in loquendo, vel inconcinnitas displicebat: at neutrum causa fuit justa, cur exilium mihi sineres irrogari: quare nimis magna pœna te consule in meum caput est constituta.

11. *Al. Scr. enim versus.* J. V. L.

12. *Hæc res tibi fluctus...* excitavit. Hæc jactantia tibi offensionem Pompeii concitavit, et illos civilis invidiæ fluctus, qui in te redundarunt, dum Clodii lege ejectus es.

13. *Schütz.* verba hæc, *sed...* vindicarit, interpretis cujusdam esse putat. J. V. L.

14. *Quod vindicarit.* Quod conjuratos ultus est. Hoc verbo usum esse Clodium in lege, non fit verisimile, sed eum potius dixisse, «Quod cives rom. indicta causa condemnavit». Cicero ad suam laudem verbo mitiore usus est; qui ei mos est sollemnis.

XXX. Verumtamen¹, quoniam te non Aristarchum, sed Phalarim² grammaticum habemus, qui non notam apponas ad malum versum, sed poetam armis persequare³ : scire cupio, quid tandem isto in versu reprehendas, CEDANT ARMA TOGÆ. Tuæ dicis, inquit, togæ summum imperatorem⁴ esse cessurum. Quid nunc te, asine, literas doceam? non opus est verbis, sed fustibus. Non dixi hanc togam, qua sum amictus; nec arma, scutum et gladium unius imperatoris : sed, quod pacis est insigne et otii, toga; contra autem arma, tumultus atque belli; more poetarum loquutus, hoc intelligi volui, bellum ac tumultum paci atque otio concessurum. Quære ex familiari tuo, Græco illo poeta : probabit genus ipsum, et agnoscet, neque te nihil sapere mirabitur. At in illo altero, inquit, hæres, CONCEDAT LAUREA LAUDI⁵. Immo mehercule, habeo tibi gratiam. Hærerem enim, nisi tu me expedisses. Nam quum tu timidus, ac tremens⁶, tuis ipse furacissimis manibus⁷ detractam e cruentis fascibus⁸ lauream ad

XXX. 1. *Verumtamen*. Rationem reddit cur versum suum debeat explicare; nimirum Pisonis crudelitatem, qui non contentus grammaticorum more reprehendere versus malos, poetam armis fuerat persequutus.

2. *Phalarim*. Tyrannum omni immanitate atque atrocitate teterrimum.

3. *Poetam armis persequare*. Ut Phalaris Stesichorum poetam armis est persequutus: quanti tamen eum fecerit, ex ejusdem scriptis liquet. Stesichorus Phalarim e principatu suæ civitatis exegerat: ut constat ex ep. 94. Eum tamen sic observavit, ut redactum in potestatem non poena, sed beneficiis affecerit.

4. *Summum imperatorem*. Pompeium scilicet.

5. Sic fere omnes MSS et edd. pr. Quam lectionem optimi editores defenderunt. Lambinus primas e Quintil. XI, 1, substituit LINGUÆ. J. V. L.

6. *Timidus ac tremens*. Scelerum conscientia, et expectatione judicii de repetundis, quod putabas jam tuis cervicibus imminere.

7. *Tuis ipso furacissimis manibus*. Quibus Macedoniam expilaras: videtur iterum joculari; quasi esset ita furtis et spoliationibus assuetus, ut aliorum furtorum opportunitate privatus sibi temperare non posset, quin suos ipse fasces laurea spoliaret, instar illius apud Martialem, qui, quum nihil aliud habet, quod suretur, « . . . soles surripit ipse suas ».

8. *Cruentis fascibus*. Sanguine ci-

portam Esquilinam abjecisti; indicasti, non modo amplissimæ, sed etiam minimæ laudi lauream concessisse. Atque ista ratione hoc tamen intelligi, scelerate, vis, Pompeium inimicum mihi isto versu esse factum: ut, si versus mihi nocuerit, ab eo, quem is versus offenderit, videatur mihi pernicies esse quæsitæ. Omitto, nihil istum versum pertinuisse ad illum; non fuisse meum, quem, quantum potuissem, multis sæpe orationibus scriptisque decorassem, hunc uno violare versu. Sed sit offensus. Primo nonne compensabit cum uno versiculo tot mea volumina laudum suarum? Quod si est commotus, ad perniciemne, non dicam amicissimi, non ita de sua laude meriti, non ita de republica, non consularis, non senatoris, non civis, non liberi: in hominis caput⁹ ille tam crudelis propter versum fuisset?

XXXI. Tu quid, tu apud quos, tu de quo dicas, intelligis? Complecteris¹ amplissimos viros ad tuum et Gabinii scelus; neque id occulte. Nam paullo² ante dixisti, me cum iis configere, quos despicerem; non attingere eos, qui plus possent, quibus iratus esse deberem. Quorum quidem (quis enim non intelligit,

vium romanorum et aliorum quos injusta morte affecerat.

9. *In hominis caput.* Non dicam, ad perniciem amicissimi; non ejus, qui et de ipso, et de rep. ita meritis esset; non, consularis; non, senatoris; non, civis; non, liberi; sed omnino in hominis caput ille tam crudelis propter versum fuisset?

XXXI. 1. *Complecteris.* Cn. Pompeium et C. Cæsarem in sceleris tui, Gabinique, vestraeque in me perfidiæ societatem vocas: quasi vero illi perinde atque tu, et Gabinius, me Publio Clodio prodidissent. Optime Erfurt.

et Pith. « complecti vis amplissimos viros ».

2. *Nam paullo ante.* Quum de me apud senatum querereris, dicebas me tecum, et cum Gabinio configere, quos despicerem, ideoque me graviter in vos invectum, auctorem fuisse, ut vobis successor mitteretur, et tibi Macedonia, Gabinio Syria provincia tolleretur; me autem non attingere dicebas, quamvis tacito nomine, Cæsarem et Pompeium, a quibus etiam fueram violatus, quibusque perinde iratus esse deberem. Neque certe hac de re omnino farsifer errabat.

quos dicas?) quamquam non est una causa omnium³, tamen est omnium mihi probata. Me Cn. Pompeius, multis obsistentibus ejus erga me studio atque amoris, semper dilexit, semper sua conjunctione dignissimum judicavit, semper non modo incolumem, sed etiam amplissimum atque ornatissimum voluit esse. Vestrae fraudes, vestrum scelus, vestrae criminationes insidiarum mearum, illius periculorum, nefarie fictae, simul eorum⁴, qui familiaritatis licentia, suorum improbiissimorum sermonum domicilium in auribus ejus, impulsu vestro, collocaverunt; vestrae cupiditates provinciarum, effecerunt, ut ego excluderem⁵, omnesque, qui me, qui illius gloriam, qui rempublicam salvam esse cupiebant, sermone atque aditu prohiberentur. Quibus rebus⁶ est perfectum, ut illi plane suo stare judicio non liceret, quum certi homines non studium ejus a me alienassent, sed auxilium retardassent. Nonne ad te L. Lentulus⁷, qui tum erat praetor, non Q. Sanga, non L. Torquatus pater, non M. Lucullus venit? qui omnes ad eum, multique mortales oratum in Albanum⁸ obsecratumque venerant,

3. *Omnium.* Caesaris, Crassi et Pompeii: Crassi nullam postea facit mentionem: vox tamen *omnium* me inducit, ut addam; non enim dicitur de duobus.

4. *Simul eorum.* Vatinius maxime: quem constat et Pompeio familiarem fuisse ex epistolis ad Atticum, et eadem Pompeio auctorem, ut Ciceroni pestem arcesseret.

5. *Excluderet.* Sermone ejus atque aditu prohiberet.

6. *Quibus rebus.* Quibus Vatinius, et aliorum delationibus, qui sermonum suorum domicilium in auribus Pompeii collocarant, perfectum est, ut ille

mihi auxilium non praebere, ut et cupiebat, et faciendum esse censebat; sed me inimicis projectum relinqueret.

7. *L. Lentulus.* L. Cornelius Lentulus, qui consulatum cum C. Claudio Marcello gessit, primo belli civilis anno. Q. Sanga a Fabiis oriundus. Torquatus pater consulatum obtinuerat, quum conjurationem iniret Catilina. M. Lucullus, satis notus egregiis facinoribus in bello adversus Mithridatem editis.

8. *In Albanum.* Fundum Cn. Pompeii: Plutarch. scribit, eum data opera eo accessisse, et quum ad eum Cicero venisset, per posticum se subduxisse.

ne meas fortunas desereret, cum reipublicæ salute conjunctas. Quos ille ad te et ad tuum collegam remisit, ut causam publicam susciperetis, ut ad senatum referretis : se contra armatum tribunum plebis sine consilio publico decertare nolle; consulibus ex senatusconsulto rempublicam defendentibus, se arma sumpturum. Ecquid, infelix, recordaris, quid responderis? in quo illi omnes quidem, sed Torquatus præter ceteros, furebat contumacia responsi tui : te non esse tam fortem, quam ipse [Torquatus⁹] in consulatu fuisset, aut ego; nihil opus esse armis, nihil contentione; me posse iterum rempublicam servare, si cessissem; infinitam cædem fore, si restituissem; deinde ad extremum, neque se, neque generum¹⁰, neque collegam suum, tribuno plebis defuturum. Hic tu, hostis ac proditor, aliis me inimiciorem, quam tibi, debere esse dicis?

XXXII. Ego C. Cæsarem non eadem de republica¹ sensisse, quæ me, scio : sed tamen, quod jam de eo, his audientibus, sæpe dixi, me ille sui totius consulatus, eorumque honorum, quos cum proximis communicavit, socium esse voluit; detulit, invitavit, rogavit. Non sum ego, propter nimiam fortasse constantiæ cupiditatem², adductus ad causam; non postulabam, ut ei carissimus essem, cujus ego ne beneficiis

9. *Quam ipse [Torquatus]*. Duas Catilinæ conjurationes exponit Salustius: altera Luc. Tullo, et M. Emilio Lepido consulibus inita in Luc. Cottæ, et Luc. Manlii Torquati consulatum erupit, de qua Dio Cocceius libro XXXVI, et Tranquillus in Julio, cap. 9.

10. *Generum*. C. Cæsarem.

XXXII. 1. *Non eadem de republica sensisse*. Censuerat enim, conjuratos

non ultimo supplicio afficiendos, et a me etiam dissensit, quum in suo consulatu legem ferret de agro Campano viritum dividendo; ille enim hanc divisionem e republica putabat esse: ego censebam, hoc pacto perturbari vectigalium rationem.

2. *Propter nimiam fortasse constantiæ cupiditatem*. Ne viderer ab optimatum causis desciscere. — *Tradidissem*. Vendidissem.

quidem sententiam meam tradidissem. Adducta res in certamen, te consule, putabatur, utrum, quæ superiore anno ille gessisset, manerent, an rescinderentur. Quid loquar plura? si tantum ille in me esse uno roboris et virtutis putavit, ut ea, quæ ipse gesserat, conciderent, si ego restituissem: cur ei non ignoscam, si anteposuit suam salutem meæ? Sed præterita omitto. Me ut Cn. Pompeius omnibus suis studiis, laboribus, vitæ periculis complexus est, quum municipia pro me adiret, Italiæ fidem imploraret, P. Lentulo consuli, auctori salutis meæ, frequens assideret, senatui sententiam præstaret, in concionibus non modo se defensorem salutis meæ, sed etiam supplicem pro me profiteretur: hujus voluntatis eum, quem multum posse intelligebat, mihi non inimicum esse cognorat, socium sibi et adiutorem C. Cæsarem adjunxit. Jam vides, me tibi non inimicum, sed hostem; illis, quos describis, non modo non iratum, sed etiam amicum esse debere? quorum alter, id quod meminero semper, æque mihi fuit amicus³, ac sibi; alter, id quod obliviscar aliquando, sibi amicior⁴, quam mihi. Deinde hoc ita fit, ut viri fortes etiamsi ferro inter se cominus decertarint, tamen illud contentionis odium simul cum ipsa pugna armisque ponant. Atqui me ille odisse numquam potuit, ne tum quidem, quum dissidebamus. Habet hoc virtus, quam tu ne de facie quidem nosti, ut viros fortes

3. *Æque mihi fuit amicus, ac sibi.* Omittit vocem *amicus* editio romana princeps, et secunda Venetaram veterum; omittunt etiam quatuor manuscripti Britannici: quorum unus infra pro *etiamsi* habet *etsi*; statimque iidem quatuor carent vocibus *inter se*, sine quibus reliqua bene consistunt,

« etiamsi ferro cominus decertarint ».

4. *Alter . . . sibi amicior, quam mihi.* C. Cæsar, qui, ut modo dixit, « suam salutem anteposuit meæ ». Sic in Sextiana: « Suaque sibi propiora pericula, quam mea, loquebantur ». Totum hunc locum miro artificio tractat orator, quamvis difficilem satis.

species ejus et pulchritudo etiam in hoste posita delectet⁵.

XXXIII. Equidem dicam ex animo, patres conscripti, quod sentio, et quod vobis audientibus sæpe jam dixi. Si mihi numquam amicus C. Cæsar fuisset, sed semper¹ iratus; si aspernaretur amicitiam meam, seseque mihi implacabilem inexpiabilemque² præberet: tamen ei, quum tantas res gessisset, gereretque quotidie, non amicus esse non possem. Cujus ego imperio non Alpium vallum contra adscensum transgressionemque Gallorum, non Rheni fossam, gurgitibus illis redundantem, Germanorum immanissimis gentibus objicio et oppono. Perfecit ille³, ut, si montes resedissent, amnes exaruisent, non naturæ præsidio, sed victoria sua, rebusque gestis, Italiam munitam haberemus. Sed, quum me expetat, diligat, omni laude dignum putet: tu me a tuis inimicitiis ad simultatem revocabis? sic tuis sceleribus reipublicæ præterita fata refricabis⁴? quod quidem tu, qui bene nosse⁵ conjunctionem meam et Cæsaris, eludebas⁶, quum a me trementibus omnino labris⁷, sed tamen,

5. *Posita delectet.* Ita Hannibalis statuæ Romæ cernebantur.

XXXIII. 1. Cod. Erlang. *si semper.* Probat Gœrenz. ad Acad. II, 26. J. V. L.

2. Al. *inexplicabilemque.* J. V. L. — Multo nostra præstat, quæ pertinaci odio ardentem hominem designat.

3. *Perfecit ille.* Cæsar Gallos et Germanos armis ita compressit, ut jam non possint quidquam contra nostram rempublicam moliri, etiamsi neque Alpes Gallos, neque Rhennus et Alpes Germanos ab Italiæ aditu prohiberent; sed hostes illi Romæ æterni

jam Cæsaris virtute ac nomine territi quiescere cogantur.

4. *Refricabis.* Renovabis ea, quibus a me Cæsar, licet iratus mihi non esset, alienior tamen esse visus est.

5. *Qui bene nosse conjunctionem meam et Cæsaris.* Qui scires me, propter Cæsaris amicitiam, numquam tibi, ejus socero, nomen esse delaturum.

6. *Eludebas.* Serio non agebas, qui scires, me tibi propter Cæsarem parcere.

7. *Trementibus. . . labris.* Quum id requirebas invitus, damnationis metu, conscius scelerum tuorum. Infra: « Neminem invitus invitabis ».

cur tibi nomen non deferrem, requirebas. Quamquam, quod ad me attinet⁸,

Numquam istam⁹ imminuam curam infitiando tibi :

tamen est mihi considerandum, quantum illi, tantis reipublicæ negotiis, tantoque bello impedito, ego homo amicissimus, sollicitudinis atque oneris¹⁰ imponam. Nec despero tamen¹¹, quamquam languet¹² juvenus, nec perinde, atque debebat¹³, in laudis et gloriæ cupiditate versatur, futuros aliquos, qui abjectum hoc cadaver¹⁴ consularibus spoliis¹⁵ nudare non nolint, præsertim tam afflicto, tam infirmo, tam enervato reo; qui te ita gesseris, ut timeres, ne indignus beneficio¹⁶ videreris, nisi ejus, a quo missus eras, simillimus exstitisses.

8. *Quod ad me attinet.* Ista cura te non libero : verumtamen est mihi considerandum, ne qua Cæsarem sollicitudine afficiam, ne quod ei molestiæ onus imponam, præsertim amicissimus summis reip. negotiis impedito.

9. *Numquam istam imminuam curam infitiando tibi.* Senarius Accii poetæ in Atreo, quem imitatus est Cicero post Reditum in senatu : « Numquam, inquit, infitiando, suspicionem hominum, curamque minuerunt ».

10. *Sollicitudinis atque oneris.* Quom ante dixerit « conjunctionem meam et Cæsaris », videtur significare Cæsarem non alienum ab illa accusatione futurum : quam conjecturam vox *oneris* adauget : verbum tamen *sollicitudinis* ad curam de socero accusato potius pertinere videtur.

11. *Nec despero tamen.* Superioribus verbis videri poterat, Pisonem iudicii metu nonnihil liberatum; nunc timorem incutit, et Pisoni nomen, si non a se, saltem ab aliis delatum iri comminatur.

12. *Languet.* Desidiæ dedita, non ad eam gloriam propensa, quæ civium accusationibus improborum quæri solebat. Cui rei sæpius in prioribus orationibus alludit orator.

13. *Al. debeat.* J. V. L.

14. *Abjectum hoc cadaver,* etc. Si juvenus perinde, atque deberet, laudis et gloriæ studio se industriam exhiberet, stantes et incolumes sceleratos, iudiciorum armis percelleret : nunc quamquam languet, voluptatibus et deliciis enervata, non tamen sic animum abiecit, ut non ausit cadaver abjectum consularibus ornamentis spoliare.

15. *Consularibus spoliis.* Consulari dignitate, exponendis apud iudices flagitiis ejus ac sceleribus. — *Non nolint.* Quasi dedignentur : quum parva laus ex afflicto, infirmo, enervato reo expectetur.

16. *Ne indignus beneficio.* Provinciam, quam tibi P. Clodius, a quo missus es, beneficii loco tradidit.

XXXIV. An vero tu parum putas investigatas¹ esse a nobis labes imperii tui, stragesque provinciæ? quas quidem nos non vestigiis odorantes ingressus tuos, sed totis volutationibus corporis et cubilibus persequuti sumus. Notata a nobis² sunt et prima illa scelera in adventu, quum, accepta pecunia a Dyrrhachinis ob necem hospitis tui Platoris, ejus ipsius domum evertisti³, cujus sanguinem addixeras, eumque⁴, servis symphoniacis et aliis muneribus acceptis, timentem, multumque dubitantem confirmasti, et Thessalonicam fide tua⁵ venire jussisti. Quem ne majorum⁶ quidem more supplicio affecisti, quum miser ille securibus hospitis sui cervices subjicere gestiret; sed ei medico, quem tecum eduxeras, imperasti, ut venas

XXXIV. 1. *Investigatas*. Egregia allegoria suam in exquirendis Pisonia flagitiis et facinoribus diligentiam ostendit, quæ non levibus argumentis, ut bellus alicujus vestigiis, sed firmis certisque probationibus tamquam volutationibus corporis dicit se fuisse persequentem.

2. *Notata a nobis*. Hic ostendit in uno facto sex crimina fuisse implicata: 1° quod pecuniam ob necem acceperit contra legem Juliam de repetundis; 2° quod ob necem hospitis; 3° quod domum ejus exhausserit; 4° quod contra fidem datam eum occiderit; 5° quod non securi percusserit more majorum, sed adhibito chirurgo venas ejus exsolverit, ut exhausto sanguine lenta morte tandem interiret; 6° quod Plenrati mortem adjunxerit. Septima, circumstantia, et quasi novum crimen addi potest, quod ipsum adventum hoc scelere fuit auspiciatus. Item octava, quod eum occiderit, cujus domum everterat, contra leges romanas,

quæ pœnam pecuniariam pœnæ capitis addi prohibebant.

3. *Ejus ipsius domum evertisti*. Tantæ fuisti perfidiæ, ut quum Platoris civis Dyrrhachini sanguinem suis ipsius civibus vendidisses, promissasque accepta pecunia fore, ut illi mortem inferres, tantæ, inquam, fuisti perfidiæ, ut ei, cujus sanguinem tamquam licitatione publica addixeras, te amicum esse simulares, et ad eum tamquam hospes ad hospitum diverteres, tandiuque maneres in ejus domo, ut eam everteris, et impensis, quæ factæ sunt, penitus exhausseris.

4. *Eumque, servis*. Avaritiam notat perfidia implicatam, quod munera acceperit, et inter ceteros servos symphoniacos et musicos.

5. *Fide tua*. Quum incolumem eum domum reversurum spondidisses.

6. *Majorum... more*. Mos majorum fuit, ut damnati virgis ad necem cederentur, ad extremum eorum cervix securi abscinderetur.

hominis incideret⁷ : quum quidem⁸ tibi etiam accessio fuit ad necem Platoris, Pleuratus ejus comes, quem necasti verberibus, summa senectute confectum. Idemque tu Rabocentum, Bessicæ gentis principem, quum te trecentis talentis regi Cotto⁹ vendidisses, securi percussisti : quum ille ad te legatus in castra venisset, et tibi magna præsidia et auxilia a Bessis peditum equitumque polliceretur. Neque eum solum, sed etiam ceteros legatos, qui simul venerant; quorum omnium capita regi Cotto vendidisti. Denselitis, quæ natio semper obediens huic imperio, etiam in illa omnium barbarorum defectione Macedonica, C. Sentium¹⁰ prætorem, tutata est, nefarium bellum et crudele intulisti; eisque quum fidelissimis sociis uti posses, hostibus uti acerrimis maluisti. Ita perpetuos defensores Macedoniae, vexatores ac perditores effecisti. Vectigalia nostra perturbarunt¹¹, urbes ceperunt, vastarunt agros, socios nostros in servitutem abduxerunt, familias abriperunt, pecus abegerunt; Thessalonicenses, quum oppido desperassent, munire arcem coegerunt.

XXXV. A te Jovis Urii¹ fanum antiquissimum bar-

7. *Ut venas hominis incideret.* Ad exhauriendum omnem sanguinem e venis, et lenta morte necandum hominem. Invenio duplicem fuisse venarum incisionem supplicii deputatam: alteram, quæ necem inferebat, cujus apud Tacitum, aliosque, qui de rebus Neronis scripserant, exempla sexcenta reperies; quod tamen merito Tullius reprehendit, tamquam supplicium a romanis legibus alienum. Alia fuit venarum incisio non extremi supplicii, sed ignominie causa solita nihilibus delinquentibus irrogari.

8. *Al. equidem.* J. V. L.

9. *Regi Cotto.* Fere 900,000 libras. Cotus, vel Cottus, vel Cotys, Thraciæ partem tenebat. Denselitis, de quibus infra mentio est, Thraciam incolebant.

10. *C. Sentium.* C. Sentius Saturninus, Macedoniae prætor anno 670. De hoc mentio est habita in Verrinis III, 93.

11. *Vectigalia nostra perturbarunt.* Publicanos impedierunt a vectigalibus colligendis.

XXXV. 1. *Jovis Urii.* Hottom. Gruter. et multi alii in hoc verbo laborare, corruptamque scripturam testantur, legendumque putant *Felsu-*

barorum sanctissimumque direptum est. Tua² scelera dii immortales in nostros milites expiaverunt³: qui quum uno genere morbi affligerentur, neque se recreare quisquam posset, qui semel incidisset; dubitabat nemo, quin violati hospites⁴, legati⁵ necati, pacati atque socii nefario bello lacesciti, fana vexata, hanc tantam efficerent vastitatem. Cognoscis ex particula parva scelerum et crudelitatis tuæ genus universum.

Quid avaritiæ, quæ criminibus infinitis implicata est, summam nunc explicem? Generatim ea, quæ, maxime nota sunt, dicam. Nonne sestertium centies et octogies, quod, quasi vasarii nomine⁶, in venditione mei capitis⁷ adscripseras, ex ærario tibi attributum, Romæ in quæstu reliquisti? Nonne, quum cent talenta tibi Apolloniata Romæ dedissent, ne pecunias creditas solverent, ultro Fufidium, equitem romanum, hominem ornatissimum, creditorem, debitoribus suis addixisti⁸? Nonne, hiberna quum legato præfectoque⁹ tradidisses, evertisti miseras funditus civi-

rii. Servanda tamen nostra est lectio.

2. *Tua scelera.* Pestem in milites nostros immisere dii, quæ tot et tanta flagitia a te admissa expiaret.

3. Ernest. conj. *expetiverunt.* J. V. L.

4. *Violati hospites.* Verbo hoc utitur, quia res sanctissima apud veteres hospes erat; ita ut Jovem hospitibus præsidere arbitrarentur. Inde hoc Horatii: « et penetralia Sparasse nocturno cruore Hospitis ».

5. *Legati necati.* Legatos et præcones tanti faciebant veteres, ut eos quodammodo ad deorum majestatem accedere putarent, quasi non magis ab hominibus quam ab ipso Jove mitterentur.

6. *Vasarii nomine.* Sub ficto nomine istius apparatus, quo proconsules et præsides in provinciam ituri publicis sumptibus instruuntur.

7. *In venditione mei capitis.* Quam pactionem una cum Clodio fecisti, ut si tua cum illo consilia ad meam perniciem conjunxisses, tantum tibi ex ærario in sumptum exercitus attribuerent.

8. *Addixisti.* Oratorie, quum debitores damnati creditoribus addicerentur nexi, dicit contra creditorem debitoribus addictum, quia milites ad ejus domum, ad hiberna missi sunt.

9. *Præfectoque.* Græv. addit *tuo* s. codd. J. V. L.

tates, quæ non solum bonis sunt exhaustæ, sed etiam nefarias libidinum contumelias turpitudinesque subierunt? Qui modus¹⁰ tibi fuit frumenti æstimandi? qui honorarii? si quidem potest vi et metu extortum, honorarium¹¹ nominari. Quod quum peræque omnes, tum acerbissime Bœotii, et Byzantii, Cherronenses, Thessalonica sensit. Unus tu dominus, unus æstimator, unus venditor, tota in provincia, per triennium, frumenti omnis fuisti.

XXXVI. Quid ego rerum capitalium quæstiones, reorum pactiones¹, redemptiones², acerbissimas damnationes³, libidinosissimas liberationes⁴ proferam? Tantum locum⁵ aliquem quum mihi notum senseris, tecum ipse licebit, quòt in eo genere, et quanta sint crimina, recordere. Quid? illam armorum officinam ecquid recordaris, quum omni totius provinciæ pecore compulso⁶, pellium nomine⁷, omnem quæstum illum

10. *Qui modus tibi fuit frumenti æstimandi?* Quam moderationem servasti in frumento æstimando, et pecunia loco frumenti, quod æstimabatur, accipienda. Populus romanus certum modum frumenti ad vectigal annuum ex provinciis colligebat: licebat tamen magistratibus frumentum æstimare, id est, loco frumenti certam pecuniam a provincialibus exigere, sive vectigal illud frumentarium ex æquo et bono in pecuniarium convertere: id liquet ex Cicer. frumentaria, in qua prætorum rom. doli fusa tractantur.

11. *Honorarium.* Hoc est, quod in Verrinis orator ait prætoribus in cellam dari.

XXXVI. 1. *Reorum pactiones.* Quas videlicet cum reis inierat Piso, et ab iis se mercede corrumpi permiserat, et redemptiones quibus illi a Pisonem incolumitatem suam redemerant.

2. *Redemptiones.* Quum se pecunia a calumniis redimerent.

3. *Acerbissimas damnationes.* Eorum, quos ab accusatoribus mercede conductus, sive, ut verius dicam, corruptus inandita causa damnaverant.

4. *Libidinosiss. liberationes.* Quæ non fiunt secundum jus atque fas, sed pro partium studio; quum iudex reum contra legem absolvit. Sic aliis in locis apud Ciceronem: « Libidinosi iudices, testes, libidinosæ sententiæ ».

5. *Locum aliquem.* Id est, caput quoddam, ad quod multa alia flagitia pertinere videantur.

6. *Pecore compulso.* Coacto, et unum in locum congregato.

7. *Pellium nomine.* Prætextu pellium, ad loricas, clypeos, papillionesque faciendos: qua ratione tantum lucratus est, quantum pater fuerat antea lucratus.

domesticum paternumque renovasti? Videras⁸ enim grandis jam puer, bello Italico⁹, repleti quæstu vestram domum, quum pater armis faciendis tuus præfuisset¹⁰. Quid? vectigalem provinciam¹¹, singulis rebus, quæcumque venirent, certo portorio¹² imposito, servis tuis¹³ publicanis a te factam esse meministi? Quid? centuriatus palam venditos? quid? per tuum servulum ordines assignatos? quid? stipendium¹⁴ militibus per omnes annos a civitatibus, mensis palam propositis, esse numeratum? Quid illa in Pontum profectio¹⁵ et conatus tuus? quid debilitatio¹⁶ atque abjectio animi tui, Macedonia prætoria nuntiata, quum tu, non solum quod tibi succederetur, sed quod Gabinio non succederetur, exsanguis et mortuus concidisti? Quid quæstor ædilitius reje-

8. *Videras enim.* Ab avaritia, et sordibus paternis in Pisonem derivat infamiam; quemadmodum, et patrem Pisonis, in orationis initio, « Cæsonium hominis furacissimi filium » nominaret.

9. *Bello Italico.* Marsico, aive sociali, quod post mortem Livii Drusi concitatum est populis Italicis petentibus jus suffragiorum et civitatis.

10. *Armis faciendis tuus præfuisset.* Fuisse conjicitur fabrorum præfectus.

11. *Vectigalem provinciam.* Quum esset libera, et immunis, eam vectigalem fecisti.

12. *Certo portorio.* Portorium erat vectigal, quod ex importatione et exportatione mercium exigebant. Dabit hoc Excursus ad calcem vol. II.

13. *Servis tuis.* Quos quasi publicanos habebas in provincia.

14. *Quid? stipendium... mensis palam propositis.* Stipendium pendebatur ex ærario: Piso ut illam pecuniam, quam ex ærario stipendii nomine

capiebat, in suum usum converteret, jubeat a civitatibus stipendium numerari: factum amplificat a duobus: 1° Quod non semel, sed per omnes annos id fecerit; 2° quod palam et mensis propositis in oculis totius provinciae.

15. *Quid illa in Pontum profectio.* Res obscura est, et nullis antiquitatis impressa vestigiis: videtur Piso pecuniis Barbarorum inhians in Pontum impressionem fecisse; et inde fuisse depulsum, unde et conatus potius, quam bellum illatum nominatur.

16. *Quid debilitatio atque abjectio animi tui.* Hoc non videtur admodum ad avaritiam pertinere, nisi si dicamus ægre tulisse Pisonem, et animo debilitatum fuisse, quum audiret successorem sibi esse destinatum, quod videret hoc pacto furtorum et rapinarum occasionem sibi esse præreptam, quam abjectionem animi ab invidia Pisonis in Gabinium auget, quo vitio nihil abjectius.

ctus¹⁷? præpositus¹⁸ legatorum tuorum optimus abs te quisque violatus? tribuni militum¹⁹ non recepti? M. Bæbius, vir fortis, interfectus jussu tuo? Quid? quod tu toties diffidens ac desperans rebus tuis, in sordibus, lamentis luctuque jacuisti? quod populari illi sacerdoti sexcentos ad bestias²⁰ amicos sociosque misisti? quid? quod, quum sustentare vix posses mœrorem tuum, doloremque decessionis, Samothraciam te primum, post inde Thasum cum tuis teneris saltatoribus²¹, et cum Autobulo, Athamante, et Timocle, formosis fratribus, contulisti? quid? quod, quum inde te recipiens, in villa Euchadiæ, quæ fuit uxor Exegisti²², jacuisti mœrens aliquot dies; atque inde obsoletus Thessalonicam, omnibus inscientibus, noctuque venisti? qui, quum concursum plorantium, ac tempestatem querelarum ferre non posses, in oppidum devium Bercæam profugisti; quo in oppidò quum tibi spe falsa, quod Q. Ancharium non esse successurum putares, animos rumor inflasset, quo te modo ad tuam intemperantiam, scelerate, innovasti?

XXXVII. Mitto aurum coronarium¹, quod te diu-

17. *Quæstor ædilitius reiectus.* Rejecisti quæstorem, qui ædilis fuerat, prætulisti ei unum ex legatis tuis omnium turpissimum; et eum tibi quæstorem esse quam illum ædilitium maluisti. Etai enim sorte quæstores obveniebant, tamen si grati proconsulibus non essent, rejici facile poterant.

18. Turbarunt hic aliquid librarii. Deesse videtur nomen ejus, qui præpositus est. J. V. L.

19. *Tribuni militum non recepti.* Non admissi a te, qui a populo fuerant Tribuni militum constituti.

20. *Ad bestias.* Significat missos,

V. *Cic. pars secunda.*

qui cum bestiis pugnarent, in iis ludis, quos P. Clodii amici ac socii populo præberent.

21. *Cum tuis teneris saltatoribus.* Hinc Pisonem reprehendit, quod fallendi doloris causa remedia parum virilia et honesta conquireret, et saltatoribus teneris, et in muliebrem mollitiem fractis uteretur. Mos erat contra Romanis, ut dum luctum agerent, ludis omnibus abstinerent.

22. Faernus conjicit, probante Lambino, *Exæcisti.* J. V. L.

XXXVII. 1. *Mitto aurum coronarium.* Ea de causa nonnulli provincia-

tissime torsit, quum modo velles, modo nolles². Lex enim generi tui³ et decerni, et accipere⁴ vetabat, nisi decreto triumpho. In quo tu, accepta tamen et devorata pecunia, ut in Achæorum centum talentis, evomere non poteras: vocabula tantum⁵ pecuniarum, et genera mutabas. Mitto diplomata tota in provincia passim data; mitto numerum navium⁶, summamque prædæ⁷; mitto rationem exacti imperatique frumenti; mitto ereptam libertatem populis, ac singulis, qui erant affecti præmiis nominatim, quorum nihil est, quod non sit lege Julia, ne fieri liceat, sancitum diligenter. Ætoliæ, quæ procul a barbaris disjuncta gentibus, in sinu pacis⁸ posita, medio fere Græciæ gremio continetur (o pœna, o furia sociorum!), decedens, miseram perdidisti. Arsinoen⁹, Stratum, Naupactum, ut modo tute indicasti, nobiles urbes

rum præsides se triumphaturos esse simulabant, ut ab amicis fœderatisque civitatibus aurum coronarium ipsis triumphî nomine mitteretur; quorum effrænata cupiditatem ut coerceret Julius Cæsar in suo primo consulatu, lege Julia de repetundiis sanxit, ne quis aurum coronarium sibi triumphî nomine missum prius admitteret, quam decretus fuisset triumphus a senatu. Piso igitur quum et fœderatarum civitatum pecuniis inhiaret, nec tamen videri vellet legem Juliam violasse, aurum coronarium alio nomine appellabat, nomenque, non rem mutaverat.

2. *Quum modo velles, modo nolles.* Recipere aurum coronarium.

3. *Lex enim generi tui.* Lex Julia de repetundiis a Julio Cæsare genero tuo lata.

4. *Al. et te acc.* J. V. L.

5. *Vocabula tantum pecuniarum.* Non enim aurum coronarium dicebas, sed alio nomine appellabas.

6. *Mitto numerum navium.* Quas fœderatis civitatibus sine necessitate publice imperasti.

7. *Summamque prædæ.* Vel quia non ab hostibus, sed ab ipsis provincialibus prædas abduxerat: vel quia in prædæ venditione quantum voluerat, a sociis et provincialibus acceperat.

8. *In sinu pacis.* Ætolos tamen constat fuisse bellicosos in primis, et ad nova molienda aptissimos ex Polybio, Livio, Pausania, et aliis; et eam ob causam, ut testatur Pausanias in Phocidis, Ætolis simulacrum erat, mulieris armatæ simulacrum, sed ex quo in Romanorum ditionem omnino concesserant, penitus pacis erant studiis assueti, et in eorum opes, una animi intemperantia raptus, Piso irruerat.

9. *Arsinoen.* Ætolis oppidum, quod ante tradit Strabo fuisse Κόνντρα nuncupatum.

atque plenas, fateris ab hostibus esse captas. Quibus autem hostibus? nempe iis, quos tu, Ambraciæ sedens, primo tuo adventu ex oppidis Agrinarum¹⁰ atque Dolopum demigrare, et aras et focos relinquere coegisti. Hoc tu in exitu, præclare imperator, quum tibi ad pristinas clades¹¹ accessio fuisset Ætoliæ repentinus interitus, exercitum dimisisti; neque ullam pœnam, quæ tanto facinori deberetur, non maluisti subire, quam numerum tuorum militum reliquiasque cognoscere.

XXXVIII. Atque, ut duorum Epicureorum¹ similitudinem in re militari imperioque videatis, Albucius², quum in Sardinia triumphasset, Romæ damnatus est; hic, quum similem exitum³ spectaret, in Macedonia tropæa⁴ posuit, eaque, quæ bellicæ laudis victoriæque omnes gentes insignia et monumenta esse voluerunt, noster hic præposterus imperator⁵, amissorum oppidorum, cæsarum legionum, provinciæ, præsidio et reliquis militibus orbata, ad sempiternum dedecus sui generis et nominis, funesta indicia constituit;

10. Lalleu. *Agrianum*. J. V. L.

11. *Ad pristinas elades accessio*. Ad pestem et vastitatem exercitus; ad clades quas Deseleti jam invenerant.

XXXVIII. 1. *Atque, ut duorum Epicureorum*. Titi Albucii, et L. Pisonis.

2. *Albucius*. T. Albucius Sardinie prætor, postquam prædonum manum vicisset, a senatu preces publicas petiit, quas non obtinuit. Et quia quoddam triumphus genus in urbe provinciæ sibi paraverat, Romæ damnatus est.

3. *Hic, quum similem exitum*. Piso quum similem damnationem videret sibi impendere, in Macedonia, quam

vastari passus erat, tropæa excitavit.

4. *Tropæa*. Cicero Pisonem in hac tropæorum erectione reprehendit, quia senatus fuit, ut triumphum, ita tropæa decernere; at Piso sibi tropæa ne literis quidem ad senatum missis excitaret.

5. *Præposterus imperator*. Alii vocantur imperatores, quum hostes ceciderint; hic ordine præpostero dictus est imperator, caso ab hostibus ejus exercitu. — Sic etiam Cæsar, Bell. Civ. III, 31, inimicum suum Q. Metellum Pium Scipionem deridet. « Scipio, inquit, detrimentis quibusdam circa montem Amanum acceptis, sese imperatorem appellaverat ».

idemque, ut esset⁶, quod in basi tropæorum inscribi incidique⁷ posset, Dyrrhachium ut venit, decedens, obsessus est ab iis ipsis militibus, quos paullo ante Torquato respondit beneficii causa⁸ ab se esse dimissos. Quibus quum juratus affirmasset, se, quæ deberentur, postero die persoluturum, domum se abdidit; inde nocte intempesta, crepidatus⁹, veste servili, navem conscendit, Brundisiumque vitavit, et ultimas Hadriani¹⁰ maris oras petivit: quum interim Dyrrhachii milites domum, in qua istum esse arbitrabantur, obsidere cœperunt, et, quum latere hominem putarent, ignes circumdederunt. Quo metu commoti Dyrrhachini, profugisse noctu crepidatum imperatorem indicaverunt. Illi autem statuam, istius persimilem, quam stare celeberrimo in loco voluerat, ne suavissimi hominis memoria moreretur, deturbant, affligunt, comminuunt, dissipant: sic odium, quod in ipsum attulerant, id in ejus imaginem ac simulacrum profuderunt.

Quæ quum ita sint¹¹, non dubito, quin, quum

6. *Idemque, ut esset.* Describit militum odium, quo in Pisonem propter ipsius avaritiam, et stipendium non persolutum exarserant; ad quod festive delabitur, quasi nihil præelarius gessisset, quod in tropæo scriberetur, quam quod a suis militibus obsessus fuisset.

7. *Al. incidi inscribique.* J. V. L.

8. *Beneficii causa.* Dimittuntur, quibus gratiosa missione indulgetur, quasi ob præmium virtutis militaris; quam qui consequuti fuerant, beneficiarii sunt appellati.

9. *Crepidatus.* More Græcorum soleatus, non Romanorum instituto, qui calceis uti consueverant. Crepidæ sæpius probro objectæ. Persius,

sat. I: « Non hic qui in crepidis Graiorum ludere gestit ». Reprehensus est Scipio quod in Sicilia, *cum pallio, crepidisque inambulare* diceretur.

10. *Lallem. Adriatici.* J. V. L.

11. *Quæ quum ita sint.* Piso, ut vidimus, Tullium lacessiverat, eum rogans cur ipsi nomen non deferret; ostendit Cicero sibi Pisonis facinora comperta sic esse, ut si velit, facile possit eum lege de repetandis accersere; idque demonstrat hunc in modum: postquam enumeravit scelera quæ eminere videbantur, frustra subjicit se enumeratum esse ea, quæ velut in turba delitescunt; neque enim si parva non noisset, excellentia seligere potuisset.

hæc, quæ excellunt, me nosse videas, non existimes mediam illam partem, et turbam flagitiorum tuorum mihi esse inauditam. Nihil est, quod me hortere; nihil est, quod invites: admoneri me satis est. Admonebit autem nemo alius, nisi reipublicæ tempus¹²; quod mihi quidem magis videtur¹³, quam tu umquam arbitratus es, appropinquare.

XXXIX. Ecquid vides¹, ecquid sentis, lege judiciaria lata, quos posthac iudices simus habituri? non æque legetur, quisquis voluerit²; nec, quisquis noluerit, non legetur. Nulli conjicientur in illum ordinem, nulli eximentur; non ambitio ad gratiam³, non iniquitas ad simulationem conjicietur. Iudices iudicabunt ii, quos lex ipsa, non quos hominum libido delegerit. Quod quum ita sit, mihi crede, neminem invitatus⁴ invitabis: res ipsa, et reipublicæ tempus, aut me ipsum, quod nolim⁵, aut alium quempiam, aut invitabit, aut dehortabitur⁶.

12. *Admonebit autem nemo alius, nisi reipublicæ tempus.* Non est mihi opus alio monitore; satis enim me ipsum monebo ad intendendam tibi litem, quum id esse videro e re publica: nunc autem video id reipublicæ nondum expedire; quia hæc accusatio Cæsari magnis pro re publica bellis districto aliquid molestiæ et sollicitudinis exhiberet.

13. *Quod mihi quidem magis videtur... appropinquare.* Id subiungit, ut magis exterreat a brevitate temporis; nescio enim quo modo magis exterreant quæ propius videntur imminere. Terret enim periculi vicinitas et magnitudo.

XXXIX. 1. *Ecquid vides.* Non solum periculi vicinitas exterreat, sed etiam mali magnitudo; quare hic ostendit summam iudicii futuri severitatem.

2. *Non æque legetur, quisquis voluerit.* Per expolitionem oratoriam iudiciorum integritatem explanat; et a remotione incommodorum quæ Aurelius Cotta non præviderat; tolerat enim Cotta, ut iudices ex senatoribus, equitibus, et tribunis ærariis legerentur: at Pompeius fraudem legi fieri advertens tulit, ut iudices ex iis quidem ordinibus, sed tamen ex censu legerentur; adeo ut nemo posset aut se eximere a iudicio, nec per fraudem, aut gratiam se intrudere.

3. *Non ambitio ad gratiam.* Non ambitioni iudiciariam potestatem quaerent, ad reorum gratiam colligendam.

4. *Male Ernest. post nonnullos maluit invitum. J. V. L.*

5. *Quod nolim.* Propter Cæsarem socerum tuum, mihi amicissimum.

6. *Dehortabitur.* Fortasse reipublicæ tempora disuadebunt.

Equidem, ut paullo ante dixi, non eadem supplicia esse in hominibus existimo, quæ fortasse plerique⁷, damnationes, expulsionones, neces : denique nullam mihi pœnam videtur habere id, quod accidere innocenti, quod forti, quod sapienti, quod bono viro et civi potest. Damnatio ista, quæ in te⁸ flagitatur, obtigit P. Rutilio, quod specimen habuit hæc civitas innocentiae. Major mihi iudicum et reipublicae pœna illa visa est, quam Rutilii. L. Opimius⁹ ejectus est e patria, is, qui prætor et consul maximis rempublicam periculis liberarat. Non in eo, cui facta est injuria, sed in iis, qui fecerunt, sceleris ac conscientiae pœna permansit. At contra bis Catilina absolutus¹⁰; emissus etiam ille auctor¹¹ tuus provinciae, quum stuprum Bonæ Deæ pulvinaribus¹² intulisset. Quis fuit in tanta civitate, qui illum incesto liberatum, non eos, qui ita judicarint¹³, pari scelere obstrictos¹⁴ arbitraretur?

7. *Quæ fortasse plerique.* Eorum qui solis sensibus bona et mala metuntur; addit fortasse modestiae causa ne facilius alios damnare videatur.

8. *Quæ in te flagitatur.* Quam leges ipsæ tibi, pro suo jure in sceleratos, petunt inferri; quam vexata et lacerata provincia, quam hospites violati, quam male tractatus exercitus tibi imponi desiderant.

9. *L. Opimius ejectus est e patria*, etc. Notum est, Opimum in prætura Fregellas cepisse; quo pacto visus est ceteros quoque nominis Latini socios male animatos repressisse; eundemque in consulatu Fulvium Flaccum consularem, et C. Gracchum tribunicium oppressisse: ob quam invidiam postea iudicio circumventus est, et in exilium actus.

10. *At contra bis Catilina absolutus.* Semel de incestu cum Fabia Ve-

stali; iterum de repetundis ex Africa.

11. *Emissus etiam ille auctor.* Etiam Publius Clodius, qui lege sua auctor fuit, ut tibi Macedonia provincia decerneretur, absolutus, et e legum, judiciorumque laqueis, quibus implicatus tenebatur, instar bestiae cujusdam ad vexandam lacerandamque rempublicam emissus est; sic pro Milone eundem Clodium belluam judiciorum laqueos declinantem appellat. Vide de fœditate hujus judicii Cic. ad Attic. et Senec. ep. 97.

12. *Quum stuprum Bonæ Deæ pulvinaribus.* Quum domum Caesaris in habitu fœdiciæ ingressus esset, ut Pompeiam Caesaris conjugem cum ceteris matronis Bonæ deæ sacra facientem in ipsis Deæ pulvinaribus constupraret.

13. *Al. judicarunt.* J. V. L.

14. *Al. adstrictos.* J. V. L.

XL. An ego expectem¹, dum de te quinque et septuaginta tabellæ² diribeantur; de quo jam pridem omnes mortales omnium generum, ætatum, ordinum, judicaverunt? Quis enim te aditu, quis ullo honore, quis denique communi salutatione³ dignum putet? Omnes memoriam consulatus tui, facta, mœurs, faciem⁴ denique ac nomen a republica detestantur⁵: legati⁶, qui una fuere, alienati; tribuni militum inimici; centuriones⁷, et si qui ex tanto exercitu reliqui milites exstant⁸, non dimissi abs te, sed dissipati, te oderunt, tibi pestem exoptant, te exsecrantur. Achaia exhausta; Thessalia vexata; laceratæ Athenæ; Dyrrhachium, et Apollonia exinanita; Ambracia direpta; Parthini et Bullienses⁹ illusi; Epirus¹⁰ excisa; Locri, Phocii, Bœotii exusti; Acarnania, Amphilochia, Perrhæbia¹¹, Athamanumque gens vendita; Macedonia condonata barbaris; Ætolia amissa, Dolopes, finitimique montani, oppidis atque agris exterminati; cives romani¹², qui in iis locis negotiantur, te unum

XL. 1. *An ego expectem.* Quid opus est ad damnationem tuam iudicium sententiam expectare, dum tabellæ, quæ absolvunt, ab iis, quæ damnant, a se invicem separentur?

2. *Quinque et septuaginta tabellæ.* Patet lege Pompeia iudiciaria cautum fuisse, ut quinque et septuaginta iudices causam cognoscerent, et tabella sententiam ferrent.

3. *Communi salutatione.* Quam etiam ignoti ignotis impertiunt, sine familiaritatis aut amicitie peculiaris indicio.

4. *Faciem.* Supercilium et diis iratam frontem.

5. *Detestantur.* Tamquam malum auspiciū.

6. *Legati.* Quorum optimus quisque

est a te violatus, cap. 36, ut Luc. Valerius Flaccus et Q. Martius, quorum neuter obviam redeunti tibi progressus est, cap. 23.

7. *Centuriones.* Quorum dignitatem palam vendidisti, ibidem.

8. *Al. existunt.* J. V. L.

9. *Al. Bullidenses.* J. V. L.

10. *Epirus.* Nunc Albania.

11. *Perrhæbia.* Perrhæbi Macedoniae populi apud Livium et Strabonem, Ætoliae apud Plinium, Thessaliae apud Stephanum; quæ sententiarum diversitas me adducit, ut credam eos fuisse in harum regionum confiniis.

12. *Cives romani.* Postquam enumeravit externas nationes, quæ Pisonis scelus, avaritiam, crudelitatem expertæ sunt, subdit de civibus romanis

solum suum depeculatorem, vexatorem, prædonem, hostem venisse senserunt. Ad horum omnium iudicia tot atque tanta domesticum iudicium¹³ accessit sententiæ¹⁴ damnationis tuæ: occultus adventus, furtivum iter per Italiam, introitus in urbem desertus ab amicis, nullæ ad senatum e provincia literæ, nulla ex trinis æstivis gratulatio¹⁵, nulla triumphi mentio: non modo quid gesseris, sed ne quibus in locis quidem fueris, dicere audes. Ex illo fonte et seminario triumphorum quum arida folia laureæ retulisses; quum ea abjecta ad portam reliquisti, tum tu ipse de te *FECISSE VIDERI* pronuntiavisti. Qui si nihil gesseras dignum honore; ubi exercitus¹⁶? ubi¹⁷ sumptus, ubi imperium? ubi illa uberrima supplicationibus triumphisque provincia? Sin autem aliquid sperare volueras¹⁸, si cogitaras id, quod imperatoris nomen, quod laureati fasces, quod illa tropæa, plena dedecoris et risus¹⁹, te commentatum esse declarant: quis

eadem immanitate violatis; adverte orationem uberem, et velut e suo fonte manantem, quam nulla rerum varietas exhauriat: « Exhausta, vexata, lacetrata, exinanita, direpta, illusi, exusti, excisi, exterminati, etc. »

13. *Domesticum iudicium.* Iudex domesticus dici potest, vel consanguinei et amici, vel ipse Piso qui seipsum conscientie vi coactus damnaverit.

14. Ernest. delendum putat sententiæ. J. V. L.

15. *Nulla. . . trinis æstivis gratulatio.* Supplicatio diis decreta in gratiarum actionem, æstivorum autem meminit quod æstas sit accommodatio rebus gerendis.

16. *Ubi exercitus?* Id est, quamobrem exercitum retinuisti, tot sumptus ex ærario fecisti?

17. *Ubi sumptus.* Ubi sestertium ducentes et octogies, id est, quadringenta quinquaginta millia coronatorum, quæ ex ærario vasarii nomine acceperas, præter ingentem aliam pecuniam ad stipendium militum attributam.

18. *Sin autem aliquid sperare volueras.* Altera pars est dilemmatis, qua demonstrat Pisone damnatus nihil esse; quum enim ad triumphi adeptionem omnes proconsulatus sui rationes direxisse videri posset, non tamen ausus fuerat ad senatum de rebus a se gestis rescribere; probat autem Pisone de triumpho cogitasse tribus argumentis.

19. *Plena dedecoris et risus.* Quia non erant monumenta victoriæ, sed amissorum oppidorum et vastatæ provinciæ.

te miserior, quis te damnator, qui neque scribere ad senatum, a te bene rempublicam esse gestam, neque præsens dicere ausus es?

XLI. An tu mihi, cui semper ita persuasum fuerit, non eventis, sed factis, cujusque fortunam ponderari, dicere audes¹, neque in tabellis paucorum judicum², sed in sententiis omnium civium, famam nostram fortunamque pendere? Te indemnatum videri putas, quem socii, quem foederati, quem liberi populi, quem stipendiarii, quem negotiatores, quem publicani, quem universa civitas, quem legati, quem tribuni militares, quem reliqui milites, qui ferrum, qui famem, qui morbum effugerunt, omni cruciatu dignissimum putant³? cui non apud senatum, non apud ullum ordinem, non apud equites romanos, non in urbe, non in Italia, maximorum scelerum venia ulla ad ignoscendum dari possit? qui se ipse oderit⁴, qui metuât omnes, qui suam causam nemini committere audeat, qui se ipse condemnet? Numquam ego sanguinem expetivi tuum; numquam illud extremum, quod posset esse improbis et probis commune, supplicium legis ac iudicii; sed abjectum, contemptum, despectum a ceteris, a te ipso desperatum et relictum, circumspectantem⁵ omnia, quidquid⁶ increpuisset,

XLI. 1. Duo hæc verba male addita videntur. J. V. L.

2. *Paucorum iudicium.* Magnam hic sui ipsius jactandi materiam habet orator, qui totius Italiae studio in fortunas restitutus, se cum Pisone, omnium odio conflagrante conferat.

3. *Dignissimum putant?* Etenim omnibus his Piso, fuerat malorum origo: quia aliis pecuniam, opes, fortunas eripuerat, cum aliis ita sese gesserat, ut, vitato odio, in contemp- tionem incideret.

4. *Qui se ipse oderit.* Perditissimæ Pisonis vitæ maximum hoc indicium habemus, quod, quamvis insolentissime sceleribus subnixus, in sui ipsius odium incurrat, quum nimis facinoribus terreatur.

5. *Circumspectantem.* Maximum timoris indicium. Sic Virgil. *Æn.* II, 68, de Sinone: « Atque oculis Phrygia agmina circumspectit ».

6. *Quidquid increpuisset.* Sic *Æn.* II, 728: « Nunc omnes terrent auræ, sonus excitat omnis Suspensum ».

pertimescentem, diffidentem tuis rebus, sine voce, sine libertate, sine auctoritate, sine ulla specie consulari, horrentem, trementem, adulantem omnes, videre te volui : vidi⁷. Quare, si tibi evenerit, quod metuis, ne accidat, equidem non moleste feram : sin id tardius forte fiet, fruam tamen tua indignitate; nec minus libenter metuentem videbo, ne reus fias, quam reum; nec minus lætabor, quum te semper sordidum⁸, quam si paullisper sordidatum⁹ viderem.

7. *Vidi*. Breve illud verbum, mire locum hunc concludit. Sic nostras RACINE, *Athalie*, act. II, sc. 7 : « J'ai voulu voir, j'ai vu ».

8. *Quum te semper sordidum*. Semper in sordibus, lamentis et luctu jacentem, quam obsoletis vestibus, dum reus erit, amictum.

9. *Sordidatum*. Doctissimus Lipsius primo Electorum, cap. 13, communem Romanorum vestem albam fuisse demonstrat; ita ut in communi usu discrimen nullum inter cives fuerit a colore vestis; nisi quod divites, mundati, elegantes semper in toga sua a fullone

nivea; vulgus fere sordidiores essent, et togis magis pallentibus, ac, ut proprie dicam, obsoletis; ideo Seneca, ep. 115, per sordidos intelligit vulgum : « Mirari quidem non dehes, inquit, corrupta excipi, non tantum a corona sordidiore, sed ab hac turba quoque cultiore, togis enim inter se isti, non judiciis dissident ». Ait diserte togis : sed et viri illustres ac nobiles rei facti, per dies judicii, sumebant hanc togam sordidam, posita nivea, ut miserabiliores essent, in veste plebeia, et animos judicum sibi conciliarent.

M. TULLII CICERONIS

ORATIO

PRO C. RABIRIO POSTUMO

ARGUMENTUM.

Ptolemæus, Ægypti rex, qui Auletes dictus est, regno ab Alexandrinis, nimiam propter avaritiam, pulsus fuerat. Qui, quum exsul Romam venisset, Ægyptios graviter apud senatum accusavit, impetravitque, ut a consule P. Lentulo in regnum restitueretur. Quod ubi Alexandrinis nuntiatum, legatos Romam miserunt, qui causam, cur Ptolemæus fuerat solio expulsus, memorarent. Hos vero Ptolemæus partim interficiendos curavit, partim pecunia corrumpit. Quo de crimine quum accusatus fuisset, a C. Rabirio Postumo pecuniam mutuatus est, quacum judices corrumpit, poenamque hac ratione effugit. Aliquanto post consulti sunt versus Sibyllini, quibus ita scriptum erat : « Ne rex Ægypti cum multitudine reduceretur » : abrogataque sunt quæ de rege Alexandriam reducendo fuerant edicta. Ptolemæus vero ad Gabinium, qui Syriam cum exercitu imperator obtinebat, confugit, et decem millium talentorum pollicitatione adduxit, ut in regnum reduceret. Aderant ibi nonnulli equites, qui regem in patriam redeuntem prosequuti sunt : quos inter Rabirius Postumus; ratus scilicet, se brevi, rege restituto, commodatam pecuniam accepturum: his juvantibus Alexandria rex potitus est, et Rabirium dioceten creavit, ærarii que curam commisit. Quum vero Rabirius hoc munere fungeretur, pallio, quod erat græcum vestimentum, usus est, quo facto romanæ civitatis sibi jus imminuit. Mox pecuniam ad Gabinium solvendum necessariam coegit, atque hujus pecuniæ partem ipse accepit. Gabinius vero, his omnibus peractis, Romam reversus est, ibique lege Julia repetundarum accusatus, facile condemnatus fuit. Sed nec prædes dedit, neque ex ipsius bonis tantum pecuniæ potuit colligi, quantum pro lite æstimata solvere necesse erat. Itaque secundo legis Juliæ capite accusatus est Rabirius: hoc enim cavebatur, ut quod a condemnato haberi non potuerat, id ab eo exigetur, ad quem pervenerat pecunia. Causa igitur illa tamquam appendicula ad Gabinii causam accedit. Nam si debitum solvisset Gabinius, nullo modo in iudiciū vocatus fuisset Rabirius. Plurima vero accusationis capita fuere:

quod pecuniam corrupendi senatus causa regi credidisset; quod Gabinio, ut regem reduceret persuasisset; quod palliatus regi externo serviisset; quod denique, et illud maximum erat, pecuniæ partem accepisset. Non infontem sane Rabirium accusaverat C. Memmius plebis tribunus; sed deerant testes, quibus reus confutaretur, et res tantum ex rumoribus et sermone vectorum quorundam constabat.

In exordio (cap. 1, 2) ostendit Rabirium Ptolemæo, cui jam regnanti pecuniam crediderat, postea regno expulso quum Romanam venisset, egenti et roganti aliam pecuniam credidisse, neque suam solum, sed etiam amicorum.

Hinc exortam esse crimen accusatorum, quo corruptum a Postumo senatum dicant; in quo mirum esse dicit Cicero corruptores causam dicere, eos qui corrupti sint non dicere. Simul ostendit causam Postumi a senatu sejunctam esse. Tum enim quum regi pecuniam crederet, nec inimico populi romani, nec ab hoc imperio alieno, non debuisset eum qui dabat, quo ille, qui accipiebat, consumeret, quærere, cap. 3.

Deinde ostendit Postumi causam etiam a Gabinio sejunctam esse. Nam illo capite legis Juliæ de repetundis « quo ea pecunia pervenisset » neminem unquam causam dixisse, qui in æstimandis litibus rei de repetundis damnati appellatus non esset. Postumi autem, in iudicio Gabinii, mentionem factam esse nullam, cap. 4. Præterea lege Julia de repetundis non modo Postumum ipsum, sed totum ordinem equestrem solutum ac liberum esse ostendit; in eoque et senatorum fidem implorat, et equites qui aderant in consilio iudicum, monet, ut provideant ne duriorē sibi et ordini suo conditionem statuant, quam ferre possit, cap. 5-7.

Tum refutat Cicero id quod accusator objecerat, Gabinium a Postumo fuisse impulsū, ut regem Ptolemæum in regnum reduceret, cap. 8; et quod eum diosceten regium, i. e. procuratorem ac dispensatorem fuisse dixerat, quo in munere quum pecuniam Gabinio cogeret, sibi quoque coegerit, cap. 9-11. Quod autem accusator dicat testibus legatis Alexandrinis probari pecuniam ad Postumum pervenisse, id prorsus non esse audiendum. Eosdem enim testes negasse pecuniam Gabinio da-

tam. Ergo iis credi non oportere, si dicant partem ejus pecuniæ ad Rabirium pervenisse, cap. 12, 13.

Denique ostenditur lites quo ea pecunia pervenerit non suis propriis judiciis, sed in reum factis condemnari solere. Nunc autem accusari eum, qui pecuniam non abstulerit a rege, sicut Gabinius accusatus sit, sed maximam pecuniam regi crediderit. Vanum etiam illud esse, quod nonnulli dicant, Rabirium illam pecuniam habere, sed celare. Neque enim, quod dicat accusator, verum esse, Rabirium Alexandriæ dominatum esse, immo vero eum in superbissimo dominatu fuisse, familiares suos in vinculis vidisse; ad extremum nudum et egentem e regno fugisse. Postremo quod permutatam esse aliunde pecuniam dicatur, id nullo prorsus argumento, nisi vanissimo rumore niti, cap. 14.

Postremo docetur, Rabirium una Cæsaris liberalitate sustineri, quæ nisi fuisset, ei jam quidem quum ad summam inopiam redactus esset, foro cedendum fuisse, cap. 15, 16.

In conclusione Cicero Rabirium judicum misericordiæ commendat, ejusque in se exsulem beneficia commemorat, cap. 17.

M. T. CICERONIS ORATIONES.

ORATIO PRO C. RABIRIO POSTUMO.

ORATIO OCTAVA ET TRICESIMA.

I. **SI** quis est, iudices, qui C. Rabirium, quod suæ fortunæ¹, fundatas præsertim, atque optime constitutas opes potestati regiæ² libidinique commiserit, reprehendendum putet: adscribat ad iudicium suum, non modo meam, sed hujus etiam ipsius, qui commisit, sententiam. Neque enim cuiquam ejus consilium vehementius, quam ipsi, displicet. Quamquam hoc plerumque facimus³, ut consilia eventis⁴ ponderemus,

I. 1. *Quod suæ fortunæ.* Muretus, lib. XVII, cap. 5, var. lect. legit ex duobus MSS: «suas fortunas fundatas præsertim atque optime constitutas». Idque probat, quia *fortunæ opes* non putat latine dici. Idem sentit Hotomannus. Sic Tullius pro Domo sua: «Subitas fundatissimæ familiæ ruinas».

2. *Potestati regiæ.* Solertissime ab initio viam sibi defendendæ causæ et excusando apud iudices Rabirio præmunis orator, quum eum ostendit reum confitentem.

3. *Quamquam hoc plerumque facimus.* Consulto disputat hoc loco Ci-

V. *Cic. pars secunda.*

cero, au jure vituperetur is, cujus bene et prudenter suscepta consilia fortuna elusit; eo nimirum ut majore misericordia dignam Rabirii calamitatem esse ostendat; si quidem non ejus temeritate, aut inconsulta ratione contigerit, sed vi atque injuria fortunæ. Non enim eorum solemus misereri qui sua culpa, et præcipiti ac cæco consilio in calamitatem aliquam incurrerunt.

4. *Ut consilia eventis ponderemus.* Sæpe hanc eandem sententiam commemorat Cicero aliis libris. Ad Lentulum scribens, ad Div. epist. lib. I:

et, cui bene quid processerit, multum illum providisse; cui secus, nihil sensisse⁵ dicamus. Si exstisset in rege⁶ fides, nihil sapientius Postumo; quia fefellit rex, nihil hoc amentius dicitur: ut jam nihil esse videatur, nisi divinare, sapientis. Sed tamen, si quis est, iudices, qui illam Postumi sive inanem spem, sive inconsultam rationem, sive (gravissimo verbo utar) temeritatem, vituperandam putet, ego ejus opinionioni non repugno: illud tamen deprecor, ut, quum ab ipsa fortuna crudelissime videat hujus consilia esse multata, ne quid ad eas ruinas, quibus hic oppressus est, addendum acerbitalis putet. Satis⁷ est homines imprudentia lapsos non erigere⁸; urgere vero jacentes, aut præcipitantes impellere, certe est inhumanum: præsertim, iudices, quum sit hoc generi hominum prope natura datum, uti, quæ⁹ in familia aliqua laus forte floruerit, hanc fere, qui sunt ejusdem stirpis¹⁰, quod sermo hominum ad memoriam prodendam¹¹ patrum virtute celebretur, cupidissime persequantur: siquidem non modo in gloria rei militaris Paullum Scipio, aut Maximum filius, sed

« Sed hæc, ait, sententia sic et illi, et nobis probabatur, ut ex eventu homines de tuo consilio existimatuos videremus, etc. » Idem ep. ad Attic. IX: « Consilia ex eventu non ex voluntate a plerisque probari solent ». Plautus, Pseud. « Bene ubi quod consilium discimus accidisse, hominem catum Eum esse declaramus; stultum autem quoi vertit male, etc. » Tullius in Pisonem, cap. 41, supra pag. 425: « ...cui semper ita persuasum fuerit, non eventis, sed factis, cujusque fortunam ponderari, etc. »

5. *Nihil sensisse.* Lambinus male *nihil vidisse.*

6. *In rege.* Alexandria, Ptolemæo Aulete.

7. *Satis est.* Obscure notat C. Memmium, qui Postumum accusaverat, eumque ita conatur iudicibus odiosum reddere.

8. *Erigere.* Id est, relevare et restituere.

9. *Quæ in familia.* Al. *qua in familia.*

10. *Ejusdem stirpis.* Al. *ejus stirpis.* Male. — Rabirium jam ob id excusandum censet, quod temeritati minus quam gentili et paterno exemplo peccaverit.

11. *Prodendam.* Ea vox nec in

etiam in devotione vitæ, et in ipso genere mortis imitatus est P. Decium¹² filius. Sint igitur similia, iudices, parva magnis.

II. Fuit enim, pueris nobis, hujus pater¹ C. Curius, princeps ordinis equestris, fortissimus² et maximus publicanus; cujus in negotiis gerendis magnitudinem animi non tam homines probassent, nisi in eodem benignitas incredibilis fuisset; ut in augenda re non avaritiæ prædam, sed instrumentum³ bonitati quærere videretur. Hoc ille⁴ natus, quamvis patrem suum numquam viderat, tamen et natura ipsa⁵ duce, quæ plurimum valet, et assiduis domesticorum sermonibus, in paternæ vitæ similitudinem⁶ deductus est. Multa gessit; multa contraxit⁷; magnas partes ha-

Franci MSS, nec in editione prima Mediol. Ascens. Forben. Victorii, Manutii conspicitur, et delendam putat Grævius.

12. P. Decium. Valer. Max. « Quid ultra [inquit filius patrem P. Decium nomine compellens] moror familiare fatum? Datum hoc nostro generi est, ut luendis periculis publicis piacula simus. Itaque quum pontifice verba præeunte sese devovisset, qua confertissimam cernebat Gallorum aciem concitat equum, inserensque se ipse infestis telis interfectus est. Hæc fere Livius, et alii. Cicero præterea in orat. pro Sext. et in Parad.

II. 1. Hujus pater C. Curius. Pater natura scilicet, quum adoptione patrem haberet Rabirium avunculum suum, ut in extrema oratione Cicero ipse narrat.

2. Fortissimus. Fortes dicuntur, qui non verentur pericula, et inimicitias etiam hominum potentium reipublicæ causa suscipere. — Maximus, id est, publicanorum rerum peritissimus.

3. Instrumentum bonitati. Id est, facultatem liberalitatis exercendæ. Instrumentum vocant, quod nunc boni, nunc mali rationem habet.

4. Hoc ille natus. Initium narrationis; nempe genera duo narrationum esse Fabius, lib. IV, cap. 2, testatur; aliud genus narrationum causam exponere, aliud vero eas res quæ ad causam spectant, ut in hac ipsa Ciceronis oratione, quam ille testem eo loco citat.

5. Natura ipsa duce. Sic proverbium: « Naturæ sequitur semina quisque suæ ».

6. Vitæ similitudinem. Sic Ernest. auctore Hottomanno, pro culpæ. Neque tamen, ait Weisk. vitæ tam verum puto, quam culpæ falsum. Alia forte vox latet.

7. Multa gessit; multa contraxit. Gerere ad ea proprie negotia pertinet, quæ non verbis, sed re constant; contrahere autem ad ea unde ultro citroque obligatio nascitur, scilicet quum de emptione et locatione agitur.

buit publicorum⁸; credidit populis; in pluribus provinciis ejus versata res est; dedit se etiam⁹ regibus; huic ipsi Alexandrino¹⁰ grandem jam antea pecuniam credidit; nec interea locupletare amicos umquam suos destitit, mittere in negotium, dare partes, re augere, fide sustentare: quid multa? quum magnitudine animi, tum liberalitate, vitam patris et consuetudinem expresserat.

Pulsus interea regno¹¹ Ptolemæus dolosis consiliis¹² (ut dixit Sibylla¹³, sensit¹⁴ Postumus) Romam venit. Huic egenti et roganti hic infelix pecuniam credidit; nec tum primum. Nam regnanti crediderat

8. *Habuit publicorum.* Vulgata *publicanorum*.

9. *Dedit se etiam regibus.* Sic epist. ad Div. II, 8: «Da te homini, complectetur, mihi crede».

10. *Huic ipsi Alexandrino.* Quia reges Egypti in urbe Alexandria, ab Alexandro condita, plurimum versabantur, Ptolemæum Alexandrinum vocat.

11. *Pulsus interea regno.* Dionis verba hæc sunt lib. XXXIX, quæ ex græco expressimus: «Quum Ptolemæus grandem pecuniam Romanis quibusdam elargitus esset, ut regnum suum confirmaret, et amicus ac socius populi rom. appellaretur, eamque postea pecuniam vi ab Egyptiis exigeret, regno expulsus, Romam profectus est auxilium petiturus».

12. *Ptolemæus dolosis consiliis.* Id est, venit Romam ea mente, ut pecunia alios emungeret, qua alios corrumperet.

13. *Ut dixit Sibylla.* Romæ asservantur Sibyllæ cojusdam adumbrata oracula, quæ consulebant sacerdotes et interpretabantur ad arbitrium suum, prout res exigebat. Quum populo illa

perlegere non liceret, facile decipiebatur. A senatu igitur jamjam decretum fuerat, ut Lentulus, qui tum proconsul Ciliciam obtinebat, Ptolemæum in regnum suum restitueret, sed calliditas romana fructum aliquem ex alieno malo sperans, regi objecit ficta Sibyllinorum librorum oracula. Cicero ipse ad Lentulum scribens, non uno loco, ficta et simulata hæc fuisse omnia confirmat: «Hæc, ait, opinio est populi romani a tuis invidiis atque obrectatoribus nomen inductum fictæ religionis, non tam ut te impedirent, quam ut ne quis propter exercitus cupiditatem Alexandriam vellet ire». Item ep. 1: «Senatus religionis calumniam non religione, sed malivolentia et illius regis largitionis invidia comprobatur». Item alibi: «Nihil tibi detraxit senatus, nisi id quod per eandem religionem dari alteri non potest». Restitutus demum est Ptolemæus ab A. Gabinio Syriæ proconsule, qui provincie suæ terminis, pretio ductus, egressus est; quo nomine postea fuit condemnatus.

14. *Sensit.* Id est, expertus est

absens : nec temere se credere putabat, quod erat nemini dubium, quin is in regnum restitueretur a senatu populoque romano. In dando autem et credendo processit longius; nec suam solum pecuniam credidit, sed etiam amicorum. Stulte : quis negat ? aut quis jam non admonet ? quod male cecidit, bene consultum putares ¹⁵ ? Sed est difficile, quod cum spe magna sis ingressus, id non exsequi usque ad extremum.

III. Supplex erat rex ; multa rogabat ¹ ; omnia pollicebatur : ut jam metuere Postumus cogeretur, ne, quod crediderat, perderet, si credendi constituisset modum. Nihil autem erat illo blandius, nihil hoc benignius : ut magis poeniteret coepisse, quam liceret desistere.

Hinc primum exoritur ² crimen illud : senatum corruptum esse dicunt ³. O dii immortales ! hæc est illa exoptata ⁴ judiciorum severitas ? Corruptores nostri ⁵ causam dicunt : nos, qui corrupti sumus, non dicimus. Quid ergo ? senatum defendam hoc loco, judices ? Omni equidem loco debeo : ita de me est meritus ille ordo. Sed id nec agitur hoc tempore, nec

quam vafer et astutus esset Ptolemæus, qui illum pecunia emunxit.

15. *Bene consultum putares ?* Ironice ; irridet enim eos qui consilia eventis ponderant. Quum male evenerit, male ac stulte consultum fuisse dicendum est.

III. 1. *Multa rogabat. Pro multum.* *Æneid. V : Multa gemens.* Id. XI : « Multaque se incusat, qui non acceperit ultro ». Græca figura.

2. *Hinc primum exoritur.* Propositio est quæ unum accusationis caput continet. Translatione autem crimen hoc defendit, quasi illi non Rabirium, sed senatores accusent.

3. *Senatum corruptum esse.* Cicero

ad Lentulum, ad Div. lib. 1, epist. 1 : « Ammonius regis legatus, aperte pecunia nos oppugnat. Res agitur per eosdem creditores, per quos, quum tu aderas, agebatur ». Quod Memmius objecit. Nec tam Cicero refutat objectionem, quam eludit.

4. *Hæc est illa exoptata.* Hoc tempore senatores una cum equitibus iudicabant lege Aurelia ; quod diu exoptatum fuerat.

5. *Corruptores nostri.* Utilitur Cicero voce nostri, quia ipse erat e numero senatorum. Creditorum referebat, ut restitueretur Ptolemæus. — *Causam dicere.* Est in iudicio respondere, vel pro se, vel pro alio.

cum Postumi causa res ista conjuncta est. Quamquam ad⁶ sumptum itineris, ad illam magnificentiam apparatus, comitatumque regium, suppeditata pecunia a Postumo est, factæque syngraphæ sunt in Albano Cn. Pompeii, quum ille Roma profectus esset: tamen non debuit is, qui dabat, quo ille, qui accipiebat, consumeret, quærere. Non enim latroni, sed regi credidit: nec regi inimico populi romani; sed ei, cujus reditum consuli datum⁷ a senatu videbat: nec ei regi, qui alienus ab hoc imperio esset; sed ei, quicum foedus feriri in Capitolio⁸ viderat. Quod si creditor⁹ in culpa sit; non qui est improbe credita pecunia usus: damnetur is, qui fabricatus gladium est, et vendidit, non is, qui illo gladio civem aliquem interemit. Quamobrem neque tu, C. Memmi¹⁰, hoc facere debes,

6. *Quamquam ad.* Legit Hottomannus *quamquam enim ad.* Reddit enim rationem cur senatus corruptio nihil ad Rabirii causam pertineat. Ptolemæus quum videret Sibyllinis versibus, quamquam fictis, prohiberi ne cum exercitu reduceretur in regnum, nec obtinere posset a senatu, ut saltem Pompeius cum duobus lictoribus ad res componendas, seque restitendum Alexandriam mitteretur, Ephesum se recepit, relicto Ammonio legato; et ut hic ostendit Cicero, pecuniam a Postumo mutuatitiam ad sumptum itineris accepit, factis in Albano Cn. Pompeii villa syngraphis, quibus se Postumo rex obligaret.

7. *Consuli datum.* Scil. Lentulo Spintheri, cui Cilicia sorte obtigerat. Collegam habebat Metellum Nepotem.

8. *Foedus feriri in Capitolio.* In vertice Capitolini collis templum erat Jovis Feretrii. Foederum tabulas ibidem asservabant, ut refert Appianus in Syriacis de federe inter Antiochum

et Romanos icto: « Quum hæc scripsissent et in Capitolium in tabulas senas retulissent, ubi et alia fœdera ponuntur. »

9. *Quod si creditor.* Locus est ex comparatione parium: si creditorem ob eam rem condemnatis quod ille, qui mutuam accepit pecuniam, ea male est usus, quod providere creditor non poterat; tunc damnandus est is qui gladium vendidit, non is qui eo in civium perniciem est abusus.

10. *Neque tu, C. Memmi.* C. Memmius tribunus erat plebis, qui A. Gabinium, postea quam L. Lentulo Flamini filio accusatore majestatis absolutus est, ream fecit lege Julia repetundarum; et quia ex bonis condemnati Gabinii redigi ea summa, in quam condemnatus erat, non potuerat; ejusque pecunie pars aliqua ad Rabirium pervenisse dicebatur, accusatus quoque ab eodem Memmio fuit Rabirius, ut quod ex bonis Gabinii servare non potuerat, ab eo servaretur.

ut senatum, cujus auctoritati te ab adolescentia dedisti, in tanta infamia versari velis, neque ego id, quod non agitur, defendere. Postumi enim causa, quaecumque est, sejuncta a senatu est. Quod si item a Gabinio sejunctam ostendero, certe, quod dicas, nihil habebis.

IV. Est enim hæc causa, QUO EA PECUNIA PERVERNERIT¹, quasi quædam appendicula causæ judicatæ atque damnatæ. Sunt lites æstimatæ A. Gabinio²: nec prædes dati, nec ex ejus bonis, quanta summa litium fuisset, a populo recepta³. Lex æqua est. Jubet [lex Julia⁴] persequi ab iis, ad quos ea pecunia, quam is ceperit, qui damnatus sit, pervenerit. Si est hoc novum⁵ in lege Julia, sicuti multa sunt severius scripta, quam in antiquis legibus, et sanctius: inducatur sane etiam consuetudo hujus generis judiciorum nova. Sin hoc totidem verbis translatum caput est, quod fuit non modo in Cornelia⁶, sed etiam ante in

IV. 1. *Quo ea pecunia pervenerit.* Sic lex enuntiatur; id est, hæc causa, in qua queritur, quo ea pecunia pervenerit.

2. *Sunt lites æstimatæ A. Gabinio.* Civis romani damnatio pecunia erat et exilium: omnia enim furta æstimabantur, et ea pecunia quam acciperet dicebatur, in summam redigi solebat, quæ ex ejus bonis auctione venditis solvebatur. Inde *lites æstimatæ* dicitur, id est, ea pecunia, de qua lites et controversia facta est.

3. *A populo recepta.* Al. *recipi*; sed addendum potuit Lalleman. *populus recepit.*

4. *Lex Julia.* Id est, a Julio Cæsare lata primo consulatu.

5. *Si est hoc novum.* Si lex Julia novissime id constituit, sane sit, vel maneat hæc nova judicii consuetudo,

ut, qui non appellatus est in litibus æstimandis causæ principalis, causam postea dicere cogatur. Sin vero hoc antiquum est, et ex vetustioribus legibus in Juliam translatum, cur novum judiciorum morem inducimus?

6. *In Cornelia.* Lata a L. Cornelio Sulla. — *Servilia*, a C. Servilio Glauco; nempe a nomine familie leges appellabantur. Cicero Philipp. I, «Quære acta Gracchi; leges Sempronie proferentur. Quære Sullæ, Corneliæ». Lucius Piso tribus plebis legem primam de pecuniis repetundis Censorino et Menilio consulibus tulit, ut dicitur in Bruto, et de Officiis, II: «Nondum centum et decem anni sunt, quum de pecuniis repetundis a L. Pisone lata est lex, nulla antea quam fuisset. At vero postea tot leges et proximæ quoque duriores; tot rei, tot damnati,

lege Servilia : per deos immortales ! quid agimus, judices ? aut quem hunc morem novorum judiciorum in rempublicam inducimus ? Erat enim hæc consuetudo nota vobis quidem omnibus, sed, si usus⁷ magister est optimus, mihi debet esse notissima. Accusavi de pecuniis repetundis; judex sedi; prætor quæsi; defendi plurimos. Nulla pars, quæ aliquam facultatem discendi⁸ afferre posset, non mea fuit. Ita contendo : neminem umquam QUO EA PECUNIA PERVENISSET, causam dixisse, qui in æstimandis litibus appellatus non esset. In litibus autem nemo appellabatur, nisi ex testium dictis, aut tabulis privatorum⁹, aut rationibus civitatum. Itaque in inferendis litibus¹⁰ adesse solebant, qui aliquid de se verebantur; et, quum erant appellati, si videbatur, statim contra dicere solebant. Sin ejus temporis recentem invidiam pertimuerant, respondebant postea : quod quum fecissent, permulti sæpe vicerunt.

V. Hoc vero novum est, ante hoc tempus omnino inauditum. In litibus, Postumi nomen est nusquam : in litibus dico ? modo vos iidem in A. Gabinium judices sedistis : num quis testis Postumum appellavit ? testis autem ? num accusator ? num denique toto illo

tantum Italicum bellum propter judiciorum metum excitatum; tanta sublati legibus et judiciis expilatio direptioque sociorum, ut imbecillitate aliorum, non nostra virtute valeamus ».

7. *Si usus magister.* Usus Sapientie pater, apud Afranium, ut refert Gell. Noct. Attic. lib. XIII, cap. 8 : « Usus me genuit, mater peperit memoria, Σοφίαν vocant me Graeci, vos sapientiam ».

8. *Discendi.* Al. *dicendi*, male; nempe hoc loco de Ciceronis eloquentia nulla suspicio est; de peritiâ agitur

quæ usu atque exercitatione in publicis tractandis judiciis comparatur.

9. *Tabulis privatorum.* In quibus privati scribere solebant, quæ singulis diebus expendissent; unde expensæ tabulæ dicebantur; cujusmodi rationes ac tabulas civitates quoque habebant. De tabulis Cicero ita scribit oratione pro Cluentio : « Hæc autem res habet hoc certe, ut nihil possit neque additum, neque detractum de re familiari latere ».

10. *In inferendis litibus.* Al. *in inserendis l.*

judicio Postumi nomen audistis? Non igitur reus ex ea causa, quæ judicata est, redundat Postumus; sed est arreptus unus eques romanus de pecuniis repetundis reus : quibus tabulis¹? quæ in judicio A. Gabinii recitatae² non sunt : quo teste? a quo tum appellatus nusquam est : qua appellatione litium³? in qua Postumi mentio facta nulla est : qua lege? qua non tenetur.

Hic jam, judices, vestri consilii res est, vestrae sapientiae : quid deceat⁴ vos, non, quantum liceat vobis, spectare debetis. Si enim, quid liceat, quaeritis; potestis tollere e civitate, quem vultis. Tabella est⁵, quæ dat potestatem; occultat eadem libidinem : cujus conscientiam nihil est quod quisquam timeat, si non pertimescat suam. Ubi est igitur sapientia judicis? In hoc, ut non solum, quid possit, sed etiam, quid debeat, ponderet; nec, quantum sibi permis- sum⁶, meminerit solum, sed etiam, quatenus commissum sit. Datur tibi tabella⁷ judicii : qua lege? Julia

V. 1. *Quibus tabulis?* Subjectio, cui simillima de Harusp. responsa. « Tu meam domum religiosam facere potuisti? qua mente? qua invaseras. Qua manu? qua disturbaras. Qua voce? qua incendi jusseras. Qua lege? quam ne in illa quidem impunitate tua scripseras, etc. »

2. *A. Gabinii recitatae.* Al. *A. Gabinio*, male; non enim solebant rei contra se tabulas recitare.

3. *Qua appellatione litium.* Al. *æstimatione*; non enim lites, sed homines appellantur.

4. *Quid deceat.* Totum hunc locum copiose ac luculenter persequitur Cicero oratione pro A. Cluentio, his verbis : « Est enim sapientis judicis, etc. »

5. *Tabella est.* Id est, litera quam judices in urnam conjiciebant, sive absolvendi, sive condemnandi causa. Litera A significabat absolvo, et C, condemno. Suffragia clam ferebat quisque ex sua conscientia.

6. *Quantum sibi permisum.* Hanc eandem differentiam notat in orat. pro Cluentio, et item pro Fonteio : « Permittimus quæ toleramus, et aliorum potestati atque licentiae concedimus. Committimus, quæ commendamus et fidei aliorum credimus. Est sapientis judicis, ait, meminisse se hominem esse ».

7. *Datur tibi tabella.* Hic Cicero colloquium fingit cum iudice. Orator : *Datur tibi tabella.* Jdex respondet : *Qua lege?* Orat. *Julia.*... Jnd. *Quo*

de pecuniis repetundis : quo de reo? de equite romano. At iste ordo lege ea non tenetur. Illo, inquit, capite, quod erat in Postumum, quod in Gabinium iudex esses, nihil Gabinio datum, quum in eum lites æstimerentur. At nunc audio. Reus igitur Postumus est ea lege, qua non modo ipse, sed totus etiam ordo solutus ac liber est.

VI. Hic ego nunc non vos prius implorabo, equites romani, quorum ius iudicio tentatur, quam vos, senatores¹, quorum agitur fides in hunc ordinem : quæ quidem quum sæpe ante, tum in hac ipsa causa nuper est cognita. Nam quum optimo et præstantissimo consule, Cn. Pompeio, de hac ipsa quæstione² referente, existerent nonnullæ, sed perpaucæ tamen acerbæ sententiæ, quæ censerent, ut tribuni³, ut præfecti, ut scribæ, ut comites omnes magistratum, lege hac tenerentur : vos, vos, inquam, ipsi, et senatus frequens restitit; et, quamquam tum, propter multorum delicta, etiam ad innocentium periculum tempus illud exarserat, tamen, quum odium non restingeretis, huic ordini ignem novum subijci non sivistis. Hoc animo⁴ igitur senatus. Quid? vos, equites romani, quid tandem estis acturi? Glaucia solebat⁵, homo impurus, sed tamen acutus, populum

de reo? Orat. *De equite romano.* Jud. *At iste?* etc. Orat. *Illo, inquit, capite.* Hic locus omnino est corruptus, et multa desunt. Illo, id est, illo ipso capite legis, quo pecunia pervenerit, tenetur. *Nihil Gabinio datum.* Id est, severius habitus est.

VI. 1. *Quam vos, senatores.* Sedebant enim iudices tum equites, tum senatores, lege iudiciaria, quam tulit Aurelius Cotta, prætor, an. 683.

2. *De hac ipsa quæstione referente.* Nimirum ad senatum. Consul autem

referre dicebatur, quam rem aliquam senatoribus considerandam ac decernendam proponeret, ut senatusconsultum fieret.

3. *Tribuni.* Scil. militum: quatuor tribunos habebat quæque legio. — *Præfecti.* Scil. æquitum.

4. *Hoc animo.* Illam breviter non probat Weisk. atque additum aliquid esse putat, ut *et nunc erit*, aut *et nunc esse debet*, quod nunc evanuit.

5. *Glaucia solebat.* C. Servilius

monere, ut, quum lex aliqua recitaretur⁶, primum verum attenderet : si esset dictator, consul, prætor, magister equitum, ne laboraret; sciret nihil ad se pertinere; sin autem, QUICUMQUE POST HANC LEGEM⁷, videret, ne qua nova quæstione alligaretur. Nunc vos, equites romani, videte. Scitis, me ortum⁸ e vobis; omnia semper sensisse⁹ pro vobis : nihil horum sine magna cura et summa caritate vestri ordinis loquor.

Glauca. Is fuit quo Saturninus maxime usus est in seditione illa nefaria, ob quam cum conjuratis omnibus Marii eos. opera interfectus est. Eum Cicero lib. de Oratore III, per similitudinem *stercus Curie* appellari posse affirmat, nisi deformis esset cogitatio similitudinis. In libro qui Brutus appellatur, « longe autem, inquit, post natos homines improbissimus C. Servilius Glauca, sed peracutus et calidus, cumprimisque ridiculus, is ex summis et fortunæ et vitæ sordibus ex prætura consul factus esset, si rationem ejus haberi licere judicatum esset. Nam et plebem tenebat, et equestrem ordinem beneficio legis devinxerat ».

6. *Quum lex recitaretur.* Solebat enim trinundino promulgari lex, ut qui vellet intercederet, et nemine intercedente ad populum ferretur.

7. *Quicumque post hanc legem.* Verba illa populo in primis, ut Glauca præcipiebat, spectanda occurrunt in lege a Frontino servata. Ejus initium apud Brissonium de formulis l. II, p. 141, sic expressum legitur : « Titus Quintus Crispinus eos. populum jure rogavit, populusque jure seivit in foro pro Rostris A. D. P. R. R. I. tribus Sergia principium fuit; pro tribu Sex. L. F. Varro. Quicumque post hanc legem rogatam rivos, specus, fornices,

fistulas, castella, tubulos, lacus aquarum publicarum, quæ ad urbem ducuntur, earumve quam, sciens dolo malo foraverit, ruperit, forare, rumpere curaverit, pejoremque fecerit. . . . is pop. rom. C millia dare damnatus esto ».

8. *Scitis, me ortum.* Plinius, lib. XXXIII, cap. 22 : « Marcus Cicero demum stabilivit equestre nomen in consulatu suo, ei senatum concilians, ex eo se ordine provectum esse celebrans, ejusque vires peculiari popularitate quærens ».

9. *Omnia semper sensisse.* Multa erant Ciceronis in equites beneficia, quæ notare maluit, quam commemorando quodammodo exprobrare videri. Sed in quarta Catilinaria fasius ea commemorat : « Quid ego hic equites romanos commemorem ? qui vobis ita summam ordinis consilii concedunt, ut vobiscum de amore reipublicæ certent; quos ex multorum annorum dissensione hujus ordinis, ad societatem concordiamque revocatos hodiernus dies vobiscum, atque hæc causa conjungit; quam conjunctionem si in consulatu confirmatam meo, perpetuam in republica tenuerimus, confirmo vobis posthac malum civile ac domesticum ad nullam reipublicæ esse venturum partem ». Et alii permulti loci occurrunt.

Alius alios homines et ordines, ego vos semper complexus sum. Moneo et prædico; integra re causaque denuntio; omnes homines, deosque testor: dum potestis, dum licet, providete, ne duriores vobis conditionem statuatis, ordinique vestro, quam ferre possit. Serpet hoc malum (mihi credite) longius, quam putatis.

VII. Potentissimo et nobilissimo tribuno¹ plebis, M. Druso, unam in equestrem ordinem quæstionem ferenti, SI QUIS OB REM JUDICATAM PECUNIAM CREPISSET, aperte equites² romani restiterunt. Quid? hoc licere volebant? minime: neque solum hoc genus pecuniæ capiendæ turpe, sed etiam nefarium arbitrabantur. Attamen ita disputabant, eos teneri legibus³ oportere, qui suo judicio essent illam conditionem vitæ sequuti. Delectat amplissimus civitatis gradus, sella curulis, fascēs, imperia, provinciæ, sacerdotia, triumphī, denique imago ipsa, ad posteritatis memoriam prodita. Est simul etiam sollicitudo aliqua, et legum et judiciorum major quidam metus. Nos ista numquam contempsimus (ita enim disputabant); sed hanc vitam quietam atque otiosam sequuti sumus. Quæ quoniam honore caret, careat etiam molestia. Tam es tu iudex⁴,

VII. 1. *Tribuno plebis.* De toto hoc capite conferendus est locus in orat. pro Cluentio, cap. 56.

2. *Aperte equites.* Cicero, epist. ad Atticum, I: «Credo te audiasse nostros equites pæne a senatu esse disjunctos, qui primum illud valde graviter tulerant, promulgatum ex senatusconsulto fuisse, ut de iis qui ob judicandum pecuniam acceperant, quaereretur». Nominantur in Cluentiana C. Flavius Pansa, Cn. Titinius, C. Mæcenas.

3. *Eos teneri legibus.* Qui magistratibus adeptis, in senatorium ordinem recepti sunt, ad illos magistratus non coacti sunt, sed libere et ultro ambierant; sequum igitur senatores iudicium incommodis defungi, quæ amplissimis honoribus compensantur. Vide Cluentianam. — *Illam conditionem vitæ*, ut iudices sederent.

4. *Tam es tu iud.* Equiti respondet senator. — *Ita est.* Affirmatio equitis. — *Sed tu.* Qui es senator. — *Ego.* Qui sum duntaxat eques.

quam ego senator. Ita est : sed tu istud petiisti, ego hic cogor. Quare aut judici mihi non esse liceat, aut legem⁵ lege senatoria non timere. Hoc vos, equites romani, jus a patribus acceptum amittetis ? moneo, ne faciatis. Rapiuntur homines in hæc judicia ex omni non modo invidia, sed sermone malivolorum, nisi cavetis. Si jam vobis nuntiaretur, in senatu sententias dici, ut his legibus teneremini, concurrendum ad curiam⁶ putaretis. Si lex ferretur, convolaretis ad Rostra. Vos senatus liberos hac lege esse voluit; populus numquam alligavit; soluti huc convenistis : ne constricti discedatis, cavete. Nam, si Postumo fraudi fuerit, qui nec tribunus, nec præfectus, nec ex Italia comes⁷, nec familiaris Gabinii fuit, quonam se modo defendent posthac, qui vestri ordinis cum magistratibus nostris fuerint his causis implicati ?

VIII. Tu, inquit¹, Gabinium, ut regem reduceret, impulisti. Non patitur mea me jam fides de Gabinio gravius² agere. Quem enim ex tantis inimi-

5. *Aut legem.* Al. *leges.* Legem Juliam intelligit. Legem vero senatoriam senatusconsultum appellat, quo solutus ordo equestri lege Julia fuerat; ut paullo post, « vos senatus liberos hac lege esse voluit ».

6. *Concurrendum ad curiam.* Ibi senatus cogeatur; populus pro Rostris. Hæc oratio in foro habita est, ubi rerum capitalium judicia exercebantur.

7. *Nec ex Italia comes.* Id est, qui Gabinium in Ciliciam non comitatus est.

VIII. 1. *Inquit.* Accusator.

2. *De Gabinio gravius.* Acerbins enim de illo loqueretur, si ita Postumum defenderet, ut sola avaritia et pecuniæ promissæ cupiditate indu-

ctum Gabinium diceret, non Postumi sermonibus. Fragmentum orationis pro Gabinio, quod D. Hieronymus, Apolog. adversus Rufinum servavit, sic habet : « Ego quum omnes amicitias tuendas semper putavi summa religione et fide, tum eas maxime, quæ essent ex inimiciis revocatæ in gratiam : propterea, quod integris amicitis officium prætermisum, imprudentiæ, vel ut gravius interpretemur, negligentiae excusatione defenditur; post reditum in gratiam si quid est commissum, id non neglectum, sed violatum putatur, nec imprudentiæ, sed perfidiæ assignari solet ». Val. Max. lib. IV, cap. 2 : « Sed hujusce generis humanitas in M. Cicerone præcipua apparuit; A. namque Gabinium repetun-

citiis³ receptum in gratiam summo studio defende-
rim, hunc afflictum violare non debeo. Quocum stante
si me Cn. Pompeii auctoritas in gratiam non reduxis-
set, nunc jam ipsius fortuna reduceret. Sed tamen,
quum ita dicis, Postumi impulsu Gabinium profe-
ctum Alexandriam: si defensionis Gabinii⁴ fidem non
habes, obliviscerisne etiam accusationis tuæ? Gabinius
se id fecisse⁵ dicebat reipublicæ causa, quod classem
Archelai⁶ timeret, quod mare refertum fore prædo-
num⁷ putaret. Lege etiam id sibi⁸ licuisse dicebat.
Tu inimicus negas. Ignosco⁹; et eo magis, quod est
contra illud iudicatum. Redeo igitur ad crimen, et
accusationem tuam. Quid vociferabare, decem millia
talentum¹⁰ Gabinio esse promissa? Huic videlicet
perblandus¹¹ reperiendus fuit, qui hominem, ut tu

darum reum summo studio defendit, qui eam in consulatu suo urbe expul-
lerat ».

3. *Ex tantis inimiciis.* De quibus
dicetur paullo post, et unde adsumi
poterunt, quæ ad hunc locum perti-
nere videbuntur.

4. *Si defensionis Gabinii fidem.*
Ostendit accusatoris criminationem
inter se pugnare; quæ defensio ma-
gnam habet vim atque gravitatem, ut
ostendit Fabius, lib. V, cap. 13: « Est
interim oratoris efficere, ut quid con-
trarium esse videatur. Objicitur Oppio,
quod de militum cibariis detraxerit:
asperum crimen, sed contrarium esse
ostendit Cicero, quis iidem accusato-
res objecerunt Oppio, quod is volue-
rit largiendo corrumpere exercitum ».

5. *Gabinius se id fecisse.* Longe alia
est Ciceronis oratio, quum in Pisonem
invehitur; eam enim tum temporis,
quum adhuc inimicitie permanerent.
« Se ipsum, ait, fascēs suos, exercitum
populi romani, nūmen interdictumque

deorum immortalium, responsa sacer-
dotum, auctoritatem senatus, jussa
populi, nomen ac dignitatem imperii
regi Ægyptio vendidit, etc. »

6. *Classem Archelai.* Comanorum
sacerdotis, qui, Ptolemæo rege a civi-
bus pulso, Alexandriam, uxore ducta
Ptolemæi filia, occupaverat. Historiam
Strabo explicat lib. XVII; Appianus
in Mithridatico; Plutarchus in Sulla.

7. *Fore prædonum.* Nam in dissen-
sione ac tumultu civili Romanorum,
cujus spem illis injiciebat causa Ale-
xandrina, facile credebant occasionem
fore sibi datam et socios, et amicos
eorum vexandi.

8. *Lege etiam id sibi.* Latet quæ
fuerit illa lex. Fortasse caput aliquod
legis arripuerat, unde per calumniam
quamdam id eliceret.

9. *Ignosco.* Tibi, C. Memmi.

10. *Decem millia talentum.* Ære
gallico 49,200,000 fr.

11. *Huic videlicet perblandus.* Hæ-
rent commentatores. Alii legunt,

vis, avarissimum, exoraret, sestertium bis millies et quadingenties ne magnopere contemneret. Gabinus illud, quoquo consilio fecit, fecit certe suo. Quæcumque mens illa fuit, Gabinii fuit: sive ille, ut ipse dicebat, gloriam; sive, ut tu vis, pecuniam quæsit; quæsit sibi. Num Gabinii comes¹², vel sectator? negat¹³. Non enim ad Gabinii, cujus id negotium non erat, sed ad P. Lentuli¹⁴, clarissimi viri, auctoritatem, a senatu profectam, et consilio certo, et spe non dubia, Roma contenderat.

At diocetes¹⁵ fuit regius. Et quidem in custodia etiam fuit regia; et vita ejus ablata pæne est; multa præterea, quæ libido regis, quæ necessitas coegit ferre, per tulit: quarum omnium rerum una reprehensio est, quod regnum intravit¹⁶, quod potestati se regis com-

homo; alii, hui! Hottom. e MSS *persuasor blandus*, quod Schütz. recepit. Weisk. mallet *Hic. Lalleu.* nihil mutavit.

12. *Num Gabinii comes.* Hic multi lacunam vident. Qua de causa non video: omnia enim apte hærent.

13. *Negat.* Scil. accusator.

14. *Sed ad P. Lentuli.* Ad quem Ciliciæ proconsulem ita scribit Cicero, epist. ad Div. « Quoniam senatusconsultum nullum exstat, quo reductio regis Alexandrini tibi adempta sit... te posse perspicere, qui Ciliciam Cyprusque teneas, quid efficere, et quid consequi possis; et si res facultatem habitura videatur, ut Alexandriam et Ægyptum tenere possis, esse et tunc et nostri imperii dignitatis, Ptolemæide aut aliquo propinquo loco rege collocato, te cum classe atque exercita proficisci Alexandriam, ut quum eam pace præsidisque firmaris, Ptolemæus redeat in regnum; ita fore, ut per te restituatur, quemadmodum se-

natus initio censuit ». Sed Lentulo copia non fuit illa perficiendi, nempe provincia sua a Gabinio spoliatus est, ut narrat Cicero ipse, in Pisonem cap. 21: « Ille (Gabinus) si non acerrime fureret, auderet quam provinciam P. Lentulus amicissimus huic ordini, quum et auctoritate senatus, et sorte haberet, interposita religione, sine ulla dubitatione deposuisset, eam sibi tum adiacere, quum etiam si religio non impediret, mos majorum tamen, et exempli, et gravissimæ legum pœnas vetarent? »

15. *At diocetes.* Obiectio. — *Et quidem.* Concessio. — *Et vita ejus.* Ex Mureti MSS, et vita ei.

16. *Quod regnum intravit.* Notum illud Sophocleum, quod Pompeius pugna Pharsalica victus, quum ad hoc ipsum Ægypti regnum, ad hujus ipsius filium se conferret, usurpavit: « Etenim tyranni quisquis ingreditur lares Est servus ejus, liber etiam accesserit ».

miserit. Verum si quærimus, stulte: quid enim stultius¹⁷, quam equitem romanum, ex hac urbe, huius, inquam, reipublicæ civem, quæ est una maxime, et fuit semper libera, venire in eum locum, ubi parandum alteri et serviendum sit?

IX. Sed ego in hoc tandem¹ Postumo non ignoscam, homini mediocriter docto, quo videam sapientissimos homines esse lapsos? Virum unum totius Græciæ facile doctissimum, Platonem², iniquitate Dionysii, Siciliæ tyranni, cui se ille commiserat, in maximis periculis insidiisque³ esse versatum accepimus; Callisthenem, doctum hominem, comitem Magni Alexandri, ab Alexandro necatum; Demetrium et ex republica Athenis⁴, quam optime digesserat, et ex doctrina nobilem et clarum, qui Phalereus vocatus est, in eodem isto Ægypti regno, aspide ad corpus admota, vita esse privatum. Plane confiteor, fieri nihil posse dementius, quam scientem in eum locum venire, ubi libertatem sis perditurus. Sed huius istius facti stultitiam major jam superior stultitia⁵ defendit; quæ facit, ut hoc stultissimum facinus, quod in regnum venerit, quod regi se commiserit, sapienter factum esse videatur: siquidem non tam⁶ semper stulti, quam sero sapientis est, quum stultitia sua impeditus sit, quoquo modo possit, se expedire.

17. *Quid enim stultius.* Callidissimo consilio multis verbis stultiorem quam callidiorem fuisse Rabirium persuadere conatur. Non enim quis stultitiæ reus jure ac merito possit condemnari.

IX. 1. *In hoc tandem.* Ernest. in hoc tamen.

2. *Platonem, iniquitate.* Apud Diogenem Laërtium, Plutarchum et histor. alios videre est, quod hic ora-

tor de Platone, Callisthene et Demetrio Phalereo narrat.

3. *Insidiisque esse.* Grævius ex Francii codice, *insidiisque mediis.*

4. *Digesserat.* Scil. ordinaverat, constituerat.

5. *Jam superior stultitia.* Quam pecuniam expulso regi et egenti non modo suam, sed etiam amicorum credidit.

6. *Non tam semper.* Abest, non.

Quamobrem illud maneat et fixum sit, quod neque moveri, neque mutari potest; in quo æqui⁷ sperasse Postumum dicunt, peccasse iniqui, ipse etiam insanisse se confitetur, quod suam, quod amicorum pecuniam regi crediderit cum tanto fortunarum suarum periculo : hoc quidem semel suscepto atque contracto, perpetienda illa fuerunt, ut se aliquando ad suos vindicaret⁸. Itaque objicias licet, quam voles sæpe, palliatum fuisse, aliqua habuisse non romani hominis insignia. Quoties eorum quippiam dices, toties unum dices atque illud⁹, temere hunc pecuniam regi credidisse; suas fortunas atque famam libidini regiæ commisisse. Fecerat temere; fateor : mutari factum jam nullo modo poterat : aut pallium sumendum Alexandriae, ut ei Romæ¹⁰ togato esse liceret; aut omnes fortunæ abjiciendæ, si togam retinuisset.

X. Deliciarum causa et voluptatis, non modo cives romanos, sed et nobiles adolescentes, et quosdam etiam senatores, summo loco natos, non in hortis, aut suburbanis suis, sed Neapoli, in celeberrimo oppido, cum mitella¹ sæpe vidimus. Chlamydatum L. Sullam imperatorem; L. vero Scipionis², qui

7. *Æqui sperasse.* Vide exordium Verrinæ de Signis : « Venio nunc ad iustus, etc. » — *Insanisse se.* Abest se; reposuit Grævius ex Francii codice.

8. *Ut se... ad suos vindicaret.* Grævius rejicit ad suos, quasi non latine; legit, et suos vindicaret, nimirum a damnis fortunarum, quæ et ipse et ejus amici fecissent, nisi hac ratione creditum servasset.

9. *Unum dices atque illud.* Lambinus ex aliis libris legit, unum dices atque idem; quod longe melius.

10. *Ut ei Romæ.* F. Ursin. ex vetere

libro Fulvii legit, ut ei Romæ, quod recepit Grævius; nempe hic nullus est locus et.

X. 1. *Mitella.* Tegumentum est capitis Asiaticum. Æneid. IV, de Paride : « Mæonia mentum mitra, crinemque madentem Subnixus ». Baccho mitram tribuebant. Propert. lib. IV, eleg. 2 : « Cinge caput mitra, speciem furabor Iacchi. — *Vidimus, al. videmus.*

2. *L. vero Scipionis.* Fuit hic P. Scipionis Africani frater; in Asiam missus Antiochum Syriæ regem devicit, cæsis hominum quinquaginta millibus, captis duobus.

bellum in Asia gessit, Antiochumque devicit, non solum cum chlamyde, sed etiam cum crepidis³ in Capitolio statuam⁴ videtis. Quorum impunitas fuit non modo a iudicio, sed etiam a sermone. Facilius certe P. Rutilium Rufum⁵ necessitatis excusatio defendet : qui quum a Mithridate⁶ Mitylenis oppressus esset, crudelitatem regis in togatos vestitus mutatione vitavit. Ergo ille P. Rutilius, qui documentum fuit hominibus nostris virtutis, antiquitatis⁷, prudentiæ, con-

3. *Cum crepidis.* Crepidæ calcei erant Græcorum, qui sumebantur cum pallio; tegebant tantum calcem pedis. Calceamenta vero Romanorum, quæ sumebantur cum toga erant cava, et totum pedem tegebant. Caligæ militares fuerunt ex crepidarum genere, æque ut socci, et cothurni, sed tamen a vulgaribus crepidis differebant. Vide Albertum Rubenium de lato clavo, lib. II, cap. 1. Accuratissime de his disputat.

4. *In Capitolio statuam.* Solebant in foro statui complurimæ; unde fori ornamenta a Plinio dicuntur. Locus tamen in Rostris erat clarior, ut scribit Cicero in orat. pro Dejotaro. Hujus L. Scipionis fratri Africano positas fuisse in Opis, in Pollucis, in Capitolio statuas, idem Cicero scriptum reliquit ep. 1, ad Atticum, lib. VI.

5. *P. Rutilium Rufum.* Cicero ait in Bruto : « Doctus vir, et græcis literis eruditus, Panætii auditor, prope perfectus in Stoicis ». Et paullo post : « Qui quamquam innocentissimus in iudicium vocatus esset, quo iudicio convulsam esse penitus scimus rempublicam, quum essent eo tempore eloquentissimi viri L. Crassus, et M. Antonius consules, eorum adhibere neutrum voluit, dixit ipse pro sese ». Idem pro Fonteio : « Quam multa au-

divit in suo iudicio P. Rutilius? qui etsi damnatus est, mihi videtur tamen inter viros optimos atque innocentissimos esse numerandus ». Consul fuit anno 648 cum Cn. Manlio. Ab equitibus damnatus, quod in Asia quaestor provinciales a publicanorum injuriis defenderat, in eandem provinciam exsulavit, et ab incolis benigne habitus est.

6. *Qui quum a Mithridate.* Hic princeps, occupata Asia, ad omnium Asiæ urbium primores scripsit, ut tricesimo die quo scriptæ erant literæ, omnes Romanos Italosque cum uxoribus et liberis interficerent, atque insepultos abjicerent; id facientibus præmium, contra vero poenam indixit. Plutarchus in Sulla narrat, centum et quinquaginta civium romanorum milia, qui in Asia versabantur, uno die occisi fuisse. Rutilius toga mutata, necem effugit.

7. *Virtutis, antiquitatis.* Lambinus legit, *virtutis, sanctitatis*. Antiquitas est antiqua probitas, virtus, fides, antiqui mores, qui semper in laude sunt. Plin. Paneg. 76 : « Jam quam antiquum, quam consulare, quod tri-duum totum senatus sub exemplo tuo sedit ». Idem, lib. II, ep. 2 : « Jam hoc ipsum pulchrum, et antiquum, senatum nocte dimitti ».

sularis homo, soccos habuit⁸ et pallium; nec vero id homini tum quisquam, sed tempori⁹ assignandum putavit: Postumo crimen vestitus afferet is, in quo spes fuit, posse sese aliquando ad fortunas suas pervenire? Nam, ut ventum est Alexandriam ad Auletem¹⁰, iudices, hæc una ratio a rege proposita Postumo est servandæ pecuniæ, si curationem et quasi dispensationem regiam¹¹ suscepisset. Id autem facere non poterat, nisi diœcetes: hoc enim nomine utitur, qui a rege esset constitutus¹². Odiosum negotium Postumo videbatur; sed erat nulla omnino recusatio. Molestum etiam nomen ipsum; sed res habebat nomen hoc apud illos, non hic imposuerat. Oderat vestitum etiam illum; sed sine eo nec nomen illud poterat, nec munus tueri. Ergo aderat vis, ut ait poeta ille noster, « quæ summas frangit infirmatque opes ». Moreretur¹³, inquires: nam id sequitur. Fecisset certe,

8. *Soccos habuit*. Calceos græcanicos humiliores, nonnumquam etiam inauratos. Seneca, lib. II, de Beneficiis, cap. 12: « C. Cæsar dedit vitam Pompeio Penno, si dat qui non aufert; deinde absoluto et agenti gratias porrexit osculandum sinistram pedem. Qui excusant eum, negant id insolentiae causa factum: ainvit soeculum auratum, immo aureum margaritis distinctum, ostendere eum voluisse ».

9. *Tempori assignandum*. Tempus plerumque a Cicerone pro necessitate ponitur, ut hoc loco ep. ad Div. VII: « Tempori cedere, id est, necessitati parere, semper sapientis est habitum ».

10. *Ad Auletem*. Id est, *joueur de flûte*. Strabo, lib. Geographiæ XVII, de Ptolemæo loquens: « Qui, ut illius intemperantiam atque incontinentiam omittam, tibicinam artem exercuit, in quo ipso tantopere gloriabatur, ut

non vereretur certamina in regia instituere, ad quæ ipse quoque cum aliis certaturus soccedebat ». Dio Chrysostomus, orat. ad Alexandrinos: « Rex vester circa tibiarum cantus erat occupatus, et huic uni attendebat ». Idem: « Ille quidem canens tibia, vos autem saltantes civitatem perdidistis ».

11. *Dispensationem regiam*. Notandum hoc loco dispensationem non solum intelligi de pecunia, sed etiam de frumento, de re pecuaria et omnibus bonis. — *Regiam*. Ernest. mallet *regiæ*. Censet Weisk. verbum *regiæ* ambiguum, quod intelligere possent dispensationem rerum in aula regia necessariarum. Commodè autem *regia* dispensatio potest dici pro dispensatione rerum ad regem pertinentium.

12. *Esset constitutus*. Patricius et Weisk. malunt *est*.

13. *Moreretur*. Responsum hoc idem

si sine maximo dedecore, tam impeditis suis rebus, potuisset emori.

XI. Nolite igitur fortunam convertere in culpam; neque regis injuriam, hujus crimen putare; nec consilium ex necessitate, nec voluntatem ex vi interpretari: nisi forte eos¹ etiam, qui in hostes, aut in praedones inciderint, si aliter quippiam coacti faciant, quam libere, vituperandos putes. Nemo nostrum ignorat, etiamsi experti non sumus, consuetudinem regiam. Regum autem haec sunt imperia, «Animadverte»; et, «dicto pare»²; et, «præter rogatum si³ quippiam»; et illæ minæ, «Si te secundo lumine⁴ hic offendero, Moriere». Quæ non, ut delectemur solum, legere et spectare debemus, sed ut cavere etiam et effugere discamus.

At ex hoc ipso crimen exoritur. Ait enim, dum Gabinio pecuniam Postumus cogeret ex decumis imperatorum⁵, pecuniam sibi coegisse. Non intelligo; hoc quale sit: utrum accessionem decumæ⁶, ut nostri

omnino h. l. sonat quam in pulcherrima Cornелиi fabula, *les Horaces*. — *Pecisset certe*. Si honeste facere licuisset. Sed ad priorem culpam rei familiaris temere projectæ, desperationis, animique debilitati et fracti infamiam addidisset.

XI. 1. *Nisi forte eos*. Locus ex comparatione parium, unde absurda adversariorum crimina esse demonstrat.

2. *Animadverte; et, dicto pare*. Sunt Creontis verba ad Medeam, jubentis illam ex ipsius ditione quam celerrime discedere, neque conari precibus discessum differre, quum id firmiter sancitum sit. Lacrymis tandem unius diei moram impetravit, ea conditione ut proximus sol nec ipsam nec filios intra regni fines aspiceret, alio-

qui moreretur. Hanc sententiam rursus protulit Cicero ad Atticum VII. Idem fere apud Senecam expressit Creon in Medea. Vide Ennii fragmenta ab Hessel collecta, pag. 205, et Planck. opus in latinam Medeam, Gott. 1807.

3. *Si quippiam. Al. querere*. Notoman. *loquere*. Davos similiter apud Terent. in Andr. «Verbum si mihi unum præterquam quod te rogo facis, cave». Euripid. Medea: Μη λόγους λέγει.

4. *Si te secundo lumine*. Cic. epist. extrema ad Attic. lib. VII: «Cæsaris interdicta, si te secundo lumine hic offendero, respuuntur».

5. *Ex decumis imperatorum*. Sabaud. tributorum. Al. malunt *imperatoris*, vel *imperati aeris*. Frustra.

6. *Accessionem decumæ*.

facere coactores solent, centesimæ; an decessionem de summa fecerit. Si accessionem; undecim millia talentum⁷ ad Gabinium pervenerunt. At non modo abs te⁸ decem millia objecta sunt, sed etiam ab his æstimata. Addo illud etiam: qui tandem convenit, aut, tam gravi onere tributorum, ad tantam pecuniam cogendam mille talentum accessionem esse factam; aut, in tanta mercede hominis, ut vis, avarissimi, mille talentum decessionem esse concessam? Neque enim fuit Gabinii, remittere tantum de suo; nec regis, imponere⁹ tantum pati suis. Aderunt testes, legati Alexandrini¹⁰. Hi nihil in Gabinium dixerunt. Immo hi Gabinium laudaverunt. Ubi ergo ille mos? ubi consuetudo judiciorum? ubi exempla? Soletne is dicere in eum, qui pecuniam redegit, qui in illum, cujus nomine ea pecunia redigeretur, non dixerit? Age, si is, qui non dixit, solet; etiamne is solet, qui laudavit? iisdem testibus¹¹, et quidem non productis, sed dictis testium recitatis, quasi præjudicata res ad has causas deferri solet?

sima. Al. *centesima*, male. *Centesima* genitivo, et *decumæ* dativo casu, sic construuntur: utrum fecerit accessionem centesimæ decumæ; id est, utrum coegerit centesimam cum decuma. Moris enim fuit, ut coactores, qui decimas exigebant, pro mercede centesimas sibi sumerent. — *Decessionem.* Id est, detractorem de summa quæ Gabinio cogeatur.

7. *Undecim millia talentum.* Ære gallico, 54,120,000 fr.

8. *Abs te.* Memmi. — *Ab his*, iudicibus.

9. *Nec regis, imponere.* Grævius, *imponi*, rectius forte. Weisk. malit *pati* abesse; quamquam hoc vocabulum sæpius hoc modo occurrat.

10. *Legati Alexandrini.* Qui evocati a quæstore fuerant, ut in C. Rabinum testimonium dicerent. Legati enim illi vocabantur, qui ex nationibus exteris vel ad laudandum, vel ad accusandum mittebantur, quoniam a suis civibus legationem accipiebant, ut pro Flacco: « Hermippus, qui hanc ipsam legationem, quam habet, non accepit a suis civibus, sed ab usque Tmolo petivit, etc. »

11. *Iisdem testibus.* Etsi ipsi non producantur, sed tantum eorum dicta leguntur, quum laudaverunt eum, cui redacta pecunia esse dicitur, creduntur etiam laudasse, qui pecuniam coegit; eaque habetur in iudiciis tamquam causa præjudicata.

XII. Et ait etiam meus familiaris¹ et necessarius, eandem causam Alexandrinis² fuisse, cur laudarent Gabinium, quæ mihi fuerit, cur eundem defenderem. Mihi, C. Memmi, causa defendendi Gabinii fuit reconciliatio gratiæ. Neque me vero pœnitet, mortales inimicitias³, sempiternas amicitias habere. Nam si me invitum putas, ne Cn. Pompeii animum offenderem, defendisse causam; et illum, et me vehementer ignoras⁴. Neque enim Pompeius me sua causa quidquam facere voluisset invitum; neque ego, cui omnium civium libertas carissima fuisset, meam projecissem. Quamdiu inimicissimus Gabinio⁵ fui, non amicissimus mihi non Pompeius fuit; nec, posteaquam illius auctoritati⁶ eam dedi veniam, quam debui, quidquam simulavi, ne cum mea perfidia, illi etiam ipsi facerem, cui beneficium dedissem, injuriam. Nam non redeundo in gratiam cum inimico, non violabam Pompeium. Si per eum reductus insidiosè redissem, me scilicet maxime, sed proxime illum

XII. 1. *Meus familiaris*. C. Memmius accusator.

2. *Eandem causam Alexandrinis*. Scilicet ut Pompeio placerent. Cicero diu repugnavit, ut patet epist. 1, ad Q. Fratrem, lib. II: « Pompeius a me valde contendit de reditu in gratiam (cum Gabinio), sed adhuc nihil profecit, nec, si ullam partem libertatis tenebo, proficiet ».

3. *Mortales inimicitias*. Id est, fragiles. In eandem rationem illud est Q. Cæcili Metelli apud Livium: « Vulgatum illud, quia verum est, in proverbium venit: Amicitias immortales, inimicitias mortales esse debere ».

4. *Et illum, et me... ignoras*. In orat. pro Roccio Amerino: « Quod

si quis est qui et se et causam lædi putet, quom Chrysogonus vitupetur, is causam ignorat, seipsum prope non novit ».

5. *Quamdiu inimicissimus Gabinio*. L. Piso et A. Gabinii consules eo anno quo Cicero Roma expulsus est, vehementer ei obfuerunt; luctum enim et deprecationem prohibuerunt; edixerunt etiam ut ad suum vestitum senatores redirent, et quum princeps P. Lentulus auctoritate et sententia sua causam Ciceronis exsulis suscepisset, ambo ei consules vehementer etiam atque etiam restiterunt.

6. *Illius auctoritati*. Pompeius Gabinio favebat, quia anno 686 legem tulerat, qua Pompeius solus dux contra piratas electus fuerat.

quoque fefellissem. At de me omittamus; ad Alexandrinos istos revertamur. Quod habent os⁷! quam audaciam! Modo, vobis inspectantibus, in iudicio Gabinii, tertio quoque verbo excitabantur⁸: negabant, pecuniam Gabinio datam. Recitabatur identidem Pompeii testimonium: regem ad se scripsisse, nullam pecuniam Gabinio, nisi in rem militarem, datam. Non est, inquit, tum Alexandrinis testibus creditum. Quid? postea creditum? non⁹: quamobrem? quia nunc aiunt, quod tunc negabant. Quid? ergo ista conditio est testium, ut, quibus creditum non sit negantibus, iisdem credatur dicentibus? At, si verum tum cum verissima fronte dixerunt, nunc mentiuntur. Si tunc mentiti sunt, doceant nos verum? Quid vultis? sileant. Dicere audiebamur¹⁰ Alexandriam; nunc cognoscimus. Illinc omnes præstigiæ¹¹; illinc, inquam, omnes fallaciæ; omnia denique ab his mimorum argumenta nata sunt. Nec mihi longius quidquam est, iudices, quam videre hominum vultus.

XIII. Dixerunt hic modo nobiscum¹ ad hæc subsellia, quibus superciliis renuentes huic decem mil-

7. *Quod habent os!* In Pisonem: « Nihil incolume domum præter os illud pristinum tuum retulisti ».

8. *Quoque verbo excitabantur.* Id est, jubebantur ad testimonium dicendum surgere.

9. *Quid? postea creditum? non.* Weisk. « Quid postea? Credetur nunc? » Omnis hic locus intricatus.

10. *Dicere audiebamus.* Schütz. *dudum audiebamus.* — *Alexandriam.* Al. *de Alexandria.* Id est, Alexandrinos esse leves, mendaceave audiebamus, id nunc agnoscimus.

11. *Illinc omnes præstigiæ.* Egyptios et potissimum Alexandrinos in-

signes præstigiatores fuisse significat Julius Capitolinus in Vero. Præstigiatores Proteum Ægyptium fuisse aiunt, qui spontaneum ignem excitabat, aliaque faciebat quæ ignarorum raperent animos. De toto hoc loco, in quo testium fidem mire elevat, quod causæ suæ obsint, plura dabit oratio pro Rabir. perd. Nec absurdum fuerit quo ingenii artificio testes, si causæ patrocinentur, laudet; si noceant, deprimat orator, animadvertere. In utramque partem consule Verrinas orationes et Rabir. perd.

XIII. 1. *Hic modo nobiscum.* Quam pro Gabinio diceret.

lium crimini! Jam nostis insulsitatem Græcorum. Humëris gestum² agebant. Tum temporis, credo, causa : nunc scilicet tempus nullum est. Ubi³ semel quis pejeraverit, ei credi postea, etiamsi per plures deos juret, non oportet : præsertim, judices, quum in his judiciis ne locus quidem novo testi soleat esse ; ob eamque causam iidem judices retineantur, qui fuerint de reo⁴, ut his nota sint omnia, neque quid fingi novi possit.

Lites, quo ea⁵ PECUNIA PERVENERIT, non suis propriis judiciis, sed in reum factis⁶ condemnari solent. Itaque si aut prædes dedisset Gabinus, aut tantum ex ejus bonis, quanta summa litium fuisset, populus recepisset; quamvis magna ad Postumum ab eo pecunia pervenisset, non redigeretur : ut intelligi facile possit, quod ex ea pecunia ad quem eorum, qui⁷ damnatus est, pervenisse in illo primo judicio planum factum sit, id hoc genere judicii redigi solere. Nunc vero quid agitur? ubi terrarum sumus? quid tam insolens, tam perversum, præposterumve dici, aut excogitari potest? Accusatur is, qui non abstulit a rege, sicut Gabinus judicatus est; sed qui maximam regi pecuniam credidit. Ergo is⁸ Gabinio dedit, qui non huic reddidit. Jam cedo, quum is, qui pecuniam Postumo debuit, non huic, sed Gabinio dederit : condemnato Gabinio, utrum illi⁹ eam pecuniam reddidit, an etiam nunc debet?

2. *Humëris gestum*. Scilicet sublati et erecti, ut mos vulgi est nostratis.

3. *Ubi semel*. Hottom. at ubi semel.

4. *Qui fuerint de reo*. MSS, qui sederint de reo.

5. *Lites, quo ea*. MSS, lites enim quo ea.

6. *In reum factis condemnari*. Sub-

aud. judiciis in reum factis priorem.

7. *Eorum, qui*. Al. comitum ejus qui; al. sociorum ejus; al. aliter. Forte nil mutandum.

8. *Ergo is*. Scil. Ptolemæus, qui non reddidit Postumo, dedit.

9. *Utrum illi*. Postumo. Mutilum putant hoc caput.

XIV. At habet, et celat. Sunt enim, qui ita loquantur. Quod genus tandem est illud ostentationis et gloriæ? Si nihil habuisset umquam, tamen, si quæsisset¹, cur dissimularet² habere, causa non esset. Qui vero duo lauta et copiosa patrimonia³ accepisset, remque præterea bonis et honestis rationibus auxisset: quid esset tandem causæ, cur existimari vellet nihil habere? An, quum credebat⁴ inductus usuris, id agebat, ut haberet quam plurimum; posteaquam exegit, quod crediderat, ut existimaretur⁵ egere? Novum genus hoc gloriæ concupiscit.

Dominatus est enim, inquit, Alexandriæ. Immo vero in superbissimo dominatu fuit; pertulit ipse custodiam; vidit in vinculis familiares suos; mors ob oculos sæpe versata est; nudus atque egens ad extremum fugit e regno.

At permutata⁶ aliunde pecunia est; ductæ naves Postumi Puteolis⁷ sunt: auditæ visæque merces, fallaces quidem et fucosæ⁸, chartis, et linteis, et vitro

XIV. 1. *Si quæsisset.* Honesta ratione acquisivisset.

2. *Cur dissimularet.* Al. *cur is dissimularet*; al. *cur se diss.*

3. *Copiosa patrimonia.* Patris sui Curii locupletissimi, et avunculi sui C. Rabirii, a quo adoptatus et nomen et hæreditatem acceperat.

4. *Quum credebat.* Pecuniam suam quum locabat.

5. *Ut existimaretur.* Al. *ut existimetur.* Id est, ita egit ut existimaretur egere?

6. *Permutata.* Ex aliis locis regis jussu pecunia ei reddita est; sive, ut explicat Ernestius, recepta est pecunia non in nummis, sed permutatione acceptis, pro nummis, mercibus. — *Ductæ naves.* Lallèm. delet *ductæ.*

Grævius: « Naves Postumi Puteolis sunt auditæ, visæque merces ». Forte *conductæ sunt naves Puteolis*, quibus merces Romam transferrentur *visæque merces*. — Lambinus legit « actæ naves Postumi Puteolos sunt ».

7. *Puteolis.* Puteoli, hodie *Pozzuolo*, oppidum in Campania situm ad mare Tyrrhenum, eo itinere quod Roma tritum est Alexandriam. Plinius in proœmio lib. XIX, scribit Valerium Marianum a Puteolis nono die levissimo flatu Alexandriam perductum esse.

8. *Fallaces quidem et fucosæ.* Id est, quæ longe aliud erant, ac præ se ferebant. Sic intelligit Hottom. Obductæ ait et opertæ fuerant chartis, vitro et linteis quæ tria sunt mercium

delatæ : quibus quum multæ naves refertæ fuissent , una non patuit parva⁹. Cataplus ille Puteolanus, sermo illius temporis, vectorumque cursus atque ostentatio; tum subinvisum apud malivolos Postumi nomen, propter opinionem pecuniæ nescio quam, ætatem unam, non plures¹⁰, aures refersit istis¹¹ sermonibus.

XV. Verum autem, iudices, si scire vultis : nisi C. Cæsaris summa in omnes, incredibilis in hunc eadem liberalitas exstitisset¹, nos hunc Postumum jam pridem in foro non haberemus². Ille onera multorum hujus amicorum excepit unus; quæque multi homines necessarii secundis Postumi rebus descripta³ sustinuerunt, nunc ejus afflictis fortunis universa⁴ sustinet. Umbram equitis romani et imaginem videtis, iudices,

genera, quæ Alexandria Romam vehantur, quemadmodum scribit Plin. lib. XIII, cap. 11, et lib. XXXVI, cap. 26. Accusator contendit latuisse sub iis mercibus vulgaribus res pretiosas, scilicet aurum, argentum, etc. Quid enim significarent fallaces et fucosæ merces, chartis delatæ, etc. Obscurus videtur locus, nec quis facile illum expediverit.

9. *Una non patuit parva.* Scilicet, quia thesaurum ferebat, ait accusator. Non petuit spectatoribus, concedo; sed portitores celari non potuit. Intelligendam videtur de una parva merce; seu fasciculo colligato, qui non oculis patnerit. Addebatur olim « et arcata », quod plerisque displicuit. Servat Welskius.

10. *Ætatem unam, non plures.* Sermo ille per unam ætatem, hoc est, tempus quod Romani Puteolis in ætate consumeabant, peregrebuit. Sunt quibus videtur vox illa « unam » significantior; nobis pro tempore aliquo indefinito usurpatur.

11. *Aures refersit istis sermonibus.* Id est, ad nostras aures crebro personuit.

XV. 1. *Liberalit. exstitisset.* Quam legitimum Rabirius census non haberet, ut equestri in ordine servaretur, Cæsar liberalitate sua curavit, ut hanc dignitatem retinere posset.

2. *Jam pr. in foro non haberemus.* Quia censu carens legitimo equestri ordine cogebatur cedere.

3. *Descripta.* Hoc loco describere significat partiri et distinguere; quasi diversæ et seorsim scribere. Sumpta ab exactoribus tributorum dicendi forma a quibus partite et separatim singulorum nomina civium describi solent, atque, ut vulgo loquuntur, *taxari*. Equites enim imperii redemptores pecuniam in antecessu numerabant, et ideo a familiaribus mutuari cogebantur.

4. *Universa sustinet.* Abram. *unus universa sustinet.* Illud eo consilio late commemorat, quasi iudices admonens ne committant ut C. Cæsaris favor, et

unius amici conservatam auxilio et fide. Nihil huic eripi potest, præter hoc simulacrum pristinae dignitatis, quod Cæsar solus tuetur et sustinet : quæ quidem⁵, in miserrimis rebus, huic tamen tribuenda est maxima. Nisi vero hoc mediocri virtute effici potest, ut tantus ille vir tanti ducat hunc, afflictum⁶ præsertim et absentem, et in tanta fortuna sua, ut aliena respicere magnum sit; tanta occupatione⁷ maximarum rerum, quas gerit atque gessit, ut vel oblivisci aliorum non sit mirum, vel, si meminerit, oblitum esse, facile possit probare⁸.

Multas equidem C. Cæsaris virtutes, magnas incredibilesque cognovi. Sed sunt ceteræ majoribus quasi theatris propositæ, et pæne populares : castris locum capere, exercitum instruere, expugnare urbes, aciem hostium profligare; hanc vim frigorum hiememque, quam nos vix hujus urbis tectis sustinemus, excipere; his ipsis diebus hostem persequi, tum, quum etiam feræ latibulis se tegant, atque omnia bella jure gentium conquiescant. Sunt ea quidem magna : quis negat? sed magnis excitata sunt præmiis⁹ ad memoriam hominum sempiternam. Quo minus admirandum est, eum facere illa, qui immortalitatem concupiverit.

XVI. Hæc mira laus¹ est, quæ non poetarum

in Rabirium voluntas atque auctoritas, nonnihil apud illorum animos momenti habuisse videatur.

5. *Quæ quidem.* Subaud. dignitas, quia inferendis magnis calamitatibus clarius eminet.

6. *Afflictum.* Al. et *afflictum.* — *Et absentem.* A Cæsare videlicet, qui tum erat cum imperio in Gallia.

7. *Occupatione.* Al. *oppugnatione.*

8. *Probare.* Hoc loco nihil aliud est, quam efficere ut probum rectum-

que aliquid videatur. Erit igitur sensus : Tanta sunt C. Cæsaris negotia, ut si amicorum absentium obliviscatur, nemini mirum videri debeat; sin autem meminerit, et se tamen oblitum esse velit simulare, improbari a nemine ejus oblivio possit.

9. *Excitata sunt præmiis.* Virtus ut pure maneat, nullis præmiis debet excitari, sed unam spectare honestatem.

XVI. 1. *Mira laus.* Patricius con-

carminibus, non annalium monumentis celebratur, sed prudentium iudicio expenditur : equitem romanum, veterem amicum suum, studiosum, amantem, observantem sui, non libidine, non turpibus impensis cupiditatum atque jacturis², sed experientia patrimonii amplificandi, labentem excepit, corrui non sivit, fulsit et sustinuit re, fortuna, fide, hodieque sustinet; nec amicum pendente corrui patitur; nec illius animi aciem præstringit³ splendor sui nominis, nec mentis quasi luminibus officit⁴ altitudo fortunæ et gloriæ. Sint sane illa magna, quæ re vera magna sunt; de iudicio animi mei, ut volet, quisque sentiat : ego enim hanc in tantis opibus, tanta fortuna, liberalitatem in suos, memoriam amicitiae, reliquis virtutibus omnibus antepono. Quam quidem vos, iudices, in novo genere bonitatem, inusitatum claris ac præpotentibus viris, non modo non aspernari ac refutare⁵, sed complecti etiam et augere debetis : et eo magis, quod videtis, hos quasi sumptos dies ad labefactandum illius dignitatem⁶; ex qua illi nihil

jicit vera, vel rara; Ernest. nimirum; sed frustra. Weisk. censet perversam capitum descriptionem et hic sententias arcte junctas dirupisse, et obsecritatem attulisse.

2. *Jacturis.* Est sumptibus vanis, ut sæpius apud Cæsarem et Tullium.

3. *Animi aciem præstringit.* Translatio ab iis sumpta, quorum oculi splendore solis perstricti, cernere postea commode non possunt.

4. *Lumin. officit.* Ab iis sumptum est, quorum vicini sublati in summam altitudinem ædibus suis, luminibus obstruere dicuntur. et officere quo minus aperto et liberò aspectu fruantur.

5. *Refutare.* Id est, contemnere. Cicero de Provinciis consul. - Semper illas gentes nostri imperatores refutandas potius, quam bello lacessendas, putaverunt.

6. *Ad labefactandum illius dignitatem.* Aberravit a vera interpretatione Manutius, qui hæc ad causam Postumi retulit, dum de C. Cæsare agitur. Nam an. U. 699, L. Domitio et Appio Claudio cons. hiemis tempore acta est hæc causa. Eodem autem tempore Vercingetorix Galliam a Cæsare debellatam sollicitavit; quia jam tum, ut Plutarchus in vita Cæsaris, c. 10, scribit, coitio adversus eum facta erat. Eandem rem tangit in vita Pompeii,

detrahi potest, quod non aut fortiter ferat, aut facile restituat. Amicissimum hominem⁷ si honestate spoliatum audierit; nec sine magno dolore feret, nec id amiserit⁸, quod posse speret recuperari.

Satis multa hominibus non iniquis⁹ hæc esse debent; nimis etiam multa vobis, quos æquissimos esse confidimus.

XVII. Sed, ut omnium vel suspitioni¹, vel malivolentiae, vel crudelitati satis fiat, occultat² pecuniam Postumus, latent regiae divitiae. Ecquis est ex tanto populo, qui bona C. Rabirii Postumi nummo³ sester-

cap. 18. Nam mortua eodem anno Julia, Caesaris filia, quæ Pompeio nupta fuerat, vel erupit, vel apparuit Pompeii simulas et æmulatio. Jamjam senatus crescente Caesaris ambitione commotus, summas ejus opes imminuere, et perpetuum imperium, quod cogitaverat, eripere conabatur. Ideirco, quum egisset Caesar, ut absenti sibi alter consulatus decerneretur, decretum fuit, id quod postea bellum civile conflavit, ut dimissis exercitiis præsens peteret. Abramius legem Pompeii significari putat, ex qua ratio actorum repetenda esset ab omnibus, qui magistratus gessissent, inde a primo Pompeii consulatu; qua lege maxime Caesar peti videbatur, qui intra illud tempus magistratum gesserat. Verba hujus rei non convenient; sed quidquid sub finem illius anni factum est Romæ ad labefactandam Caesaris auctoritatem, gravior quædam res fuit, quæ ad imminuendas ejus opes maxime pertinebat.

7. *Amicissimum hominem.* Caesar sibi peculiarem inustam injuriam facile tolerabit, et virtute sua resarciat; sin autem amicissimum hominem ei Postumum damnaveritis, et dedecore

affeceritis, jam illud mali erit, quod Caesar cum summo dolore sentiat, nec possit reparare. Honos enim, ut unus e nostris vatibus dixit, insulæ similis est abruptæ, in quam non est regressus.

8. *Nec id amiserit.* Id est, et non amiserit id, quod speret posse recuperari.

9. *Non iniquis.* Non malivolis judicibus.

XVII. 1. *Suspicioni.* Qua opinantur crimen de pecunia regia, quæ ad Postumum pervenerit, non omnino esse fictum. — *Crudelitati.* Quum ex suspitionibus non bene firmatis pendere velint hominis fortunas, et ejus vitam crudeliter deprecant, quem nocentem non possunt demonstrare.

2. *Occultat pecuniam.* Novam objectionem qua latere apud Postumum regias divitias dicitur, sibi fieri fingit orator. Putat Weiskius hæc a Cicerone alta voce dici, præconem imitante « occultat pecuniam ... sibi addici velit »; ita, ut bona illa auctioni ipse subicere videatur, nec aliud « nummo sestertio » sonent, quam certum ali-quod prætium.

3. *Nummo sestertio, etc.* Figura

tio sibi addici velit? Sed, miserum me! quanto hæc dixi cum dolore? Hem, Postume, tune es Curii⁴ filius, C. Rabirii, iudicio et voluntate, filius, natura, sororis [filius⁵]? tune ille in omnes tuos liberalis? cujus multos bonitas locupletavit? qui nihil profudisti? nihil ullam in libidinem contulisti? tua, Postume, nummo sestertio a me addicuntur? O meum miserum acerbumque præconium! At hoc etiam optat miser, ut condemnetur⁶ a vobis; ita bona veneant, ut solidum suum cuique⁷ solvatur. Nihil jam aliud nisi fidem curat: nec vos huic, si jam oblivisci vestræ mansuetudinis volueritis, quidquam præterea potestis eripere. Quod, iudices, ne faciatis, oro obtestorque vos, atque eo magis, si adventitia pecunia⁸ petitur ab eo, cui sua non redditur. Nam in eum, cui mi-

dicendi qua veteres utebantur in auctione, vel vilissimo pretio rem addictam significabant. Sic de Julio Cæsare Sueton. in ejus vita, c. 50: « Amplissima prædia ex auctionibus hæstæ ei nummo addixit ». Sic Hottomannus. Vide in nota superiori Weiskii sententiam, quæ multo præstat.

4. *Curii filius.* Turnebus et Lamb. *Curii.* Muretus autem hic, et pro Rabirio perduellionis reo, *Curium* legendum esse contendit. Vide de hac re disputationem in Rab. perd.

5. Ultimam hoc *filius* delendum esse, quisque facile consentiat.

6. *Ut condemnetur.* Mendosus Hottomanno videtur, ac mutilatus hic locus. Nec quemquam adduci posse, ut credat dicere oratorem C. Rabirium optare ut peculatus damnetur; a quo eum quam alienissimum esse hucusque docere conatus est. Itaque arbitratur legendum: « At hoc tamen optat miser, ut si condemnetur a vobis, ita, etc. » Optime nobis ora-

toris sensus tempori servire ac causæ videtur. Postumus arguitur pecunias occultare, dissimulatus homo ac male fidei habetur; quid ergo optat: optat ut se ipsum iudices condemnent, ut ejus bona vendi jubeant, dummodo creditoribus solvatur. Inde enim apparebit utrum dives an pauper, utrum honestus an improbus fuerit. Propius inspicienti apparet hyperbole, quam nihil aliud orator fecerit, quam ut damnationem deprecetur; verum id generis est hyperbole, ut mire Rabirii fidem ac honestatem demonstret.

7. *Ita bona veneant, ut solidum suum cuique.* Veneant pro nummo sestertio; nempe qui bona civis ære gravati emebat, creditoribus satisfacere cogebatur. Pedianus de Milone: « Bona ejus propter æris alieni magnitudinem emencia venierunt ».

8. *Adventitia pecunia.* Quæ ad Rabirium non spectat, et quam reposcit accusator. — *Cui sua non redditur.* Quam Ptolemæo credidit.

sericordia opitulari debebat⁹, invidia quæsitæ est.

Sed jam, quoniam, ut spero, fidem, quam potui, tibi præstiti, Postume, reddam etiam lacrymas¹⁰, quas debeo : quas quidem ego tuas in meo casu plurimas vidi. Versatur ante oculos luctuosa nox meis omnibus, quum tu totum te cum tuis copiis ad me detulisti. Tu comitibus, tu præsidio, tu etiam tanto pondere auri, quantum tempus illud postulabat, discessum illum sustentasti : tu numquam meis, me absente, liberis, numquam conjugî meæ defuisti. Possum excitare multos reductos¹¹, testes liberalitatis tuæ : quod sæpe audiui patri tuo, qui id fecisset¹², magno adjumento in judicio capitis fuisse. Sed jam omnia timeo : bonitatis ipsius¹³ invidiam reformido. Jam indicat tot hominum fletus, quam sis carus tuis : et me dolor debilitat¹⁴, includitque vocem. Vos obsecro, judices, ut huic optimo viro, quo nemo melior umquam fuit, nomen equitis romani, et usuram¹⁵ hujus lucis¹⁶, et

9. *Opitulari debebat.* AL. post Gruterum, *opitulari debeat.* Sed putat Ernest. vitium esse latinitatis, quum pendeat hoc verbum a *quæsitæ est.* J. V. L.

10. *Reddam... lacrymas.* Sic in aliis orationibus, videlicet pro Plancio, Cluentio, Milone, etc. Neque vero turpes olim viro gravi habebantur lacrymæ modicæ; muliebris tantum ploratus repudiabatur.

11. *Multos reductos.* Id est, restitutos in urbem et in forum; quorum res alienum solverat Rabirius.

12. *Id fecisset.* Qui commemorasset multos liberalitate sua servatos.

13. *Bonitatis ipsius.* Liberalitatis, ut proxime dixit. Sic pro Quintio : « restat ut aut summa negligentia tibi obstiterit, aut unica liberalitas : si

negligentiam dices, mirabimur; si bonitatem, ridebimus ».

14. *Dolor debilitat.* Verborum hisce formulis non alibi felicinus nititur, quam in Miloniana; cujus gravissima et ardentissima peroratio hanc doloris excusationem verissimam facit.

15. *Usuram.* Sic Nostro sæpe usurpatum est, v. c. Catil. I, « usuram nnius horæ ad vivendum dare ». Pro Sulla : « lucisne usuram eripere vis, etc. » Verr. de Suppl. « cur ipsis piratis lucis usuram tam diuturnam dedisti ».

16. *Hujus lucis.* Non hanc lucem omnino dicit, qua fruuntur omnes, qui ubique sunt, homines; sed cælum romanum, ut non vitam ejus salvam cupiat (quæ tali judicio non agitur), sed servatum ipsius urbis adspectum.

vestrum conspectum ne eripiat. Hic vos aliud nihil orat, nisi ut rectis oculis¹⁷ hanc urbem sibi intueri, atque in hoc foro vestigium facere liceat : quod ipsum fortuna eripuerat, nisi unius amici opes subvenissent.

17. *Rectis oculis.* Quos non in terram dejiciat pudore affectus. Unus est hic et verissimus sensus, in quo permulti hæserunt. Hottomannus de exilio hic agi credebat, et Plutarchi locum recitabat; Manutius et Patricius ea-

dem sententia, ut præsens potius aspiciat urbem rectis oculis, quam absens respiciat retortis. Verum vidit Abramius, in medium prolatis sexcentis e græco locis, quum facile per se satis illud pateret.

M. TULLII CICERONIS

ORATIO

PRO T. A. MILONE

ARGUMENTUM.

Anno Urb. cond. 700, T. Annius Milo, P. Plotius Hypsæus, et Q. Metellus Scipio consulatum petierunt: quo tempore P. Clodius præturam ambibat. Longa vero jam dudum eum inter et Milonem odia exarserant; quorum in primis Ciceronis in patriam reditus, causa fuerat et materies. Intellexit optime Clodius non facile sibi futurum rempublicam evertere, si Milo consul renuntiaretur: nam certe latius grassanti viam ille erat præclusurus. Itaque omni ope adnixus est, ut Miloni obsisteret; competitoribus favit, pecuniam per infimam plebem spargendam curavit, sæpiusque comitia per vim in campo disturbaverat. Nec tamen Miloni quoque fautores deerant, quotiesque nimis arroganter sese jactaret P. Clodii audacia, res armis, per gladiatores, decernebatur. Sic sæpissime varia pugnatum fortuna. Acrius interea in dies accensis animis, diutius odia illa conflagrare, et excitari non poterant, quin alteruter omnino opprimeretur. Occasionem non ita ab Urbe procul fors obtulit. Milo Lanuvium petierat, ad flaminem prodendum, Clodiusque pridie cum triginta gladiatoribus Ariciam erat profectus. Romam rediens prope fundum suum Miloni occurrit: inter utriusque servos rixa levis primum exorditur: quum vero Clodius arrogantius in Milonianum comitatum incedere videretur, Birrià, unus e gladiatoribus, humerum ejus lancea trajecit. Inde pugna ingens, in ipsos conversa dominos. Rheda Milo vehebatur, penulatus quidem, cum uxore, et Fufio quodam familiari suo; circumstabant pueri et ancillæ; sed quum paucis ante diebus Clodius se Miloni necem daturum jactavisset, sequebatur ingens servorum armatorum gladiatorumque agmen. Clodii turba numero minor, a Milonianis oppressa est, graviterque vulneratus Clodius, in proximam tabernam a suis est delatus. Jacta erat alea: itaque Milo res extremas experiri decrevit; ratusque Clodium, si umquam a vulneribus convalesceret, multo acrius rempublicam agiturum, imperavit, ut foribus tabernæ effractis, eum gladiatores quoquo modo neci darent. Non dilata res, brevique Clodii cadaver e taberna protractum, multisque

vulneribus confossum, media in via projectum fuit ac derelictum. Re perpetrata, disturbatisque omnino Clodianis, in viam Milo se conjicit. Interea Sext. Tedijs senator, qui ex villa Urbem repetebat, cadaver sustulit, lecticaque impositum Romam deferri curavit. Simul ac cædis fama vulgata est, infima plebs et perditissimus quisque ante Clodii ædes concurrerunt. Quos ut acrius accenderet uxor Clodii Fulvia, mariti corpus nudavit, vulneraque objecit omnium oculis contrectanda. Postridie vero numerosa magis multitudo confluit, incitantibusque acris Fulvia, Munatioque Planco, et Q. Pompeio, corpus susceperunt, et in forum detulerunt omnibus spectandum; ibi vero Q. Pompeius mentes omnium ita acuit, ut raptis subselliis quibus vulgo stabant iudices, ingentem pyram struxerint, impositumque cremaverint corpus; sed brevi vento vehementiori aspirante curiam incendium corripuit; dumque omnes territi diffugerent, dejectum rogo Clodii corpus semiustum medio foro relictum est.

Hæc omnia animos optimi cujusque in Clodianos commovere; conversaque in se studia ratus Milo, Romam regredi ausus est; populum alloquutus est, pecuniam largitus; sed frustra hæc omnia fuere: tribuni plebem incitare non destiterunt. Quibus rebus omnino concussa civitas, veritque patres ne quid gravius accideret, quum perpetuo arma in foro tractarentur, Pompeium consulem absque collega creavere edicto, ut ille caveret, ne quid detrimenti caperet respublica. Qui vero animorum exspectationem fefellit; nam præsentis periculo nimis cōterritus, falsisque rumoribus populi agitatus, milites undique conscribit, in publicum prodire non sustinet, in hortisque suis suburbanis latet, delectu militum cinctus. Interea in iudicium vocandus erat ob cædem Milo; novum quæstionis genus lege Pompeius constituit, novos iudices conscribit, Domitium Ahenobarbum quæsitorem decernit. Obstiterat legibus istis M. Cœlius; sed quum pertinacius legem vituperanti indixisset Pompeius, se rempublicam armis defensurum, cedere coactus est. Trecenti iudices fuere propositi, et ex iis octoginta et unus delecti. Sed postquam accusator quinos ex omnibus ordinibus rejecisset, totidemque reus, unus tantum et quinquaginta fuere, quos inter decem et octo senatores, septemdecim equites et sexdecim ærarii tribuni erant. Adstabant Miloni de-

ensores Q. Hortensius, M. Cicero, M. Marcellus, M. Callidius, M. Cato, et Faustus Sulla. Accusatores autem duo Appii Clodii, duo Valerii, et L. Herennius Balbus. Edixerat Pompeius duas accusatoribus horas, et totidem patronis ad agendam causam concedendas; sicque adstrinxerat eloquentiam, frenosque ei injecerat.

Ipsa vero iudicii die clausæ omni urbe tabernæ fuerant, populus foro pulsus, et omnia armis ac militibus cincta. Ipse Pompeius pro ærario coram iudicibus consedit, septus delecta militum manu. Unus Cicero tribus accusatoribus respondit, sed causam non felix, ut sæpissime, exitus excepit. Natura timidum ingenium, nec contra arma pervicax: itaque insolito illo iudiciorum apparatu orator conterritus, armisque illis, et præsertim Pompeio, quem Miloni infensum noverat, perturbatus, primo hæsit; vix loqui incipientem Clodiani magnis clamoribus accipere: hæc omnia ingenio offecere, vox faucibus hærebat, et per totam orationem vix a iudicibus est auditus.

Tempore periit, quæ primum tunc habita est oratio, non magno sane literarum et Ciceronis gloriæ damno. Asconii ætate et Quintiliani adhuc supererat, sed omnino postea intercidit. Quam nunc tractamus, orator post rem dijudicatam scripsit. Quæ princeps semper omnium ejus orationum exstitit: nulla enim omnibus partibus ita absoluta videtur. Quid principio modestius ac suavius? quid vehementius, quum ea confutat orator quæ in Milonem jactabantur? Qua vi eloquentiæ in Clodium invehitur! quanta arte necem civis perditissimi oculis subjicit! quam vivida! quam pura sunt omnia! Orator, postquam primo timidissime, ut ita dicam, incœpit, postquam veniam a iudicibus timentis animi poposcit, paullatim exardet et intumescit, vastumque brevi verborum flumen explicat. Principio fundamentum quo nitatur, in animis iudicum, quodammodo, quærit; quodque ubi firmum sentit, in hoc totus incumbit, et exsultantis animi æstu elatus, exsurgit, in immensum crescit, atque omni tonat eloquentiæ impetu. Paullatim vero residet; et quum extrema jam verba est facturus, quanta arte, quam miro artificio, quodammodo mitescit, ad precesque convertitur! Nihil mollius est, nihil ad movendam, non dico misericordiam, sed pietatem aptius, quam ultima pars orationis. Ibi vires omnes collegit, eoque certius, quod animos audientium

ad nutum flectit et temperat, dum eos solummodo orare et obtestari videtur. Quam tamen provinciam Milo agendi ratione arduam fecerat. Etenim, ante tribunal non atrata veste, nec habitu ad mœstitiâ composito adstiterat; quod Cicero ita perite et subtiliter tractat, ut hoc ipso animos sibi conciliet, et inde Milonis fortitudinem, animumque malis invictum miram in lucem producat, atque ejus causam cum omnium bonorum et fortissimorum virorum causa communicet.

Non tamen bene Miloni res cessit, condemnatus est; et tredecim tantum iudicibus absolutus, quos inter M. Cato, qui si sententiam maturius tulisset, non defuissent certe qui tanti viri exemplum sequerentur. Massiliam in exsilium est profectus: ibi quum ad eum Cicero misisset, quam nunc habemus orationem: « O Cicero! exclamavit, si sic dixisses, non ego barbatus pisces Massiliæ ederem ».

Exordium hujus orationis capitur ab insolita iudicii forma, quod Pompeius forum præsidiis militum circumdederat. Ea quamquam oratorem terrere possit, magnum tamen esse solatium, quod Pompeius pro sua justitia et sapientia illos centuriones et cohortes non periculi, sed præsidiî causa collocaverit, qui defensionî suæ non auxilium modo, verum etiam silentium polliceantur. Reliquam civium multitudinem totam causæ suæ favere. Unum genus infestum esse eorum quos P. Clodii furor rapinis et incendiis paverit, cap. 1. Itaque iudices cohortatur, ut timorem, si quem habeant, deponant, ostenditque, se in Milonis defensione non ejus tribunatu, et rebus pro salute reipublicæ gestis abusurum, sed potius id effecturum, ut oculis videant insidias Miloni a Clodio factas, ideoque eum jure occisum esse, cap. 2.

Sequitur refutatio eorum quæ adversarii dixerant.

Primo negaverant intueri lucem esse fas ei, qui a se hominem occisum esse fateatur. Id Cicero primum exemplis eorum, qui absoluti sint post justam hominis cædem, deinde jure naturali, denique ipsa lege XII tabularum refutat, cap. 3, 4.

Secundo loco dixerant, cædem in qua P. Clodius occisus sit, senatum judicasse contra rempublicam esse factam. In quo ostenditur senatum illam cædem non sententiis suis solum, sed etiam studiis comprobasse; nec novam de ea questionem instituisse, sed decrevisse, ut veteribus legibus, tantummodo extra

ordinem quæreretur. Ac si incendium curiæ, oppugnationem ædium M. Lepidi, cædem hanc ipsam contra rempublicam factam decreverit, hoc eo factum esse, quod nulla vis unquam in libera civitate suscepta inter cives non sit contra rempublicam, cap. 5.

Denique dixerant adversarii Pompeium rogatione sua et de re et de causa judicavisse, quod tulerit de cæde, quæ in via Appia facta esset, in qua P. Clodius occisus erat. Cui Cicero sic respondet, ut ostendat, Pompeium vidisse, etiam in confessione facti, tamen juris defensionem suscipi posse. Fuisse olim nobilissimos aliquot viros necatos, de quibus quæstio extra ordinem lata non sit. Neque vero ideo mortem P. Clodii atrociorē esse, quod is in via Appia, hoc est, in monumentis majorum suorum sit interfectus. Ab ipso enim M. Papirium in eadem via occisum esse; ejusdemque Clodii servum in templo Castoris comprehensum esse, quem ille ad Cn. Pompeium interficiendum collocavit. Ne de hoc quidem facinore rogationem latam, aut quæstionem decretam esse. Itaque Pompeium non facti, sed juris disceptationem esse voluisse; delectos esse judices ex florentissimis ordinibus viros intimos et integerrimos, in L. Domitio autem, quem quæstioni præesse voluerit, nihil aliud spectasse, nisi quæstitoris justitiam, gravitatem, humanitatem, fidem. Reliquum igitur esse, ut judices nihil aliud quærere debeant, nisi uter utri insidias fecerit, cap. 6-8.

Sequitur igitur narratio rei gestæ, prudenter sic instituta, ut appareat, Clodium insidias fecisse Miloni; ejusque servos, quum Milo ante fundum ejus ei occurrisset, in hunc impetum fecisse, atque ita Clodium a servis Milonis, qui eum occisum esse ex ipso Clodio audissent, neque imperante, neque sciente, neque præsentē domino, interfectum esse, cap. 9-11.

Tum accedit orator ad confirmationem, in qua primum demonstratur Clodium, quia Miloni insidias fecerit, cassum esse.

Hic primum ostendit Clodium magnis emolumentis ad interficiendum Milonem ductum esse, Miloni Clodii mortem non modo nihil profuisse, sed etiam obfuisse. Deinde odium Clodii erga Milonem majus, quam hujus in illum fuisse, cap. 12, 13. Tum demonstratur, Milonis innocentiam ejus consuetudine et natura defendi, Clodii culpam his iisdem rebus coargui. Etenim Clodii consuetudinem perpetuam fuisse in vi inferenda, Milonis

tantum in repellenda. Præterea ex ipsa causa profectionis intelligi non Clodio a Milone, sed Miloni a Clodio insidias esse paratas, cap. 14-19. Quod confirmatur primum loco insidiarum, cap. 20; deinde iter Clodii, ut expediti latronis, cum Milonis impedimentis comparatur, ut illum multo ad cædem paratiorem fuisse appareat, cap. 21. Neque vero mirum esse Clodium sic paratum, tamen ab imparatis servis Milonis occisum esse. Neque vero Milonem ideo in suspicionem venire, quod illos servos manumiserit. Quæstionem vero de servis Clodii in Milonem habitam nihil probare, cap. 22. Denique ipsum reditum Milonis ejusmodi fuisse ostenditur, ut ex eo eluceat eum pure mente atque integra, nullo scelere imbutum, nullo metu perterritum, nulla conscientia exanimatum Romam revertisse, c. 23. Multa etiam postea in Milonem congesta esse, quæ ille innocentiae conscientia fretus plane contempserit ac pro nihilo putarit, cap. 24-26.

Crimine igitur ipso cædis a Milone Clodio illatæ his argumentis diluto, Cicero ostendit si Milo Clodium occidisset, eum propterea præmio potius quam pœna afficiendum fuisse. Itaque Milo sibi loquens inducitur, ut immania Clodii flagitia et facinora enumeret, cap. 27; ideoque magnam populi romani ex Clodii cæde lætitiā esse consequentam, demonstratur, cap. 8; eamque cædem in beneficii loco ponendam esse partim Græcorum exemplo, qui sæpe tyrannos necaverint, eorumque interfectores magnos honores tribuerint, cap. 29, 30; partim deorum immortalium nutu et voluntate confirmatur, quibus hujus beneficii gratia potissimum debeatur, cap. 31-33.

In peroratione iudices implorantur, ut misericordiam tribuant fortissimo viro, quam propter innocentiam et dignitatem nec ipse imploret, nec a defensore suo implorari velit, cap. 34-38.

Ceterum cum hac oratione et Asconii argumentum, et Dionis Cassii lib. XL, narratio comparanda est, ex quibus hoc certe intelligitur, etiamsi Clodii cædes et justissima, et reipublicæ utilissima fuerit, tamen ab ipso facinore Milonem non tam alienum fuisse, quam eum Cicero in defensione callidissime instituta videri voluerit.

M. T. CICERONIS ORATIONES.

ORATIO PRO T. A. MILONE.

ORATIO UNDEQUADRAGESIMA.

I. **E**TSI vereor, iudices, ne turpe sit, pro fortissimo viro dicere incipientem, timere; minimeque deceat, quum T. Annius Milo ipse magis de reipublicæ salute, quam de sua perturbetur¹, me ad ejus causam parem animi magnitudinem afferre non posse : tamen hæc novi judicii² nova forma³ terret oculos; qui, quocumque inciderint, veterem consuetudinem fori, et

I. 1. *De sua perturbetur.* Rei omnes, apud Romanos, quo magis miserationem moverent, sordidam vestem ad tribunal ituri inducebant. Milo autem splendide vestitus coram iudicibus adstitit; et inde periculum erat, ne hac iudices agendi ratione permoverentur. Quare, ut hanc ab eo invdiam repellat orator, præfatur eum non tam de sua quam de reipublicæ salute perturbari.

2. *Novi judicii.* Insuetum enim omnino erat illud iudicium. Nempe

lex a Pompeio fuerat lata, ut quæretur de cæde Clodii; deinde, ut priusquam causa ageretur, testes per triduum audirentur, et dicta eorum iudices consignarent. Prius autem quam ferrentur sententiæ, accusatori et reo copia facta est quinos iudices rejiciendi, ita ut numero essent quinquaginta et unus, quum irent in sententiæ.

3. *Nova forma.* Quia Pompeius armatos milites collocaverat in foro et omnibus, quæ circumstabant templis. Vid. Lucan. I, 318, sqq. Ed.

pristinum morem iudiciorum requirunt. Non enim corona⁴ consessus vester cinctus est, ut solebat; non usitata frequentia nos stipati sumus. Nam illa præsidia, quæ pro templis omnibus cernitis, etsi contra vim⁵ collocata sunt, non afferunt⁶ tamen oratori aliquid, ut in foro et in iudicio, quamquam præsidiis salutaribus et necessariis septi sumus⁷, tamen ne non timere quidem sine aliquo timore⁸ possimus. Quæ si opposita Miloni putarem; cederem tempori, iudices, nec inter tantam vim armorum existimarem oratori locum esse. Sed me recreat et reficit Cn. Pompeii, sapientissimi et iustissimi viri, consilium: qui profecto nec iustitiæ suæ putaret esse, quem reum sententiis iudicum tradidisset, eundem telis militum dedere; nec sapientiæ, temeritatem concitatæ multitudinis auctoritate publica⁹ armare. Quamobrem illa arma, centuriones, cohortes, non periculum nobis, sed præsidium denuntiant; neque solum, ut quieto, sed etiam ut magno animo simus, hortantur; neque auxilium modo defensionis meæ, verum etiam silentium pollicentur¹⁰. Reliqua vero multitudo, quæ quidem est ci-

4. *Non enim corona.* Quando causæ agebantur, confluebat ingens civium multitudo, qui tribunal cingebant. Sed quum primo iudicii die seditiosis clamoribus irrupissent Clodiani, Pompeius operam dedit, ne quis posset prope iudices accedere.

5. *Contra vim.* Hæc ait, ut sibi Milonique Pompeium conciliet, quem intelligebat paulum Clodianis favere.

6. *Non afferunt*, etc. Ernest. post Lambin. et Heumannum, pervertit hæc, legendo, « nobis afferunt tamen horrores aliquid ». Schütz. male placuit. J. V. L.

7. *Sumus.* Ern. delet *sumus*, nulla

codd. vel edd. auctoritate fretus. Malo iterum exemplo. J. V. L.

8. *Timore possimus.* Quum Milo vereretur, ne Ciceroni timor fauces præluderet, ei suavit, ut lectica in forum delatus, quiesceret, quoad convenirent iudices. Visis autem militibus armatis qui forum undequaque cingebant, trepide admodum incipit.

9. *Auctoritate publica.* Nempe tum consulatum Pompeius gerebat; Domitiusque Ahenobarbus quaesitor hoc in iudicio, ei provinciam mandaverat, ut iudicibus invigilaret.

10. *Pollicentur.* Quæ omnia Cicero præfatus est, tamquam animos suos

vium¹¹, tota nostra est; neque eorum quisquam, quos undique intuentes, unde aliqua pars fori adspici potest, et hujus exitum judicii videtis expectantes, non quum virtuti Milonis favet, tum de se, de liberis suis, de patria, de fortunis hodierno die decertari putat.

II. Unum genus est adversum infestumque nobis, eorum, quos P. Clodii furor rapinis¹, et incendiis, et omnibus exitiis publicis² pavit; qui hesterni etiam concione incitati sunt, ut vobis voce præirent, quid judicaretis³. Quorum clamor, si quis forte fuerit, admonere vos debet, ut eum civem retineatis, qui semper genus illud hominum, clamoresque maximos pro vestra salute neglexit. Quamobrem adeste animis, iudices, et timorem, si quem habetis, deponite. Nam, si umquam de bonis et fortibus viris, si umquam de bene meritis civibus potestas vobis judicandi fuit; si denique umquam locus amplissimorum ordinum⁴ delectis viris datus est, ubi sua studia erga fortes et bonos cives, quæ vultu et verbis sæpe significassent, re et sententiis declararent; hoc profecto tempore eam potestatem omnem vos habetis,

confirmare vellet; et in illud ita hæret, quod, quum timor verbis officeret, ut ita dicam, quoad mens incallescere, expectabat.

11. *Civium*. Tria hominum genera huic iudicio adstabant: milites a Pompelo collocati, cives qui vias et plateas circumstantes obsedebant, et Clodiani qui novas seditiones animo fovebant.

II. 1. *Rapinis*. Nam perditissimum quemque sibi Clodius malis artibus devinxerat. Pisoni et Gabinio provincias consulares vendiderat; cum eis ærarium fuerat partitus, et Burgitaro Pessinuntem vendiderat. — *Incendiis*.

Nam ille ipse Clodius, Q. et M. Ciceronis domum et prædia, et Nympharum templum flammis aboleverat.

2. *Exitiiis publicis*. Seditiones enim sæpius in foro concitavit, ac præsertim quum de Ciceronis reditu ageretur: immisit enim gladiatores, a quibus multi fuere interfecti.

3. *Quid judicaretis*. Pridie quam hæc haberetur oratio, populum alloquutus erat Munatius Plancus, et cohortatus erat, ne elabi Milonem omnino pateretur.

4. *Amplissimorum ordinum*. Iudices enim Pompeius ex senatorio et equestri ordine legerat, et ex tribunis

ut statuatis⁵, utrum nos, qui semper vestræ auctoritati⁶ dediti fuimus, semper miseri lugeamus; an diu vexati a perditissimis civibus, aliquando per vos, ac vestram fidem⁷, virtutem, sapientiamque recreemur.

Quid enim nobis duobus⁸, iudices, laboriosius? quid magis sollicitum, magis exercitum dici aut fingi potest? qui spe amplissimorum præmiorum⁹ ad rempublicam adducti, metu crudelissimorum suppliciorum carere non possumus¹⁰. Equidem ceteras tempestates et procellas, in illis dumtaxat fluctibus concionum, semper putavi Miloni esse subeundas, quod semper pro bonis contra improbos senserat: in iudicio vero, et in eo consilio, in quo ex cunctis ordinibus amplissimi viri iudicarent, numquam existimavi spem ullam esse habituros Milonis inimicos, ad ejus non salutem modo exstinguendam, sed etiam gloriam per tales viros infringendam.

Quamquam in hac causa¹¹, iudices, T. Annii tri-

serariis. Asconius scripsit numquam sanctius tribunal fuisse selectum.

5. *Ut statuatis.* Etenim hoc iudicio declaraturi erant, an semper a malis boni cives opprimerentur; et brevi sententia hoc erat comprobatum, an melior reipublicæ pars tandem animos erigeret, aut esset omnino de virtute et libertate conclamatum. His mentes iudicum accendit, ut in sententiam multo cautius eant, quam eos admonet, quæ iudicium sint prosequutura.

6. *Vestræ auctoritati.* Semper senatorium et equestrem ordinem Cicero contra Clodianos furores defenderat; et Milo sæpe utilem ei præstiterat operam.

7. *Vestram fidem.* Hoc est, equitatem et sacramento debitam religionem.

8. *Nobis duobus.* Milonis facinora cum suis ita conjungit, ut illius causa suam ipse complectatur; et quo majorem simul miserationem moveat, laborum memoria, quos ipsi pro patria exantlaverant.

9. *Amplissimorum præmiorum.* Nam tribunus tantummodo fuerat Milo, et hoc tempore consulatum petebat.

10. *Carere non possumus.* Capitale enim hoc iudicium erat. Deinde Clodiani furores non omnino cesserant; et periculum quidem erat, ne rursus in damnatum Milonem, et in eum qui defenderat, exarderent.

11. *Quamquam in hac causa.* Ita sanctam esse Milonis causam prædicat, ut nullo modo ad defensionem opus sit ea referre, quæ pro republica constantissime et fortissime suscepit.

bunatu¹², rebusque omnibus pro salute reipublicæ gestis, ad hujus criminis defensionem non abutemur, nisi oculis videritis insidias Miloni a Clodio esse factas; nec deprecaturi sumus, ut crimen hoc nobis multa propter præclara in rempublicam merita condonetis; nec postulaturi, ut, si mors P. Clodii salus vestra fuerit, idcirco eam virtuti Milonis potius, quam populi romani felicitati assignetis. Sin illius insidiæ clariores hac luce fuerint, tum denique obsecrabo obtestaborque vos, judices, si cetera amisimus, hoc saltem nobis ut relinquatur, ab inimicorum audacia telisque vitam ut impune liceat defendere.

III. Sed, antequam¹ ad eam orationem venio, quæ est propria nostræ quæstionis, videntur ea esse refutanda, quæ et in senatu ab inimicis sæpe jactata sunt, et in concione sæpe ab improbis, et paullo ante ab accusatoribus; ut, omni errore sublato, rem planè, quæ venit in iudicium, videre possitis.

Negant intueri² lucem esse fas ei, qui a se hominem occisum esse fateatur. In qua tandem urbe hoc homines stultissimi disputant? nempe in ea, quæ primum iudicium de capite vidit M. Horatii, fortissimi viri; qui nondum libera civitate³, tamen populi ro-

12. *Tribunatu*. Anno sequenti post tribunatum Clodii, Milo tribunus factus est, et ibi semper gravissima cum seditiosis civibus conflictatione dimicavit. Compescent paululum civilis belli prima incendia, et revocandum ab exsilio Ciceronem, contra omnium improborum studia curavit.

III. 1. *Sed, antequam*. Narratio vulgo exordium excipit. Sed quum res et causæ utilitas postulat, alium locum obtinet. Hic iudicium auribus falsæ opiniones obstrepebant; quas

omnino fugare necesse erat. Itaque priusquam rem aggrediatur, Cicero objecta ab inimicis diluit. Hoc enim uno modo narratio verisimilis potest videri.

2. *N. intueri*. Clodiani sc. et inter eos præsertim Munatius Plancus et Q. Pompeius Rufus trib. pl. Cf. Dion. XL.

3. *Libera civitate*. Quum nondum Roma per consules regeretur. Nam hoc tempore regnum Tullus Hostilius obtinebat. Nota plane sunt omnibus hæc tempora.

mani comitiis liberatus est, quum sua manu sororem interfectam esse fateretur. An est quisquam, qui hoc ignoret, quum de homine occiso quæretur, aut negari solere omnino esse factum, aut recte ac jure factum esse defendi? Nisi vero existimatis, dementem P. Africanum fuisse, qui quum a C. Carbone, tribuno plebis, in concione seditiose⁴ interrogaretur, quid de Tib. Gracchi morte sentiret, respondit, jure cæsum videri. Neque enim posset aut Ahala ille Servilius, aut P. Nasica, aut L. Opimius, aut C. Marius, aut, me consule⁵, senatus non nefarius haberi, si sceleratos cives interfici nefas esset. Itaque hoc, iudices, non sine causa etiam fictis fabulis doctissimi homines memoriæ prodiderunt, eum, qui patris ulciscendi causa matrem necavisset, variatis hominum sententiis⁶, non solum humana, sed etiam sapientissimæ deæ sententia liberatum. Quod si duodecim Tabulæ nocturnum furem, quoquo⁷ modo; diurnum autem, si se telo defenderit, interfici impune voluerunt; quis est, qui, quoquo modo quis interfectus sit, puniendum putet, quum videat aliquando gladium nobis ad occidendum hominem ab ipsis porrigi legibus?

IV. Atqui si tempus est ullum jure hominis necandi, quæ multa sunt¹, certe illud est non modo justum,

4. *Seditiose*. Quia sperabat ex ejus responso seditionem apud infimam plebem exarsuram.

5. *Me consule*. Quum Cethegum ceterosque conjurationis participes interfici jussit.

6. *Hominum sententiis*. De Oreste sermo est, qui post interfectam matrem ab Arcopagitis in judicium est vocatus. Sexdecim eum iudices con-

demnaverunt, quindecim autem absolverunt; accessit autem Minervæ calculus; atque ita exæquatis sententiis est absolutus.

7. *Quoquo modo*. Sive se telo defenderit, sive absque armis sit aggressus.

IV. 1. *Quæ multa sunt*. Quæ sæpius occurrunt; quibus sui defendendi jus civis obtinet.

verum etiam necessarium, quum vi vis illata defenditur. Pudicitiam quum eriperet militi tribunus [militaris] in exercitu C. Marii², propinquus ejus imperatoris, interfectus ab eo est, cui vim afferebat. Facere enim probus adolescens periculose³, quam perpeti turpiter maluit: atque hunc ille vir summus, scelere solutum, periculo liberavit. Insidiatori vero et latroni quæ potest inferri⁴ injusta nex? Quid comitatus nostri, quid gladii volunt? quos habere certe non liceret, si uti illis nullo pacto liceret. Est igitur hæc, judices, non scripta, sed nata lex; quam non didicimus, accepimus, legimus, verum ex natura ipsa arripuimus, hausimus, expressimus; ad quam non docti, sed facti; non instituti, sed imbuti sumus; ut, si vita nostra in aliquas insidias, si in vim, si in tela aut latronum, aut inimicorum incidisset, omnis honesta ratio esset expediendæ salutis⁵. Silent enim leges inter arma, nec se exspectari jubent, quum ei, qui exspectare velit, ante injusta poena luenda sit, quam justa rependa.

Etsi persapienter⁶, et quodam modo tacite, dat

2. *Exercitu C. Marii.* Quum C. Lucius, sive Lusius, sororis Marii filius, Trebonium quendam militem, stupri causa, sæpius ad se vocasset; is noctu in tabernaculum se recepit. Vim autem quum Lucius adhiberet, eum stricto mucrone interemit. Laudavit egregium juvenem Marius, coronaque etiam donavit. Quam sequitas tertium ei promeruit consulatum.

3. *Periculose.* Maximum enim ei periculum imminabat, quod imperatoris propinquum, et tribunum eorum miles noctu occidisset.

4. *Valg. afferri.* J. V. L.

5. *Expedienda salutis.* Locus ille

orationis omnibus abundat, quæ admirationem concilient. Sententia vera, elegans et concinnus verborum delectus, optime inter se et egregie oppositæ partes, animum et aures, beato quodam orationis flumine, delectant. Itaque locus ille celeberrimus, ipse Tullio perplacebat; nam in Orat. c. 49, hæc de eo subscribit: « Hæc talia sunt, ut, quia referuntur ad ea, ad quæ debent referri, intelligamus, non quæsitum esse numerum, sed sequutum ».

6. *Etsi persapienter.* Quamvis silent inter arma lex, tamen... Oratoris correctio.

ipsa lex potestatem defendendi; quæ non modo hominem occidi, sed esse cum telo hominis occidendi causa vetat: ut, quum causa⁷, non telum quæreretur, qui sui defendendi causa telo esset usus, non hominis occidendi causa habuisse telum judicaretur. Quapropter hoc maneat⁸ in causa, iudices. Non enim dubito, quin probaturus sim vobis defensionem meam, si id memineritis, quod oblivisci non potestis, insidiatorem jure interfici posse.

V. Sequitur illud, quod a Milonis inimicis sæpissime dicitur, cædem, in qua P. Clodius occisus est, senatum judicasse contra rempublicam esse¹ factam. Illam vero senatus non sententiis suis solum, sed etiam studiis comprobavit. Quoties enim est² illa causa a nobis acta in senatu? quibus assensionibus universi ordinis? quam nec tacitis, nec occultis? Quando enim frequentissimo senatu³ quatuor, ad summum quinque, sunt inventi, qui Milonis causam non probarent? Declarant hujus ambusti tribuni⁴ plebis

7. *Quum causa.* Non enim lex inquirat, an quis telum gesserit, sed quo animo. Et ita non reus est qui telum habet, sed qui hominis occidendi causa cepit.

8. *Hoc maneat.* Constans et fixum illud in mente vestra hæreat, hominem aliquando jure interfici posse; quum scilicet insidias in eum qui occidit, struxerit.

V. 1. *Esse factam.* Quum enim cædem P. Clodii in Appia via factam fuisse audivit senatus, decrevit, ut consules operam darent, ne quid detrimenti respublica caperet. Tali decreto senatus oppressa sunt Saturnini arma, et ipse sublatus. Inde sumpserant Clodiani occasionem jactitandi

senatum Clodii mortem nullo modo probavisse.

2. *Quoties enim est illa.* Centum enim dies post Clodii cædem effluerant, antequam in judicium Milo protraheretur.

3. Ernest. conjicit, = Quando etiam frequentissimo senatu =. J. V. L.

4. *Ambusti tribuni.* His verbis orator ad incendium senatus alludit. Dam enim funus Clodii ageretur, Munatius Plancus populum seditiosæ concione excitabat; sed rogi flammæ curiam brevi corripuerunt, et latius provector, oratorem e Rostris, et populum foro excedere coegerant. Itaque orator tribunum ambustum vocat, tanquam flammis tactum diceret. Alii vero

illæ intermortuæ conciones⁵, quibus quotidie meam potentiam invidiose criminabatur, quum diceret, senatum, non quod sentiret, sed quod ego vellem, decernere. Quæ quidem si potentia est appellanda potius, quam propter magna in rempublicam merita mediocris in bonis causis auctoritas, aut propter hos officiosos labores⁶ meos nonnulla apud bonos gratia: appelletur ita sane, dummodo ea nos utamur pro salute bonorum contra amentiam perditorum.

Hanc vero quæstionem⁷, etsi non est iniqua, numquam tamen senatus constituendam putavit. Erant enim leges, erant quæstiones vel de cæde, vel de vi; nec tantum mœrorem ac luctum senatui mors P. Clodii afferebat, ut nova quæstio constitueretur. Cujus⁸ enim de illo incesto stupro⁹ iudicium decernendi senatui potestas esset erepta, de ejus interitu quis potest credere senatum iudicium novum constituendum putasse? Cur igitur incendium curiæ, oppugnationem ædium M. Lepidi¹⁰, cædem hanc ipsam, contra rempublicam senatus factam esse decrevit? Quia nulla vis umquam est in libera civitate suscepta inter cives,

commentatores non idem de hoc loco sensere, et verba illa ita explanant: Fabiorum gens, una ex principibus reipublicæ celeberrimis, nomini suo cognomen Ambusti adscripserat. Orator itaque tribunum hoc nomine dicit, ut irrideat, sicut alias sæpe in adversarios est jocus. Sic enim Gabinius Cincinnatum consulem, et Cincinnatum Galeonem, vocavit.

5. *Intermortuæ conciones.* Quæ flammis fuerunt interceptæ.

6. *Officiosos labores.* Patrocinium et benevolentiam erga reos. Græv. e cod. Erf. addidit hos.

7. *Hanc vero quæstionem.* Non

V. *Cic. pars secunda.*

senatus enim eam statuerat, sed Pompeius, cui negotium illud mandaverat.

8. *Cujus enim.* Quis credat, quum Fufii et Clodianorum intercessionem, senatui potestas sit erepta iudicii in Clodium statuendi; ita memoriæ ejus fuisse studiosum, ut novas leges de interitu ejus ulciscendo decerneret.

9. *Incesto stupro.* His verbis intelligit scelus a Clodio admissum, quum veste muliebri indutus, in sacra Bonæ Deæ irrepsit, quæ a mulieribus celebrabantur, ut stuprum Cæsaris uxori inferret. Corruptis autem pecunia iudiciis est absolutus.

10. *Ædium M. Lepidi.* Riduum post

non contra rempublicam. Non enim est illa defensio contra vim umquam optanda; sed nonnumquam est necessaria. Nisi vero aut ille dies, quo¹¹ Tib. Gracchus est cæsus, aut ille, quo Caius, aut quo arma Saturnini oppressa sunt, etiamsi e republica, rempublicam tamen non vulnerarunt.

VI. Itaque ego ipse decrevi¹, quum cædem in Appia² factam esse constaret, non eum, qui se defendisset, contra rempublicam fecisse: sed, quum inesset in re vis, et insidiæ, crimen iudicio³ reservavi, rem notavi. Quod si per furiosum⁴ illum tribunum senatui, quod sentiebat, perficere licuisset, novam quæstionem nunc nullam haberemus. Decernebat enim, ut veteribus legibus, tantummodo extra ordinem⁵, quæreretur. Divisa sententia est⁶, postulante nescio quo⁷: nihil enim necesse est omnium me flagi-

Clodii necem proditus est interrex M. Æmilius Lepidus. Quum autem Clodianî comitia postularent, et interrex negaret, sedes ipsius oppugnaverunt, et perfractis januis, domum totam eversum ibant. Tunc vero supervenit Milonis manus, quæ comitia quoque postulabat; et furore in se converso, factiones geminæ prælium iteraverunt, liberatusque sic est oppugnatione Lepidus.

11. *Quo Tib. Gracchus.* Vulg. in quo. J. V. L.

VI. 1. *Ego ipse decrevi.* Sic ego statuo et existimo.

2. *Appia.* Via quam Appius Cæcus manivit.

3. *Judicio reservavi.* Non definivi cujus scelere id contigisset; nam a quo paratæ fuerint insidiæ, hoc iudicibus erat statuendum. Sed rem reprehendi, quia semper vis illata inter cives, reipublicæ nocet.

4. *Furiosum.* Munatius Plancus, qui omni ope adnitus est, ut de nova quæstione decretum fieret. Furiosum vocat, quia seditionibus unis intentus populum semper ad arma et cædem vocabat.

5. *Extra ordinem.* Quærere extra ordinem, nihil aliud est, quam non expectato ordine, prætermisissis aliis criminibus quæ antea relata fuerunt, causam expedire. Unde eos, quorum causæ non servato causarum legitimo ordine in iudicium veniebant, extraordinarios reos M. Cœlius appellat. Vide Indicem rerum in hoc verbo.

6. *Divisa sententia est.* Quum aliquis in dicenda sententia plures res esset complexus, fas cuique senatori erat dicere, *divide*, et cogebatur tunc orator de singulis referre.

7. *Nescio quo.* Is fuit Q. Fufius senator, qui pecunia a Munatio Planco fuerat corruptus.

tia proferre. Sic reliqua auctoritas⁸ senatus, emptā intercessionē, sublata est.

At enim Cn. Pompeius⁹ rogatione sua, et de re, et de causa iudicavit: tulit enim de cæde, quæ in Appia via facta esset, in qua P. Clodius occisus fuit. Quid ergo tulit¹⁰? nempe ut quæreretur. Quid porro quærendum est? factumne sit? At constat. A quo? At patet¹¹. Vidit igitur, etiam in confessione facti, juris tamen defensionem suscipi posse. Quod nisi vidisset, posse absolvi eum, qui fateretur; quum videret nos fateri, neque quæri umquam jussisset, nec vobis tam salutarem hanc in iudicando literam, quam illam tristem, dedisset¹². Mihi vero Cn. Pompeius non modo nihil gravius contra Milonem iudicasse, sed etiam statuisse videtur, quid vos in iudicando spectare oporteret¹³. Nam qui non poenam confessioni, sed defensionem dedit, is causam interitus quærendam, non interitum putavit. Jam illud dicet ipse¹⁴ profecto, quod sua sponte fecit, Pu-

8. *Reliqua auctoritas.* Senatusconsultum quod intercessionē tribuni fuit sublatum.

9. *At enim Cn. Pompeius.* Adversariorum obiectio. Esto, senatus de re tantummodo iudicavit, censueritque eandem illam contra rempublicam esse factam. At Cn. Pompeius non solum de re, sed de cæde ipsa Clodii a Milone facta iudicavit, quum statuit ut nova lege crimen illud quæreretur, et extra ordinem iudicaretur.

10. *Quid ergo tulit.* Objecta diluit. Non enim Pompeius facti, sed juris disceptationem esse voluit.

11. *Gravius, e cod. Erfurt. dedit paret.* Idem, post vidit, addidit igitur ex eodem libro. J. V. L.

12. *Dedisset.* Iudices in cistam ta-

bulas coniciebant, quibus inscriptæ erant hæ literæ: A. h. e. absolvo; C. condemno, et N. L. non liquet. Prima salutaris, altera tristis dicebatur; posteriores vero ampliacionis literæ vocabantur.

13. *Spectare oporteret.* Non scilicet quærendum est, an Milo occiderit Clodium, sed quanam de causa morte affecerit.

14. *Illud dicet ipse.* Nec populo, nec senatu postulante fatebitur Pompeius se hanc quæstionem constituisse; se ut temporibus serviret, h. e. ut populi animos ad seditionem maxime propensos sedaret, simul uti nullo modo videretur de morte Clodii lætari, quo cum paucis ex diebus in gratiam venerat.

blione Clodio tribuendum putarit¹⁵, an tempori.

VII. Domi suæ nobilissimus vir, senatus propugnator¹, atque, illis quidem temporibus, pæne patronus, avunculus hujus nostri judicis, fortissimi viri, M. Catonis², tribunus plebis M. Drusus³ occisus est. Nihil de ejus morte populus consultus⁴, nulla quaestio decreta a senatu est. Quantum luctum in hac urbe fuisse a nostris patribus accepimus, quum P. Africano⁵ domi suæ quiescenti illa nocturna vis esset illata? quis tum non gemit? quis non arsit dolore? quem immortalem, si fieri posset, omnes esse cuperent, ejus ne necessariam⁶ quidem exspectatam esse mortem? Num igitur ulla quaestio de Africani morte lata est? certe nulla. Quid ita? quia nōn alio facinore clari homines, alio obscuri necantur. Intersit inter vitæ dignitatem summorum, atque infimorum: mors quidem illata per scelus iisdem et poënis tenetur⁷, et legibus: nisi forte⁸ magis erit parricida, si quis consularem patrem, quam si quis humilem necaverit; aut eo mors atrocior⁹ erit P. Clodii, quod is in monumentis majorum suorum sit interfectus. Hoc enim sæpe ab istis dicitur: perinde quasi Appius ille Cæcus

15. Sic Lambin. Græv. Ernest. Lallém. ex optimis MSS. Olim, *putet*. J. V. L.

VII. 1. *Senatus propugnator*. Quia judicia, per Gracchos senatui erepta, et ad equites translata, ad senatum ab equestri ordine referri cupiebat.

2. *M. Catonis*. Qui postea Uticensis est dictus.

3. *M. Drusus*. Magno sane scelere, nam sacrosanctus erat plebis tribunus.

4. *Populus consultus*. Consuli populus dicebatur, quum lex rogabatur.

5. *P. Africano*. Qui quum Graccho et Carboni leges seditiosas ferentibus

obstitisset, postridie cubiculo occisus inventus est.

6. *Necessariam*. Quam affert naturæ necessitas.

7. *Heumanno in mentem venerat teneatur*. Frustra. J. V. L.

8. *Nisi forte*. Exemplis illustrat quod paullo ante protulit.

9. *Mors atrocior*. Objecta eludit ex via Appia. Nam scelus multo magis horrendum hoc ipso Clodiani prædicabant, quod in hac ipsa via cæcus fuerat Clodius, quam unus ex majoribus constituerat, in qua unus e nepotibus necaretur.

viam munierit, non qua populus uteretur, sed ubi impune sui posterī latrocinarentur. Itaque in eadem ista Appia via, quum ornatissimum equitem romanum P. Clodius M. Papirium occidisset¹⁰, non fuit illud facinus puniendum: homo enim nobilis in suis monumentis equitem romanum occiderat. Nunc ejusdem Appiæ nomen quantas tragoedias excitat¹¹? Quæ cruentata antea cæde honesti atque innocentis viri silebatur, eadem nunc crebro usurpatur, posteaquam latronis et parricidæ¹² sanguine imbuta est.

Sed quid ego illa commemorō? Comprehensus est in templo Castoris¹³ servus P. Clodii, quem ille ad Cn. Pompeium interficiendum collocarat. Extorta est confitenti sica de manibus. Caruit foro¹⁴ postea Pompeius, caruit senatu, caruit publico; janua se ac parietibus, non jure legum judiciorumque texit. Num quæ rogatio lata? num quæ nova quæstio decreta est? Atqui, si res, si vir, si tempus ullum dignum fuit¹⁵, certe hæc in illa causa summa omnia fuerunt. Insidiator erat in foro collocatus, atque in vestibulo ipso¹⁶ senatus; ei viro autem mors parabatur, cujus

10. *M. Papirium occidisset.* Tigranis filius, a Pompeio captus, Romæ apud Valerium equitem servabatur: petiit eum Clodius ut videret, adduxitque Flavius. Sed captivum Clodius vinculis solutum mari commisit, fugam suadens. Tempestate relatus est Tigranis filius. Quumque P. Clodio reducendus ad Pompeium, a quo repetebatur, datus esset, Flavius ad diripiendum eum profectus est. Ad quartum ab urbe lapidem pugna est commissæ, in qua Papirius romanus eques, Pompeioque amicissimus, fuit interfectus.

11. *Quantas tragoedias excitat.* Quos tumultus: nam quo id facinus

atrocius præstarent Clodiani, verbis gravioribus utebantur, ut qui in tragoediis res in majus amplificant.

12. *Parricidæ.* Parricida est qui patrem, aut qui civem occidit.

13. *In templo Castoris.* Quod erat foro et curiæ proximum.

14. *Caruit foro.* Domi se continuit, salutisque suæ ipse invigilavit, quum non bene a legibus defenderetur.

15. *Dignum fuit.* Tres ergo causæ extraordinarium judicium suadere possunt: magnitudo rei, dignitas personæ, et ratio temporis: quæ omnia in Clodii nece nullo modo occurrebant.

16. *Vestibulo ipso.* Nam sæpius in templo Castoris habebatur.

in vita nitebatur salus civitatis; eo porro reipublicæ tempore, quo si unus ille occidisset¹⁷, non hæc solum civitas¹⁸, sed gentes omnes concidissent. Nisi forte, quia perfecta res non est, non fuit punienda : perinde quasi exitus rerum, non hominum consilia legibus vindicentur¹⁹. Minus dolendum fuit, re non perfecta; sed puniendum certe nihilo minus. Quoties ego²⁰ ipse, iudices, ex P. Clodii telis, et ex cruentis ejus manibus effugi²¹? ex quibus si me non vel mea, vel reipublicæ fortuna servasset, quis tandem de interitu meo quæstionem tulisset?

VIII. Sed stulti sumus¹, qui Drusum, qui Africanum, Pompeium, nosmet ipsos, cum P. Clodio conferre audeamus. Tolerabilia fuerunt illa² : P. Clodii mortem æquo animo nemo ferre potest. Luget senatus³; moeret equester ordo; tota civitas confecta senio est; squalent municipia; affligantur coloniæ; agri denique ipsi tam beneficum, tam salutarem, tam mansuetum civem desiderant. Non fuit ea causa⁴, judi-

17. MS Erfurt. *cecidisset*. J. V. L.

18. *Civitas*. Quum jam non multi essent, qui remp. defendere possent. Nam Cicero in exsilium, M. Cato nomine provinciæ in insulam Cyprum fuerat ablegatus; Clodiusque et omnes furorum conscii Romæ nova semper moliebantur.

19. *Legibus vindicentur*. Nam lege Cornelia sicarius tenetur, qui occidendi hominis causa cum telo ambulavit.

20. Olim abfuit *ego*, quod optimo jure Ernest. Lalleu. al. e MSS addiderunt. J. V. L.

21. *Effugi*. Ter insidiis Clodii fuerat appetitus. Primo antequam ex urbe pelleretur, deinde paullo post reditum, denique paullo ante quam illa haberetur oratio.

VIII. 1. *Sed stulti sumus*. Cum antea memoratis cædibus, Clodii necem tamquam atrociolem et viri majoris ironice confert.

2. *Tolerabilia fuerunt illa*. Quod Drusus et Africanus domo sua fuerint interfecti, nosque et Pompeius simul tot insidiis circumventi.

3. *Luget senatus*. Quem Clodius fere exstinxerat; quemque Pisone et Gabinio coss. maxime oppresserat. — *Equester ordo*. Cui Ciceronem amicissimum in exsilium miserat. — *Civitas*. Quam seditionibus semper laceraverat. — *Municipia*. Quæ Ciceronis exsilium non ferebant.

4. *Non fuit ea causa*. Hactenus docuit, cur de Clodii nece nova quæstio ferri non debuerit; nunc post-

ces, profecto non fuit, cur sibi censeret Pompeius quæstionem ferendam : sed homo sapiens, et alta et divina quadam mente præditus⁵, multa vidit; fuisse sibi illum inimicum, familiarem Milonem. In communi omnium lætitia si etiam ipse gauderet, timuit, ne videretur infirmior fides⁶ reconciliatæ gratiæ. Multa etiam alia vidit, sed illud maxime, quamvis atrociter⁷ ipse tulisset, vos tamen fortiter iudicatu- ros. Itaque delegit e florentissimis ordinibus⁸ ipsa lumina; neque vero, quod nonnulli dictitant, secrevit in iudiciis legendis amicos meos⁹. Neque enim hoc cogitavit vir iustissimus, neque in bonis viris legendis id assequi potuisset, etiamsi cupisset. Non enim mea gratia familiaritatibus¹⁰ continetur, quæ late patere non possunt, propterea quod consuetudines victus non possunt esse cum multis. Sed, si quid possumus, ex eo possumus, quod respublica nos conjunxit cum bonis¹¹. Ex quibus ille quum optimos viros legeret,

quam rem damnavit, virum excusat; sibi quæ laudibus iudicum animos conciliare nititur.

5. *Mente præditus.* Alta mens dicitur, quæ penitus rerum intima scrutatur, futuraque ante capit.

6. *Infirmior fides.* Quas inimicitias cum Pompeio Clodius exercuerit, satis est cognitum. Eum enim in foro sæpius contumeliis gravissimis palam affecti, Tigranisque filium quem in vinculis habebat Pompeius eripere conatus est. Paello autem ante quam Clodius occideretur, amicitiam inter se junxerant.

7. *Quamvis atrociter.* Miro artificio legem Pompeii ita improbat, ut legis auctorem laudet, iudicumque virtutem et fidem una conjungat. Tantam enim, inquit, de sequitate vestra concepit opinionem, ut quamvis Milonem salvum vellet, legem contra eum tulerit,

quæ severior atrociorque videtur; ratus nihil illud impediturum, quin cum fide rem dijudicaretis.

8. *E florentissimis ordinibus.* Ex senatoribus, equitibus et tribunis ærarii, h. e. populi flore, quo nihil sanctius erat in civitate.

9. *Amicos meos.* Jactitabant Clodiani, quo magis infestum Miloni Pompeium demonstrarent, eum e iudiciis Ciceronis amicos secrevisse. His respondet orator, secernendo familiares ab amicis; eosque sibi amicos esse contendit, quamvis non ita familiares esse viderentur.

10. *Familiaritatibus.* His, quibuscum vivo.

11. *Conjunctum cum bonis.* Quamcumque gratiam habeo, propter rempublicam habeo, non autem propter familiaritates.

idque maxime ad fidem suam pertinere arbitraretur, non potuit legere non studiosos mei.

Quod vero te, L. Domiti, huic quæstioni præesse maxime voluit, nihil quæsivit aliud, nisi justitiam, gravitatem, humanitatem, fidem¹². Tulit, ut consulari necesse esset : credo, quod principum munus esse ducebat, resistere et levitati multitudinis, et perditorum temeritati. Ex consularibus te creavit potissimum : dederas enim, quam contemneres populares insanias¹³, jam ab adolescentia documenta maxima.

IX. Quamobrem, judices, ut aliquando ad causam crimenque veniamus, si neque omnis confessio¹ facti est inusitata; neque de causa quidquam nostra aliter, ac nos vellemus, a senatu judicatum est; et lator ipse legis, quum esset controversia nulla facti, juris tamen disceptationem esse voluit; et electi judices, isque præpositus quæstioni, qui hæc juste sapienterque disceptet; reliquum est, judices, ut nihil jam aliud quærere debeatis, nisi, uter utri insidias fecerit. Quod quo facilius argumentis perspicere possitis, rem gestam vobis dum breviter expono, quæso, diligenter attendite.

P. Clodius quum statuisset omni scelere in prætura

12. *Humanitatem, fidem.* Quum te Pompeius huic iudicio præfecit, non quæsivit Miloni inimicum civem; sed elegit in te justitiam, ut calumniis aures observeres; gravitatem, ut te populo insanienti objiceret; humanitatem, ut sineres te misericordia moveri; fidem, ut secundum leges rem djudicares.

13. *Populares insanias.* Cn. Manilius, tribunus plebis, legem seditiose ferebat, ut libertini in omnibus tribubus suffragia ferrent. Quumque per vim Capitolium occupasset, a Cn.

Domitio prætore dejectus est, ita ut plures etiam ex cohorte Manilia fuerint interfecti.

IX. 1. *Omnis confessio.* Breviter repetit quæ antea dicta sunt, ut a Clodianis objecta refellerentur. Primum, quod adversarii fas esse negabant, Milonem in eam diutius intueri; secundo, quod cædem in Appia factam senatum contra remp. judicavisse; tertium, quod Pompeium rem omnino novæ quæstionis institutione diremisse, prædicabant. Jam, absoluta præmunitione, factum ipsum aggreditur.

vexare rempublicam², videretque ita tracta esse comitia³ anno superiore, ut non multos menses præturam gerere posset; qui non honoris gradum spectaret⁴, ut ceteri, sed et L. Paullum collegam effugere vellet, singulari virtute civem, et annum integrum ad dilacerandam rempublicam quæreret, subito reliquit annum suum⁵, seque in annum proximum transtulit, non, ut fit, religione aliqua, sed ut haberet, quod ipse dicebat, ad præturam gerendam, hoc est, ad evertendam rempublicam, plenum annum atque integrum. Occurrebat ei, mancā⁶ ac debilem præturam suam futuram, consule Milone: eum porro summo consensu populi romani consulem fieri⁷ videbat. Contulit se⁸ ad ejus competitores; sed ita, totam ut petitionem ipse solus, etiam invitis illis, gubernaret; tota ut comitia suis, ut dictitabat, humeris⁹ sustineret.

2. *Vexare rempublicam.* Sicuti antea in tribunatu vexaverat.

3. *Tracta esse comitia.* Ita dilata fuere comitia, propter insanas candidatorum contentiones, ut septimo tantum mense Domitius Calvinus, et Valerius Messalla consulatum inierint. Quod etiam in prætoriis comitiis videtur accidisse; nam præturam per quinque tantum menses exercendam habuere.

4. *Gradum spectaret.* Qui non præturam habebat tamquam gradum ad majores honores, sed veluti tempus quo acris rempublicam vexandi facultas daretur.

5. *Annum suum.* Quo petere præturam ex lege poterat. Requirebatur autem ut quis prætorem eligeretur, ut annum ætatis suæ nonnum et trigessimum ageret.

6. *Mancam ac debilem præturam.* Nam claudicaret omnino ejus pote-

tas, si Milo consulatum, dum ipse prætorem esset, gereret.

7. *Consulem fieri.* Animadvertendum est qua arte insidiarum suspicionem a Milone in Clodium convertat. Clodio enim vivente summo populi consensu, Milo consulatum obtinebat: nulla igitur causa fuit, cur Clodium opprimeret; at contra Clodium sentiebat Milonem consulem fore, sibi-que nullum amplius reipublicæ vexandæ locum superesse; ita magnopere ad eum e medio tollendum laborabat.

8. *Contulit se.* Cœpit favere competitoribus, h. e. Plotio Hypsæo, et Q. Metello Scipioni, Pompeii socero, qui cum Milone consulatum petebant.

9. *Humeris sustineret.* Seditiones omnes, Clodio auctore excitatas contendit, ut graviora in eum bonorum civium sint odia, appareatque jam antea insidias in Milonem struxisse. Quod non omnino falsum erat.

Convocabat tribus; se interponebat; Collinam¹⁰ novam delectu perditissimorum civium conscribebat. Quanto ille plura miscebat; tanto hic¹¹ magis in dies convalescebat. Ubi vidit homo ad omne facinus paratissimus, fortissimum virum, inimicissimum suum, certissimum consulem, idque intellexit non solum sermonibus, sed etiam suffragiis populi¹² romani sæpe esse declaratum; palam agere coepit, et aperte dicere, occidendum Milonem¹³.

Servos agrestes et barbaros, quibus silvas publicas¹⁴ depopulatus erat, Etruriamque vexarat, ex Apennino deduxerat, quos videbatis. Res erat minime obscura: etenim palam dictitabat, consulatum Miloni eripi non posse, vitam posse. Significavit hoc sæpe in senatu; dixit in concione. Quin etiam Favonio¹⁵, fortissimo viro, quærenti ex eo, qua spe fureret, Milone vivo, respondit, triduo illum, ad summum quatrduo periturum. Quam vocem ejus ad hunc M. Catonem¹⁶ statim Favonius detulit.

X. Interim quum sciret Clodius, neque enim erat difficile scire, iter solemne¹, legitimum, necessarium,

10. Olim, *coloniam novam*; al. MSS, *colluviem*. J. V. L.

11. *Hic*. Certior consulatus Milo fiebat.

12. *Populi romani*. Quia sæpius in comitiis Milonem consulem populus declaraverat; sed fuerant semper sublata, aut dilata comitia.

13. *Occidendum Milonem*. Inde patet omnino, insidias a Clodio fuisse paratas, quum mortem Miloni ita prior intentaverit.

14. *Silvas publicas*. Quæ publice erant locatæ: has autem Clodius in suum vertebat usum, latrociniaque ibi exercebat.

15. *Favonio*. Fuit vir amicissimus Catoni, et ejus constantiæ et doctrinæ æmulus.

16. *Hunc M. Catonem*. Judicem nostrum. — *Statim*. Ne quis putet intercessisse tempus, quo Favonius corrumpetur et subornaretur ad hoc fingendum.

X. 1. *Solemne*. Quia quotannis fiebat. — *Legitimum*. Quia lege cautum erat, ut XIII kal. feb. crearetur novus sacerdos. — *Necessarium*. Quod Milo Lanuvii dictator erat, ubi Janonis Sospitæ templum, cui a dictatore novus quotannis sacerdos constituebatur.

ante diem XIII kalendas febr. Miloni esse Lanuvium ad flaminem prodendum, quod erat dictator Lanuvii Milo; Roma subito ipse profectus pridie est, ut ante suum fundum², quod re intellectum est, Miloni insidias collocaret. Atque ita profectus est, ut concionem turbulentam, in qua ejus furor desideratus est³, quæ illo ipso die habita est, relinqueret: quam, nisi obire facinoris locum tempusque voluisset, numquam reliquisset. Milo autem⁴, quum in senatu fuisset eo die, quoad senatus dimissus est, domum venit; calceos et vestimenta mutavit; paullisper, dum se uxor, ut fit, comparat, commoratus est⁵; deinde profectus est id temporis, quum jam Clodius, si quidem eo die Romam venturus erat, redire potuisset. Obviam fit ei Clodius, expeditus⁶, in equo, nulla rheda, nullis impedimentis, nullis Græcis comitibus, ut solebat; sine uxore⁷, quod numquam fere: quum hic insidiator, qui iter illud ad cædem faciendam apparasset; cum uxore veheretur in rheda, penulatus, magno⁸

2. *Suum fundum.* Quem Albanum alibi vocat; quod esset apud Albam, quæ Miloni erat iter. — *Re intellectum est.* H. e. eventu pugne.

3. *Furor desideratus est.* Minus furiose res est agitata. Attamen hoc ipso die quo Clodius occisus est, C. Sallustius et Q. Pompeius Milonis inimici, pro competitoribus ejus, seditione populo verba fecerunt; Quintusque Pompeius præsertim his in tempestatibus emicuit, quia erat omnium perruicacissimus.

4. *Milo autem.* Dux partes præsertim hæc in oratione movent admirationem; prior quæ Milonis profectio depingitur; posterior quæ mortem Clodii continet. Cicero, quamvis rem ita exponat, ut Milonem defendat,

simplici verborum delecta utitur, et profectionem narrat tamquam si nullo modo Clodium manifesto scelere deprehendere in mente haberet. Quam quietus Milo videtur! quantum distat ab homine qui cædem molitur! Se tantummodo ad iter accingit, more solito; eo major est ars, quo melius simplicibus sub verbis latet.

5. *Commoratus est.* Nihil festinanter, nihil tumultuose Milo parat.

6. *Expeditus.* Levi cum veste, quo melius pugnam committeret.

7. *Sine uxore.* Fulvia hæc erat, quæ postea Antonio nupsit, quæque demortui Ciceronis linguam acu perforavit.

8. *Edebatur olim, vulgi magno impedimento.* Nos sequimur Grævium.

et impedito, et muliebri ac delicato ancillarum puerorumque comitatu⁹.

Fit obviam Clodio ante fundum ejus¹⁰, hora fere undecima¹¹, aut non multo secus. Statim complures cum telis in hunc¹² faciunt de loco superiore impetum. Adversi rhedarium occidunt. Quum autem hic de rheda, rejecta penula, desiluisset, seque acri animo defenderet, illi, qui erant cum Clodio, gladiis eductis, partim recurrere ad rhedam, ut a tergo Milonem adorirentur; partim, quod hunc jam interfectum putarent, cedere incipiunt ejus servos, qui post erant: ex quibus qui animo fideli in dominum et præsenti fuerunt, partim occisi sunt; partim quum ad rhedam pugnari viderent, et domino succurrere prohiberentur, Milonemque occisum etiam ex ipso Clodio audirent, et ita esse¹³ putarent, fecerunt id servi Milonis¹⁴ (dicam enim non derivandi criminis causa, sed ut factum est), neque imperante, neque sciente, neque præsente domino, quod suos quisque servos¹⁵ in tali re facere voluisset.

XI. Hæc, sicut exposui, ita gesta sunt¹, iudices:

9. *Comitatu*. Notandum est quo artificio orator depingit, verbis longis, gravissimis, impedimenta omnia quibus Milo irretitus iter habebat. Quum de Clodio agitur, omnia mutantur, abruptum dicendi genus est, et voces brevissimæ facillime fluunt.

10. *Ante fundum ejus*. Ex hac re postea magnum in Clodium trahet argumentum.

11. *Undecima*. Hora illa tertie nostræ pomeridianæ cum dimidio respondet.

12. *In hunc*. In Milonem. — *Loco superiore*. Hinc probatur Clodium ad pugnam locum elegisse.

13. Grævius addit *re vera* e MSS.

14. Ernest. pronuntiat, verba hæc, *servi Milonis*, sine dubio delenda esse. Nos dubitamus. J. V. L.

15. *Suos quisque servos*. Mirabili modo orator necem Clodii adumbrat: historicus tantum scripsisset: Clodium servi Milonis interfecere. Sed Cicero quo rei gravitatem declinat, hæc ait quæ rem animis iudicum denuntiant, sed quæ nullo modo Milonem in odium adducere potnerint. Hoc eodem verborum artificio usus est Demosthenes in Lysia, quum Eratosthenis eadem denuntiat.

XI. 1. *Ita gesta sunt, iudices*. Nar-

insidiator superatus, vi victa vis, vel potius oppressa virtute audacia est. Nihil dico, quid respublica consequuta sit²; nihil, quid vos; nihil, quid omnes boni: nihil sane id prosit Miloni, qui hoc fato natus est, ut ne se quidem servare potuerit, quin una rempublicam vosque servaret³. Si id jure non posset⁴, nihil habeo, quod defendam. Sin hoc et ratio doctis, et necessitas barbaris, et mos gentibus, et feris natura ipsa præscripsit, ut omnem semper vim, quæcumque ope possent, a corpore, a capite, a vita sua propulsarent; non potestis hoc facinus improbum judicare, quin simul judicetis, omnibus, qui in latrones inciderint, aut illorum telis, aut vestris sententiis esse pereundum. Quod si ita putasset, certe optabilius Miloni fuit dare jugulum P. Clodio⁵, non semel ab illo, neque tum primum petatum, quam jugulari a vobis, quia se illi non jugulandum tradidisset. Sin hoc nemo vestrum ita sentit, illud jam in judicium venit, non, occisusne sit, quod fatemur⁶; sed jure, an injuria, quod multis in causis⁷ sæpe quæsitum est. Insidias factas esse constat; et id est, quod senatus

rationem hanc luculentissimam concludendo, se uno veritatis studio duci proficitur.

2. *Consequuta sit.* Hanc defensionem Brutus suaserat, at Ciceroni non fuit accepta, quia paullum causæ diffidebat. Pulchrum fuerat certe causam hoc modo peragere, si ceteri iudices Catonem virtute retulissent.

3. *Servaret.* Adeo conjunctas omnes vitæ suæ cum republica rationes habet Milo, ut nemo reipublicæ sit hostis qui non illi quoque bellum indixerit; atque adeo non possit vitam suam a telis hostium defendere, quin una reipublicæ hostes profliget.

4. *Non posset.* Si jus sui defendendi non haberet.

5. *Dare jugulum P. Clodio.* Sic enim amat rempublicam et vos omnes Milo, ut mortem non tam reformidet, quam vereatur, ne, si illum damnaveritis, qui se Clodio non præbuit jugulandum, in vos tam iniqui iudicii infamia et a vobis in totam rempublicam redundet.

6. *Quod fatemur.* Negando tamen rem esse jussu Milonis perpetratam.

7. *Multis in causis.* In causa Horatii qui sororem, in causa Trebonii qui tribunum militum stuprum inferentem occiderat.

contra rempublicam⁸ factum iudicavit. Ab utro factæ sint, incertum est. De hoc igitur, latum est, ut quæreretur. Ita et senatus rem, non hominem, notavit; et Pompeius de jure, non de facto, quæstionem tulit.

XII. Numquid igitur aliud in iudicium venit, nisi uter utri insidias fecerit? profecto nihil. Si hic¹ illi, ut ne sit impune; si ille huic, tum nos scelere solvamus².

Quonam igitur pacto probari potest, insidias Miloni fecisse Clodium³? Satis est quidem, in illa tam audaci,

8. *Contra rempublicam.* Contra pacem ac securitatem publicam.

XII. 1. *Si hic.* Milo scilicet. — *Si ille.* Clodius.

2. *Nos scelere solvamus.* Brevi orator probabit Clodium Miloni insidias struxisse, eumque a Milone jure occisum. Brutus non ita rem spectaverat, et in oratione quam scripserat, ut Milonem defenderet, hoc uno nitebatur: Clodium perditissimum civem fuisse, et Miloni gratias habendas quod rempublicam hac peste liberaverit. At illud Stoicorum magis sententiis quam legibus consentaneum erat; nam in civitate bene morata, leges unæ de malis ac perditis civibus decernunt. Cicero, illo quoque argumento, quod utile causæ iudicavit, usus est, sed in altera orationis parte; quum primum ostendit Milonem Clodio necem attulisse, hoc uno tantum ut vitam defenderet, deinde in Clodium invehitur, et probat Miloni gratias esse decernendas, qui tale monstrum e medio sustulisset.

3. *Fecisse Clodium.* Prima in orationis parte, tria notat orator: quæ scilicet ante pugnam acta sunt, quæ dum pugnatum est, quæque pugnam sunt prosequuta. Clodium in mente agitasse probat ut Milonem occideret

hæc statuendo: 1° Magni referebat ut Clodius Milonem interficeret. Nil ad Milonem Clodii mors commodi asferre potuit; 2° Clodius Milonem capitali odio prosequeretur. Ille autem Clodium oderat, ut boni omnes perditos cives detestantur; 3° semper se Clodius violentum et audacem, Milo vero moderatum se præstitit; 4° judicia effugere solitus Clodius rem impune cessuram sperabat. Non idem sperare Milo poterat; 5° prior mortem hosti minatus est. Jactitavit triduo Milonem fore interfectum. Milo nihil unquam tale agitavit. 6° Clodius denique optime sciebat iter Miloni solemne ac necessarium esse; ille autem nullo modo Clodio se obviam ire putabat. Deinde orator quærit a quo res facilius fuit perpetrata. Res est commissæ ante fundum Clodii, ubi nulle servos habebat. Si insidias Milo paravisset, aptiorem elegisset locum. Cetera omnia Clodium manifeste arguunt. Denique quæ pugnam sequuta sunt depingit. Milo Romam rediit, se senatui, populo, Pompeioque libens obtulit. Inde patet, non sceleris fuisse conscipm. Quæ omnia præmissimus, quo clarius artificium oratoris appareret, et facilius esset, per totam orationem deprehendere, quanta arte

tam nefaria bellua, docere, magnam ei causam, magnam spem in Milonis morte propositam, magnas utilitates fuisse. Itaque illud Cassianum⁴, Cui bono fuerit, in his personis valeat. Etsi boni nullo emolumento impelluntur in fraudem, improbi sæpe parvo. Atqui, Milone interfecto, Clodius hoc assequebatur, non modo ut prætor esset non eo consule, quo sceleris nihil facere posset, sed etiam ut his⁵ consulibus prætor esset, quibus si non adjuvantibus, at conniventibus certe, sperasset, se posse rempublicam eludere⁶ in illis suis cogitatis furoribus : cujus illi conatus, ut ipse ratiocinabatur⁷, nec, si possent, reprimere cuperent, quum tantum beneficium ei se debere arbitrarentur; et, si vellent, fortasse vix possent frangere hominis sceleratissimi corroboratam jam vetustate audaciam.

An vero, iudices, vos soli ignoratis⁸, vos hospites in hac urbe versamini? vestræ peregrinantur⁹ aures, neque in hoc pervagato civitatis sermone versantur, quas ille leges, si leges nominandæ sunt, ac non faces urbis, et pestes reipublicæ, fuerit impositurus nobis omnibus, atque inustus? Exhibe, quæso, Sexte Clodi¹⁰, exhibe librum illud legum vestrarum,

inter se sententiæ omnes hæreant et connectantur.

4. *Cassianum*. Fuit integer severusque iudex. Quum de homine occiso quærebatur, suadebat, ut prius animadvertent, cui bono fuisset, perire eum, de cuius nece res ageretur.

5. *His consulibus*. Scipione et Hyppeso, quorum petitionem Clodius adjuverat.

6. *Buherius*, in *Animadv.* p. 492, conj. *elidere et concitatis*. J. V. L.

7. *Ut ipse ratiocinabatur*. Hæc ait,

ne nimis Scipionem Pompeii socerum offendant.

8. *Vos soli ignoratis*. Ad hunc locum ita Quintilianus : « Non solum quæ facta sint, aut fiant, sed etiam quæ futura sint, aut futura fuerint, imaginamur ». Mire tractat hæc Cicero pro Milone, quæ facturus fuerit Clodius, si præturam invasisset.

9. *Peregrinantur aures*. H. e. non personant his omnibus, quæ de Clodii legibus palam proferuntur.

10. *Sexte Clodi*. Consanguineus ille

quod te aiunt eripuisse e domo, et ex mediis armis turbaque nocturna¹¹, tamquam Palladium, sustulisse, ut præclarum videlicet¹² munus atque instrumentum¹³ tribunatus ad aliquem, si nactus esses, qui tuo arbitrio tribunatum gereret, deferre posses. Et adspexit me illis quidem oculis, quibus tum solebat, quum omnibus omnia minabatur. Movet me quippe lumen curiæ¹⁴.

XIII. Quid? tu me iratum, Sexte, putas tibi, cujus tu inimicissimum multo crudelius etiam punitus¹ es, quam erat humanitatis meæ postulare? Tu P. Clodii cruentum cadaver² ejecisti domo, tu in publicum abjecisti; tu spoliatum imaginibus, exsequiis, pompa, laudatione, infelicissimis lignis³ semiustulatum⁴, no-

Clodii fuit, et scriba: multum in seditionibus audacia sua adjuverat. De hoc Cicero in orat. pro Dom. 18, ait: «Hoc tu scriptore, hoc consiliario, hoc ministro, rempublicam perdidisti». — *Librarium*. Lamb. e duobus MSS, *libellarium*. J. V. L.

11. *Turbaque nocturna*. Postquam interfectus est Clodius, Romam perlatum est ejus cadaver ante primam noctis horam: infimæque plebis et servorum magna multitudo corpus in atrio domus positum circumstetit.

12. *Legabant olim inde pro videlicet*. J. V. L.

13. *Instrumentum*. H. e. facem qua rempublicam totam erat incensurus.

14. *Lumen curiæ*. Innuit incendium curiæ, cujus Sextus Clodius auctor fuerat, et in ambiguo vocis hujus *lumen* quod dicitur quoque de viris ingenio supereminentibus, jocatur.

XIII. 1. *Punitus es*. Vox hæc usurpatur pro *punitisti*.

2. *Cruentum cadaver*. A vulnere recens; exprobrat Sexto Clodio qui-

bus rationibus usus sit ad excitandos vulgi animos. Contrectandum enim oculis cadaver prætulit, recenti vulnere dilaceratum; hoc postea Cæsaris fautores egere, uti plebem in Brutum ceterosque consilii participes suscitarent. — *Ejecisti*. Non extulisti, sed, ut ea quæ sunt invisa, ejecisti. Nam simul ac relatam fuit cadaver, hoc Sextus Clodius in medium protulit; alii non illud Clodio, sed insipienti plebeculæ tribuunt.

3. *Infelicissimis lignis*. Non iis quibus, more solito, corpora cremantur; sed subsellis curiæ a concitata multitudo arreptis, et tribunalibus, et mensis, et codicibus librariorum; nullo justo funere.

4. *Semiustulatum*. Adeo male crematum est Clodii corpus, inter factiones, et dissidia, et curiæ incendium, quod omnes foro pepulit, ut nocturni canes, cadaver semiustum noctu, tamquam prædam dilaniarent. Erat autem atrocissima calamitas, canibus post mortem projici.

cturnis canibus dilaniandum reliquisti⁵. Quam rem etsi, quia nefarie fecisti⁶, laudare non possum; tamen, quoniam in meo inimico crudelitatem exprompsisti tuam, irasci certe non debeo.

P. Clodii præturam non sine maximo rerum novarum metu proponi, et solutam fore videbatis, nisi esset is consul, qui eam auderet possetque constringere. Eum Milonem esse quum sentiret universus populus romanus, quis dubitaret suffragio suo se metu, periculo rempublicam liberare? At nunc⁷, P. Clodio remoto⁸, usitatis jam rebus enitendum est Miloni⁹, ut tueatur dignitatem suam. Singularis illa huic uni concessa gloria, quæ quotidie augebatur frangendis furoribus Clodianis, jam morte Clodii cecidit. Vos adepti estis, ne quem civem metueretis; hic exercitationem virtutis, suffragationem consulatus, fontem perennem¹⁰ gloriæ suæ perdidit. Itaque Milonis consulatus, qui, vivo Clodio, labefactari non poterat¹¹, mortuo denique tentari coëptus est. Non modo igitur nihil prodest, sed obest etiam P. Clodii mors Miloni.

At valuit odium¹², fecit iratus, fecit inimicus, fuit

5. Locum vulg. perturbatum sic juxta Ernest. ordinavimus. J. V. L.

6. *Nefarie fecisti*. Nam propinquum tuum omnibus bonoribus origini suæ ac nomini debitum spoliavisti.

7. Sic Lambin. Græv. Lalleu. Alii, *non*, contra sententiam. J. V. L.

8. *P. Clodio remoto*. Postquam demonstravit orator utile fuisse Clodio Milonem e medio tollere, hanc alteram rei partem aggreditur; numquid utilitatis ex hac nece Milo acceperit? comprobaturque illud ei maxime no-
uisse.

9. *Miloni, etc.* Haecenus satis est

V. *Cic. pars secunda.*

Miloni, ut Clodianos furores frangeret, majoremque in dies sibi gloriam animi constantia compararet; nunc vero quum extinctus est Clodius, alia ratione huic viro est enitendum, ut dignitatem prius adeptam servare et amplificare possit.

10. *Fontem perennem*. Quintilianus locum illum inter egregias metaphoras ponere non dubitat.

11. *Non poterat*. Etenim furor perpetuus Clodii causa erat cur Miloni deferretur consulatus; quia solus insanis consiliis ejus sæpe obstiterat.

12. *At valuit odium*. Objecta a

ultor injuriæ, punitor doloris sui. Quid, si hæc, non dico, majora fuerunt in Clodio, quam in Milone, sed in illo maxima, nulla in hoc? quid vultis amplius? Quid enim odisset Clodium Milo, segetem ac materiam suæ gloriæ, præter hoc civile odium¹³, quo omnes improbos odimus? Ille erat ut odisset, primum defensorem salutis meæ; deinde vexatorem furoris, domitorem armorum suorum; postremo etiam accusatorem suum. Reus enim Milonis lege Plotia¹⁴ fuit Clodius, quoad vixit. Quo tandem animo hoc tyrannum tulisse creditis? quantum odium illius, et, in homine injusto¹⁵, quam etiam justum¹⁶?

XIV. Reliquum est¹, ut jam illum natura ipsius consuetudoque defendat, hunc autem hæc eadem coarguant: nihil per vim umquam Clodius, omnia per vim Milo. Quid ergo, judices? quum, moerentibus vobis², urbe cessi, judiciumne timui? non servos, non arma, non vim³? Quæ fuisset igitur causa⁴ resti-

Clodians dilexit hoc ipso, quod gloria Milonis per quotidiana Clodii facinora creverat. — *Fuit*. Sic omnes Paht. eodd. Olim fecit.

13. *Civile odium*. Odium illud natura insitum, quo boni omnes malos prosequuntur. Magno sane Clodii odio Milo flagrabat, sed illud orator ita oculis subjicit, ut Miloni nova læs inde efflorescat.

14. *Leges Plotia*. M. Plotius Sylvanus tribunus legem tulerat, qua senectum erat, ut de ejus capite quæreretur, qui vim in alios fecisset. Milo autem hac lege Clodium in judicium vocavit, quia impressionem fecerat in fabrice Ciceronis domum edificantes, quam ipse diruerat.

15. *Homine injusto*. Adeo Clodium insectatus erat Milo, ut vir hic in

ceteris injustas, haberet unde Milonem certe justo odio persequeretur.

16. *Justum*. Vett. edd. post *justum* adjecterant *esse*, vel *fuisse*. J. V. L.

XIV. 1. *Reliquum est*. Ironice Clodii moderationem et placidum animum extollit.

2. *Quum, moerentibus vobis*. Quum Clodius rogationem tulit, ut in exilium Cicero pelleretur, mutata veste, senatores lectum ac modestiam suam testati sunt.

3. *Non vim*. Sponte sua in exilium Cicero profectus est, uti easdem ac discordias vitaret. Sensus est: Non timui judicium; sed servos, arma et vim Clodii timui.

4. *Causa*. Ernest. edidit *causa justa*, e MS Fabricii. Idem delevit *ei*, quod primæ edd. non agnoscunt.

tuendi mei, nisi ei fuisset injusta ejiciendi? Diem mihi, credo, dixerat; multam irrogat⁵; actionem perduellionis intenderat; et mihi videlicet in causa, aut mala⁶, aut mea, non et præclarissima⁷, et vestra, judicium timendum fuit. Servorum, et egentium civium, et facinorosorum armis meos cives, meis consiliis periculisque servatos, pro me objici nolui⁸.

Vidi enim, vidi hunc ipsum Q. Hortensium, lumen et ornamentum reipublicæ, pæne interfici servorum manu, quum mihi adesset⁹: qua in turba C. Vibienus, senator, vir optimus, cum hoc quum esset una¹⁰, ita est multatus, ut vitam amiserit. Itaque quando illius postea sica illa, quam a Catilina acceperat, conquievit? Hæc intentata nobis est; huic ego vos objici pro me non sum passus; hæc insidiata Pompeio est; hæc istam Appiam, monumentum sui nominis, nece Papirii cruentavit; hæc, hæc eadem, longo intervallo, conversa rursus est in me; nuper quidem, ut scitis, me ad regiam¹¹ pæne confecit.

Quid simile Milonis? cujus vis omnis hæc semper fuit, ne P. Clodius, quum in judicium detrahi non

5. *Multam irrogat.* H. e. irrogasset, nam nullo modo dies dictus fuerat, aut multa irrogata Ciceroni, quum judicium sponte sua fugiens præoccupavit.

6. *Aut mala.* Sic Grævius e MSS. Vulgo hæc perturbantur.

7. *Non et præclarissima.* Mihi scilicet timenda sunt mea causa, vel quod mala esset, vel quod mea esset, nec cum aliis mihi communis: quæ protinus corrigit, quum verba illa superaddit, at vero erat præclarissima, et mihi vobisque omnibus communis.

8. *Objici nolui.* Multi Ciceroni suadebant, antequam in exilium profi-

cisceretur, quoniam justitiæ nullo modo locus esset, ut rem armis experiretur. Noluit Cicero, maluitque in exilium abire, quam totam rempublicam in periculum adducere.

9. *Quum m. adesset.* Causam meam defenderet. Paludatus cum servis errabat Clodius circa curiam, quum de Ciceronis exilio ageretur; quumque quidam senatores Ciceronis rebus addicti egrederentur, eos armati servi plagis affecerunt.

10. *Esset una.* Ut qui causam meam auctoritate sua defenderet ac tueretur.

11. *Regiam.* Quæ in via Sacra fuit; Namque ut Asconius opinatur.

posset, vi oppressam civitatem teneret. Quem si interficere voluisset, quantæ, quoties, occasiones, quam præclaræ fuerunt? Potuitne, quum domum ac deos penates suos, illo oppugnante¹², defenderet, jure se ulcisci? potuitne, cive egregio et viro fortissimo, P. Sextio, collega suo, vulnerato¹³? potuitne, Q. Fabricio, viro optimo, quum de reditu meo legem ferret, pulso, crudelissima in foro cæde facta? potuitne, L. Cæcili, justissimi fortissimique prætoris, oppugnata domo? potuitne illo die, quum est lata lex de me? quum totius Italiæ concursus, quem mea salus concitarat, facti illius gloriam libens agnovisset; ut, etiamsi id Milo fecisset, cuncta civitas eam¹⁴ laudem pro sua vindicaret?

XV. Atqui erat id temporis¹ clarissimus et fortissimus consul, inimicus Clodio, P. Lentulus², ultor sceleris³ illius, propugnator senatus, defensor vestræ voluntatis, patronus illius publici consensus, restitutor salutis meæ; septem prætores⁴, octo tribuni plebis, illius adversarii, defensores mei; Cn. Pompeius auctor⁵ et dux mei reditus, illius hostis; cujus

12. *Illo oppugnante.* P. Clodius, ut domum Ciceronis ac Milonis dirueret, servos cum gladiis palam adduxit, qui ignes ei subjicerent.

13. *Vulnerato.* Viginti vulnera acceperat, et mortem evasit se mortuum simulando.

14. *Eam laudem.* Omnes cives romani, qui ex tota Italia confluxerant, ut me revocarent, adeo gravi Clodii odio ardebant, ut si eum tunc Milo occidisset, omnes hujus facti gloriam quasi propriam sibi tribuissent, et cædis auctores videri voluissent.

XV. 1. *Id temporis.* Græv. mallet *id tempus.* Non probro.

2. *P. Lentulus.* Cognomine Spintther.

3. *Sceleris pro scelesti.* — *Vestræ voluntates.* Nam omnes Ciceronem revocabant; Clodius unus obsistebat.

4. *Septem prætores.* Octavus fuit Appius Clodius, Publii frater. — *Octo tribuni.* Reliqui duo fuere Sext. Attilius Serranus et Num. Quintius, qui legem de reditu Ciceronis promulgare noluerunt.

5. *Cn. Pompeius auctor.* Facile sane obstitisset Pompeius Clodio contra Ciceronem furenti; sed eum in exilium proficisci passus est, quia gloriæ ejus invadebat. At postquam sensit

sententiam senatus omnis de salute mea gravissimam et ornatissimam secutus est; qui populum romanum cohortatus est; qui, quum de me decretum Capuæ fecit, ipse cunctæ Italiæ cupienti et ejus fidem imploranti signum dedit⁶, ut ad me restituendum Romam concurrerent. Omnia tum denique in illum odia civium ardebant desiderio mei: quem qui tum⁷ intermisisset, non de impunitate ejus, sed de præmiis cogitaretur. Tamen se Milo continuit⁸, et P. Clodium ad judicium bis, ad vim numquam vocavit. Quid? privato Milone⁹, et reo ad populum, accusante P. Clodio, quum in Cn. Pompeium pro Milone dicentem impetus factus est; quæ tum non modo occasio, sed etiam causa illius opprimendi fuit? Nuper vero quum M. Antonius¹⁰ summam spem salutis bonis omnibus attulisset, gravissimamque adolescens¹¹ nobilissimus reipublicæ partem fortissime suscepisset, atque illam belluam, judicii laqueos declinantem, jam irretitam teneret; qui locus, quod tempus illud¹², dii immor-

Ciceronem votis omnium revocari, legem de reducendo eo in patriam tulit, multisque eum laudibus ornavit.

6. *Signum dedit.* Quum Capuæ decretum fuisset, uti Cicero ab exilio revocaretur, legati ex omnibus Italiæ partibus Pompeium adierant, quibus ille imperavit Romam petere, et a senatu rem postulare.

7. *Qui tum.* Vett. edd. Rom. et Mediol. *si tum.* Unde Ernest. edidit, « si qui tum intermisisset ». J. V. L.

8. *Se Milo continuit.* Numquam Milo rem armis dirimere est aggressus, quamquam magnam materiam æviendi in Clodium haberet. Et quamvis vim vi repulerit, numquam Clodium ad pugnam vocavit, sed lacessitus, vitam suam ac salutem suorum armis tutatus est.

9. *Privato Milone.* Quum magistratu excessisset Milo, a Clodio in judicium est vocatus. Causæ illius patrociniū Pompeius suscepit; sed vix loqui incipientem Clodiani clamoribus disturbare aggressi sunt. Restitere Milonis fautores; pugnaque brevi commissa, cum suis fugatus est Clodius, et e Rostria in quæ conscenderat, demissus.

10. *M. Antonius.* Is est qui postea triumviratum cum Octavio et Lepido tenuit. Tunc temporis erat amicus Ciceroni, qui ei in petenda sædilitate favebat.

11. *Adolescens nobilissimus.* Referbat enim originem suam ad Herculem.

12. *Quod tempus illud.* Quam aptum Clodio interficiendo!

tales! fuit? quum se ille fugiens in scararum tenebras abdidisset, magnum Miloni fuit conficere illam pestem, nulla sua invidia, Antonii vero maxima gloria? Quid? comitiis in campo¹³ quoties potestas fuit? quum ille vi in septa irruisset¹⁴, gladios destringendos¹⁵, lapides jaciendos curasset, deinde subito, vultu Milonis perterritus, fugeret ad Tiberim, vos et omnes boni vota faceretis, ut Miloni uti virtute sua¹⁶ liberet.

XVI. Quem igitur¹ cum omnium gratia noluit, hunc voluit cum aliquorum querela? quem jure, quem loco², quem tempore, quem impune non est ausus, hunc injuria, iniquo loco, alieno tempore, periculo capitis³ non dubitavit occidere? præsertim, judices, quum honoris amplissimi contentio, et dies comitiorum⁴ subesset: quo quidem tempore (scio

13. *Comitiis in campo.* Quum jactaret Clodius se comitia humeris suis ferre; id agens ut Milo repulsam pateretur, et Hypsæus ac Scipio consules nuntiarentur.

14. *Irruisset.* Aliquot MSS, teste Lambino, habent *irrupisset*, quod multi probant. Sed male *vi* delevit Grævius. J. V. L.

15. *Gladios destringendos.* Quum Milonem consulem creari videret non dubiis populi suffragiis, comitia vi et armis disturbavit: septa erant in foro, loca cancellis clausa, quibus suffragium latrui conveniebant.

16. *Uti virtute sua.* Clodium opprimere, ac faciem illam resp. omnino extinguere. Hæc non aperte dicit, ne verbis gravioribus judicium aures læderet. Hoc artificio jam antea in depingenda Clodii nece usus est.

XVI. 1. *Quem igitur*, etc. Miro prorsus artificio orator plura probat, quam a principio hujus argumenti

probanda suscepit. Ingressus erat enim hanc orationis partem, ut demonstraret semper a cædibus alienum fuisse Milonem; nunc vero ad id usque progressus est, ut non solum probaverit Milonem a vi alienum fuisse; sed etiam non hanc cædem potuisse perpetrare. Etenim quum manus a Clodio abstinuit, dum ille arma semper ac discordias moveret, omnesque mortem ejus optarent; anne in eum impetum facere petuit, et occidere, quum videret hoc multis Clodianorum furorum fautoribus non fore acceptum?

2. *Quem loco.* Pancissimis his verbis omnia revocat, quæ antea professus est,

3. *Per. capitis.* In promptu fuisset Miloni Clodium per satellites suos opprimere, quum fugeret et ab omni populo urgeretur.

4. *Dies comitiorum.* Quibus ipse consul erat renuntiandus.

enim, quam timida sit ambitio, quantaque et quam sollicita cupiditas consulatus) omnia non modo, quæ reprehendi palam, sed etiam quæ obscure⁵ cogitari possunt, timemus; rumorem, fabulam falsam, fictam, levem perhorrescimus; ora omnium atque oculos in-tuemur. Nihil enim est tam molle, tam tenerum, tam aut fragile, aut flexibile, quam voluntas erga nos sensusque civium, qui non modo improbitati irascuntur candidatorum⁶, sed etiam in recte factis sæpe fasti-diunt⁷. Hunc diem igitur campi speratum atque exo-ptatum sibi proponens Milo, cruentis manibus scelus et facinus præ se ferens et confitens, ad illa augusta centuriarum auspicia⁸ veniebat? Quam hoc non cre-dibile in hoc⁹? quam idem in Clodio non dubitan-dum¹⁰, qui se, interfecto Milone, regnaturum puta-ret? Quid? quod caput est audaciæ, iudices; quis ignorat, maximam illecebram esse peccandi impuni-tatis spem¹¹? In utro igitur hæc fuit? in Milone, qui etiam nunc reus est facti, aut præclari, aut certe ne-cessarii¹²? an in Clodio, qui ita iudicia poenamque

5. Ernest. frustra damnat cogitari. Unde alius hæc, An scripsit Cicero castigari? Minime. J.V.L.

6. Candidatorum. Qui togam can-didem inducunt, ut se magistratum petere palam profiterentur.

7. Fastidiant. Sæpe ab iis præclare gesta contemnant.

8. Centuriarum auspicia. Rem etiam objecta religione corroborat. Etiamsi Milo de retinenda civium voluntate non cogitavisset; tamen pietas ac re-ligio sanctitatem auspiciorum polluere prohibuisset, quæ certe fœdata fu-issent, si ausus eas, cruentis adhuc manibus, in campum petitor parricida descendere.

9. Non credibile in hoc. Milone

sollicit, cujus natura semper fuit vis et armorum inimicissima.

10. Non dubitandum. Nam qui an-tea sacra Bonæ Dæe polluerat stupri inferendi gratia; nunc quum multo gravior sit causa, non erubesceret sane auspiciorum religionem fœdere. Nam morte Milonis se multo facilius rempublicam evereaturum sperabat.

11. Impunitatis spem. Nam iudicia omnia ad hoc usque tempus Clodius effugerat, aut per vim disturbaverat.

12. Aut certe necessarii. Si Clo-dium Milo occidit non laessitus, præclarum illius est factum et laude dignum, quia rempublicam ab armis civis insolentissimi est tutatus; si fe-cit, ut vitam suam tueretur, necessa-

contempserat, ut eum nihil delectaret, quod aut per naturam fas esset¹³, aut per leges liceret?

Sed quid ego argumentor¹⁴? quid plura disputo? te, Q. Petilli, appello, optimum et fortissimum civem; te, M. Cato, testor, quos mihi divina quædam sors dedit iudices. Vos ex M. Favonio audistis, Clodium sibi dixisse, et audistis, vivo Clodio, periturum Milonem triduo¹⁵. Post diem tertium gesta res est¹⁶, quam dixerat. Quum ille non dubitarit aperire, quid cogitaret, vos potestis dubitare, quid fecerit?

XVII. Quemadmodum igitur eum dies non fefellit¹? Dixi equidem modo. Dictatoris Lanuvini stata sacrificia² nosse, negotii nihil erat. Vidit necesse esse Miloni proficisci Lanuvium illo ipso, quo profectus est, die. Itaque antevertit³. At quo die? quo, ut ante dixi, fuit insanissima concio ab ipsius mercenario tribuno⁴ plebis concitata: quem diem ille, quam concionem, quos clamores, nisi ad cogitatum facinus appropinquaret, numquam reliquisset. Ergo illi ne causa quidem itineris, etiam causa manendi: Miloni ma-

rium illud erat; nec ullo modo reus habendus est.

13. *Fas esset*. Nam sororem suam, ut ferunt, constupraverat.

14. *Sed quid argumentor*. Probat Cicero Milonis occidendi consilium iniisse Clodium; atque ita violentas ei manus inferre tentavisse.

15. *Triduo*. Res in narratione superius fuit exposita.

16. *Gesta res est*. Occubuit Clodius hoc ipso die quo Milonem se oppressurum jactaverat; itaque nullo modo dubium esse potest quin insidias struxerit. Attende hic etiam quanta cura orator rem declinet, nec Clodium interfectum fuisse palam profiteatur.

XVII. 1. *Dies non fefellit*. Poterat

sane aliquis obijcere hanc vocem Clodio per iracundiam excidisse, non quod certo consilio necem Miloni inferre statuisset. Hæc omnino diluit, quum exposuit qua ratione notum esse posset Clodio qua die Milo itur capesseret.

2. *Stata sacrificia*. Quæ quotannis celebrabantur.

3. *Antevertit*. Milonem in via præoccupare statuit.

4. *Mercenario tribuno*. Q. Pompeium intelligit, qui hoc ipso die quo Clodius fuit oppressus, turbulentissimam concionem habuerat, qua multa contumeliose contra Milonem ac contra Ciceronem fuerant jactata. Vide supra cap. 10.

nendi nulla facultas, exeundi non causa solum, sed etiam necessitas fuit.

Quid, si, ut ille scivit, Milonem fore eo die in via, sic Clodium Milo ne suspicari quidem potuit? Primum quæro, qui scire potuerit⁵: quod vos idem in Clodio quærere non potestis. Ut enim neminem alium, nisi T. Patinam⁶, familiarissimum suum, rogasset, scire potuit, illo ipso die Lanuvii a dictatore Milone prodi flaminem necesse esse. Sed erant permulti alii, ex quibus id facillime scire posset, omnes scilicet Lanuvini. Milo de Clodii reditu unde quæsivit⁷? Quæsierit sane. Videte, quid vobis largiar. Servum etiam, ut Arrius, meus amicus, dixit, corruperit⁸. Legite testimonia testium vestrorum. Dixit C. Cassinius, cognomento Scola, Interamnas⁹, familiarissimus et idem comes P. Clodii, cujus jampridem testimonio Clodius eadem hora Interamnæ fuerat et Romæ¹⁰, P. Clodium illo die in Albano¹¹ mansurum fuisse; sed subito ei esse

5. *Qui scire potuerit.* Patet certe illum insidias struxisse, qui alterius protectionem cognovit. Atqui Clodius Miloni iter plane necessarium fore sciebat; non ita autem de Milone erga Clodium; ergo liquet insidias a Clodio Miloni structas.

6. *T. Patinam.* Lanuvio sane oriundum, qui ita Lanuvii instituta calaret.

7. *Unde quasivit.* Non quæsivit de reditu Clodii Milo, et si quæsivisset, non certe scire potuisset, ut sequentibus comprobatur.

8. *Corruperit.* At nihil inde scire potuit, nisi Clodium eo die in Albano mansurum; quod etiam Milonis causæ favet.

9. *Interamnas.* H. e. ab Interamnia, urbe Umbriæ.

10. *Fuerat et Romæ.* Hic testis fidem orator elevat. Quum enim Clodius accusaretur, quod Bonæ Dæ sacra polluisset, contendit Interamnis se fuisse hoc ipso die. Cicero in testimonium vocatus, ait sibi occurrisse Clodium tres horas ante quam sacrificia fierent. Cassinius autem dixerat, Clodium Interamnas hoc die venisse. Interamnæ autem Roma quindecim millibus distabant. Atqui poterat sane hoc iter Clodius unius aut alterius horæ spatio emetiri. At orator h. l. verba illa, *eadem hora*, adhibet oratoria licentia quæ diem tamquam unam horam intuetur. Et suspicionem gravissimam de fide hujus testis in mentem judicum inducit.

11. *In Albano.* Villa Clodii prope Alban.

nuntiatum, Cyrum architectum esse mortuum; itaque Romam repente constituisse proficisci. Dixit hoc comes item P. Clodii, C. Clodius¹².

XVIII. Videte, iudices, quantæ res his testimoniis sint confectæ. Primum certe liberatur Milo¹, non eo consilio profectus esse, ut insidiaretur in via Clodio: quippe qui ei obuius futurus omnino non² erat. Deinde (non enim video, cur non meum quoque agam negotium³) scitis, iudices, fuisse, qui in hac rogatione suadenda dicerent⁴, Milonis manu cædem esse factam, consilio vero maioris alicujus. Videlicet me latronem ac sicarium abjecti homines et perditum describebant. Jacent suis testibus⁵ ii, qui Clodium negant eo die Romam, nisi de Cyro⁶ audisset, fuisse rediturum. Respiravi, liberatus sum: non vereor, ne, quod ne suspicari quidem potuerim, videar id cogitasse.

Nunc persequar cetera. Nam occurrit illud⁷: Igitur

12. *C. Clodius*. Qui vero quum ait P. Clodii frater, ut Asconius testatur, nullam habere auctoritatem in hac re potest.

XVIII. 1. *Liberatur Milo*. Non nata illa dicendi ratio, «liberatur, profectus esse»: intelligendum est, a suspitione absolvitur, demonstraturque eum non esse profectum.

2. *Omnino non erat*. Etenim si Clodius, ut constitutum erat, in Albano mansisset, non ei Milo obviam ire ullo modo voluisset. Non igitur insidias illi struxit, quem Roma profectum nesciebat, et in quem incidere non poterat.

3. *Agam negotium*. Quare non obiter refellam eos, qui me cædis suasorem incusant.

4. *Dicerent*. Q. Pompeium et Sal-

lustium significat; primi enim legem Pompeli, qua nova de cæde Clodii questio decreta est, populo suaserunt, et palam professi sunt, manu Milonis occisum esse Clodium, sed suadente aliquo majore; satis aperte his verbis Ciceronem indicantur.

5. *Jacent suis testibus*. Refelluntur suis testibus: nam si Clodius, ut illi aiunt, nisi de Cyri architecti morte ei nuntiatum fuisset, Romam eo die rediturus non fuit: quis meo consilio cædem esse factam dicat, quum Clodium eo die Romam rediturum esse, ne suspicari quidem potuerim.

6. *De Cyro*. Græcus fuit architectus, studiis mathematicis valde eruditus.

7. *Occurrit illud*. Quæ ab adversariis objici possent, antecapit ac diluit: demonstrat enim ficta hæc omnia

ne Clodius quidem de insidiis cogitavit, quoniam fuit in Albano mansurus⁸. Si quidem exiturus ad cædem e villa non fuisset. Video enim illum, qui dicitur de Cyri morte nuntiasse, non id nuntiasse, sed Milonem appropinquare. Nam quid de Cyro nuntiaret, quem Clodius Roma proficiscens reliquerat⁹ morientem? Una fui; testamentum simul obsignavi¹⁰ cum Clodio; testamentum autem palam fecerat, et illum heredem, et me scripserat. Quem pridie hora tertia animam efflantem reliquisset, eum mortuum postridie hora decima¹¹ denique ei nuntiabatur?

XIX. Age, sit ita factum¹: quæ causa, cur Romam properaret? cur in noctem se conjiceret? Quid afferebat causam festinationis? Quod heres erat? Primum erat nihil, cur properato opus esset²: deinde, si quid esset, quid tandem erat, quod ea nocte consequi posset³; amitteret autem, si postridie mane Romam venisset? Atque, ut illi nocturnus ad urbem adventus vitandus potius, quam expetendus fuit: sic Miloni, quum insidiator esset, si illum ad urbem

esse; Clodium non in Albano manere decrevisse, et simulatam fuisse reditus causam.

8. Male hæc interpungunt fere omnes.

9. *Reliquerat morientem.* Nam quid causæ esset cur Romam repeteret, mortuo Cyro? si ob eam causam unam rediisset, non profectus esset sane, quum Cyrum animam efflantem relinqueret.

10. *Obsignavi.* In testamentis faciendis septem testes adesse debebant; deinde hæredes subscribebant et obsignabant testamentum. Hæres autem testis esse facillime poterat.

11. *Hora decima.* Si antiquum ita

fuisset Clodio de morte Cyri certiorum esse, multo maturius ei fuisset nuntiata.

XIX. 1. *Sit ita factum.* Ut adversarii volunt, servus de morte Cyri nuntiavit Clodio: non tamen hoc in causa stare poterat, cur Romam ita propere repeteret.

2. *Properato opus esset.* Etenim testamentum optime sancitum erat, palamque testibus et hæredibus recitatum; nec metus erat ne re aliqua fraudaretur.

3. *Quod ea nocte consequi posset.* Nihil enim aut de hæreditate, aut apud senatum agere poterat, ut qui noctu advenisset.

noctu accessurum sciebat, subsidendum⁴ atque expectandum fuit. Noctu, invidioso et pleno latronum in loco occidisset. Nemo ei neganti non credidisset, quem esse omnes salvum, etiam confitentem, volunt. Sustinuisset hoc crimen primum ipse ille latronum occultator⁵ et receptator locus, quum neque muta solitudo indicasset, neque cæca nox ostendisset Milonem: deinde ibi multi ab illo violati⁶, spoliati, bonis expulsi, multi etiam hæc timentes in suspicionem caderent; tota denique rea citaretur Etruria⁷.

Atque illo die certe Aricia rediens devertit Clodius ad se⁸ in Albanum. Quod ut sciret Milo, illum Ariciæ⁹ fuisse, suspicari tamen debuit, eum, etiamsi Romam illo die reverti vellet, ad villam suam, quæ viam tangeret, deversurum. Cur neque ante occurrit, ne ille in villa resideret¹⁰; nec eo in loco subsedit, quo ille noctu venturus esset?

Video adhuc constare omnia, iudices: Miloni etiam utile fuisse Clodium vivere; illi ad ea, quæ concupierat, optatissimum interitum Milonis: odium fuisse illius in hunc acerbissimum; in illum hujus¹¹ nullum:

4. *Subsidendum*. H. e. in aliquo loco furtim manendum, et in insidiis exspectandum, quoad Clodius veniret.

5. *Latronum occultator*. Non mirum est Appiam viam fuisse latronibus infestam, quum eam mendici semper obaderent: et in hac erat monumentum Basili, cædibus ac latrocinis, ante alios locos, infame.

6. *Multi ab illo violati*. Demonstrat his verbis solitum esse Clodio, his in locis facinora sua perpetrare.

7. *Citaretur Etruria*. Nam Etruscos sæpius e possessionibus suis pellere Clodius tentaverat.

8. Sic Lallem. Primus addidit *ad se* Gruterus e MS Coloniensi. Sed

multis *ad*, vel *in Albanum* glossæ suspectum est. — *Ad se*. Id est, ad villam suam.

9. *Aricia*. Latii oppidum, juxta viam Appiam, ultra Bovillas situm.

10. *Ne in villa resideret*. Nam si insidias Milo struxisset, querendus erat opportunus furto locus. Atqui certe, si servus, ut sciebat Arrius, redditum Clodii nuntiasset, Milo Clodium antevertere conatus fuisset, antequam in villam suam perveniret; ubi sane difficillimum erat ei vim inferre, tot servis et gladiatoribus suis circumvento.

11. *Hujus nullum*. Nisi, ut supra dixit, illud naturale odium, quo vir

consuetudinem illius perpetuam in vi inferenda; hujus tantum in repellenda : mortem ab illo denuntiata Miloni, et prædictam palam; nihil umquam auditum ex Milone : profectionis hujus diem illi notum; reditum illius huic ignotum fuisse : hujus iter necessarium; illius etiam potius alienum¹² : hunc præ se tulisse, se illo die Roma exiturum; illum eo die se dissimulasse rediturum : hunc nullius rei mutasse consilium; illum causam mutandi consilii finxisse¹³ : huic, si insidiaretur, noctem prope urbem expectandam; illi, etiãmsi hunc non timeret, tamen accessum ad urbem nocturnum fuisse metuendum.

XX. Videamus nunc id, quod caput est¹ : locus ad insidias ille ipse, ubi congressi sunt, utri tandem fuerit aptior. Id vero, iudices, etiam dubitandum, et diutius cogitandum est? Ante fundum Clodii², quo in fundo, propter insanas illas substructiones, facile mille hominum versabatur valentium, edito adversarii atque excelso loco superiorem se fore³ putabat Milo, et ob eam rem eum locum ad pugnam potissimum elegerat? An in eo loco est potius expectatus ab eo⁴, qui ipsius loci spe facere impetum co-

probus facinorosum hominem prosequitur.

12. *Potius alienum.* Nam Roma profectus est, hoc ipso die quo insanissima concio est habita a mercenariis tribanis; et certe Clodius majus incendium Romæ excitasset, nisi Milonem opprimere in mente destitutum habuisset.

13. *Finxisse.* Non enim Cyri more causa fuit cur tam subito Romam repeteret.

XX. 1. *Quod caput est.* Quod maximi est in hac causa momenti : nam is certe locum elegit, qui struxit insidias.

2. *Ante fundum Clodii.* Ab iis quæ rem circumsteterant, criminis suspensionem diluit. Etenim ante fundum Clodii est pugnatum, quem certe locum non elegisset Milo, si paravisset insidias. Clodio autem locus summo-pere opportunus erat; nam mille viros ad auxilium inde sumere facillime poterat.

3. *Superiorem se fore.* Ironice; nam pronum erat Clodio arma Milonis ibi opprimere.

4. *Ab eo.* A Clodio, cui facultas fuit sceleris, ante fundum suum, patrandi.

gitarat? Res loquitur, iudices, ipsa, quæ semper valet plurimum. Si hæc non gesta audiretis, sed picta videretis⁵; tamen appareret, uter esset insidiator, uter nihil cogitaret mali, quum alter veheretur in rheda penulatus, una sederet uxor. Quid horum non impeditisimum? vestitus, an vehiculum, an comes? Quid minus promptum ad pugnam, quum penula irretitus⁶, rheda impeditus, uxore pæne constrictus⁷ esset? Videte nunc illum⁸, primum egredientem e villa, subito; cur? vesperi; quid necesse est? tarde; qui convenit, id præsertim temporis⁹? Devertit in villam Pompeii. Pompeium ut videret? Sciebat in Alsiensi¹⁰ esse. Villam ut perspiceret? Millies in ea fuerat. Quid ergo erat moræ et tergiversationis? Dum hic veniret, locum relinquere noluit.

XXI. Age nunc, iter expediti latronis¹ cum Milonis impedimentis comparete. Semper ille antea cum uxore², tum sine ea. Numquam non in rheda, tum

5. *Sed picta videretis.* Res adeo clara est, ut si eam tabula depictam videretis, non dubio locus esset a quo paratæ sint insidiæ.

6. *Penula irretitus.* Vestis erat, quæ supra tunicam accingebatur, quamque sumebant viatores, ut se contra vim imbrum ac frigoris defenderent. Veste illa brachia coercebantur.

7. *Constrictus esset.* Nam uxor muliebri timore percussa, non cum patiebatur ad pugnam descendere.

8. *Videte nunc illum.* Antequam a Clodii comitibus et habitu, idem præsumat argumentum, quædam de tempore profectionis repetit, quæ plus momenti sequentia obtineant.

9. *Id præsertim temporis.* Mense scilicet februario.

10. *Alsiensi.* Prædium prope Alsiun, Etruriæ oppidum. Locus ille summa arte oratoria est compositus: etenim quum de Milone agitur, verbis tardis gravibusque utitur; Clodius autem somis abruptis brevibusque depingitur; quo melius impedimenta hujus, illius vero levitas ad pugnam accommodata iudicibus appareant.

XX. 1. *Expediti latronis.* Clodii, qui certe non impedimenta solita rejecisset, nisi se ad pugnam et ad socius accinxisset.

2. *Cum uxore.* Quare non uxor comitabatur de more? quia scillost, quum Milonem armis aggredi decrevisset, eam ab armorum tumultu procul submoverat.

3. *Comites Gracchi.* Servi molles et libidinibus diffuentes; quorum alii

in equo. Comites Græculi³, quocumque ibat, etiam quum in castra Etrusca⁴ properabat; tum nugarum in comitatu nihil. Milo, qui numquam, tum casu pueros symphoniacos⁵ uxoris ducebat, et ancillarum greges. Ille, qui semper secum scorta, semper exoletos, semper lupas duceret⁶, tum neminem, nisi⁷ ut virum a viro lectum⁸ esse diceres.

Cur igitur victus est? Quia non semper viator a latrone, nonnumquam etiam latro a viatore occiditur; quia, quamquam paratus in imparatos Clodius, tamen mulier inciderat in viros⁹. Nec vero sic erat umquam non paratus Milo contra illum, ut non satis fere esset paratus. Semper ille, et quantum interesset P. Clodii, se perire, et quanto illi odio esset, et quantum ille auderet, cogitabat. Quamobrem vitam suam, quam maximis præmiis propositam et pæne addictam sciebat¹⁰, numquam in periculum sine præsidio et sine custodia projiciebat. Adde casus, adde incertos exitus pugnarum, Martemque communem, qui sæpe spoliantem jam et exultantem evertit, et

musici erant, alii tantum ad voluptatem comparati.

4. *In castra Etrusca.* Sæpe Clodio Cicero objicit, socium cum conjurationis Catilinæ fuisse: nam quum Catilina ex urbe profectus est, voluit se illi Clodius comitem addere, sed pernituit consilii inter eundem, ac Romanam reversus est.

5. *Pueros symphoniacos.* Qui cantu tædia vite fallebant: adjicit orator uxoris, ne indecorum videretur hoc Milonis gravitati, molles effeminatosque viros secum ubique protrahere.

6. *Lupas duceret.* Sic Grævius e MS pro *ducebat*.

7. Male Heumanno et al. *nisi* su-

spectum est, quod prorsus necessarium videtur. J. V. L.

8. *A viro lectum.* Quum magnum instaret periculum, potestas militibus fiebat, ut singuli singulos sibi virtute notissimos eligerent.

9. *In viros.* Quia Clodius, vir effeminatus et vere mulier, in Milonem, fortem virum, inciderat. Curt. VIII, 1, aliquid simile ait, quum Clitus hæc Alexandro verba facit: « Pater tuus in viros incidit, tu in feminas ».

10. *Addictam sciebat.* Quum Milo multorum fraude et insidiis peti se intelligeret, numquam, omni ope destitutus, prodibat; sed semper servos habebat ad defeusionem paratos.

perculit ab abjecto¹¹. Adde inscitiam pransi, poti, oscitantis ducis: qui, quum a tergo hostem interclusum¹² reliquisset, nihil de ejus extremis comitibus cogitavit; in quos incensos ira, vitamque domini desperantes quum incidisset, hæsit in iis pœnis¹³, quas ab eo servi fideles pro domini vita¹⁴ expetiverunt.

Cur igitur eos manumisit¹⁵? metuebat scilicet, ne indicarent, ne dolorem perferre non possent, ne tormentis cogerentur, occisum esse a servis Milonis in Appia via P. Clodium, confiteri. Quid opus est tortore? quid quæris? Occideritne? Occidit. Jure, an injuria? nihil ad tortorem. Facti enim in equuleo¹⁶ quæstio est, juris in judicio.

XXII. Quod igitur in causa quærendum est, id agamus hic¹: quod tormentis invenire vis, id fate-mur. Manu vero cur miserit, si id potius quæris, quam cur parum amplis affecerit præmiis, nescis inimici factum reprehendere². Dixit enim hic idem, qui omnia semper constanter et fortiter, M. Cato³; dixit-

11. *Ab abjecto*. Sæpe in præliis accidit, ut qui prostratus est, surgat, et derepente spoliantem superet.

12. *Hostem interclusum*. Milonem scilicet, qui jam transiverat, et erat a suis disjunctus, interpositis Clodianis.

13. *Hæsit in iis pœnis*. Pœnas dedit, et a servis Milonis est occisus. Rem illam, ut antea, verbis semper mollit orator. Verbo illo *hæsit* intelligit Clodium, tamquam feram fuisse irritatum, quæ laqueis hærens, nullo modo sese expedire valet.

14. *Pro domini vita*. Putabant enim Milonem jam a Clodianis occisum.

15. *Manumisit*. Liberos esse jussit.

16. *Equuleo*. Hoc erat tortorium instrumentum.

XXII. 1. *Id agamus hic*. An scili-

cet Milo injuria aut jure Clodium occiderit.

2. *Factum reprehendere*. Non peritus es accusator: nam ideo reprehendendus Milo esset, quod servos non majoribus præmiis donaverit. Dum vero quæris, cur manumisit, erras: nam, servata domini vita, nonne libertatem meruere? nonne Milonis satis causæ fuit cur eos libertate donaret?

3. *M. Cato*. Auctoritate Catonis, viri sanctissimi, rem confirmat fuisse jure factam. Illudque hoc ipso contendit, quod Cato seditiosam concionem verbis illis sedaverit; quæ nisi huic dicenti credidisset, non certe insanos animorum compressisset motus.

que in turbulenta concione, quæ tamen hujus auctoritate placata est, non libertate solum, sed etiam omnibus præmiis dignissimos fuisse, qui domini caput defendissent. Quod enim præmium satis magnum est tam benivolis, tam bonis⁴, tam fidelibus servis, propter quos vivit⁵? Etsi id quidem non tanti est, quam quod propter eosdem non sanguine et vulneribus suis crudelissimi inimici mentem oculosque satiavit. Quos nisi manumisisset, tormentis etiam dendendi fuissent conservatores domini, ultores sceleris, defensores necis⁶. Hic vero nihil habet in his malis, quod⁷ minus moleste ferat, quam, etiamsi quid ipsi accidat⁸, esse tamen illis meritum præmium persolutum.

Sed quæstiones urgent⁹ Milonem, quæ sunt habitæ nunc in atrio Libertatis. Quibusnam de servis? rogas? de P. Clodii. Quis eos postulavit? Appius. Quis produxit? Appius. Unde? ab Appio¹⁰. Dii boni! quid potest agi severius? De servis nulla quæstio est in dominos, nisi de incestu¹¹, ut fuit in Clodium. Proxi-

4. Weisk. sine causa legendum putat tam probis.

5. Propter quos vivit. Quorum opera et beneficio vivit.

6. Defensores necis. Qui vim Miloni imminuentem repulerunt, et vitam ipsi servarunt.

7. Weisk. scripsit quo sua sponte pro quod. Factum male. Rectius hic Ernest. πῶτονν significat. Certe nihil mutavit. J. V. L.

8. Quid ipsi accidat. Etiam si causa male succedat, et ad mortem Milo condemnatur.

9. Sed quæstiones urgent. Quum accusatores Milonis et Faustæ familiam ad quæstionem postulassent,

Milo servorum præcipuos manumisit, ne quæstioni illi traderentur. Quare Appius Clodius, quum Milonis servos non impetrasset, de Clodii servis quæstionem habuit. Quorum responsa Milonem urgebant, id est, causam ejus multo difficiliorem præstabant.

10. Ab Appio. Hinc quæstionis fides infirmatur, quod et essent servi Clodii, et e domo accusatoris producerentur, et ipse accusator quæstionem haberet. Oratorio autem artificio nomen Appii crebrius repetit, quo melius audientium animis infigatur et hæreat.

11. De incestu. Incestus nomine, præter concubitus cum propinquis,

me deos accessit¹² Clodius, propius quam tum, quum ad ipsos penetrarat; cuius de morte, tamquam de cærimoniis violatis, quæritur. Sed tamen maiores nostri in dominum de servo quæri noluerunt; non quia non posset verum inveniri, sed quia videbatur indignum esse¹³, et dominis morte ipsa tristius. In reum de servis accusatoris quum quæritur, verum inveniri potest? Age vero, quæ erat, aut qualis quæstio? — Heus tu¹⁴, Ruscio, verbi causa, cave sis mentiaris¹⁵. Clodius insidias fecit Miloni? — Fecit. — Certa crux¹⁶. — Nullas fecit. — Sperata libertas.... Quid hac quæstione certius? Subito arrepti in quæstionem, tamen separantur a ceteris, et in arcas conjiciuntur, ne quis cum iis colloqui possit. Hi centum dies¹⁷ penes accusatorem quum fuissent, ab eo ipso accusatore producti sunt. Quid hac quæstione dici potest integrius? quid incorruptius?

XXIII. Quod si nondum satis cernitis, quum res

etiam sacrilegium cum Vestalibus, aut aliis in loco sancto, comprehendebatur. Clodius autem utroque incestus genere sese polluerat. Nam sororem constupravit, et per Bonæ Dææ sacra irreperat, ut Cæsaris uxori stuprum inferret. Orator hæc Clodii facinora obiter repetit, quo memoriam ejus faciat omnibus magis invisam.

12. *Deos accessit.* Jocus est: Clodius moriens proxime deos accessit, quum de ejus morte quesitum est, tamquam de violatis cærimoniis; et hoc pacto propius deos accessit quam tum, quum sacra Bonæ Dææ violavit.

13. *Abest esse a Gruteriana.*

14. *Heus tu.* Hic loquentem Appianum inducit, et omnia struentem, quo melius quæstio succedat. — *Ruscio.* Clodii servus fuit.

15. Verba hæc, vulg. omissa, Græv. addidit e MSS. Lallein. *mentiare.* — *Sis* hic habitum est pro *si vis*.

16. *Certa crux.* Si contendis Clodium insidias Miloni struxisse, te cruci affigam.

17. *Hi centum dies.* Probat quæstioni fidem non esse adhibendam, quod habita fuerit contra morem aliarum. Nam servi qui ad quæstionem producantur, quamquam subito arrepti, ne responsa parare possent, in caveas projiciuntur soli, ne cum ceteris, quid in mente habeant, communicent. Hi autem, qui ab accusatore producantur, penes eum centum dierum spatio fuere: quibus certe, quid responderent, et quem accusarent, metu suppliciorum, aut propositis præmiis instillavit.

ipsa tot tam claris argumentis signisque luceat, pura mente atque integra Milonem, nullo scelere imbutum, nullo metu perterritum, nulla conscientia exanimatum, Romam revertisse¹; recordamini, per deos immortales! quæ fuerit celeritas reditus ejus; qui ingressus in forum, ardente curia; quæ magnitudo animi, qui vultus, quæ oratio². Neque vero se populo solum, sed etiam senatui commisit; neque senatui modo, sed etiam publicis præsiidiis et armis³; neque his tantum, verum etiam ejus potestati⁴, cui senatus totam rempublicam, omnem Italiæ pubem, cuncta populi romani arma commiserat. Cui numquam se hic profecto tradidisset, nisi causæ suæ confideret; præsertim omnia audienti⁵, magna metuenti, multa suspicanti, nonnulla credenti. Magna vis est conscientiæ, judices, et magna in utramque partem; ut neque timeant, qui nihil commiserint, et poenam semper ante oculos versari putent, qui peccarint.

Neque vero sine ratione certa, causa Milonis semper a senatu probata est. Videbant enim sapientissimi homines facti rationem⁶, præsentiam animi, defen-

XXIII. 1. *Romam revertisse.* Postquam orator omnibus modis comprobavit insidias Miloni a Clodio fuisse structas, innocentiam Milonis reditu suo, et animi tranquillitate, confirmare aggreditur. Reditus celeritatem jactat orator, qui non adeo promptus fuit: nam curia incensa est postridie necis Clodii, et hac tantum nocte Milo Romam repetiit.

2. *Quæ oratio.* Quam curia conflagraret, omniumque animi ad seditionem concitarentur, Milo orationem habuit, quæ vehementissime Clodianos est insectatus.

3. *Præsiidiis et armis.* Non quod jam essent delecti milites, et in foro

collocati, aut summam, per senatus decretum, Pompeius potestatem haberet; sed quod ex urbe non discesserit, neque judicium voluntario declinauerit exsilio.

4. *Ejus potestati.* Pompeii, cui cavendum erat, ne quid detrimenti respublica caperet.

5. *Omnia audienti.* Nullos populi rumores negligent. — *Nonnulla credenti.* Quæ sint ea, inferius explanat, cap. 24.

6. *Facti rationem.* A natura Milonis senatus præsumebat tale quiddam eventurum; nam summa animi constantia latius grassanti Clodio semper obstiterat.

sionis constantiam. An vero obliti estis, iudices, recenti illo nuntio necis Clodianæ, non modo inimicorum Milonis sermones et opiniones, sed nonnullorum etiam imperitorum? Negabant eum Romam esse rediturum. Sive enim illud animo irato ac percito fecisset, ut incensus odio trucidaret inimicum, arbitrabantur eum tanti mortem P. Clodii putasse, ut æquo animo patria careret, quum sanguine inimici explesset odium suum; sive etiam illius morte patriam liberare voluisset, non dubitaturum fortem virum, quin, quum suo periculo⁸ salutem reipublicæ attulisset, cederet æquo animo legibus⁹, secum auferret gloriam sempiternam, nobis hæc fruenda relinqueret, quæ ipse servasset. Multi etiam Catilinam¹⁰ atque illa portenta loquebantur: erumpet¹¹, occupabit aliquem locum, bellum patriæ faciet. Miseros interdum cives¹², optime de republica meritos, in quibus homines non modo res præclarissimas obliviscuntur, sed etiam nefarias suspicantur! Ergo illa falsa fuerunt: quæ certe vera exstitissent, si Milo admisisset aliquid, quod non posset honeste vereque defendere.

XXIV. Quid? quæ postea sunt in eum¹ congesta,

7. *Imperatorum.* Qui Miloni nullo modo infesti erant, sed qui necis Clodio illatæ compertam rationem non habebant.

8. *Suo periculo.* Armis enim decertatum, et pæne a principio Milo oppressus fuerat.

9. *Legibus.* Pareret legibus, quæ jubent eum exulare qui civem interfecerit.

10. *Catilinam.* Hos rumores Milonis inimici per vulgus spargebant, jactitabantque eum Catilinæ vestigia sequi, et patriæ bellum moliri. — *Portenta.* Sceleratissimos homines,

Catilinæ conscios, qui rempublicam evertere cum eo simul fuerant aggressi.

11. *Erumpet.* Consilia scilicet illa Milonis in lucem erumpent, ac tandem aliquando patriæ bellum palam indiet.

12. *Miseros interdum cives.* Optime verbis illis brevem hanc narrationem concludit, et obiter in memoriam revocat quibus ipse acerbitatibus dilaceratus, quibus odiis insectatus, in exilium abire olim fuerit coactus.

XXIV. 1. *In eum congesta.* Tot et tam gravia de eo dicta sunt, ex quo Romam rediit, ut si mediocrium etiam

quæ quemvis etiam mediocrium delictorum conscientia² perculissent, ut sustinuit, dii immortales! sustinuit? immo vero ut contempsit, ac pro nihilo putavit! quæ neque maximo animo nocens, neque innocens, nisi fortissimus vir, negligere potuisset. Scutorum, gladiatorum, frenorum³, sparorum⁴, pilorumque etiam multitudo deprehendi posse indicabatur. Nullum in urbe vicum, nullum angiportum⁵ esse dicebant, in quo Miloni non esset conducta domus; arma in villam Ocriculanam⁶ devecta Tiberi; domus in clivo Capitolino scutis referta⁷; plena omnia malleolorum⁸ ad urbis incendia comparatorum. Hæc non delata solum, sed pæne credita, nec ante repudiata sunt, quam quæsita⁹.

Laudabam equidem incredibilem diligentiam Cn. Pompeii: sed dicam, ut sentio, iudices. Nimis multa audire coguntur¹⁰, neque aliter facere possunt ii, quibus tota commissa est respublica. Quin etiam fuerit audiendus popa¹¹ Licinius, nescio qui, de circo¹² maximo: servos Milonis, apud se ebrios factos, sibi

delictorum sibi conscius foret, ex urbe certe, tot variis rumoribus exagitatus, se proripuisset, sicuti Catilina in fugam sese conjecerat, Ciceronis oratione conterritus.

2. *Conscientia*. Al. *conscium*.

3. *Frenorum*. De frenis illis nihil constat; sive equi frenentur, sive sint instrumenta quædam ad sistendos hostium impetus comparata, non liquet. Quidam legendum censebant *framearum*; sed vox illa, ut opinor, post Ciceronis ætatem tantum in lucem producta est.

4. *Sparorum*. Telorum levium genus.

5. *Nullum angiportum*. Angustiores sunt viæ.

6. *Ocriculanam*. Villa Milonis prope urbem Umbriæ sita, versus Etruriam, ac prope Tiberim.

7. Sine dubio scripsit Cicero « domum... refertam ». Ernest. J. V. L.

8. *Malleolorum*. Malleoli, fasciculi sunt pice contexti, qui incensi ad spargendas flammæ jaciuntur.

9. *Quam quæsita*. Hæc arma Clodiani maxima cura quæsivere.

10. *Audire coguntur*. Mira arte Pompeium vituperat, quod faciliores delatoribus aures præbuerit: non enim culpam in eum, sed in munus quod gerebat, conjicit.

11. *Popa*. Sacerdos, sed infimæ plebis, qui cibos potumque venditabat.

12. *Circo*. Locus perditissimis qui-

confessos esse, de interficiendo Cn. Pompeio conjurasse; deinde postea se gladio percutsum esse ab uno de illis, ne indicaret. Pompeio in hortos nuntiavit. Arcessor in primis. De amicorum sententia rem defert ad senatum. Non poteram, in illius mei patriæque custodis¹³ tanta suspitione, non metu exanimari; sed mirabar tamen, credi popæ¹⁴, ebriosorum confessionem servorum audiri; vulnus in latere, quod acu punctum¹⁵ videretur, pro ictu gladiatoris probari.

Verum, ut intelligo, cavebat magis¹⁶ Pompeius, quam timebat, non ea solum, quæ timenda erant, sed omnino omnia, ne aliquid vos timeretis. Oppugnata domus C. Cæsaris¹⁷, clarissimi et fortissimi viri, per multas noctis horas nuntiabatur. Nemo audierat tam celebri loco¹⁸, nemo senserat. Tamen audiebatur. Non poteram Cn. Pompeium, præstantissima virtute virum, timidum suspicari: diligentiam, tota republica suscepta, nimiam nullam putabam. Frequentissimo senatu nuper in Capitolio senator inventus est¹⁹, qui Milonem cum telo esse diceret. Nudavit²⁰ se in sanctissimo templo, quoniam vita talis et

busque confectus; ibi enim scorta, latrones, quique sedilem metuebant, confugebant. — *Maximo*. Omittunt *maximo* codd. Fabricii. J. V. L.

13. *Custodis*. Qui patriam et Ciceronem servaverat.

14. *Popæ*. Vili sacrificulo, quem premit egestas, quique cum ebriis fabulatur.

15. *Acu punctum*. Oratorie dictum ad fidem elevandam.

16. *Cavebat magis*. Excusat Pompeium, quod rem tam tenuem ad senatum detulerit, magnoque artificio ejus providentiam et curam amplificat.

17. *Domus C. Cæsaris*. A Milonianis

scilicet, ut jactitabant Clodiani. Inter Cæsarem et Milonem similitudines fuere; et inde patet, cur dictator factus Cæsar, omnes exsules edicto quum revocasset, unum Milonem nominatim exceperit.

18. *Nemo audierat tam celebri loco*. Ædes enim Cæsar Sacra via positas tunc habitabat.

19. *Nuper in Capitolio senator inventus est*. P. Cornificius scilicet, qui Milonem ferrum ad semur alligatum habere dixerat.

20. *Nudavit*. Nefas se in templo nudare; sed ad hoc Milo inimici improbitate fuerat coactus.

civis et viri fidem non faciebat²¹, ut, eo tacente, res ipsa loqueretur.

XXV. Omnia falsa, atque insidiose¹ ficta comperta sunt. Quod si tamen metuitur etiam nunc Milo, non hoc jam Clodianum crimen timemus, sed tuas, Cn. Pompei (te enim jam appello² ea voce, ut me audire³ possis) tuas, tuas, inquam, suspiciones perhorrescimus⁴. Si Milonem times, si hunc de tua vita nefarie aut nunc cogitare, aut molitum aliquando aliquid putas; si Italiæ delectus, ut nonnulli conquistores tui⁵ dictitant, si hæc arma⁶, si Capitolinæ cohortes, si excubiæ, si vigiliæ, si delecta juvenus, quæ tuum corpus domumque custodit, contra Milonis impetum armata est, atque illa omnia in hunc unum instituta, parata, intenta sunt; magna in hoc certe vis et incredibilis animus, et non unius viri⁷ vires atque opes indicantur, si quidem in hunc unum et præstantissimus dux electus, et tota respublica armata

21. *Fidem faciebat.* Non efficiebat vita Milonis ut injuste accusari crederetur.

XXV. 1. Ernest. conjicit *invidiose*. J. V. L.

2. *Jam appello.* Pompeius enim in foro septus delecta manu militum consederat.

3. Lambin. maluit *exaudire*, quod Ern. laudavit, Weisk. recepit. J. V. L.

4. *Suspiciones perhorrescimus.* Non eadem Clodii timemus, nam jure est perpetrata; sed tuas suspiciones, quæ, judicium extraordinarium ut decerneres, impulere. Primam hanc orationis partem concludit Cicero peroratione quadam, qua Pompeio probatur, eum citius rumoribus publicis fuisse terrium. Non sane Pompeius hac in re fortem ac justum se gesserat; sed orator suspiciones diluit, tot et tantis

amicitiæ et benivolentiæ signis, ita laudibus vituperationes condit, ut, quum causam suam agit, omnem Pompeio irascendi materiam subripiat, et eum propriis commodis sibi devinciat. Est locus ille eo mirabilis compositus et ordinatus, quod aperte orator, odia, quæ Pompeium inter et Cæsarem exarsere, prævidet, hoc tempore quo inter se conjunctissimi videbantur.

5. *Conquistores tui.* Sic dicebantur qui colligendis militibus, et delectui habendo erant prepositi.

6. *Hæc arma.* A Pompeio in foro collocata. — *Capitolinæ cohortes.* In arce Capitolina ad urbis præsidium collocatæ.

7. *Non unius viri.* Animo tuo fingis, non contra Milonem unum, sed contra satellites ejus rem esse habendam.

est. Sed quis non intelligit, omnes tibi reipublicæ partes ægras et labantes, ut eas his armis sanares et confirmares, esse commissas? Quod si Miloni⁸ locus datus esset; probasset profecto tibi ipsi, neminem umquam hominem homini cariorem fuisse, quam te sibi; nullum se umquam periculum pro tua dignitate fugisse; cum ipsa illa teterrima peste⁹ sæpissime pro tua gloria¹⁰ contendisse; tribunatum suum ad salutem meam, quæ tibi carissima fuisset, consiliis tuis gubernatum; se a te postea defensum¹¹ in periculo capitis, adjutum in petitione præturæ; duos se habere semper amicissimos sperasse, te tuo beneficio, me suo¹². Quæ si non probaret; si tibi ita penitus inhæsisset ista suspicio¹³, nullo ut evelli modo posset; si denique Italia a delectu, urbs ab armis, sine Milonis clade numquam esset conquietura; næ iste haud dubitans cessisset patria, is, qui ita natus est, et ita consuevit¹⁴; te, Magnæ, tamen antestaretur¹⁵, quod nunc etiam facit.

XXVI. Vide, quam sit varia vitæ commutabilisque

8. *Quod si Miloni*. Hic obiter Pompeium carpit, qui Milonem ad se venire non siverat. Nam quum Milo ei nuntiasset se in hortos ejus colloquendi gratia venire velle, per propinquum mandavit ei Pompeius, ne ad se veniret.

9. *Teterrima peste*. Cum Clodio pro Cicerone, quem Pompeius ab exiliis revocatum cupiebat.

10. *Pro tua gloria*. Quam Clodius modis omnibus impugnare nitebatur, erepto a vinculis Tigraue, et aliis contumeliis illatis.

11. *Defensum*. Quum arcessitus de vi a Clodio esset, eum Pompeius defendit; sed dum verba faceret, Clodia-

norum in eum factus est impetus.

12. *Me suo*. Quum omnia sua studia ad me revocandum contulisset.

13. *Ista suspicio*. Milonem tibi insidias struere.

14. *Consuevit*. Qui natura et moribus suis ita est constitutum, ut patriæ otium et salutem rebus omnibus anteponat.

15. *Antestaretur*. Antestari dicebantur qui, quum in jus aliquem vocarant, apprehensa auricula adstantes monebant, uti meminissent eum in jus vocatum, et quum opus esset, id testarentur. Id ergo Cicero dictum voluit, quod Milo discedens Pompeium innocentiae suæ testem citaret.

ratio, quam vaga volubilisque fortuna, quantæ infidelitates in amicis, quam ad tempus aptæ simulationes, quantæ in periculis fugæ proximorum, quantæ timiditates. Erit, erit illud profecto tempus, et illucescet aliquando ille dies, quum tu, salvis¹, ut spero, rebus tuis², sed fortasse motu aliquo communium temporum immutatis³ (qui quam crebro accadat, experti debemus scire), et amicissimi benivolentiam, et gravissimi hominis fidem, et unius post homines natos⁴ fortissimi viri magnitudinem animi desideres.

Quamquam quis⁵ hoc credat, Cn. Pompeium, juris publici, moris majorum, rei denique publicæ peritissimum, quum senatus ei commiserit, ut videret, NE QUID RESPUBLICA DETRIMENTI CAPERET; quo uno versiculo satis armati semper consules fuerunt⁶, etiam nullis armis datis; hunc exercitu, hunc delectu dato, judicium exspectaturum fuisse in ejus consiliis vindicandis⁷, qui vel judicia ipsa tolleret? Satis judicatum est a Pompeio, satis, falso ista conferri in Milonem :

XXVI. 1. *Al. salutaribus. J. V. I.*

2. *Rebus tuis.* Bene ominari Pompeio cupit, ne quid mali nuntiare nimis aperte videatur. Quidam commentatores putare Ciceronem se ipsum his verbis amicissimis, etc. significavisse : errore quidem summo, nam de Milone hic tantummodo sermo habetur.

3. *Immutatis.* Conversione facta in republica; quod tertio abhinc anno cæpit, quum civile Pompeium inter et Cæsarem bellum exarsit.

4. *Post homines natos.* Ab eo tempore quo primum homines nasci et crescere cæperunt, quod vulgo dicitur ab orbe condito.

5. *Quamquam quis.* Correctio qua revertitur ad arma illa, quibus forum

omne tamquam oppugnatum erat: nititur vim judicum animis novam infundere, demonstrando quis sit armatæ sensus multitudinis : nam si Milonem Pompeius opprimere voluisset, fecisset sane, sicuti fecerat antea Cicero, in Catilinæ conjuratione.

6. *Consules fuerunt.* Hoc decernere senatus consueverat, quum in gravissimum periculum republica adduceretur. Hoc versiculo potestas fiebat consuli, quidquid necessarium judicabat, perpetrare; exercitus conscribere, et hostes quoquo modo vexare et opprimere licebat.

7. *Fuisse in ejus consiliis vindicandis.* Milonis conatibus infringendis, quem suspicaretur velle vim judicii inferre.

qui legem tulit⁸, qua, ut ego sentio, Milonem absolvi a vobis oporteret; ut omnes confitentur, liceret. Quod vero in illo loco, atque illis publicorum præsidi-
orum copiis circumfusus sedet, satis declarat, se non terrorem⁹ inferre vobis (quid enim illo minus dignum, quam cogere, ut vos eum condemnetis, in quem animadvertere ipse, et more majorum, et suo jure posset?), sed præsidio esse: ut intelligatis, contra hesternam concionem¹⁰ illam licere vobis, quod sentiatis, libere judicare.

XXVII. Nec vero me, judices, Clodianum crimen movet¹; nec tam sum demens, tamque vestri sensus ignarus atque expers, ut nesciam, quid de morte Clodii sentiatis. De qua, si jam nollem ita diluere crimen, ut dilui², tamen impune Miloni palam clamare, atque mentiri gloriose³ liceret: Occidi, occidi, non Sp. Melium⁴ qui, annona levanda, jacturisque rei familiaris, quia nimis amplecti plebem putabatur, in suspicionem incidit regni appetendi; non Tib. Grac-

8. *Qui legem tulit.* Ut nova quaestio constitueretur.

9. *Se non terrorem.* Nititur omni modo judices contra inusitatum illum judiciorum apparatus confirmare; et quidquid egerit Pompeius, tamquam causae Miloni optimum demonstrare aggre-
ditur.

10. *Hesternam concionem.* Pridie quam judicium illud haberetur, seditiose Munatius Plancus populum fuerat alloquutus: jusserat quoque ut frequens huic judicio adesset, nec Milonem elabi pateretur; qua concione judicibus indicere videbatur, quidnam illis esset decernendum.

XXVII. 1. *Crimen movet.* Quamvis Cicero noluisse Milonem defendere qua ratione facere instituerat Brutus,

hujus tamen argumentis hoc in loco nititur. Postquam priori in orationis parte demonstravit Milonem a Clodio fuisse lacessitum, longius progreditur, et Milonem recte fecisse testatur, qui mortem Clodio intulerit, eumque gratia publica dignum judicat.

2. *Ut dilui.* Quam demonstravit Clodium esse jure occisum, quia latrones et sicarios occidere licet.

3. *Mentiri gloriose.* Quia non ipse Milo, sed servi ejus Clodium mactaverant.

4. *Non Sp. Melium.* A minori ad majus concludit orator. Si etenim Abala tantam sibi gloriam occiso Sp. Melio peperit, quanam erit Milonis merces, qui civem multo magis metuendum luce orhavit.

chum⁵, qui collegæ magistratum per seditionem abrogavit; quorum interfectores implerunt orbem terrarum nominis sui gloria; sed eum (auderet enim dicere, quum patriam periculo suo liberasset), cujus nefandum adulterium⁶ in pulvinaribus sanctissimis nobilissimæ feminæ comprehenderunt; eum, cujus supplicio senatus solemnes religiones expiandas sæpe censuit; eum, quem cum sorore germana nefarium stuprum fecisse L. Lucullus juratus se, quæstionibus⁷ habitis, dixit comperisse; eum, qui civem, quem⁸ senatus, quem populus, quem omnes gentes urbis ac vitæ civium conservatorem judicabant, servorum armis exterminavit; eum, qui regna dedit⁹, ademit, orbem terrarum, quibuscum voluit, partitus est¹⁰; eum, qui, plurimis cædibus in foro factis¹¹, singulari virtute et gloria civem domum vi et armis compulit; eum, cui nihil umquam nefas fuit nec in facinore, nec in libidine; eum, qui ædem Nympharum¹² incendit, ut

5. *Non Tib. Gracchum.* Quem Scipio Nasica, mediam per concionem irruens, occidit. Orator verbis Sp. Melii et Tib. Gracchi facinora attenuat, quo clariorem in lucem Clodii facinora, quanta sint, proferat.

6. *Nefandum adulterium.* Quod an revera intulerit, incertum. Cæsar tamen uxorem dimisit, quia domum suam dicebat, non solum crimine, sed etiam suspicione carere debere.

7. *Quæstionibus habitis.* L. Lucullus Clodiæ minimæ trium Clodii sororum nupserrat. Quum aliquid de ea suspicaretur, ancillam, habita quæstione, confiteri coegit, hanc rem cum Clodio fratre suo habuisse.

8. *Qui civem, quem senatus.* Ciceronem, qui Catilinæ furores oppresserat.

9. *Regna dedit.* Pessimumtem scilicet,

sedem ac domicilium Cybeles, Brogitaro Gallogræco cuidam impurissimo homini vendidit, eumque regem jussit appellari: ademit quoque Ptolemæo insulam Cyprum, eamque cum possessionibus jussit publicari.

10. *Partitus est.* Imperium romanum orator intelligit: nam Clodius Syriam provinciam Gabinio, Macedoniamque Pisoni tribuerat, quia eorum ope Ciceronem e patria eiecerat.

11. *In foro factis.* Quum judicia disturbaret, quæstioresque e subselliis daret præcipientes.

12. *Ædem Nympharum.* Hoc templo cærens publicus servabatur, quumque ibi notissimi cujusque vita referretur, Clodius, ut facinorum dilueret memoriam, templum flammis dedit abolendum.

memoriam publicam recensionis, tabulis publicis impressam, exstingeret; eum denique, cui jam nulla lex erat, nullum civile jus, nulli possessionum termini; qui non calumnia litium¹³, non injustis vindiciis ac sacramentis alienos fundos, sed castris, exercitu, signis inferendis petebat; qui non solum Etruscos¹⁴ (eos enim penitus contempserat), sed hunc Q. Varium, virum fortissimum atque optimum civem, iudicem nostrum, pellere possessionibus, armis castrisque conatus est; qui cum architectis et decempedis¹⁵ villas multorum hortosque peragrabat; qui Janiculo et Alpi- bus spem possessionum terminabat suarum; qui quum ab equite romano splendido et forti, T. Pacavio, non impetrasset, ut insulam in lacu Prelio¹⁶ venderet, repente lintribus in eam insulam materiam, calcem, cæmenta, atque arma convexit, dominoque trans ripam inspectante, non dubitavit ædificium exstruere in alieno; qui huic T. Furfanio, cui viro? dñi immortales! (quid enim ego de muliercula Scantia? quid de adolescente Aponio dicam? quorum utrique mortem est minitatus, nisi sibi hortorum possessione cessisset) sed ausus est Furfanio dicere, si sibi pecuniam, quantum popescerat, non dedisset, mortuum¹⁷ se in domum ejus illaturum, qua invidia huic esset tali viro conflagrandum; qui Appium fratrem¹⁸, hominem mihi conjunctum fidissima gratia, absentem de possessione fundi dejecit; qui parietem sic per vestibulo-

13. *Calumnia litium*. Calumnia est callida et malitiosa juris interpretatio.

14. *Etruscos*. Eorum sylvas populatus fuerat Clodius, bellumque quodammodo indixerat.

15. *Decempedis*. Mensura decem pedibus constans.

16. *Insul. in lacu Prelio venderet*.

Qui Romam inter et Viterbiam est.

17. *Mortuum*. Hominis occisi cadaver, ut in iudicium Furfanius vocaretur, et hac invidia non admisi criminis conflagraret.

18. *Appium fratrem*. Appium Clodium, qui paullo post censor fuit cum L. Pisone.

lum sororis¹⁹ instituit ducere, sic agere fundamenta, ut sororem non modo vestibulo privaret, sed omni aditu et limine.

XXVIII. Quamquam hæc quidem jam tolerabilia videbantur¹, etsi æqualiter in rempublicam, in privatos, in longinquos, in propinquos², in alienos, in suos irruerat; sed nescio quomodo jam usu obdurerat et percalluerat civitatis incredibilis patientia. Quæ vero aderant jam et impendebant, quonam modo ea aut depellere potuissetis, aut ferre³, Imperium si ille nactus esset? Omitto socios, exterarum nationes, reges, tetrarchas⁴; vota enim faceretis⁵, ut in eos se potius mitteret, quam in vestras possessiones, vestra tecta, vestras pecunias: pecunias dico? a liberis, a liberis, medius fidius, et a conjugibus vestris numquam ille effrenatas suas libidines cohibuisset. Fingi hæc putatis, quæ patent? hæc, quæ nota sunt omnibus? quæ tenentur⁶? servorum exercitus illum in urbe conscripturum fuisse, per quos totam rempublicam resque privatas omnium possideret?

Quamobrem, si cruentum gladium tenens clama-

19. *Sororis*. Tres habuit sorores Clodius; quænam illa fuerit non liquet.

XXVIII. 1. *Tolerabilia videbantur*. Postquam ea commemoravit, quæ dum vita fuit, Clodius perpetraverat, ea aggreditur quibus rempublicam et cives vexasset, nisi fuisset a Milone oppressus.

2. *In longinquos, in propinquos*. Nullo modo locorum intervallum furtis ac latrocinii ejus obstabat; propinquus non de sanguine, sed de loco hic dicitur.

3. *Ant ferre*. Quæ omnia perpetravit, patienter pertulistis; sed quæ vobis

impendebant, neque jam legibus, quæ nullæ fuissent, coercere, neque patientia diutius sinere potuissetis; et inde quoniam fuisset oppressa libertas, si præturam his consulibus Clodius obtinuisset, qui sceleribus ejus non potuissent obsistere.

4. *Tetrarchas*. Quos omnes, imperium nactus, pro sua libidine tractavisset.

5. *Vota . . . faceretis*. Quod summæ calamitatis est indicium, quoniam ad una vota concurrunt.

6. *Quæ tenentur?* Quæ certis testimoniis, et documentis fide dignis, ita nituntur, ut ea nemo negare queat.

ret T. Annius : Adeste, quæso⁷, atque audite, cives : P. Clodium interfeci; ejus furores, quos nullis jam legibus, nullis judiciis frenare poteramus, hoc ferro et hac dextera a cervicibus vestris repuli; per me ut unum⁸, jus, æquitas, leges, libertas, pudor, pudicitia in civitate manerent; esset vero timendum, quonam modo id ferret civitas? Nunc enim quis est, qui non probet? qui non laudet? qui non unum post hominum memoriam T. Annium plurimum reipublicæ profuisse⁹, maxima lætitia populum romanum, cunctam Italiam, nationes omnes affecisse, et dicat, et sentiat? Nequeo, vetera illa populi romani quanta fuerint gaudia, judicare. Multas tamen jam summorum imperatorum clarissimas victorias ætas nostra vidit; quarum nulla neque tam diuturnam attulit lætitiā, nec tantam. Mandate hoc memoriæ¹⁰, judices: spero multa vos liberosque vestros in republica bona esse visuros : in his singulis ita semper existimabitis, vivo P. Clodio, nihil eorum vos visuros fuisse¹¹. In spem maximam, et, quemadmodum confido, verissi-

7. *Adeste, quæso.* Cicero mihi calidissime rem tractavisse videtur, quum verba illa per hypothesim tantummodo subjicit; nam multo magis valent sic disposita. Nimis acerbum et audax fuisset, si palam hæc profiteretur : Clodium interficere volui: interfeci. Quum vero Clodium tamquam hostem insensissimum et insidiatorem protulit, jam præmunita via est ad dicendum : mihi, per sua flagitia, eum interficere licebat. Ita paratis animis, ea instillantur facile, quæ prius iram movissent. Ita progredi in rebus quæ oculis subjiciuntur, et ita paulatim animos percellere, maximum est eloquentiæ artificium. Cicero autem, quum omnia causæ infesta præcavit,

exultare victoria mihi videtur, quum ait : « Si cruentum gladium tenens clamaret T. Annius, etc. »

8. *Per me ut unum.* Vulgati habent, « per me unum effectum est ut ».

9. *Plurimum reipublicæ profuisse.* Quum perniciosissimum civem Clodium sustulit.

10. *Mandate hoc memoriæ.* Altius in animis vestris, hæc quæ profero, infigite, ut, quum illa evenerint, me vera prædixisse videntis. Clodianæ necis utilitatem ita augebat orator, ut non solum in eos qui nunc sunt, sed et in posteros quoque sit redundatura.

11. *Visuros fuisse.* Quia scilicet Clodius semper injuriis et facinoribus suis publicæ obstitisset felicitati.

mam adducti sumus, hunc ipsum annum, hoc ipso summo viro consule, compressa hominum licentia, cupiditatibus fractis¹², legibus et judiciis constitutis, salutarem civitati fore. Num quis igitur est tam demens, qui hoc, P. Clodio vivo, contingere potuisse arbitretur? Quid? ea, quæ tenetis, privata atque vestra, dominante homine furioso, quod jus perpetuæ possessionis habere potuissent?

XXIX. Non timeo¹, iudices, ne odio inimicitarum mearum inflammatus, libentius² hæc in illum evomere videar, quam verius. Etenim etsi præcipuum esse debebat³, tamen ita communis erat omnium ille hostis, ut in communi odio pæne æqualiter versaretur odium meum. Non potest dici satis, ne cogitari quidem, quantum in illo sceleris, quantum exitii fuerit. Quin sic attendite, iudices. Nempe hæc est quæstio de interitu P. Clodii. Fingite animis: liberæ enim sunt cogitationes nostræ; et quæ volunt, sic intuentur, ut ea cernimus, quæ videmus⁴: fingite igitur cogitatione imaginem hujus conditionis meæ, si possim efficere, ut Milonem absolvatis, sed ita, si P. Clodius revixerit⁵. Quid vultu extimuistis? quonam

12. *Cupiditatibus fractis.* Avaritiam, libidinem, et honorum effrenatam cupiditatem intelligit, quibus maxime tunc temporis respublica laborabat. Pompeius autem, a principio consulatus, contra ambitiosos, et judiciorum corruptores, leges tulerat acerrimas.

XXIX. 1. *Non timeo.* Ne videatur violentius in P. Clodium erupisse, se eo odio agi profiteretur, quo omnes viri boni scelerstos homines persequuntur.

2. *Libentius.* Quidam hic suspicati sunt licentius, sed nulla manuscritorum auctoritate freti.

3. *Esse debebat.* Quia me modis omnibus vexavit, e patria eiecit; quia bona mea publicavit, domumque incendit meam.

4. *Quæ videmus.* Cogitatio nostra, quidquid volumus, fingit, et quæcumque mente præcipimus, tam clare apparent, quam quæ oculis intuemur et plane cernimus.

5. *P. Clodius revixerit.* Callide orator memoriam Clodii revocat, quamque invisus fuerit omnibus exponit, quo minor in Milonem invidia arderet. Eleganter hic iudices appellat, territotosque Clodii ad lucem

modo ille vos vivus afficeret, quos mortuus inani cogitatione⁶ percussit?

Quid? si ipse Cn. Pompeius, qui ea virtute ac fortuna est, ut ea potuerit semper, quæ nemo præter illum; si is, inquam, potuisset aut quæstionem de morte P. Clodii ferre, aut ipsum ab inferis excitare, utrum putatis potius facturum fuisse? Etiam si propter amicitiam⁷ vellet illum ab inferis evocare, propter rempublicam non fecisset. Ejus igitur mortis sedetis ultores, cujus vitam si putetis per vos restitui posse, nolletis; et de ejus nece lata quæstio est, qui si eadem lege reviviscere posset, lata lex numquam esset. Hujus ergo interfector qui esset⁸, in confitendo ab iisne poenam timeret, quos liberavisset?

Græci homines deorum honores tribuunt iis viris, qui tyrannos necaverunt. Quæ ego vidi⁹ Athenis? quæ aliis in urbibus Græciæ? quas res divinas talibus institutas viris? quos cantus? quæ carmina? prope ad immortalitatis et religionem, et memoriam consecrantur. Vos tanti conservatorem populi, tanti sceleris ultorem, non modo honoribus nullis afficietis, sed etiam ad supplicium rapi patiemini? Confiteretur, confiteretur, inquam, si fecisset¹⁰, et magno animo

reditu fingit, quasi sola hujus viri commemoratio eos horrore concuteret.

6. *Inani cogitatione.* Inanis est cogitatio, quia non vitam Clodius rursus est auspicaturus.

7. *Propter amicitiam.* Quia non ita pridem in gratiam Clodius ac Pompeius redierant.

8. *Interfector qui esset.* Si ea fuere Clodii facinora, ut una ejus memoria vos terrore exagitaret, anne Milo, si ejus fuisset interfector, aliquid a vobis haberet metnendum quam factum confiteretur? Orator, quamvis laudes

censet esse Miloni decernendas, quod patriam a perditissimo cive liberaverit, numquam Clodium a Milone occisum fuisse profitetur.

9. *Quæ ego vidi Athenis?* Videtur respicere statuas Harmodii et Aristogitonis, qui Athenienses a Pisistratidarum tyrannide liberare aggressi sunt; quæ ita mirabili arte fuerant confectæ, ut eas in Persidem Xerxes auferret; Seleucus vero Græcis restituit.

10. *Si fecisset.* Si reipublicæ ulciscendæ causa fecisset, non ut vitam defenderet.

et libente se fecisse, libertatis omnium causa : quod ei certe non confitendum modo¹¹, verum etiam prædicandum.

XXX. Etenim si id non negat¹, ex quo nihil petit, nisi ut ignoscatur, dubitaret id fateri, ex quo etiam præmia laudis essent petenda? nisi vero gratus putat esse vobis², sui se capitis, quam vestri³ defensorem fuisse; quum præsertim in ea confessione, si gratus esse velletis, honores assequeretur amplissimos. Si factum vobis non probaretur, (quamquam qui poterat salus sua cuique non probari?) sed tamen si minus fortissimi viri virtus civibus grata cecidisset, magno animo constantique cederet ex ingrata civitate. Nam quid esset ingratus, quam lætari ceteros, lugere eum solum, propter quem ceteri lætarentur? Quamquam hoc animo⁴ semper fuimus omnes in patriæ proditoribus opprimendis, ut, quoniam nostra futura esset gloria, periculum quoque, et invidiam nostram putaremus. Nam quæ mihi ipsi tribuenda laus esset, quum tantum in consulatu meo pro vobis ac liberis vestris ausus essem, si id, quod conabar, sine maximis dimicationibus meis me esse ausurum arbitrarer? quæ mulier⁵ sceleratum ac perniciosum civem occidere

11. *Quod ei certe non confitendum modo.* Heuman. conjicit, *quod ei esset.* Lallem. post *modo*, addit *fuisse*. J. V. L.

XXX. 1. *Si id non negat.* Si profiteretur Clodium a se fuisse oppressum, quum vim vi repelleret, nihilque a vobis petit, nisi ut veniam irrogaret; an dubitaret palam proclamare se pestem patriæ interfecisse, quo ex facto laudem ac famam perennem se consequaturum potuisset sperare.

2. *Putat esse vobis.* Quod nullo modo sanus vir cogitaverit; nam quid-

nam beneficii in rempublicam contulerit, si Clodium ob hanc unam rem occiderit, ut se ipsam tueretur.

3. *Fere omnes habent, vestri ordinis.* J. V. L.

4. *Quamquam hoc animo.* Quamquam parati omnino simus ad tolerandam ingratis civitatis negligentiam, ut qui bonum consecutur, non mercede adducti, sed ut pestes patriæ longe a civibus nostris repellamus.

5. *Quæ mulier.* Vox illa non feminam tantummodo, sed virum mollem et effeminatum indicat.

non auderet, si periculum non timeret? Proposita invidia, morte, poena, qui nihilo segnius rempublicam defendit, is vir vere putandus est. Populi grati est, præmiis afficere bene meritos de republica cives; viri fortis, ne suppliciis quidem moveri, ut fortiter fecisse poeniteat.

Quamobrem uteretur eadem confessione T. Annius, qua Ahala, qua Nasica, qua Opimius, qua Marius, qua nosmet ipsi⁶: et, si grata respublica esset, lætaretur; si ingrata, tamen in gravi fortuna conscientia sua niteretur. Sed hujus beneficii gratiam, judices, fortuna populi romani, et vestra felicitas, et dii immortales⁷ sibi deberi putant. Nec vero quisquam aliter arbitrari potest, nisi qui nullam vim⁸ esse ducit, numenve divinum; quem neque imperii vestri magnitudo, neque sol ille, nec cæli signorumque motus,

6. *Nosmet ipsi.* Qui Catilinam nefaria consilia molientem oppressimus. Optime hic orator causam suam cum Milone communicat, ut, quum iisdem in administranda republica consiliis uti sint, eadem quoque præmia a civibus quos liberaverint accipiant.

7. *Dii immortales.* Non jam hic reus ante iudices sistitur Milo; dii, dii ipsi Clodium justissimis poenis affecerunt, iidemque Milonem tamquam voluntatis ministrum in tanta re conficienda elegerunt. Illud enim significat providentia illa quam denuntiat ordo ille quo res humanæ geruntur, perpetuusque cæli et astrorum motus. Neque autem illam orationis partem tamquam supervacuum habueris, quum quadam religione causam illam consecrare videatur, et sublati jam humanis omnibus causis deos ipsos ostendat legum ombium vindices et sibi vindicantes illius facti laudem et gloriam. Sacro veluti impetu

correctus orator aras testatur, ac Jovem ipsum invocat, et ad hunc eloquentissimæ orationis æstum prorumpit, ut muta atque sensu carentia appellet: quem certe locum Quintilianus, ut vehementissimi generis exemplar, recitat. Quod si locus ubi perit Clodius consideretur (nempe ante Bonæ Deæ delubrum, cujus olim sacra polluerat), unodus quo corpus satellites ipsius cremavere, qui non hæc quidem cadaveri tribuere, quæ hostis hostibus largitur, facile apparebunt terribilia divinæ ultionis specimina, et bene notam omnibus erit deus, dum polluta jura ipsi ulciscuntur, patriam a furioso illo servavisse, quæ jam humana manu defendi non poterat.

8. Sic optimi MSS. Al. vel *vim celestem* habent, vel *majestatem*, quod prætulit Grævius, etai vocis *numen* glossam Garatius. judicet ad Philipp. III, 13. J. V. L.

nec vicissitudines rerum atque ordines movent, neque, id quod maximum est, majorum nostrorum sapientia, qui sacra, qui cærimonias, qui auspicia et ipsi sanctissime coluerunt, et nobis, suis posteris, prodiderunt.

XXXI. Est, est profecto illa vis¹ : neque in his corporibus atque in hac imbecillitate nostra inest quiddam, quod vigeat et sentiat, et non inest in hoc tanto naturæ, tam præclaro motu. Nisi forte idcirco esse non putant, quia non apparet, nec cernitur : proinde quasi nostram ipsam mentem, qua sapimus, qua providemus, qua hæc ipsa agimus ac dicimus, videre, aut plane, qualis, aut ubi sit, sentire possimus. Ea vis, ea igitur ipsa, quæ sæpe incredibiles huic urbi felicitates atque opes attulit, illam perniciem exstinxit ac sustulit : cui primum mentem iniecit², ut vi irritare ferroque lacessere fortissimum virum auderet, vincereturque ab eo, quem si vicisset, habiturus esset impunitatem et licentiam sempiternam. Non est humano consilio, ne mediocri³ quidem, iudices, deorum immortalium cura, res illa perfecta. Religiones mehercule ipsæ, quæ illam belluam cadere viderunt, commosse se videntur, et jus in illo suum retinuisse. Vos enim jam, Albani tumuli atque luci,

XXXI. 1. *Profecto illa vis.* Optime hic de diis orator verba facit, quia mentes acrius percellit; et in una Clodii facinora oculos detinet, deosque iratos ita inducit, ut omnino non jam Miloni accusando locus superesse videatur.

2. *Mentem iniecit.* Jamdudum apud deos statutum erat ut Clodius a Milone opprimeretur. Itaque nomen ipsum hanc incredibilem Clodio audaciam afflaverat, viresque ministrabat, uti

tandem aliquando a viro fortissimo incendium illud reipublicæ exstingueretur. Hac ratione, nullo modo vituperari Milo potest, qui a diis immortalibus ad facinus perpetrandum fuit impulsus.

3. *Mediocri.* Singulari deorum providentia res acta est; quo magis apparet, quanto odio Clodium prosequerentur, quam de interficiendo illo consilium ita inirent, ut se jam laqueo non posset expedire.

vos, inquam, imploro atque testor, vosque, Albanorum obrutæ aræ, sacrorum populi romani sociæ et æquales⁴, quas ille, præceps amentia, cæsis prostratisque sanctissimis lucis, substructionum insanis modis oppresserat: vestræ tum aræ, vestræ religiones viguerunt; vestra vis valuit, quam ille omni scelere polluerat: tuque ex tuo edito monte, Latiaris sancte Jupiter, cujus ille lacus⁵, nemora, finesque sæpe omni nefario stupro et scelere macularat, aliquando ad eum puniendum oculos aperuisti: vobis illæ, vobis vestro in conspectu seræ⁶, sed justæ tamen et debitæ pœnæ solutæ sunt.

Nisi forte⁷ hoc etiam casu factum esse dicemus, ut, ante ipsum sacrarium Bonæ Deæ, quod est in fundo T. Sextii Galli, in primis honesti et ornati adolescentis, ante ipsam, inquam Bonam Deam, quum prælium commisisset, primum illud vulnus acceperit, quo teterrimam mortem obiret⁸: ut non absolutus iudicio illo⁹ nefario videretur, sed ad hanc insignem pœnam reservatus.

4. *Sociæ et æquales.* Sacrificia illa Latinis cum populo romano communia fuerunt; a Tarquinio Superbo in memoriam icti federis fuere instituta. Celebrabantur quotannis a Latinis civitatibus septem et quadraginta, quæ cum populo romano in Albanum montem conveniebant ad taurum Latiæ Jovi sacrificandum, cujus partem uniuscujusque civitatis populus accipiebat.

5. *Cujus ille lacus.* Tres in Latio fuere lacus, unus Nemorensis, alter Juturnæ, tertius et omnium celeberrimus Albanus.

6. *Seræ.* Potuissent sane dii Clodium e medio tollere quum seditiones Romæ foveret; sed pœnam distule-

runt, ut numina ipsa, quæ violarat, teterrima sua morte pasceret.

7. *Nisi forte.* Ostendit quam absurdum esset profiteri Clodium non a numinibus fuisse oppressum, quum tot et tanta occurrant facti illius argumenta.

8. *Teterrimam mortem obiret.* Quum de Clodio a Milone occiso agitur, verbis rem velat orator, ut supra exposuimus. Hic, non jam Milo, sed dii a Clodio pœnas repetivere: itaque rem plane judicum oculis contrahendam patefacere non dubitat, verbisque etiam amplificat gravioribus.

9. *Judicio illo.* Ob violatam stupro Bonæ Deæ religionem in iudicium tractus Clodius, pecunia iudices cor-

XXXII. Nec vero non eadem ira deorum hanc ejus satellitibus¹ iniecit amentiam, ut sine² imaginibus, sine cantu atque ludis, sine exsequiis, sine lamentis, sine laudationibus, sine funere, oblitus cruore et luto³, spoliatus illius supremi diei celebritate, quam concedere etiam inimici solent, ambureretur⁴ abjectus. Non fuisse credo fas, clarissimorum virorum formas illi teterrimo parricidæ aliquid decoris afferre, neque ullo in loco potius mortem ejus lacerari⁵, quam in quo vita esset damnata.

Dura mihi, medius fidius, jam fortuna populi romani et crudelis videbatur⁶, quæ tot annos illum in hanc rempublicam insultare videret et pateretur. Polluerat stupro sanctissimas religiones; senatus gravissima decreta perfregerat; pecunia se palam a iudiciis redemerat; vexarat in tribunatu senatum⁷;

rupit, poenamque hac ratione vitavit.

XXXII. 1. *Ejus satellitibus.* His intelligit verbis Sextum Clodium, Manatium Plancum, et Quintum illum Pompeium, qui verba apud populum fecerat, quum cadaver fuerat in medio foro prolatum ac protractum.

2. *Sine imaginibus.* In funeribus nobilium ceræ præferebantur majorum imagines; nenia, sive cantus, ad tibiarum sonum adhibebantur, et mulierum planctus et ululatus, manibus genas ac comam lacerantium. Servi autem testamento manumissi, partim funus antecedeabant, partim defuncti cadaver in lecto positum ventilabant. Gladiatorii ludj in funeribus clarorum virorum fieri soliti sunt, ut sanguine eorum manes placarentur.

3. *Oblitus cruore et luto.* Non unguentis perfusus, et lotus ut solet; sed cruore et luto, foedissimam in speciem, coopertus.

4. *Ambureretur abjectus.* Non penitus ureretur, sed semimstulatus medio linqueretur foro, ut superius a Cicerone est prolatum.

5. *Mortem ejus lacerari.* Nullo alio loco decebat cadaver ejus abjectum omnibus lacerari, quam quo toties populum vexaverat, rempublicamque prævertere fuerat aggressus. — *Mortem.* His sumitur pro cadaver.

6. *Crudelis videbatur.* Transit ad enumeranda omnia Clodii facinora, quasi populi romani fortunam excusare velit, quæ tamdiu passa fuerit pestem illam, omnia audacia, et effrenata licentia miscere, ut tandem aliquando supplicij tarditatem gravitate compensaret.

7. *Sen.* Provincias Gabinio et Pisoui contra senatus auctoritatem dederat, ut Ciceroni perniciem mercaretur. Pro omnibus quæ sequuntur repetenda, quæ fusiis de iisdem orator est præfatus.

omnium ordinum consensu pro salute reipublicæ gesta resciderat; me patria expulerat; bona diripuerat; domum incenderat; liberos, conjugem meam vexaverat; Cn. Pompeio nefarium bellum⁸ indixerat; magistratuum privatorumque cædes effecerat; domum mei fratris incenderat; vastarat Etruriam; multos sedibus ac fortunis ejecerat; instabat, urgebat; capere ejus amentiam civitas, Italia, provinciæ, regna non poterant: incidebantur jam domi leges, quæ nos nostris servis addicerent⁹; nihil erat cujusquam, quod quidem ille adamasset, quod non hoc¹⁰ anno suum fore putaret.

Obstabat ejus cogitationibus nemo, præter Milonem. Ipsum illum¹¹, qui poterat obstare, novo reditu in gratiam quasi devinctum arbitrabatur; Cæsaris potentiam suam esse dicebat; bonorum animos etiam in meo casu contempserat: Milo unus urgebat¹².

XXXIII. Hic dii immortales, ut supra dixi, mentem dederunt illi perduto ac furioso, ut huic faceret insidias. Aliter perire pestis illa non potuit: numquam illum respublica suo jure esset ulta. Senatus, credo, prætorem eum circumscripsisset¹. Ne quum solebat quidem id facere, in privato eodem hoc aliquid profecerat. An consules² in prætore coercendo fortes fuissent? Primum, Milone occiso, habuisset suos con-

8. *Nefarium bellum.* Nam cum per insidias necare fuerat aggressus.

9. *Addicerent.* Fuit inter leges Clodii ea, qua liberti, in rusticis tribubus, quæ ingenuorum erant, suffragia, ferrent.

10. *Hoc anno.* Quo præturam suis adeptus.

11. *Ipsum illum.* Pompeium scilicet, quo cum in gratiam redierat.

12. *Urgebat.* A tergo imminabat, et incutiebat formidinem.

XXXIII. 1. *Prætorem eum circumscripsisset.* Senatuse eum, simul ac prætor fuisset, coercere, ac licentiam frenare valuisset, quum sæpissime nequidquam in jus privatum vocavit?

2. *An consules.* Suspensus sum aliquando At, ut sit velat objicientis. Ernest. J.V. L.

sules³; deinde quis in eo prætor consul fortis esset, per quem tribunum, virum consularem crudelissime vexatum⁴ esse meminisset⁵? Oppressisset omnia, possideret, teneret: lege nova, quæ est inventa apud eum cum reliquis legibus Clodianis⁶, servos nostros libertos suos fecisset⁷. Postremo, nisi eum dii immortales in eam mentem impulissent, ut homo effeminatus fortissimum virum conaretur⁸ occidere, hodie rempublicam nullam haberetis.

An ille prætor, ille vero consul, si modo hæc templa atque ipsa moenia stare eo vivo tamdiu, et consulatum ejus exspectare potuissent, ille denique vivus mali nihil fecisset, qui mortuus, uno ex suis satellitibus Sext. Clodio duce, curiam incenderit? Quo quid miserius, quid acerbius, quid luctuosius vidimus? Templum sanctitatis⁹, amplitudinis, mentis, consilii publici, caput urbis¹⁰, aram sociorum, portum omnium gentium, sedem ab universo populo romano concessam uni ordini, inflammari, excindi, funestari? neque id fieri a multitudine imperita, quam-

3. *Habuisset suos consules.* Hyppæum scilicet et Scipionem.

4. *Grater. virtutem... vexatam.* J. V. L.

5. *Esse meminisset.* Tribunus enim plebis Clodius, Ciceronem virum consularem modis omnibus vexaverat, et in exsilium eiecerat.

6. *Legibus Clodianis.* Sane inventa est in illo librario, quod orator ait S. Clodium e domo defuncti, tamquam palladium sustulisse.

7. *Servos nostros libertos suos fecisset.* Quia eos lege sua libertate donasset, hac mente ut ab iis tamquam patronus haberetur.

8. *Conaretur occidere.* Ad hæc Clodii verba alludit, quibus jactita-

verat, a se Milonem fore interfectum intra trium dierum spatium.

9. *Templum sanctitatis.* Locum inauguratum, in quo homines sanctissimi sententias pro republica ferunt, et ubi ipsa sanctitas domicilium collocavit. — *Amplitudinis.* Amplissimi ordinis senatorii. — *Mentis.* Sapientiæ et prudentiæ. — *Consilii publici.* In quo de rebus maximis consultant. — *Aram.* Perfugium et asylum. Nam socii, injuriis vexati, Romam ad senatum confugebant, et inde suis petebant calamitatibus auxilium. — *Funestari.* Pollui cadavere impurissimi hominis P. Clodii ibi cremato.

10. MSS quidam et ed. Junt. habent *orbis.* Male. J. V. L.

quam esset miserum id ipsum, sed ab uno¹¹? qui quum tantum ausus sit ultor¹² pro mortuo, quid signifer pro vivo non esset ausus? In curiam potissimum abjecit, ut eam mortuus incenderet¹³, quam vivus everterat. Et sunt, qui de via Appia¹⁴ querantur, taceant de curia? et qui ab eo spirante forum putent potuisse defendi, cujus non restiterit cadaveri curia? Excitate, excitate eum, si potestis, ab inferis. Frangetis impetum vivi, cujus vix sustinetis furias insepulti¹⁵? nisi vero sustinuistis eos, qui cum facibus ad curiam cucurrerunt, cum facibus¹⁶ ad Castoris, cum gladiis toto foro volitarunt. Cædi vidistis populum romanum¹⁷, concionem gladiis disturbari, quum audiretur silentio M. Coelius, tribunus plebis, vir et in republica fortissimus, et in suscepta causa firmissimus, et bonorum voluntati¹⁸, et auctoritati senatus deditus, et in hac Milonis sive invidia, sive fortuna, singulari, divina et incredibili fide.

11. *Sed ab uno.* Non negat omnino ignem a multitudine fuisse curiæ illatum; sed ad spargendum incendium facies a Sext. Clodio fuisse prolatas contendit.

12. Nonnulli prætulere alteram lectionem, *ustor*, e Coloniensib. membranis. J. V. L.

13. *Mortuus incenderet.* Multum in hoc incendio moratur Cicero, quo majorem ex ipso facto invidiam moveat; nam illud ibi oculis subjicit, tamquam extremum P. Clodii in rempublicam experimentum.

14. *De via Appia.* Clodiani miras tragedias excitare conabantur, quod Clodius in via Appia, ab uno e majoribus suis condita, fuisset occisus.

15. *Insepulti.* Quia in medium fuit

projectus sine ullo honoris signo, nec totas rogi flammis fuit crematus.

16. *Al. falcibus, vel fascibus.* Baehrius, Animadv. in Cic. p. 502, probat *falcibus*. J. V. L.

17. *Populum romanum.* Milo largitionibus plebeculam corruerat, quam Coelius ad capevandam ejus causam hortabatur. Sed Clodiani in forum irrupere, et inde strages maxima ab omni parte fuit edita. Rem tam atrocem perstringit leviter orator, et consulto quidem, nam objici ei recte potuisset concionem illam non populum esse romanum, sed plebeculæ faciem, quam Milo pecunia sibi devinzerat.

18. *Bonorum voluntati.* Qui salvum Milonem cupiebant.

XXXIV. Sed jam satis multa de causa¹ : extra causam etiam nimis fortasse multa. Quid restat², nisi ut orem, obtesterque vos, judices, ut eam misericordiam tribuatis fortissimo viro, quam ipse non implorat; ego, etiam repugnante³ hoc, et imploro, et exposco? Nolite, si in nostro omnium fletu nullam lacrymam⁴ adspexistis Milonis, si vultum semper eundem, si vocem, si orationem stabilem ac non mutatam videtis, hoc minus ei parcere : atque haud scio, an multo etiam sit adjuvandus magis. Etenim si in gladiatoriiis pugnis, et in infimi generis hominum conditione atque fortuna, timidos et supplices, et, ut vivere liceat, obsecrantes, etiam odisse solemus; fortes, et animosos, et se acriter ipsos morti offerentes, servare cupimus; eorumque nos magis miseret, qui nostram misericordiam non requirunt, quam qui illam efflagitant; quanto hoc magis in fortissimis civibus facere debemus?

XXXIV. 1. *Sed jam satis multa de causa.* Cicero vim omnem eloquentiae in orationum conclusione explicabat. Nescio an ullus umquam orator animos solertius tractaverit; ipse permotus, quamvis verba inconsulta fluere videntur, audientes movet, et ad nutum flectit. Quae certe provincia in hac oratione difficillime erat; audax enim Milonis constantia, ut solitas perorandi rationes ademerat, ita etiam iudices nonnullos sibi infestos fecerat. Quae tamen orator adeo perite tractat, et torquet, ut suae causae ea favere videantur. Quum humillimas preces interdixisset oratori Milo, magnificas ei voces et dignos moribus et virtute sensus accommodat; in verbis elucet constantia, quae tamen non in iudices invehitur, sed aliquo dolore temperatur, quum vanos labores, vanaque

studia conqueritur, quum amicus amicum appellat, proclamatque: Ego quum te patriae reddidissem, mihi non futurum in patria putarem locum?

2. *Quid restat.* Jam aperte satis orator demonstravit Milonem a crimine esse liberandum; non diutius in his versatur, ne iudicium in animos inducat eum posse condemnari.

3. *Repugnante.* Voces enim quibus, solito de more, patroni iudicium clementiam implorabant, nullo modo in Milonis ingenium cadebant.

4. *Nullam lacrymam.* Haec animi constantia Miloni multum offecit, et iudices ad eum damnandum impulerat, ut qui eorum sententias et iudicii huius exitum contemneret. Itaque orator multum est in his rebus, quo minus infestum iudicibus Milonem efficiat.

Me quidem, iudices, exanimant et interimunt hæ voces Milonis, quas audio assidue, et quibus intersum quotidie. Valeant, valeant⁵, inquit, cives mei, valeant; sint incolumes, sint florentes, sint beati; stet hæc urbs præclara, mihiq; patria carissima, quoquo modo merita de me erit. Tranquilla⁶ republica cives mei, quoniam mihi cum illis non licet, sine me ipsi, sed per me tamen, perfruantur. Ego cedam, atque abibo. Si mihi republica bona frui non licuerit, at carebo mala⁷; et quam primum⁸ tetigero bene moratam et liberam civitatem, in ea conquiescam. O frustra, inquit, suscepti mei labores! o spes fallaces! o cogitationes inanes meæ! Ego quum tribunus plebis, republica oppressa, me senatui⁹ dedissem, quem extinctum acceperam; equitibus romanis, quorum vires erant debiles¹⁰; bonis viris, qui omnem auctoritatem Clodianis armis¹¹ abjecerant; mihi umquam bonorum præsidium defuturum putarem? Ego quum te (mecum enim sæpissime loquitur) patriæ reddidissem, mihi non futurum in patria putarem locum? Ubi nunc senatus est, quem sequuti¹² sumus?

5. *Valeant, valeant.* Voces illæ ad movendam misericordiam sunt aptissimæ; quia videtur supra sortem suam se erigere Milo: miroque artificio dum verba jactat orator hoc viro dignissima, benivolentiam etiam iudicum quasi invitorum sibi devincit.

6. *Tranquilla republica.* Nullis jam rerum eversionibus jactata, quoniam hunc oppressi, per quem commota semper erat.

7. *Carebo mala.* Si ejicior e civitate tum quum mea virtute in florentem fuerit statum restituta; non mihi damnum tantum inferetur, nam carebo hac republica mala, qualis erat tunc,

quum Clodius eam perpetuo exagitaret.

8. *Ernest. primam.* J. V. L.

9. *Senatui dedissem.* Senatus patrociniū suscepissem, quem Clodius ita attriverat, ut omnino extinctum acciperem.

10. *Vires erant debiles.* Propter Clodium, qui illas imminuerat.

11. *Clodianis armis.* Nam Clodius pro tribunali Aurelio, perditissimos quosque conscripserat, et contra rempublicam armis instruxerat.

12. *Sequuti sumus.* Cujus auctoritati semper in administranda republica paruius.

ubi equites romani illi, illi, inquit, tui? ubi studia municipiorum? ubi Italiæ voces¹³? ubi denique tua, M. Tulli, quæ plurimis fuit auxilio, vox et defensio? mihine ea soli, qui pro te toties morti me¹⁴ obtuli, nihil potest opitulari?

XXXV. Nec vero hæc¹, judices, ut ego nunc, flens, sed hoc eodem loquitur vultu, quo videtis. Negat enim se², negat ingratis civibus fecisse, quæ³ fecit; timidis, et omnia circumspicientibus pericula, non negat. Plebem et infimam multitudinem, quæ, P. Clodio duce, fortunis vestris imminebat, eam, quo tutior esset vita nostra, se⁴ fecisse commemorat, ut non modo virtute flecteret, sed etiam tribus suis patrimoniis⁵ deliniret; nec timet, ne, quum plebem muneribus placarit, vos non conciliarit meritis in rempublicam singularibus. Senatus erga se benivolentiam temporibus his ipsis sæpe esse perspectam; vestras vero et vestrorum ordinum occursationes⁶, studia, sermones, quemcumque cursum fortuna dederit, se-

13. *Italiæ voces.* Clamores gratulantium et Ciceroni redeunti, et Miloni per quem ab exilio fuerat revocatus.

14. *Morti me obtuli.* Nam Clodius vitam meam sæpius appetivit, quod de te in patriam revocando decretum ferre omni ope adniterer.

XXXV. 1. *Ne vero hæc.* Hæc de Milonis constantia interserit, ut hac occasione ad laudandam bonorum erga Milonem benivolentiam transeat, unde Milo vim omnem animi sibi arcessit.

2. *Negat enim se.* Non cives suos ingratos erga se judicat, sed cantos nimis, nimisque Clodii satellitibus exterritos.

3. *Quæ fecit.* Lambinus, Ernest.

fecerit; Grævius, fecisset J. V. L.

4. *Al. male addunt suam. J. V. L.*

5. *Tribus suis patrimoniis.* Constat Milonem pecuniam fuisse largitum populo, quo firmitus omnium animos sibi devinciret: cujus facti ut invidiam orator imminuat, testatur Milonem ita egisse, ut plebeculam hanc fortunis imminuentem omnium bonorum, ipse patrimoniis suis pasceret; et ita nititur hoc ad laudem ejus convertere. Tria autem erant Miloni patrimonia, paternum unum, alterum maternum, tertiumque Annii, a quo fuerat adoptatus.

6. *Occursationes.* Salutationes obvias, benivolentiæ significationes. — *Sermones.* Qui de Milone circumferebantur.

cum se ablaturum esse dicit. Meminit etiam, sibi vocem præconis⁷ modo defuisse, quam minime desiderarit; populi vero cunctis suffragiis, quod unum cupierit, se consulem declaratum. Nunc denique, si hæc arma⁸ contra se sunt futura, sibi facinoris suspicionem, non facti crimen obstare. Addit hæc, quæ certe vera sunt, fortes et sapientes viros non tam præmia sequi solere recte factorum, quam ipsa recte facta; se nihil in vita⁹, nisi præclarissime fecisse, siquidem nihil sit præstabilius viro, quam periculis patriam liberare; beatos esse, quibus ea res honori fuerit a suis civibus; nec tamen eos miseros, qui beneficio cives suos vicerint: sed tamen ex omnibus præmiis virtutis, si esset habenda ratio præmiorum, amplissimum esse præmium, gloriam¹⁰; esse hanc unam, quæ brevitatem vitæ posteritatis memoria consolaretur¹¹; quæ efficeret, ut absentes adessemus, mortui viveremus; hanc denique esse, cujus gradibus etiam homines in cælum viderentur adscendere.

De me, inquit, semper populus romanus, semper omnes gentes loquentur, nulla umquam obmutescet vetustas. Quin hoc tempore ipso, quum omnes a meis inimicis faces meæ invidiæ subjiçantur¹², tamen omni in hominum coetu gratiis agendis, et gratulatio-

7. *Vocem præconis.* Quamvis nemo in comitiis ignorare posset, quis consul esset designatus, tamen ille præconis voce renuntiabatur, et laudibus efferebatur.

8. *Si hæc arma.* Præsidia scilicet, quæ circa forum Pompeius statuerat. — *Facinoris suspicionem.* Quia Clodiani jactitabant Milonem in mente habuisse Pompeii occidendi consilium.

9. *Se nihil in vita.* Non etiam tum, quum Clodium interfecit.

10. *Gloriam.* Hanc orator ab honore distinguit. Honor ex populi benivolentia pendet; gloria autem neque studio datur, neque aufertur, nomenque ad immortalem memoriam consecrat.

11. *Consolaretur.* Quum tam æretis vita nostra sit limitibus circumscripta.

12. *Subjiçantur.* Quum inimici mei modis omnibus invidiam meam augeant. Metaphora ab iis est sumpta, qui facibus subjectis, incendium augent.

nibus habendis, et omni sermone celebramur. Omitto Etruriæ festos¹³ et actos, et institutos dies : centesima lux est hæc ab interitu P. Clodii, et, ut opinor¹⁴, altera; qua fines imperii populi romani sunt, ea non solum fama jam de illo, sed etiam lætitia peragravit. Quamobrem, ubi corpus hoc sit¹⁵, non, inquit, laboro; quoniam omnibus in terris et jam versatur; et semper habitabit nominis mei gloria.

XXXVI. Hæc tu mecum sæpe¹, his absentibus; sed iisdem audientibus, hæc ego tecum, Milo. Te quidem, quum isto animo es², satis laudare non possum; sed, quo est ista magis divina virtus, eo majore a te dolore divellor. Nec vero, si mihi eriperis³, reliqua est illa saltem ad consolandum querela, ut his irasci possim, a quibus tantum vulnus accepero. Non enim inimici mei te mihi eripient, sed amicissimi; non male aliquando de me meriti, sed semper optime. Nullum umquam, judices, mihi tantum dolorem inuretis⁴ (etsi quis potest esse tantus?); sed ne hunc quidem ipsum, ut obliviscar⁵, quanti me semper fe-

13. *Etruriæ festos.* Regio illa ante alias omnes, a Clodio fuerat vexata; ideoque illi erat infestissima. Quæ quum audiit ei violentas manus injecisse Milonem, in honorem ejus festos dies instituere, quos Milonianos dixerunt.

14. Sic Gruterus. Al. simpliciter, opinor. J. V. L.

15. *Corpus hoc sit.* Sive in patria vivam, moriarque, sive extra eam, non curo.

XXXVI. 1. *Hæc tu mecum sæpe.* Quas partes fuerat designatus Milo, has orator suscipit, judicesque ipse orat, et obtestatur. Tanta virtus viri exsilium ejus intolerabilis Ciceroni efficiet. Cogitandum est Ciceronem

omnes judices dignitate antecellere, et quosdam ex illis esse ipsi beneficiis devinctos. Itaque dolorem suum prætendit, tamquam rem summi ponderis; neque jam eos pro Milone, sed pro seipso precatur.

2. *Isto animo es.* Quod nihil ultra virtutis honestatem desideras.

3. *Eriperis.* Divino quodam artificio in judicium benevolentiam illabitur, quum queritur quod nihil sit habiturus in hac clade solati.

4. *Inuretis.* Quod in magna sollicitudine, aut acerrimo dolore fieri solet; nunc ad judices a Milone, nunc ad Milonem a judicibus se convertit.

5. *Ut obliviscar.* Gravissimum sane mihi estis dolorem inuretur; sed num-

ceritis. Quæ si vos⁶ cepit oblivio, aut si in me aliquid offendistis⁷, cur non id meo capite potius luitur, quam Milonis? præclare enim vixero, si quid mihi acciderit⁸ prius, quam hoc tantum mali videro. Nunc me una consolatio sustentat, quod tibi, T. Anni, nullum a me amoris, nullum studii, nullum pietatis officium defuit. Ego inimicitias potentium pro te appetivi⁹; ego meum sæpe corpus et vitam objeci armis inimicorum tuorum; ego me plurimis pro te supplicem abjeci; bona, fortunas meas ac liberorum meorum in communionem tuorum temporum¹⁰ contuli; hoc denique ipso die, si qua vis est parata¹¹, si qua dimicatio¹² capitis futura, depono. Quid jam restat? quid habeo, quod dicam, quod faciam pro tuis in me meritis, nisi ut eam fortunam, quæcumque erit tua, ducam meam¹³? Non recuso, non abnuo; vosque obsecro, judices, ut vestra beneficia, quæ in me contulistis, aut in hujus salute augeatis¹⁴, aut in ejusdem exitio occasura esse videatis¹⁵.

XXXVII. His lacrymis non movetur Milo; est quo-

quam ad id adducere me poteritis, ut quæ de me sentiat obliviscar. Commode suam memoriam apud judices refricat, non solum ut gratæ voluntatis suæ specimen exhibeat, sed etiam ut plus auctoritatis orationi suæ comparet.

6. *Quæ si vos.* Cujus rei si vos oblivio cepit.

7. *Offendistis.* Si quid in me vos offendit.

8. *Acciderit.* Si scilicet moriar.

9. *Pro te appetivi.* Nam neque Clodiani, neque Pompeius, qui tibi erat infensus, prohibere potuerunt; quin causæ tuæ patrocinium susceperem, et sic graves principum lacerationem inimicitias.

10. *Tuorum temporum.* Sumuntur hæc voces pro *tuarum calamitatum*.

11. *Si qua vis est parata.* Aut a militibus qui nos circumstant, aut ab infima plebe quam Clodii satellites contra Milonem indesinenter excitabant.

12. *Dimicatio.* Al. post Gruterum, *diminutio*. Male. J. V. L.

13. *Ducam meam.* Commune periculum tecum obibo, unaque ambobus erit salus.

14. *Augeatis.* Ampliora facietis; vel augeat vestra in me beneficia Milone servato, vel ea, relegato eo, penitus deleat.

15. *Esse videatis.* Heumann. conj. *credatis*. J. V. L.

dam incredibili robore animi : exsilium ibi esse putat, ubi virtuti non sit locus; mortem naturæ finem esse, non pœnam. Sit hic ea mente, qua natus est. Quid? vos, iudices, quo tandem animo eritis? Memoriam Milonis retinebitis, ipsum ejicietis? et erit dignior locus in terris ullus, qui hanc virtutem excipiat, quam hic, qui procreavit¹? Vos, vos appello, fortissimi viri, qui multum pro republica sanguinem effudistis; vos in viri, et in civis invicti appello periculo, centuriones, vosque, milites² : vobis non modo inspectantibus, sed etiam armatis, et huic judicio præsidentibus, hæc tanta virtus ex hac urbe expelletur? exterminabitur? projicietur? O me miserum! o me infelicem³! revocare tu me in patriam, Milo, potuisti per hos; ego te in patria per eosdem retinere non potero⁴? Quid respondebo liberis meis, qui te parentem alterum putant? quid tibi, Q. frater⁵, qui nunc abes, consorti

XXXVII. 1. *Procreavit.* Italiam dicit; nam Lœuvii natus erat Milo : exsilium autem non tantum urbe, sed et Italia interdicebat. — *Vos, vos appello.* Jam fortissimos viros in Milonis patrocinium advocat; illorum virtutem cum illius calamitate conso- ciat. Quisquis pro patria sanguinem fudit, Milonis socius et commilito esse debet; quicumque patriæ et vir- tutis amans est, is et Miloni faveat necesse est.

2. *Vosque, milites.* Quasi nimio do- lore abriperetur, ea appellat, quæ causæ minime favere certus erat. Ad omnes se convertit, quasi numquam satis pro Milonis salute sibi fecisse videretur. — *Armatis.* Insolitam hanc judicii formam obiter ut in principio notat, innuitque ab illis tantæ virtu- tis exemplum protegendum ac defen-

dendum, nedum armis illam oppri- mere videantur.

3. *O me infelicem!* Ad conquestio- nem relabitur : exæstuat enim dolor, quoties Milonis meritorum subit re- cordatio : nam vario motu erumpit oratio pro habitu animi perturbati, et tamquam fluctibus, modo in hanc, modo in illam partem jactatur. Neque hæc frigida et ex supervacaneo con- questio, sed ex ipsius causæ visceri- bus deducta, intimo doloris sensu expressa est.

4. *Retinere non potero.* Sane mise- rum est iis non posse gratiam referre, a quibus beneficia accepimus. Verum alia oratione orator misericordiam movet; quod non solum a Milone distrahatur, sed etiam animadvertat suam apud bonos gratiam fringere.

5. *Q. frater.* Libenter Cicero in

mecum temporum illorum? me non potuisse Milonis salutem tueri per eosdem, per quos nostram ille servasset? At in qua causa non potuisse? quæ est grata gentibus. A quibus non potuisse? ab iis, qui maxime P. Clodii morte acquirerunt⁶. Quo deprecante? me. Quodnam ego concepi tantum scelus, aut quod in me tantum facinus admisi, judices, quum illa indicia communis exitii indagavi⁷, patefecerim, protuli, exstinxi? omnes in me meosque redundant ex fonte illo dolores. Quid me reducem⁸ esse voluistis? an ut, insperante me, expellerentur, per quos essem restitutus? Nolite, obsecro vos, pati mihi acerbiorum redditum esse, quam fuerit ille ipse discessus. Nam qui possum putare me restitutum esse, si distrahor⁹ ab iis, per quos restitutus sum?

XXXVIII. Utinam dii immortales¹ fecissent (pace tua, patria, dixerim; metuo enim, ne scelerate dicam

conclusionem orationum liberorum mentionem facit, eosque orantes inducit; quæ quum facere pro Milone non posset talia aspernante, suos ipse liberos domumque producit.

6. *Acquierunt*. Qui summam quietem Clodii morte sunt assequuti. — *Quo deprecante? me*. Vis est summa in verbo hoc uno, quo tota Ciceronis vita, quo quantus est ipse continetur. Jam ipse se innotat Cicero, quasi Milonis causæ noverit, quasi per Milonis damnationem ipsum dampnare cogitent judices.

7. *Indagavi*. In memoriam revocat Catilinæ conjurationem se consule oppressam, ut inde Milonem invidiam esse demonstraret. Nam ob oppressam conjurationem a Clodio fuit in exilium missus Cicero, quem, quum revocari curavit Milo, infestissimus fuit

Clodio, quocum manus sæpe conseruit, et propter quem nunc reus ante judices astitit. Nisi ergo Cicero Catilinam oppressisset, nisi a Milone in reditu esset adjutus, non reus hodie Milo in judicio staret.

8. *Quid me reducem*. Non tanti erat me in patriam ex omnium consensu revocari, si ad id unum venisse videor, ut amicos summis malis afflictos aspiciam, si acerbiori conditione est reditus quam discessus. Discedebam enim a malis expulsus, a bonis desideratus; nunc ab illis ipsis expulsus amicos meos et servatores video, quos innotare non libet, quum populi romani consilium sint, et reipublicæ nomine agant.

9. Græv. e MSS, *distrabar*. — H. e. *divellor*.

XXXVIII. 1. *Utinam dii immorta-*

in te, quod pro Milone dicam pie); utinam P. Clodius non modo viveret, sed etiam prætor, consul, dictator esset potius, quam hoc spectaculum viderem! O dii immortales! fortem, et a vobis, iudices, conservandum virum! Minime, minime, inquit. Immo vero poenas ille debitas luerit: nos subeamus, si ita necesse est, non debitas. Hicne vir patriæ natus, usquam, nisi in patria, morietur? aut, si² forte pro patria, hujus vos animi monumenta retinebitis, corporis in Italia nullum sepulcrum esse³ patiemini? Hunc sua quisquam sententia ex hac urbe expellet, quem omnes urbes expulsum a vobis ad se vocabunt? O terram illam beatam, quæ hunc virum exceperit; hanc ingratam, si ejecerit; miseram, si amiserit! Sed finis sit⁴: neque enim præ lacrymis⁵ jam loqui pos-

les. Hic, quasi dolore victus, votum quoddam concipit, sibi ipsi infestissimum; sed Milo vocem præcludit, qui ne hoc quidem pretio sibi dignitatem ac fortunas restitui patiatur.

2. *Si forte pro patria.* Hæc, si... patria, Schütz. post Heumanitum ut asperia delet. Miror. J. V. L.

3. *Sepulcrum esse patiemini.* Dum Milonis fama ad immortalitatis gloriam consecrabitur, corpusne sepulcro carebit hac in patria, quam virtute sua toties est tutatus. Non jam, ut in Italia vivat, sed ut in Italia sepeliatur Milo petit orator. Quod iudicum animos eo acrius permovet, quo minus creditur longe a patria sepeliri.

4. *Sed finis sit.* Nihil addi poterat, quo jam flecterentur audientium animi; quos sane si priora non permoverant, nihil unquam permoturum erat. Concludit itaque orator, sed tantum ob id quod Milo, nec se, nec aliquem alium in hac causa sua lacrymas effundere pateretur.

V. Cic. pars secunda.

5. *Pro lacrymis.* De hac lacrymatione, æpius apud Ciceronem et alios in perorandis causis recurrente, nonnulla acute disserit Nostræ LAMARPE, *Cours de Littérature*, lib. III, c. 2, sect. 3, ubi de hac ipsa Ciceronis oratione loquitur. Quippe si iustitia et iudicantium manus recte æstimarentur, nunquam profecto omnium gentium, omnium temporum eloquentia patronos cum reis ad iudicum pedes prostravisset, in hoc summo opere versata ut precibus mansuetam severitatem clementia pervinceret. Contumeliosum enim quiddam et injurium facis, qui iudices iustitiam rogaveris; qui pro æquitate misericordiam, pro ratione fletus, pro nunquam movendo legum interprete, hominem ad omnes auras mobilem appellare videaris, utpote non innocenti, sed miserabiliter querenti faventem. Quæ quidem si Stoice intuearis, certe a recto declinant. Quam vero imperfectum nescio quid humanitas semper etiam optimis

sum; et hic se lacrymis defendi vetat. Vos oro, obtestorque, iudices, ut, in sententiis ferendis, quod sentietis, id audeatis. Vestram virtutem, justitiam, fidem, mihi credite, is maxime probabit⁶, qui in iudicibus legendis optimum, et sapientissimum, et fortissimum quemque legit⁷.

rebus misceatur, orator sermonem non modo legi applicandum, sed ad intimos quoque audientium sensus accommodandum expertus est. Quem enim humani ingenii scientem fallit, hoc imprimis a natura nobis insitum, ut malimus ea, quæ jure exigi possint, tanquam impetrata concedere? Quis nescit hominem, si argumentis cedendum sit, vi quadam compressam, si misericordiæ, voluptate invitatum videri? Sic est: plures reperias qui precibus moveantur; paucos, paucos adeo qui tenaces justitiæ in proposito perstant; quippe quia difficilius omnes cordi, quam iudicio repugnant. Quum autem utrumque causæ auxiliari potest, quid oratori magis entendum, quam ut utrumque faciat in clientis salutem conspirare?

6. *Is maxime probabit.* Pompeium significat, qui quum sapientissimos illos iudices ex omnibus ordinibus selegit, probaturus sit eorum sententias. Tentat amovere suspicionem odii, quo in Milonem Pompeius ferebatur.

7. *Qui in iud. legendis optimum...*
 9. *legit.* Omnino causa dejectus est Milo. Non tantum apud eos iudices, verum non magno intervallo ter damnatus est. Addicta sunt creditoribus ejus bona; et multum abfuit, quin solvendo æri alieno satisfacerent. Milo enim, ut refert Plin. XXVI, 15, sestertium septingenties æris alieni debuit (14,350,000 f.) Saneius postridie, quamquam multo peior quam Milonis esset illius causa, quum ipse Clodium interfecisset, defendente Cicerone, una tantum sententia fuit absolutus. Sextus Clodius, partium adversarum fautor, in exilium ejectus est, quod curiam incenderat. Patet ex secunda Philippica, eum, mortuo Cæsare, ab Antonio fuisse revocatum. Tribuni autem Pompeius Rufus et Munatius Plancus Bursa absoluto magistratu, alter a collega Cælio, alter a Cicerone, accusati et damnati sunt; quamvis Munatium Pompeius ipse defenderet. Conf. Ciceronem ad Diversa. lib. VII, epist. 2.

M. TULLII CICERONIS
ORATIO
PRO M. MARCELLO

ARGUMENTUM.

M. Claudium Marcellum M. F. plebei generis (vid. ad orat. de Harusp. respens, cap. 6), sed multis senatoriis imaginibus nobilitati, inter plerosque constat, vim omnem consulatus sui, quem ann. Urb. 703 (ann. Chr. 51), ex optimatum sententia magnifice gessit, in oppugnanda Caesaris dignitate et ambitione consumpisse. Hic tum in Gallia octave jam anna ex triumphorum opportunitate materiam quærens reipubl. evertendæ, nihil amittebat, quo in urbe defensores absentis suæ et majoris victoris adjuutores pararet; obligavitque sibi ita quam plurimos. Sed Marcellus, nulla corruptus pretio, palam animoseque æse opposuit illis, ac referendo dicendoque in senatu imprimis hæc egit: ut Caesari, prorogationem provinciarum petenti, succederetur ante exactum alterum quinquennium; ut absentia ratio nulla haberetur consularibus comitiis; ut coloniis, quos Caesar Novum-comum nuper majori jure, quam Pompeianis placeret, deduxisset, illud jus adimeretur: quibus in actionibus ideo collegam, Ser. Sulpicium, clarissimum juris consultum, virum æquorem et pacis studiosiorem, habuit adversarium. Itaque Marcellus, quum ad arma iret civitas, partes Pompeii sequutus est, sic tamen, ut non multum interesset rebus gerendis. Neque enim consilium belli, nec ducis propositam rationem, nec copias Pompeianas, nec genus exercitus probabat, et in sera quadam providentia, sicut plerique ejusdem partis, omnem ponebat aspien-
tiam. Et recte vidisse eos, qui exitus esset futurus, fortuna prælii Pharsalici docuit ann. Urb. 706.

Jam victa et debilitata pars etiam magis, quam antea, dissidere cepit consiliis: alii, novis copiis in Africa contractis, bellum renovare; alii, quorum in numero fuit Cicero, fidei et clementiæ victoris se committere. Marcellus autem dignitatem suam tueri se non posse ratus, si penitentiam fateretur, in Italiam redire noluit, sed Mitylenas migravit, urbem Lesbii ornatissimam, liberam, ab armis remotam, doctorum græcorum celebritate florentem, et oblitusque suorum, obliviscendus et

illis », statuit ibi dolorem a republ. captum liberali otio et intentionibus studiis consolari. Nam diu ante bellum haud infimus ipsi locus concedebatur Romæ in oratoria arte, quam in illa litterarum luce nemo exercere potuit sine elegantia doctrinæ.

Fuit huic Marcello patruus, C. Marcellus, Ciceronis in auguratu collega; tum frater patruelis, hujus filius, eodem prænominе, Marci in consulatu successor, quem eadem in Cæsarem tentavisse legimus: sed is, exorto bello, timidius in Italia manens, medium se gessit. Cio ad Div. XV, 7, seqq. ad Att. X, 13 et 15; Suet. c. 29; Appian. c. 26, seq. Alius C. Marcellus nostro fuit frater germanus, quo consule ann. Urb. 705 exarsit bellum, in quo una cum Lentulo collega fortunam Pompeii ad exitum usque vitæ sequutus, periit. Hirt. B. G. VIII, 50; Cic. ad Att. IX, 6; Appian. II, 33, 37. De reliquis propinquis, quos numero plures fuisse vix dubium est, silent scriptores, nec quisquam illorum nominatim memoratur in epistolis, unde tamen ex verbis quibusdam suspicio oritur, eos M. Marcelli parum studiosos, nec de ejus reditu sollicitos fuisse. Frater patruelis vero et multi amici ac familiares, in iisque Cicero imprimis, omni modo laborabant, ut contumaciam viri frangerent, primo spem impetrabilis veniæ a Cæsare ostendentes, mox, postquam senatusconsulto impetrata erat, amicum ad maturandum reditum exhortantes.

Nam, quum Cæsar exeunte maio, ann. Urb. 708, ex bello Africano revertisset, paucis illis mensibus, quos ante, quam in Hispaniam proficisceretur, in urbe transegit, ad mentionem Marcelli, a Pisone in senatu factam, suppliciter deprecante patrule et universo senatu, repente decretum est de ejus in pristinum locum restitutione. Cæsar enim, non immemor quidem veteris inimicitiae, et consulatu Marcelli comparatione Ser. Sulpicii acriter notato, tamen publicis desideriis cedendum duxit, simul singulos, quasi de re dubia, sententias rogavit; sive ut senatui antiquæ libertatis simulacrum præberet, seu quod Marcellum putabat hoc beneficio libentius usurum, si a republ. potius quam a dictatore datum esset, seu quo certius, quid nonnulli sentirent, intelligere posset. Igitur sententiam dixerunt senatores, et grates una Cæsari persolverunt; inter quos maxime cernit Cicero. Sed jucundius erit, rem totam ipsius verbis

ex epistola ad Sulpicium cognoscere, ad Div. IV, 4; fere med. « Atque hoc ipso melior est tua, quam nostra conditio. Uno te vicimus, quod de Marcelli, collegæ tui, salute paullo ante, quam tu, cognovimus: etiam mehercule, quod, quemadmodum ea res ageretur, vidimus. Nam sic fac existimes: post has miserias, i. e. postquam armis disceptari cœptum est de jure publico, nihil esse actum aliud cum dignitate. Nam et ipse Cæsar, accusata acerbitate Marcelli (sic enim appellabat), laudataque honorificentissime et æquitate tua et prudentia, repente præter spem dixit, se senatui roganti de Marcello ne hominis quidem causa negaturum. Fecerat autem hoc senatus, ut, quum a L. Pisone mentio esset facta de Marcello, et quum C. Marcellus se ad Cæsaris pedes abjecisset, cunctus consurgeret, et ad Cæsarem supplex accederet. Noli quærere: ita mihi pulcher hic dies visus est, ut speciem aliquam viderer videre quasi reviviscentis reipublicæ. Itaque quum omnes ante me rogati Cæsari gratias egissent præter Volcatium: is enim, si eo loco esset, negavit se facturum fuisse: ego rogatus; mutavi meum consilium. Nam statueram, non mehercule inertia, sed desiderio pristinæ dignitatis, in perpetuum tacere. Fregit hoc meum consilium et Cæsaris magnitudo animi, et senatus officium. Itaque pluribus verbis egi Cæsari gratias; meque, metuo, ne etiam in ceteris rebus honesto otio privarim, quod erat unum solatium in malis ».

Accepto hoc nuntio, et novis cohortationibus amicorum, reditum cogitare cœpit Marcellus; sed, velut tarditate delectatus, iter in annum 709 distulit. In eo itinere quum mense maio in Piræeum devectus esset, ab uno comitum suorum, Magio Cilone, obscuram ob causam noctu interfectus est, et ab Sulpicio illo, qui tum proconsul Achaïæ forte Athenas venerat, in loco Academiæ humatus. Qua de re hujus literæ exstant accurate scriptæ ad Cic. ad Div. IV, 12; cf. Liv. Epit. CXV, et Valer. Max. IX, 11, 4. Percussorem homini immissum a Cæsare, ut vulgus pessima quæque cupidissime credit, recenti re haud dubie fuerunt multi, qui suspicabantur. At talem suspicionem diluit olim M. Brutus, et, qui id refert, ipse Cicero ad Att. XIII, 10; ac, ne quis eam hodie renovandam putet, vetant leges historiæ et mores Cæsaris. WOLF.

Ea est oratio quam in maxima semper admiratione versatam, ac summis omnium temporum laudibus celebratam, transverso calamo notat jaculator ille audax, Wolfius scilicet, « inanem appellans rerum; verbis, formulis, constructionibus sæpe vix latinam; in tota compositione ineptam, stultam, ridiculam, denique fatuo principe, Claudio, quam Cicerone digniorem ». Nos autem non hominem sequemur professoria lingua et decretorio iudicio fretum, et quadruplici, ut sibi videtur, de orationibus post reditum triumpho ferocem: credemus, non conjecturis aliquot, et audaciori arrogantia, labefactari posse Veterum fide ac Recentiorum admiratione subnixum opus, et, ut Galliæ in verba unius magistri jurare non usitatum est, magnificum illud grati animi et eloquentissimi impetus monumentum ideo non mirari cessabimus, quod aliter subtili cuidam commentatori visum fuerit, neque recentiori de Veterum scriptis detrahenti et verba omnia ad atrocis censurae pondus exigenti, magis credemus quam nostræ ipsorum admirationi, et summorum virorum iudicio, qui orationem hanc imitatione consecrarunt. Ceterum qui plura velit, et quæ ad quatuor post Redd. orationes præmonuimus repetat, consulat etiam Olai Wormii opus Hauniæ 1803, et Weiskii Lipsiæ 1805, aut potius iudicem ipse se sistat, orationem ipsam legat, quæ si ipsi non omnino Ciceronem sapere, et commissos adhuc calores retinere videbitur, nescio an ulla jam romano oratori sit adscribenda.

M. T. CICERONIS ORATIONES.

ORATIO PRO M. MARCELLO.

ORATIO QUADRAGESIMA.

I. **DIUTURNI** silentii¹, patres conscripti, quo eram his temporibus usus, non timore aliquo, sed partim dolore, partim verecundia, finem hodiernus dies attulit; idemque initium, quæ vellem, quæque sentirem², meo pristino more dicendi. Tantam enim mansuetudinem, tam inusitatam inauditamque clementiam, tantum in summa potestate rerum omnium modum³, tam denique incredibilem sapientiam⁴ ac pæne divinam tacitus nullo modo præterire possum⁵.

1. 1. *Diuturni silentii.* Exponit Cicero quibus adductis causis siluerit hactenus, et nunc in præsentī contra consuetudinem suam eloquatur. Non autem timore Cæsaris, cujus, ut vitaret offensionem, videri possit tamdiu tacuisse, sed dolore ob exilium Marcelli, amissorumque amicorum desiderio, præpeditum se declarat et verecundiæ sensu, quod optime nostrati lingua explicemus: *le sentiment des convenances.* Præoccupat itaque statim

ab initio audientium, ac præcipue Cæsaris animum.

2. *Quæque sentirem.* Quum jam reip. libertas restitui et reflouescere videatur.

3. *Modum.* Moderationem eo mirabiliorem, quo imperfi et modestie rarius contubernium.

4. *Sapientiam.* Quod iræ moderabatur, senatus desiderio cedebat, multitudinis indulgebatur voluntati.

5. *Possum.* Ponit causas orator, cur

M. enim Marcello vobis, patres conscripti, reique publicæ reddito, non solum illius, sed meam etiam vocem et auctoritatem, et vobis, et reipublicæ conservatam ac restitutam puto⁶. Dolebam enim, patres conscripti, et vehementer angebar, quum viderem, virum talem, qui in eadem causa, in qua ego, fuisset, non in eadem esse fortuna: nec mihi persuadere⁷ poteram, nec fas esse ducebam, versari me in nostro veteri curriculo, illo æmulo atque imitatore⁸ studiorum ac laborum meorum, quasi quodam socio a me⁹, et comite distracto. Ergo et mihi meæ pristinae vitæ consuetudinem, C. Cæsar, interclusam aperuisti, et his omnibus ad bene de omni republica sperandum quasi signum aliquod sustulisti¹⁰.

Intellectum est enim¹¹ mihi quidem in multis, et maxime in me ipso, sed paullo ante omnibus, quum M. Marcellum senatui populoque romano concessisti, commemoratis præsertim offensionibus¹², te aucto-

sibi hodie dicendum sit. Primam quidem, quia taceri virtus Cæsaris non debeat; secundam, quod restituto Marcello, et ipse quodammodo restitutus sit, et vere sibi redditus; tertiam, restituto Marcello, universo senatui ad bene sperandum de republica, quoddam quasi signum sublatum est.

6. *Restitutam puto*. Quo melius gratum animum erga Cæsarem significet, suam cum Marcello communicat sortem, ita ut, eo restituto, ipse etiam restitui videatur. Est in verbo hoc *puto* dubium aliquid, quod non cepit aut dissimulavit Wolfius.

7. *Mihi persuadere*. Nec mihi in animum inducere poteram.

8. *Imitatore*. Qui eandem sequebatur viam. Displicet hoc Wolfio de consulari viro dictum, quamvis natæ minori. Qui non ita iudicasset, si

epistolas ad diversos legisset. — Idem multo apertius epist. M. Marcello, VII, 15: « Nam quum te a pueritia tua unice dilexerim... maxima læticia afficior, quum ab hominibus prudentissimis, virisque optimis, omnibus dictis, factis, studiis, institutis, vel me tui similem esse audio, vel te mei ».

9. *Socio a me*. Lambinus putat legendum: « quasi quodam socio et comite a me distracto ».

10. *Signum aliquod sustulisti*. Ex more militari sumpta metaphora, quam sequutus est Virgilius *Æneid.* lib. VIII, vs. 1.

11. *Intellectum est enim*. Probat nunc quod modo posuerat, Cæsarem, restituto Marcello, spem magnam concitavisse.

12. *Commemoratis præsertim of-*

ritatem hujus ordinis dignitatemque reipublicæ tuis vel doloribus, vel suspicionibus anteferre. Ille quidem fructum omnis vitæ ante actæ hodierno die maximum cepit, quum summo consensu senatus, tum præterea judicio tuo gravissimo et maximo : ex quo profecto intelligis, quanta in dato beneficio sit laus, quum in accepto tanta sit gloria¹³. Est vero fortunatus ille, cujus ex salute non minor pæne ad omnes, quam ad illum ventura sit, lætitia pervenerit. Quod ei quidem merito atque optimo jure contigit. Quis enim est illo aut nobilitate, aut probitate, aut optimarum artium studio, aut innocentia, aut ullo genere laudis præstantior?

II. Nullius¹ tantum est flumen ingenii, nullius² dicendi aut scribendi tanta vis, tanta copia, quæ, non dicam exornare, sed enarrare, C. Cæsar, res tuas gestas possit. Tamen affirmo, et hoc pace dicam tua³, nullam in his esse laudem ampliorem ea, quam hodierno die consequutus es. Soleo sæpe ante oculos ponere, idque libenter crebris usurpare sermonibus,

fensionibus. Quia Cæsaris imperium ante tempus abrogare conatus erat Marcellus, et civem Novocomensem virgis cæsum ad Cæsarem in contumeliam remiserat, ut illi inustas plagarum vibices ostenderet. In Victoria nis additur *etiam* ante *offensionibus*; quod quum Lambinus, Gothofredus, Gruterus omitant, veretur Gronov. ne vitio typorum omissio illa acciderit. Addi volebat Patricius *ejus*, Ern. *tuis*. Nec in Erfurtensi, nec in Pitl. legitur.

13. *Quum in accepto tanta sit gloria.* Si gloriosum Marcello est hoc accepisse beneficium quum a senatu qui intercessit, tum a te, qui restituisti,

quanto magis gloriosum tibi est dedisse.

II. 1. *Nullius.* Hactenus fuit exordium; sequitur nunc propositio: clementiæ laus.

2. Habent optimi codd. *nulli*; Waldarf. *nulla*, quod multi servare. J. V. L.

3. *Et hoc pace dicam tua.* Militares viri præcipuam gloriam in rebus bello gestis ponere, earumque commemoratione delectari cumprimis solent: itaque ne Cæsarem offenderet orator, si admiratione inusitatæ clementiæ bellicis ejus laudibus detrachere videretur, eas mirifice hic extollit, amplissimeque prædicat, quo facilius postea clementiæ laudem extollere possit.

omnes nostrorum imperatorum, omnes exterarum gentium, potentissimorumque populorum, omnes clarissimorum regum res gestas cum tuis neq̃ contentionum magnitudine⁴, nec numero praeliorum, nec varietate regionum, nec celeritate conficiendi, nec dissimilitudine bellorum posse conferri; nec vero disjunctissimas terras⁵ citius cujusquam passibus potuisse peragrari, quam tuis, non dicam cursibus, sed victoriis lustratæ sunt⁶,

Quæ quidem ego nisi tam magna esse fatear, ut ea vix cujusquam mens, aut cogitatio capere possit, amens sim: sed tamen sunt alia majora. Nam bellicas laudes solent quidam extenuare verbis, easque detrahare ducibus, communicare cum multis, ne propriæ sint imperatorum. Et certè in armis⁷ militum virtus, locorum opportunitas, auxilia sociorum, classes⁸, commeatus, multum juvant. Maximam vero

4. *Nec contentionum magnitudine.* Cæsar adversus bellicosissimas gentes, scilicet Gallos, Germanos, Britannos, Hispanos, etc. pugnaverat. Plinius, *Histor. Nat.* VII, 25: « Cæsar signis collatis quinquagies dimicavit, solus M. Marcellum transgressens, qui undequadrages dimicaverat: nam præter civiles victorias, undecies centum et sexaginta duo millia hominum occisas præliis ab eo non equidem in gloria posuerim, tantam etiam humani generis injuriam, etc. »

5. *Disjunctissimas terras.* Non absurdum fuerit hic conferre alterum Ciceronis locum, in quo, dum olim pro lege Manilia victorias ac triumphos enumerat, « Sæpius, inquit, cum hoste conflixit, quam quinquam cum inimico certavit; plura bella gessit, quam ceteri legerunt; plures provincias confecit, quam alii concupive-

runt ». Verum et hic multo latior ac magnificientior amplificandi ratio, quam non satis nec immerito rhatores admirari potuerunt, inter quos Rollinum recitare sufficiat; quem adi in suo de studiis Tractatu. Unus exstat Germanus cui aliter videatur.

6. *Victoriis lustratæ sunt.* Celeriter obitæ et aspectæ. Hic saltem æquum ostendit Wolfius, nec inepte compositam periodum fatetur. Non poterat elatior præmitti occupatio, ita ut eodem impetu Cæsaris facta celebrari videantur, quo erant acta.

7. *Et certè in armis.* Jam quasi fidentius animi sui sensum exprimit, assertque rationes cur bellicas laudes haudquaquam imperatorum propriæ esse videantur.

8. *Classes.* Quibus hostes persequuntur sit; quæ multum in bello civili Cæsari profuerunt.

partem quasi suo jure fortuna sibi vindicat⁹; et quidquid est prospere gestum, id pæne omne ducit suum.

At vero hujus gloriæ, C. Cæsar, quam es paullo ante adeptus, socium habes neminem. Totum hoc, quantumcumque est, quod certe maximum est, totum est, inquam, tuum. Nihil sibi ex ista laude centurio, nihil præfectus, nihil cohors, nihil turma decerpit. Quin etiam illa ipsa rerum humanarum domina, fortuna, in istius se societatem gloriæ non offert; tibi cedit; tuam esse totam et propriam fatetur. Numquam enim temeritas cum sapientia commiscetur, nec ad consilium casus admittitur¹⁰.

III. Domuisti gentes¹ immanitate barbaras, mul-

9. *Fortuna sibi vindicat.* Sic Cæsar ipse, Bell. Gall. V, 30: «Multum quum in omnibus rebus, tum in re militatæ potest fortuna». Confer ejusdem Bell. Civ. III, 68. Sapienter tamen movet Vegetius prelogo lib. III: «Qui omnibus optat eventus, dilinet arte, non casu».

10. *Ad consilium casus admittitur.* Consilio aliquo in re militari capto potest casus intervenire; in re autem civili jam nullus est, jam non ad prudentia consilia admitti potest.

III. 1. *Domuisti gentes.* «Non debent, ait Wolfius, hæc verba sine pluma transmitti, utpote prorsus ad Ciceronis similitudinem delecta et composita. Quare etiam ab aliis sunt sæpe laudata, et a Ruhnkemio comparata ad similem locum Velleii de victoriis Tiberii et Drusi Nervæ, II, 95». Itaque censor evatorem, quod ad hunc locum attinet, hactenus ex eloquentie campo expellere et in dialecticorum spatia includere conatur, quasi non ita difficile sit ani-

num vincere, quam quæstionem gravissimam, et multis voluminibus explicandam, nos philosophis relinquamus. Sin autem ea colligamus, quæ nobis orator ob oculos mira brevitate ponit, Cæsarem cogitatione Marcelli injuriarum commotum, eundemque victoria et summa potentia subnixum et elatum, qui tamen adversarium non modo ab exilio revocat, sed etiam pristinam amplificat dignitatem, an medioeri ille non oratoris, sed dialectici laude ornandus videbitur? Quotus quisque vel summorum illius ætatis virorum etiam imitari potuisset? quotus quisque in summa potentia, viciosa abstinuisset, quam ipse Cic. in Offic. I, 7, jure ac natura concessam profitetur. Certe vir ille Cæsar, qui clementiam ad poenitentiam usque exercebat, jam major et augustior est, quam ut cum viris conferatur; jam diis simillimus est, «ad quos homines nulla re propius accedere possunt, quam salutem hominibus dando». Læger. cap. 12.

titudine innumerabiles², locis infinitas³, omni copia-
rum genere abundantes : sed tamen ea vicisti, quæ
et naturam, et conditionem, ut vinci possent, habe-
bant. Nulla est enim tanta vis, quæ non ferro ac vi-
ribus debilitari frangique possit. Animum vincere,
iracundiam cohibere, victoriam temperare⁴, adversa-
rium nobilitate, ingenio, virtute præstantem, non
modo extollere jacentem, sed etiam amplificare ejus
pristinam dignitatem⁵ : hæc qui faciat⁶, non ego
eum cum summis viris comparo, sed simillimum deo
judico.

Itaque, C. Cæsar⁷, bellicæ tuæ laudes celebrabun-
tur illæ quidem non solum nostris, sed pæne omnium
gentium literis atque linguis; nec ulla⁸ umquam
ætas de tuis laudibus conticescet. Sed tamen ejusmodi
res, nescio quomodo, etiam quum leguntur, ob-
strepi clamore militum⁹ videntur, et tubarum sono.

2. *Multitudine innumerabiles.* Adeo, ut in solis Galliis quadringentos populos domnerit, et undecies centena et sexaginta duo millia ceciderit hominum.

3. *Locis infinitas.* Scil. Britanniam, inde et Africam, Hispaniam et Pontum, etc. quæ quidem provinciæ fere toto orbe dividi videbantur.

4. *Victoriam temperare.* Illam regere, ut dicitur temperatus homo. Cujus exempla congegit Wormius Cic. Orat. 52, etc. Malit Wolfius *victoriæ*.

5. *Pristinam dignitatem.* Apparet Cæsarem munus aliquod Marcello destinasse, quod exsequi non potuit, quippe morte ejus præventus. Vide ad Div. IV, 12; VI, 6.

6. *Hæc qui faciat.* Græv. ex Erf. reposuit hæc qui facit.

7. *Itaque, C. Cæsar.* Sequitur

nunc conclusio duorum argumentorum, quæ persequutus hactenus est; quam egregie ornat atque amplificat repetita concessione de bellicis laudibus, quas et Romani, et omnes aliæ gentes externæ omni tempore celebrantur quidem sint summa gloria, sed non tanta voluptate ac lætitia animorum æque, ut illas legent et audient, quas clementia et moderatione animi consequutus est.

8. *Nec ulla umquam.* Coloniensis, *usquam*, quod omnino recipiendum putat Modius.

9. *Clamore militum.* Hunc omnino locum expressisse credideris Horat. in ode ad Pollionem, II, 1, « jam nunc minaci murmure cornuum perstringis aures, etc. » Significat orator, quamvis oblique, inesse in bellicarum rerum narratione triste quoddam ac foedum, quod bella semper comitetur,

At vero quum aliquid clementer, mansuete, juste, moderate, sapienter factum, in iracundia præsertim, quæ est inimica consilio, et in victoria, quæ natura insolens et superba est, aut audimus, aut legimus: quo studio incendimur, non modo in gestis rebus, sed etiam in fictis, ut eos sæpe, quos numquam vidimus, diligamus?

Te vero, quem præsentem intuemur, cujus mentem sensusque eos¹⁰ cernimus, ut, quidquid belli fortuna reliquum reipublicæ fecerit, id esse salvum velis, quibus laudibus efferemus? quibus studiis prosequemur? qua benivolentia complectemur? Parietes, medius fidius¹¹, ut mihi videtur¹², hujus curiæ, tibi gratias agere gestiunt, quod brevi tempore futura sit illa auctoritas¹³ in his majorum suorum et suis sedibus.

ita ut vera et sincera voluptas sensibus illabi non possit.

10. *Vulg. et os*; sed eleganter correxit Faernus.

11. *Parietes, medius fidius.* Non poterat audaciori ac veriori figura oratoris exprimi animus, qui vivo omnia secum trahentis eloquentiæ impetu abreptus, in suorum affectuum partem omnia advocat; muta ipsa et inanima spirare et vivere quodammodo jubet; et ad illam sublimitatem assurgit, poetis ac oratoribus concessam, quotiescumque æstuantis ingenii vis ac calor solitos fines prætergreditur. Eisdem afficiebatur sensibus Racinus, non sordidus ille naturæ verique iudex, quum Phædrum exclamantem induceret: « Il me semble déjà que ces murs, que ces voûtes, Vont prendre la parole, et prêts à m'accuser, Attendent mon époux pour le désabuser ». Hæc, si velit, carpat

Wolfius, dum omni vacuus animi motu, omnia verba diligenter perpendit et excutit. Liceret, ut ipsum omittamus Cic. pro Planc. 8; Sext. 53; Coel. 24, Platonem recitare, ipsa hac forma in Euthydemo, vol. III, Bipont. pag. 705, utentem, liceret præstantissimam feminam *Madame de Staël* appellare de Anglia loquentem; verum tristis est et ineptiarum labor contra pervicaces pugnare.

12. Al. addunt *C. Caesar*, quod Lallem. servavit. Alii, *videntur*.

13. *Auctoritas.* Alii intelligunt pristinam illam auctoritatem senatus, quæ pones victores adhuc versatur. Sed e sequentibus patet hæc ad Marcellum ipsum referri, nempe magnæ auctoritatis virum. B. Weisk. lacunam suspicatur, ac talia quædam intercidisse: « Agere gestiunt, quod maximam auctoritatem laudandæ sapientiæ tuæ desiderant. Vos, patres con-

IV. Equidem quum C. Marcelli, viri optimi, et commemorabili pietate¹ præditi, lacrymas modo vobiscum viderem, omnium Marcellorum meum pectus memoria obfudit². Quibus tu etiam mortuis, M. Marcello conservato³, dignitatem suam reddidisti, nobilissimamque familiam, jam ad paucos redactam, pæne ab interitu vindicasti. Hunc tu igitur diem tuis maximis et innumerabilibus gratulationibus⁴ jure antepones. Hæc enim res unius est propria C. Cæsaris: ceteræ duce te gestæ⁵, magnæ illæ quidem, sed tamen multo magnoque comitatu. Hujus autem rei tu idem et dux es, et comes; quæ quidem tanta est, ut tropæis monumentisque tuis allatura finem sit ætas (nihil est enim opere aut manu factum, quod aliquando non conficiat et consumat vetustas); at hæc tua justitia et lenitas animi florescet quotidie magis, ita ut, quantum⁶ operibus tuis diuturnitas detrahet, tantum afferat laudibus.

scripti, qui ante me rogati estis, fortasse propterea paucis idem egistis... De his quæ sentiat, lector dicat, ego vero eloqui timeo.

IV. 1. *Commemor. pietate.* De singulari C. Marcelli in fratrem Marcum amore, vide ad Div. IV, 7 et 9.

2. *Pectus memoria obfudit.* Mentem Marcellorum recordatio, quasi nebula quædam, circumstat et oppremit. Sic Padianus in argumento orationis pro Scauro: «Scaurus magnopere iudices movit, et squalore et lacrymis, et ædilitatis offusum memoria». Aliis placet *effudit*, quod non latinum est; aliis *effudit*, quod nihil est. Conf. Tacit. Ann. XI, 31: «Constat, eo pavore offusum Claudium», et Gronov. Obs. IV, 21.

3. *Conservato.* Quam jus civitatis

reddidisti, vitæ ac dignitati restituiti.

4. *Gratulationibus.* Factis quæ homines Cæsari sunt gratulati; felicissimis eventibus, de quibus gratulandum fuit imperatori, et propter quos decreta supplicia et triumphi.

5. *Duce te gestæ.* Grævius ex Ref. et Dresd. inseruit *sunt*, quod in aliis desideratur. Ernest. offenderat «magnæ illæ». Weisk. rescribendum censet «ceteræ magno illæ quidem duce te».

6. *Ita ut, quantum.* Anacoluthon videt Wolfius, quamvis periodi sententia rei conveniens sit, et optime comparantur peritura bellorum monumenta, victuræ autem in æternam elementis ac justitiæ laudes. — *Huius diuturnitas detrahet, tantum afferet laudibus.* Probat Græterus.

Et ceteros quidem omnes victores bellorum civilium jam ante æquitate et misericordia viceras : hodierno vero die te ipsum vicisti⁷. Vereor, ut hoc, quod dicam, perinde intelligi auditu possit, atque ipse cogitans sentio : ipsam victoriam vicisse videris, quum ea, quæ illa erat adepta, victis remisisti. Nam quum ipsius victoriæ conditione⁸ jure omnes victi occidissemus, clementiæ tuæ judicio conservati sumus. Recte igitur unus invictus es, a quo etiam ipsius victoriæ conditio visque devicta est.

V. Atque hoc C. Cæsaris judicium, patres conscripti, quam late pateat, attendite : omnes enim, qui ad illa arma fato¹ sumus nescio quo reipublicæ misero funestoque compulsi, etsi aliqua culpa tenemur erroris humani, a scelere certe liberati sumus. Nam quum M. Marcellum, deprecantibus vobis, reipublicæ Cæsar conservavit; memet mihi, et item² reipublicæ, nullo deprecante³; reliquos amplissimos viros et sibi ipsis, et patriæ reddidit, quorum et frequentiam, et dignitatem hoc ipso in consessu vide-

7. *Te ipsum vicisti.* Major te ipse apparuisti. Ignoverat multis, sed non ita infensis; hodie acerrimum adversarium cum magna illius dignitate restituit. — *Vereor ut.* Auctor postquam cumulum dictis suis addere vult, metuere se fingit ne verbis animi sensus exprimi non possint, et eandem Cæsaris clementiam insigni quadam ratione extollit, ut verbis ea accedat vis quam illis impressam cepit.

8. Weisk. interposuit *et*, scilicet ut temperaret duriorem sententiam.

V. 1. *Fato.* Civiles discordias non suis consiliis, sed fato plerumque tribuebant. Sic Horat. Epod. 7: «acerba fata Romanos agunt». Quia nimirum vel in fata, vel in dei vindictam bella

civilia referebant, quod tantum scelus in hominum mentem cadere non posse existimabant. Et sacri oratores *Bossuet* et *Fléchier* eandem cautionem adhibuere, quum eis de Turenii ac Condæi civilibus discordiis fuit disserendum.

2. *Item.* Ernest. e MS Erf. Grævio duce, *iterum*.

3. *Nullo deprecante.* Nempe decreto Marcelli reditu, Cæsar ostendebat se de Pompeianis melius sentire, et Cicero ac ceteri novum animum et certam dignitatem nacti videbantur, sibi et reip. erant redditi, quamvis nemo hoc die pro illis esset deprecatus, et Cæsar omnia ne sperantibus quidem condonasset.

tis : non ille hostes induxit in curiam ; sed iudicavit , a plerisque ignoratione potius , et falso atque inani metu , quam cupiditate aut crudelitate bellum esse susceptum .

Quo quidem in bello semper de pace audiendum ⁴ putavi , semperque dolui , non modo pacem , sed orationem etiam civium pacem efflagitantium ⁵ , repudiari . Neque enim ego illa , nec ulla umquam sequutus sum arma civilia ; semperque mea consilia pacis ⁶ et togæ socia , non belli . atque armorum fuerunt . Hominem sum sequutus privato officio , non publico ; tantumque apud me grati animi fidelis memoria valuit , ut nulla non modo cupiditate , sed ne spe quidem , prudens et sciens tamquam ad interitum ruerem ⁷ voluntarium . Quod quidem meum consilium minime obscurum fuit . Nam et in hoc ordine , integra re ⁸ , multa de pace dixi , et in ipso bello eadem etiam cum capitis mei periculo ⁹ sensi . Ex quo jam nemo erit tam injustus

4. *Al. agendum audiendumque.*

5. *Pacem efflagitantium.* Quinque codices , Erfurt. Dresd. utriusque Franc. et Egmont. *pacem flagitantium* , quod probant Patric. et Græv.

6. *Mea consilia pacis.* Ad Att. VII, 14 : « Equidem ad pacem hortari non desino , quæ vel injusta utilior est , quam justissimum bellum » . Ad Att. VII, 5 : « Pace opus est . Ex victoria quam multa mala , tum certe tyrannis existet » .

7. *Ad interitum ruer. voluntarium.* « Susceptum bellum est , quiescente me , depulsum ex Italia , manente me quoad potui ; sed valuit apud me plus pudor meus quam timor ; veritus sum deesse Pompei salutem , quam ille aliquando non defuisset meæ : itaque vel officio , vel fama honorum , vel pudore victus ,

ut in fabula Amphiaræus , sic ego prudens et sciens ad pestem ante oculos positam sum profectus » . Ad Div. VI, 6.

8. *Integra re.* Nondum conflato bello .

9. *Cum capitis mei periculo.* Ep. 7, lib. IX, ad Att. « Video tibi placere me παλίρρημα de pace suscipere : in quo non extimesco periculum . Quum enim tot impendeant , cur non honestissimo depacisci velim ? sed vereor ne Pompeio quid oneris imponam Mirandum enim in modum Cæsar noster Sullani regni similitudinem concupivit » . Plutarchus ait in Cicero , quum post pugnam Pharsalicam Cato suum ipsi exercitum offerret : « imperio rejecto Cicero , parum abfuit quin occideretur , Pompeio filio et

rerum existimator¹⁰, qui dubitet, quæ Cæsaris voluntas de bello fuerit, quum pacis auctores conservandos statim censuerit, ceteris fuerit iratior. Atque id minus mirum fortasse tum, quum esset incertus exitus, et anceps fortuna belli : qui vero victor pacis auctores diligit, is profecto declarat, se maluisse non dimicare, quam vincere.

VI. Atque hujus quidem rei M. Marcello sum testis. Nostri enim sensus, ut in pace semper, sic tum etiam in bello congruebant. Quoties ego eum, et quanto cum dolore vidi, quum insolentiam¹ certorum hominum, tum etiam ipsius victoriæ ferocitatem extimescentem? Quo gravior tua liberalitas, C. Cæsar, nobis, qui illa vidimus, debet esse. Non enim jam² causæ sunt inter se, sed victoriæ comparandæ³. Vidimus tuam victoriam præliorum exitu⁴ terminatam; gladium vagina vacuum in urbe non vidimus. Quos amissimus cives, eos Martis vis perculit, non ira victoriæ : ut dubitare debeat nemo, quin multos, si fieri posset, C. Cæsar ab inferis excitaret, quoniam ex eadem acie conservat, quos potest. Alterius vero partis, nihil amplius dicam, quam id, quod omnes verebamur,

amicis eum appellantibus proditorem, et gladios educantibus, nisi Cato ob-sistens vix eum eripuisse, et e castris transtulisset ».

10. *Existimator*. Al. *estimator*.

VI. 1. *Quum insolentiam*. Durum imperium ac terrores in bello. De hac certorum hominum insolentia, vide Plutarchum in Pomp. et Cæs. de Bell. Civ. III. — *Ferocitatem*. Proscriptiones, cædes post victoriam.

2. Male deletum jam a Grævio, monet Garat. ad Philipp. II, 37.

3. *Victoriæ comparandæ*. Non

opus est ut causas inter se conferamus, quarum utra melior esset, difficile erat judicare; sufficit utriusque partis in victoria ratio, quum alter dux omnibus pepercerit, alter in ipso bello crudelis victoriæ metam in-jecerit.

4. *Præliorum exitu*. Incertus panegyrista Constantini hunc locum præ-oculis videtur habuisse : « Constantinus victoriæ licentiam sine prælii terminavit; gladios ne in eorum quidem sanguine distringi passus est, quos ad supplicia Roma poscebat ».

nimis iracundam futuram fuisse victoriam. Quidam enim non modo armatis, sed interdum etiam otiosis minabantur⁵; nec, quid quisque sensisset, sed ubi fuisset, cogitandum esse dicebant : ut mihi quidem videantur dii immortales, etiamsi pœnas a populo romano ob aliquod delictum expetiverint⁶, qui civile bellum tantum et tam luctuosum excitaverint, vel placati jam, vel satiati⁷ aliquando, omnem spem salutis ad clementiam victoris et sapientiam contulisse.

Quare gaude tuo isto tam excellenti bono, et frui quum fortuna et gloria, tum etiam natura et moribus tuis; ex quo quidem maximus est fructus iucunditasque sapienti. Cetera⁸ quum tua recordabere, etsi persæpe virtuti, tamen plerumque felicitati tuæ congratulabere : de nobis, quos in republica tecum simul salvos esse voluisti, quoties cogitabis, toties de maximis tuis beneficiis, toties de incredibili liberalitate, toties de singulari sapientia tua cogitabis; quæ non modo summa bona, sed nimirum audebo vel sola dicere. Tantus est enim splendor in laude vera, tanta in magnitudine animi et consilii dignitas, ut hæc a virtute donata⁹, cetera a fortuna commodata

5. *Etiam otiosis minabantur.* Epist. 7 ad Att. lib. XI : « Me discessisse ab armis numquam pœnituit; tanta erat in illis crudelitas, tanta cum barbaris gentibus conjunctio, ut non nominatim, sed generatim proscriptio esset informata; ut jam omnium iudicio constitutum esset, omnium vestrum bona prædam esse illius victoriæ, etc. » Suetonius in Nerone, cap. 2, de Domitio : « Consultante Cn. Pompeio de mediis, ac neutram partem sequentibus, censuit hostium numero habendos ». In eandem sententiam

Plutarch. in ejus vita; Cæs. Bell. Civ. I, 33; Sueton. Cæs. 75.

6. Sic optimi MSS, et post, *excitaverint*. Lalleu. retinuit alteram lectionem, *expetiverunt*, *excitaverunt*. J. V. L.

7. Al. « etiam satiati ».

8. *Cetera*. Multas est B. Weiskius in laudando summo hujusce periodi artificio, et jure quidem, quum in animum sensim infinat, et verissima ac gravissima verborum lenitate quasi modesto vultu placeat.

9. *A virtute donata*. Quæ quasi

esse videantur. Noli igitur in conservandis bonis viris¹⁰ defatigari, non cupiditate præsertim, aut pravitae aliqua lapsis, sed opinione officii¹¹, stulta fortasse, certe non improba, et specie quadam reipublicæ. Non enim tua ulla culpa est, si te aliqui timuerunt : contraque summa laus, quod plerique minime timendum fuisse senserunt.

VII. Nunc vero venio¹ ad gravissimam querelam² et atrocissimam suspicionem tuam, quæ non tibi ipsi magis, quam quum omnibus civibus, tum maxime nobis, qui a te conservati sumus, providenda est. Quam etsi spero esse falsam, numquam tamen verbis extenuabo. Tua enim cautio nostra cautio³ est : ut, si in alterutro peccandum sit, malim videri nimis timidus, quam parum prudens. Sed quisnam est iste tam demens? De tuisne⁴? tametsi qui magis sunt⁵ tui,

jure mancipii possidemus, adeo ut nobis invitis eripi non possint.

10. *In conservandis bonis viris.* Erant enim non pauci, de quibus Cæsar nondum statuerat. Vide pro Ligar. 12, et Sueton. 75.

11. *Opinione officii.* Quod honestum arbitrabatur, et boni publici gratia.

VII. 1. *Nunc venio.* Orator jam alteram orationis partem, nec eam minimi momenti aggreditur. Cæsarem ita monet, ut vitæ suæ consulat, ut etiam quomodo illa sit utendum demonstret. Patriæ arbitro reparanda belli vulnera, restituenda judicia, revocanda fides, castiganda licentia, quæ undique invaluit. Non illi satis est infensos sibi viciasse; majus aliquid et nobilius opus superest, ut pacem et justam reipublicæ formam constituat, ut placidos et tranquillos dies tot victoriis imponat. In hanc

partem totus incumbit orator, hæc tota eloquentiæ vi agitat et persequitur. Quæ si quis attente perpenderit, is certe, *Laharpe* auctore, dicet : « Siccine loquitur adulator aut servus? Immo virum audiamus patriæ utilitatum studiosum, ut Cæsaris virtutibus, ita reipublicæ justas laudes tribuentem; qui dum tyranno potentiæ usum gratulatur, eundem admonet hanc esse legibus submittendam ».

2. *Querelam.* Querelarum causam, et suspicionis, quam provisurum, sive cui occurrurum spondet se orator.

3. *Nostra cautio est.* Offendebat Faernum repetitio ejusdem vocabuli *cautio*; habet autem emphasin et elegantiam iteratio hæc, quam orator ponit in orationis luminibus. Orat. 39; Partit. orat. 15, et Quintil. I, 9, 3.

4. *De tuisne?* Tibi suspicio est.

5. *Sunt tui.* Non est credibile insidiatorem exstiturum inter eos qui in

quam quibus tu salutem insperantibus reddidisti? An ex eo numero, qui una tecum fuerunt? Non est credibilis⁶ tantus in ullo furor, ut, quo duce omnia summa sit adeptus, hujus vitam non anteponat suæ. An, si tui nihil cogitant sceleris, cavendum est, ne quid inimici? Qui? omnes enim, qui fuerunt⁷, aut sua pertinacia vitam amiserunt, aut tua misericordia retinuerunt: ut aut nulli supersint de inimicis⁸, aut, qui superfuerunt⁹, sint amicissimi.

Sed tamen, quum in animis hominum tantæ latebræ sint¹⁰ et tanti recessus, augeamus sane suspicionem tuam; simul enim augebimus et¹¹ diligentiam. Nam quis est omnium tam ignarus rerum, tam rudis in republica, tam nihil umquam nec de sua, nec de communi salute cogitans, qui non intelligat, tua salute contineri suam, et ex unius tua vita pendere omnium? Equidem de te dies noctesque, ut debeo, cogitans, casus dumtaxat humanos, et incertos eventus valitudinis¹², et naturæ communis fragilitatem extimesco; doleoque, quum respublica immortalis esse debeat, eam in unius mortalis anima consistere. Si vero ad humanos casus, incertosque eventus valitudinis, sceleris etiam accedat insidiarumque consen-

bello partes tuas sunt sequenti; neque adeo ex iis quos olim insensos beneficiis obligavisti, ita ut nulli magis tibi sint obnoxii.

6. *Non est credibilis.* Ne Pompeianos in invidiam vocet, non tam de ipsis quam de Cæsarianis laborare videtur. Cæsari rationem indixit priores sibi devinciendi, scilicet beneficiis: sic ulcus Cæsaris leniter tractat, ejus suspicionem leniter refellens.

7. *Qui fuerunt.* Inimici.

8. *De inimicis.* Hæc duo verba subaudienda censet Patricius.

9. *Superfuerunt.* Lambinus, Ern. probante, *superunt.* J. V. L.

10. *Tantæ latebræ sint.* Prima ad Quintum fratrem epistola: «Uniuscujusque natura, frons, oculi, vultus, persæpe mentiuntur, oratio vero sæpissime».

11. *Et diligentiam.* Cautionem in vitandis periculis.

12. *Incertos eventus valitudinis.* Delenda censet Weisk. quasi glossatoris manu interposita. Qua ratione non video. Inferius enim iterata novam vim habent.

sio, quem deum¹³, si cupiat, opitulari posse reipublicæ credamus?

VIII. Omnia sunt excitanda tibi¹, C. Cæsar, uni, quæ jacere sentis, belli ipsius impetu, quod necesse fuit, perculsa atque prostrata: constituenda² judicia; revocanda fides³, comprimendæ libidines⁴, propaganda soboles⁵; omnia, quæ dilapsa jam defluerunt, severis legibus vincienda sunt. Non fuit recusandum in tanto civili bello, tantoque animorum ardore et armorum, quin quassata respublica, quicumque belli eventus fuisset, multa perderet et ornamenta dignitatis, et præsidia stabilitatis suæ; multaue uterque dux faceret armatus, quæ idem togatus fieri prohibuisset. Quæ quidem tibi⁶ nunc omnia belli vulnera

13. *Quem deum.* Impie loquuntur hoc in loco oratorem declarat Wolf. qui adest, si velit, ipsum Ciceronem in Manilianâ, Horatium, Virgilium; non ad unum hunc auctorem pertinere crimen hoc delicatus censor compertum habebit.

VIII. 1. *Omnia sunt excitanda tibi.* Quæ sint Cæsaris officia docet; et hæc est pars orationis præcipua.

2. *Constituenda judicia.* Nempe inter arma siluerant leges. Quomodo constituerit Cæsar judicia, vide Tranquillum in Julio, cap. 41, et Dion. lib. XLIII.

3. *Revocanda fides.* Cicero secundo Officiorum: « Nulla res vehementius rempublicam continet quam fides, quæ esse nulla potest, nisi erit necessaria solutio rerum creditarum ». Vide Sueton. cap. 42.

4. *Comprimendæ libidines.* Sallust. de republica ordinanda: « Neque quisquam te ad crudeles pœnas, aut acerba judicia invocat, quibus civitas vastatur magis, quam corrigitur, sed

ut pravas artes malasque libidines ab juventute prohibeas, etc. » Et sane Lucanus, Petronius et alii maximam bellorum civilium partem ad luxum et libidinem retulerunt.

5. *Propaganda soboles.* Diu multumque non Cæsari solum, sed etiam Augusto cum profligatis hominum moribus luctandum fuit, ut cives suos ad veras legitimasque nuptias, et propagationem sobolis educationemque liberorum inducerent. Vide Dionem lib. XLIII, et Tranquillum in Julio, c. 42, necnon in Octavio, cap. 34. Ex hoc propagandæ sobolis studio natum jus trium liberorum, quod quanta privilegia contineret, liquet e literis Plinii et Trajani ultro citroque missis, et ex eo quod post mortem Drusi, ut Dio narrat l. LV: « Livia autem in solatium et statuâ donata est, et in earum numerum relata est, quæ ter peperissent ».

6. *Quæ quidem tibi.* Lambini MSS, « quæ tibi quidem omnia belli vulnera sananda sunt ». *Sananda* est etiam in

curanda sunt, quibus præter te mederi nemo ⁷ potest.

Itaque illam tuam præclarissimam ⁸ et sapientissimam vocem invitatus audiui: « Satis diu ⁹ vel naturæ vixi, vel gloriæ ¹⁰ ». Satis, si ita vis, naturæ ¹¹ fortasse; addo etiam, si placet, gloriæ: at, quod maximum est, patriæ certe parum. Quare omitte, quæso, istam doctorum hominum in contemnenda morte prudentiam: noli nostro periculo sapiens esse ¹². Sæpe enim venit ad aures meas, te idem istud ¹³ nimis crebro dicere, satis te tibi vixisse. Credo: sed tum id audirem, si tibi soli viveres, aut si tibi etiam soli natus esses. Nunc, quum omnium salutem civium cunctamque rempublicam res tuæ gestæ complexæ sint, tantum abes a perfectione maximorum ¹⁴ operum, ut fundamenta, quæ cogitas, nondum jeceris. Hic tu modum tuæ vitæ, non salute reipublicæ, sed æquitate animi ¹⁵ definies?

Erfurt. Dresd. Franc. utroque et editionibus vetustioribus. Nescit Grævius cur posteriores editores neglexerint.

7. *Mederi nemo.* Sallustius ad Cæsarem de rep. ordinanda: « Namque aut tu mederi potes, aut omittenda est cura omnibus ». Quod Cato prius censuerat de Cn. Pompeio.

8. *Tuam præclarissimam.* Nobilissimam vocem.

9. Sic Græv. Lallem. al. Olim editum fuit, « Satis te diu vel naturæ vixisse, vel gloriæ ». J. V. L.

10. *Gloriæ.* Apparet ex hac oratoris digressionem admirabili, Cæsarem aliquando vel propter valitudinem minus prosperam, vel propter insidias undique imminentes, vitæ fuisse peritum, sicut Suetonius in ejusdem vitæ scriptum reliquit: « Alii ferunt dicere solitum, non tam sua quam reip. interesse, uti salvus esset; se jam

pridem potentiæ gloriæque abunde adeptum; remp. si quid sibi eveniret, neque quietam fore et aliquanto deteriori conditione civilia bella subitam, etc. » Cap. 86.

11. *Naturæ fortasse.* Ad quantum et quinquagesimum annum pervenerat.

12. *Sapiens esse.* Stoicorum more philosophari.

13. Weisk. edidit e conjectura, « te item istud ». Non eleganter. J. V. L.

14. Ed. Waldarf. *majorum.*

15. *Æquitate animi.* Intelligitur hoc loco ab oratore tranquillitas quædam et tenor animi ad omnem fortunæ eventum ita comparati, ut neque adversis se demittat, et obrui se patiatur, neque rebus secundis insolenscat; qualis fuit in Socrate, quem eodem semper vultu fuisse tradunt, quemcumque casum fors obtulisset. Nonnulli hoc in loco hæserunt.

Quid, si istud ne gloriæ quidem tuæ satis est, cujus te esse avidissimum, quamvis sis sapiens, non negabis? Parumne igitur, inquires, magnam gloriam¹⁶ relinquemus? Immo vero aliis, quamvis multis, satis; tibi uni parum. Quidquid enim est, quamvis amplum sit, id certe parum est tum, quum est aliquid amplius. Quod si rerum tuarum immortalium, C. Cæsar, hic exitus futurus fuit, ut, devictis adversariis, rempublicam in eo statu relinqueres, in quo nunc est: vide, quæso, ne tua divina virtus admirationis plus sit habitura, quam gloriæ; siquidem gloria est¹⁷ illustris ac pervagata multorum et magnorum, vel in suos, vel in patriam, vel in omne genus hominum, fama meritorum.

IX. Hæc igitur tibi reliqua pars est; hic restat actus¹; in hoc elaborandum est, ut rempublicam constituas, eaque tu in primis cum summa tranquillitate et otio perfruare: tum te, si voles, quum et patriæ, quod debes, solveris, et naturam ipsam expleveris satietate vivendi, satis diu vixisse dicito. Quid est enim omnino hoc ipsum diu, in quo est aliquod extremum; quod quum venerit, omnis voluptas præ-

16. *Parumne... magnam gloriam.* Occurrit tacitæ objectioni, ne quum Cæsarem gloriæ parum vixisse dicit, res ab eo gestas extenuare videatur, et mira prudentia ex eo ipso, quod non satis magnam gloriam Cæsar adhuc consequutus fuerit, ejus dignitatem et excellentiam mire exaggerat.

17. *Siquidem gloria est.* Mire locum hunc ad tollendam omnem offensionem claudit orator, nobili gloriæ definitione, non eam esse demonstrans quæ tantum ad res bellicas pertinet, et admirationem magis quam veram laudem habet, sed eam quæ grato homi-

num animo freta maximis meritis humanum genus complectitur. Quæ sane definitio non minus oratore digna est, quam summo philosopho et patriæ parente.

IX. 1. *Hic restat actus.* Sic ad Quintum fratrem, I, 1: « Illud te ad extremum et ore et hortor, ut, tamquam poetæ boni, et actores industrii solent, sic tu in extrema parte, et conclusionem muneris, ac negotii tui diligentissimus sis, ut hic tertius annus imperii tui, tamquam tertius actus, perfectissimus atque ornatissimus fuisse videatur ».

terita pro nihilo est, quia postea nulla futura sit? Quamquam iste tuus animus numquam his angustiis, quas natura nobis ad vivendum dedit, contentus fuit, semperque immortalitatis amore flagrav². Nec vero hæc tua vita ducenda³ est, quæ corpore et spiritu continetur. Illa, inquam, illa vita est tua⁴, quæ vi-gebit memoria sæculorum omnium, quam posteritas alet, quam ipsa æternitas semper tuebitur⁵. Huic tu inservias, huic te ostentes, oportet: quæ quidem, quæ miretur, jam pridem multa habet; nunc etiam, quæ laudet, exspectat⁶.

Obstupescant posteri certe imperia, provincias, Rhenum⁷, Oceanum, Nilum, pugnas innumerabiles, incredibiles victorias, monumenta, munera⁸, triumphos audientes et legentes tuos. Sed, nisi hæc urbs stabilita tuis consiliis et institutis erit, vagabitur modo

2. *Immortalitatis amore flagrav.* Cicero de more gloriæ sempiternam, virtute partam, cum sempiterna vita coniungit mortem sequutura: hanc e Socraticorum libris haustam doctrinam maxime in Tusculanis expressit, I, 30 sqq. Somn. Scipionis, 8, 9; pro Arch. II, 12; Planc. 37; Balb. 21; Phil. XIV, 12.

3. *Ducenda.* Recepit *dicenda* Wolf. videlicet ut censuram peragenti facilius sit. — *Continetur.* Vita humana consistit in corpore (seu corporis existentia, ut dicant) et spiritu (seu in non interrupto spiritus ducti et reddit motu), ut ea duret, donec integrum cum spiritu duret corpus.

4. Immo, Ernest. suadente, « Illa, illa, inquam, vita est tua ». Multi etiam addunt *Cæsar*. J. V. L.

5. *Tuebitur.* Male olim *intuebitur*.

6. *Exspectat.* Andax et sane consulari digna vox, et quæ objectam Ci-

ceroni adulationem refellat; etenim ad hanc diem quid gesserat Cæsar, propter quod diligere, colere, benivolentia complecti (quæ omnia in gloria, ut supra demonstravit orator, continentur) eum possent homines? Ecquo alio quam latronis jure oppressam civium libertatem sustulerat? Quæ si orator gravi, sed modesta oratione dictatoris animo admota voluit, non subtilius propositum attingere potuit; quum ea quæ duriora videantur, statim corrigat, monitisque Cæsar non possit succensere.

7. *Rhenum.* Germanos a te victos. — *Oceanum.* Britannos. — *Nilum.* Alexandrinos. — *Monumenta.* A te extracta. — *Munera.* Triumphos a te peractos et ludis magnificentissimis exornatos.

8. Codd. nonnulli *monumenta innumera*. Servant edd. multæ, et defendit B. Weisk.

nomen tuum longe atque late, sedem stabilem et domicilium certum non habebit. Erit inter eos etiam, qui nascentur, sicut inter nos fuit, magna dissensio, quum alii laudibus ad cælum res tuas gestas efferent, alii fortasse aliquid requirent⁹, idque vel maximum, nisi belli civilis incendium salute patriæ restinxeris; ut illud fati fuisse videatur, hoc consilii. Servi igitur iis etiam iudicibus, qui multis post sæculis de te iudicabunt, et quidem haud scio, an incorruptius¹⁰, quam nos. Nam et sine amore, et sine cupiditate¹¹, et rursus sine odio, et sine invidia iudicabunt. Id autem etiam si tunc ad te, ut quidam falso putant¹², non pertinebit, nunc certe pertinet, esse te talem, ut tuas laudes obscuratura nulla umquam sit oblivio.

X. Diversæ voluntates civium fuerunt, distractæque sententiæ. Non enim consiliis solum et studiis, sed armis etiam et castris dissidebamus. Erat autem obs-

9. *Aliquid requirent.* Qua prudentia animi sui sensum evolvit, quasi diceret: Plurimi certe te non servandæ reipublicæ, sed ambitionis causa Pompeio bellum intulisse contendunt, nisi reipsa stabilieris reipublicam, et hanc suspicionem salute patriæ abstergeris. Non abludit locus ille Sallustii orat. 2 ad Cæsarem de reipublica ordinanda, ubi patriam ita loquentem inducit: « Tametsi domi militiæque præclara facinora egisti, tamen gloria tua cum multis fortibus æqualis est; si vero urbem amplissimo nomine et maximo imperio prope jam ab casu restitueris, quis te clarior? quis major in terris fuerit? quippe si morbo jam, aut fato huic imperio secus acciderat, cui dubium est, quin per orbem terrarum vastitas, bella, cædes oriantur? quod si tibi bona libido fuerit, patriæ, parentibus gratificandi, postero

tempore reipublica restituta, super omnes mortales gloria agnita, tuæque unius mora vita clarior erit; nam vivos interdum fortuna, sæpe invidia fatigat; ubi anima naturæ cessit, demptis obrectatoribus, ipsa se virtus magis magisque extollit ».

10. *An incorruptius.* Eadem fere ad Quintum fratrem: « Non est tibi his solis utendum existimationibus ac iudiciis, qui nunc sunt hominum; sed iis etiam qui futuri sunt; quamquam illorum erit verius iudicium obrectatione et malivolentia liberatum ».

11. *Sine cupiditate.* Id est, sine studio partium.

12. *Ut quidam falso putant.* Mori cum corpore animam credentes. Hanc opinionem Cæsar emiserat, quum de sociis Catilinæ puniendis egerat. Cf. Cic. Catil. IV, 4, et Sallust. Bell. Civ. 51. Weisk. ejicit falso.

curitas¹ quædam, erat certamen inter clarissimos duces : multi dubitabant, quid optimum esset; multi, quid sibi expediret; multi, quid deceret; nonnulli etiam, quid liceret. Perfuncta respublica est hoc misero fatalique bello² : vicit is, qui non fortuna inflammaret³ odium suum, sed bonitate leniret; nec qui omnes, quibus iratus esset, eosdem etiam exsilio, aut morte dignos judicaret. Arma ab aliis posita, ab⁴ aliis erepta sunt. Ingratus est injustusque⁵ civis, qui, armorum periculo liberatus, animum tamen retinet armatum : ut etiam ille sit melior, qui in acie cecidit, qui in causa animam profudit⁶; quæ enim pertinacia quibusdam, eadem aliis constantia videri potest.

Sed jam omnis fracta dissensio est armis, et extincta æquitate victoris : restat, ut omnes unum velint, qui modo habent aliquid non solum sapientiæ, sed etiam sanitatis⁷. Nisi te, C. Cæsar, salvo, et in ista sententia, qua quum antea, tum hodie vel maxime usus es, manente, salvi esse non possumus. Quare omnes te, qui hæc salva esse volumus, et hortamur,

X. 1. *Obscuritas*. Quid reipublicæ conducere; unde jus et verum staret. Confer in eandem sententiam orat. pro Ligar. cap. 6.

2. *Fatalique bello*. Excusandi causa Cæsar, bellum civile fato et cuidam necessitati tribuit.

3. *Non fortuna inflammaret*. Qui non efferreretur felici rerum successu, et insolenti victoria subnixus, ea in victos abuteretur.

4. Græv. damnat ab; retinent omnes Ang. Maii codices. Sunt etiam exempla Cluent. 28; Verr. III, 48; Vatin. 12, etc.

5. *Ingrat. est injustusque*. Ingratus

est adversus Cæsarem, cui salutem debet; injustus, quia non jam laceratus alteri vim inferre querit.

6. *In c. a. prof.* In defendenda sua causa vitæ periculum arcessivit, mortem appetivit. Wormius de Catone hic agi putat, nec scio an vere, utcumque ingeniose; et orator noster optandum esset ut clarius dixisset.

7. *Sanitatis*. Omnes cives conspirant, non modo qui majore quadam prudentia instructi clare cernunt quid e republica sit, sed etiam minus intelligentes aut etiam Cæsari aliquod succensentes, modo ne ita obtusi sint, ut mente capti videantur.

et obsecramus, ut vitæ, ut salutis tuæ consulas; omnesque tibi (ut pro aliis etiam loquar, quod de me ipse sentio), quoniam subesse aliquid putas, quod cavendum sit, non modo excubias et custodias, sed etiam laterum nostrorum oppositus⁸ et corporum pollicemur.

XI. Sed, unde est orsa¹, in eodem terminetur oratio. Maximas tibi omnes gratias agimus, C. Cæsar; majores etiam habemus. Nam omnes idem sentiunt; quod ex omnium precibus et lacrymis² sentire potuisti. Sed quia non est stantibus³ omnibus necesse dicere, a me certe dici volunt: cui necesse est quodammodo, et quod volunt, et quod decet, et quod, M. Marcello a te huic ordini, populoque romano, et reipublicæ reddito, præcipue id a me fieri debere intelligo⁴. Nam lætari omnes, non ut de unius solum, sed ut de communi omnium salute, sentio: quod autem⁵ summæ benivolentiæ est, quæ mea erga illum

8. *Laterum nostrorum oppositus.* Verba hæc quibus Cicero se corpus Cæsaris interfectoris, si qui forent, oppositurum declarat, ita accepit Wolfius quasi stipatores e senatu et equitibus offerat orator. Falsum eum omnino habuit tempus quo oratio dicta est; nempe non multo post Cæsaris reditum ex Africano bello, quo anno nihil dum ad constituendam remp. actum erat, et adhuc milites corporis custodes habebat.

XI. 1. *Unde est orsa.* Ad primum hujusce orationis propositum redeamus, quæ de gratiis tibi agendis habita est.

2. *Lacrymis.* Quibus te Marcelli veniam rogavere. Miratur lacrymas Wolfius, sed idem tamen Cicero pro Sext. 11: «Erat eodem tempore senatus in æde Concordiæ..... quum flens

universus ordo cincinnatum consulem orabat». Et pro Plancio, cap. 31, gravibus viris magnam vim lacrymarum cum singultu tribuit.

3. *Non est stantibus.* Edd. princ. *astantibus.* Corruptum locum censent Wolfius et B. Weiskius; cujus tamen sensum facile assequaris: quum non sit necesse omnes stare et loqui, me interprete sunt usi; et mihi parere fuit necesse, quia volunt, quia decet, et quia Marcello patriæ restituto hoc me munus præcipue spectat.

4. Vett. edd. habent *fieri intelligo*. Al. *multæ, fieri debere*: unde Ernest. legendum putat e Lamb. MSS, *id a me deberi*. J. V. L.

5. *Q. autem.* Quia dubia M. Marcelli salute summam erga eum benivolentiam, sollicitudinem et curam declaravi, qua vix fratri ejus cederem;

574 M. T. CIC. ORATIO PRO M. MARCELLO.

omnibus semper nota fuit, ut vix C. Marcello, optimo et amantissimo fratri, præter eum quidem cederem nemini; quum id sollicitudine, cura, labore tamdiu præstiterim, quamdiu est de illius salute dubitatum; certe hoc tempore, magnis curis, molestiis, doloribus liberatus, præstare debeo. Itaque, C. Cæsar, sic tibi gratias ago⁶, ut omnibus me rebus a te non conservato solum, sed etiam ornato, tamen ad tua innumerabilia in me unum merita, quod fieri jam posse non arbitrabar, maximus hoc tuo facto cumulus accesserit⁷.

certe etiam nunc mihi constare, et istis molestiis levatus, summam illam benivolentiam læta gratiarum actione declarare debeo.

6. *Sic tibi gratias ago.* Nunc non senatorum, sed suo nomine, gratias agit orator, quasi non magis Marcello quam sibi præstantissimum beneficium sit tributum. Hac sententia egregium suum opus concludit, et nobilissi-

mum amicitiae monumentum pulchro gratissimi animi sensu absolvit.

7. *Cumulus accesserit.* Nec ea oratorie dicta, sed animo expressa, si modo eidem Ciceroni ad Sulpicium scribenti fidem adhibuerimus. « Ita mihi pulcher hic dies visus est, ut speciem aliquam viderer videre, quasi reviviscentis reipublicæ ». Ad Div. IV, 4.

M. TULLII CICERONIS

ORATIO

PRO Q. LIGARIO

ARGUMENTUM.

Ann. U. C. 703, C. Considius Longus ex lege Pompeia et senatusconsulto Africam provinciam pro prætore obtinuit, ex qua quum decederet, Q. Ligarium legatum suum ei præfecit. Anno sequente quum subito bellum civile inter Cæsarem et Pompeium exarsisset, Ligarius domum spectans, et ad suos redire cupiens, etsi eum cives et reliqui provinciales, qui Pompeii partibus favebant, ducem habere volebant, nullo se negotio implicari passus est. Interim Attius Varus, qui prætor ann. U. 702 Africam obtinuerat, Uticam venit; is delatum ad se imperium cupide arripuit. Quæ quum geruntur L. Ælius Tuberо ex SC. in provinciam venit, a Varо jam occupatam. (Cæs. de Bell. Civ. lib. I, cap. 30.) Exclusus igitur una cum filio Q. se in Macedoniam ad Pompeium contulit, Ligarius in Africa permansit; Pompeianis autem in Africa devictis, quum Cæsar, iratior iis, qui bellum illud pertinacius continuassent, vitam tamen, Adrumeto capto, Ligario concessisset (de Bello Afr. cap. 89), exsul ibi vixit, nec ausus est in Italiam redire. Attamen pro ejus salute fratres et propinqui Cæsari supplicare non desistebant. Exeunte autem ann. U. 707, Q. Ælius Tuberо, Cæsaris clementia una cum patre restitutus, Ligarium absentem apud Cæsarem accusavit, quod in Africa fuisset. Eum hac oratione in foro habita Cicero defendit.

In exordio fatetur Ligarium belli illius tempore in Africa fuisse, sed si hoc delictum sit id esse ei cum Tuberone ejusque patre commune. Duo autem tempora carere crimine, unum quum sit legatus in Africam profectus, alterum quum efflagitatus a provincia præpositus sit Africæ; tertium autem, quo post adventum Vari in Africa restiterit, necessitatis crimen esse non voluntatis, cap. 1-3. In quo Cicero suam ipsius et Tuberonis rationem cum Ligarii conditione comparat; quibus quum Cæsar multo majores causas irascendi habuerit, et tamen ignoverit, mirum esse eum a Tuberone accusari, qui multo meliorem causam quam accusator habeat, cap. 4. Præterea quum Ligarius jam in exilio sit, hanc accusationem eam vim habere videri,

V. Cic. pars secunda.

non ut Q. Ligarius condemnetur, sed ut necetur. Quam crudelitatem graviter reprehendit, ac si hanc Tubero a se alienam dicat, satis durum esse, si postulet ne Ligario ignoscatur, cap. 5. Et quod Tubero dixerat se velle de Q. Ligarii scelere dicere, negat Cicero causam eorum, qui cum Pompeio contra Cæsarem steterint, scelus appellandam esse, cap. 6. Deinde Ligarii causam cum Tuberonis comparat, et hanc illa multo graviores fuisse ostendit, cap. 7-9. Postremo se in hac causa apud Cæsarem non ut ad iudicem agere, sed ut ad parentem loqui, ad clementiam ejus confugere, et ut Ligario ignoscat orare, cap. 10. In quo simul illud confirmat, Cæsarem in Q. Ligario conservando, omnibus Sabinis, T. Broccho Ligarii avunculo ejusque filio, in primis autem duobus Ligarii fratribus, denique multis equitibus romanis gratissimum esse facturum, cap. 11. Postremo rogat, ut in Ligario restituendo eadem bonitate et misericordia utatur, quam nuper in Marcello senatus precibus concedendo ostenderit. Nihil enim nec fortunam ejus habere majus, quam ut possit, nec naturam melius quam ut velit, quam plurimos conservare, cap. 12.

Hac oratione Cæsar victus Q. Ligario ignovit, qui tamen hujus beneficii immemor postea cum ceteris in eum conjuravit (Appian. de B. C. lib. II, cap. 113); deinde vero (ibid. IV, 22) proscriptus una cum altero fratre periit.

Ceterum Tuberonis in Ligarium oratio Quintiliani ætate existit, qui eam cum Ciceronis oratione utiliter comparari censet, X, 1, 23. Eamque ab ipso lectam esse hic locus confirmat, XI, 1, 80, ubi «Tubero, inquit, juvenem se patri hæsisse, illum a senatu missum, non ad bellum, sed ad frumentum coemendum ait, ut primum licuerit, a partibus recessisse, Ligarium et perseverasse, et non pro Cn. Pompeio, inter quem et Cæsarem dignitatis fuerit contentio, quum salvam uterque rempublicam vellet, sed pro Juba atque Afris inimicissimis populo romano stetisse».

M. T. CICERONIS ORATIONES.

ORATIO PRO Q. LIGARIO.

ORATIO PRIMA ET QUADRAGESIMA.

I. **NOVUM** crimen¹, C. Cæsar, et ante hunc diem inauditum, propinquus meus ad te Q. Tubero² detulit, Q. Ligarium in Africa fuisse³ : idque C.⁴ Pansa, præstanti vir ingenio, fretus fortasse ea familiaritate, quæ est ei tecum, ausus est⁵ confiteri. Itaque, quo me vertam, nescio. Paratus enim veneram, quum tu

I. 1. *Novum crimen.* Exordium illud ironia conditum est, ut infirmaretur Tuberonis accusatio, qui hoc unum afferebat, Ligarium scilicet bellum in Africa gessisse. Vidit hoc artificium Quintilianus, lib. IX, 2. Multi tamen non sic interpretantur; Trepezuntiusque eos irridet, qui ironiam ibi deprehenderunt, et ipse quidem gravissime errat.

2. *Q. Tubero.* Non plane liquet, quæ fuerit Ciceronem inter et Tuberonem affinitas; scholiastes vetus, eum Ciceronis sororem conjugem habuisse arbitratur. Proinde orator erat;

sed quum hac causa fuisset a Cicerone omnino victus, ita eloquentiæ laudem se adepturum desperavit, ut ad jus civile totum se contulerit.

3. *Fuisse.* Non inconsulto hæc verbo utitur; sic enim belli memoriam non revocat, ne Cæsarem offendat.

4. *C. Pansa.* Amicissimus ille Cæsari et Ciceroni fuit. Contra M. Antonium circa Mutinam pugnans, vulnus accepit; quo post aliquot dies interit.

5. *Ausus est.* Quasi non confiteri ausus esset, nisi tas cum eo familiaritas animum ei dedisset. Perspicua hic est ironia.

id neque per te scires, neque audire aliunde potuisses⁶, ut ignoratione tua ad hominis miseri salutem abuterer. Sed quoniam diligentia inimici investigatum est id, quod latebat, confitendum est, ut opinor, præsertim quum meus necessarius, C. Pansa, fecerit, ut id jam integrum non esset⁷; omisssaque controversia, omnis oratio ad misericordiam tuam⁸ conferenda est, qua plurimi sunt conservati, quum a te non liberationem culpæ, sed errati veniam impetravissent.

Habes igitur, Tubero, quod est accusatori maxime optandum, confitentem reum; sed tamen hoc⁹ confitentem, se in ea parte fuisse, qua te, Tubero¹⁰, qua virum omni laude dignum, patrem tuum. Itaque prius de vestro delicto¹¹ confiteamini necesse est, quam Ligarii ullam culpam reprehendatis.

Q. enim¹² Ligarius, quum esset¹³ nulla belli suspicio, legatus in Africam cum C. Considio profectus est¹⁴: qua in legatione et civibus, et sociis ita se probavit, ut decedens Considius provincia satisfacere hominibus non posset, si quemquam alium provin-

6. *Aliunde potuisses.* Verbis illis ostendit non tam atrox esse Ligarii scelus, quum fuerit necessaria accusatoris indagatio, ut Cæsari innotuerit.

7. *Integrum non esset.* Hoc mihi non jam liceret.

8. *Misericordiam tuam.* Hic exponit quam rationem Ligarii defendendi sit habiturus.

9. *Al. ius. J. V. L.*

10. *Qua te, Tubero.* Plane absurdum erat Tuberoni Ligarium in iudicium protrahere: nam et ipse verbis suis refellebatur. Nam si scelus est in Africa Ligarium fuisse, hoc commune cum te et patre tuo habet; itaque a

te non debet accusari; sin contra non scelus est, in iudicium protrahi cum non oportuit. Peccaverant quoque gravior Tubero ac pater, nam in Africa sponte sua remanserant.

11. *Delicto.* Tuberonis verbis utitur, qui facinus suum delictum, Ligarii autem culpam vocabat.

12. *Al. igitur. J. V. L.*

13. *Al. habent, esset adhuc. J. V. L.*

14. *Profectus est.* Incipit Ligarium culpa liberare, qui profectus in Africam fuerit, non ut ejus accusator Tubero, quum civile bellum fuisset exortum, sed quum civilis discordiæ nulla adhuc esset suspicio.

ciæ præfecisset¹⁵. Itaque Q. Ligarius, quum diu recusans nihil profecisset, provinciam accepit invitus : cui sic præfuit in pace, ut et civibus, et sociis gratissima esset ejus integritas et fides.

Bellum subito exarsit; quod, qui erant in Africa, ante audierunt geri, quam parari. Quo audito, partim cupiditate inconsiderata, partim cæco quodam timore, primo salutis, post etiam studii sui quærebant aliquem ducem¹⁶: quum Ligarius domum spectans, et ad suos redire cupiens, nullo se implicari negotio passus est. Interim P. Attius Varus¹⁷, qui prætor Africam obtinuerat, Uticam venit : ad eum statim concursus est. Atque ille non mediocri cupiditate arripuit imperium¹⁸, si illud imperium esse potuit, quod ad privatum clamore multitudinis imperitæ, nullo publico consilio¹⁹ deferebatur. Itaque Ligarius, qui omne tale negotium cuperet effugere, paulum adventu Vari conquievit.

II. Adhuc, C. Cæsar, Q. Ligarius omni culpa¹ vacat. Domo est egressus non modo nullum ad bellum, sed ne ad minimam quidem suspicionem belli² : legatus in pace profectus, in provincia pacatissima ita se ges-

15. *Præfecisset*. Proconsules, si antequam veniret eorum successor, e provincia decederent, quæstorem aut unum e legatis cum imperio relinquebant.

16. *Studii sui quærebant aliquem ducem*. In Pompeium scilicet, quia, victo Cn. Domitio, res Africæ olim composuerat.

17. *P. Attius Varus*. Attius Varus, tum privatus, amissis suis ad Auximum cohortibus, fuga in Africam venit, eamque occupavit; quam paucis ante annis prætor obtinuerat.

18. *Arripuit imperium*. Sibi enim

administrandæ Africæ potestatem vindicavit.

19. *Publico consilio*. Ligarius enim Africam ex senatusconsulto regendam habuerat, sed tardius venit, nam Varus eam sub ditione tenebat sua.

II. 1. *Culpa vacat*. Nihil ei vitio verti potest, quum et in provinciam nulla belli suspitione ivisset, et remanserit invitus; et quum dux quæreretur, nullo se tamen implicari negotio sit passus.

2. Sic Quintil. IV, 2, 110; qui tamen habet, IV, 2, 51, *belli suspicionem*. J. V. L.

sit, ut ei pacem esse expediret³. Profectio certe animum tuum non debet offendere. Num igitur remansio? Multo minus. Nam profectio voluntatem habuit non turpem⁴, remansio etiam necessitatem honestam⁵. Ergo hæc duo tempora⁶ carent crimine: unum, quum est legatus profectus; alterum, quum, efflagitatus a provincia, præpositus Africæ est.

Tertium est tempus, quo post adventum Vari in Africa restitit. Quod si est criminosum, necessitatis⁷ crimen est, non voluntatis. An ille, si potuisset illinc ullo modo evadere, Uticæ potius, quam Romæ; cum P. Attio, quam cum concordissimis fratribus; cum alienis esse, quam cum suis maluisset? Quum ipsa legatio⁸ plena desiderii ac sollicitudinis fuisset propter incredibilem quemdam fratrum amorem, hic æquo animo esse potuit belli discidio distractus a fratribus?

Nullum igitur habes⁹, Cæsar, adhuc in Q. Ligario signum alienæ a te voluntatis: cujus ego causam, animadvertite, quæso, qua fide defendam, quum prodo meam¹⁰. O clementiam admirabilem¹¹, atque omni

3. *Esse expediret.* Ex præteritis omnino patet, qua de causa Ligarius belli civilis studio teneri nullo modo debuisset, qui pacis artibus sociorum et Romanorum animos sibi conciliaverat.

4. *Non turpem.* Nam nullo modo fuit unquam turpe, velle legatum in provinciam proficisci.

5. *Honestam.* Remanserat in provincia, non sponte sua, sed iubente Considio, et quum recensens nihil proficisset; atque honestum sane illi fuit omnium votis efflagitari.

6. *Hæc duo tempora.* Primum est quo Roma profectus est; secundum quo in Africa remansit.

7. *Necessitatis.* Quia sic bello de-

prehensus est et circumventus, ut tuto a partibus discedere nequiverit.

8. *Quum ipsa legatio.* Quum molesta et gravis ei fuisset hujus provincie administratio, quia fratrum suorum congressu careret. Tres erant cum Quinto Ligari.

9. *Nullum igitur habes.* Coniunctim verbis illis tria tempora concludit, quibus nihil a Ligario contra Cæsarem fuit admissum.

10. *Prodo meam.* Causam enim prodere videor propriam, quum in ea voluntate me fuisse fateor, qua Ligarium fuisse nego.

11. *O clementiam admirabilem.* Nihil est mirabilius, quam quum Cicerone negat Ligarium contra Cæsarem

laude, prædicatione, literis, monumentisque decorandam! M. Cicero apud te defendit, alium in ea voluntate non fuisse, in qua se ipsum confitetur fuisse; nec tuas tacitas cogitationes extimescit; nec, quid tibi, de alio audienti, de se ipso occurrat^{1a}, reformidat.

III. Vide, quam non reformidem; vide, quanta lux liberalitatis et sapientiæ tuæ mihi apud te dicenti oboriatur. Quantum potero, voce contendam, ut populus hoc romanus exaudiat. Suscepto bello, Cæsar, gesto etiam ex magna parte, nulla vi coactus¹, iudicio ac voluntate ad ea arma profectus sum, quæ erant sumpta contra te. Apud quem igitur hoc dico? Nempe apud eum, qui, quum hoc sciret; tamen me, antequam vidit, reipublicæ reddidit; qui ad me ex² Ægypto literas misit, ut essem idem, qui fuisset; qui, quum ipse imperator in toto imperio populi romani unus esset, esse me alterum³ passus est; a quo, hoc ipso C. Pansa mihi nuntium perferente, concessos fasces laureatos⁴ tenui, quoad tenendos putavi; qui mihi tum denique se salutem putavit dare, si eam nullis spoliata ornamentis dedisset.

arma gessisse, et se unum e partibus Cæsari adversis profitetur. Qua arte culpam suam exaggerat! Hoc modo quæ de Ligario prædicat majorem vim obtinent; et hoc modo sibi vindicat Tiberonis accusandi jus ac potestatem.

1a. *De se ipso occurrat.* In mentem veniat me quoque tuam improbavisse causam.

III. 1. *Nulla vi coactus.* Non enim Pompeium sequutus est statim Cicero; sed partes ejus amplexus est, quum Italiam reliquit. Non ad Pharsaliam pugnavit, nam vallitudine op-

pressus ad Dyrrachium remanserat.

2. *Ex Ægypto.* Cæsar enim post Pharsalicam victoriam Ægyptum petiit, ibique per novem menses mansit, ut bellum Alexandrinum componeret.

3. *Me alterum.* Imperatorem scilicet, quum mihi potestatem fasces retinendi literis suis fecerit.

4. *Fasces laureatos.* Cicero ex quo Ciliciam reliquerat, ubi imperator a militibus fuerat salutatus, adhuc non Romam venerat; itaque de more laureatos fasces servaverat. Et nomen et fasces ei Cæsar literis suis concea-

Vide, quæso, Tubero⁵, ut, qui de meo facto non dubitem dicere, de Ligario non audeam confiteri. Atque hæc propterea de me dixi, ut mihi Tubero, quum de se eadem dicerem, ignosceret : cujus ego industriæ gloriæque faveo, vel propter propinquam cognationem, vel quod ejus ingenio studiisque delector, vel quod laudem adolescentis propinqui⁶ existimo etiam ad meum aliquem fructum redundare⁷.

Sed hoc quæro, quis putet esse crimen, fuisse in Africa Ligarium? Nempe is, qui et ipse in eadem Africa esse voluit, et prohibitum se a Ligario queritur, et certe contra ipsum Cæsarem est congressus⁸ armatus. Quid enim, Tubero⁹, destrictus ille tuus in acie Pharsalica gladius agebat? cujus latus ille mucro petebat? qui sensus erat armorum tuorum? quæ tua mens? oculi? manus? ardor animi? quid cupiebas? quid optabas¹⁰? Nimis urgeo : commoveri videtur adolescens : ad me revertar. Iisdem in armis fui¹¹.

serat. Quæ Cicero omnia post reditum suum deposuit, mense octobri, ann. 707, quarto demum anno postquam ea acceperat.

5. *Vide, quæso, Tubero.* Sensus est, Vide, Tubero, an verisimile sit, non audere de Ligario confiteri, quod de me palam dicere non dubitem?

6. *Adolescentis propinqui.* Quum eadem ac ego sit gente, mihi aliquid e gloria ejus redundaturum puto.

7. *Redundare.* Hæc omnia Cicero-nem quodammodo ad asperiora quæ sequuntur producant. Nam quum Tuberonem his laudibus celebrat, indicat omnino se æqui studio ad eum accusandum protrahi.

8. *Congressus.* Ad pugnam Pharsalicam, cui Ligarius non adfuerat.

9. Ter Quintil. VIII, 4, 27; VIII, 6, 12; IX, 2, 7, hunc locum sic lau-

dat, « Quid enim tuus ille, Tubero, destrictus, etc. » J. V. L.

10. *Quid optabas?* Nihil est vividius, nihil mirabili magis arte compositum et ordinatum quam locus ille. Ab omnibus fuit celebratus, qui de Cicerone dixerunt. Sed quæ omnia de eo prolata sunt, mihi quidem abscon- videntur: nam verba illa satis per se commendantur; et quum commentariorum fabricatores hic admonent nos, Romanos punctim ferire hostes consuevisse, et alia hujusmodi, nonne vim omnem diluunt, his vanis et futilibus argumentis? Quidquid est, adeo hæc orationis parte Cæsar fuit commotus, ut libellos quos tenebat, manibusque Ligarium condemnabat, manu emisserit, quasi se victum eloquentia profiteretur.

11. *Iisdem in armis fui.* Multi lo-

IV. Quid autem aliud egimus, Tubero, nisi ut, quod hic potest, nos possemus¹? Quoꝛum igitur impunitas², Cæsar, tuæ clementiæ laus est, eorum ipsorum ad crudelitatem te acuet oratio? Atque in hac causa nonnihil equidem, Tubero, tuam, sed multo magis patris tui³ prudentiam desidero: quod homo quum ingenio, tum etiam doctrina excellens, genus hoc causæ quod esset, non viderit⁴. Nam, si vidisset, quovis profecto, quam isto modo a te agi maluisset. Arguis fatentem. Non est satis. Accusas eum, qui causam habet, aut, ut ego dico, meliorem⁵, quam tu; aut, ut tu vis, parem.

Hæc admirabilia⁶ sunt; sed prodigii simile⁷ est, quod dicam. Non habet eam vim ista accusatio, ut Q. Ligarius condemnnetur, sed ut necetur. Hoc egit civis romanus ante te nemo. Externi isti sunt mores: usque ad sanguinem incitari solet odium aut levium Græcorum, aut immanium barbarorum. Nam quid aliud agis? ut Romæ ne sit? ut domo careat? ne cum optimis fratribus, ne cum hoc T. Broccho, avunculo suo, ne cum ejus filio, consobрино suo, ne nobiscum vivat? ne sit in patria? Num est? num potest magis carere his omnibus, quam caret? Italia prohibetur,

cum illum silentio prætermisere; verba illa tamen miram vim ex ipsa brevitate possidere mihi videntur.

IV. 1. *Nos possemus.* Bello omni nihil aliud quæsiimus, nisi ut hac potestate valeremus, quam nunc habet victor Cæsar.

2. *Quorum igitur impunitas.* Tuberonis et patris, quibus poenam condonasti, quum in acie Pharsalica pugnavissent.

3. *Patris tui.* Qui fit ut vir senior hanc causam susceperit, et hominem accusaverit, qui causam meliorem quam ille ipse haberet.

4. *Non viderit.* Non animadvertetur hac accusatione peti, ut civis romanus nullo suo crimine morte plecteretur.

5. *Meliorem.* Nam invitus in Africa remansit; tu contra bellum ultro capessivisti; tu arma in Cæsarem apud Pharsalicam aciem gessisti, quod quidem capitale scelus, non ille quem incusas admisit.

6. *Hæc admirabilia.* Vngl. *non modo mirabilia.* J. V. L.

7. *Prodigii simile est.* Quia rarissime res talis evenire potuit.

exsulat. Non tu ergo hunc patria privare, qua caret, sed vita, vis. At istud ne apud eum quidem dictatorem⁸, qui omnes, quos oderat, morte multabat, quisquam egit isto modo. Ipse jubebat occidi, nullo postulante; præmiis etiam invitabat. Quæ⁹ tamen crudelitas ab eodem aliquot annis post, quem tu nunc crudelem esse vis, vindicata est.

V. Ego vero istud non postulo, inquires. Ita mehercle existimo, Tubero : novi enim te, novi patrem, novi domum, nomenque vestrum; studia denique generis ac familiæ vestræ, virtutis, humanitatis, doctrinæ, plurimarum artium atque optimarum, nota sunt mihi omnia¹. Itaque certo scio, vos non petere sanguinem² : sed parum attenditis. Res enim eo spectat, ut ea poena, in qua adhuc Q. Ligarius sit, non videamini esse contenti. Quæ est igitur alia, præter mortem? Si enim in exilio est, sicuti est, quid amplius postulatis? An, ne ignoscatur³? hoc vero multo acerbius, multoque est durius. Quod nos domi⁴ petimus, precibus et lacrymis⁵, prostrati ad pedes, non tam nostræ causæ fidentes, quam hujus humanitati,

8. *Dictatorem*. Sullam intelligit.

9. *Quæ tamen*. Sulla duo talenta, quasi præmium iis irrogabat qui proscriptionem civem morte plectebant. Cæsar post ædilitatem, iudex quæstionis est electus; tamquam sicarios condemnavit omnes qui proscriptionibus operam dederant; et coegit etiam ut ærario restituerent, omnem quam perpetratis sceleribus pecuniam accepissent. Sic Suet. Cæs. c. 2 : « Cæsar, in exercenda de sicariis quæstione, eos sicariorum numero habuit, qui proscriptione, ob relata civium capita, pecunias ex ærario acceperant, quamquam exceptos Corneliis legibus ».

V. 1. *Mihi omnia*. Tuberones virtute, et divitiarum contemptu floruerunt; quos Val. Max. Gelliusque passim laudibus exornant.

2. *Non petere sanguinem*. Vos, ut arbitror, Ligarii mortem non quaeritis; sed quid hoc refert? quum sic accusetis, ut nulla alia poena præter mortem illi sit irroganda.

3. Libri quidam scripti, etiam ed. Waldarf. *ignoscatur*. J. V. L.

4. Lambin. Fabr. *domi delendum* putant. J. V. L.

5. *Precibus et lacrymis*. Crudelitatem Tuberonis hac ratione amplificat, invisamque Cæsari præbere nititur.

id ne impetremus, pugnabis⁶? et in nostrum fletum irrumpes? et nos jacentes ad pedes, supplicum voce prohibebis?

Si, quum hoc domi faceremus, quod et fecimus, et, ut spero, non frustra fecimus, tu derepente irrupisses, et clamare cœpisses: Cæsar, cave ignoscas; cave te fratrum, pro fratris salute obsecrantium, misereatur: nonne omnem humanitatem exuisses? quanto hoc durius, quod nos domi petimus, id te in foro oppugnare⁷? et in tali miseria⁸ multorum, perfugium misericordiæ tollere?

Dicam plane, C. Cæsar, quod sentio. Si⁹ in hac tanta tua fortuna lenitas tanta non esset, quantam tu per te¹⁰, per te, inquam, obtînes (intelligo, quid loquar¹¹), acerbissimo luctu redundaret ista victoria. Quam multi enim essent de victoribus, qui te crudelem esse vellent, quum etiam de victis¹² reperiantur? quam multi, qui, quum a te nemini ignosci vellent, impedirent clementiam tuam, quum etiam ii, quibus ipse ignovisti, nolint te in alios esse misericordem?

Quod si probare¹³ Cæsari possemus, in Africa Ligarium omnino non fuisse; si honesto et misericordii mendacio saluti civis calamitosi consultum esse¹⁴

6. *Pugnabis.* His verbis Cæsaris benivolentiam sibi conciliat, Tuberonemque in odium adducit.

7. Sic Ernest. pro vulg. lectione, *id a te in foro oppugnari*, quam Lall. servavit. J. V. L.

8. *Tali miseria multorum.* Multi enim Pompeiani ad Cæsaris clementiam, tamquam ad tutissimum portum, confugerant.

9. Laudat Quintil. VIII, 4, 85, *Quod si.* J. V. L.

10. *Per te.* Non simulata est Cæsaris

clementia, sed ei insita et naturalis.

11. *Quid loquar.* Verbis illis indicat socios victoriæ non esse æque misericordes; Cæsarem autem, nullo impellente, esse lenissimum.

12. *Etiam de victis.* Quum Tubero-nes qui victi a te fuerunt, quique vitam misericordia tua tantum obtinent, te in alios accendere conantur.

13. *Quod si probare.* Si illud persuadere Cæsari possemus.

14. Ernest. delevit *esse*, more suo. J. V. L.

vellemus : tamen hominis non esset, in tanto discrimine et periculo civis, refellere et coarguere nostrum mendacium; et, si esset alicujus¹⁵, ejus certe non esset, qui in eadem causa et fortuna fuisset. Sed tamen aliud est errare Cæsarem nolle¹⁶, aliud nolle misereri. Tu diceres : Cave, Cæsar, credas; fuit in Africa Ligarius; tulit arma contra te. Nunc quid dicis? Cave ignoscas. Hæc¹⁷ nec hominis¹⁸, nec ad hominem vox est; qua qui apud te, C. Cæsar, utetur, suam citius abjiciet humanitatem, quam extorquebit tuam¹⁹.

VI. Ac primus aditus et postulatio¹ Tuberonis hæc, ut opinor, fuit, velle se de Q. Ligarii scelere dicere. Non dubito, quin admiratus sis, vel quod de nullo alio quisquam, vel quod is, qui in eadem causa fuisset, vel quidnam novi facinoris² afferret. Scelus tu illud vocas³, Tubero? cur? isto enim nomine illa adhuc causa caruit. Alii errorem appellant⁴, alii timo-

15. *Si esset alicujus*. Si concederetur, ut aliquis id faceret, tamen Tuberoni, qui in eadem causa et fortuna fuisset, non foret licitum.

16. *Cæsarem nolle*. Culpa gravis esset nolle Cæsarem mendacio nostro falli; quanto igitur crudelius est nolle eum nobis, sicuti ceteris, parcere.

17. *Codd. Palat. Hæcne hominis ad hominem vox est?* J. V. L.

18. *Nec hominis*. Non homine digna vox est illa, nec ad hominem generosum pertinere potest.

19. *Extorquebit tuam*. Ut quæ tibi sit omnino insita.

VI. 1. *Postulatio*. Verbum est forense. Significat petitionem apud prætorem, ut liceat nomen alicujus deferre.

2. Multi MSS optimæ notæ habent

sceleris, quod Grævius recepit; Lall. non ita. Et nobis a vulgat. lect. nihil omnino recedendum videtur, quamvis Ernest. nihil interesse putet. J. V. L.

3. *Illud vocas*. Quid de Pompeii causa sit sentiendum orator exponit; quod quidem omnino erat arduum. Hoc summo tamen artificio concludit; et Pompeium non elevat, Cæsarem celebraturus. Bellum civile, inelnotabili quodam fato ac deorum voluntate exarsisse contendit. Quod quidem artificium sequenti sunt, qui Turenii laudes celebrare Flecherius et Mascaro; et civilia bella, quæ in Gallia, puero adhuc Ludovico decimo quarto, ceperant, hoc modo tractavere.

4. *Errorem appellant*. Quia maxima pars senatus Pompeio consociata, rei publicæ speciem præ se ferebat.

rem⁵; qui durius, spem, cupiditatem, odium, pertinaciam; qui gravissime, temeritatem: scelus, præter te, adhuc nemo. Ac mihi quidem⁶, si proprium et verum nomen nostri mali quæatur, fatalis quædam calamitas incidisse videtur, et improvidas hominum mentes occupavisse: ut nemo mirari debeat, humana consilia divina necessitate esse superata⁷. Liceat esse miseros, quamquam hoc victore esse non possumus. Sed non loquor de nobis; de illis loquor, qui occiderunt. Fuerint cupidi, fuerint irati, fuerint pertinaces: sceleris vero crimine, furoris, parricidii, liceat Cn. Pompeio mortuo⁸, liceat multis aliis carere. Quando hoc quisquam ex te, Cæsar, audivit? aut tua quid aliud arma voluerunt, nisi a te contumeliam propulsare? Quid egit tuus ille invictus exercitus, nisi ut suum jus tueretur, et dignitatem tuam? Quid? tu quum pacem esse⁹ cupiebas, idne agebas, ut tibi cum sceleratis, an ut cum bonis civibus conveniret?

Mihi vero, Cæsar, tua in me maxima merita tanta certe non viderentur, si me, ut sceleratum, a te conservatum putarem. Quomodo autem tu de republica bene meritus esses, si tot sceleratos incolumi dignitate esse voluisses? Secessionem¹⁰ tu illam existima-

5. *Timor.* Verebantur enim multi, ne nimia Cæsaris potentia in tyrannidem deflecteret.

6. *Ac mihi quidem.* Postquam omnia detexit, quæ homines ad arma capessenda potuerant impellere; quæ sit causa mali ipse ita ostendere nititur, ut Pompeii memoriam a vituperatione vindicaret, Cæsarisque laudes concelebret.

7. *Esse superata.* Hoc modo nemo neque Pompeii, neque Cæsaris fantorum læditur; et omni absolvuntur culpa qui partem fuere amplexi, quia

non sponte sua in bella fuere impulsi.

8. *Pompeio mortuo.* Optimè verba illa, et nomen hoc clarissimum inserit, Cæsarem certe commoturus, quum Pompeii patrocinium quodammodo suscipit, et tanti viri defuncti memoriam a probris tuetur.

9. *Pacem esse.* Semper magnam pacis cupiditatem præ se Cæsar tulerat, verè an falso, incertum. Et illam sibi injuriam necisci tantum in mente habebat, quum bella civilia conflavit.

10. *Secessionem.* Notissimum hoc

visti, Cæsar, initio, non bellum; non hostile odium, sed civile dissidium¹¹; utrisque cupientibus rempublicam salvam, sed partim consiliis, partim studiis a communi utilitate aberrantibus¹². Principum dignitas erat pæne par; non par fortasse eorum, qui sequebantur¹³: causa tum dubia, quod erat aliquid in utraque parte, quod probari posset; nunc melior certe ea judicanda est, quam etiam dii adjuverunt. Cognita vero clementia tua¹⁴, quis non eam victoriam probet, in qua occiderit nemo, nisi armatus?

VII. Sed ut omittamus¹ communem causam, veniamus ad nostram²: utrum tandem existimas facilius fuisse, Tubero, Ligario ex Africa exire, an vobis in Africam non venire³? Poteramusne, inquis, quum senatus censuisset? Si me consulis, nullo modo. Sed tamen Ligarium senatus idem legaverat⁴. Atque ille eo tempore paruit, quum parere senatui necesse erat:

erat verbum; hoc nomine dicta fuerat populi seditio, quum in montem Sacrum se recepit.

11. *Al. malunt discidium.* J. V. L.

12. *Aberrantibus.* Ostendit pacem omnibus placuisse, sed aliis a quoque fuisse rationibus quæsitam.

13. *Qui sequebantur.* Senatus et quidquid magnum et clarum in republica erat Pompeium prosequabatur; Cæsari vero nobilis nullus aut majoribus aut virtute adhærebat. Non Cæsarem et Pompeium pares omnino dicit, sed pæne pares, ut Cæsar plus sibi quam Pompeio tribui in animum possit inducere.

14. *Clementia tua.* Olim quidem, quod erat hominibus dubium, dii ipsi causam tuam justiore esse confessi sunt, quum tibi victoriam dederrunt: tu vero ita clementia et modestia tua effeciisti, ut homines, non

solum dii, causam tuam nunc probarent et amplecterentur.

VII. 1. *Non placet omittam,* quod fere omnes post Gruterum habent. Alteram lect. ex antiquioribus edd. cum Weiskio revocamus. J. V. L.

2. *Veniamus ad nostram.* De bello enim civili dicturus, a causa paulum aberraverat; eam nunc rursus occupat.

3. *In Africam non venire.* Confert hic Ligarii et Tuberonis causam, ostenditque multo nocentiorē eam esse qui accusat.

4. *Idem legaverat.* Hic quæ dicturus erat de necessitate proficiendi Tubero, orator antevertit, declaratque Ligarium ejusdem auctoritate senatus constitutum, non potuisse ex Africa exire, dum Tubero potuisset in eam provinciam non transgredi, si animus non eo impulsisset.

vos tum paruistis⁵, quum paruit nemo, qui noluit. Reprehendo igitur? Minime vero. Neque enim licuit aliter vestro generi, nomini, familiæ, disciplinæ⁶. Sed hoc non concedo, ut, quibus rebus gloriemini in vobis, easdem in aliis reprehendatis.

Tuberonis sors⁷ conjecta est ex senatusconsulto, quum ipse non adesset, morbo etiam impediretur; statuerat excusare⁸. Hæc ego novi propter omnes necessitudines, quæ mihi sunt cum L. Tuberone. Domi una eruditi, militiæ contubernales⁹, post¹⁰ affines, in omni denique vita familiares. Magnum etiam vinculum, quod iisdem studiis semper usi sumus. Scio igitur Tuberonem domi manere voluisse. Sed ita quidam agebant, ita reipublicæ sanctissimum nomen opposebant¹¹, ut, etiamsi aliter sentiret, verborum tamen ipsorum pondus sustinere non posset.

Cessit auctoritati amplissimi viri¹², vel potius paruit. Una est profectus cum iis, quorum erat una causa. Tardius iter fecit. Itaque in Africam venit jam occupatam¹³. Hinc in Ligarium crimen oritur, vel ira¹⁴ potius. Nam si crimen est ullum, voluisse,

5. *Vos tum paruistis.* Obtemperavit senatui Ligarius ante civile bellum, quum integra et intacta omnino esset ejus auctoritas; vos autem paruistis, quum, perturbata omnino republica, nulla vis erat senatus decretis.

6. *Disciplina.* Quia nomen vestrum clarum est, et animus laudem acerrime appetit.

7. *Tuberonis sors.* Tuberonis patris nomen.

8. *Statuerat excusare.* Non ire, propter morbum quo laborabat.

9. *Militiæ contubernales.* In bello Marsico, quod et Italicum et Sociale dicitur, quo Tullius tiro fuerat in exercitu Cn. Pompeii.

10. *Post affines.* Uxorem enim a gente Tullia Tubero duxerat.

11. *Opponebant.* Tuberonem, postquam graviter eum est insequentus, quodammodo excusare videtur, quod specie falsa reipublicæ inductus in errorem arma coeperit.

12. *Amplissimi viri.* Pompeii scilicet, qui hortabatur ut in Africam se reciperet.

13. *Jam occupatam.* A Varo nempe, qui illam sibi propria auctoritate vindicaverat.

14. *Vel ira.* Quia scilicet in Africam recepti non fuere, nec appellere quidem potuerunt; causam igitur accusationis hujus artificio oratorio in

non minus magnum est, vos Africam, omnium provinciarum arcem, natam ad bellum¹⁵ contra hanc urbem gerendum, obtinere voluisse, quam aliquem se maluisse. Atque is tamen aliquis Ligarius¹⁶ non fuit. Varus imperium se habere dicebat; fasces certe habebat¹⁷. Sed quoquo modo sese illud¹⁸ habet, hæc querela vestra, Tubero, quid valet? Recepti in provinciam non sumus. Quid si essetis? Cæsarine eam tradituri fuissetis, an contra Cæsarem retenturi?

VIII. Vide, quid licentiæ, Cæsar, nobis tua liberalitas det, vel potius audaciæ. Si responderit Tubero, Africam, quo senatus eum, sorsque miserat¹, tibi patrem suum traditurum fuisse: non dubitabo apud ipsum te, cujus id eum facere interfuit, gravissimis verbis ejus consilium reprehendere². Non enim, si tibi ea res grata fuisset, esset etiam probata. Sed jam hoc totum omitto, non tam ut ne offendam tuas patientissimas aures, quam ne Tubero, quod numquam cogitavit, facturum fuisse videatur³. Veniebatis

Tuberonum iram confert; non igitur quod Ligarius vere nocens sit, sed quia odium suum explere et pascere accusator nititur, causa hæc est suscepta.

15. *Natam ad bellum.* Inde enim tria bella Punica, et bellum cum Jugurtha.

16. *Aliquis Ligarius.* Erravere gravissime, qui verba illa inter se conjungi contendere. Sensus est enim: Hic aliquis non fuit Ligarius, sed Varus.

17. *Habebat.* Quamvis injuste summam occupaverat potestatem, eam tamen retinebat.

18. *Sed quoquo modo sese illud habet.* Parum interest, an Ligarius, aut Varus, vos aditu Africæ arcu-

erint; quum eam Cæsari non essetis tradituri.

VIII. 1. *Sorsque miserat.* Quo ex senatus cons. sortitione facta missus fuerat.

2. *Reprehendere.* Quamquam tibi gratum fuisset et omnino acceptum hanc provinciam sub tua ditione teneri, non tamen probavisses Tuberonis agendi rationem. Æqui enim amantiores, quam ut perfidiam ejus ac prodicionem probare possis, qui a Pompeianis commissam provinciam tibi tradidisset.

3. *Fuisse videatur.* Ne Tuberonem arguendo tamquam perfidum et proditorem inducam, quod certe animo destinatum numquam habuit.

igitur in Africam provinciam, unam ex omnibus huic victoriæ maxime infestam; in qua erat rex potentissimus⁴, inimicus huic causæ; aliena voluntas, conventus firmi atque magni. Quæro, quid facturi fuistis? Quamquam, quid facturi fueritis, non dubitem, quum videam⁵, quid feceritis.

Prohibiti estis in provincia vestra pedem ponere, et prohibiti, ut perhibetis, summa cum injuria. Quomodo id tulistis? acceptæ injuriæ querelam ad quem detulistis? Nempe ad eum⁶, cujus auctoritatem sequuti, in societatem belli veneratis. Quod si Cæsaris⁷ causa in provinciam veniebatis, ad eum profecto exclusi provincia venissetis. Venistis ad Pompeium. Quæ est ergo hæc apud Cæsarem querela, quum eum accusatis, a quo queramini vos prohibitos contra Cæsarem bellum gerere⁸? Atque in hoc quidem vel cum mendacio, si vultis, gloriemini per me licet, vos provinciam fuisse Cæsari tradituros, nisi a Varo et a quibusdam aliis prohibiti essetis. Ego autem confitebor, culpam esse Ligarii, qui vos tantæ laudis occasione⁹ privaverit.

4. *Rex potentissimus.* Juba scilicet, rex Mauritanie; Pompeius Hiempsalem ejus patrem solio restituerat. Post pugnam ad Thapsum, Juba ad urbem regni primariam confugere aggressus est, sed ab incolis est prohibitus. Tum imperavit uni e servis, ut mortem ipsi inferret, ne a Cæsare caperetur; vel id a Petreio impetravit, ut tradit Florus, IV, 2.

5. *Quum videam.* Africa prohibiti, in Græciam ad Pompeium ivistis.

6. *Nempe ad eum.* Ad Pompeium, cujus auctoritati parvatis. Respondet pro iis orator, vel potius ea dicit, quæ necessario respondenda iis forent, si veritatem profiterentur.

V. *Cic. pars secunda.*

7. *Cæsaris causa.* Provinciam tradituri.

8. *Bellum gerere.* Paucissimis his verbis ostendit quam absurda jussuque sit illa accusatio. Illi enim apud Cæsarem Ligarium incensant, hac una de re, quod per eum bellum Cæsari inferre revera sint impediti. Tâmen violentum autem telum in adversarios conjicit, ut mendacii solummodo viam eis relinquat, quam mox eis est adempturus.

9. *Occasione.* Quia sane magnam laudem apud vos redundaturam arbitrabimini, si provinciam tradidissetis. Sed quum nullo modo hanc mentem haberent Tuberoles, hoc ironice orator confitetur.

IX. Sed vide, quæso, C. Cæsar, constantiam¹ ornatissimi viri, L. Tiberonis : quam ego, quamvis ipse probarem, ut probo, tamen non commemorarem, nisi a te cognovissem in primis eam virtutem solere laudari. Quæ fuit igitur umquam in ullo homine tanta constantia? constantiam dico? nescio, an melius patientiam possim dicere. Quotus enim² istud quisque fecisset, ut, a quibus³ in dissensione civili non esset receptus, essetque etiam cum crudelitate⁴ rejectus, ad eos ipsos rediret? Magni cujusdam animi, atque ejus viri est, quem de suscepta causa, propositaque sententia, nulla contumelia, nulla vis, nullum periculum possit depellere.

Ut enim cetera paria Tiberoni cum Varo⁵ fuissent, honos, nobilitas, splendor, ingenium; quæ nequam fuerunt; hoc certe præcipuum Tiberonis fuit, quod justo cum imperio ex senatusconsulto in provinciam suam venerat. Hinc prohibitus, non ad Cæsarem⁶, ne iratus, non domum, ne iners, non aliquam in regionem⁷, ne condemnare causam illam, quam

IX. 1. *Constantiam.* Capite illo ostendit pervicacissime contra Cæsarem Tiberones pugnasse; ideoque numquam de tradenda ei provincia cogitasse, quod, quum palam dicere nollet, ne nimis consanguineo infensus videretur, omnem agendi rationem ante oculos judicis exposuit, dumque eam laudare videtur, indicat quanto odio in Cæsarem fuerit accensus.

2. *Quotus enim.* Quanto studio Pompeii flagrabat ille, quem nihil ab hac causa detertere potuit!

3. *Lallem.* servavit vet. lect. « a quibus partibus... ad eas ipsas ».

4. *Crudelitate.* Egrotabat tunc temporis Tiberio; attamen ei non licuit

ad terram appellere, nec aquam quidem haurire.

5. *Cum Varo fuissent.* Ostendit quam graviter Tiberio fuerit offensus, quum a Varo fuerit rejectus, homine infimo, quique nullo modo cum eo possit conferri; illudque præsertim his rebus auget, quod Tiberio legitimum imperium habebat; Varus vero potestatem tantum per vim obtineret.

6. *Non ad Cæsarem.* Nam si provinciam huic tradere voluisset, ad illum confugiendum erat, qui auxiliis potuisset juvare, ut provinciam per vim ademptam recuperaret.

7. *Aliquam in regionem.* Quæ procul a bellorum tumultu posita, perfugium tutissimum præbuisset.

sequutus esset, videretur; in Macedoniam ad Cn. Pompeii castra venit, in eam ipsam causam, a qua⁸ erat rejectus⁹ cum injuria.

Quid? quum ista res nihil commovisset ejus animum, ad quem veneratis¹⁰, languidiore, credo, studio in causa fuistis. Tantummodo in praesidiis¹¹ eratis; animi vero a causa abhorrebant. An, ut fit in civilibus bellis, nec in vobis magis, quam in reliquis, omnes¹² vincendi studio tenebamur¹³? Pacis equidem semper auctor fui; sed tum sero. Erat enim amentis, quum aciem videres, pacem cogitare. Omnes¹⁴, inquam, vincere volebamus; tu certe praecipue, qui in eum locum venisses, ubi tibi esset pereundum¹⁵, nisi vicissēs : quamquam¹⁶, ut nunc se res habet, non dubito, quin hanc salutem anteponas illi victoriæ.

X. Hæc ego non dicerem, Tubero, si aut vos constantiæ vestræ¹, aut Cæsarem beneficii sui poeniteret. Nunc quæro, utrum vestras injurias, an reipublicæ

8. *A qua.* Elate. Nam non a Pompeianis, sed ab aliquot tantum Pompeii fautoribus fuerat repulsus. Verba illa omnia gravissimum vulnus adversario infigunt; ut qui Macedoniam inde petierit, ubi pugnatum.

9. *Cod. Colon. ejectus.*

10. *Ad quem veneratis.* Quum nullo modo Pompeius motus fuisset, quod repulsam cum injuria et crudelitate pertulissetis, discedendum vobis ab ejus partibus erat; attamen fidi ac constantes remansistis.

11. *In praesidiis eratis.* Corpora saepe vestra in castris Pompeii versabantur; animus autem aliam convertebatur ad causam.

12. *Omnes.* Causam suam cum Tuberone communicat, ne gravius in eum juvehi videatur.

13. *Al. MSS. tenebantur.*

14. *Görrens. ad Cic. Acad. II, 24, suadet legere, « Omnes, omnes, inquam ».* J. V. L.

15. *Esset pereundum.* Te enim ita Cæsari infestum et inimicum ostenderas, ut tibi certe foret pereundum, ne in ejus manus venire.

16. *Quamquam.* Cæsaris laude hanc partem orationis vividam concludit, ut mentem ejus sibi conciliet, et in Tiberonem magis accendat.

X. 1. *Constantiæ vestræ.* In Pompeiana causa. — *Beneficii.* Erga vos, quorum constantiam non ignorabat. Tanto artificio totus ille compositus est locus, ut, dum orator Tiberonum firmam et constantem agendi rationem narrat, non omnino eam reprehendere videatur, quamvis ab ea laudanda longe abeat. Illud est ironiæ genus quam mire tractabat.

persequamini. Si reipublicæ, quid de vestra in ea causa perseverantia respondebitis? si vestras, videte, ne erretis, qui Cæsarem vestris inimicis iratum fore putetis, quum ignoverit suis². Itaque num tibi videor, Cæsar, in causa Ligarii occupatus esse³? num de ejus facto dicere? Quidquid dixi⁴, ad unam summam referri volo vel humanitatis, vel clementiæ, vel misericordiæ tuæ.

Causas, Cæsar, egi multas, et quidem⁵ tecum, dum te in foro tenuit ratio honorum tuorum⁶; certe nunquam hoc modo: « Ignoscite, judices; erravit; lapsus est; non putavit; si umquam posthac⁷... Ad parentem sic agi solet. Ad judices: « Non fecit, non cogitavit, falsi testes, fictum crimen ». Dic, te⁸, Cæsar, de facto Ligarii judicem esse; quibus in præsidiis,

2. *Ignoverit suis*. Ergo cadit in irritum vestra accusatio; qui neque reipublicæ hostes persequimini: nam et hostes quoque vos fuistis; nec Cæsaris: nam fuistis quoque huic viro infensi; sed odio in Ligarium acti, vindictæ et iræ tamquam ministrum Cæsarem habere vultis.

3. *Occupatus esse*. Defendenda scilicet: hactenus Tiberonem potius accusavit, quam Ligarium defendit. Quæ sequuntur omnino sunt ad misericordiam movendam versa.

4. *Quidquid dixi*. Quæ adhuc protuli, non ad defendendam causam dicta sunt, sed spectavi tantum, et ante oculos habui naturam tuam, et perpetuam ignoscendi consuetudinem.

5. *Gerr. ad Cic. de Finib. II, 9*, e duobus MSS legendum putat *equidem*. Nobis non probat. Schütz. recepit libentius. J. V. L.

6. *Honorum tuorum*. Causas quidem

multas ante præturam Cæsar egit, orationesque protulit, quæ Ciceroni valde probabantur. Dicit illud Cicero ratione honorum hanc fecisse, quia magistratus iis tantum mendabantur, quorum probata esset in dicendo industria. Sic autem de Cæsare Quintil. X, 1: « C. Cæsar, si foro tantum vacasset, non alius ex nostris contra Ciceronem nominaretur. Tanta in eo vis est, id acumen, ea concitatio, ut illud eodem animo dixisse, quo hollavit, appareat ». Conf. etiam Plutarch. et Sueton. Jul. cap. 55, 56.

7. *Si umquam posthac*. Si umquam eandem culpam admittit, tunc in eum sævire oportebit.

8. *Dic, te, Cæsar*. Si iudicis personam es suscepturus; si vis inquirere quibus partibus steterit Ligarius, tunc ego tacebo, et ea præmittam quæ causam possint tueri. Nunc autem tecum ago, non ut coram iudice, sed coram parente, dicturus.

fuerit, quære. Taceo. Ne hæc quidem colligo, quæ fortasse valerent etiam apud judicem. Legatus ante bellum profectus⁹, relictus in pace, bello oppressus, in eo ipso non acerbus, tum etiam totus animo et studio tuus¹⁰. Ad judicem sic agi solet. Sed ego ad parentem loquor : Erravi; temere feci; poenitet; ad clementiam tuam confugio; delicti veniam peto; ut ignoscas, oro. Si nemo impetravit, arroganter¹¹; si plurimi, tu idem fer opem, qui spem dedisti. An sperandi Ligario causa non sit, quum mihi apud te sit locus¹² etiam pro altero deprecandi¹³?

XI. Quamquam neque in hac oratione¹ spes est posita causæ, nec in eorum studiis, qui a te pro Ligario petunt, tui necessarii. Vidi enim et cognovi, quid maxime spectares, quum pro alicujus salute multi laborarent; causas² apud te rogantium gratiosiores³ esse, quam vultus; neque te spectare, quam tuus esset necessarius is, qui te oraret, sed quam illius, pro quo laboraret. Itaque tribuis tu quidem tuis ita multa, ut mihi beatiore illi esse videantur interdum, qui tua liberalitate fruuntur, quam tu ipse, qui illis tam

9. *Ante bellum profectus*. Si judex, non autem parens optimus sederes, tibi dicerem Ligarium ante bellum profectum, etc. Hoc artificio culpam Ligarii multum sublevat: quæ profert eo majorem vim obtinent, quod ea tamquam minimi ponderis proponere videtur et obiter jacit.

10. Ernest. arbitratur hic, in fine, excidisse *fuit*. Sine causa. J. V. L.

11. *Arroganter*. Si nemo ante Ligarium veniam delicti impetravit, arrogans sum, qui primus hoc petere sustineam. — *Qui spem dedisti*. Qui in spem veniæ impetrandæ adduxisti, idem tu veniam concede.

12. Quintilian. V, 10, 93, habet, *locus sit*. J. V. L.

13. *Deprecandi*. Quum mihi, qui et Pompeianus fui, et arma contra te gessi, potestatem benivolentia tua fecisti, ut alios defenderem.

XI. 1. *Quamquam* . . . oratione. Mirum sane hic oratoris artificium. In illa oratione, et in aliorum Cæsaris amicorum studiis causæ spem positam negat, ut Cæsar incautus his deprecationibus quodammodo capiatur.

2. *Causas*. Id est, te intueri, quam re impulsus, te pro aliis orent.

3. *Al. gratiores*, vel *graviore*s. Male. J. V. L.

multa concedis. Sed video tamen, apud te causas, ut dixi, rogantium valere plus, quam preces; ab iisque te moveri maxime⁴, quorum iustissimum dolorem videas in petendo.

In Q. Ligario conservando multis tu quidem gratum facies necessariis tuis; sed hoc, quæso, considera⁵, quod soles. Possum fortissimos viros, Sabinos, tibi probatissimos, totumque agrum Sabinum⁶, florem Italiæ, ac robur reipublicæ, proponere. Nosti optime homines. Animadvertite horum omnium mœstitiam et dolorem. Hujus T. Brocchi⁷, de quo non dubito, quid existimes, lacrymas squaloremque ipsius, et filii vides. Quid de fratribus dicam⁸? Noli, Cæsar, putare, de unius capite nos agere. Aut tres tibi Ligarii retinendi in civitate sunt, aut tres ex civitate exterminandi. Quodvis exsilium his est optatius, quam patria, quam domus, quam dii penates, uno illo exsulante. Si fraterne, si pie, si cum dolore faciunt, moveant te horum lacrymæ, moveat pietas, moveat germanitas: valeat tua vox illa, quæ vicit⁹. Te enim dicere audiebamur, nos, omnes adversarios putare, nisi qui nobiscum essent; te, omnes, qui contra te non essent,

4. *Moveri maxime.* Optime verbis illis Cæsaris animus ad preces amicorum audiendas adducitur.

5. *Considera.* Quum Cæsaris maxime misericordiam movere nititur, monet ut caveat ne lacrymis amicorum plus æquo tribuat, sicque verbis mentem ejus irretitam tenet, ut imprudens omnino capiatur.

6. *Agrum Sabinum.* Aut in Sabinis natus erat Ligarius, aut e Sabinis originem ducebat. Apud eos Sullana proscriptioe latuisse Cæsarem ait Plut. itaque preces eorum mentem maxime

erant commoturus.—*Florem.* Quorum virtus erat apud omnes notissima.

7. *T. Brocchi.* Avunculus hic fuit Ligarii.

8. *Dicam.* Jam antea hac in oratione trium fratrum concordiam et caritatem celebravit.

9. *Quæ vicit.* Quæ tibi victoriam peperit. Sueton. in J. Cæsare, c. 75, sic verba illa refert: « Denuntians Pompeio, pro hostibus se habiturum, qui reipublicæ defuissent, ipse (Cæsar) medios, et neutrius partis, eorum sibi numero futuros promuntiavit. »

tuos. Videsne igitur hunc splendorem¹⁰, omnem hanc Brocchorum domum, hunc L. Marcium, C. Cæsætium, L. Corfidium¹¹, hosce omnes equites romanos, qui adsunt veste mutata, non solum notos tibi, verum etiam probatos viros, tecum fuisse¹²? Atque his irascebamur, hos requirebamus, et his nonnulli etiam minabamur. Conserva igitur tuis suos¹³; ut, quemadmodum cetera, quæ dicta sunt a te, sic hoc verissimum¹⁴ reperiatur.

XII. Quod si penitus perspicere posses concordiam Ligariorum, omnes fratres tecum judicares fuisse. An potest quisquam dubitare, quin, si Q. Ligarius in Italia esse potuisset, in eadem sententia¹ futurus fuerit, in qua fratres fuerunt? Quis est, qui horum consensum conspirantem et pæne conflatum, in hac prope æqualitate fraterna², non noverit, qui hoc non sentiat, quidvis prius futurum fuisse, quam ut hi fratres diversas sententias fortunasque sequerentur? Voluntate igitur omnes tecum fuerunt: tempestate³ abreptus est unus; qui, si consilio id fecisset, esset eorum similis, quos tu tamen salvos esse voluisti.

Sed ierit⁴ ad bellum; discesserit non a te solum,

10. *Hunc splendorem.* Splendidissimos cives et spectatissimos.

11. *Al. MSS, Cornificium.* Certe voluit Tullius, ad Attic. XIII, 44, *Corfidii* nomen ex hac oratione tolli. J. V. L. — *Veste mutata.* Sordidati et summissis capillis.

12. *Tecum fuisse.* Suscepto enim bello civili Romæ remanserunt. Ut superius dictum, eos Cæsar tamquam suos habebat.

13. *Tuis suos.* Qui tuis, vel conanguinitate, vel amicitia, vel benivolentia sunt conjuncti.

14. *Hoc verissimum.* Quo dixisti,

te tamquam tuos habiturum, qui contra te non pugnaverint.

XII. 1. *Eadem sententia.* In Italia scil. remanendi.

2. *Æqualitate fraterna.* Pares erant tres illi fratres, dignitate, fortuna et æquitate; quæ quidem omnia firmissima sunt amicitie vincula.

3. *Tempestate.* Adversa fortuna prohibuit, quin domum rediret; nam repentino bello oppressus, quum nihil tale cogitaret, non potuit ad fratres suos reverti.

4. *Sed ierit.* Orator, qui causæ suæ Cæsarem jam multo minus infensum

verum etiam a fratribus. Hi te orant tui. Equidem quum tuis omnibus negotiis interesssem, memoria teneo, qualis T. Ligarius quæstor urbanus fuerit erga te et dignitatem tuam. Sed parum est, me hoc meminisse: spero etiam te, qui oblivisci nihil soles, nisi injurias, quoniam hoc est animi, quoniam etiam ingenii tui, te aliquid de hujus illo quæstorio officio cogitantem, etiam de aliis quibusdam quæstoribus reminiscentem recordari⁵. Hic igitur T. Ligarius, qui tum nihil egit aliud (neque enim hæc divinabat⁶), nisi ut tu eum tui studiosum, et bonum virum judicares, nunc a te supplex fratris salutem petit. Quam, hujus admonitus officio, quum utrisque his⁷ dederis, tres fratres optimos et integerrimos, non solum sibi ipsos, neque his tot ac talibus viris, neque nobis ne-

deprehendit, longius progreditur, et proclamat veniam dari Ligario oportere, etiam si arma in acie Pharsalica, quod nullo modo fecit, cepisset.

5. *Recordari.* Primis belli civilis temporibus Cæsar ærarium vi rapere adnixus est; quæstores vero, præsertimque tribunus Metellus, vehementissime obstitērunt. At quamvis maximæ conatus ediderint, ærarii portas per vim Cæsar infregit, pecuniamque omnem abstulit. Audiendus de hac re Plin. XXXIII, 3: « C. Cæsar, primo introitu urbis, civili bello suo, ex ærario protulit laterum aureorum xv m. argenteorum xxxv m. et in numerato H-S cccc. Nec fuit aliis temporibus res publica locupletior ». Quod equidem factum Cicero non hic apertis verbis memorat; sed Cæsarem tantum monet, uti in memoriam revocet non omnes quæstores, ut egit Ligarius, cum eo egiase. Cujus facti cum non oblitum fuisse testatur, quod malorum tantum memoriam

amittat, merita autem in se collata semper animo servet ac teneat. Vocem hanc magnificam recitat Quintilianus, VI, 4, sed iaverso ordine: « Qui nihil oblivisci soles, nisi injurias ».

6. *Divinabat.* Venturum scilicet tempus, quo te victorem pro fratre reo deprecaretur. Non ille in conferendo beneficio futuram utilitatem, quæ prospici non poterat, requisivit; non de recipiendo cogitavit, quam daret. Vide præclarissimis verbis de hoc agentem Senecam, a quo aliquid mutuari libet: « Ille qui totus ad se spectat, et nobis prodest, quia aliter sibi prodesse non potest, eo loco mihi est, quo qui pecori suo hibernum et æstivum pabulum prospicit; eo loco, quo qui captivos suos, ut commodius veneant, pascit, et optimos boves saginat et defricat. Multum, ut ait Cleanthes, a beneficio distat negotiatio, etc. » De Benef. VI, 12.

7. *Utrisque his.* Duobus Ligariis qui hic adsunt, et te pro-fratre orant.

cessariis suis, sed etiam reipublicæ condonaveris⁸. Fac igitur, quod de homine nobilissimo et clarissimo, M. Marcello, fecisti nuper in curia, nunc idem in foro de optimis et huic omni frequentiæ probatissimis fratribus. Ut concessisti illum senatui, sic da hunc populo⁹, cujus voluntatem carissimam semper habuisti¹⁰. Et, si ille dies tibi gloriosissimus¹¹, populo romano gratissimus fuit, noli, obsecro, dubitare, C. Cæsar, similem illi gloriæ laudem quam sæpissime quærere¹². Nihil est enim tam popolare, quam bonitas; nulla de virtutibus tuis plurimis nec admirabilior, nec gravior misericordia est. Homines enim ad deos nulla re propius accedunt, quam salutem hominibus dando¹³. Nihil habet nec fortuna tua majus, quam ut possis; nec natura tua melius, quam ut velis servare¹⁴ quam plurimos¹⁵.

Longiorem orationem causa forsitan postulat, tua certe natura brevior¹⁶. Quare, quum utilius esse ar-

8. *Condonaveris*. Cæsaris animum accendit, quod hic non de privata re agatur, sed de hominis salute, quæ totam remp. lætitia perfundet.

9. *Populo*. Qui tribunal tuum obseidet, adeo pro Ligario commovetur.

10. *Carissimam semper habuisti*. Quum popularem viam in republica administranda sit semper sequutus, et hoc prætextu civile bellum inceperit, ut violata tribunorum jura contra potentium ambitionem tueretur.

11. *Tibi gloriosissimus*. Si maximam tibi gloriam peperisti, quum Marcellum patriæ et senatui condonasti, ne dubita parem tibi laudem hoc die, simili benivolentia, quærere ac comparare. Sic spe famæ, cujus erat Cæsar cupidissimus, eum ad misericordiam impellit.

12. *Quærere*. Noli in illa quærenda

laude unquam defatigari. Totus ille locus nobilissimis sensibus refertus est, et magna quidem eloquendi vi ejuantiatis.

13. *Salutem hominibus dando*. Sententiæ illæ occurrunt passim in orat. pro Marcello, præsertimque tertio capite continentur. In eundem sensum Claudian. de quarto Honori consulation: « Sis pius in primis; nam quum vincamur ab omni Munere, sola deos sequat clementia nobis ».

14. Sic Quintilian. IX, 4, 107. *Al. conservare*.

15. *Quam plurimos*. His verbis maxima cum concinnitate et elegantia complectitur, quid potentia clementiæ in unum conjunctæ possint ad ceterorum salutem retinendam.

16. *Natura brevior*. Quum misericordia tua occurrere ipsa solet sup-

bitrer, te ipsum, quam aut me, aut quemquam, loqui tecum, finem jam faciam : tantum te admonebo, si illi absent¹⁷ salutem dederis, præsentibus his omnibus te daturum.

plicibus et calamitosis nullius oratione evocata, ut est apud Dejotaram.

17. *Illi absent.* Si revocaris hunc Q. Ligarium, qui nunc patria procul exulat, non hunc unum, sed eos omnes qui circumstant servaveris. Non sane falleretur Cæsar, quum Ligarium tamquam hostem sibi infestissimum haberet. Postquam enim Ciceronis eloquentia victus, cum Romam regredi passus est, hic consilia de Cæsare opprimendo statim inlit. Cum Bruto amicitia fuit conjunctus, particepsque ac socius conjurationis

fuit contra Cæsarem factæ. Egrotabat quo tempore res erat perpetranda. Eum Brutus adiit questurus de validudine, quæ consiliis obsistebat exequendis. Quæ ut audiit Ligarius, lecto sese exensit, et age, inquit, Brute, si me in societatem facinoris alicujus magni vocaturus venisti; loquere, optime valeo. Nec Brutum quidem fefellit; nam Cæsari violentas manus admovit. Postea cum uno e fratribus, a triumviris proscriptus, oppressus fuit. Confer Plutarchum in Bruto.

M. TULLII CICERONIS

ORATIO

PRO REGE DEJOTARO

ARGUMENTUM.

Dejotarus tetrarcha Gallogræciæ, sive Galatiæ pæne totius, quæ est Asiæ regio Phrygiæ et Cappadociæ confinis, imperatores romanos toto vitæ suæ tempore in iis bellis adjuverat, quæ Romani in Asia gesserunt; unde ipse vicissim rex e tetrarcha factus, honorificentissimis decretis ornatus et magna regni parte auctus fuerat. De illo Sulla, Murena, Servilius, Lucullus ornate et graviter in senatu prædicaverant; et Pompeius unum Dejotarum in toto orbe terrarum animo amicum vereque benivolum, unum fidelem populo romano iudicavit (Phil. II). Itaque ab illo, cui in Mithridatico bello maximam opem navaverat, Armenia minore fuerat donatus (Eutrop. VI, 11), et a senatu rex appellatus (ad Att. V, 17). Bello civili inter Cæsarem et Pompeium exorto, quum alterutram sequi partem cogeretur, sequutus est eam, quam jubebat fides et amicitia, in qua quum senatus, et consules, et magistratus ceteri essent, ipsa quoque resp. esse videbatur. Postquam devictus est Pharsalia Pompeius, domum se consulit Dejotarus, et Cæsarem cum Alexandrinis, mortuo Pompeio, bellum gerentem pecunia sustentavit. Confecto Alexandrino bello, in Pontum profectus est Cæsar, Pharnacem Mithridatis filium bello persequuturus: obviam ivit Dejotarus, et depositis regiis insignibus, et neque tantum privato vestitu, sed reorum habitu, supplex ad Cæsarem venit oratum, ut sibi etiam ignosceret, quod in ea parte positus terrarum, quæ nulla præsidia Cæsaris habuisset, exercitibus imperiisque in Cn. Pompeii castris fuisset: neque enim se iudicem debuisse esse controversiarum populi rom. sed parere præsentibus imperiis. Contra quem Cæsar quum plurima sua commemorasset officia, quæ consul ei decretis publicis tribuisset; quumque defensionem ejus nullam posse excusationem imprudentiæ recipere coarguisset; quod homo tantæ prudentiæ ac diligentiæ scire potuisset quis Urbem Italiamque teneret, ubi senatus populusque romanus, ubi resp. esset, quis deinde post L. Lentulum, C. Marcellum, consul esset; sed tamen se concedere id factum superioribus suis beneficiis,

veteri hospitio atque amicitiae, dignitati aetatique hominis, precibus eorum qui frequentes concurrissent hospites atque amici Dejotari ad deprecandum; de controversiis tetrarcharum postea se cogniturum esse dixit; regium vestitum ei restituit (Hirt. Bell. Al. c. 67). Intravit Caesar Dejotari domum, magnificeque donatus ei veniam dedit, ita tamen ut regni partem, Armeniam adimeret, regium vero nomen ei concederet. Biennio tandem post, composito scil. Hispaniensi bello, Sacocondarius, Dejotari gener, socero quam ob causam infensus incertum, Castorem filium suum Romam misit, qui avum accusaret, quod Caesarem apud se diversantem insidiis intercipere tentavisset. Is simul Phidippum medicum, eundemque regis servum, mercede corrupit, et ad accusandum Dejotarum subornavit. Duplici potissimum argumento usi sunt accusatores, Phidippum insidiarum fuisse conscium, et Dejotarum semper a Caesare fuisse alienum, tempusque idoneum ejus opprimendi captasse. Defensionem suscepit Cicero, antiquus Dejotari hospes et amicus, qui coram Caesare intra privatos parietes adversariorum crimen ceterasque suspiciones, quibus delatum crimen nitebatur, facile diluit. Habita videtur oratio Q. Fabio Maximo, C. Trebonio coss. quum Caesar IV consul primis diebus octobris mensis ex Hispania triumphasset, depositoque consulatu Fabium et Trebonium in tres novissimos anni menses suffecisset ann. U. 709. Ceterum de hac sua oratione haec Cicero ad Dolabellam: « Oratiunculam pro Dejotaro, quam requirebas, habebam mecum, quod non putabam. Itaque eam tibi misi, quam velim sic legas, ut causam tenuem et inopem, nec descriptione magnopere dignam. Sed ego hospiti veteri et amico munusculum mittere volui levidense, crasso filo, cujusmodi ipsius soleant esse munera ». Ad Div. IX, 12.

In exordio Cicero ait se in hac causa compluribus de causis initio dicendi vehementer conturbari. Primum quod sibi pro capite fortunisque regis, et ejus quidem regis dicendum sit, quem antea solitus sit cuncto cum senatu ornare. Deinde accusatorum alterius (Castoris) crudelitate, alterius (Phidippi) indignitate commoveri. Tum hoc etiam se interdum perturbare, quod de facinore contra vitam Caesaris apud eum ipsum judicem dicendum sit, in quo tamen Caesaris humanitate se levare me-

tumque minui ostendit. Denique se loci ipsius insolentia moveri, quod non in foro sed intra domesticos parietes dicturus sit, cap. 1, 2.

Jam antequam de accusatione ipsa dicat, pauca se de spe accusatorum dicturum denuntiat. Nimirum eos quum Dejotaro Cæsarem olim iratum fuisse, illumque ab eo quibusdam incommodis ac detrimentis affectum esse meminissent, fore sperasse, ut in exulcerato animo facile fictum crimen insideret. Itaque Cicero Cæsarem orat et obsecrat, ut eos qui Dejotaro bene cupiant metu liberet, ne residere in se ullam partem iracundiæ suspicentur. Simul Dejotarum, quod a Pompeii partibus steterit, excusat, eumque post prælium Pharsalicum omnibus Cæsaris utilitatibus paruisse ostendit, cap. 3-5.

Quod igitur Dejotarus domi suæ Cæsarem interficere voluisse arguatur, Cicero ostendit tam atrox facinus nullo modo in Dejotari prudentiam et probitatem cadere, totumque crimen ab accusatoribus non modo non credibiliter, sed ne suspiciose quidem confingi, cap. 6, 7. Deinde Cicero refutat id quod accusatores dixerant Dejotarum exercitum contra Cæsarem comparasse, cap. 8, et alieno ab eo animo semper in speculis fuisse, cap. 9, in quo simul graviter in Castoris inhumanitatem atque immanitatem in hac avi accusatione proditam invehitur, cap. 10, 11. Postremo hoc maledictum diluit, quod accusator objecerat Blesamium ad Dejotarum scribere solitum, Cæsarem in invidia esse, tyrannum existimari, statua ejus inter reges posita animos hominum vehementer offensos esse, plaudī ei non solere; ostenditque ea omnia ex urbanis malivolorum sermunculis esse collecta, cap. 12.

In peroratione id agit, ut plane Dejotarum Cæsari reconciliet, virtutes regis collaudando, negandoque eum Cæsari succensere, denique hujus clementiam et mansuetudinem implorando, cap. 13-15.

Habita est oratio mense circiter octobri vel novembri ann. U. C. 708, eamque Cicero conscriptam mense decembri misit ad Dolabellam (Epp. ad Fam. IX, 12), quem rogat, ut eam sic

legat ut causam tenuem et inopem, nec scriptione magnopere dignam. Sed se hospiti veteri et amico Dejotaro munusculum mittere voluisse levidense, crasso filo, cujusmodi ipsius soleant esse munera. (Vide supra pag. 606.)

Ceterum jam antea M. Brutus Nicææ Dejotarum coram Cæsare defenderat, et valde vehementer ac libere dixerat. (Epp. ad. Att. XIV, 1.)

M. T. CICERONIS ORATIONES.

ORATIO PRO REGE DEJOTARO.

ORATIO SECUNDA ET QUADRAGESIMA.

I. QUUM in omnibus causis gravioribus, C. Cæsar, initio dicendi¹ commoveri soleam vehementius, quam videtur vel usus², vel ætas mea³ postulare: tum in hac causa ita me multa perturbant, ut, quantum mea fides⁴ studii mihi afferat ad salutem regis Dejotari defendendam, tantum facultatis timor detrahat. Primum⁵

1. *Initio dicendi.* Quam magnus fuerit Ciceronis in exordiendo timor, pluribus locis dictum est, quam ut ea repetere ait necesse. Pro Cluentio: «Semper equidem magno cum metu incipio dicere; quotiescumque dico, toties mihi videtur in iudicium venire, etc.» Idem Divinatione in Q. Cæcil. esp. 13: «Quum illius temporis mihi venit in mentem, quo die citato reo mihi dicendum, non solum commoveor animo, sed etiam toto corpore perhorresco, etc.»

2. *Usus.* Quantus Ciceroni fuerit

V. *Cic. pars secunda.*

usus et exercitatio dicendi, videri potest ex his quæ ipse scribit in Bruto:

3. *Ætas mea.* Agebat annum fere sexagesimum secundum.

4. *Mea fides.* Scil. officium.

5. *Primum dico.* Prima causa timoris est, quod non hominem quempiam de grege defendit, sed regem; neque de parva aliqua re agitur, verum de maxima, quum de vita et statu nobilissimi clientis dicturus sit orator. De capite autem dimicabat Dejotarus, quia, si fuisset convictus, regno esset dejectus, fortunis omnibus exturbatus.

dico pro capite fortunisque regis : quod ipsum etsi non iniquum est⁶, in tuo dumtaxat periculo, tamen est ita inusitatum, regem capitis reum esse, ut ante hoc tempus non sit auditum. Deinde eum⁷ regem, quem ornare antea cuncto cum senatu solebam⁸, pro perpetuis ejus in nostram rempublicam⁹ meritis, nunc contra atrocissimum crimen cogor defendere. Accedit, ut¹⁰ accusatorum alterius crudelitate, alterius indignitate conturber. Crudelem Castorem¹¹, ne dicam sceleratum et impium! qui nepos avum in

Sic non multo post Herodes Palestinus, a fratribus accusatus, trans Alpes est ab Augusto relegatus, ac pars ejus ditionis in publicum redacta. Dio, LV. Quid de usitato verbo *fortune* dixerimus, vide ad Quintianæ cap. 1.

6. *Esti non iniquum est.* Prudenter vitat offensionem Cæsaris, qui hujus innuitatæ et inauditæ quæstionis disceptator, et judex in sua causa, iniquus videri poterat, dum regem sui juris citabat, quasi de capite reus fuisset. Hoc Cæsaris exemplum multi postea sequuti sunt, et de regibus judicabant. Nam Antoninus regem Judææ Antigoni cruci alligatum, flagris cecidit, ac deinde jugulavit. Dio lib. XLIX; Plut. in Antonio; Joseph. Antiq. lib. XV. — *In tuo periculo.* Non iniqua est illa actio, quod de vitæ tuæ discrimine agitur; quæ cura inauditam hanc judicii formam excusat et permittit.

7. *Deinde eum regem.* Illud mihi timorem addit, et turbationem, quod de eo rege dicturus sum, qui summis est laudibus a senatu ornatus, dignitate nova decoratus, quem optime de republica meritum videram, nunc autem atrocissima accusatione oppressum cerno.

8. *Lallem.* prætulit alteram lectio-

nem, *solebamus.* Habent quatuor codices regii. J. V. L.

9. *In nostram rempublicam meritis.* De Harusp. resp. « Quem unum habemus in orbe terrarum fidelissimum huic imperio, atque amantissimum nostri nominis ».

10. *Accedit, ut.* Tertia causa ex personis accusatorum. — *Alterius crudelitate.* Castoris scilicet, Dejotari nepotis ex filia, quæ Sacondario nupsit, qui patrem filius accusat. — *Alterius indignitate.* Phidippi, servi Dejotari, qui in dominum audet insurgere.

11. Est in edd. multis, *Crudelis Castor est.* J. V. L. — Orator, quum in miserationem magis, quam in quoddam aliud rhetoricarum artium genus inclinandam orationem videret, id præsertim efficiendum curat, ut imminuta adversariorum fide, et concitato in eos odio, Dejotarum judicii laqueis eximere, eumque ab omni sceleris labe vindicare possit, Cæsarisque in eum benivolentiam devocare: statim Castorem periculosæ illius accusationis auctorem aggreditur, et eum in invidiam non levem adducturus ait « crudelem Castorem ». Qua appellatione nihil potest esse significantius et vehementius, quum adolescentem tam

discrimen capitis adduxerit, adolescentiæque suæ terrorem intulerit ei, cujus senectutem tueri et tegere debebat, commendationemque ineuntis ætatis ab impietate et scelere duxerit; avi servum¹², corruptum præmiis, ad accusandum dominum impulerit, et a legatorum¹³ pedibus abduxerit. Fugitivi¹⁴ autem, dominum accusantis, et dominum absentem, et dominum amicissimum nostræ reipublicæ, quum os videbam¹⁵, quum verba audiebam, non tam afflictam regiam conditionem dolebam, quam de fortunis communibus¹⁶ extimescebam. Nam, quum more majorum de servo in dominum¹⁷, ne tormentis quidem, quæri liceat; in qua quæstione dolor veram vocem elicere possit etiam ab invito, exortus est¹⁸ servus, qui, quem in equuleo¹⁹ appellare non posset, eum accusaret²⁰ solutus.

II. Perturbat me¹, C. Cæsar, etiam illud interdum : quod tamen, quum te penitus recognovi, timere de-

infaustis avibus vitam auspicantem deplorat, indoletque ætatis commendationem ab impietate et scelere ducere.

12. *Avi servum.* Terentius Phorm. act. II, scen. 1 : « Servum hominem causam orare leges non sinunt; Neque testimonii dictio est ». Vide Ulpian. de Accusat.

13. *Legatorum.* Dejotari.

14. *Fugitivi.* Phidippi, qui legatorum servus ad Castorem effugerat.

15. *Quum os videbam.* Impudentiam. In Pisonem : « Os tuum ferreum senatus convicio verberari noluisti ».

16. *De fortunis communibus.* Nam si tantum servo conceditur, timere a servis nostris omnes debemus.

17. *De servo in dominum.* Pro Milone : « Majores nostri in dominum

de servo quæri noluerunt, non quia non posset verum inveniri; sed quia videbatur indignum esse et dominis ipsa morte tristius ».

18. *Exortus est servus.* Repente apparet servus homo, non qui dolore ad accusandum domini subigitur, sed qui liber et solutus, et de supervacaneo illum in iudicium appellat.

19. *In equuleo.* De hoc, et aliis tormentorum generibus, fuse tractatum pro Milone.

20. *Accusaret.* Al. *accuset.*

II. 1. *Perturbat me.* Quartam causam timoris ex persona iudicis deducit, sed ita tamen causas illas omnes verbis percurrit, ut obiter causæ suæ inserviat; et certissima defensionis fundamenta, quasi aliud agens, disponat.

sino. Re enim iniquum² est, sed tua sapientia fit æquissimum. Nam dicere apud eum de facinore, contra cuius vitam consilium facinoris inisse arguare, si per se ipsum consideres, grave est; nemo enim fere est, qui sui periculi iudex, non sibi se æquior, quam reo, præbeat. Sed tua, C. Cæsar, præstans singularisque natura hunc mihi metum minuit. Non enim tam timeo, quid tu de rege Dejotaro, quam intelligo, quid de te ceteros velis judicare³. Moveor etiam loci ipsius insolentia⁴, quod tantam causam, quanta nulla umquam in disceptatione versata est, dico intra domesticos parietes, dico extra conventum et eam frequentiam, in qua oratorum studia niti solent⁵. In tuis oculis, in tuo ore vultuque acquiesco; te unum intueor; ad te unum omnis mea spectat oratio. Quæ mihi ad spem obtinendæ veritatis⁶ gravissima sunt, ad motum animi, et ad omnem impetum dicendi contentionemque leviora⁷. Hanc enim, C. Cæsar, causam si in foro dicerem, eodem

2. *Re enim iniquum.* Scilicet aliquem esse iudicem in causa sua.

3. *Quid de te ceteros velis judicare.* Dubitare minime potest, quin æquum se aliis præbere cogatur, qui alios æquum de se sentire velit; lenem, qui clementiæ laudem consequi cupiat. Quum autem Cæsar æquum se et clementem haberi cupiat (Sueton. in Cæsare, cap. 75), committere nullo modo poterit, ut in Dejotarum iniquus aut crudelis fuisse videatur.

4. *Moveor etiam loci ipsius insolentia.* Quinta causa timoris; quod præter consuetudinem Dejotari causam defendendo non in loco patenti, pro Rostris, sed intra domesticos parietes Cæsaris, quo populus rom. ad audiendam causam non admittitur.

5. *Oratorum studia niti solent.* Qua excitari solent.

6. *Obtinendæ veritatis.* Scilicet de accusatoribus victoriæ referendæ.

7. *Ad motum animi leviora.* Et illud quidem quod solus apud te solum loquar, nulla corona cinctus, ut mihi spem victoriæ apud iudicem æquum et clementem offert, ita etiam oratori nocet, quod non patitur illa solitudo, illa domesticorum parietum umbra, magnos illos eloquentiæ motus adhibere, qui foro, qui multitudine audientium et media illa Romæ luce accenduntur. Forsan non absurdum sit sponere locum Senecæ Rhetoris, qui morum et inde eloquentiæ commutationem facile ostendat: «Latronem Porcium, quum ante iudices diceret,

audiente et disceptante te⁸, quantam mihi alacritatem populi romani concursus afferret? Quis enim civis ei regi non faveret, cujus omnem ætatem in populi romani bellis consumptam esse meminisset? Spectarem curiam, intuerer forum, cælum denique testarer ipsum. Sic, quum et deorum immortalium, et populi romani, et senatus beneficia in regem Dejotarum recorderer, nullo modo mihi deesse posset oratio. Quæ quoniam angustiora parietes faciunt, actioque causæ maxime debilitatur loco; tuum est, Cæsar, qui pro multis sæpe dixisti⁹, quid nunc mihi animi sit, ad te ipsum referre¹⁰; quo facilius tum æquitas tua, tum audiendi diligentia minuatur hanc perturbationem meam.

Sed antequam de accusatione ipsa dico, de accusatorum spe pauca dicam. Qui quum videantur neque ingenio, neque usu atque exercitatione rerum valere, tamen ad hanc causam non sine aliqua spe et cogitatione venerunt.

III. Iratum te regi Dejotaro¹ fuisse non erant

non ante potuisse confirmari, tectum et parietes desiderantem, quam impetravit, ut iudicium ex foro in basilicam transferretur. Usque eo ingenia in scholasticis exercitationibus delicate nutriuntur, ut clamorem, silentium, risum, cælum denique pati nequeant. Vide de optim. gen. Orat. cap. 4.

8. *Disceptante te.* Id est, rem et sententiam moderante.

9. *Pro multis sæpe dixisti.* Sueton. cap. 55: «Post accusationem Dola-bellæ haud dubie præcipuis patronis annumeratus est». Pro Ligario, cap. 10: «Causas, Cæsar, egi multas, et quidem tecum, dum te in foro tenuit ratio honorum tuorum».

10. *Ad te ipsum referre.* Quam loci angustia impeditus et constrictus sim, et solitam frequentiam, solitum cælum requirant oculi mei, tuum est, Cæsar, pro tuo dicendi usu, meas partes ipsum implere, quid nunc mihi animi sit, ex tuo sensu iudicare, quæ sententiam ipsum sentire, et supplere, et cogitare quid dicerem, si tantam causam non in foro, sed intra privatos parietes perorares. Ita fiet, ut mea hæc perturbatio clienti minus noceat.

III. 1. *Iratum te regi Dejotaro.* Philipp. II: «Quis enim cuiquam inimicior, quam Dejotaro Cæsar? æque atque huic ordini, ut equestri, ut Massiliensibus, ut omnibus quibus

nescii; affectum illum² quibusdam incommodis et detrimentis³, propter offensionem animi tui, meminerant; teque quum huic iratum, tum sibi amicum⁴ cognoverant: quumque apud ipsum te de tuo periculo⁵ dicerent, fore putabant, ut in exulcerato animo facile fictum crimen insideret. Quamobrem hoc nos primum metu, C. Cæsar, per fidem, et constantiam, et clementiam tuam, libera, ne residere in te ullam partem iracundiæ suspicemur. Per dexteram te istam⁶ oro, quam regi Dejotaro hospes hospiti porrexisti: istam, inquam, dexteram, non tam⁷ in bellis et in præliis, quam in promissis et fide firmiorem. Tu illius domum inire⁸, tu vetus hospitium renovare voluisti; te ejus dii penates acceperunt; te amicum et placatum Dejotari regis aræ focique viderunt. Quum facile exorari, Cæsar, tum semel exorari soles⁹. Nemo umquam te placavit inimicus, qui ullas resedissem in te

republicam populi romani caram esse sentiebat, etc. »

2. *Affectum illum.* In Erfurt. Pith. Dresd. Colon. tribus codd. Lambini, et scholiaste antiquo, scribitur *afflictum illum*. Retinent tamen Francii primus et secundus *affectum illum*, ut et editio prima, quam scripturam huic loco convenire magis putat Grævius: utitur enim orator verbis mollioribus, ne Cæsaris animum offendant.

3. *Incommodis et detrimentis.* Dejotarus Pompeio reipublicæ defensori adhæserat; victor Cæsar pecuniam ei imperavit, adempta Galatiæ parte, et Armenia Minore, quam ei senatus largitus erat. De Div. II: « Cæsarem eodem tempore et hostem et hospitem vidit: quid hoc tristius? Is quum ei Troginorum tetrarchiam eripuisset, et assecleæ suo Pergameno, nescio cui,

dedisset, eidemque detraxisset Armeniam a senatu datam, quumque ab eo magnificentissime hospitio exceptus esset, spoliatum reliquit hospitem et regem ».

4. *Sibi amicum.* Sibi favere, id est, Castori et ejus comitibus.

5. *De tuo periculo.* De insidiis quas straxisset Dejotarum dicebant.

6. *Per dexteram te istam.* Plinius, lib. II, cap. 17: « Inest dextræ religio, quæ in osculis appetitur, in fide porrigitur ».

7. Freinshemius, ad Q. Curtium, VI, 4, hoc tam omittendum putat. Probant multi. Habet tamen Priscian. lib. III, pag. 604.

8. *Inire.* Ire in, intrare. Idem dixit: « cubile et convivium inire ».

9. *Semel exorari soles.* Non necesse est, ut tibi plus quam semel preces

simultatis reliquias senserit. Quamquam cui sunt inauditæ cum Dejotaro querelæ tuæ? Numquam tu illum accusavisti ut hostem, sed ut amicum officio parum functum, quod propensior in Cn. Pompeii amicitiam fuisset, quam in tuam. Cui tamen ipsi rei¹⁰ veniam te daturum fuisse dicebas, si tantum auxilia¹¹ Pompeio, vel si etiam filium misisset, ipse excusatione¹² ætatis usus esset. Ita quum maximis¹³ eum rebus liberares, perparvam amicitiae culpam relinquebas. Itaque non solum in eum non animadvertisti, sed omni metu liberavisti, hospitem agnovisti, regem¹⁴ reliquisti. Neque enim ille odio tui progressus, sed errore communi lapsus est¹⁵. Is rex, quem senatus¹⁶ hoc nomine sæpe honorificentissimis decretis appellavisset, quique illum ordinem ab adolescentia gravissimum sanctissimumque duxisset, iisdem rebus est perturbatus, homo longinquus et alienigena, quibus nos¹⁷ in media republica nati, semperque versati.

IV. Quum audiret, senatus consentientis auctori-

admoveantur; ea tua est indoles, ut facile ignoscat, et condonatae injuriæ numquam meminerit.

10. *Ipsi rei.* Al. *regi.* Male.

11. *Si tantum auxilia.* Sic F. Ursinus; quam lectionem confirmavit codex Colon. Olim *si tum.* Al. *si quum auxilia.*

12. *Ipse excusatione.* Al. *ipse tamen excusatione.* Inimicior autem Cæsari eo videbatur Dejotarus, quod ætate a bello contra eum non esset deterritus.

13. *Ita quum maximis.* Al. *Itaque quum maximis.* — *Rebus.* Quæ gravissimæ illi objici possent.

14. *Regem reliquisti.* In conditione regia manere eum voluisti.

15. *Error communi lapsus est.*

Eodem momento utitur Cicero in sua pro Ligario oratione; dissensionem istam civilem non bellum fuisse, sed secessionem; non hostile odium, sed civile dissidium. Commode autem Dejotarus excusatus videtur, qui cum senatu lapsus est, cujus auctoritatem semper erat sequutus, a quo summis beneficiis cumulatus.

16. *Is rex, quem senatus.* Rex appellatus fuisse videtur Cæsaris et Bibuli consulatu. Hirtius de Bello Alexandrino: «Contra quem Cæsar, quum plurima sua commemorasset officia, quæ consul ei decretis publicis tribuisset». Vid. Argum.

17. *Quibus nos.* Quid mirum errasse cum benefactoribus hominem alienigenam et longe ab Italia distantem,

tate arma sumpta; consulibus¹, prætoribus, tribunis plebis, nobis² imperatoribus rempublicam defendendam datam: movebatur animo, et vir, huic imperio amicissimus, de salute populi romani extimescebat, in qua etiam suam inclusam videbat³. In summo tamen timore quiescendum sibi esse arbitrabatur. Maxime vero perturbatus est, ut audivit, consules ex Italia profugisse, omnesque consulares (sic enim nuntiabatur), cunctum senatum⁴, totam Italiam esse effusam. Talibus enim nuntiis et rumoribus patebat ad Orientem via, nec ulli veri subsequerentur. Nihil ille de conditionibus tuis⁵, nihil de studio concordiæ et pacis, nihil de conspiratione audiebat certorum ho-

quam nos Romani reipublicæ periti, civilibus rebus assueti eodem modo peccaverimus?

IV. 1. *Consulibus*. L. Lentulo, C. Marcello, qui eo anno consules fuerunt quo bellum civile exarsit. Quæ res sic ab ipso Cæsare exponitur: «Decurritur ad illud extremum atque ultimum SC. quo nisi pæne in ipso urbis incendio atque desperatione omnium salutis, latorum audacia, numquam ante discessum est: Dent operam consules, prætores, tribuni plebis, quique proconsules sunt ad urbem, ne quid respublica detrimenti capiat».

2. *Plebis, nobis*. Male quibusdam exemplaribus *novis*. — *Imperatoribus*. Imperator titulus erat honorificus duci post victoriam, sive a senatu, sive ab exercitu datus. Cicero ipse, hostibus in Cilicia devictis, imperator appellatus est, et e provincia redux, spe triumphi extra pomerium mansit. Ei, ut reliquis proconsulibus, a senatu mandatum, ut viderent ne quid respublica detrimenti pateretur.

3. *Inclusam videbat*. — *Al. inclusam esse videbat*.

4. *C. senatum*. Lucan. Phars. V, 30: «... moerentia tecta Cæsar habet, vacuasque domos, legesque silentes, Clausaque justitio tristi fora». Post cædem Cæsaris Cicero liberius cladem belli civilis narrat Philipp. II, quam «consules ait ex Italia expulsos, cumque his Cn. Pompeium, qui imperii romani lumen ac decus fuit; omnes consulares qui per vastitudinem exsequi fugam illam clademque potuissent; prætores, prætorios, tribunos plebis, magnam partem senatus, omnem sobolem juventutis, unoque verbo rempublicam expulsam, atque exterminatam sedibus suis». Hæc autem hoc loco molit, et falsis tantum nuntiis delusum Dejotarum ostendit.

5. *Nihil ille de conditionibus tuis*. Quas Cæsar offerebat. — *Studio concordiæ*. Vide Cæs. lib. I de Bell. Civ.

6. *Cartorum hominum*. Scil. Marcelli, Lentuli, Domitii, Scipionis, Catonis, et cujusque optimi civis, qui Cæsaris artes et ambitionem noverant.

minum⁶ contra dignitatem tuam. Quæ quum ita essent, tamen usque eo se tenuit, quoad a Cn. Pompeio ad eum legati literæque venerunt. Ignosce, ignosce, Cæsar, si ejus viri auctoritati rex Dejotarus cessit, quem nos omnes sequuti sumus⁷; in quem quum dii atque homines omnia ornamenta conguessissent, tum tu ipse plurima et maxima⁸. Neque enim, si tuæ res gestæ ceterorum laudibus obscuritatem attulerunt, idcirco Cn. Pompeii memoriam amisimus. Quantum nomen ejus⁹ fuerit, quantæ opes, quanta in omni genere bellorum gloria, quanti honores populi¹⁰ romani, quanti senatus, quanti tui, quis ignorat? tanto ille superiores vicerat gloria, quanto tu omnibus¹¹ præstisti. Itaque Cn. Pompeii bella, victorias, triumphos, consulatus admirantes numerabamus: tuos enumerare non possumus.

V. Ad eum igitur¹ rex Dejotarus venit, hoc misero fatalique bello, quem antea justis hostilibusque bellis adjuverat, quocum erat non hospitio solum, verum

— *Conspiratione.* De industria ambigua hac appellatione utitur orator; nempe significat consensionem sive justam, sive injustam.

7. *Quem nos omnes sequuti sumus.* Et quibus pepercisti.

8. *Maxima.* Quum Pompeio filiam Juliam collocavit.

9. *Quantum nomen ejus.* Lucan. IX, 202: « clarum et venerabile nomen Gentibus et multum nostræ quod proderat urbi ». Et Plin. VII, 26: « Ad decus imperii romani, non solum ad viri unius pertinet victorias Pompeii Magni, triumphosque hoc in loco nuncupari; æquato non modo Alexandri Magni rerum fulgore, sed etiam Herculis prope ac Liberi Patris, etc. » Verum in iis diutius immorari puti-

dum est; quum scriptores ejus victoriis pleni sunt. Conf. Valer. Maxim. lib. IX, cap. ult. et Ciceronem tum alibi frequenter, tum pro lege Manilia, et pro Cornelio Balbo.

10. *Quanti honores populi romani.* Id est, a populo romano in Pompeium collati. — *Tui.* I. e. a te collati.

11. *Quanto tu omnibus.* Col. Pith. Dresd. « quanto tu in omnibus ». Sed Grævius vulgatam præfert, quam et Erfurtensis tuetur.

V. 1. *Ad eum igitur.* Prima excusatio Dejotari, quod fuerit perturbatus variis rumoribus, et in errorem inductus. Altera, auctoritate Pompeii invitatus. Tertia, quam nunc exsequitur, fatalis quædam fuit necessitas quæ incidit, et improvidas hominum mentes

etiam familiaritate conjunctus : et venit vel rogatus, ut amicus; vel arcessitus, ut socius; vel evocatus, ut is, qui senatui parere didicisset : postremo venit², ut ad fugientem, non ut ad insequentem, id est, ad periculi, non ad victoriæ societatem. Itaque, Pharsalico prælio facto, a Pompeio discessit³; spem infinitam⁴ persequi noluit; vel officio, si quid debuerat, vel errori, si quid nescierat, satisfactum esse duxit; domum se contulit, teque Alexandrinum bellum gerente, utilitatibus tuis paruit⁵. Ille exercitum Cn. Domitii⁶, amplissimi viri, suis tectis et copiis sustentavit; ille Ephesum ad eum, quem tu ex tuis fidelissimum et probatissimum omnibus delegisti⁷, pecu-

occupavit, ut nemo mirari debeat humana consilia divina voluntate esse superata. Quarta excusatio ducitur ab antecedentibus, quia, quum prius Pompeium justis hostilibusque bellis adjuvisset, eum deserendum non putavit, ut superiora beneficia novo beneficio cumlaret. Quinta, quod fuerit invitatus, vel arcessitus, vel evocatus. Ubi adverte verborum differentiam. Invitantur amici, quum æquale jus est utriusque. Arcessuntur socii, qui ex fœdere debent sibi invicem auxilio venire. Evocantur a superioribus ii, quæ ex officio debent obtemperare.

2. *Postremo venit, ut ad fugientem, etc.* Auxilio venit Dejotarus potius qui Pompeium consolaretur ex Italia fugientem, quam Cæsari bellum indiceret.

3. *A Pompeio discessit.* Narrat Plutarchus Pompeium fugientem postridie in navem onerariam cujusdam Peticii mercatoris cum duobus Lentulis et Faonio receptum fuisse; et paullo post regem Dejotarum videntes ex

terra ad ipsos properantem, eum quoque accepisse. Quando autem a Pompeio discesserit, non liquet. Forte ex insula Cipro, quum inde versus Ægyptum solveret Pompeius, ad suam tetrarchiam rediit.

4. *Infinitam.* Cujus exitus et finis non prævideretur.

5. *Paruit.* Lambinus et plures, *petuit.* Male.

6. *Cn. Domitii.* Qui consul fuerat cum M. Messalla. Post Pharsalicam pugnam Cn. Domitius Calvinus Asiæ finitimisque provinciis præfectus est a Cæsare. Vide Hirtium de Bello Asiatico, cap. 34. Domitius autem Abenobarbus cum Pompeio fuit.

7. *Quem tu ex tuis fidelissimum et probat. omni. delegisti.* Credit Abram. de eo agi, quem Dio, lib. XLVII, narrat fuisse Sextum Julium qui Syriæ præerat, et quem quæstorem et propinquum suum Cæsar in sua ex Ægypto contra Pharnacem expeditione omnibus iis regionibus præfecerat. Verum et ipse non firmis argumentis niti se fatetur.

ORATIO PRO REGE DEJOTARO. 619

niam misit; ille iterum, ille tertio⁸, auctionibus⁹ factis, pecuniam dedit, qua ad bellum uteretur; ille corpus suum periculo objecit, tecumque in acie contra Pharnacem¹⁰ fuit, tuumque hostem esse duxit suum. Quæ quidem a te in eam partem accepta sunt, C. Cæsar, ut eum amplissimo regis honore et nomine affeceris¹¹.

Is igitur¹², non modo a te periculo liberatus, sed etiam honore amplissimo ornatus, arguitur domi te suæ interficere voluisse. Quod tu¹³, nisi eum furiosissimum judicas, suspicari profecto non potes.

Ut enim omittam¹⁴, cujus tanti sceleris fuerit, in conspectu deorum penatium, necare hospitem; cujus

8. *Ille iterum, ille tertio.* Semel Alexandrino bello; iterum eo, quod contra Pharnacem gestum est; tertio Africano.

9. *Auctionibus factis.* Suam supellectilem hastæ subiecit, et publica auctione addixit plus offerenti, ut pecuniam ex auctione redactam tibi submitteret.

10. *Contra Pharnacem.* Regem Ponti, filium et interfectorem Mithridatis. Occasione belli civilis Armeniam occuparat, et Domitium superaverat. Sed paullo post Cæsar venit, vidit, vicit. — *Tuumque hostem.* Oratorie magis quam vere dictum. Apparet enim ex auctore belli Alexandrini impulsus a Dejotaro Domitium, ut Pharnacem ab Armenia Minore, regno suo, depelleret.

11. *Regis honore et nomine affeceris.* Hirtius de Bello Alexandrino: « Quum propius Pontum finesque Gallo-Græciæ Cæsar accessisset, Dejotarus... depositis regis insignibus, neque tantum privato vestitu, sed etiam reorum habitu supplex ad Cæ-

sarem venit oratum, ut sibi ignosceret... Cæsar regium vestitum ei restituit. Legionem autem quam ex genere civium suorum Dejotarus natura disciplinaque nostrâ constitutam habebat, equitatumque omnem ad bellum gerendum adducere jussit».

12. *Is igitur.* Jam inde factum ipsum et crimen aggreditur, postquam omnia victoriæ præmunivit. Constitutio causæ est; utrum Dejotarus Cæsarem interficere voluerit, eique insidias struxerit.

13. *Quod tu.* Primum argumentum petitur a persona regis Dejotari demonstrat in eum virum non cadere posse, nisi forte insanum ac furiosum eum crediderit Cæsar.

14. *Ut enim omittam.* Præteritione oratoria multa argumenta coacervat ad probationem assumptionis. Primum petitur a religionis deorum penatium et hospitii: secundum a Cæsaris ipsius dignitate; tertium a Cæsaris fortuna et felicitate; quartum a Cæsaris beneficiis in Dejotarum, et grato regis animo; quintum denique a peri-

tantæ importunitatis¹⁵, omnium gentium, atque omnis memoriæ clarissimum lumen extinguere; cujus tantæ ferocitatis, victorem orbis terrarum non extimescere; cujus tam inhumani et ingrati animi, a quo rex appellatus esset, in eo¹⁶ tyrannum inveniri: ut hæc omittam, cujus tanti furoris fuit, omnes reges, quorum multi erant finitimi¹⁷, omnes liberos populos, omnes socios, omnes provincias, omnia denique omnium arma contra se unum excitare¹⁸? Quonam ille modo cum regno¹⁹, cum domo, cum conjuge, cum carissimo filio distractus esset²⁰, tanto scelere non modo perfecto, sed etiam cogitato?

VI. At, credo¹, hæc homo inconsultus et temerarius non videbat. Quis consideratior illo? quis tectior²? quis prudentior³? Quamquam hoc loco Dejotarum⁴ non tam ingenio et prudentia, quam fide et religione vitæ defendendum puto. Nota tibi est, C. Cæ-

culo Dejotari, si Cæsari necem intulisset. Quod postremum argumentum per partium enumerationem exaggerat. — *Necare hospitem.* Confer in Livio, XXIII, Pacuvium iisdem momentis vehementissime utentem, ut filium ab interficiendo hospite Hannibale deterreat.

15. *Importunitatis.* Id est, crudelitatis. Sic Cicero de Amicitia, cap. 15, tribuit Tarquinio regi superbiam et importunitatem.

16. *In eo.* In eum. — *Inveniri.* Id est, agnosci, deprehendi.

17. *Multi erant finitimi.* Ut Sadalla rex Thraciæ; Ariobarzanes Capadociæ; Tarcondimotus partis cuiusdam Ciliciæ; Mithridates Pergamenus, cui Cæsar Armeniæ Minoris regnum tradiderat, Rem Ariarathes Ariobarzani frater.

18. *Contra se unum excitare?* Victo

enim Pompeio, quicumque eum ex Asiaticis vel regibus, vel populis adjuverant, Cæsari se tradiderunt.

19. *Quonam ille modo cum regno.* Nihil mutandum, neque Ernestio credendum. J. V. L.

20. *Distractus esset.* In quæ mala præcepta actus esset, cum gente tota, si non dico scelus perfecisset, sed tantum cogitasset.

VI. 1. *At, credo.* Occupatio oratoria. Hactenus argumentatus est a verisimili, a dedecore, a damno; nunc a Dejotari sapientia.

2. *Quis tectior?* Græv. e MSS bonis, *quis rector?* Sic etiam Lallem. e codd. regis. J. V. L.

3. *Prudentior.* Quam ei prudentiæ laudem ipse concedebat Cæsar, ut videre est in Argumento.

4. *Quamquam hoc loco Dejotarum.* Oratoris correctio, causæ accommo-

sar, hominis probitas, noti mores, nota constantia. Cui porro⁵, qui modo populi romani nomen audivit, Dejotari integritas, gravitas, virtus, fides non audita est? Quod igitur facinus nec in hominem imprudentem cadere posset, propter metum præsentis exitii, nec in facinorosum, nisi esset idem amentissimus, id vos et a viro optimo, et ab homine minime stulto cogitatum esse confingitis. At quam non modo non credibiliter⁶, sed ne suspiciose quidem! Quum, inquit, in castellum Luceium venisses⁷, et domum regis, hospitii tui, devertisses, locus erat quidam, in quo erant ea composita, quibus rex te munerare constituerat. Huc te e balneo⁸, priusquam accumberes, ducere volebat. Erant enim armati⁹, qui te interficerent, in eo ipso loco collocati. En crimen, en causa, cur regem fugitivus, dominum servus accuset! Ego mehercule¹⁰, C. Cæsar, initio, quum est ad me ista causa delata¹¹, Phidippum medicum¹², servum regium, qui cum legatis missus esset, ab isto¹³ adolescente

data; quia Dejotari calliditas eum suspectum poterat facere, ait non tam esse ea ratione defendendum, quod ingeniosus et prudens, quam quod fidelis amicus et religiosus semper exstitit.

5. *Cui porro.* Dejotarum cum populo romano consociat, quem semper omni in vita diligenter est sequutus.

6. *Non credibiliter.* Quam autem illi calumniæ parva fides potest hærrere! immo quam ægre vel suspiciones movet!

7. *Venisses.* Mallet Putean. *voluisses.* Abramini *venires.*

8. *Huc te e balneo.* Solebant veteres ad balnea ire, priusquam mensis accumberent.

9. *Erant enim armati.* Al. *codd.*

ibi enim erant armati, etc. J. V. L.

10. *Ego mehercule.* Prima criminis circumstantia, qua ostendit crimen probabiliter non esse confictum, quia, si Cæsarem Dejotarus occidere voluisset, consiliumque suum servo medico credidisset, veneno potius quam ferro rem transigere maluisset.

11. *Ista causa delata.* Quum militi nuntiatum esset Phidippum a Castore corruptum.

12. *Medicum.* Neminem fugit artes sæpius liberales a servis fuisse tractatas.

13. *Isto adolescente.* Castore, Dejotari nepote. Olim post *adolescente* legebatur *existimavit*, quod rejiciant plerique codices, admiseraut, qui non viderunt unde verba penderent.

esse corruptum, hac suspitione sum percussus : medicum indicem subornabit¹⁴; finget videlicet aliquod crimen veneni. Etsi a veritate longe, tamen a consuetudine criminandi non multum res abhorrebat. Quid ait medicus? nihil de veneno. At id fieri potuit, primo occultius in potione, vel in cibo¹⁵; deinde etiam impunius¹⁶ fit; quod, quum est factum, negari potest. Si palam te interemisset; omnium in se gentium non solum odia, sed etiam arma convertisset : si veneno; Jovis illius quidem hospitalis¹⁷ numen numquam celare potuisset, homines fortasse celavisset. Quod igitur et occultius conari, et efficere cautius potuit; id tibi, et medico callido, et servo, ut putabat, fideli, non credidit : de armis, de ferro, de insidiis celare te noluit? At quam festive¹⁸ crimen contextitur? Tua te, inquit, eadem, quæ semper, fortuna¹⁹ servavit. Negavisti tum te inspicere velle²⁰.

VII. Quid postea? an Dejotarus, re illo tempore non perfecta, continuo dimisit exercitum¹? nullus erat alius insidiandi locus? At eodem te, quum cœna-

14. *Subornabit.* Al. habent e MSS *subornavit.* Dedit quoque Lallem. e MSS regis. J. V. L.

15. *In potione, vel in cibo.* Hæc in... cibo, Ern. spuris judicat. J. V. L.

16. *Impunius fit.* Poterat id fieri cum majori impunitate, ut fere sunt ea omnia, quæ quum facta sunt, possunt negari.

17. *Jovis hospitalis.* Sic in *Æneid.* I, « Juppiter, hospitibus nam te dare jura loquuntur, etc. »

18. *At quam festive.* Quam ridicule et improbabiliter accusatio Phidippi componitur; et sequentia præcedentibus attextuntur, et quasi per se non cohererentia novis mendaciis assuntur.

19. *Fortuna servavit.* A præsentis necis periculo liberatum Casarem, ait accusator, eadem famulante fortuna, quæ eum a plurimis discrimini-bus eripuit.

20. *Inspicere velle.* Quæ tibi domo dabat Dejotarus.

VII. 1. *Dimisit exercitum.* Accusatores ridet, ex Eunuchio Ter. act. IV, scen. VII, vs. 44, ubi Thraso qui suos servulos instar aciei gloriosius instruxerat, re non succedente, neque perfecta, jam dimitto exercitum, inquit. Non poterat festivius narratio illa concludi, quam si Dejotarum prudentissimum hominem, cum Thrasome, ridiculo homine, compararit.

visses, redituum dixerat : itaque fecisti². Horam unam
 aut duas eodem loco armatos, ut collocati fuerant³,
 retinere magnum fuit? Quum in convivio comiter et
 jucunde fuisses, tum illuc isti⁴, ut dixerat. Quo in
 loco Dejotarum talem erga te cognovisti, qualis rex
 Attalus⁵ in P. Africanum fuit : cui magnificentissima
 dona, ut scriptum legimus⁶, usque ad Numantiam
 misit ex Asia; quæ Africanus, inspectante exercitu,
 accepit. Quod quum præsens Dejotarus, regio et ani-
 mo et more, fecisset; tu in cubiculum discessisti.
 Obsecro, Cæsar, repete temporis illius memoriam;
 pone illum ante oculos diem; vultus hominum⁷ te
 intuentium atque admirantium recordare : num quæ
 trepidatio? num qui tumultus? num quid, nisi mo-
 derate, nisi quiete, nisi ex hominis gravissimi et san-
 ctissimi disciplina? Quid igitur causæ excogitari
 potest, cur te lautum voluerit⁸, cœnatum noluerit
 occidere? In posterum, inquit, diem distulit, ut,
 quum in castellum Luceium⁹ ventum esset, ibi cogi-
 tata perficeret. Non video causam loci mutandi : sed
 tamen acta¹⁰ res criminose est. Quum, inquit, vomere

2. *Itaque fecisti.* Cœnatus ad inaspi-
 cienda munera te contulisti, ut ante
 cœnam te facturum esse promiseras.

3. *Fuerant.* Al. *fuerunt.* J. V. L.

4. *Isti.* Al. *ivisti.* J. V. L.

5. *Attalus.* Ant. Bendinellus, Ro-
 hortellus, alique legunt *Antiochus*,
 ex Epitom. Livian. 57. J. V. L. —
 Verum codices omnes *Attalum* refe-
 runt, consentiant etiam Ambrosiani,
 ut testatur Angelus *Mai*; credam il-
 lud esse Ciceronis ἀμάρτημα μνημο-
 νιών.

6. *Ut scriptum legimus.* In eis li-
 bris, quibus caret ætas nostra. — *Numantiam.* Hispaniæ urbem, quam Afri-
 canus captam delevit.

7. *Vultus hominum.* Qui sermo
 quidam tacitus mentis est. Sic etiam
 pro Milone, cap. 23 : « E vultu Milo-
 nis, etc. » — *Intuentium.* Eodem sensu
 in Maniliana : « Sicut aliquem non ex
 hac urbe missum, sed de cælo dela-
 psam intuentur ».

8. *Te lautum voluerit.* Occidere.

9. *Castellum Luceium.* Apparet ca-
 stellum in suburbio fuisse, aut regiæ
 proximum, ita ut Cæsar ad illud ac-
 cesserit, dum regiam intraret; postri-
 die autem invitatus fuerit ad convi-
 vium in castello Luceio celebrandum.

10. *Acta.* Ernest. conjicit, *dicta*;
 Schütz. in ordinem recepit. Frustra.
 J. V. L.

te post cœnam¹¹ velle dixisses, in balneum te dūcere cœperunt. Ibi enim erant insidiæ. At te eadem tua fortuna servavit : in cubiculum te ire malle dixisti. Dii te perduint¹², fugitive! ita non modo nequam et improbus, sed fatuus et amens es. Quid? ille signa ænea¹³ in insidiis posuerat, quæ e balneo in cubiculum transferri non possent? Habes crimina¹⁴ insidiarum. Nihil enim dixit amplius. Horum, inquit, eram conscius. Quid tum¹⁵? ita demens ille erat, ut eum, quem conscium tanti sceleris habebat, a se dimitteret? Romam etiam mitteret, ubi et inimicissimum sciret esse nepotem suum¹⁶, et C. Cæsarem, cui fecisset insidias? præsertim quum is unus esset¹⁷, qui posset de absente se indicare¹⁸? Et fratres meos, inquit, quod erant conscii, in vincula conjecit. Quum igitur eos vinciret, quos secum habebat, te solutum Romam mittebat¹⁹, qui eadem scires, quæ illos scire dicis?

11. *Fomere te post cœnam.* Quod Romanis usitatum fuit. Nec magis mirum, quam si dicamus nos dormire, vel ludere. Suetonius tamen in Cæsaris vita, cap. 55: « Vin i parcissimum ne inimici quidem negaverunt. Verbum M. Catonis est: unum ex omnibus Cæsarem ad evertendam rempublicam, sobrium accessisse. » De Cæsare Cicero: « Unctus est, acubuit, ἐμπετρῆν egerat; itaque et edit et bibit ἀδιδῶς et iucunde; opipare certe et apparate ». Ad Attic. XIII, ep. postr.

12. *Dii te perduint.* Perdant. Formala exsecrationis apud Plantum et comicos.

13. *Signa ænea.* Lepide pro hominibus armatis, qui fuisse dicuntur in insidiis collocati, nec moveri magis posse videbantur, quam si ærei fuissent.

14. *Habes crimina.* Jam, C. Cæsar, habes rem omnem; erimen omne insidiarum cognoscis. Nihil enim accusator dixit amplius, quam quod dixi ego.

15. *Quid tum?* Heumann. tum delendum putat. J. V. L.

16. *Nepotem suum.* Castorem, cuius avus erat.

17. *Quum is unus esset.* Tamne demens erat Dejotarus, ut medicum tanti sceleris conscium, Romam mitteret; quum is unus esset, qui posset Cæsari de hoc crimine indicare, dum ipse procul distaret?

18. *Indicare.* Vulg. vindicare. Rectius vero Grav. et Lallem. *indicare*, jam monente Vlet. Var. lect. XXVIII, 12. J. V. L.

19. *Mittebat.* Ironia imbellem accusatoris defensionem redarguit.

VIII. Reliqua pars¹ accusationis duplex fuit : una, regem semper in speculis fuisse², quum a te animo esset alieno; altera, exercitum eum contra te magnum comparasse. De exercitu³ dicam breviter, ut cetera. Numquam eas copias rex Dejotarus habuit, quibus inferre bellum populo romano posset, sed quibus fines suos ab excursionibus⁴ hostium et latrociniiis tueretur, et imperatoribus nostris auxilia mitteret. Atque antea quidem majores copias alere poterat : nunc exiguas vix tueri⁵ potest. At misit ad Cæcilium, nescio⁶ quem; sed eos, quos misit, quod ire noluerunt, in vincula coniecit. Non quæro, quam verisimile sit, aut non habuisse regem, quos mitteret; aut eos, quos misisset, non paruisse; aut qui dicto audientes in tanta re non fuissent, eos vinctos potius, quam necatos fuisse⁷. Sed tamen quum ad Cæcilium mittebat, utrum causam illam⁸ victam esse nesciebat, an Cæcilium istum, magnum hominem putabat? quem profecto is, qui optime nostros homines novit, vel quia

VIII. 1. *Reliqua pars.* Respondet ad alteram partem accusationis.

2. *In speculis fuisse.* Speculatores habuisse, qui rumores de Cæsare exciperent, et ad se referrent; omnes Cæsaris actiones observasse, et occasionem exspectasse illius opprimendi.

3. *De exercitu.* Non negat, sed illius vires elevat, dum ad id redactum Dejotarum ostendit, ut tantum fines a latrociniiis possit defendere, nedum populo rom. bellum inferre.

4. *Excursionibus.* Ernest. mallet *incursionibus.* J. V. L.

5. *Exiguas vix tueri.* Quia Cæsar ei partem regni sui maximam ademcrat.

6. *Ad Cæcilium, nescio quem.* Quasi sic eum contemneret, ut ne nomen

quidem Q. Cæcilii Bassi compertum haberet; vel quia proderat causæ Dejotari a quo contemptum illum dicit; vel quia Cæsari gratum videbatur has Pompeiani belli reliquias adeo contemni. De hoc Epitome Liviana, lib. CXXVII : « Bellum in Syria Cæcilius Bassus eques romanus Pompeianarum partium excitavit, et relicto a legione Sexto Cæsare quæ ad Bassum transierat, occisoque, etc. » Quæ fusiis a Dione referuntur, lib. LXVII. Cf. ad Div. XII, 18; Joseph. XIV, 11, etc. — Olim *Cælium*. Lambin. Grav. ex MSS pluribus legunt, *Cæcilium*. Optime. Sic etiam scholiastes Maii.

7. *Quam necatos fuisse.* Quidam MSS delent *fuisse*.

8. *Causam illam.* Pompeianam.

nosset⁹, vel quia non nosset¹⁰, contemneret. Addidit etiam illud, equites non optimos misisse. Veteres, credo¹¹, Cæsar : nihil ad tuum equitatum; sed misit ex iis, quos habuit, electos. Ait nescio quem ex eo numero, servum judicatum¹². Non arbitror; non auidi. Sed in eo, etiamsi accidisset, culpam regis nullam fuisse arbitrarer.

IX. Alieno autem¹ a te animo fuit : quomodo²? Speravit, credo, difficiles tibi Alexandria³ fore exitus, propter regionis naturam et fluminis. At eo ipso tempore pecuniam dedit, exercitum aluit; ei, quem⁴ Asiæ præfeceras, nulla in re defuit; tibi victori non solum ad hospitium, sed ad periculum etiam atque ad aciem præsto fuit⁵. Sequutum est bellum Africanum⁶ : graves de te rumores⁷ sparsi; qui etiam furiosum illum

9. *Quia nosset.* Miseram enim cognovisset. Non eadem post Cæsarem interfectum dicit Cicero in Philipp. II, quum privatum quidem Q. Cæcilium Bassum, sed fortem et præclarum virum appellat. Ejus legiones ad se traduxit Cassius.

10. *Quia non nosset.* Qui optime Romanos nominis alicujus noverat, eum quem ignoravisset, nihili hominem recte judicasset.

11. *Veteres, credo, Cæsar.* Addidit accusator, illum in supplementum tibi malos equites misisse; credo veteranos suos ad te misisse Dejotarum, quod exercitus sui robur est, non sane tuo equitatu comparandum, sed quod optimum habebat.

12. *Servum judicatum.* Servis non licuit militare, præsertim in equestri loco.

IX. 1. *Alieno autem.* Adversarius ut fidem faceret criminis insidiarum, probare nitebatur Dejotarum fuisse

semper a Cæsaris rationibus alienum. Hic igitur ponitur accusatoris objectio.

2. *Quo modo?* Confutatio per ironiam. Et reipsa magno periculo tunc Cæsar, majori tamen pericali fama dimicabat, ut videre est ex Suet. Jul. 42; et ex Lucan. in extremis Pharsaliæ versibus.

3. *Alexandria.* Alti, *Alexandriæ.* J. V. L.

4. *Ei, quem Asiæ.* Intelligit Cn. Domitium Calvinum.

5. *Ad aciem præsto fuit.* Cæsar victor e bello Alexandrino per Galliam Græciam transivit, et contra Pharnacem arma convertens, Dejotarum copias suas adducere jussit.

6. *Sequutum est bellum Africanum.* Cæsar, parta de Pharnace victoria, paucos dies in Italia moratus, Iuba Numidiæ regi, Scipioni et Catoni, qui magnis exercitibus Africam occupaverant, bellum intulit.

7. *Graves de te rumores.* Dio, lib.

ORATIO PRO REGE DEJOTARO. 627

Cæcilium excitaverunt. Quo tum erga te rex animo fuit? qui auctionatus⁸ sit, seseque exspoliare maluerit, quam tibi pecuniam non subministrare. At eo, inquit, tempore ipso Nicæam Ephesumque mittebat, qui rumores Africanos exciperent, et celeriter ad se referrent⁹. Itaque quum esset ei nuntiatum, Domitium naufragio¹⁰ periisse, te in castello¹¹ circumsideri; de Domitio dixit versum græcum¹² eadem sententia, qua etiam nos habemus latinum :

Pereant amici, dum una inimici intercidant :

quod ille, si esset tibi inimicissimus, numquam tamen dixisset. Ipse enim mansuetus; versus immanis. Qui autem Domitio poterat esse amicus, qui tibi esset inimicus¹³? Tibi porro inimicus cur esset, a quo quum vel interfici, belli lege, potuisset, regem et se, et filium suum constitutos esse meminisset?

Quid deinde¹⁴? furcifer quo progreditur? ait, hac

XLVII : « Multæ res adversæ Cæsaris ex Africa nuntiabantur. » Quibus rebus excitatus fuit Cæcilius Bassus, et alios ad instaurandum in Syria bellum fictis etiam nuntiis atrocioribus excitavit.

8. *Qui auctionatus.* Bona sua hæstæ præconique subjecerit, ad conficiendam pecuniam quæ tibi mitteretur. Idem quod supra argumentum a repugnantibus.

9. *Ad se referrent.* Scilicet ut non amplius Cæsari subministraret pecuniam, si quid ei adversi contigisset. Quod quum fortasse orator refellere non posset, dissimulat, et alia confutatione obruit, et quod in accusatione probabilissimum fuit, id apprehendit, videlicet Dejotarum versum dixisse, etc.

10. *Domitium naufragio.* Cn. Do-

mitius, post devictum Pharnacem, ut res Orientis componeret, aliquamdiu substitit, et quum in Africam profectus esset, nuntiatum est naufragio periisse.

11. *Te in castello circumsideri.* Quod non diffitetur Hirtius de bello Africano, quamvis omnia in laudem Cæsaris suo more convertat.

12. *Versum græcum.* Versus quem recitatum reprehendit Plutarchus de adul. et amic. c. 5 : Μηδὰ μὴ μὴδὰ μῶς ἐπαινοῦμεν τὸ, Ἐβρίτω φίλος σὺν ἐχθρῷ. Pereat amicus cum inimico.

13. *Qui tibi esset inimicus.* Quæ autem amicitia inter eum et Domitium intercedere poterat, si Cæsarem odisset?

14. *Quid deinde?* Oratoria sustentatio, qua suspensus auditorum animus sustinetur.—*Furcifer.* Phidippus, ser-

lætitia Dejotarum elatum, vino se obruisse, in convivioque nudum¹⁵ saltavisse. Quæ crux huic fugitivo potest satis supplicii afferre? Dejotarum saltantem quisquam, aut ebrium vidit umquam? Omnes sunt in illo rege¹⁶ regię virtutes, quod te, Cæsar, ignorare non arbitror; sed præcipue singularis et admiranda frugalitas. Etsi hoc verbo scio laudari reges non solere. Frugi hominem dici, non multum habet laudis in rege: fortem¹⁷, justum, severum, gravem, magnanimum, largum, beneficum, liberalem; hæ sunt regię laudes; illa privata est¹⁸. Ut volet, quisque accipiat: ego tamen frugalitatem, id est, modestiam et temperantiam, virtutem¹⁹ esse maximam judico. Hæc in illo est ab ineunte ætate, tum a cuncta Asia, tum a magistratibus²⁰ legatisque nostris, tum ab equitibus romanis²¹, qui in Asia negotiati sunt, perspecta et cognita. Multis ille quidem gradibus officiorum erga rempublicam nostram ad hoc regium nomen adscen-

vus Dejotari fugitivus et dominum acensans, dignus ideo qui crucem suam ferat, et in ea figatur.

15. *Nudum*. Non significat omni veste exutum, sed qui superiora vestimenta sibi detraxit. Sic in Georg. «Nudus ara, sere nudus». Ceterum saltatio illa luxus et obrietatis crimine notabatur, ut plurimis ex locis videre est.

16. *Rege*. Aberat *rege*. Optimo jure addidit Græv. e cod Erfurt. Lalleu. non admisit. J. V. L. — Frustra mutandum *regis* in *egregia* sentiebat Patricius. Ostendit orator quam absurdum easset, quod Phidippus Dejotaro objicit, quum et aliis regis virtutibus præditum eum omnes sciant, et præcipue frugalitate, quæ obstitit ne umquam genio omnino indulgeret,

et quidquam contra regiam dignitatem committeret.

17. *Fortem*. In periculis obeundia. — *Justum*. In observanda sequitate constantem, et jus suum cuique tribuendo. — *Gravem*. Firmum ac constantem, a levitate alienum, ut nec secundis rebus efficeretur, nec adversis deprimatur.

18. *Illam privata est*. Laus frugalitatis et temperantis magis ad hominem spectat privatum, quam ad regem, qui homo publicus est.

19. *Virtutem esse*. Duo codd. apud Goerens. ad Academ. II, 19, delect esse. J. V. L.

20. *A magistratibus*. Scilicet proconsulibus, prætoribus, quæstoribus aliisque provinciarum præsidibus.

21. *Equitibus romanis*. Publicanis,

dit; sed tamen quidquid²² a bellis populi romani vacabat, cum hominibus nostris consuetudines, amicitias, res rationesque jungebat: ut non solum tetrarcha nobilis, sed optimus paterfamilias, et diligentissimus agricola²³ et pecuarius haberetur. Qui igitur adolescens, nondum tanta gloria præditus, nihil umquam, nisi severissime et gravissime, fecerit; is ea existimatione, eaque ætate²⁴ saltavit?

X. Imitari potius¹, Castor, avi tui mores disciplinamque debebas, quam optimo et clarissimo viro, fugitivi ore, maledicere. Quod si saltatorem avum² habuisses, neque eum virum, unde pudoris pudicitiaque exempla peterentur; tamen hoc maledictum minime in illam ætatem³ conveniret. Quibus ille studiis ab ineunte ætate se imbuerat, non saltandi, sed bene ut armis, optime ut equis⁴ uteretur; ea tamen illum cuncta jam, ætate exacta⁵, defecerant. Itaque Dejotarum quum plures in equum sustulissent, quod hærere

mercaturam et pecuniariam rem exercentibus, qui plerumque romani erant equites.

22. *Sed tamen quidquid a bellis populi romani vacabat.* Ab anteacta vita sic argumentatur. Qui fieri potest, ut vir gravissimus, et regendæ familiæ peritissimus, is in senectute factus sit saltator?

23. *Diligentissimus agricola.* Nemini mirum videatur, eam laudem regem non dedecere, quum Henricus noster gloriaretur, se in agris colendis ita versatum, ut inde vitam tolerare posset.

24. *Eaque ætate.* Jam decrepita et prope exacta.

X. 1. *Imitari potius.* Satius erat, o Castor, ut imitareris virtutem et frugalitatem avi tui Dejotari, quam ut

Phidippi servi ore ei malediceret.

2. *Quod si saltatorem avum habuisses,* etc. Eum qui artem saltandi non modo exerceret, sed pæne profiteretur.

3. *In illam ætatem.* Dejotari.

4. *Optime ut equis.* Prima fuit regiorum puerorum institutio, ut bene equis uterentur, adeo ut ab ipsis crepundiis ovium dorso impositi disce- rent equitare. Ad septimum ætatis annum quum pervenissent, ad equos et equestris artis magistros proficiscebantur.

5. *Ætate exacta.* Dejotarum extrema fuisse senectutis eo apparet, quod viginti ante annis, jam ætate gravem, enim Plutarchus dicat; et quum Bruto auxiliatus est, ὑπάρχοντα eum Dio appellet.

in eo senex posset, admirari solebamus⁶. Hic vero adolescens⁷, qui meus in Cilicia miles, in Græcia commilito fuit, quum in illo nostro exercitu equitaret cum suis delectis equitibus, quos una cum eo ad Pompeium pater⁸ miserat, quos concursus facere solebat? quam se jactare? quam⁹ ostentare? quam nemini in illa causa studio et cupiditate concedere? Quum vero, exercitu amisso¹⁰, ego, qui pacis auctor semper fui¹¹, post Pharsalicum autem prælium suasor fuissem armorum non deponendorum, sed abjiciendorum, hunc ad meam auctoritatem non potui adducere¹², quod et ipse ardebat studio ipsius belli, et patri satisfaciendum esse arbitrabatur. Felix ista¹³ domus, quæ non impunitatem solum adepta sit, sed etiam accusandi licentiam: calamitosus Dejotarus, qui et ab eo, qui in iisdem castris fuerit, non modo apud te, sed etiam a suis accusetur. Vos vestra secunda¹⁴ for-

6. *Admirari solebamus.* In Pharsalicis castris.

7. *Hic vero adolescens.* Castor. — *In Cilicia.* Quum Cicero proconsul eam provinciam obtineret. — *Commilito.* Quia Cicero et Castor bello civili eundem ducem habuerunt Cn. Pompeium. Quasi aliud agens in invidiam Castorem ipsum adducit, qui Pompeium est sequutus, neque a bello continuando deterritus, quum omnes jam deditionem circumspicerent.

8. *Pater.* Saocondarius, gener regis Dejotari.

9. *Al. addunt se.* J. V. L.

10. *Exercitu amisso.* Cæs. de Bell. Civ. lib. III, cap. 99: « Ex Pompeiano exercitu circiter millia quindecim cecidisse videbantur; sed in deditionem venerunt amplius xxiv millia.

11. *Semper fui.* Lambinus ex MSS

delevit fui. Quod sequenti sunt multi.

12. *Non potui adducere.* Castori persuadere non potui, ut meam auctoritatem, et tum consilium, tum exemplum sequutus a bello desisteret, quod ille statuerat magno animi ardore extremam belli aleam experiri, et quod patri Saocondario se satis esse facturum non putaret.

13. *Felix ista domus.* Invidiose in Castorem et patrem Saocondarium. Felices sane illos, qui quum Pompeium in civili bello adjuverint, non solum veniam et impunitatem a Cæsare impetrarunt, sed etiam eam sunt adepti gratiam, ut alios audeant accusare! Infelicem Dejotarum, qui et ab eo accusatur, qui in eadem causa stetit, nec ab alienis accusatur, quod esset fortasse ferendum, sed a suo ipsius nepote et apud eum quem offendit.

14. *Vestra secunda fortuna.* Tibi

tuna, Castor, non potestis sine propinquorum calamitate esse contenti?

XI. Sint sane inimicitiae¹, quæ esse non debebant. Rex enim Dejotarus vestram familiam, abjectam et obscuram, e tenebris in lucem evocavit. Quis tuum patrem ante, qui esset, quam cujus gener esset, audiuit? Sed quamvis ingratis et impie necessitudinis nomen repudiaveritis, tamen inimicitias hominum² more gerere poteratis, non ficto crimine insectari, non expetere vitam, non capitis arcessere. Esto; concedatur³ hæc quoque acerbitalis et odii magnitudo: adeone ut etiam⁴ omnia vitæ salutisque communis, atque etiam humanitatis jura violentur? Servum sollicitare verbis; spe, promissisque corrumpere; abducere⁵ domum; contra dominum armare; hoc est, non uni propinquo, sed omnibus familiis bellum nefarium indicere. Nam ista corruptela servi, si non modo impunita fuerit, sed etiam a tanta⁶ auctoritate approbata; nulli parietes nostram salutem, nullæ leges, nulla jura custodient. Ubi enim id, quod intus

et patri tuo, Castor, non satis est veniam impetrasse, nisi in calamitatem consanguineorum abutamini.

XI. 1. *Sint sane inimicitiae*. Concessio rhetorica, cum exprobratione ingrati animi, quod in eum suam crudelitatem expromant, qui Saocondarium sibi generum adasciscens, hac affinitate familiam ejus humilem et abjectam in lucem vocavit.

2. *Hominum more*. Minus barbaro. Conf. Tuscul. I, 59.

3. *Esto; concedatur*. Observa quibus veluti cumulis exaggerata sensim assurgat oratio. Ingratas et impias ostenderat esse similitudines contra Dejotarum a Castore susceptas; eas tamen concedit Castori, ut ejus imma-

nem et belluinam crudelitatem exagget. Nondum tamen in eo gradu consistit, et quasi nihil dixerit hactenus, id tamquam amplificationis totius fastigium imponit, quod non jam ut ingratus, ut bellua benefactorem accuset, sed instar pestis latius manet, et in publicam hominum perniciem redundet.

4. *Hoc etiam* Patricius vellet omis-
sum. Deinde conjicit, = vitæ, salutis, atque etiam communis humanitatis jura v. » J. V. L.

5. *Al. adducere*. Multi etiam præ-
tulerunt lectionem aliam, *abducere*
domo. Lallem. sic edidit. MSS enim
Grævianis accedit unus regius. J. V. L.

6. *A tanta auctoritate*. Quanta est

est atque nostrum⁷, impune evolare potest, contraque nos pugnare, fit in dominatu servitus, in servitute dominatus. O tempora, o mores! Cn. Domitius⁸ ille, quem nos pueri consulem, censorem, pontificem maximum vidimus, quum tribunus plebis M. Scaurum, principem civitatis, in iudicium populi vocasset, Scaurique servus ad eum clam domum venisset, et crimina in dominum delaturum se esse dixisset, prehendi hominem iussit, ad Scaurumque deduci. Vide, quid intersit; etsi inique Castorem cum Domitio⁹ comparo. Sed tamen ille inimico servum remisit; tu ab avo abduxisti: ille incorruptum audire noluit; tu corrupisti: ille adiutorem servum contra dominum repudiavit; tu etiam accusatorem adhibuisti¹⁰. At semel iste¹¹ est corruptus a vobis? Nonne, quum esset productus¹², et quum tecum fuisset, refugit ad legatos¹³? Nonne etiam ad hunc Cn. Domitium venit?

auctoritas Caesaris, qui nisi poenas a Castore sui sceleris exegerit, servi corruptelam videbitur approbare.

7. *Quod intus est atque nostrum.* Id est, servi nostri qui in eadem domo nobiscum versantur.

8. *Cn. Domitius.* Ahenobarbus. Plutarchus hanc historiam pervertit, et Scaurum accusatorem, reum Domitium fuisse testatur. Sed Valerius, lib. VI, cap. 5, ad stipulatur Ciceroni, et addit Domitium continuo et suis auribus observatis et indicis ore clauso duci eum ad Scaurum iussisse. — *Principem civitatis.* Narrat Asconius ad orationem pro Scauro, Cn. Domitium, qui consul fuit cum Cassio, quum esset tribunus plebis, iratum Scauro, quod eum in collegium augurum non cooptaverat, diem ei dixisse ad populum et multam irrogavisse, quod ejus opera sacra multa populi rom. demi-

nata esse diceret. Crimini dabat sacra publica populi romani Penatium, quae Lavinii fierent, opera ejus minus recte casteque fieri. Quo crimine absolutus est Scaurus quidem, sed ita ut a tribus tribubus damnaretur, a xxxii absolveretur, et in eis pauca puncta inter damnationem et absolutionem interessent.

9. *Cum Domitio comparo.* Quamvis injuriam summo viro faciam, si eum cum Castore comparem.

10. *Accusatorem adhibuisti.* Tu non modo non repudiavisti, sed etiam ad accusationem impulisti.

11. *At semel iste.* Auger servi corruptelam ex eo, quod fuerit iterata.

12. *Lambinus edidit perductus.* Idem voc. *testis*, quae in edd. sequebatur, auctoritate MSS deleuit. J. V. L.

13. *Ad legatos?* Regis Dejotari, a quorum pedibus per te fuerat abs-

Nonne, audiente hoc Serv. Sulpicio, clarissimo viro, qui tum casu apud Domitium cœnabat, et hoc T. Torquato, optimo adolescente, se a te corruptum, tuis promissis in fraudem impulsus esse confessus est?

XII. Quæ est ista tam impudens¹, tam crudelis, tam immoderata inhumanitas? Idcirco in hanc² urbem venisti, ut hujus urbis jura et exempla corrumperes, domesticaque immanitate nostræ civitatis humanitatem inquinares?

At quam acute³ collecta crimina! Blesamius, inquit (ejus enim nomine, optimi hominis⁴, nec tibi ignoti, maledicebat tibi), ad regem scribere solebat, te in invidia esse; tyrannum existimari; statua inter reges⁵ posita animos hominum vehementer offensos; plaudi tibi⁶ non solere. Non⁷ intelligis, Cæsar, ex urbanis malivolorum sermunculis hæc ab istis esse collecta? Blesamius tyrannum Cæsarem scriberet? Multorum enim civium capita viderat⁸; multos jussu Cæsaris vexatos, verberatos, necatos; multas afflictas et ever-sas domos; armatis militibus⁹ refertum forum. Quæ

tractus. Hieras, Blesamius et Antigonus nominabantur.

XII. 1. Codd. aliquot apud Lamb. et Ursinum, *impotens*. J. V. L.

2. *In hanc urbem venisti*. Nihil hac ad accusatorem apostrophe efficacius.

3. *At quam acute*. Ironia. Stolidè enim crimen, quod sequitur, collegerat accusator, quasi in animo habuisset Dejotaro minus nocere, quam ipsum Cæsarem tyrannidis exprobratione graviter offendere.

4. Priscian. lib. VIII, *viri*; et sic nonnulli codd. J. V. L.

5. *Statua inter reges*. Septem regum Romanorum in Capitolio tum erant statuae, inter quas L. Bruti statua strictum gladium tenentis. Inter eas

etiam Cæsaris statua excitata fuit, quod Romanos vehementer offendit, ratos illius ambitionem jam in apertam tyrannidem erumpere. Quod aiebat accusator a Blesamio legato scriptum fuisse ad Dejotarum. Suetonius, cap. 76, et de invidia inde conflata, c. 80.

6. *Plaudi tibi*. Theatrum ingrediendi. Vide Sextianam et Pisonianam.

7. Al. *Nonne* habent vulgati libri. Emendavit Ernest. J. V. L.

8. *Civium capita viderat*. Truncata scilicet, et absque corpore. Est autem ironiæ quædam species, quum dicit visa esse quæ numquam visa erant sub imperio Cæsaris; solita autem erant spectacula Mario et Sulla dominante.

9. *Armatis militibus*. Paternulus

semper in civili victoria¹⁰ sensimus, ea te victore non vidimus. Solus, inquam, es, C. Cæsar, cujus in victoria ceciderit nemo, nisi armatus¹¹. Et quem nos liberi, in summa populi romani libertate nati, non modo non tyrannum, sed etiam clementissimum in victoria ducimus; is Blesamio, qui vivit in regno, tyrannus videri¹² potest? Nam de statua quis queritur, una præsertim, quum tam multas videat¹³? Valde¹⁴ enim invidendum est ejus statuis, cujus tropæis non invidimus¹⁵. Nam, si locus¹⁶ affert invidiam, nullus locus est, ad statuam quidem, Rostris clarior. De plausu autem quid respondeam? qui nec desideratus umquam a te est, et nonnumquam, obstupefactis hominibus, ipsa admiratione compressus est¹⁷; et for-

de Hirtio et Pansa: « Semper prædixerant Cæsari, ut principatum armis quæsitum armis teneret ». Quibus ille respondit: « Mori se, quam timeri malle ». Et cohortes prætorias, quibus bellorum tempore pro satellitio usus erat, amovit a sui custodia, contentus solis apparitoribus publicis. Forsan etiam obscure forum armis olim a Pompeio clausum indicat, quum Pompeiana reum cinxerunt signa Milonem. Vide Plutarchum et Appianum et Dionem, lib. XLIV, 23.

10. *In civili victoria.* Mario, Sulla, Cinna dominantibus.

11. *Nisi armatus.* Eodem modo loquitur in orat. pro Marcello et pro Ligario.

12. *Tyrannus videri.* Illene qui clementissimus a nobis judicatur, qui liberi in libera civitate agimus, potest in tyrannorum grege computari a Blesamio, qui vivit ipse sub regis imperio, libertatis nescius. Incredibilem esse criminationem probat.

13. *Quum tam multas videat?* Dio

lib. XLIV, 23: « Decretum est ut in omnibus urbibus, omnibusque Romæ templis ejus statua poneretur ». In ipsis rostris duas ei statuas collocaverunt, civica unam, alteram obsidionali coronæ insignem, quasi cives ab interitu, et urbem ab obsidione liberasset: e quibus liquet, cur hic orator peculiarem rostrorum faciat mentionem. Repugnat enim eum tyrannum existimari, cui tamquam urbis et civium servatori statua ponuntur.

14. *Patricius conj. nimirum.* J. V. L.

15. *Tropæis non invidimus.* Quæ majorem illi afferunt laudem quam statua. Vett. aliquot edd. *invidemus*.

16. *Nam, si locus.* Eludit magis quam confutat objectionem per fallaciam, ut loquuntur, accidentis; non enim invidebatur illi statua, quod esset claro et omnibus conspicuo loco posita, sed quod inter reges. At orator ita refellit, quasi propter solam loci claritatem statua Cæsaris in invidiam vocaretur.

17. *Admiratione compressus est.*

tasse eo prætermisus, quia nihil vulgare te dignum videri potest.

XIII. Nihil a me arbitror prætermisum¹, sed aliquid ad extremam causæ partem² reservatum : id autem aliquid est, te ut plane Dejotaro reconciliet oratio mea. Non enim jam metuo, ne tu illi succenseas : illud vereor, ne tibi illum succensere aliquid suspicere. Quod abest longissime³, mihi crede, Cæsar : quid enim retineat per te, meminit⁴, non quid amiserit ; neque se a te multatum arbitratur ; sed, quum existimaret, multis tibi multa esse tribuenda⁵, quo minus a se, qui in altera parte fuisset, ea sumeres, non recusavit. Etenim si Antiochus, magnus ille⁶ rex Asiæ, quum, posteaquam a Scipione⁷ devictus, Tauro

Quum stupore quodam percussus homines, admiratione defixi sillerent, et indignum aliquid se facturos arbitrarentur, si te eodem modo quo plerisque exciperent. Quam facile autem manus in plaudendo consumerent Romani, quis nescit ?

XIII. 1. *Nihil... prætermisum.* Omnia mihi videor accusatorum crimina diluisse, nec quidquam prætermisisse eorum quæ ad causam pertinerent.

2. *Ad extremam causæ partem.* Quod videbatur perorationi melius quam ceteris orationis partibus convenire. Lambinus docet quosdam libros veteres habere « ad extremum causæ ».

3. *Quod a. longissime.* Quod nullo modo cogitat. Lambinus arbitratur legendum vel, *quod abest ab eo longissime*, vel, *a quo abest longissime*. Patricius, *quod ab eo est longissime*.

4. *Retineat per te, meminit.* Meminit se tuo beneficio tetrarchiam Gallogræciæ, quam ei jure victoriæ adinere poterat, et nomen regum retinere :

non autem meminit sibi ademptam fuisse Armeniæ partem, exercitum indictum, pecuniam imperatam. Neque id mæltæ nomine impositum sibi fuisse arbitratur, sed quum te videret pecuniis egere, quibus eos qui te sequuti fuerant muneraret, libenter ea tradidit, quæ aliis tribueres.

5. *Multa esse tribuenda.* Dio, lib. XLIII : « Prætores quatuordecim, qudraginta quæstores facti sunt ; aliam enim Cæsar rationem præstandi ea, quæ multis multa promiserat, nullam habebat, et eandem ob causam tam multos allegit in senatum, adeo ut summa senatorum nongentorum fuerit, etc. »

6. *Si Antiochus, magnus ille.* Meminit hujus Antiochi etiam Cicero pro Sextio : « Antiochum illum magnum majores nostri magna belli contentione, terra marique superatum intra montem Taurum regnare jusserunt, etc. »

7. *A Scipione.* L. Scip. Asiatico, fratre majoris Africani.

tenus regnare jussus esset, omnemque hanc Asiam⁸, quæ est nunc nostra provincia, amisisset, dicere est solitus, benigne sibi a populo romano esse factum, quod nimis magna procuratione⁹ liberatus, modicis regni terminis uteretur : potest multo facilius se Dejotarus consolari. Ille enim furores multam sustinuerat¹⁰, hic erroris¹¹. Omnia tu Dejotaro, Cæsar, tribuisti, quum et ipsi; et filio nomen regium concessisti. Hoc nomine retento atque conservato, nullum beneficium populi romani, nullum judicium¹² de se senatus imminutum putat. Magno animo et erecto est, nec umquam succumbet inimicis, ne fortunæ quidem. Multa se arbitratur¹³ et peperisse ante factis, et habere in animo atque virtute, quæ nullo modo possit amittere. Quæ enim fortuna, aut quis casus, aut quæ tanta possit injuria, omnium imperatorum¹⁴ de Dejotaro decreta delere? ab omnibus enim his ornatus est, qui, postquam in castris esse potuit per¹⁵ ætatem,

8. *Hanc Asiam.* Pro Sextio : « Qua Antiochum multarunt, Attalo, ut is regnaret in ea, condonaverunt. » Postea tamen ejusdem Attali testamento facta est populi romani provincia.

9. *Nimis magna procuratione.* Nimum magnis curis et sollicitudinibus quas ei tam ampli regni administratio pariebat. Argumentum a minori ad majus tractatum pulcherrime. — *Modicis regni terminis.* Jusserat enim Scipio eum Europa abstinere, Asiaque omni, quæ cis Taurum est, decedere; quum antea Asiam propemodum totam, a Phrygiæ terminis ad Indos usque imperio teneret.

10. Codd. Lambin. plerique, *subierat*. J. V. L.

11. *Hic erroris.* Multabatur Antiochus, quod populo romano nulla

provocatus injuria bellum indixisset; in errorem lapsus erat Dejotarus, dum sequitur Pompeium causam ratus meliorem.

12. Ernest. magis alium ordinem probaret, « nullum senatus de se judicium ». J. V. L.

13. *Multa se arbitratur.* Ideo fortunæ non succumbit, quia novit se multa habere, in quæ fortuna nihil juris habeat; non enim gloriam, non senatus laudes, non virtutum memoriam potest amittere.

14. *Omnium imperatorum.* Scil. Sullæ, Murenæ, Servilii, Pompeii, Luculli qui contra Mithridatem bella gesserunt, opibusque Dejotari sunt adjuti. Vide Philipp. II.

15. *Per ætatem.* Militaris ætas Romanis fuit ab anno xvii.

in Asia, Cappadocia, Ponto, Cilicia, Syria, bella gesserunt. Senatus vero judicia¹⁶ de illo tam multa, tamque honorifica, quæ publicis populi romani literis monumentisque consignata sunt, quæ umquam vetustas obruet, aut quæ tanta¹⁷ delebit oblivio? Quid de virtute ejus¹⁸ dicam? quid de magnitudine animi, gravitate, constantia? quæ omnes docti atque sapientes¹⁹ summa, quidam etiam sola bona esse²⁰ dixerunt, hisque, non modo ad bene, sed etiam ad beate vivendum, contentam virtutem esse. Hæc ille reputans, et dies et noctes²¹ cogitans, non modo tibi non succenset (esset enim non solum ingratus, sed etiam amens), verum omnem tranquillitatem et quietem senectutis acceptam refert clementiæ tuæ.

XIV. Quo quidem animo¹ quum antea fuit, tum non dubito, quin tuis literis, quarum exemplum legi, quas ad eum Tarracone² huic Blesamio dedisti³, se magis etiam erexerit, ab omnique sollicitudine abstraxerit. Jubes enim eum bene sperare, et bono esse

16. *Senatus judicia.* SCta in ejus honorem facta, quæ in tabulas publicas relata, et in ærario aut in Capitolio sunt collocata ad memoriam futuri temporis sempiternam, nulla temporis oblivione deleri poterunt.

17. *Patricius conj. tandem.* J.V. L.

18. *De virtute ejus.* Multo magis etiam se virtutum suarum, quam honorum sibi decretorum consideratione consolatur.

19. *Docti atque sapientes.* Ut Plato, Aristoteles et alii qui, quum tria genera bonorum describant, et unum jucundum, alterum utile, tertium honestum appellent, ceteris duobus honestum anteponunt, idque summum vocant, comparatione ceterorum.

20. *Sola bona esse.* Ut Stoici qui

virtutem solum bonum appellant. Pro Marcello, cap. 6.

21. *Quod Patricius conjecerat, et dies noctesque,* nunc firmat auctoritate codd. Gœrenz. ad Cic. de Finibus, pag. 73. J. V. L.

XIV. 1. *Quo quidem animo.* Quum semper res humanas contempserit, doloremque ex earum jactura perceptam virtutis consideratione lenierit. — *Antea fuit.* Male vulgati fuerit, et contra MSS.

2. *Tarracone.* Urbs est citerioris Hispaniæ de qua Plinius, lib. III, cap.

3 : « Ibi Cæsar Pompeii devictis filiis videtur habuisse conventus, et variarum gentium legationes excepisse ».

3. *Huic Blesamio dedisti.* Legato regis Dejotari, qui præsens hujus ju-

animo : quod scio te non frustra scribere solere. Memini enim iisdem fere verbis ad me te scribere⁴, meque tuis literis bene sperare non frustra esse iussum. Laboro equidem regis⁵ Dejotari causa, quocum mihi amicitiam respublica conciliavit, hospitium voluntas utriusque conjunxit, familiaritatem consuetudo attulit, summam vero necessitudinem magna ejus officia in me et in exercitum meum⁶ effecerunt : sed quum de illo laboro, tum de multis amplissimis viris, quibus semel ignotum⁷ a te esse oportet, nec beneficium tuum in dubium vocari, nec hærere in animis hominum sollicitudinem sempiternam, nec accidere, ut quisquam te timere incipiat eorum, qui semel a te sint liberati timore⁸.

Non debeo, C. Cæsar, quod fieri solet in tantis periculis, tentare, quonam⁹ modo dicendo misericordiam tuam¹⁰ commovere possim : nihil opus est; occurrere ipsa solet supplicibus et calamitosis, nullius

dicii finem exspectabat. Prudenter autem hic illarum literarum mentionem interserit, ut Cæsarem admoneat sui promissi.

4. *Ad me te scribere.* Conf. orat. pro Ligario, cap. 3.

5. *Laboro equidem regis.* Commode auz cum Dejotaro conjunctionis causas exponit, quod, ut ait pro Ligario : « Causæ apud Cæsarem rogantium gratiores erant, quam preces, etc. » et epist. 12, ad Div. « Valent apud Cæsarem non tam ambitiosæ rogationes quam necessariae ». Adverte autem gradationem pulcherrimam : « Amicitiam respublica conciliavit. — Hospitium voluntas utriusque conjunxit. — Familiaritatem consuetudo attulit ». Cum hac periodo labitur ad epilogum, ita ut non sentiatur.

6. *Exercitum meum.* Quum Cicero

Ciliciam obtineret provinciam. Videtur Cicero libenter in illo sui exercitus nomine acquiescere.

7. *Semel ignotum.* Quibus te semel pepercisse oportet. Quibus tam absolute veniam esse concessam oportet, ut non sit opus eam iterari; nec vitam adversariis tuis a te conservatam in dubium vocari, quasi tu non ex animo, sed ex clementiæ simulatione concesseris. Male Patricius conjicit *simul*. Prudenter hanc causam a privatis Dejotari rationibus ad communes traducit, ut plus auctoritatis habeat oratio.

8. *Liberati timore.* Quorum in numero Dejotarus erat.

9. *Vetus MS, et quonam.* Unde Gulielm. Grætero teste, probabiliter conjiciebat, *ecquonam modo*. J. V. L.

10. *Misericordiam tuam.* Dum Cæ-

ORATIO PRO REGE DEJOTARO. 639

oratione evocata. Propone tibi duos reges¹¹, et id animo contemplare, quod oculis non potes. Dabis profecto¹² misericordiæ, quod iracundiæ negavisti. Multa sunt tuæ clementiæ monumenta; sed maxime eorum incolumitates¹³, quibus salutem dedisti. Quæ si in privatis¹⁴ gloriosa sunt, multo magis commemorabuntur in regibus¹⁵. Semper¹⁶ regium nomen in hac civitate sanctum fuit¹⁷; sociorum vero regum et amicorum, sanctissimum.

XV. Quod nomen hi reges ne amitterent, te victore, timuerunt; retentum vero, et a te confirmatum, posteris etiam suis tradituros esse confido¹. Corpora vero sua, pro salute regum suorum, hi legati tibi regii tradunt², Hieras, et Blesamius, et Antigonus, tibi nobisque omnibus jam diu noti, eademque fide et virtute præditus Dorylaus³, qui nuper cum Hiera

saris clementiam imploraturum se negat præteritione oratoria, vel maxime implorat.

11. *Duos reges.* Dejotaros patrem et filium. Videtur solus pater accusatus fuisse; filium tamen appellat, ut magis duorum quam unius misericordia moveatur; vel quia Cæsari filius erat acceptior, ideo causam utriusque conjungit.

12. *Dabis misericordiæ.* Misericordia vinci te patieris, qui te non passus es iracundia superari.

13. *Incolumitates.* De Inventione: « Incolumitas est salutis tuta atque integra conservatio ».

14. *In privatis.* In privatos collata, et in reges.

15. *In regibus.* Quod tuum in eos beneficium novam vim ex accipientium dignitate habebit.

16. Quidam, ut Lallem. addunt enim. J. V. L.

17. *Sanctum fuit.* Quamquam ro-

mana majestas regiam auctoritatem infra civem romanum deprimeret, et sæpius triumphali currai alligavisset, inerat tamen nomini huic angustum aliquid. Quum autem adjiciat sanctissimum sociorum nomen, credit interpret gallicus, forsan Cæsari innuere oratorem satis esse ei dictatoriam dignitatem, nec aliam quærendam. Porro quatuor ferme elapsis mensibus regium diadema ei imposuit Antonius.

XV. 1. *Confido.* Patricius mallet *confidunt*, et sic alicubi Lambinus reperit.

2. *Corpora vero sua. . . tradunt.* Se vades exhibent pro Dejotaro, et tanta fide sunt erga suos reges, ut eorum loco parati sint mortem oppetere.

3. *Dorylaus.* Cur cum a ceteris segregari non liquet: nisi quia fortasse jam perfunctus erat munere legationis, et aderat judicio tamquam privatus.

640 M. T. CIC. ORATIO PRO REGE DEJOTARO.

legatus est ad te missus, tum regum amicissimi, tum tibi etiam, ut spero, probati. Exquire⁴ de Blesamio, num quid ad regem contra dignitatem tuam scripserit. Hieras quidem causam omnem suscipit, et criminibus illis pro rege se supponit reum⁵; memoriam tuam implorat, qua vales plurimum; negat umquam se a te in Dejotari tetrarchia pedem discessisse; in primis finibus tibi se præsto fuisse dicit, usque ad ultimos prosecutum; quum e balneo exisses, tecum se fuisse, quum illa munera inspexisses cœnatus, quum in cubiculo recubuisses; eandemque assiduitatem tibi se præbuisse postridie. Quamobrem, si quid eorum, quæ objecta sunt, cogitatum sit, non recusat, quin id facinus suum iudices. Quocirca, C. Cæsar, velim existimes, hodierno die sententiam tuam, aut cum summo dedecore miserrimam pestem importaturam esse regibus⁶, aut incolumem famam cum salute: quorum alterum optare, illorum⁷ crudelitatis est; alterum conservare, clementiæ tuæ.

4. *Exquire de Blesamio.* Ut totum firmamentum accusationis Phidippi servi testimonio nitebatur, operæ fuit pretium claros viros et probatos opponere servo et fugitivo.

5. *Pro rege se supponit reum.* In regis locum venit. Unde gladiatores supposititii, qui pro aliis veniunt in arenam. Martialis, V, 24, 8: « Hermes supposititius sibi ipai ».

6. *Importaturam esse regibus.* Dejotaro et ejus filio.

7. *Illorum crudelitatis.* Castoris et Phidippi. Videtur certe quidem hac oratione, nihil Dejotaro impetravisse. Conf. Philipp. II: « Quis enim cuiquam inimicior quam Dejotaro Cæsar? etc. A quo vivo, nec præsens, nec absens quidquam æqui bonique impetravit ».

DE AMBROSIANO COMMENTARIO

EDITORIS PRÆMONITUM.

QUUM istam orationum partem clauderemus, non inutilem rem facturos nos credidimus, si notas nonnullas ex Ambrosiano Scholiaste desumptas supponeremus, quemadmodum in ceteris jam a nobis actum est; et illæ quidem non omnes hujus voluminis orationes amplectuntur, immo quatuor tantum attingunt, quarum una in Vatinium, et tres aliæ pro Marcello, Ligario et Dejotaro: neque continuus est, et integer Commentarius, sed magna ex parte mutilus, in quo tantum disjecti membra commentatoris reperias. Ideo nos non suam cuique orationi notarum particulam subjecimus, ne mancum Scholiastæ nimis opus deprenderetur: pauciores enim erant, quam quæ aliæ ab aliis sejungerentur; multo satius visum est, si eas in uno corpore collectas ostenderemus, quæ se mutuo auxilio adjuvarent et sustentarent. Non quod eæ singulari elegantia præstent, aut felici interpretatione semper excellant, verum et remotissimam antiquitatem sapiunt, et forsán aliquis in Ciceroniano opere desideret. Notis subjunctas lector habet Angeli Maii animadversiones, quas omnino integras protulimus, quum de aliquot tantum foliis ageretur: nos non idem

fecissemus, si doctissimi viri controversias cum clarissimo Niebuhrio exponere oportuisset : quas si quis perlegere in animo habet; et de scholiorum auctore litem totam perpendere, is Maii et Niebuhrii opera attingat, forsitan posteriori victoriæ et acutioris iudicii laudem concessurus.

N. E. L.

IN ORATIONEM VATINIANAM

SCHOLIASTÆ AMBROSIANI

COMMENTARIUS.

.....rat ostentui vulgo.

IX. 1. Consul populi rom. moderatissimus sublato auxilio, exclusis amicis, vi perditorum congesta.

Magnum cumulum fecit invidiæ et a persona quod consulem, et ab ejus moribus, *et* (1) quod prohibito amicorum præsidio, et per violentiam seditiosæ multitudinis opprimere conatus sit eum potissimum, qui auspicato et rite omnia fieri gestiebat (2).

2. Ut consuli domus exsilium esse non posset.

Non tantum miserabilem fecit hac necessitate M. Bibulum, verum etiam summa invidia laceravit Vatinius, qui velut damnatam consulis majestatem primo in latebras coegerit, deinde occultantem se ne periculum salutis incideret (3), extrahere domo sua contenderit, ut perditorum manibus addiceret, nec habere consul exsilium domi suæ tutum posset.

3. Eam rem p. (4) quæ auspiciis constituta est.

(1) Videbatur interserendum *et*. A. M.

(2) M. Bibulus C. Cæsaris collega in consulatu, quum huic magistratum tyrannico pæne more gerenti resistere non posset, domi se continuit : et quoad potestate abiit, nihil aliud, quam per edicta illi obnuntiavit, diem esse festum, quo per leges quidquam agere fas non erat. Quapropter Vatinius unus e tribunis pl. Bibulum domo sua in carcerem trahere aggressus est. Vide, præter Ciceronem, etiam Dionem, XXXVIII, 6; Suetonium et Plutarchum in Cæsare. A. M.

(3) Nota *incidere* cum quarto casu sine præpositione, et adiace hoc exemplum ceteris, seu certis, seu dubiis, a Forcellino laudatis. A. M.

(4) Codex tantummodo *rem*. A. M.

Notissimum habemus, auspicante Romulo qui Palatium ceperat, et Remo qui Aventinum, priusquam Roma conderetur, auspicia esse capta: primumque sex vultures Remum vidisse; dein postea Romulum duodecem (1). Atque ita et Romam conditam et ipsos reges appellatos; et illum quod prior auspiciū cepisset, Romulum vero quod majus (2).

4. Etiam inter Sullana arma vixerunt.

Leges dicit Æliam et Fufiam, quæ (3) non sinebant prius aliqua de re ad populum ferri, quam comitia haberentur ad designandos magistratus. Sæpe harum feci mentionem (4). Vixisse autem leges dixit, quod multo tolerabilius est, quam si..... ne modum.... est mortuas. Quum id dictum ab Hortensio elevasset, pro inepto irrisisse Tullius videbatur.

5. Fuerisne tanta crudelitate, ut delectos viros principes civitatis delere tua rogatione conarere?

De hoc tempore loquuti sumus in oratione quæ hanc præcedit (5). L. Vettium perditum hominem instinctu Vatinii professum esse apud senatum, se indicaturum plerosque nobilissimos viros de interficiendo Pompeio inisse conjurationem. Id nempe negotium sibi mandatū (6). Hunc tamen Vettium in carcerem conje-

(1) Ita cod. *duodecem*. A. M.

(2) Rem narrant etiam Ovidius, *Fast.* IV, non procul a fine, nec non Livius, I, 7. Atque Ovidius quidem ait Romulum prælatum fratri. Sed enim et sententiam nostri Interpretis innuit Livius, qui ait: « Utrumque regem sua multando consulaverat ». A. M.

(3) Cod. *legibus Ælia et Fufia qui*, etc. A. M.

(4) Revera Asconius, qui nobis videtur auctor hujus quem edidimus commentarii, meminit harum legum ad lib. I in Verrem, 42, et in Pisom. cap. 4. A. M.

(5) Nempe ait Interpres se loquutum de hoc tempore in commentario quem scripserat ad orationem pro Sextio, quæ oratio ordine ipso et materia hanc in Vatinium præcedit. Siquidem in judicio Sextii Vatinii testis productus, quum acerbum in eum testimonium dixisset, hac Vatiniana oratione a Cicerone Sextii patrono exagitatus est. A. M.

(6) Cod. *Id neque negotium sibi mandasse*. A. M.

ctum atque ibidem necatum, ipsis potissimum auctoribus, qui eum ad mendacium subornassent (1).

X. 1. C. Curionem perpetuum hostem improborum.

Et hunc L. Vettius nominasse inter ceteros videbatur veluti mandatæ (2) in Pompeium cædis auctorem. Qui tamen Curio honorifice nunc a Tullio nominatur (3), quum vehementer et aspere laceratus sit ab eodem in oratione, qua et ipsum et P. Clodium lacessivit (4).

2. Qui duos nefarios patriæ proditores legibus exterminarat.

De L. Æmilio Paulo (5) dicit, qui consulatum postea cum M. (6) Marcello gessit ante annum quam bellum civile Pompeii et Cæsaris exardesceret. Hic igitur Paullus accusare instituerat de vi L. Catilinam, et, ut quidam memoriæ tradiderunt, C. Cethegum. Sed enim Catilina deficiens ab rep. se ad arma contulerat. Cethegus quoque in eadem conjuratione (7) consumptus est.

XI. Spoliaretur beneficio et æquitate legis tuæ (8).

(1) Vide hanc orationem in Vatin. 11, et Dionem, XXXVIII, 11. A. M.

(2) Cod. *vel mandata*. A. M.

(3) Etiam Act. 1 in Verr. 7, ait Cicero: « C. Curio, quem ego hominem honoris potius, quam contumeliæ causa nominatum volo ». A. M.

(4) Hujus deperditæ orationis nos particulas non paucas superius edidimus. A. M.

(5) Cod. *L. Æmilio Balbo*, sed bene inferius *Paulus*: quare et hic emendavimus *Paulo*, quum ipse se corrigat noster Interpres. A. M.

(6) Ita codex *M. Marcello*, sed scribendum est *C. Marcello*. Nam hic consulatum gessit cum L. Æmilio Paulo anno qui proxime bellum civile præcessit Pompeii et Cæsaris. Vide Sigonii commentarium in fastos. M. autem Marcellus fuerat consul cum Ser. Sulpicio Rufo anno superiore. A. M.

(7) Cod. *perseveratione*, quod retinendum non videbatur. Et Cethegi quidem supplicium narrat Sallustius Bell. Catil. 58. A. M.

(8) Hanc legem Vatiniam appellat hoc loco Cicero « de alternis consiliis rejiciendis ». Quæ autem sint *alterna consilia* vix se posse explicare ait Antonius Augustinus ad hanc legem. Verum ex nostro Interprete patet, hoc loco nihil aliud indicari nisi *alternorum judicium* rejectionem. Rem optime, ut mihi videtur, explicat Pighius in annalibus ad annum Urbis 694 (nobis 695):

Legem quidem hanc non improbabilem videbatur P. Vatinius in tribunatu suo perrogasse, ut alternorum iudicum rejectio fieret. Sed acute detrahit et laudem quam de æquitate legis consequi poterat, eo scilicet quod egerit, ut C. Antonius, qui collega M. Tullii fuerat in consulatu, ante reus fieret, accusantibus Q. Fabio Maximo et M. Coelio Rufo, quam lex Vatinia de rejectione iudicum perferretur: ut posset æquissimo iudicio reus Antonius ea ferri (1). Quum præsertim esset illi Vatinius idem affinitate conjunctus. Nam filiam M. Antonii (2) fratris ejus habuerat in matrimonio.

XII. 1. Illo ipso anno quo lex lata est de pecuniis repetundis.

Locupletatum interversa pecunia pop. (3) et spoliatis etiam publicanis Vatinius dicit, ut ex paupertate ad summas divitias pertineret, non sine quadam cautione ne Cæsarem offenderet (4), cui acceptissimus erat (5): eo, inquit, anno ditatus est, quo lex de

« Legem judiciariam tulit (P. Vatinius) de alternis consiliis rejiciendis, ut eam appellat Cicero, qua reo actorique dabatur alterna rejectio iudicum. Quam legem quum promulgasset Vatinius, et C. Antonium paullo post reum futurum cognovisset, expectavit in ea perferenda, donec Antonius reus fieret, legique tum addidit limitationem, ut solummodo de iis posset intelligi, quorum nomina post eam latam deferrentur ». Rejectionem iudicum alternorum memorat Cicero etiam in orat. pro Plancio, 15, quæ quidem oratio dicta fuit anno Urbis 600, videlicet quinto post Vatinii tribunatum, qua potestate quum fungeretur, tulerat eam legem Vatinius. A. M.

(1) C. Antonius velut Catilinarie quidem conjurationis socius accusatus est, sed damnatus a iudicibus quod provincias spoliavisset. Vide Dionem, XXXVIII, 10. Vide etiam Asconium ad orat. in Toga candida. C. Antonii causam sine fructu egit Cicero contra M. Coelium Rufum, qui (ut ait ipse Cicero in orat. pro ipso Coelio, 31) hunc accusaverat. Dixit in Antonium etiam Q. Maximus, ut patet ex Cicerone in hac oratione, cap. 11, et ex Interprete nostro, pag. præcedente. A. M.

(2) Nempe Cretici, qui frater fuit C. Antonii consulis cum Cicerone. A. M.

(3) Explica *populi*, vel *publica*. Vel potius transfer P. ante Vatinius, cujus prænomen fuisse *Publium* patet ex nostro Interprete ad Plancianam, 16, ad hanc Vatinianam, 11; Cicerone ad Famil. V, 10 et 11, et Dione, XXXVIII, 6. A. M.

(4) Cod. *non sine quadam* . . . relicto spatio, *ne Cæsarem cui*, etc. A. M.

(5) Acceptissimus Cæsari erat Vatinius, quia ei consuli tribunus faverat.

SCHOL. AMBROS. COMMENTARIUS. 647

pecuniis repetundis lata est ab ipso scilicet Cæsare, ut videatur et ille impudenter Vatinio favere contra leges etiam Julias committenti.

2. Cui toties maledicas, quoties te illi affinem esse dicis.

Propter matrimonium videlicet Antoniae, quam Vatinus habuit uxorem (1). Nec ignoramus C. Cæsari fuisse quamdam cum illis affinitatem. Quippe M. Antonius, qui postea triumvir fuit, matre Julia (2) censebatur C. Cæsaris sorore.

3. Ut in epulo Q. Arrii familiaris mei cum toga pulla.....
.....

Reliqua desiderantur.

Studium Vatinii in Cæsarem patet ex hac oratione, et e Suetonio in Cæsare, cap. 22. A. M.

(1) Hinc corrigatur Glandorpil error (Onom. p. 883), qui ex eo quod Vatinus Cæsari se affinem dicere solebat, existimavit Vatinio uxorem fuisse Pompeiam, aut eam scilicet quam repudiavit Cæsar, aut certe sororem ejus. A. M.

(2) Cod. *Tullia*, sed mendum est. Vide Plutarchum in Antonio, sub initio. A. M.

IN ORAT. PRO MARCELLO*

SCHOLIASTÆ AMBROSIANI

COMMENTARIUS.

I. 1. Non timore aliquo.

Non quo, inquit, aliquid metuerem, aut de clementia tua diffiderem, sed quod amici casum dolerem mei simul et verecundia retinerer, quod ex consortis mei poena consimilia mereri judicaretur.

2. In nostro veteri curriculo.

Curriculum dicitur spatium per quod aguntur currus (1), aptus scilicet cursui locus. Sed metaphorice forense quoque officium curriculum dixit, quasi locum aptum probandis atque exercendis ingeniis. Est autem hic sensus: Quum in eloquentiæ, inquit, curriculo, id est, in foro, imitatore uterer M. Marcello, elanguit studium honesti certaminis emulatione sublata (2).

V. Non ille hostes induxit in curiam.

* Hanc orationem pro Marcello quidam celeberrimus Criticus nostræ ætatis Ciceroni suppositam iudicavit, quod tamen perpauca, ut puto, persuasit. Sed ecce nunc tibi antiquissima scholia, eaque fortasse Asconii, in eandem ipsissimam orationem: quæ res auctori suo Ciceroni hoc scriptum vehementi argumento rursus vindicat. Sane hanc orationem legisse se indicant Asconius ad Divin. VI. Lactantius de vero cultu, cap. 11. Nonius voc. *imitatio*; Priscianus in Putschio, pag. 605 et 1125, quorum loci ab ipso recente Adversario observati sunt. A. M.

(1) Cod. *cursus*. A. M.

(2) Ut pateat lucidius has notas esse antiquas, subjiciam ex cod. Q. 17, part. sup. sæc. XV, ineptissimam aliam notam ad hunc ipsum locum. Sic constabit quantum inter antiquorum et sequiorum temporum scripta intersit. « *Curriculo*. Est diminutivum de curia. Vel dicitur a Cicerone, quod consulares qui conveniebant, in eo loco habebant tractare ardua. Et ideo qui illuc ibant, tanta frequentia incedebant, ut currere viderentur ». A. M.

Quum eos, inquit C. Cæsar, qui contra se pro Pompeio arma ceperant in senatum introduxit, hostis (1) non fuisse judicavit. Non enim hostem judicat *quem donat* publici communitate consilii.

VI. 1. Non enim jam causæ sunt inter se, sed victoriæ comparandæ.

Quæ fuerit, inquit, in civili bello, vel quibus partibus causa dimicandi prælator, nescio. Illud scio, tuam victoriam Pompei (2) victoriæ præponendam. Tu enim in victoria clemens fuisti, qua ille cruentius uteretur.

2. Opinione officii stulta fortasse, certe non improba.

Forte, inquit, stulta fuerit illa opinio, officiosum se quemlibet credere, si non desereret amicum; improba autem esse non potuit. Et vide qua moderatione temperaverit culpam, ut si quid etiam delicti habuit, non malitiæ fuerit, sed erroris. Ipsam tamen stultitiam, quæ etiamsi certa sit, non habet culpam, dubiam ponit jungendo *fortasse*; purgationem vero certissimam; nam fortasse fuit stultus, certe non improbus.

X. 1. Arma ab aliis posita.

Quos dignos scilicet Cæsar sua clementia judicavit. Condemnat enim propositum suum, qui voluntate arma deponit.

2. Ab (3) aliis erepta sunt.

In quos scilicet Cæsar animadvertit: quibus, etiam fractis et comminutis opibus, inerat tamen pertinacia resistendi.

(1) *Hostis* pro *hostes*. A. M.

(2) *Pompei* pro *Pompeii*. A. M.

(3) Præpositionem *ab* tollendam censuerunt critici ex hoc loco Ciceroni; sed enim eam codices Ambrosiani miro consensu retinent. A. M.

IN ORATIONEM PRO LIGARIO

SCHOLIASTÆ AMBROSIANI

COMMENTARIUS.

IV. At istud ne apud eum quidem dictatorem.

Sullam (1) significat, qui tantæ crudelitatis fuit, ut in Marianæ partis viros, accusatores commoveret, ad delationem primus invitaret (2), qui perpetuus dictator non alio modo, quam hodie Cæsar est, fuit (3).

VII. Tiberonis sors.

Quum enim ageretur ab senatu quis esset mittendus in Africam ad tutandas Pompeii partes, placuit rem sortito gerere. Ergo plurima in urnam coniecta sunt nomina, quæ inter Tiberonis etiam fuit, cuique proficisci in Africam sorte venit.

VIII. In qua erat rex potentissimus.

Jubam significat Mauritanie regem, qui Pompeii amicissimus, Cæsari vero inuisus fuit.

XII. Similem illi gloriæ laudem quam sæpissime quærere.

Acceptam scilicet populo vel amabilem. Te plausibilem omnibus quam maxime diligentibus plebem.

(1) Cod. *Sillam*. A. M.

(2) Vide Appianum Bell. civ. lib. I, 95. A. M.

(3) Oratio pro Ligario habita est post bellum Cæsaris Africanum, quo tempore Cæsar jam tertiam dictaturam gerebat. A. M.

IN ORATIONEM
PRO REGE DEJOTARO
SCHOLIASTÆ AMBROSIANI
COMMENTARIUS.

I. Ad accusandum dominum.

Dejotarus enim trahens (1) apud Cæsarem suspicionem, quod ob dolorem amissi regni alieno animo esset effectus, purgandi sui gratia legatos miserat Romam Hieram, et Blesamium, et Astigonum (2), quibus servum suum Phidippum medicum adjunxerat: quem a pedibus legatorum ad criminandum regem Castor nepos idemque accusator abduxit.

III. Afflictum illum quibusdam incommodis.

Bene minuit injuriam regni amissionis, cujus eum Cæsar parte multaverat (3): quo extenuando quod passus erat, adimeret in Cæsarem justi causam doloris, ex qua insidiæ potuerant (4) oboriri.

IV. Ornamenta tu ipse plurima et maxima.

Non est, inquit, mirandum tantum auctoritatis habuisse Pompeium, qui quum divinis præcelleret ornamentis, etiam tuis *instructus est*. Vult autem intelligi, quod eum Cæsar ob tot exempla virtutis delegerit generum. Ornamenta igitur in Pompeium collata, filia Cæsaris intelligenda est (5).

(1) *Nempe contrahens*. Sic apud Cic. Philipp. III, 6: « Cognomen ex contumelia *traxit* », *nempe contraxit*. Et Ovid. Fast. 1, haud procul a fine: « Ille Numantina traxit ab urbe notam ». *Nempe ille* (Scipio Æmilianus) splendorem a Numantia *contraxit*. A. M.

(2) Ita cod. *Astigonum* in scholio, et inferius, cap. 15, *Artigonus* in textu. A. M.

(3) Id testatur Cicero de Divinatione, I, 15; II, 37. A. M.

(4) Cod. *poterunt*. A. M.

(5) *Nempe Julia*, quam Cæsar Cn. Pompeio collocavit. Vide Suetonium in Cæsare, 21. A. M.

Qualis rex Attalus (1) in P. Africanum fuit.

Rex Attalus populo romano arcissima fuit societate conjunctus, usque adeo, ut eum quoque regni sui heredem fecerit. Idem igitur oppugnanti Numantiam Scipioni non tantum a quibus fulciretur belli necessitas in Hispaniam misit, verum etiam dona pretiosa : quæ sumpsit gratulans Africanus. Regis Dejotari *tantam* in Cæsarem liberalitatem, *quantam* in Africanum Attali, fuisse confirmat.

IX. 1. Sequutum bellum est Africanum. Graves de te rumores.

Rumor enim repente ortus falsissimus fuit, Cæsarem in Africa circumjectu Maurorum cum omnibus copiis occidisse. Qua spe ad suscitandas Pompeii partes erectus Cæcilius (2) videbatur.

2. Admiranda frugalitas.

Sordidus enim, laudis egenus; in rege frugalitatem esse mirandam.

X. Suasor fuissem armorum non ponendorum, sed abjiciendorum.

Integris, inquit, rebus pacem Pompeio suasi, *et* arma debere deponi. Post Farsalicum (3) autem prælium *arma abjicienda*, non deponenda, Pompeio concederem (4). Dicit ergo : omnium nostrum infractis et comminutis animis, solus Castor constantiam retinebat.

(1) Ursinus in hoc loco Ciceronis mallet τῷ *Attalus* substituere *Antiochus*, a quo munera missa ad Scipionem narrat Liviana epitome, lib. LVII. Sed tamen et textus codicis nostri satis antiqui et Scholiastes confirmant lectionem *Attalus*, nec non reliqui omnes Ambrosiani codices. A. M.

(2) Nota tam textum codicis quam Interpretem confirmare hujus loci lectionem *Cæcilius* pro falsa *Cælius*, quam merito P. Manutius expunxit. Et quidem noster codex etiam in præcedentibus pro *Cælius* habet *Cæcilius*, quod idem Manutius malebat. Ex reliquis Ambrosianis codicibus unus habet ubique *Cæcilius* : quatuor nbiq. *Cælius* : duo capite octavo *Cælius*, capite nono *Cæcilius*, A. M.

(3) Ita sine adspirata *ph*, et vide dicta ad orat. in Clodium et Carionem, pag. 65, n. 2. A. M.

(4) Cod. videtur habere = quartas Pompeii concederem non deponenda etiam, Dixi ergo, etc. = A. M.

TABULA

RERUM

QUÆ IN HOC QUINTO VOLUMINE SECUNDÆ PARTIS
CICERONIS CONTINENTUR.

ARGUMENTUM	3
M. T. Ciceronis orationes. — Oratio pro P. Sextio.	
— Oratio secunda et tricesima	11
Argumentum	133
M. T. Ciceronis orationes. — Oratio in Vatinius.	
— Oratio tertia et tricesima	135
Argumentum	167
M. T. Ciceronis orationes. — Oratio pro M. Cœlio.	
— Oratio quarta et tricesima	173
Argumentum	249
M. T. Ciceronis orationes. — Oratio de provinciis consularibus. — Oratio quinta et tricesima....	251
Argumentum	295
M. T. Ciceronis orationes. — Oratio pro L. Corne- lio Balbo. — Oratio sexta et tricesima.....	299
Argumentum	349
M. T. Ciceronis orationes. — Oratio in L. Calpur- nium Pisonem. — Oratio septima et tricesima..	351
Argumentum	429
M. T. Ciceronis orationes. — Oratio pro C. Rabi- rio Postumo. — Oratio octava et tricesima	433
Argumentum	467

M. T. Ciceronis orationes. — Oratio pro T. A. Milone. — Oratio undequadragesima	473
Argumentum	549
M. T. Ciceronis orationes. — Oratio pro M. Marcello. — Oratio quadragesima	553
Argumentum	577
M. T. Ciceronis orationes. — Oratio pro Q. Ligario. — Oratio prima et quadragesima	579
Argumentum	605
M. T. Ciceronis orationes. — Oratio pro rege Dejotaro. — Oratio secunda et quadragesima	609
De Ambrosiano Commentario Editoris præmonitum.	641
In orationem Vatinianam scholiastæ Ambrosiani Commentarius	643
In orationem pro Marcello scholiastæ Ambrosiani Commentarius	648
In orationem pro Ligario scholiastæ Ambrosiani Commentarius	650
In orationem pro rege Dejotaro scholiastæ Ambrosiani Commentarius	651

FINIS QUINTI VOLUMINIS.

